

UTL AT DOWNSVIEW



D RANGE BAY SHLF POS ITEM C
39 12 05 23 08 029 0

DR
475
E619
1910


Engelhardt, Édouard-Philippe
Türkiye ve Tanzimāt

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

1772

10/140



Engelhardt, Édouard-Philippe

مؤلفی : ا. د. ائدوارد

فرانسه سفراستندن

تُرکیا و تنظیمات

فیه لایحه عثمانیہ تاریخ اصلاحات

۱۸۸۲-۱۸۲۶

Türkiye ve Tanzimat

مترجمی :

علی یار

استانبول ولایتی معارف مدیری و مالیه و سلطانی مکتبیلری تاریخ عثمانی معلمی

طابع و ناشری :

باب عالی جاده سنده قناعت کتبخانه سی صاحبی الیاس

کتابخانه
قناعت

هر حق محفوظدر .


استانبول


مرتین عثمانیه مطبعه سی : قوماندیت شرکتی — ابوالسعود جاده سی نومرو ۶۸

۱۳۲۸

DR
475
E619
1910

فتاویٰ کتب خانہ
باب عالی جہادہ سندھ





مقدمه مترجم

انظار قارئین عثمانیہ عرصہ ایلدیکیمز بوائزك مؤلفی فرانسه دیلو مانلر ندره موسیو
 «ار. انکه لرهارد» در. یلکرمی سنه دده زیاده ممالك عثمانیه دده مأموراً بولدره
 اورته ایلیچیلکه ترفیع ایلده موسیو (انکه لرهارد)، تاریخخیزك سلطانہ محمودانینک
 اواخر سلطنتندره ۱۸۸۲ سنه میلادی سنه قدر اولاده دوره مرهمه سنده اک زیاده
 تبعه ثابانه اولاده «تنظیمات» حقیره ترقیقات عمیقده بولنسه، برهوج
 و تائق طویلده، نرايت نتیجه ترقیقاتی بوائز معتبر ایلد نشر ایتمدر.

السنه غریبه دده ترجمه سنه شدته محتاج اولدیغیمز آثار جدید تاریخیه دده بری ده
 «ترکیبا و تنظیمات» در. بز آرزو ایلردک که دهها مقتدر قلملر بوائز لسانمه
 نقل ایتمسونه، بالکز نقل ایلد اکتفا ایتمیزك مؤلف محترمی کبی تبعاتده بولنسونه،
 اکسیک قالاده جریندی اکمال، بزجه بادی تردد اولاده نقطه لری توبردایضاح
 ایلمسونه ... مع التأسف بویلده بر تثبت وقوع بولدی. (سنیوبوس) ک
 ۱۲۰۰ یوک صحیفه لک (تاریخ سیاسی) سنک اکمال طبعی، مترجم و طابعجه
 مدار تبول اولدوجو درجده مظهر رغبت اولسی (ترکیبا و تنظیمات) ک
 ترجمه سی مخصوصنده بزجه حسارت ویردی.

کتابک حرفیاً ترجمه ایلرلنسه اغنا اولنمدر. بضاعه سنلکه منضم اولاده
 وقتک عدم مساعدی، یوقاربده بحث ایلدیکیمز توسیعات و تشریفاتک اهرانه
 مانع اولدی. بر نقطه نظر دده ائک بر کلمه سی بیلد دیکشیرلر دده لسانمه
 نقلنی دهها مناسب کوردم؛ قارئین عثمانیه نکه خوشه کیتین، هیزک حسابات دینه
 و ملیه می جریجدار ایلده کلمات و عباراتی عیناً ایفا ایتدم. بوصورتله،

السنة غريبيه واقف اوليانه قارئ اور دىالى مورخلك مملكتن حقننه كى افطار
و مطالعانه حقيله كسب وقوف ايدنه بقطر در .

ترك اهميت و قيمت مخصوصه منه كلجه ، بونى قارئرمز ، شهره يوه كه ،
بزده دها اى تقدير ايله بقطر و تزيقات عميقه محصولى اولانه بويده بر كتابك
عثمانى ارباب قلمى طرفنده هنوز يازيله مديفنه و بلكه ده يك چوه زمانه
يازيله مديفنه متأسف اوله بقطر در .

على رشاد

مقرى كوى ، تموز ۱۳۲۶





مقدمه مؤلف

سلطان محمود ثانیك اواخر دور سلطنته طوغری ، باخصوص سلطان عبدالمجیدك جلوسندن مقدمكى قاریشیق زمانده ، دولت عثمانیه داخلأ وخارجأ موجب انحلال وانفساخی اولان برچوق عوامل ومؤثرات شدیدیه معروض اوله رق حیات ملیه سی اساسندن صارصیلمش اولمسیله اندراسه محكوم کبی کورنمکده واحتمال سقوط وزوالی ، چاروناچار ، عصر حاضر دیپلوماتلری درین درین دوشوندیرمکده ایدی .

دولت عثمانیه ، دوره انحطاطك الك مظلم ، الك فنا کونلرینی آندیران بوهنکام بجرانده دوچار اولدینی ورطه تدنیدن کنبدینی قورتامغه ، دامارلرینه یکی بر عصاره حیاتیه زرق ایله تازه حیات بولمغه چالیشدی ؛ اوزمانه قدر دائماً قاجیندینی ، یانجی کوردیکی بر مدنیت ایله حال تماسده بولمق ، اومدنیک تأثیراته تابع اولمق ایستدی ؛ بوصورتله ، یکدیکرینه روابط مدنیه ایله مربوط اولمندن طولانی کتله واحده تشکیل ایدن اوروپا دولترلرینک معاونت معنویه وخیرخواهانیه سی جلب وتأمینه غیرت ایتدی ، وکونک برنده ضرورت حکمنی آلمسی محتمل اولان عالم عیسویتك باربارلق عالته قارشى اتفاقی تأخیره موفق اولدی .

بودولت اسلامیه ، ماضیده اولدینی کبی ، اداره حکومتده یالکز جبر وشدتی دستورالحرکه اتحاد ایدرك بر درلو تمثیله موفق اوله مدینی اون ویا اون بش میلیون رعایایه قارشى تضییقات وتعدیانه دوام ایتمش اولسه ایدی دوچار اوله جفی عاقبتك نه اوله جفی آکلامق ایچون (یونان) استقلالی ایله (ناوارین) محاربه بجریه سنی چشم انتباه اوکنده بولندیرمق کافیدر . اوزمان ، شبهه یوق که ، (روسیه) نك دولت عثمانیه یی بر عصر دئیری تهدید ایلدیکی عاقبت وخیمه حصول بوله جق ایدی .

دولت عثمانیه‌نک، میزان سیاستده اسکینه نسبتله ده‌ا خفیف برثقلت اولقله برابر، الآن (اوروپا) موازنه‌سنک عناصر اساسیه‌سندن بری اوله بیلیمسی یالکیز دول معظمه آره‌سنده کی رقابت حسودانه‌دن، ممالک عثمانیه‌نک تقسیمسی و یادول سائریه قارشئ مدافعه‌سی خصوصنده وقوعه کله‌جک مجادلات و مبارزاتی نظر دفته آلان دولترک بومجادلاته میدان ویرمه‌مک اندیشه‌سندن نشأت ایتمه‌مشدر. «تنظیمات»، آمال احرارانه‌نک بالاخیار تظاهر ایتمش بر اثری اولقی اعتباریله، پک قورقونج احوال ایچنده ترکیانک فلاح ونجاتنه زیاده‌سیله یاردم ایلمشدر؛ صرف محافظه موجودیت حسنک سوقیله ترتیب اولنان بولایحه اصلاحات عالم اسلامک دوچار اولدینی سلسله نکبت وادبارک بر آراق نتیجه ضروریه‌سی ظن اولنان «اوروپادن هجرت عمومی» ته‌لکه‌سنک اوکنی آلفه خدمت ایتمشدر؛ بوتنظیمات سایه‌سنده درک رجال عثمانیه‌دن برینک زرده بیان اولنان سوزلرینک تصویر ایتدیکی وخامت حال وموقع موفقیتکارانه برصورتنه برطرف ایلمشدر: قپودان دریا خلیل پاشا ۱۸۳۰ تاریخنده شوسوزلری سولشدی: «روسیه‌دن عودت ایدیورم. عودتمده هرزماندن زیاده قانع اولدم‌که اکر اوروپایی تقلیده مسارعت ایتمز ایسه‌ک بزم ایچون آسیایه دونمک مجبوریتدن بشقه چاره یوقدر.»

ایشته، سبب‌وضع واعلانی اعتباریله نظردقیقندن کچیریلر ایسه، تنظیماتک، بتون ترک ملتی افکارنده اولسه بیله هیچ اولمازسه ارکان حکومتک افکار و آمالنده یکی بر وجهه استقامت حصوله دلالت ایدن بر وقعه تاریخیه اولان بواصلحاتک اهمیت و قیمت سیاسیه‌سی، شبهه یوق‌که، بالاده بیان اولندیگی وجهله‌در.

تنظیماتک کرک هیئت عمومی، کرک اقسام مرکبه‌سی اعتباریله تدقیقندن حاصل اولان نتیجه عملیه‌نک ببتون بشقه بر ماهیتده وبلاشبه ده‌ا قاریشیق اولدینی میدانده‌در. یاریم عصردن زیاده بر مدت موقع تجربه‌یه وضع اولنان بواصلحاتک تکملات تدریجیه‌سنی تعقیب ایدنلر موفقیت بخش بر نتیجه ویردیکنی ادعا ایده‌بیلیرلرمی؟ تنظیماتی وجوده کتیرنلرک وبونی نظرخیرخواهی ایله کورنلرک فکرنبجه اصلاحات، ترقیات اولیه‌نک حصولی ضامن اوله‌جق ایدی؛ حقیقت حالده دخی بویله‌می اولمشدر؟

ترکیانک، کندی دوره تاریخیه سنک شوآن مهم و قطعینده حله مجبور اولدینی مسئله نك نقاط اساسیه سنی بوراده خاطره کتیرمک لازمدر.

تنظیماتدن مقصد عمومی، هیئت اجتماعی اسلامیه بی عصر لرحه زماندن بری مغنا و سیاست آیری بشامش اولدینی هیأت اجتماعی خرسینیانیه یه یاقلاشدر مقدی؛ بویله بر تشبثک موجب اولدینی مشکلاتک ماهیت مخصوصه سی حفسده شبه و ترده محل یوقدر. هیچ شبهه یوقدر که عثمانلی امپراطور لغنی قرون وسطاده بولندینی نقطه ده براقان، قرون و سلطانک ظلمت کشفه سی ایچنه کوندن کونه دها زیاده باتیره رق نهایت کونک برنده بسبتون نابود اولسنی انتاج ایده جک کبی کورونمش اولان مؤثر، حکومت عثمانیه نك (اوروپا) هیئت دولیه سی خارجنده، حال انفرادده قلمنی ایدی و بو انفرادک سبب حقیقی سی ده دین ایدی.

فی الحقیقه حکومتی تأسیس ایتش اولان اسلامیت، ناظم و حاکم مطلق حکومت اوله رق قالمشدر، قرآن ایله قانون مدنی بر ایدی. تشکیلات ملیه ایله عقائد دینه یکدیگرندن تفریق ایدیله میه جک صورتده قاریشمش اولدیغندن تشکیلات ملیه ده عقائد دینه کبی لایتغیر و قطعی ایدی.

ترکیانک، آرتق روی استغنا کوستره میه جکی استلافی حصوله کتیرمک ایچون اورته ده کبی مانعه یی یا بسبتون ازاله، یا خود تخفیف و تسویه ایتک، یعنی حکومتی عالم خرسینیانیده اولدینی کبی قوانین دینه نك تأثیراتندن آز چوق آزاده برحاله کتیره رک روحانیتدن دنیویته تحویل ایلک، یا خود عقائد اساسیه یی سربسته جه تفسیر ایتک صورتیه یواش یواش تحدیدات و تقییدات دینه دن قور تارمسی ایجاب ایدیوردی.

حکومت عثمانیه، هرشیدن پک چابوق متأثر و منفعل اولان جاهل و متعصب بر خلقک موجب اغبراری اوله جق حالاتدن احتراز ایتک ایچون بوایکنجی شقی اختیاره قرار ویرمشدی.

تنظیمات، اساسی، غایه سی، تطبیقاتی اعتباریه پک کوزل تعریف وایضاح ایدیله بیلیمکه برابر حال و موقعک ایجاب ایتدیردیکی بر لازمه سیاست اولق نقطه نظرندن دها قطعی و صریح بر شکل آلیر. (اوروپا) نك یورولمق بیلیمین فعالیتی ایله صاغدن صولدن صیقشدریلان و صوک درجه وخیم بر موقعده

بولان برحکومت طرفندن قبول ايديلن تنظيمات ، هرشيدن اول (اوروپا) يي نمون ايتک و ترکيايه قارشى دها ملايم و مساعده کار طاوراندير مقصدينه مبتنى ايدى ؛ بو احتياج مبرم قارشيدنده قالان ترکيا (اوروپا) نک توجهنى قازانق ايجون رعايابه اعاده حقوق ايتک ، ملت غالبه ايله ملت مغلوبه ، يعنى اسلاملر ايله خريستيانلر آرسندنه قاعده مساواتى قبول وتدریجاً تطبيق ايتک مجبوريتنده ايدى .

بکا قاليرسه ، تنظيمات ، منقدين اجانب طرفندن بوايکي نقطه نظرندن تدقيق و محاکمه اولمليدر ؛ بوايکي نقطه نظر آرسندنه کي فرقى وضع وتعيين ايلدکن صکره ، تنظيماتک حين تدقيقنده کي تتبعات و تحرياتک اساسى ايصاحه مسارعت ايدبورم :

سلطان محمودک دور سلطنتنده و سلطان عبدالحيدک اوائل حکومتنده ترکيا تکنهسى ، ديرکارى ، يلکنلرى محتاج تعمير وتجديد و طائفهسى لازم التبديل برسفينه بکزه يوردى .

اسباب و وسائل مقتضيهسى اولجه تدارک و اکمال ايدلمدن بو درجه اساسلى بر تحوّلک ، مطلقيت اداره اوزرينه مؤسس بر حکومتک غيرت و همتيله بيله ، ناکهان حصوله کله ميه چکي ادنى ملاحظه ايله آکلاشيلير . بويله بر تحوله تابع بولنديريله جق اقوامک عادات و آدابى ، شرائط اجتماعيه سنى ، ابا عن جد کوردیکی تربيه يى ، حتى اعتقادات باطله سنى بيله نظر دفته آلمق لازمدر . ترکيدان قات قات مترقى ، اهاليلى دها متجانس ، دها بيوک بر قوه مقاومه يه مالک مملکتلرده بيله آنجق مرور زمان ايله ، افکارک ترقيات تدريجيه سييله ، منافعک يواش يواش آکلاشيلمسييله ، ياخود طول مدت دوام ايدن خونريزانه اختلاللر نتيجه سنده تقرر و تأسس ايدن موضوعات و قوانينک ممالک عثمانيه کي مختلف عرقلره منسوب اقوامدن متشکل اولدقدن بشقه اوزون مدت (اوروپا) مدنيتي خارجنده قالمش بر حکومت طرفندن همان قبولنى طلب و ادعا ايتک کار عاقل دکلدر .


غايث بسيط اولان بوملاحظه ، مناقشات روز مره صره سنده اکثريا اهمال اولنمشدر ؛ حال بوکه بونک اهميت عظيمهسى درکاردر . تنظيماتک نتايج

اجتماعیه ، سیاسیه و اداریه سنی عقل و منطق دائره سنده محاکمه ایتمک ایستینلرک
 بو مطالعه یی بر آن بیله نظر دقتدن دور طوتملری جائز اوله ماز .
 مسرودات آنقه ، بوکون درعهده ایلدیکم وظیفه ده نه درجه التزام بیطرفی
 ایله حکمه دلیل اولسه کرکدر .

ممالک شرقیه ده یکریمی سنه یی متجاوز امتداد ایدن اقامتم ائساننده مختلف
 منبع و مأخذلردن اخذ و اقتباس ایله بعد التحقیق صحتنه قانع اولدیغم معلومات
 و تفصیلات جدیدینی دولت عثمانیه نك تاریخ اصلاحاتنه درج و علاوه ایدیورم .
 بعض منابعدن طوغریدن طوغری یه اقتباس ایدرک خصوصی نوظلری تشکیل
 ایدن معلوماتدن بشقه الده ایتدیکم وثائق غیر مطبوعه بر چوق امک صرفیه
 وجوده کلن بو اثره اساس اتخاذا ایدلمشدر . اثرم نه قدر نا تمام اولسه ، ینه ،
 سیاست بین المللک اک مشوش مسائلندن برینی تدقیق ایتمک ایستینلره خدمت
 ایلده جکدر .

پارس ، کانون ثانی ۱۸۸۲ انکه لهارد





تَرْكِيَا وَتَنْظِيمَات

فِي اَيْمَانِيكَ تَارِيخِ اَصْلَاحَاتِنَا

برنجی قسم

۱۸۵۳ — ۱۸۲۶

برنجی باب

بکیریدک الحاسی

تاریخی ، زور بازویه مستند تشبثات و فتوحاتک هیجان آمیز صفحاتی ایله
مالی اولان بر مملکتده جبر و شدت اولمهدن حصول ترقیات ممکن دگلش کبی
ترکیاده دوره اصلاحات قانلی بر نتیجه ایله باشلادی .

سلطان محمود ثانی بدایت جلوسندن بری ، مسلك فتنه جویانه لریله قوه
حکومتی دوچار اندیشه و محکوم عقامت ایدن ، ذاتاً خدمات سابقه لرینک
کندیلرینه قازاندردیغی شان و شرفی نظر خلقده غائب ایش اولان یکیچریلرک
کسر قوتنه ال آلتدن چالیشیوردی . تسلیحات و تجهیزاتی ایجابات زمانه ،
اصول حربی فنون جدیدیه توافقی ایتمین تشکیلات عسکریه بی ، یکیچری
اردوسنی کلیاً تبدیل ایدرک امر مطلق صفتیه اجرای حکومت ایتک
املنده ایدی .

عمجه سی سلطان سلیم ثالث بوایکی املی طول مدت تعقیب ایلشیدی .
لکن بتون مساعیدی بومدهش اوجاغک مقاومتی ، عادات قدیمه وافکار
باطله نك تحت تأثیر واسارتنده بولنان تبعه سنك تعصبی قارشیسنده عقیم
قالمشدی . تحت سلطنتی تقویه ، عالم اسلامک قوتی تجدید و تزئید ایده جکی
ظن اولنان بوامر عظیمک حین اجراسنده سلطان محمود ، سلطان سلیمدن
زیاده مهارت و بلکه ثبات کوسترمشدر . مشار الیه پک زیاده غرور صاحبی

اولفله برابر النده کی وسائط کفایتسز لکنی ، کندی تشبث شخصیسنی درچار مشکلات ایدہ جک موانع مختلفہ نك ماہیتی بیلمز دکل ایدی . بوندن بشقہ مملکتک حال یتابی و پریشانیسی ہر کس کجی حس و تقدیر ایدیوردی . حکومتک اجرا آئندہ کی شدت ، کنڈیسنہ عطف اولان آمال تجدید پرورانہ سبیلہ ملتک بغض و عداوتی جلب ایلش اولان سلطان محمود ، سنہلردن بری بر آووج خرستیان عصانہ قارشى وقوع بولان مبارزات و مجادلاتک کاه مساعد و کاه غیر مساعد صفحہ لری یوزندن اعتبار و حیثیت حکمداریسنک کوندن کونہ دہا بیوک برتہلکیمہ معروض بولندیغی آکلا یوردی .

مشار الیہ صبر ایتدی ؛ خدعہ یہ مراجعت ایدرک قوانین و موضوعات موجودہ یہ لایتغیر بر حرمت کوستر رکجی اولدی وایلک تشبثات اصلاحاتکارانہ سنی بوپردہ حرمت و تعظیم آئندہ کیزلدی .

۱۸۲۶ سنہ سی مایسنک یکر می سکزندہ ، بالجلہ مصارف تجہیز یہ و اعاشہ سی جانب خزینہ دن تسویہ ایدلک و منتظماً تعلیم کورمک اوزرہ یکی بر صنف عسکرک تشکیلی آمر اولہرق تسطیر ایدیلن بر خط شریف درسعادتہ موجود پاشارک ، علمانک ، یکیکچری آغالرینک حضورندہ قرائت اولندی . یکیکچری اواجغی ابقا ایدملکہ برابر یکی اردونک تشکیلی ایچون پایختہ بولنان ہر یکیکچری « اورطہ » سندن یوز الی کشینک افزای قرار گیر اولمشدی . اساساً نظام جدیدک تجدید و احیاسندن بشقہ بر شی اولیان تشکیلات جدیدہ عسکر یہ حقندہ کی خط شریفہ سلطان سلیمک احداث کردہ سی اولان قانون عسکری ، او منفور نظام جدید اصلاً و قطعاً قالہ آئنامشدی . بوکا مقابل سلطان سلیمان قانونینک وضع ایتدیکی نظاماتدن اوزون اوزادی یہ و ثناکارانہ بر صورتہ بحث اولہرق صنف جدیدک تأسیسی بو بیوک و مظفر پادشاہک وجودہ کتیرمش اولدینی قوانینہ رجعت و عودت صورتندہ کوسترلمشدی . ذاتاً خط شریفہ افراد جدیدہ نك خرستیان اجانب طرفندن دکل ، اروپا اردولرینک مانوورہ لریلہ کسب انسیت ایدن عرب ضابطانی طرفندن تعلیم و تربیہ ایدیلہ جکلری محرر ایدی .

بو احتیاطکارانہ حرکت سایہ سندنہ خط شریف بدایت صدورندہ یکیکچریلرک ممانعت جدیدہ سنہ اوغرامدی . ہر بلوکدہ بر امامت تشکیلہ و بوکا

بالآخره بر قاضیلق علاوه سنه قرار ویرلش اولسی علمانك بيله خط شریفی اولدجه حسن تلقی ایتملرینه سبب اولدی .

بر صورت ماهرانده ترتیب ایدیلن بو پلان ، یکچیری اوجاغنجه هیچ بر تبدل اساسی یی مستلزم اولمدقدن بشقه بو اوجاغك حائز اولدینی امتیازات و معافیات منفعت بخشایی بيله تصدیق و تأیید ایدیور و عینی زمانده یونان عصاتنك جرأتلری ، دائمی صورته مداخلات اجنبیهك احتمال وقوعی یوزندن حال غلیانده بولان ملته بر نوع ترضیه ویرلش اولیوردی .

مع مافیه بو اجراءات هیچ راحت طورمیان ، مدهش بیوندروغی قیرلق ایستیلن یکچیری اوجاغنه ایندیر یله جك ضربه لرك برنجیسی ایدی . سلطان محمودك آرزو و اراده لرینی انفاذ ایدن حسین پاشا شو سوزلری سویلشدی : « بر کوشکم وار ، شمدی بکا بر یالی لازمدر . بالاخره کندیمه بر سرای یابدیره جغم . » بو معمایه مشابه سوزلر سابق آغانك [۶] تصور ایتدیکی تشبثات و اجراءاتك صفحات مختلفه سنی ارائه ایدیوردی .

هر هانکی بر ایشك نتیجه طبعیه سنی وسائط شدیدیه استعمالیه تسریع و تعجیل ایتمه کی دستور حرکت اتخاذ ایدن ، بو مسلکدن اصلاً انحراف ایتمین سلطان محمود یکچیر یلرك باشلیجه مظاهر و استنادگاهی عد اولسان علما هیئتی آره سنه القای نفاق ایچون پاره ایله جلب و اطماع و کسر نفوذ کی وسائطه مراجعت ایتکی وظیفه ایدیندی . اوجاغك اك بیوک مناصبی اك آرزو سرکش آغلاره تودیع اولدینی کی فتنه و فسادده اك ایلری واران آغلار طشره لرده کی قوماندانقلاره تعیین ایدلایلر . حتی رتب و مناصبک ترتیبائی سرائیک بو کیفی انتخاباته ، مقاصد خفیه سنه خادم بر صورتیه وضع اولندی .

مع مافیه سلطان محمودك آمال و مقاصدی ، مشارالیهك افکارینه ایدن ای یه واقف اولان محرملرینك ظن و تخمین کی ، آکلا شلمیه جق ، حس ایدلیه جك برحاله دکل ایدی . سلطان محمودك پلانلری منسوب اولدقلری اوجاغك اصول و عاداتنه پک رعایتکار اولان و بو اوجاغك منافعه اصلاً خلل کله سنه فوق العاده اعتنا و غیرت ایدن یکچیر یلرك بر قسمنك نظر دقتدن قاجامشدی . لکن بونلر اللرنده کی قوتك درجه سنی تعیننده یا کلدقدن بشقه باب عالی یه القا

[۶] آغا پاشا نامیه معروف اولان حسین پاشا اولجه یکچیری آغایی ایدی .

ايتدکلى خوف و دهشتهده لزومندن فضله کووه نمکده ايدىلر . حقوق و امتيازات مخصوصه لرىنى تحيد ايجون سرايجه وقوعبولان هر بر تشبى ، اطاعتلرىنى آتون بهاسنه ساتون آلديرمق ايجون امين برواسطه کي تلقى ايدن بو بصيرتکار آدمىلر بو دفعه خنکارک کنديلرينه قارشى احضار ايتديکي قوت و وسائلك جدیت و اهميتنى آکلايه مامشلىر ، دوراندیشانه بر نظر ايله کوره مه مشردى .

هر نه حال ايسه ، ۲۶ مایس تاريخلى امرنامه نك نشرىنى متعاقب اهالى آره سنده ظاهرأ حکمفرما اولان سکون و سکونت حکومتى جسارتلنديرديکندن آرتق اختلاللر بلا مرحمت تسکين و متردد اشخاص ازاله ايدلمک باشلادی . اصلاحات عليهنده سويلانن ، اعتراض ايدن بعض کيمسه لرك بونى اورولدى .

بو معاملات و اجراءات شديد ۱۵ حزرانده بر عصيان ظهورىنى انتاج ايتدى . بو حرکت عصيانيه دخى فاعل و مشوقلى ايجون مشوم اولدينى قدر غير منتظر بر عاقبه سبب اولدى . يکچريلر عليهنده احکام قرآنيه و شرعيه دن مقتبس دلائل و برهينى حاوى بر امرنامه ايله بو اوچاق کاقه حقوقدن اسقاط و صورت قطعيه ده الفا اولدى ، عيى زمانده بتون يکچريلر قسماً طاغيدلى ويا قتل ايدلى . [حزرانك اون بشنده در سعادته اولديريلن يکچريلر عددي آلتى ، يدى بيک ، نفى اولنانارک مقدارى اون بش ، اون آلتى بيک راده لرنده تخمين اولنور .]

بعض مورخينک فکر و رأى خلافده اوله رق ، ات ميدانى قتالنده اولجه دوشونلش ، ترتيب ايدلش بر پلانک اثرىنى کورمک خطادر .

حکومتک يکچيرى اوچاغنى اساس اتخاذايدرك بو اساس اوزرينه زنده و فعال يکي براردو تشکيل ايتمک قدرتنى کندنده حس و بوتصورى قوه دن فعله چيقارمغه عزم ايتديکنده شبهه يوقسه ده يکچريلرک افعال و عدم ممنونيتى موجب افعال و حرکاتدن احتراز ايتمى کنديسنى بو اوچاغى برضربه ده فسخ و الفا ايدمک قدر قوتلى حس ايتمه مسنه دليلدر . معافيه حکومتک اولجه هر درلو احتمالى نظر اعتباره آلهرق احتياط و تأتى ايله طاورامق جهتى التزام ايتمسه بجرانک بدايت ظهورنده سنجاق شريفک چيقارلمسى منضم اولمش

و بو سایه در که سلطان محمود برنجی مصادمه ده مقاومت کو سترمش و نهایت غلبه چالشد .

۱۵ حزیران بیاننامه سی بر فکر جرأتکارانه نک محصولی ایدی . حسین پاشانک معاونته مظهر اولان سلطان محمود آنسزین ایشه بر نهایت ویرمکی عزیم ایتدی ؛ و بو صورتله وارینی ، یوغنی ، بتون موجودیتنی تهلکه یه القا ایلدی .





ایکینچی باب

یکچیریلرک اسباب محوری — ایلک اصدمات عسکریه واداریه تشبہاتی —
ملطانه محمورک معامورت کیفیسی، مجرد صفید کفایتز لکی — اھالینک
یأس وفتوری .

اولجه مستحیل عد اولنان بوغیر مأمول موفقیت سپاہیلرله جبه جیلرک
الغاسی و سائر صنوف عسکریه تشکیلاتنک بوزولمسی کی تشکیلات عسکریه
ملیه بنای قدیمی خراب ایدن بعض تدایره مقدمه اولدی .

اوزمان ترکیا، اسباب مدافعه دن محروم اولدینی حالده، خارجدن کلمسی
ملحوظ اولان بالجله مهالکه و بوندن بشقه هرھانکی متشبث برسرکرده طرفدن
ایقاع ایدیلرک برعصیان داخلی تھلکه سنه دخی معروض بولنیوردی . اداره
سابقه اعدا تا یکچیریلرک موجودیتیله قائم اولدیغندن بو اوجاغک اورتدن قالمسی
اوزرینه دولت عثمانیه نك همان بالجله قوانین و موضوعاتنده تمذیلات و تحولات
حصوله کتیرمک لزوم مستعجل و مبرمی باش کوستردی، که بو حال ترکیانک
برقات دھا بحرانی بر موقعه قالمسی انتاج ایلدی . نه چاره که بو وظیفه مبرمه
و مستعجله یی ایفا ایدم بیلیمکه مهیا بر حالده دکل ایدی .

هرشیک یالکز بر آدمک رای و اجرا آتسه مربوط اولدینی بو انقلاب
دوره سنده سرایده برعصیان ظهور ایدوبده سلطان محمود تختدن ایندیرلمش
اولسه ایدی مملکت هر ج و مرج اولور، حکومتسزلک باش کوستردی .

دول اجنبیه قابینه لری، سرایده قورولمش چادیر آلتنده طوبلانان دیوان
اعضاسی قدر و بلکه آنردن زیاده، یکچیریلرک الغاسی مسئله سیله مشغول
اولورلر و هرھانکی جهتدن تدقیق ایدلسه ترکیا دولت اسلامیه سنک مقدراتی

اوزرنده قطعی بر تأثیر اجرا ایتیمی محقق اولان وقعه اخیردنك نتایج ممکنه سی
حقنده اظهار اندیشه ایدیورلردی . هر نه قدر وقعه مذکور دنك ترکیانك
یکیدن کسب حیات و قدرت ایتسنه سبب اوله بیله چکی وارد خاطر اوله بیلیر
ایدیسه ده عین زمانده بونك - الغا اولنان تشکیلاتک یرینه کمال سرعتله تشکیلات
جدیده اقامه ایدلمدیکی تقدیرده - چوق زماندن بری تدنی و انحطاط آناری
کوسترن دولت عثمانیه دنك اضمحلالنی تسریع ایتسندن دخی قورقولیوردی .

اوزمان بتون افکارده بیوک بر تشوش حکمفرما اولدینی کی شعبات
اداره دخی دهشتلی بر هرج و مرج ایچنده ایدی . اردونك یکیدن تشکیلنه عائد
الکمبرم و مستعجل تدابیری اتحاد ایتک وظیفه سیله مکلف اولان حربیه ناظر یله
لوازمات عسکریه اداره سی کندی دائرة صلاحیتلری داخلنده ابراز فعالیت
ایدیورلر ، فقط بوفعالیت درجه سنده آناروقوف و کار آگاهی کوستره میورلردی .
بونلر تنویر فکره مدار اوله بیله چک هر نه واریسه آنی تحری ایتمکه مشغول
اولیورلر ؛ هر یردن کتابلر ، موده لار طلب ایدیورلردی .

(اوروپا) اصولنجه ضبط وربط آلتنه آلنان والیسه لری (اوروپا)
یچمنده اولان عساکر جدید بر آراق خوف و دهشتدن نه یاه جغنی شایر مش
اولان اهالینك کوزی اوکنده تعلیملرینه دوام ایتمکه ایدی . خلق ، بر آهنگ
و انتظام دائرة سنده اجرای تعلیم ایدن برقچ طابوری کورنجه اصلاحات پرور
پادشاهک اجرا آتی شوق و مسرتله یاد ایدیورلردی .

حسیات وطنیه دنك کچیجی ، فقط شدید بر صورتده غلیانه کلدیکی اوصره لرده
مسلمانلرک کین و نفرتنه اوتدنبیری هدف اولان روسلرک صیق صیق ،
(موره) شبه جزیره سنده ظهور ایدن اختلالده اهالی طرفدن ذیمدخل
اولقله اتهام اولنان انکلیزلرک آره صره افواه ناسده یاد ایدلدکلری کورلمشدی ؛
بونقطه بالخاصه شایان تذکاردر .

لکن حمای خیالات چوق سورمیه چکدی . هر طرفده حکمفرما اولان
تردد و اطراد سنزلقدن ، بیوک بر تردد ایله اجرا اولنان تجربه لردن ، حکومتجه
اتخاذ اولنوب بینلرنده هیچ بر رابطه ، هیچ بر مناسبت موجود اولمیان
منطقسز قرارلردن متولد حس عصیت و اندیشه چوق کچمه دن مناظر

عسکریه نك حصوله كتریدیکی تهیجات غیر طبعیه نك یرینی طوته جق ایدی .
فی الحقیقه کیت کیده آرتان عدم خوشنودی ، نهایت باب عالی بی تصور لرندن
بعضیلرینك اجراسنی وقت آخره تعلیقہ مجبور ایده جك قدر تهدید آمیز بر
شكل آلدی .

دینه ، حکومتہ ، اردویہ ، عدلیہ ، زراعتہ ، تجارتہ شامل اولق اوزره اك
بیوك رجال دولتدن مرکب برشورای مخصوص طرفدن تدقیق وتذکر اولنان
برسلسلهٴ اصلاحاتدن بحث اولنیوردی . بپروغرام حقندہ اورته ده دون
شایع لرك بسبتون بی اصل و اساس اولدیغنی اثبات ایدن برشی وار ایسه
اوده شورای مخصوص رئیس غرض بلك حوادث آلمغه مراقلی برانجی
دیپلوماته سویلش اولدیغنی شو سوزلردر : « بز پروغرامیزی موقع اجرایه
قویه جغز . لکن صبر ایتملی . هرشیئ بردن یاپامیز . نه قدر چوق اعتقادات
باطله یه وعادات قدیمه یه غلبه چالغہ مجبور اولدیغمیزی بیلسه کز ! ملتزمه عادتاً
یکی برلسان اوکرتمك قدر مشکل بروطفه قارشیسندہ یز . »

افکار عمومیه نك درجهٴ اهمیت و شمولی اعظام ایتدیکنه شبهه اولیان
بواسرار انکیز مذاکراتك بر نتیجه یه اقتران ایتمسه انتظاراً ، خنکار ، درسعادت
ایله جوار کوبلرك تقسیمات اداره سنجه ، ضابطهٴ محلیه امورنجه بعض تبدلات
اجراسنی امر ایلدی . عین زمانده کرك کندینك ، کرك سلطانلرك اقامت
ایتدکری سرایلرده جاری طرز معیشتك قسماً دیکشدرلمسی ایچون امر
ویردی . اوزمان آغزندن آغزه طولاشان رسمی برسوزه نظراً اجراآته
ضمریه نمونهٴ امثال اولسی لازم کلن درسعادتدن باشلامق اقتضا ایدیوردی .
کذا صدر اعظمك سائر پاشالره حسن مثال کوسترمسی مطلوب ایدی .

بونك اوزرینه آسیاده اون سکز ایالت ویا بیوك پاشالقلرك عددی درده
ایندیلمك صورتیه خدمات عمومیه جه ده محدود بر مرکزیت اصولنك
تطبیقنه تشبث اولندی .

لکن هرشیدن اول مضایقهٴ مالیه یه چاره ساز اولق ایجاب ایتدیکندن التزام
ومقاطعات امیرییه نك صورت جباتی ، تبعهٴ خرسیتیانیه دن تحصیل اولنان
جزیه نك تزییدی ومأمورینك منع ارتکاباتی حقندہ برقاج نظامنامه قلمه آلدی .

سلطان محمودك، كندی نفوذ و حاكیمتہ مخالف و دشمن اولانر ایاہ
 كیریشدیكى مبارزده ماہر برسیاسی كبی حرکت ایتكلہ برابر، احراز ایتدیكى
 مظفریتك كندینہ تحمیل ایتدیكى مجددك وظیفہ سنی بحق ایفادن عاجز
 قالدیغی چوق كچمہدن آكلاشیلدی. ملتی مدنیت غریبہ یه آلیشدرمق ایچون
 (اسیا) خلقنه مخصوص عاداتی منع ایتمش اولان بیوك (پترو) نی تقلید
 هوسنه دوشن سلطان محمود كندینی بستیون ظواهره ندرجه اهمیت ویردیكى كوسترمكدہ ایدی.
 سلطان محمود، هر یردن زیاده ترکیاده حکمدارك حیثیت حقیقیه سنه
 اساس عد ایدیلن عادات و اطوار و قورانہ و متحکمانہ یی بردنبره ترك ایلدكدن
 بشقه من القدیم جاری و مرعی اولان مراسم تشریفاتیه یی و كندی اطوار
 و اوضاعیه قیافتی دكیشدیردی. وكلا ایلہ مجلسده حاضر بولان علمانك
 حضورنده اوطورملرینه مساعده ایتدی. ۱۵ حزیراندن صكره سوقاغه
 مصرلی قیافتده چیقاردی؛ صقانی قیصه كسدیردی. صقاللری اسكى طرزده اوزون
 اولان رجال دولتی تكسیر ایدردی. حتی (اوروپا) ده مستعمل اكرلر
 طرزنده بر اكری قوللانمقدن امتناع ایدن صدر اعظم برمدت موقته ایچون
 نظر توجهدن دوشمشدی. بونكلہ برابر رعایا [بواسطتالر شایان دقتدر]
 كندیلرینه مخصوص اولوب مسلمانلردن تمیز و تفریقہ خدمت ایدن البسہلرینی
 محافظه یه مجبور طوتیلمقدہ ایدی. یالكرز مسلمانلرك كییه بیلدكاری قاشلاری
 كین رعایا یا جزای نقدی یه ویا حبس جزاسنه محكوم ایدیلیردی. ارمنیلرك كندی
 سرپوش میلیرینی ترك ایتلری قطعاً یساغ ایدلشدی. رعایا حاملرده آياقلرینه
 نعلین كییه مزلر و مسلمانلرك قوللانقلری حمام طاقلرینك ده ایدیلرینی
 قوللانمغه مجبور بولنورلردی.

بوکی اوافق تفك شیلره بودرجه دقت ایدن و اهمیت ویرن سلطان
 محمودك بیوك (پترو) كبی، اقسام مختلفه سنی یكدیكرینه صیقی برصورتده
 واسع بر مسلك سیاسی تعقیب ایتدیكى ظن اولنه بیلیردی. مع مافیه مشارالیهك
 دور سلطنتك بوندن صكره کی قسمی، ممالك اجنیه ده ذهنلره یرلشمش اولان
 و پادشاهك ارکان معیتی طرفندن هر طرفه نشرینه مسارعت ایدیلن بوفكر
 و مطالعه نك عدم اصابتی اثبات ایلشدر.

سلطان محمود بتون دوشونجهلری شخصه عاڭدی . کندی نفوذ و حاکمیتته خلل کلمهسنه فوق العاده دقت ایدردی . کندی نظرنده ، اون بش حزران اختلالی هرشیدن اول خلیفه و پادشاه صفتیه حائز اولدینی شان و شرفی اعلا و تقویه مدار اوله جق ایدی . پادشاهلره قارشى کوسترلشی لازم کلن اطاعت حقنده شیخ الاسلامه یازدیردینی بر اثر کندیشی کبی غدار بر مستبدک افکارینه ترجمان اوله بیلیر . بو اثرده یکریمی قدر حدیث نبوی جمع و تلفیق اولمشدر . بونلردن برنده دنیلورکه :

« امیر المؤمنین سقط بر حبشی اولسه بيله آکا اطاعت ایتک لازمدر . تبعهسنه جبر و جفا ایدر ایسه ، بونلر صبر ایتلیدرلر ؛ لکن دین مینی تحریف و تغیر ایدر ایسه آنی قتل ایتک ایجاب ایدر . »

مع مافیه سلطان محمود یکچیریلرک یوم هریمتنده علو جنبه میل ایلشدی . رئیس افندییه : « بوندن بویه تحت سلطنتک ملت ایچون بر سبب خوف و دهشت دکل ، بر استنادکاه اولسنی ایسترم ؛ حجز و مصادره نی الغا ایدیورم ؛ عصات اولادینه بابالرندن قالان اموالک انتقال ایتسنی بيله آرزو ایدرم . » دیمشدی .

بو کوزل سوزلر ، بر از مدت صکره نشر اولنوب آت میدانی قتالک مملکتی تخلیص ایتدیکی سیئاتک خاطره سنی آز چوق حقلی اوله رق یاد ایدن بر امر نامه ایله تأیید اولمشدر . بو امر نامه ده بروجه آتی اداره کلام ایدیلوردی : « یکچیریلرک جرأت و اطاعت سزلنی آنلری هر درلو افعال سرکشانه و تجاوزکارانه یه سوق ایلدیکی کبی کندی طرفلرندن سرد اولنسان مدعیات مفرطه بیت المالک مضایقه شدید سنی موجب اولمشدر . بو احوالک نتیجه سننده ظهور ایدن انتظام سز لقلر میاننده خزینه دولت طرفندن حجز اموال و مصادره متروکاته دوام ایدلسی یکچیریلر ایچون وقوع بولان اسرافتدن متحصل آچینفی قباتق لزومی اوزرینه اختیار اولنش تدایردن معدوددر . یکچیریلر شمدی دفع و ازاله ایدلمش اولدقلرندن کرک باب عالی و کرک بالجه مسلمین بو اوجاڭک جبر و شدتندن مصون بولنیور ؛ اموال امیریته نک اسراف و ضیاعنه سد چکلدی ؛ بوکوندن اعتباراً مصادره اموال معامله مضره و منحوسه سی لغو اولنه برق بوندن بویه نه مسلمانلر ، نه ده رعایا حقنده تطبیق ایدلییه جکدر ؛ بونلردن

وفات ایدنلرک کافه متروکاتی یتیملری و وارثلری آره‌سندہ تقسیم اولنه‌جقدرد۔
 بعض مورخین بو شایان مدح و ثنا امرنامه‌دن بحث ایدرکن آداب و عادات
 ملیہ مقتضیاتندن عد اولنه‌بیلن و تاریخ لغوینہ قدر بلا اعتراض استعمال
 ایدیلن مصادره اموال معاملہ و حشیانہ‌سندن بالاخیار فراغت ایدن خنکارک
 علو جنابی پک زیاده اعظام ایدیورلر۔ لکن بو مورخلر قانون مذکورک
 نشر و اعلانندن اون بش کون صکرہ سلطان محمودک (چاچی) نامندہ‌کی
 موسوی صرافنک اموالی حجز و آره‌دن بر سنہ کچر کچمز سابق رئیس‌الکتاب
 سیدا افندیکنک بتون ثروتی غضب ایتدیکنی یازماشلر؛ دها طوغریسی بوندن
 خبردار اولماشلردر۔


بو تضادلر یوزندن، اکثریا عنف و شدت ایله حرکت ایدن قوه حاکمہ‌نک
 مملکتہ ایدلمش هیچ براییلک ایله بارشدتی تحفیف اولنه‌میان معاملات مستبدانہ‌سی
 یوزندن بعض نتائج مؤسفہ ظهور ایتدی۔ هیئت اجتماعیہ اسلامیه‌نک کرک
 صنوف عالیہ‌سندہ و کرک طبقات عوامندہ غیر قابل ازاله بریأس و فقور نمایان
 اولوردی۔

سلطان محمودی بالجمله خصائل و فضائل عثمانیه‌نک برتمثال مشخص ذیشانی
 صورتندہ تلقی ایدنلر امیدلرینک بوشه چقیدیغنی کوریورلردی؛ اخلاق
 و اعتیادلری مختل و منفعلری دوچار تهلکه اولانلری ایسه بر حس مرارت
 استیلا ایتمشدی۔ کوندن کونه کسب و خامت ایدن بوتمایلات نہایت فعلیاتہ
 منقلب اولدی۔ ظهور ایدن بر حریق استانبولک الک زنکین و تجارتکاه
 محلاتی محو ایتدی۔ اوصردہ حبس و توقیف ایدیلن برشخص : «پادشاه بر
 تعلیم میدانی ایستبوردی؛ کندیسنه شهرک نصفی قدر بر میدان ویردک»
 دیمشدر۔

بوفلاکت سلطان محمود اوزرنده درین بر تأثیر اجرا ایتکله برابر
 فعالیتنه خلل کتیرمدی۔ حتی روایت اولنورکه بر مدت صکرہ مفتی، هیئت
 علما نامنه کندیسنه برخطرہ ویردک تکالیف متصوره‌یه، صوفتہ‌لرک عسکرہ
 آلتلریته، صورت غیر مشروعده و قوعبولان حجز و مصادره معاملاتنه،
 عادات فرنگانہ‌نی قبول و ادخال خصوصندہ کوستریلن فرط میل وانہماکه

دائر بیان شکایات ابتدیی زمان سلطان محمود بوورقه بی کمال حدت و شدت
ایله یرقش و علمانک آنجق امور مذهبییه قاریشمیری لازم کلدیکنی، یوقسه
امور حکومتی اداره ایتک حقنک یالکز ذات هایونلرینه عاند اولدیغنی
سویلشدر.





اوچنجی باب

یونانہ عصیاتی دررس محاربه سنی متعاقب ترکیانک اهرال رهنیه سی
سلطانہ محمودک عجزی رنوبه عامری غائب ایتمه سی

حقوقک محافظه سی خصوصنده بودرجه مصرانه برمتانت کوسترین
بو حکومتک افعال واجرات مبهمه سی بعض غوائل خارجیه انقطاعه
اوغراتدی .

سلطان محموده استقلال داخلینی اعاده ایدن معامله تنکیلیهک وقوعندن
بر قاچ آی صکره روسیهده ایمپراطور (نیقولا) برادری ایمپراطور
(آکساندر) کیرینه تخت حکمدارییه جالس اولمشدی . مشار الیه
اولجه ترکیا حقنده سرد اولنوب بر آراق اونودلش کبی کورینن اسباب
شکایاتی یکیدن در میان ایدرک سیاست قدیمه معلومه نی تعقیب اتمک نیتی
اظهار ایلدی .

(چار) ک تهدیداته برقات دها قوت ویرمک ایچون اجرا ایلدیکی بعض
عسکری مایشاردن قورقان باب عالی ایمپراطورک بتون مدعیات ومطالبی
اسعاف ایله ۱۸۲۶ سنه سی ایلونک یکرمی دردنده عقد اولنان (آق کرمان)
معاهده سی احکامنه چار وناچار سرفرو ایلدی .

یونانده (انکلتزه) ، (روسیه) ایله عقد ایتدیکی ۲ نیشان تاریخیلی
پروتوقولک زیرینه وضع امضا ایلدی . بوایکی رقیب دولت آره سنده عقد
اولنوب حقیقت حالده بر نوع استلافنامه دن بشقه برشی اولمیان بو (پروتوقول)
سایه سنده (انکلتزه) ایله (روسیه) یکدیگرینه تقرب ایتدکلرندن بوسورتله
بر برلری دها یاقندن تعقیب وتفحصه موفق اولیورلردی . دیگر طرفدن
بوایکی دولت عینی (پروتوقول) موجبجه حکومت عثمانیه ایله یونانلیلر

آرسنده موجود منازعات و مجادلات مناسبیه باب عالی نزدنده توسط
تشمشده بولنقی تعهد ایشلردی .

پادشاه ، (آروپا) نك دوت بیوك سرای حکمدارینك توسط دوستانه
تکلیفگیری اولجه رد ایتدیکی کبی بودفعهده بومداخله محدودده نك وقوعه
موافقت کوسترمدی .

اوصرده (فرانسه) دخی ۴ نیسان تاریخی پروتوقوله اشتراك ایتدی
وبوصورتله ۶ تموز ۱۸۲۷ تاریخی (لوندره) معاهده نامه مهمی وجوده کلدی .
معاهده مذ کوره موجبجه ، اوچ دولت ترکیا طرفدن یکی برائر مقاومت
کوستردیکی تقدیرده یونانستانده تأسس ایدن اداره یی فعلاً موجود بر حکومت
صورتنده طانیفی تعهد ایلدیلر و طرفیندن برینك مخاصمات دوام خصوصنده
اصرار کوستردیکی تقدیرده بونك علیننده تدابیر زجریه یه توسل اولنه جفنی
احساس و اشراب ایتدیلر .

هریری کندی نقطه نظری بر از تبدیل ایتك صورتیه یکدیگره قارشی
مساعدا تده بولان ، نهایت اویوشان بو اوچ دولت آراسنده حصوله کلن
ائتلافی متعاقب ظهور ایدن وقایع معلومدر . اوچ سرای حکمدارینك
تکلیفنه قارشی باب عالینك جواب رد ویرمی اولا (ناوارین) محاربه سنی ،
ثانیاً حکومات متفقہ سفرا سنك در سعادتدن مفارقتی وثالثاً حکومات مذ کوره
ایله دولت عثمانیه آرسنده کی مناسبات دیپلوماتیقیه نك انقطاعی انتاج ایتدی .

شوراسی بالخاصه شایان دقتدرکه سلطان محمود ، بو احوال وخیمه آرسنده ،
اردوسنه تطبیق ایتدیکی هنوز نا تمام تشکیلاتك قیمتی یا ککش تقدیر ایدرك
خیالاته قایلیدی . مشارالیه ، کندیسنك دشمن تاریخیسی اولان (روسیه) ایله
بوی اولچه جك قدر صاحب قوت و قدرت اولدینی ذهابنه دوشدی . دیگر
طرفدن (انکلتراه) ایله (روسیه) آرسنده کی رقابت خفیه بنای امید ایلکدن
خالی قالموردی . آسیاده کی ایالاتنده مقیم اهالی اسلامیه خطاباً (روسیه)
علیننده یازلش بر بیاننامه نشر ایدرك مدعش دشمنه میدان اوقومق جرأتنده
بولندی .

کندی ملتك آرزو واملیه یوم جلوسندن بزی حربه طوغری سورولکن

ایمپراطور (نیقولا) بوبیانامه‌ی وسیله اتخاذ ایدرک مختصاته کیریشدی واردوسی ایلک دفعه اوله‌رق بالقانلری آشدی، استانبولی تهدید ایلدی.

باب عالی (لونده) ده عقد اولان یکی بر (پروتوقول) ک محتوی اولدینی شرائطه موافقت ایتدی [۲۲ مارت ۱۸۲۹] وبالخاصه یونانستانک — کندی زیر تابعیتندہ قالمق اوزره — نیم مستقل بر حکومت شکلی اکتساب ایتسنه روی رضا کوسترمکه مجبور اولدی. برقاج آی صکره، یعنی ایلوک اون دردنده عقد اولسان ادرنه معاهده نامه‌سی خنکارک مسئله‌نک فصل بر نتیجه منجر اوله‌جغنی بیلمه‌مکدن متولد تلاش و اندیشه‌سنه نهایت ویردی: چوق کچمه‌دن سلطان محمود یونانستان قرالغنک استقلال تامی تصدیقه مضطر قالدی.

سلطان محمودک حکومت شخصیه‌سنی بودرجه آغیر و مؤلم فلاکتلره معروض براقان بتون بوکشمکشلر ایچنده ترکیا ایمپراطورلغنک حال خرابیسی، شیرازه انتظامک بوزولمسی یوزندن ضرورت حکمنی کسب ایدن تدابیر عظیمه اداریه به بکزر هیچ برشی یاپیلیموردی. بعض مراسم دینه مناسبتیه و الجای زمان واحوال ایله صادر اولان فرمانلرده، حضور و راحتلری منسلب اولان قلوبده یکیدن برحس اعتماد اوایندیرمق مطلوب ایمشجه‌سنه، تدابیر متصوره‌دن مهم برصورنده وایما طریقیله بحث اولنمقده، فقط بتون تصورلر قوده قالمقده ایدی. هرشی، اسکی روشنده ایدی؛ حتی دنیه‌بیلیرکه هرشی اسکینندن دها بر باد برحاله ایدی.

بوحال، سلطان محمودک النسدن نافع برایش حقیقه‌مامسی ویا هر درلو امور خیریه و حسنیه قارشى لاقد قالمسی کبی برسیدن ایلری کلیموردی. مشارایه، اصلاحات یایمق لزومنی حس و اوروپالیرک تفوقی تقدیر ایدیوردی؛ لکن افکاری آنجق وقت وقت وپک آزدوام ایتک اوزره یوکسلور، احاطه نظرندن محروم بولنیوردی. عادات قدیمه‌ی ترک ایتک، ترکلکدن چیقماق آرزوسنده بولنمقده برابر ترک قالموردی. سلطان محمود متین برعزم وقرار صاحب اولیوب بلکه آره‌صره کلوب کچن امللره قابیلیمقده ایدی. نسبة محدود برذکا واستعداده مالک اولانلرده واقع اولدینی وجهله موسوس ایدی. بویه اولمقله برابر کندی الطافه نائل اولان مزورلرک دام اغفاله قابیلیردی.

بر ماهیت خصوصیه‌ی حائز اولان مشکلات، ذاتاً سلطان محمودك اك اوفلق تشبثاتی تشویش ایتمکده ایدی. مشارالیه، تقلید ایتمک ایستدیکی (روسیه) حکمدار معظمك حائز اولدینی وسائطه مالک دکلدی. بیوک (پترو) ایچون آنجق برشی یا بمق لازم ایدی، که اوده کزیده قالمش اولان برملتی مدنیت خرستیانییه طریقه سوق و ایصال ایتمکدی. (پترو) اردوسیه دوائر حکومتی اداره ایچون ایستدیکی قدر اجتنابی خارجدن جلب ایده بیلیردی و بو خصوصده هیچ برقید ایله مقید دکل ایدی.

سلطان محمود ایسه امور دولتی اصلاح و اداره ایچون خارجدن ارباب اختصاص جلب ایتمک ایستینجه عادتاً هر آدمیده بونلرک استخدامنه مانع، غیر قابلرفع و ازاله افکار و اعتقادات باطله دینه و ملیه قارشیسنده بولنیوردی. اطرافنده حقیقه مقتدر و تجربه دیده شریک مساعی آرامغه قالدیشدینی. زمان اوصاف مطلوبه‌ی حائز کیمسه‌یه تصادف ایده مزیدی. یالکیز شخصیتلری. اعتباریله ترکیاده حسن نیت اصحابی، حتی شایان حرمت و طنپورلر اکسیک دکلدرد. لکن ایش کورمکه کلنجه، بونلرک جهالت خصوصده سائرلر ایله عینی سویه اولدقلری آکلاشیلوردی. بوکجی ذوات موقع اقتداره کچدکلری. زمان سائقه منفعت و یا خوف ایله بتون شوق و غیرتلی، بتون فعالیتلری. منکسر و محو اولدینی کوریلوردی.

اهالی‌یه کلنجه، بیوندوروقدن بیقمش، اوصافمش، پادشاهه خللق باشنده. بر بلای عظیم نظریله باقیوردی. کرک درسعادتده، کرک ایالاتده افکار عصیانیه و اختلالیه حکمفرما اولمقده و بو حال پادشاهی ملتته باغلايان روابطی. چوزمکده ایدی.

قونت (اورلوف) اوزمان دیمشدی که: «ترکاری تدقیق ایتدکجه برقاچ سنه صکره کندی اقتدارسزقلارینک بارثقیلی آلتنده بیقیلوب ازیله جکلری حقنده کی قعاعتم کسب قوت ایدیور.» اوزمانکی و نائق مطالعه ایدیله جک اولور ایسه قونت (اورلوف) ک افکار و احتساستنه برحق قاینه لرك اشتراك ایتدیکی آکلاشیلیر. ترکیانک آتسی و تازه حیات کسب ایتمک خصوصنده کی استعداد و قابلیت خصوصنده هر طرفده شهر اظهار اولنمقده ایدی. عثمانلی ایمپراطورلغک قریب الوقوع ظن اولشان انقراضی احتمال اندیشناکلی

نظر اعتباره آلان (اوستریا) دولتی بر آراق (اوروپا) ده کی ممالك عثمانیه نك
صورت تقسیمی حقنده (پترسبورغ) قابینه سنه بعض تكلیفات بیله در میان
ایلشدی. حکایه ایتدی کمز بو وقوعات ۱۸۳۰ سنه سنده جریان ایدیوردی .





در دنجی باب

تراپیر اقتصادیه — حکومتك انحصارلری — اردونك حال بر مری —
مصر دایسی محمد علی پاشا ك عصبانی — ترکیانك بستموره قرتنه درشمی —
استبراد اداره ك خفف ایتمی .

و کلا و اعظم رجال دولتن متشکل اولوب اصلاحات ایله اشتغال ایتدیکی
ظن و فرض اولنان مجلس ، اصلاحات مذکورده یی ایلك دفعه اوله رق مملکته
ادخال و تطبیق خصوصنده عدم موفقیته دوچار اولقله برابر هیچ اولمازسه
واردات خزینه ك تزییدي خصوصنده ، تنسیقات مالیه ساحه محدودده سنده
بعض مرتبه فعالیت کوسترمشدی . اداره مرکزیه ، باشلیجه مواد استهلاکیه یی
انحصاره تابع طوتدی و مواد مذکورده — چوق کچمه دن معقول بر نسبت
خارجنده اولدینی آکلاشیلان — آغیر رسملر طرح ایدرك بونلری ایشلمکه
مسارعت کوستردی .

خرستیانلردن تحصیل اولنان خراج اون درت، غروشدن اوتوز غروشه
ابلاغ اولندی و بونك بر تذکره احدائی صورتیه تبعه مسلمیه دخی تشمیلی
دوشونلدی .

املاك معاملات انتقالیه سنك حین اجرا سنده و محاکم شرعیه حضورنده
رؤیت اولنان دعاوی اثناسنده علما ك تحصیل ایتدیکی یوزده اون نسبتنده رسمه
وضع ید ایدلمسی حکومتجه تصور اولندی . بحق تطبیق و اجرا سنده اعتنا
ایدلیکی حالده غیر قابل انکار بر اهمیت و شمولی حائز اوله جفی درکار اولان
دیگر بر تدبیر ها قرارلاشدیرلدی، که اوده آرتق هر درلو واردات متفرقه دن،
عادتدن محروم قالان مأمورینه موازنه عمومیه ده محرر بر مقدار معین معاش
اعطا و تخصیصی ایدی .

آناطولی ایالتلرینک صورت اداره سنجه وقوعه کتیریلن بعض تبدلات یوزندن ذاتاً مهمجه بر مبلغ تصرف اولمیشدی . والیرک یرینه سادهجه مسلملر استخدام ایدیلرک آسیا ایالاتنک وارداتی طوغریدن طوغریه بیت المال طرفندن تحصیل ایدلمکده ایدی .

لکن اردو، یکچیرلره غالب کلن پادشاهک بتون دورۀ سلطنتنده کافۀ اوقات ومساعیسنی کندیسنه حصر ووقف ایتدیکی، ۱۸۲۶ سنه سنده وطنپوران نظرندۀ تازه حیات وقوت کسب ایتیش اولان حکومتک تمثال مجسمی عد اولنان اردو وطنپورلرک امیدلرینی حقلی کوستره جک درجه ده مظهر ترقیات اولمش ایدی ؟


۱۸۲۹ سفرندن صکره ، بوخصوصده ، آرتق خیالاته قایلهمازدی . هیچ شبهه یوقکه، افرادی (اوروپا) عسکری قیافتنده و (اوروپا) اصولنجه تعلیم کورمش طابورلر تشکیل اولمیشدی . لکن تشکیلات ونظامات حقیقۀ عسکریه مفقود ایدی . سوء استعمالاته قطعاً اغماض عین ایتمین مکمل بر لوازمات اداره سی تشکیل ایدلمش اولسه ایدی اردو قوماندانلرینک اسرافاتنه برسد چکیلش اوله جفنه شبهه یوقدی . لکن بویله بر اداره نک تشکیل اولنماسی شعبات اداره عسکریه نک تماماً مفقود بولمیشی انتاج ایتمیشدی . حتی بعض ارباب اختصاص یکچیرلرک اورتدن قالمیسندن براق آی صکره ترکیانک مالک اولدینی وسائط تدافیه نک ۱۸۳۰ سنه سنده کی وسائط حربیه یه فائق اولدینی بیله ادعا ایشلردر . بونلر دیورلردی که : « اوزمان ترکیانک مالک اولدینی قوای عسکریه نک موجودی آز اولقله برابر عساکرک احوال روحیه سی اسکیسنه نسبتاً ده یولنده ایدی . برده یکچیری اوجانچی کبی عادتاً مقدس عد اولنان بر قوۀ عسکریه نک معاونتدن محروم اوله رق تأمین وادامۀ موجودیته مجبور قالمیسندن طولانی متحیر ومتعجب اولان حکومت هیچ اولمازسه یکی برطریقہ صاپمش بولنیوردی ؛ بتون تجربه سز لکیله برابر بو طریق جدیدده موفق اولق عزمنده ایدی . بوکون ایسه عین حکومتک شوق وغیرتی منکسر اولمش ودوچار اولدینی هزیمتک بار ثقیللی آلتندۀ ازیلن پادشاه بیله نظام جدید تصورندن فراغت ایتیش کی کورنیور . »

سلطان محمودك آنجق قباطاسلاغنی یاپه ییلدیکی، ایلک تمل طاشنی آتدینی اجرا آتی بروالی، بر پاشا کندی حکم و قانوننه تابع اولان آفریقا ایالتلرندن برنده ساحه حصوله چیقاردی. ملی براردو و دونماتک مؤسسی، یوز میلوندن فضله وارداتک صاحبی، مدینت غریبه دن استعانه خصوصنده عثمانلی پادشاهلرندن ده سربست اولان، و قتيله (اسکندریه) نك تأسیسنه سبیت و یرن فکره مثال و مشابه افکار بسلین محمد علی پاشا کندی مملکتک یکی بر ایمپراطورلق مرکزی اولسی و کره ارضک بر قسمک امتعه سی ایچون جسیم بر تجارت دپوسی حالتی کسب ایتمی کی آمال حریصانه یی تعقیب ایدیوردی.

ترکیانک بسبتون قوتدن دوشمندن، خارجه قارشى عاجز و بی قدرت اولدینی قدر داخله درعهده ایتدیکی وظیفه مجددانه یی ایفایه غیر مقتدر اولان پادشاهک کندی ملتی طرفدن سولمه مسندن جسارته کلن محمد علی پاشا کونک برنده ماسکه سی آتهرق امیر المؤمنینه غلبه ایتک خلیسنه دوشدی. مشار الیهک سوریه ده کی مظفرانه ایلری یه طوغری حرکتی، سکسان بیك کیشیک بر ترک اردوسنک اوتوز بیك مصرلی طرفدن بوزولمسلیه نتیجه لن (بیان) و (قونیه) محاربه لری معلومدر. بوفلا کتک انتساج ایتدیکی تبدل افکار دخی اونودمامشدی. کندی والیسنه مغلوب اولان، موقع حکمداریسندن معنا سقوط ایدن سلطان محمود (روسیه) نك اوزاتدینی دست معاوانته صارلدیغدن ۱۸۳۳ سنه سی شاپاتک یکر میسند (چار) ک دولت عثمانیه یی حمایه ایتک ایستین دونمسی درسعادت پیشگاهنه کله رک بوغاز ایچنده دمیرلدی. بو، امیر المؤمنینک شان و شرف و اعتبارینه، سلطنت ذاتیه سنک موجودیتنه ایندیریلن ک مؤثر ضربه ایدی. افراد اسلامیه آره سنده صوک بر رابطه قالمشدی، که اوده روسلره قارشى هر بر اسلامک قلبنده موجود حس نفرتک تولید ایتدیکی رابطه ایدی. بو حس، بورابطه مسلمانلری دائما سنجاق شریفک آلتده مجتمع و یکوجود بر حالده بولندیررکن بردنبره چوزولدی. اگر (روسیه) اوزمان احوالک مساعده سندن بالاستفاده، انحصارلرک، مواد غذائیه دن تحصیل اولتان رسومک لغوئی طلب ایتش اولسه ایدی قرط سفالت یوزندن آنجق منافع مادیه سی دوشونه بیله جک بر حال مسکتنده بولان اهالی طرفدن آلقیشالتمش اوله جقنده هیچ شبهه یوقدر.

کندی تبعه سبک لغت ونفرینته دوچار اولان سلطان محمود بر آراق شدتی آزالته رق دها ملایمانه طاورامغه باشلادی ؛ امور دولتی یالکیز باشنه اداره ایتمک فکرندن بردن بره واز کچدی . امور خارجیه متعلق اولوب اوآنه قدر سرایه کوندربیلن اوراق ووثائق طوغریدن طوغرییه رئیس افندییه تسلیم اولمسنی امر ایتدی . دیگر طرفدن وظائف مودوعه لری حسیله عادتاً حکمدارک حقوق وصلاحیت مطلقه سنه اشتراک ایده جک صورته ایکی مجلسک تشکیله موافقت ایتدی . بوتدایر ، حکمدارک حاکمیت مطلقه سنه قارشی بر عدم مرکزیت تجربه سی ، بر نوع مشروطیت اداره نک شکل ابتدائیسی ایدی .





بشنجی باب

رشید پاشانك امور دولتہ امتراكی — سواستعمالات ادارہ فارشی انخاز
ایندیکی نراپیر — نصراتی — تجارت معاہدہ نامہ لری ، ... الخ — سلطانہ
محمدرك وفائی — مشارالہك اہمرا آئی .

اھالیہ رونما اولان آثار فتور ، پادشاہدہ کوریلن یأس و نومیدیدن آز
دکلدی . ملت ، برکتہ جامدہ خالسدہ ایدی . متشبث بر وزیر ، خلقك
بو ضعفندن ، دھا طوغریسی ہر نوع تجدداتہ میدانی آجیق براقان بویأس
ویتنائی عمویدن استفادہ ایدہ بیلیدی .

ایستہ مجالس عالیہ حکومتہ هنوز داخل اولان رشید پاشا بو حالت روحیہ دن
استفادہ یہ قالمیشدی . تنظیماتك ، دورۂ اصلاحاتك ایلک صفحہ سنی تمثیل ایتسی .
مقدر اولان بوکنچ وزیر ، دولت عثمانیہك معروض اولدینی مھالکی پك ای
کوربیور و آکلایوردی . ہرشیدن اول (اوروپا) یی تطمین ایتك ، (اوروپا)
دولتلرینك اعتمادینی قزاقمق لزوم و ضرورتی تقدیر ایدیوردی . بوسیہ
میندرکہ ، رشید پاشا ، شعبات ادارہ دہ یرلشمش ، کوکلشمش سوء استعمالاتہ
وبخصوص مأمورینك ارتداسہ فارشی تدابیر شدیدہ تطبیقہ تشبث ایتدی .
عادات و تعاملك آز چوق مشروع بر شکلہ وضع ایتدیکی بعض ارتکابات
وسوء استعمالاتك قالدیرلمسی ایچون رشید پاشانك تکلیف و تشویقیہ برخط
شریف تسطیر اولندی ؛ فی الحقیقہ بوسوء استعمالات و ارتکابات ، جسم دولتك
اك اول تیمار ایدلمسی لازم کلن یارہ لرندن بری ایدی .

معلوم اولدینی اوزرہ ترکیادہ ہر بر خدمت بر مکافات مقاباندہ کوریلور ؛

برخدمته مقابل بالاختیار ویریلن بر مقدار پارہی قبول ایدن، یا خود بر کیمسہ یہ بر لطف و عاطفہ بولنوبدہ آندن بر مکافات نقدیہ طلب ایلین مأمور، مستقیم و ناموسلی عد اولنور. ارتکاب، آنجق، یا اموال دولتی ید اختلاسه کچیرمک، یا خود بر جرمی ایشلمک و یا آنی کتم ایتدیرمک مقصدیلہ تکلیف اولنان پارہی قبول ایتک ایلہ باشلار. ارتکابات وسوء استعمالاتک منعی ایچون تسطیر اولنان خط شریفک حین نشرنده ترکیاده بوکبی احوال مردوده صیق صیق وقوعبولوردی. بوکبی حالاتک صیق صیق تکرریلہ عادت حکمنہ کچمسی یوزندن فاعلرینک جزاسز قالدقلمی ایضاحہ حاجت یوقدر.

هرکس، هنوز بدایت مأموریتندہ بولنان رشید پاشانک پک جزا ناکارانه بر صورتده ایلری یہ آتیلدیغی، مستقیم مأمورلر یتشدیرمک ایچون امرنامه لر نشری کفایت ایدہجکنی ظن ایتمکله اکسیر اعظمی کشف ایتک قدر غیر قابل حصول بر خیالک آرقه سنده طولاشدیغی سویلیوردی.

ایکنجی بر امرنامه، خدمات عمومیه یہ مربوط اولان بعض منافع مادیہ نک الغاسنه دأر اولجه اتخاذ اولنان برقراری موقع اجرا یه قویدی. الحصارلرک لغوی، اجانبک عقار و املاک صأتون آلمرینه مساعدده کوسترلمی، اصول تصرفک تعدیلی کبی تدابیر اتخاذی دوشونلدی.

مع مافیہ اللہ ایدیلن موفقیتلر مهام امور دولته اشتراک ایدن آتشین مجددک، رشید پاشانک اقداماتیلہ متناسب دکل ایدی. مأمورینک عادات کیفیه سی مقامنه قائم اولق اوزره موازنه عمومیه دن تخصیص اولنان معاشات غیر منتظم صورتده تأدیہ ایدیلیوردی. انحصارلرہ کلنجہ، بونلری التزام ایتمش اولان ملتزملرک بر سنه لک وارداتک قسم اعظمی خزینہ یہ تسلیم ایتہ مش اولدقلمی آکلاشیلدی. حکومتجہ بیوک فداکارلقلرہ روی موافقت کوسترلدجہ ملتزملرہ منعقد قونطوراتولری فسخ ایتک ممکن دکل ایدی.

(انکلتره)، (فرانسه) و (اوستریا) حکومتلریلہ تجارت معاهدہ لری عقد اولندی. بونلرک حین عقدندہ کوزہ دیلن مقصد، بالخاصہ اصول مرکزیت و امتیازات مخصوصہ اساسی اوزرینه مؤسس اولوب عهود عتیقه ایلہ ایشانک قیمتی اوزرندن یوزده اوچ نسبتندہ تعیین اولنان کمرک رسمک

حس اوله حق درجه ده تزیدینی انتاج ایدن اصول حاضره اقتصادیه دن متولد مشکلاتی رفع ایتمکدی .

قرائتله حقنده بر نظامنامه قلمه آلدی . بونظامنامه نك، حد ذاتنده اسلامیتك ال زیاده كوكلشمش عقائدینه منافی اولمقله برابر ، تطبیق وادامه ایدیه بیلمسی بالخاصه شایان دقتدر .

دولت عثمانیه نك بنی براز طوغریلتمغه باشلادینی بودوره شوق وغیرته ایدی كه سلطان محمودك ایام سلطنتی ختام بولدی . مشار الیه ۱۸۳۴ سنه سی تموزینك برنده وفات ایتدی .

هیچ شبهه یوقدر كه بو حاكمدار ، پادشاهان آل عثمان آرسنده مهم بر موقع طوتمشدر . بونكه برابر كنسیدی دوره حكومتی وقایعنی یازان مورخلردن اكثرینك ابدال ایتدكلی تقدیراته ، مدح و ثناله لایق اولمقدن بك اوزاقدرد . سلطان محمودك زمان حكومتده کی افعال واجرا آتته نظر آكه ، بویاده ویردیكم معلوماتك حتی تأمین ایده بیلیم ظندهیم - مشار الیه حقنده آوروپالیرجه اكثریتله حاصل اولان فكر و ذهابك و تركیاده عوام ناس ارسنده اووقتلر وجودپذیر اولوب الیوم دخی موجود بولنان افكار و خیالاتك مقارن حقیقت اولمدیگی آكلاشلمشدر .

سلطان محمودك یكیچریلره غلبه سی شهرت عظیمه سنه سبب اولمش و بواجرا آتته باقیله رق كنندیسنده بر مجددده بولنسی لازم كلن عزم و متانتك ، مهارت واستعدادك موجود اولدیغنه علی العجله حكم اولنمشدی . یكیچری اوجاغنی محو و تخریب ایتك تصوری یوم جلوسندن بری ذهن و فکرینی اشغال ایتكده ایدی . بویله بر فکرده بولنسنك سببینه ده ، تشکیلاتی قدیم (روما) نك میلیس عسکرینی آندیران یكیچری اوجاغنك معاملات سرکشانه و كستخانه سندن طولای اجدادینك وباخصوص سلطان سلیم نائيك حس ایتدكلی انفعال و آرزوی انتقامك كنندیسنه ارنأ انتقال ایتمش اولسی خصوصنده آرامق لازمدر . سلطان محمودك بومسله ده امثالسر بر مهارت كوسترمسی ، شبهه سزكه ، كنندیسجه معلوم اولان بر زمین اوزرنده حرکت ایتسندن ایلری كمشدر .

لكن مجهول قالان بوشی وار ایسه اوده خاقان مشار الیهك اوتهدنبری

بسیار کی تصورك وقت اجراسی هنوز كله دن موقع تطبيقه قونديغی بردنبره ایشیده رك دوچار حیرت اولدیغی زمان لایزال بر عزم متانكارانه كوستره مش اولمیسیدر. حال بوكه ترجمه حالی یازانلرك اكثری كندیسنك متصف اولدیغی خصائلك اك كزیده سی غیر قابل تزلزل بر عزم و متانت اولدیغی ذهبنده بولمیشلردر. یکچیری عصیانك بدايت ظهورنده بتون تصورات و تشبیهاتی عقیم بر افاق، كندیسی محو ایتمك تهلكه سی انتاج ایده جك صورتده بر مدت بیوك بر تردد و قرار سزلق ایچنده قالدیغی محققدر. عاصی اوجاڭ آرزولرینه رام اولمق، یعنی ایکنجی دفعه اوله رق بولر ایله اویوشمق مذلتنه قاتلامق اوزره بولدیغی بر صروده ایدی که حسین پاشا مقاومت ایدرسه مظفر اوله جفنه دائر كندیسنه تأمینات ویرمیشدر. سلطان محمودی یاقیندن طانیانلر مشار الیهك جسارتدن محروم اولدیغی بیلورلردی.

عجبا، سلطان محمود امور دولتی مطلقیت تامه ایله اله آلدیغی زمان بوقوتی فصل استعمال ایشدر؟ سلطان محمود، قاعده بصیرته رعایت ایتمکسزین مملکتك اك اساسی قوانین و نظاماتی، عادات و تعاملنی الغا و یا تعدیله قالدیشمق صورتیه مقصد حقیقی تجاوز ایشدر. مشار الیه، بوقانونلرك، بوعادتلك منشأنی و یا تأثیرات سلامتبخشاسنك درجه سی قطعاً نظر اعتباره آلمقسزین كافه سنه رعایتسزلك كوستردی. هر بر قوتده كندی شخصنه قارشی بر تهلكه كوردیگی ایچون قوانینك حكم و نفوذی یرینه كندی آرزوسنی اقامه ایتدی. بتون مسائل مهمه نك محل تذکری اولان، اوامر و تعلیمات عمومیه یی ویرن، طشره لرده کی مأمورلرك اشعارات و تکالیفی اخذ و تدقیق ایدن، بونلرك حرکات و اجرا آتی تحت تقیتشده بولندیروب نقطه واحده یه ربطایلین باب عالینك، دها طوغریسی عثمانلی امپراطورلغنك مجلس کیری عدولنان دیوانك حكم و نفوذی او آندن اعتباراً صرف لفظدن عبارت قالدی. هر بیوك مأمور کندی دائره سنه عائد امور حقنده طوغریدن طوغریه پادشاهه اعطای معلوماته، بالذات پادشاهدن و یا خود بوکون نظرده اولوب یارین توجه شاهانه یی غائب ایدن ندیملردن تلقی اوامره مجبور ایدی. یکدیگریله آرتق استشاره ایتمین وکلا بوصورتله جدی و مؤثر برتفتیش و نظارت آلتنده بولمقدن قورتولمیشلردی. ایشته بو حال، بتون امور دولتك کیفی بر صورتده، مستبدانه اداره

ایدلسنه سبب اولمقده ایدی . سلطان محمود بیقدینی ، اورته دن قالدیردینی شیرک یرینه دیکر لرینی قویه جق قدر ذکی وصاحب معلومات اولمدینی ایچون کینی معاملاتک مضرتی برقات دها شدتله حس اولنیوردی . کور کورینه تطبیق اولنان استبداد اداره نك نتیجه سی اوله رق ملکئتده مدھش برانتظامسزلق ، قاریشیقلق باش کوستردی ؛ و بواسولی تطبیق ایدن داهی ناقصک برکون کلوب تخریبات واقعه نك انقاضی آره سنده محو اولوب کیده جکی شهبه سز ایدی .

سلطان سلیم ثالثک تصوراتنه وارث اولان سلطان محمود زیر تابعیتندکی اھالینک آداب وعاداتندہ ، عنعنات تاریخیه ایله تعین وتقرر ایدن افکارندہ دوامی برتحول حصوله کتیره مہمکله برابر ملکئتندہ اصلاحات اساسی وضع ایتک کبی بر مزیت کوستردیکنه شهبه یوقدر . یوقسه اصلاحات دورہ سی کشاد ایتک ویا اصلاحات اساسلرینی اھالی یه صورت قطعیه ده قبول ایتدیرمک شرفی کندیسنه نصیب اولدی .

خاقان مشار الیه دهامقتدر ناصرک معاونت ومظاہرتنه نائل اولوبده تعقیب ایتدیکی طریق اصلاحات واجرا آتک هان هر آدیندہ معاصر لرینک حساسیت مفرطہ دینیه ومیلہ لری قارشیسندہ توقفه مجبور قالمسه ایدی ، آنجق مخدومک زمان سلطنتندہ حصوله کتیرلسنه امکان حاصل اولان بر چوق ترقیاتدن طولای نسل حاضرک کندیسنه مدیون شکران قالمه جنی شهبه دن وارسته کیدر .

سلطان محمودک اوغرا دینی طالعزلکه پک آاز حکمدارک دوچار اولدیغنی ، اونوز سنه دوام ایدن دور حکومتی بر چوق فلاکتلر ، هزیمتلر ایله مالی اولسه ایدی مشار الیهک اجراءات واتشباتنک پکده اوقدر ثمره سز قالمیه جغنی اعتراف ایتک بروطفه حقشناسیدر .

سلطان محمودک رعایای ، خرستیان تبعه سیله مسلمانلر آره سنده مساوات تامه حصوله کتیره جک صورتده هر درلو قیود وتضییقاتدن قورنارمق آرزوسندہ بولنماقله برابر اھالی غیر مسلمہ یی زمان فتحدن بری بولدقلری حال مذلتدن تخلص ایتک فکر واملنی بسلیدیکی قبول اولنه بیلیر . مشار الیهی ، مدینتی ممالک عثمانیہ یه ادخاله چالیشدیغنی (آوروپا) نك حرمت

و تقدیرینہ مظهر ایدن اجرا آتندن بری بوصوک تصویری ایدی، سلطان محمدك
 حیاتنك صوکارینہ طوغری سویلدیکی شو : « بوندن بویله تبعه مدن مسلمانلری
 آنجق جامعده، خرسینانلری کلیدساده، موسویلری خاوراده طانیق ایسترم . »
 سوزلرنده کی فکر علوینك حقیقهٴ ترجمان افکاری اولسی حقیقتدن بعید
 دکلدر .





آلتنجی باب

سلطان عبدالحمید کمالوسی — کلخانہ خط لہمابونی — خط مذکورک
اعظم اسماعیلی .

یکچریلره غلبه ایتدیکی کوندن بری سلطان محمودی صانکه تعقیب ایدن
سوء طالع مشارالیهی حیاتک صوک کونلرینه، تقرب موته قدر بار شئامتی
آلتنده ازمشدی . خاقان مشار الیه صوک نفسی تسلیم ایتزدن اول اردوسنک
دیار بکر حوالیسندن مغلوب و دونماسنک اسکندریه آچیققرنده ضایع اولدیغی
خبر آلمشدی . ایشته دولت ، بویکی فلاکتک تحت تأثیرنده ایدی، که سلطان
محمودک بیوک مخدومی سلطان عبدالحمید، سیف آل عثمانی تقلید میان همت
ایلدی .

عبدالحمید تحت سلطنته جالس اولدیغی زمان هنوز سن رشده واصل
اولمشدی . مشار الیه ، مادر طبعک الطاف و مواهنه پک آز مظهر اولمشدی؛
آلدینی تربیه ایسه فطرتنده کی نواقصی اجمال و اتمام ایده جک برماهیتده
دکل ایدی . لکن عبدالحمید ضعف و عجزینی حس ایدیوردی . اجله رجال
دولتک تبریکات و تعظیما تی قبول ایدرکن نصیحتلرینه اتباع و کندیارینه اظهار
اعتماد ایده جکنه دائر تأمینات و یردکدن بشقه انضمام معاونتلیله بتون اوقات
ومساعیسنی مسلمان و خرستیان بالجمله تبعه سنک حصول سعادتنه حصر
ایلیه جکنی سوبلدی . پادشاهی تبریک ایچون سرایه کلن سفرایه خطاباً رئیس
افدی : « ذات شوکتسمات حضرت پادشاهی ، پدرلرندن علوی بر میراث
اوله رق کندیلرینه انتقال ایدن امر اصلاحاته دوام ایتک املنده درلر » دیدی
و بصورتله ذات شاهانه نک و کلایه خطاباً واقع اولان بیاناتی نوعماتاید ایتدی .
بر آراق رأس کاردن تبعید ایدلمش اولان رشید پاشا باب عایده کی

موقعی تکرار احراز ایلدی . مشار الیهک یکیدن موقع اقتداره کچمی تنظیمات و اصلاحات تشبثاته ازسرنو کرمی و فعالیت ویرلمسنه وسیله اولدی .

۱۸۳۹ سنهسی تشرین ثانیسنک اوچنده اسکی سرای داخلنده کی کلیخانه کوشکنده سلطان عبدالمجید حاضر بولندیغی و اطرافنده بیوک ضابطان ، وکلا ، قیافت قدیمه لرله علما ، جماعات غیه مسلمنه هیأت مبعوثه سی ، خاصه عسکری ، هیئت سفرا که بونلر آرمسند فرانسه قرالتک اوغللرندن برنس (ژوآنویل) دخی بولمقده ایدی - صفتسته اولدقلری حالدده بیوک بر رسم مخصوص اجرا اولندی . ایلک اصلاحات پروگرامنی تشکیل ایدن ، اقوام عثمانیه یه بخش اولنان حقوق حربت و تأمیناتی محتوی بر برات حکم و قوتی حائز اولان و کلیخانه کوشکنه اضافتله (کلیخانه خط هایونی) تسمیه ایدیلن خط شریف قرائت ایدلدی .

ویرکولرک یکنسق و منتظم بر اصول و قاعده یه توفیقاً طرح و نجباتی ، مکلفیت عسکریه نک تطبیقی کی تجدیدات مهمه یی اعلان ایدن کلیخانه خط هایونی [*] واقعا قوای عظیمه حکومتک حدود و صلاحیتی هیچ بر صورتله دیکشدر میور و حقیقت حالدده یالکنز اداره یه تعلق ایدیوردی ؛ فقط عثمانلی ایمپراطورلغی داخلنده یشایان افراد ملتک شرائط مدنیه سنک لزوم اصلاحاتی اعلان ایتمی ، اصلاحاتک موقع اجرایه وضعی آتیده کی طرز و صورتده بیان و تأمین ایلسی خط شریفک حدود محدوده سی داخلنده فیضاک بر فکرک مندرج اولدیغنه دلالت ایتمکده ایدی . خط شریفده «قوانین و نظاماناک بالجله تبعه یه امنیت جان و مال و محظوظیت عرض و ناموس تأمین ایتمی لازم کله جکی و طرف شاهانه دن بخش اولنان بو الطافک مرهانکی دین و مذهبده اولورسه اولسون مرکه به شامل اولدیغی ، هرکسک بلا استثناء بوندن مستفید اوله جغی» بیان ایدلمکده ایدی .

خط شریفک نقضات اساسیه سی بالاده مذکور فقراتدن عبارت اولوب بر چوق مسلمانلر بونک احکام شرعیه یه مغایر اولدیغی بیان ایتمشلردر ؛ زیرا بونلره نظراً خط شریف کفارده مسلمانلرک حائز اولدقلری عینی حقوقی

[*] خط هایونک صورتی (۱) رقیله کتابک نهایتنده مندرجدر .

بخش ايتمکه سلطان محمودك موقع تطبيقه وضعه جرأت ايدمهديكي احكام قرآنيه مغاير بر قانوني اعلان ايدبيوردی .

هيچ کيمسياه مجهول اولديني وجهله ترك هيئت اجتماعيه سي بالخاصه (دموقرات)، يعنى حاکميت عامه اساسه مستنددر . ترکياده براصيلزادگان صنفی، دها طوغريسي (اوروپا) نك طرز تلقيسنجه بر صنف ممتاز يوقدر [*] لکن شريعت هيئت اجتماعيه نك تشکيلات اساسيه سنه اساس اولان مساواتک خريستيانلره تشميلنه جواز کوسترمکدن بشقه خريستيانلرک تنزيل قدر و سرفه معطوف افعال و حرکاتی شايان مدح و تحسين بيله کورير .

سلطان محمودك آز موافق ديانت اولان افعال و حرکاتنده اولديني کي ۱۸۳۹ خط هايوننده دخی احکام شرعيه دن اصلاً انحراف ايدلميه چکي ذکر و بيان ايدلمکه برابر عنفات تاريخيه مربوط اولان قاعده اساسيه بر ضربه ده آلت اوست ايديلوردی . بناءً عليه ترکياده بر انقلاب وقوعه کليور ديمکدر .

بياننامه حکمدارينك افکار، عادات و منافعي آلت اوست ايتمکه اولديني متعصب محيطده موقع تطبيقه وضعني متعاقب بر چوق مشکلاته اوغرائيله جغفي حس ايتمه مک، بوبايده ياکلش تخميناتده بولمق ممکن دکلدی . صوک زمانلرده انتشار ايدن بعض اوراق و وثائقده اوزمان دخی بوانديشه نك موجود اولديني کورلمکده در . بالذات رشيد پاشا بيله بوخصوصده بلا قيد و شرط اظهار امنيت و اعتماد ايتمکدن پک اوزاق ایدی . حتی معيتي ارکاننك صرف ايتديکي بعض ايمالی سوزلردن مستبان اولديغنه نظراً رشيد پاشا پادشاهی دخی اشتراك ايتديرمه مکه موفق اولديني جرأ تکرانه تشبته ابتدار ايتديکي زمان يالکز عادلانه و پدرانده برصورت اداره نك فوائد و محسنات ي کوز

[*] دره بکلك اصولي ترکياتك بعض ايلالتمده جاری ایدی . لکن بحال زمان فتحدن اولده موجود ایدی . مثلاً (بوسنه) قطعه سنده بو اصول طول مدت بقا پذير اولدی . اوراده کی خريستيان اصيلزادگان حائز اولدقلى امتيازات مخصوصه نك ابقا و محافظه اولنه جفته دائر طرف حکومتدن تأمينات آلدقدن صکره دين اسلامي قبول ايتديلر . مع مافيه پادشاهلر بونلره دائماً اوغراشوب ۱۸۵۱ تاريخنده مالکانه لری، امتيازلی الفا اولندی .

اوکنده بولندیرمامشدر [*]. مشار الیهک (اوروپا) افکار احرارانه سنک
محمد علی پاشایه ابدال ایلدیکی محبت وتوجه کندیسنک ده نائل اولمسی هوسنه
دوشدیکی ادعا اولمشدر .
اساساً پک طوغری اولان بو حساب ، بالاخره کوریه جکی وجهه ،
ای و دور اندیش برسیاست ایدی .



[*] ذیل کتابده مندرج خط هایونک اوچنجی فقره سنه مراجعت .



یہ نجی باب

کلیانہ خطک تطبیقی ایچورہ اخلاذ اولانامہ ایلک ترا بیر — مجلس اصطام
عدلیہ — ویرکوار — جزا قانوننامہ سی — بانقہ ... الخ.

ہر نہ حال ایسہ، کلخانہ خطک مرتب و مؤلفی پادشاہنہ اعلان ایتدیردیکی
مواعیدی الندن کلدیکی قدر انجامز ایتمکی وجائب ناموسدن عد ایتدی.
چوق کچمہ دن، امنیت جانہ، اموالک تعرضدن مصونیتہ و بتون افرادک
قانون نظرندہ مساواتہ متداثر اولان خط ہایون متنی ایضاح یولندہ ہیئت
وکلا طرفدن برتعلیاتنامہ قلمہ آلدی.

مسلمانلرک اک صیمی، اک درین حسیاتی شدتلہ جریحہ دار ایدن خط
ہایونک اک نازک قسمی تأیید و تأکید ایچون آز چوق جسامت لازمدر.
بناء علیہ رشید پاشا بو حرکتیلہ، دورہ فعالیتک تابدایتندہ، کندیسنی محقر
بر « کاوور » کی فدا ایتمک آمادہ اولان قوی دشمنلر پیدا ایتشدی. مشار -
الیہ تہدیداتہ کوکس کردی، کلخانہ خطک انتشارندن بر قاچ آی صکرہ.
ایکی کشی بی کیفی بر صورتدہ اعدامہ محکوم ایدن ادرنہ والیسنی تحت محاکمہ
آلدیرمقدہ تردد ایتدی.

قوانین جدیدہ بی تدقیق و مذاکرہ وظیفہ سیلہ مکلف اولان مجلس احکام عدلیہ،
انتظام واستقلال رأی ایلہ ایضای وظیفہ ایتسنی کافل بر صورتدہ تشکیل ایدلی.
حتی مجلس مذکور، اثنای مذاکراتدہ اصول مشروطیت ایجاباتندن اولان
بعض مراسم و قواعد بیلہ اتباعہ مجبور طو تیلدی [*].

[*] مجلس احکام عدلیہ نظامنامہ سی موجبہ مذکرات صورت آتیہ دہ جریان ایدہ جک ایدی:

۱ — حائز اہمیت اولان ہر لایحہ موقع تذکرہ بہ قونمازدن اول بتون اعضا بہ برای
تدقیق تودیع اولنہ جقدر. ۲ — ایراد نطق ایدہ جک اعضا ناک اسامیسی تاریخ مرہ سیلہ

طوغریستی سویلك لازم كلیر ایسه خارجدن ادخال اولنان بواصولاره اهمیت ویرلدیکی کبی بر مدت صکره مجلس احکام عدلیه تأمین عدالت ایچون بالجه سوء استعمالاتک تعقیبی خصوصنده ابراز غیرت ایده جکنه دائر تأمیناتی حاوی اوله رق پادشاهه تقدیم ایتدیکی عریضه یه بیله عطف اهمیت اولمندی .

الزام اصولی لغو اوله رق اصول مرکزیه دهها موافق اولق اوزره تکالیف عمومیه نك مأمورین مالیه معرفتیه تحصیل و جبایاتی تقرر ایلدی . بوتجبد یوزندن منفعت شخصیه لری طوغریدن طوغری یه خللدار اولان صرافلر تدابیر جدیده علیهنده انی انتریقهلر چور دیلر . خراجک امر تحصیل و جبایتنجه مهم بر تبدیل اجرایی قرار کیر اولدی .

مغلبه نك جبر و شدت استعمالیه آلمقده اولدقلری مبالغک انضمامیه بر بارکران تشکیل ایدن خراجک تحصیلدارلر طرفندن جبراً تحصیلندن صرف نظر ایدیلرک بو ویرکوی توزیع ، تحصیل و حاصل اولان مبالغی مال صندوقینه تسلیم ایتک وظیفه سی جماعتلره تودیع اولندی .

جزا قانوننامه سی نشر اولندی . خط شریفده اظهار اولنان بر آرزوی قطعی یی یرینه کتیرمک مقصدیه تنظیم اولنان بوقانوننامه ناقص اولدیغی قدر منطقسز ، رابطه سز ایدی . قانوننامه مذکور رشوت ، تجریم ، ضبط و مصادره ، غصب و غارت کی افعال مردوده یی ارتکاب ایدن مأمورین حکومتک مساوی احوالنه سد چکمک مقصدیه ترتیب و تنظیم اولنشدی . بو ابتدائی قانونک ماهیتی حقنده بر فکر استحصال ایتک ایچون زیرده اقتباس اولنان فقره لری نظر مطالعه دن کچیرمک کافیدر :

« ذات حضرت پادشاهی کرک تسمیم ، کرک وسائط سائر ایله هیچ بر مجرمی علناً و یا خفیاً قتل و اعدام ایتمه کی تعهد ایش اولدیغندن مأمورین حکومتدن برینک هر کیمی اولورایسه اولسون قتل ایتسی ممنوعدر الخ .

قید ایدیلر جکدر . ۳ — کندیستدن استیضاحاتده بولنیلان ناظر ایضاحات لازمه بی اعطایه مجبوردر . ۴ — مذاکراتک ضبطنامه سی تنظیم اولنه جقدر . ۵ — تساوی آراوقوعنده صوک قراری اعطا ایتک حتی پادشاهه عائد اوله جقدر . ۶ — کسب قطعیت ایدن برقرارک تنقیدی ممنوعدر .

« ذات حضرت پادشاهی افراد اهلینک اموال و املاکئی مصادره دن اجتناب
ایتدیکندن بر فردک اموالی - بالآخره بغیر حق غصب و مصادره ایتک مقصدیله -
فروخته سوق و تشویق ایتک ممنوعدر . »

قوانینک - نه قدر شدتلی اولورسه اولسون - او مملکت اهلینک
طبیایع و اخلاقه توافقی ایتک شرطیله حائز تأثیر و نفوذ اولدینی حقیقتیه
دلیل اولمق اوزره بالاده ذکر اولان قانوننامهک انتشارندن بر سنه صکره
بونئی کندئی الیه امضالمش اولان صدراعظم خسرو پاشانک بر رشوت
مسئله سندن طولانی مجلس احکام عدلیه طرفندن محکوم ایدلمسی بیان
اوله بیلیر .

عینی زمانده فرانسر ارباب قلمندن برینه تنظیم ایتدیریلن بر قانون مدینک
احضار و ترتیبیه اشتغال اولندی .

خراجک طرز تحصیل و جایتنه عائد نظامنامهده اجرا اولسان تعدیلات
سببیله ده بر ملامانه بر معاملهیه تابع طوتیلان رعایا حقنده - ملتک آرزوی
عمومیسنه توافقی ایتهمسی محتمل اولمقله برابر هیچ اولمازایسه حکومتک تبعه
غیر مسلمه ایچون بسلمکده اولدینی نیت خیر خواهانهیه دلالت ایدن - یکی بر
تدبیر اتخاذ اولندی . فرمانلر الیه بیورلدی سامیلرک احکامی بینندهکی تناقضدن
متولد مجاذیرک رفع و ازالهسی ایچون تبعه غیر مسلمنه شکایاتی حاوی
استدعارک منسوب اولدققری بطریقخانهلرده کوندیرلمسیله اوراجه اتخاذ اولنه حق
قرارلرک باب عالییه بیلدیرلمسی اولجه اصول اتخاذ اولنشدی . لکن بو مسئله
حقنده یازیلان امر نامهلردن برنده بیان ایدلدیکی وجهیه « بو کبی مسائلک
تدقیقی خصوصنده بطریقخانهلرجه التزام بطائت اولنمسی و بونک ایسه ایشلرک
سورنجمهده قالهرق موجب ممنونیت بر نتیجهیه ایصال ایدیلهمهسنی انتاج ایلسی
احتماله مبنی » آز چوق حائز اهمیت شکایاتک مجلس احکام عدلیه اعضاسندن
مرکب بر قومیسونک رأی و تصویبنه عرضی قرار گیر اولدی .

رشید پاشا مکمل و اصول دائره سنده تنظیم ایدلمش بر پروغرامه مالک
اولماقله برابر باشلیجه خدمات عمومیهک طرز اداره سنی تعدیلده آز چوق
بر فکر تعقیب کوسرتمکده ایدی . مشاورالیه (فرانسه) ده جاری اصول
مالیه موجبجه ترکیاده دفتر دار و تحصیلدارلقلر احداث ایتدکنصکرهینه (فرانسه) یه

امثالاً بر مدت معینہ نك ختامندہ بدلی تسویہ ایدلك اوزره قوائم نقدیہ اخراجی حقنی حائر بر حكومت بانقہسی تأسیس ایتك املنه دوشدی . ایش بودرجهیه كانجه ، مجلسده کی رفقای : « ملل اجنییه نك پك قاریشیق اولان اصول ونظاماتی قاعدۀ تدریجیه رعایت ایتمکسزین ، جبراً اهالییه قبول ایتدیرمکه قالدیشیرسه کز بوملكك اسباب انقراضی احضار واستکمال ایدہ جکسکز . » ادعاسیله شدتلی اعتراضات وشکایاتده بولندیلر . لکن وزیر فعال اصرار ایدرك تصویرنی قبول وتصویب ایتدیردی .


رشید پاشا فعالیت متانتکارانه سیله بتون موانع ومشکلاتی رفع ایدہ جك کبی کورینوردی .

مشارالیه رشوت آلتق ویا صلاحیت ووظیفه یی سؤاستعمال ایتك کبی سوء احوالی ارتکاب ایدن مأمورینی بلا مرحمت پنجه عدالتہ تسلیم ایتدیرمکدن ویا بالعموم تبعۀ عثمانیه نك مساواتی اساسنی فرصت بولدقجه تأیید ایتمکدن خالی قالمزدی . هیچ کیمسه نك بو اساسی خاطر دن چیقارمامسنی ایتدوردی .

بو خصوصده کی عزمی او درجه متین ایدی که اوزرنده ۳ تشرین ثانی ۱۸۳۹ تاریخی خط هایونك متنی محكوك اولان ایکی ستونك ركزی حقه ده مجلس وكلا دن بر قرار بیله استحصا ل ایتدی .

رشید پاشا نفوذ وتأثیرینی پاتختدن اك اوزاق حوالییه قدر حس ایتدیرمك عزمنده ایدی . ایالت احوالی تفتیش ایتك ، اهالییه خط هایونك محتویاتی حقه ده ایضاحات ویروب آنارك اوزرنده حصوله کتیره چکی تأثیراته دائر حكومه اعطای معلومات ايتك وظیفه لریله مكلف و صنف علما میانندن منتخب ایکی ذاتدن برنی آناطولییه ، دیگرینی روم ایلییه تعیین ایتدی .

رشید پاشانك بو خارق العاده فعالیتی دائماً بطاقت ، ثانی واحتیاط ایله حرکت ایتك ودها مساعد بر فرصته انتظاراً امور دولتی تأخراته اوغرا تمق اعتیادنده اولان وبو خصوصده سائر دولت مأمورلرندن آریلان مأمورین عثمانیه یی رنجیده ایتكده ایدی . صدراعظم ، اصلاحاتك تطبیقی خصوصنده کوستریلن استعجال و تهالكك بین الناس هیئت وكلا علیهنده حاصل ایتدیکی جریان افكاری یالكز كنج رفیق اوزرینه ، رشید پاشایه توجیه ایتدیرمك آرزوسنده بولندیغی ایچون اوله ایدركه كندیسنی آچیقده طوتیور ، اصلاحات ایشلرینه مداخله دن احتراز ایدیوردی .



سکزنجی باب

رشید ائانک انظار مطلقه نوجمده مغربی — مصر امورینه اوردیا
مرامدنک اصدمات اوزرنده حاصل ایتدیکی تأثیرات — اصله هاتیردر
ناظرک عزلی .

رشید پاشا دن طولای بتون هیئت حکومته مضرتی طوقونان بوعدم توجه ،
خوشنودسزلق حقیقت حالده بادی اندیشه اوله جق بر ماهیت اکتساب ایتکه
باشلامشدی . اهالی اسلامیه یی اصلاحاتک نتایجی حقنده دوچار خوف ایتک
مقصدیه بالالتزام برطاقم یالان یا کلش حوادث اشاعه اولنیوردی . هر طرفده
رعایانک حریت ومساوات نامنه قیام ایده جکری ، اهل اسلامک عصر لردنبری
دوام ایدن تعدیات واعتسافاتنک جزاسنی چکه جکی وقتک یا قلاشمقده اولدینی
سویلنیوردی .

اهالیسی مختلط ، یعنی هم اسلام ، همده خرستیان اولان محالرده حسیات
تعصبکارانه حال غلیانده ایدی . طشره مأمورلرینک اندیشه سی او درجهده
ایدی که بر چوق یرلرده ، مثلاً ازمیرده پاسقالیه هفته سنده روملر طرفندن
اجراسی معتاد اولان مراسم لیلیه نک منعی جهتیه کیدلک اقتضا ایتدی .

بعض مفسدلرک افاده سنه کوره ، یکی طرز اداره نک جسم دولت اوزرنده بر تأثیر
حیاتبخشاجراسندن قورقدینی ایچون بونک علمینده بولنان بر اجنبی حکومت بر آراق
سلطان محمود دورنده حائز اولدینی حکم ونفوذی اعاده ایچون آتشی کوروکله مکده ،
ایقاع شورش وفساد ایتکده ایدی . مصر مسئله سنک بر درلو آرقه سی
کسیلمین مشکلات وتشوشاته بادی اولسی ، یعنی بر قاچ سنه اول باب عالی یی
اهالی اسلامیه نک کندیسپاه هر درلو مناسباتی قطع ایتک ایستدیکی بر حکومتک
تحت حمایه سنه التجایه مجبور ایدن بحرانک بر آراق کسب خفت ایتدکدن

صکرة تکرار پیدای شدت ایلمسی بو ذهاب عمومی به آز چوق بر شکل حقیقت ویرمکده ایدی .

اوزمان دول غریبه قایینه لرینک ترکیائی معروض اولدینی مهالك خارجیه به قارشى مؤثر بر صورتده صیانت و محافظه لزومه قانع اولدقلری وارسته شک وشبهه در . سلطان عبدالمجیدک جلوسندن براز صکرة ۱۳۸۹ سنه سی تموزینک یکرمی برنده مذکور حکومتلر طرفدن باب عالی به ویریلن مشترک برنوطه ده بیان ایدلدیکی وجهله (اوروپا) دولتلری دولت عثمانیه امورینه مشترکاً مداخله نك مستلزم اوله جغی تأمینندن ترکیائی مستفید ایتدیرمک آرزوسنده بولنیورلردی .

خدیو مصری وسائط زجریه به مراجعت صورتیه تحت اطاعت و انقیاده آلفه عزم ایتمش اولان دولتلرک دائره اتحادندن حقیقه رق موقه مفردانه بروضعیت آلان (فرانسه) یی بو سیاستی تعقیبه نه کبی اسبابک سوق ایتدیکنی بوراده ایضاحه لزوم کورمیورم .

۱۵ تموز ۱۸۴۰ تاریخلی (لوندرد) معاهده نامه سیله بو معاهده نامه نك عقدینی متعاقب وقوعه کلن محمد علی پاشانك هزیمتی رشید پاشانك تشبثات اصلاحکارانه سی اوزرنده اجرای تأثیردن خالی قالدیغنی تحطراتمک کافیدر .

مملك عثمانیه نك بر چوق طرفلرنده ساکن اهالی اسلامیه، مصر والیسنك محکمینی چکه میوب بونك رفع وازاله سنه چالیشان حکومت خرستیانیه ایله باب عالینك اتفاق ایتسنی خوش کورمیور ، پادشاهک فرنکشدیکی ، محمد علینك ایسه اسلام قالدیغنی سویلنیوردی .


خدیو مصر ایله محاربه ایچون عسکر جمع ایدلمسی ، بعض ایالتلرده وخیم اغتشاشانه سببیت ویرمشدی . اسلامیتک تمثال ذیشانى عد ایدیلن ذاتک کسر قدرت ونفوذی مقصدیه وجوده کتیریلن اتفاق افکار عتیقه اصحابی اوزرنده سو تأثیر حاصل ایتدیکنده وبونلری ارتجاعه طوغری سوق ایدلیکنده شبهه یوقدر . آرنالودلقده ، آیدینده ودیکر بعض بلادده پادشاهک مشکوک الاعتقاد وقرآن کریم نامه ایتدیکی یمینده حانث اولدینی بیان ایدیلیوردی . پادشاهک وکلای ، وبالخاصه رشید پاشا کافرلر طرفندن جلب واطماع ایدلمش بررکاوور صورتنده کوستریله رک بونلرک کندی متبوعلرینی آلداتمقده ومملك قدر و حیثیتی تذلیل ایتمکده اولدقلری سویلنیوردی . بو متعصب محیطلرده یشایان رعایا ک

اول كنديلرينك قربان اوله جقلرى خفي براتفاق قارشيسنده بولندقلرينى حسن ايدىورلردى .

صنوف اهلينك كافه طبقاتنه سرايت ايدن بو غليانه مشكلات ماليه و بوندن بشقه هيچ بر قيمت حقيقيه يي حائز اولمىدقلرى حالده طرف حكومتدن امور اقتصاديه ده كي تجربه سزلك حسييله نقد كي تداول ايتديرلك ايتييلن اسهام دولتك تدنى فيأتى انضمام ايلوردى .

مشكلاتك تعاقب و تواليسى واحتمال كه رشيد پاشانك اوتنه دنبرى نصيحتلرندن استفاده ايتك ايتديكي (فرانسه) نك او آرائق تركيايه قارشى محترزانه بر مسلك تعقيب ايتمى پاشانك نفوذ و اعتبارينى تزلزله اوغرا تمقندن خالى قالمديغندن مشاراليهك رأس امورده قالب قالميه جفى مسئله سى موضوع بحث اولمغه باشلادى .
نهایت ، رشد پاشا ۱۸۴۱ سنه سى اوائلنده عزل اولندى .





طقوزنجی باب

علم ارباع — اسکی اصول مالیه عودت

رشید پاشانک سقوطندن برقاچ هفته صکره (اوستریا) باش وکیلی پرنس (مترنیک)، اوزمانه قدر متردد کورینن فرقه ارباعیه یی تشجیع ایتک کندیسجه مطلوب ایش کبی، اوستریانک درسعادت سفارتنده بولان قونت (آپونی) یه ترکیانک صمیمی دوستلرینی دوچار حیرت ایدن غریب بر تلغرافنامه کشیده ایلشدر.

مذکور تلغرافنامه ده دینلیوردی که :

«هرهانکی برحال، پک مختلف برچوق احوال و شرائطن ترکب ایدرکه بونلر میاننده سوابق احوالی برنجی صریه قویمق لازمدر.

«جسم دولتی کمین برخسته لغت علامت باهره سی اوله رق تلقی اولنه بیان مصر غائله و خیمه سندن باب عالینک دها یکی قورتولدیغی بوسرده بالاده کی حقیقت عمومیه دولت عثمانیه حقه ده بالخاصه قابل تطبیقدر. دولت عثمانیه حال تدنی و انحطاطده بولان برجسمدر شوراسنی کیزله مک جالیشمالیدر که اسباب انقراض میاننده ایلک تمللری سلطان سلیم طرفندن آتیلوب صوک پادشاهک آنجق عمیق برجهالته وحدسز پایانسز بر خیالپرستلکه استناداً تزویج وتشویق ایتدیکی اوروپا طرزنده کی اصلاحات افکار وتصوراتی ذکر ایتک لازمدر.

«باب عالی یه شو صورتله حرکت ایتسنی توصیه ایدرز :

«حکومتکیزی، موجودیتکیزک اسالاساسی اولان وذات شاهانه ایله تبعه مسلمه سی آره سنده باشلیجه بر رابطه تشکیل ایدن قوانین دینییه حرمت

ورعایت اساسی اوزرینه بنا ایدیکز . احتیاجات زمانه کوره حرکت ایدیکز . وزمانک تولید ایتدیکی احتیاجاتی نظر اعتباره آلیکز . امور اداره کزی انتظام آلتنه آلیکز و اصلاح ایدیکز . لکن عادات و طرز معیشتکزه اویغون اولیان بر اصول اداره بی تأسیس اتمک ایچون اسکی اداره بی یقما ییکز . عکس تقدیرده پادشاهک نه تخریب ایتدیکنک ، نه ده خراب ایتدیکی شیلرک یرینه قوبدقلرینک قدر و قیمت ییلمدیکنه حکم اولنور .

« اوروپا مدنیتمدن سزک قوانین و نظاماتکزه اویمیان قانونلری اخذ و اقتباس ایتیکز . زیرا قوانین غربیه حکومتکزک تملی تشکیل ایدن قانونلرک مستند بولندیی اصول و قواعد اصلا بکزه مین قواعد اوزرینه مؤسدر . ممالک غربیه ده اساس اولان شی قوانین خرسیتانیه در . سز ترک قالیکز . لکن مادامک ترک قاله جقسکز ، شریعتیه تمسک ایدیکز . ادیان سائریه قارشی مساعده کار اولمق ایچون شریعتک سزه کوستردیکی تسهیلاتدن استفاده ایلکز . خرسیتان تبعه کزی تمامیله تحت حمایه کزه آلیکز . آنلرک پاشالر طرفدن دوچار تعذبات اولمرینه مانع اولیکز . تبعه مذکورده نك امور دینیله رینه قارشیا ییکز . مظهر اولدقلری امتیازاته رعایت ، کاخیانه خطده کی وعدلری انجاز ایدیکز . » بر قانونک اسباب اجرا و تطبیقی تأمین ایتهدن اصلا اعلان ایتیکز . طریق حق و صوابده ایلرلیکز . فقط بونی یاپارکن غربک افکار عمومیه سی عد ایتدیکیکز شیئه عطف اهمیت ایتیکز ؛ سز بو افکار عمومیه بی ، اوروپانک صدای عمومیه سی آکلامیورسکز . اگر طریق رقیده عدالت ، وقوف و معلومات ایله ایلریه طوغری حرکت ایدرسه کز اوروپا افکار عمومیه سنک شایان اهمیت اولان قسمی سزه متایل و متوجه اوله جقدر .

« خلاصه ، بز باب عالی بی کندی طرز اداره سنک تنظیم و اصلاحی ایچون واقع اولان تشبثاتدن واز کچیرمک ایسته میورز . لکن احوال و شرائطی ترکیا ایمپراطورلغک احوال و شرائطنه توافق ایتین حکومت غربیه بی هرشیدن اول ، تقلیده شایان بر نمونه صورتنده تلقی ایدرک اکا کوره اصلاحاتده بولنامسی ، قوانین اساسیه سی شرقک عادات و آدابنه توافق ایتین حکومتلری تقلید و احوال حاضرده هر درلو قوه ابداعیه و تنظیمه دن محروم اولوب ممالک

اسلامیه ده ایقاع مضرتدن بشقه بر نتیجه حاصل ایتیه جکی آشکار اولان اصلاحاتی قبول. «تطبیق ایتمه سنی توصیه ایدرز.

» عجبانی خیالات سیاسییه اتباع ایتمله می اتهام ایده جکلردر ؟

وارسون اولیه اولسون

نرکیانک کندی مملکتی داخلنده تطبیق ایتک ایتدیکی اصلاحات ایچون فرانسه قوانین و نظاماتی سائر ممالک قوانینه ترجیحاً نمونه اتخاذ ایتسنی اوستریانک قیصقاندیغنی احساس ایدن بو غیر منتظر نصیحتنامه ترکبری «ترک قالمغه» دعوت ایتدیکی ایچون اجرای تأثیردن خالی قالمدی .

آرادنپک آرزومان کچکدن صکره، رفعت پاشاسلفنک کمال شوق وتهالک ایه تطبیق ایتدیکی تدابیر شدیدینی تصویب ایتدیکنی، نحیف وضعیف البینه خسته لره هانکی دوالر فائده بخش ایسه ترکیا حقندهده بو کبی ادویهینی قوللانمق، یعنی هر درلو تزلزلات و صدماتدن عاری، احتیاطکارانه و سکونتپورانه برخط حرکت تعقیب ایتک لازم کلدیکنی سونلکه باشلادی .

پرنس (مترنسخ) ک باب عالییه مناسب کوردیکی حال تجرد و انفرادی معقول کوسترمک ایتسورمش کبی شو سوزلریده علاوه ایدیوردی :

« خارجدن واقع اوله جق نصایحه مع المعنونیه حواله سمع اعتبار ایدرز، لکن امور داخلیه مزه وقوع بولجق هر درلو مداخلهینی شدتله ردایده جکمز. » رشید پاشایه خلف اولان ذاتک آغزندن چیقان بو سوزلر (اوستریا) باش وکیلینک صدای حاکمانه سنک انعکاساتی کیدی .

(اوستریا) طرفندن ویریلن نصایحک باب عالی امورینی اداره ایدن ناظرک مسلیکی اوزرنده نه درجهیه قدر اجرای تأثیر ایتدیکنی کوسترمک برآز مشکلدلر . لکن ۱۸۴۱ سنه سی تشرین ثانی آینده برای تذکر مجلس احکام عدلیهیه تبلیغ اولندان مهم بر تدبیر (اوستریا) نک استشاره قیلندن اوله رق بیان ایتدیکی فکر ومطالعه نک حاصل ایتش اولدینی تأثیر معنوی نک درجه سنی کوستره جک بر ماهیته ایدی . مجلس مذکورده بر طرفدن التزام اصول قدیمه سنه عودت ایدلمی، دیگر جهتدن واردات دولتک صفت رسمیهینی حائر اولمیان افراده الزام اولمنسی موضوع بحث اولدی .

بدایه آنجق بعض محالرده یا لکز اعشاره تطبیق ایدلمی تقرر ایدن بواصول،

ترکیاده بوانان بالجمله احساب اراضی بی محو و خراب ایدن اصول مالیه نك قریباً یکیدن موقع تطبیقه قونیه جغه دلالت ایدیوردی .

غریب بر تصادف اثری اولق اوزره پادشاه رشید پاشانك انفصالندن صکره شو مألده بر خط شریف تسطیر ایلدی : « غایه آمالی هنوز لایقیه درك وفهم ایدمین بعض کیمسه لرك حکومتك اداره داخله سیله وضعیت سیاسیه نك بشقه بر شکل ورنکه کیره چکی ظن و ادعا سنده بولندقلری استخبار ایتدم . بوکی اساسسز بیاناتك افکار عمومیه بی اخلاذن بشقه بر نتیجه حاصل ایتیه چکی آشکاردر . یوم جلوسمدمبری بتون مساعیم تبعه مك استکمال اسباب رفاه واستراحتنه معطوف ایدی . ذاتاً قوانین ونظامات جدیدده عین مقصدی تأمین ایچون وجوده کتیرلشدر . یالکز بعض تفرعات نامم قالمشدر . آنجق هیچ بر قانون بدایه تمام ومکمل اوله ماز . قوانین موضوعه نك تأییدینه وبولره متعلق تفرعاتك اکناله صرف مساعی ایلیه جکم . » افکار متضاده بی جمع وتالیف ایلک مقصدیه تسطیر اولنان بومهم خط هایوندن دخی آکلاشیدینی وجهله سلطان عبدالحجید دخی طریق اصلاحاتده فضله بر سرعتله ایلریه کیدلیدکنه وعهد وميثاق شاهانه سی آلتنده بولنان کاخانه خطی رد وانکار ایله مکله برابر بوسرعتی تعدیل و توقیف ایتک لازم کله جکنه قانع ایدی .

بر مدت صکره ، مجلس احکام عدلیه طرفندن اتخاذ اولنان بر چوق مقررات خط هایونك نه کی بر مقصد ایله تسطیر ایدلیدکنده آرتق هیچ بر شبهه براقیدی .

۱۸۴۲ سنه سی شباطنده ایالات وارداتنك اخذ وجباتی کفی السابق عسگری قوماندانلره تودیع اولندی ؛ مراکز ولایاتده کی محصللر قالدیرلدی . هر برده معتبران محلیه دن مرکب بر مجلس ویرکونك طرح وتخصیصنه مأمور اولدی ؛ اعشار التزامه ویرلدی . خراجك جماعات روحانیه واسطه سیله تحصیلندن واز کچیکه لرك طرز قدیم جبات ااده ایلدی .

الحاصل ، ۱۸۴۲ سنه سی اوائلنده ، فکر ارتجاعك ، فرقه قدیمیه انتسابلریله معروف اولان بیوک مأمورلرك حمایه سی آلتنده غلبه ایدیه چکی عمومیتله ظن ایدلمکده ایدی .



اوتتجى باب

رعابانك امرال و شرائط حبابيه سى — (۱) ارمنيلىر ايدى آسبا اباالتىرمنه متمكى
بىره قىزليك ملقى — (۲) مارزىلىر و جىل لىنايه مسئلى سى — (۳) بىرئىنانلىر
وزركىبايه ايلك بىرئىنانىه مؤسسلىرى — (۴) روم اورئودوقسلىرى و نىبىل
تالبعيت مسئلى سى .

كلخانه خط شريفى رعايالى بولندقلىرى حال اسارتدن قورتارمىش ، دها
طوغرىلىسى بو امر تخلصك نتايچ طبعيهسى اولمىسى اقتضا ايدى فوائدى آنلره
فعلاً بخش و تأمين ايتمىكسىزىن كندىلرىنه قيد اسارتدن تخايىللىرىنى طلب ايتمىك
حققى و يرمىشى . عصرلردىن بىرى پايدار اوله اوله نهايت كسب مشروعت
ايدىن و متعصب بىر ملتك حسيات دىنيه سنك اعماقنه قدر كوك صامش اولان بىر
اصولك آنى صورتده دكىشمىسنه انتظار ايتمىك عبث ايدى . پادشاهك حكم
و نفوذ شخسىسىنى محافظه لزومنه وجداناً قانع اولمىسى و اهالى يه بعض حقوق
بخش ايدىن كلخانه خط هايونىنك تأتيريله اوتهدنبرى حائز اولدىغى منافع
و امتيازات مخصوصه دن فراغتە راضى اولمامسى نه قدر طبعى ايدى ايسه
كندىلرىنه حرىت وعد اولىنانلركده حرىتك غلبه چالدىغى كورمىك و بونىك
بخش ايدىه جكى ايتدىكى نعمتلردىن استفادە ايتمىك ايستمىلىرى اودرجه طبعى ايدى .
مساواتك توليد ايدىه جكى نتايچى اوزون اوزادى يه دوشومىن رعايلى ،
كندىلرىنه بخش اولنان حقوق جديده نك فوائدى و محسناندىن مستفيد اوله بىلمىك
ايچون شكايەتلىرىنك مسموع اوله جغنه احتمال و يردكلىرى هر يردە رفع آوازە
شكايت ايتمىكده ايدىلر . تعبير دىكلره رعايانك بيوك بر تحول ايسىتكلىرى ،
(استاتوقو) نك ، حال حاضر ك دوام ايتدىكىنى كوردىكجه شكايەتلىرىنى بركات دها
آرتيره رق اظهار نفرت ايتمىكده اولدقلىرى ميدانده ايدى . بونلردىن برچونى

حکومت عثمانیه نك زیر حاکمیتندن قورتولمق آرزوی مدید و شدیدینه تابع اوله رق عالم خرسیانیتی تشکیل ایدن دول مختلفه ایله کندی آرالرنده کی اشتراك دین و مذهب ، رابطه روحانییه صارلمق خصوصنده هر زماندن زیاده اهمك کوستریورلردی . ممالك اجنبیه ده کی هممذهبلیله کندیلری آره سنده - ینه کندی ذهابلرنجه - اودرجه صیق بر اشتراك منافع و حسیات حاصل اولمشدی که اورتودوقسلر کندیلری روس ، قتولیکلر فرانسز ، پروتستانلر ایسه انکلین عد ایتمکده ایدیلر .

ترکیا ایمپراطورلنی داخلنده یشایان باشلیجه خرسیان جماعتلرینك احوال داخلیه سنه شوبله بر نظر عطف ایدیله جك اولور ایسه اصلاحات دوره سنك بو صفحه مخصوصه سنده موجود اولان تمایلات حقنده ده ائی بر فکر پیدا ایتك ممکن اولور . جماعات مذکوره نك احوالی تصویر ایدرکن آنجق طوغریدن طوغرییه ویا بالواسطه اصلاحات ایله حائز مناسبت و ارتباط اولان وقوعاتدن بحث ایده جکم :

۱

ارمنیله ایلد شرقده ممکن بسمه قتولیک جماعتی

شرقده کی بیوک قتولك جماعتك افرادی آره سنده موجود اولان روابط روملری ، تعبیر دیکرله اورتودوقسلری بربرلرینه یاقلاشدیران رابطه قدر صاعلام اولمقدن پك اوزا قدر . اوروپای عثمانی ایالتلرنده ساکن و قتولیک مذهبیه منسوب اولان آطه لیلر ، بوشاقلر ، هر سکلیلر ، بلغارلرک اکثرینك کندیلرینه مخصوص برر تشکیلاتی و بوتشکیلات آره سنده بیوک فرقلر موجود ایدی . آناتولیده مقیم قتولك تبعه عثمانیه روم ایلیده ساکن اولان قتولکلره نسبتله عدداً کثیردرلر . بونلردن ارمنیلر ، مارونیلر ، کلدانیلر شرق کلیسایی اصولنجه عبادت ایتدکلری حالده ملکیتلر ایله سریانیلر غرب کلیسایی رسم و آیینیه رعایت ایدرلر . بوندن بشقه بتون بو جماعتلر آره سنده اصل و منشأ ، عادات و اخلاق ، عنعنات تاریخیه نقطه نظرندن آز چوق فرقلر موجوددر . بو بش جماعتك بربرلریله ویا سائر ملتلر ایله اولان مناسباتی قرنأ بعدقرن

بر چوق تحولات و تغیراته تابع اولمشدر . جماعات مذ کوره مجرد منطقسز
برهوس و آرزویه تبعاً اڤ مدهش دشمنلرینک تحت حکمنه وضع ایدلمشدر .
۱۸۳۰ سنه سنده بونلرک بر قسمی روم بطریقته ، دیگر قسمی ده اصل کلیسادن
آیرلمش اولان ارمنی بطریقته مربوط و تابع ایدیلر .

غیر طبیعی اولدینی قدر غریب اولان بو حال ، قتولیکلر ایچون طول
مدت دوام ایدن وعادتا مرتب و منظم بر اصول داخلنده وقوع بولان اعتسافاته
سبب اولیوردی .

تواریخ مختلفهده اهالی ، قتولیکلر علیهنده مظالم و تعدیانہ سوق و تشویق
اولمشدر . تعدیات مذ کوره صره سنده جلالدرک کوستر دکلری ظلم و غدر
و بونلرک مظالمه اوغرایانلرک ابراز ایتدکلری جسارت ، خرسیتیانلغک بدایت
ظهور و انتشارنده جریان ایدن احوال فجیعہ فی تخطر ایتدیریوردی . بوظلملرک
اڤ مدهشی صوکنجیسی ایدی :

روملرک (فرانسه) یه قارشی مفرط بر محبت بسلمکله اتهام ایتدکلری
بیڤ قدر ارمنی ، ۱۸۲۸ تاریخنده ، ینه روملرک تحریکات و تشویقاتی
اوزرینه ، درسعادتن نفی و غریب و برقاچ کون ظرفنده آناتولینک ایجری
طرفلرینه کیتمکه اجبار ایدلدیلر . اڤ کبار ، اڤ زنکین عائله لره منسوب اولانلر
قتل و اتلاف و ماللری ضبط و مصادره اولندی .

فرانسه حکومتی انسانیت و من القدیم حائز اولدینی حق حمایه نامنه بوکبی
معاملات جبر و شدتی پروتستو ایتدی و نفی ایدیلن ارمنیلری ایکی سنه
صکره مأوای قدیملرینه اعاده ایتدیرمکه ، امور جسمانیه و روحانیه لرنجه دیگر
بر دینده بولنان بطریقخانه دن تمامیه آیرمنه و سائر ملل غیر مسلمنه نڤ حائز
اولدقلری امتیازات و مساعداتک عینده مالک اولمق شرطیه امور مذهبیہ لرینی
اداره ایده جڤک بر رئیس روحانی تعیین ایتدیرمکه موفق اولدی . درسعادته
مقیم مارونیلر ، کلدانیلر ، ملکیتلر دخی یکی جماعته الحاق ایدلدیلر .

بو صورته ، شرقده کی قتولیک جماعتک اتحادینه طوغری بوایلک خطوه
آتیلمش اولدی . لکن جماعت مذ کوره ینه برتهلمکه آلتنده ایدی . بوتهلمکه
ایسه بر برلریه قسماً قاریشمش اولان کوچک ملتلرک یکدیگرکی قیصقاملرنندن
و مستقل برخالده یشامق آرزوسنده بولملرنندن ایلری کنیوردی .

فی الواقع ۱۸۳۰ و ۱۸۳۴ سنه لرنده آسیا ایالاتنده کی قتولیکلره بخش اولان فرمانلرک احکامنه مخالف اوله رق ۱۸۴۰ سنه سنده حلب اهالیسندن بعض سربانیلر ایله ملکیتلر لاتین رعایاسنک امورینی اداره ایدن قانچالاریده اسملرینی قیدایتدیرمک ایچون مقام صدارتدن استحصال رخصت ایتدیلر، یعنی یکی ارمنی بطریقک حکم ونفوذینی طانیقدن استکاف ایتدیلر.

هان عینی زمانده مازونی بطریقی، رئیس روحانیسی اولدینی ملتک منافعی طوغریدن طوغری یه باب عالی ایله مذاکره ایچون درسعاده بر مأمور مخصوص کوندردی و بومأمورک مقامات رسمیه طرفندن قبول ایدلسنی تأمینه موفق اولدی. ارمنی بطریقی بو کبی یولسلرقلردن طولانی بهوده یره شکایاتده بولندقدن صکره زیر اداره سنده کی جماعتک اصول و مراسم مذهبییه سندن فرقی رسم و آیینیه تابع اولان بر قتولیک جماعتک امورینی رؤیت و اداره دن فارغ اولدیغی کرک کندی، کرک کندیسه تابع پسقپوسلر نامنه بیلدیردی.

بوصورتله قتولیک واورتودوقس مذهبی اربابی آره سنده لوندن کونه انقسام حاصل اولیوردی. بوتقرقه نتیجه سنده بطریقخانه دن آریلانلر بطریقک تناقص نفوذندن بالاستفاده پاللق مقامک قدرت و منافعی تزئیده چالیشان لاتین باش پسقپوسی طرفندن سوق ایدلمکده ایدیلر.

پاللق مقامی بو مسئله ده آسیای عثمانیده مقیم قتولیکلری بطریقخانه لردن آیرمق مقصدیه حرکت ایتمش اولان (فرانسه) نک آمالنه مشابه برامل تبعیت ایدیوردی. فقط کندی فکر نجه، لاتین رعایاسی [*] نامی ویردیکی عثمانلی لاتینلریله کتله واحده تشکیل ایتسی لازم کلن سائر قتولیک جماعتلرینی ارمنیلرک تحت حکم ونفوذندن قورتارمق ایستدیکندن مسئله نک دهاقطعی برصورتده حل و تسویه سی چاره سی آریوردی. پاللق مقامی بومدعاسنی اثبات ایچون زیرده کی محاکمه یی یوروتیوردی: «ارمنی جماعته ادخال ایدیلن ویکدیگرکندن آیری برقاچ ملت تشکیل ایدن قتولیک رعایاسنک ارمنیلره تابع اولملری وعادت قدیمه موجبنجه بالذات کندیلری

[*] شیرا، آندروس، تینوس آطه لری وندیکلیلر طرفندن دولت عثمانیه ترک اولندینی زمان جزائر مذکوره اهالیسی (لاتین رعایاسی) نامیه یاد اولنمشدر. بوندن مقصد اهالی مرقومه یی قتولیک مذهبه منسوب اولان سائر روملردن تفریق ایلک ایدی. لکن جزائر مذکوره یونانستانک ید تصرفنه کچدیکی زماندن بری بو (لاتین رعایاسی) تعبیری متروکدر.

طرفند انتخاب اولمش رؤسای روحانیه به مالک اولماملری موافق حقانیت دکلدرد. برده بو اتحاد ملل مذکورہ نك منافعی محل بعض نتایج تولید ایدیور. بالفرض ارمنی بطریق بلاوارث وفات ایدن قتولیک راهبرایله راهبہلری اموالی تصرف ایتک حقی حائررد. بوده برجاعتک دیگر بر جماعت ضررینه زنکینشمسی کی بر نتیجه حاصل ایدر. »

فی الحقیقه بو قارلیشیق معاملات مختلف قتولیک مذاہبی اربابی ایچون نہ درجه داعی مشکلات اولور ایدی ایسه هر کون شکایات ومستدعیاته معروض قالان باب عالی ایچونده او مرتبه غوائل تولید ایدیوردی. بوسبہ مبنیدرکه ۱۸۴۴ و ۱۸۴۵ سنہلرنده ارمنی، کلدانی و سریانی جماعتلری رؤسای روحانیہ سی آرسننده ارمنی قتولیک بطریق لکنک صورت قطعیده تشکیلی ایچون ایکی مقالہ نامہ عقد اولندی. مذکور مقالہ نامہ موجبجه بو اوچ جماعتک اموریخی حکومت مرکزیہ نزدندہ تعقیب ایتک وظیفه سی منحصرأ بطریقخانہ یه تودیع ایدلدی.

دولت عثمانیه نك آسیاده کی ایالتلرنده مقیم قتولیکلر آرسننده موجود اولوب برمدت موقتہ ایچون برطرف ایدیلن [عینی اسبابدن متولد اختلافلر بالاخره ارمنیلر آرسننده ظهور ایتشدرد] اختلاف افکار، ترستیان رعایاسی آرسننده - هیئت مجموعه سی نظر اعتباره آلدیغی تقدیرده - ظن اولدینگندن دها بیوک تفرقه لک، رقابتلرک موجودیتہ دلالت ایدیوردی. حکومت عثمانیه نك بومسئله ده کی افعال وحرکاتی تدقیق ایدیلیرسه - درعهده ایلدیکی وظیفه تألیفیه یی نظر دقتدن دور طوتمامق شرطیلہ - جماعتلری تشتت و تفرقه یه دوشورمک ایچون هیچ بر فعل وحرکتندہ بولمندیغی آکلاشیلیر. بوحال ایسه باب عالی لهنده برشهادتدر.

۲

مارزینلر ومبل لئانه مسندسی

(فرانسہ) حکومتی، برطرفند، ارمنیلرک تشکیلات روحانیہلری یوزندن ظهور ایدن ماهیت جسمانیہ یی حائر مسئلہ لک حسن صورتله حل

وفصلی ایچون وساطت دوستانده بولنورکن دیگر جهتدن دول معظمه باب عالی نزدنده مشترک برتشبده بولنهرق حائز مختاریت برقیله صفتیه موجودیتلری ومالک اولدقلری امتیازلری دوچار تهذکله اولان مارونیلری حمایه قالدیشیلر. قتولیک اولان بوقوم ایله درزیلر آرهسندمه ۱۸۴۱ سنهسندمه خونریزانه بر مجادله ظهور ایشدر. صلاحیت واسعه ایله محل وقعهیه کوندیرلن سرعسکر جبل لبنانده عصرلردنبری جاری اولان اصول یرینه حوالی مذکورمه اهاالینسک آداب وعاداتیه اصلاً قابل تألیف اولمیان یکی برطرز اداره تأسیسی مناسب عد ایشدی. جبل لبنان حوالینسکی تابعیت عثمانیه تحتنده اداره ایدن یرلی مأمورلردن متشکل حکومتی قالدیرمش، ذات شاهانهک طوغریدن طوغرییه وکیلی اولان برپاشایی (دیرالقمر) ه نصب وتعیین ایشدی.

حکومات خرسیتانییه، جبل لبنان قبائلک حقلی کوردکلری نقطه نظرلرینه اشتراک وکندی عادت و احتیاجلرینه قطعاً غیر واقف اولان مأمورینسک اعزامی یوزندن برقات دها وخیم نتیجهلر تولید ایتمی ملحوظ بولنان بوطرز ادارهدن قبائل مذکورهنک قوروتولق ایستدکلرینه قناعت حاصل ایتدیلر. سرعسکر طرفندن اتحاد اولنان مقررات وترتیباتی قطعی عد ایدهیه جکلری، حال وموقعک ایجابجه برکون اول اجرایی الزم اولان تشکیلاتی باب عالی ایله مشترکاً موقع تطبیقه قویق عزمنده اولدقلرینی دیوانه بیلدیردیلر.

اداره سابقهنک یکیدن تأسیسی علیهنده باب عالیجه سرد اولنان اعتراضلرک باشلیجهسی شونلردر: «عدداً ومدنیة» مارونیلرک دوننده بولنان درزیلر ایله جبل لبنانده ساکن سائر قبائل خرسیتانیهنک، مارونیلر ایله کیریشمش اولدقلری دواملی وشدتلی بر محاربهیی متعاقب خصملری اولان مارونیلر آرهسندن انتخاب ایدیلهچک ریشه تابع اولمقدن منفراولهچقلری آشکاردر.» بو نقطه اوزرنده اوزون اوزادییه مذاکرات جریان ایتدی. (فرانسه)

و (اوستریا) حکومتلری بر بحق عصری متجاوز بر مدت ظرفنده امور محلیهیی اداره ایدن (شهاب) عائلهسنک ینه بو وظیفه ایله توظیف ایدلمسی جهتی بالخاصه التزام وترویج ایتکنده ایدیلر. نهایت، ۱۸۴۲ سنهسندمه شهاب عائلهسی اعضاسندن هیچ برینک امور ادارهیه اشتراک ایتدیرلمهسی صورتیه بری مارونیلر ودیکری درزیلر آرهسندن انتخاب اولنهجق ایکی یرلی

قائم مقامك نصب و تعیینی ایچون دولتر آرسنده ائتلاف حصوله کلدی .
باب عالینك عزت نفسنه براز کران کلن بو صورت تسویه اختلافات
واقعه نهایت ویرمدی ؛ ۱۸۴۵ سنه سنده مارونی و درزی رؤسانك (صیدا)
والیسنه تابع اولملری حقنده اراده پادشاهی صدور ایتدی .

بونك اوزرینه محاربه داخلیه تکرار باشلادی . گاه کندی باشلرینه ،
گاه ترکلر ایله برلکده حرکت ایدن درزیلر خرستیانلر حقنده اک مدهش
مظالمی روا کوردیلر . بوتون بووقایع خجعه (صیدا) مشیرینك نظر مسامحه سی
اوکنده جریان ایدیوردی . باب عالی مشیرك کوستردیکی لاقیدی تامی معذور
کوسترمك ایچون بوکی وقایعی منع ایتك اقتدارینی حائز اولمדיغنی ایلری یه
سوردی . لکن وقوعات کندی کنینکی کوستریور ، (صیدا) والیسنی
آچیقدن آچیغه اتهام ایدیوردی .

وقایع مذکوره مناسبتیه ۱۸۳۹ تاریخی خط شریفده وضع و اعلان
اولان حریرتورانه اساسلرک طشره مأمورلری نظرندده لفظ بی معنادن عبارت
قالدینی ، باب عالینك خرستیانلر حقنده کی مسلك قدیم معتاددن کنینکی
قورتاره مدینی آکلاشیلدی .

جبل قبائلی ایکنجی دفعه دائره اتقاده آلمق ایچون عقد ایدیلن
صورت ائتلاف حقنده بعض ایضاحات ویره بیلیمک ایچون بوندن صکره کی
وقایعه اماله نظر ایدیورم :

۱۸۴۶ سنه سنده ایکی قائممقامك مقیم اولدقلری شهرلرده بولمق وامور
اداریه وعدلیه بی رؤیت ایتك اوزره محتاط بر مجلس تشکیل اولندی . بومجلس
صورت تشکلی اعتباریه ، مملکتده مقیم اقوام و مذاهب مختلفه
اربابی ایچون تأمینات جدیه مقامنده ایدی .

ویرکو تحصیلاتی برچوق سوء استعمالله میدان ویردیکندن ویرکونك
قیمت املاک ایله متناسب اولسنه و مقاطعه جیلرکده کویلیسلر کی ویرکو ایله
مکلف اولملرینه قرار ویرلدی . بو تدبیر ایله یرلی دره بکاره اهمیتلی برضربه
اوریلوردی ؛ خرستیان امیرلر یا لکنز باشلرینه اداره حکومت ایتدکلری بر
برزمانده بیله بوکا جسارت ایدمه مشلر ، یا خود تشبث ایتك ایسته مه مشلریدی .

چونکه نفوذلری آلتنده بولان بكارك اڭ قوتلیرلره اورتا قجیلق ایدرك اراضی نی ایشلمکده وبونلرک منفعلترینه اشتراك ایلکده ایدیلر .

اهالیسی مختلط اولان نواحیده اهالینک شکایاتی ایچون اوج مرجع تعیین واحداث اولندی . بو مرجعلرک درجه ابتدائیه سی وکیلر [رؤسای محلیه] ایله مقاطعه جیلردن عبارتدی . بونلرک فوقده اوله رق قائممقاملر استینافاً فصل دعوا ایدرلردی . اڭ یوکسک محل مراجعت والینک ریاستی آلتنده کی مجلس ایدی . بو صورتله حکومت عثمانیه آنجق بدایه واستینافاً رویت اولان شکایات ودعاوی نی فصل وحسم ایتمک حقنی حائز اولیوردی .

بو یکی اصولده مندمج اولان فکر فیض بخشای ائتلافک آرده کی رقابتلری ازاله ایده چکی امید اولنیوردی . خرسیتانلردن عبارت اولان اکثریت بر آراق غائب ایتدیکی حکم ونفوذی استرداد ایدیور ، درزیلردن متشکل آیری بر ملت تأسیسی حقهده کی خیالپرستانه امیدلر زائل اوله جق کبی کورونیوردی .

۳

پروتستانلر دزکیاده ایلک مؤسسه لری

سوریه طاغلرنده ظهور ایدن اغتشاشات ایله مذاهب مختلفه یه منسوب آسیای عثمانی خرسیتانلری آرdsنده حصوله کلن تشتت وتفرقه ، بو ایکی مسئله نك حین مذا کردسنده قطعی بر رول اوینامش اولان ایکی بیوک قتولیک دولتی ، یعنی (فرانسه) ایله (آوستریا) نی سائر دولتلردن زیاده علاقه دار ایتکده ایدی . (انگلتره) حمایه دینه نك بتون اهمیت سیاسیه سنی میدانه چیقاران وممالك عثمانیه ده کی نفوذ مشروعه ایراث خلل ایدن بواسطه فلره نظر شبهه وتردد ایله باقیوردی .

(انگلتره) دخی شرقده کنیدیسی ایچون بر حمایه تأسیس ایتمک ایسته دی ، بو حمایه یه اساس اوله جق عناصر موجود اولمدیغندن ممالك عثمانیه ده بر پروتستان ملتی وجوده کتیرمکه تشبث ایتدی .

(برلین) قاپینه سنك معاونته استناد ایدن (انگلتره) خارجیه نظارتی

قدسده بر پروتستان معبدی انشاسی ایچون مساعده ایستدی . بو تشبث ۱۸۴۰ سنه سنده واقع اولدی .

بویله بر امتیازك درجه شمول واهمیتی تقدیرایدن بابعالی راضی اولمدی . حتی اهالی یی یکیدن تبدیل دینه سوق وتشویق ایچون صرف اوله جق همترك تركیا ایچون تولید ایدمجهکی مهالکی برطرف ایلک املیه انکلترونك تشبثات واقعه سنی وسیله اتخاذا ایدمرك خرسیتیانلری تبدیل مذهبن منع ایدن قانون عثمانی یی بطریقاره وطولایسیله بو مسئله لره علاقه دار اولان دولتره اخطار ایتدی . باب عالی ، اووقت ، برکون کلوبده اسلامرك دخی پروتستانلرك تشویقات دینه لرینه هدف اوله جقلری خاطرینه بیله کتیرمیوردی .

(انکلترونك) نك تشبثی بدایت امرده ، شرق قتولکلری آرسنده هیچ برهیجان و تأثره سبب اولمدی . پروتستان کلیسانك آسیای عثمانی خرسیتیانلری تبدیل مذهبه تشویق ایچون واقع اوله جق همترلرینك ثمره سز قاله جنی عموماً ظن اولنیوردی . حتی بویله بر تشبثك وقوعی نظر مسرتله کوردی . زیرا لسان ، عادات ، عرق نقطه نظرندن بینلرنده بر چوق فرق لر بولسان شرق قتولکلرینك بو تشبث قارشیسنده آرلرنده کی روابطی تشیده ، بربرلری دها صیق روابط مغویه ایله باغلامغه چالیشه جقلری ظن اولندی . (از میر) و (پترا) قتولك پسقوسلری طرفندن یازیلان محرراته نظراً قتولك مذهبنك هریردن زیاده شرقده مذاهب سائر خرسیتیانیه غلبه ایدمجهکی ، چونکه بومذهبك انسانك هم کوزلری ، همده قلبی اوقشامسنه مقابل پروتستانلغك آنجق عقل ومنطق کی عوام خلقك حظ ایتدیکی براساسه استناد ایتدیکی عموماً ادعا ایدیلوردی .

مع مافیه پالاق مقامی بوخصوصده بعض اندیشه لره دوشمکدن کندی آله مدینی ایچون درسعادته کی (لازاریست) طریقت روحانیه سی رئیس ایله صیق صیق محابره ایتکده ایدی . هممذهبلرینك ذهاب وقاعته اشتراك ایدن (لازاریست) رئیس رهبانی ، (از میر) و (پترا) پسقوسلرك یاپدیگی کی ، خرسیتیان دینك مهدظهوری اولان برمحله واهالینك معتقدات واعتیاداتنه تمیل طومش ذیقدرت ومظهر حرمت بر کلیسا ، یعنی قتولك دینی قارشیسنده تأسیس اولنان بر پروتستان پسقوسلغك قوه حیاتیه دن محروم وعقامته محکوم بر مؤسسه

اوله جغنی ، حتی قتولیکلک ایله پروتستانلق آره سنده کی تضاد و مبیانتک بویه بر مؤسسه نك وجوده کتیرلمسی اوزرینه برقات دها ظاهر و عیان اولمسی یوزندن شرقدہ قتولیک مذهبک تقویت پذیر اوله جغنی پاپاللق مقامنه افهام و اثباته چالشدی . کرک (ویانه ده) ، کرک (پارس) ده حقیقت حالی ستر ایدن کوزل سوزلره ، پارلاق تعبیرلره اهمیت ویرلمیوردی . بوا یکی پایتخنده (انکلتره) نك مساعیسی جدیدته تلقی اواندی . انکلزلرک تشبثاتنده کی تهلمک به لزومندن فضله براهیت ویرلمه مکله برابر بوکی مساعینک دلالت ایتدیکی مقصد سیاسی نظر دقتدن دور طوتولمادی .

ظاهری اولان بواطمیشان قلب ایله خفی و باطنی ایدیشه لر آره سنده (انکلتره) خارجیه نظارتی ایش کوریوردی . باب عالی ایلك مسلك امتناعکارانه سندن واز کچمش اولدیغندن ممالک عثمانیه ده سیاحت ایدن اجانبه ویرلمسی معتاد اولان بر فرمانی حامل بر (آنگلیقان) پسقپوسی (تایمس) نه ری کنارلرندن نهرالشریعه حوالیسنه کلدی ؛ ۱۸۴۲ سنه نك ایلك بهارنده قدسده بر پروتستان کلیساسنك رسم کشادینی اجرا ایتدی .

آرادن چوق کچمدهن پروتستانلغک ترکیاده استناد ایتدیکی اساسلر کسب قوت و ممانت ایتدی . (آمریقا) و (آلمانیا) دن کلن پروتستان راهبیری انکلز راهبیرینک مساعیسنه اشتراک ایتمکده ایدیلر . قونسلوسلرک التزام و تشویق ایتدکلری بوا اشتراک مساعی سایه سنده پک آز زمان صکره برخیلی پروتستان محمیلری (انکلتره) بایراغی آلتنده برلشدیلر .

تبدیل مذهب ایدنلرک صمیمی اولمدق لری ، سنوریه اهالیسنک تدقیق و مناقشه یز ، ایجاب ایدن و شرقلیلرک خرسیتیانلغک روح و معناسندن زیاده اهمیت ویردکلری مراسم خارجیه یی مردود کورن بر دینی انتخاب و قبول ایدمه جکلری متصل سوبیلنیوردی . لکن بوا دعالره و بوکی تبدلات مذهبییه نك غیر محتمل و غیر منطقی اولدیغنی ایلری به سورنلرک محاکمه لرینه رغماً پروتستانلغی قبول ایدنلر آز دکلدی . واقعا بر اجنبی حکومتک تحت حمایه سنه کیرمک و نشر دین ایدن راهبیرک سماحتندن استفاده ایتک امیدینسک بوبابده دخل و تأثیر اولدینی شهیدن وارسته ایدی ؛ فقط سائر ملتلر ایله بالاخره

اختلاف اوزره بولنه جغنه شبهه اولیان یکی بر ملت روحانیه نك موجودیتی و قابلیت حیاتیه سنی انکار ایتک ممکن دکلدی .

پروتستانلر ترکیاده دینلرینی نشر ایچون صرف مساعیه باشلا دقلری زمان بوهمتلرندن ثمرات مهمه اقطاع ایده جکلری بعض اماره لدن آکلاشیلیوردی . لکن بالاآخره بو خصوصده کی امیدلرک مبالغه لی اولدینی تبین ایتدی . بوتاریخت صحایف آتیه سننده بیان ایده جکم وجهله ، پروتستانلغ انتشاری مسئله سی باب عالی بی بر قاچ دفعه دوچار خوف وانیشیه ایتمش و بو تهلیکه یه قارشی کندیغی مدافعه یه مجبور ایده جک درجه ده وسعت کسب ایلشدر .

٤

اورتودوکس روملر تدبیرل تابعیت مسدوسی

شرق روم جماعته کلنجه ، بو ملت اوزمان (روسیه) نك حمایه سی سایه سنده هر وقتکنندن زیاده قوتلی و بر مرکزیه مربوط ایدی .

اورتودوکس دنیان مذهبه سالک بتون عثمانیلری روم عنوانی آلتده برلشدیرن و برنجی (ناپولئون) ه : « پادشاهک تبعه سنک قسم اعظمی رومدر ؛ روملر ایسه روسدر » سوزلرینی سویلتدیرن حکم ونفوذک منشائی بوراده تحریر وایضاحه لزوم کورمیورم [*] .

بو تاریخه تعلق ایدن حادثاتک ساحه تدقیقاتندن اوزا قلاشماق ایچون بوراده یالکنز - درزیر ایله مارونیلر آره سننده کی منازعاتک ، پک چوق زماندن بری آرانیلان وسیله اتخاذ اولنمی صورتیه - تطبیق ایدیلن بر تدبیراداریدن بحث ایده جکم .

ترکیاده تابعیت ، پادشاهک اکثر تبعه سی ایچون ، ممالک سائرده اولدینی کی ، ضیاعی بر مجازاته معادل اولان بر منفعت دکلدی . بالعکس رعایا نظرندنه بو تابعیت بر بلا ، بر فلاکت حکمنده اولوب کندیسی واقرباسی ایچون داعی

[*] سلطان محمد ثانی طرفندن ویریلن بر برانده بطریق (که نادیوس) ک بتون روم ملتک ، یعنی یالکنز اصل روملری دکل ، بلغارلری ، صربلری ، آرنا وودلری دخی احتوا ایدن بتون اورتودوکسلرک رئیسی اولدینی تصدیق ایلشدر .

تهلکه اولماز ایسه همان بوندن قوریتلمق چاره‌سی آرارلردی . شوراسی محققدرکه بعض دول اجنبیه قونسلوسلری وظیفه‌لرینی سوء استعمال ایدرک بو خصوصده رعایایه تسهیلات کوسترلردی ؛ رعایا قونسلوسلر طرفندن حمایه اولنورلر ، ترک تابعیتہ تشویق ایدیلرلردی .

اوزمانک اوراق و وثائق رسمیه سندن آکلاشیلدیغنه کوره ، بالخاصه (روسیه) حکومتی پایتختده و بر چوق ولایاتده بولنان خرسیتیانلره سسزجه تبدیل تابعیت ایتدیره رک ذاتاً دولت عثمانیه ایچون مضر اولان حمایه مذهبییه دائره‌سی توسیعه جالیشمقده ایدی .

(روسیه) نك خلاف عهد و اصول معاملاتنی اودرجه سوء استعمال ایدیلرلردی که ۱۸۴۱ سنه سنده تبعه عثمانیه صفتیه بر ترک محکمه‌سی حضورینه چیقان رعایان برینک دعواسنک تأخیرینی متعاقب یاننده روسیه سفارتخانه‌سنک ترجمانی اولدیغنی حالد روس تبعه‌سی صفتیه اثبات وجود ایتدیکی کورلمشدی . (اوده‌سا) یه اون کونلک بر سیاحت ؛ بر روس پساپورتی تبدیل تابعیت ایچون کفایت ایتمشدی .

ممالک عثمانیه‌نک عادتاً صلح‌چورانه ضبطی دیمک اولان بو معاملات ، روملر ایله ارمینلر آره‌سنده پک چوق کیمسه‌لرک (چار) ک زیر تابعیتہ کیرمسنی انتاج ایتدیکندن باب عالی تبدیل تابعیتہ مانع اوله‌جق تناہیر اتخاذه‌سنه قرار ویردی . مع‌مافیہ (روسیه) ایله بوی اولچمکه جسارت ایدمه‌دیکی ایچون (اوروپا) دولترینه مراجعتی ده‌ا امین وده‌ا آرتہ‌لکه‌سز کوردی ، بتون دولترلی تبعه غیر مسلمہ اوزرنده کی حق حمایه‌لرینک حدود نظامیسنه رعایت ایدیله‌جکنی . اعلانہ دعوت ایچون بر وقت مناسب حلونه منتظر اولدی .

بو وقت مناسبده (روسیه) نك آز علاقہ‌دار اولدیغنی برایشده ، یعنی (لبنان) اغتشاشاتنده ظهور ایتدی . باب عالی ، شام و الیسی ایله (انکلتره) ، (فرانسه) و (آوستریا) قونسلوسلری آره‌سنده تحدت ایدن بر اختلافدن بالاستفاده . محمیلرک اسامیسنی حاوی لیسته‌لرک مأمورین عثمانیه ایله برلکده تدقیق و تصحیح اولمسنی و معاهدات ایله قاپیتولاسیونلر حکمنجه صفت محمیتلری بادی اختلاف اولان کیمسه‌لرک بو لیسته‌لردن اخراج ایدلمسنی طلب ایلدی .

اوچ دولت غربیه تدقیق و تصحیحه مهیا بولندقلرینی بیسان ایتدیلر ،

(روسیه) حکومتی ده اشتراکدن امتناع ایده مدی . فقط یا معاملات تدقیقه نك .
 نا تمام اولمسندن ، یا خود دولترك موافقتی متعاقب بعض یولسزقلر وقوعه .
 کلمسندن طولانی باب عالی ، آتی آی صکره ، بوباده یالکز باشنه بر قرار
 ویردی ؛ بر دولت اجنبیه نك تحت حمایه سنه کیرد کدن صکره ، کافی السابق
 اقامت ایتمه ، یا خود تجارت وامور سائر لریله مشغول اولمق ایچون ترکیه عودت .
 ایدن رعایا و افراد عائله لری - ادعا ایتد کیری حمایه اجنبیه محکمه طرفندن تصدیق
 اولمقدجه - هر خصوصه تبعه عثمانیه دن عد ایدیله جکلردی .
 حکومت عثمانیه بالا آخره دخی تبدیل تابعیت مسئله سنك کوندن کونه ده
 آشکار بر صورتده وقوعه کلن سوء استعمالاتنه قارشی اتخاذ تدابیره لزوم
 کوردی [*] .



[*] بالخاصه ۱۸۶۰ سنه سنده تابعیت عثمانیه بی ترک ایتك ایستین کیمسه لرك مملکتندن
 چیقوب کیتملری و اموال غیر منقوله لرینی صاتمیری لازم کله جکینی و قوانین عثمانیه به توفیقاً
 حق وراثتدن محروم قالمیرینی امر ایتدی .



اون برنجی باب

رضا پاشا هیئت دکلوسی . - اموال مملکتده سکونت . - کلخانه فط
همایونک تأییدی .

یوقاریده بیان ایتدیکم وجهله رشید پاشانک ۱۸۴۱ سنه سنده انفصالندن
صکره ترکیانک سیاست داخلیه سنده بر تبدل حصوله کله جکی ظن اولندی ؛
مع مافیه اداره جدیدنه طور ومسلسلکنده ظاهراً بر فکر ارتجاع کورلیوردی .
اوزمان الک زیاده صاحب نفوذ اولان رضا پاشانک آمال و نیات حقیقیه سی
حقنده قطعی بر فکر بیان ایتکم ممکن دکلدی ؛ کندی افاده سنه نظراً ، رضا
پاشا نه اصلاحاتپرور ، نه ده دشمن ترقی ایدی ؛ ذاتاً کنج پادشاهک هر درلو
احتمالاته میدان آجان تلونی ، قرارسزلفی حسیله مسلك همایون دخی بویه
ایدی .

هر نه حال ایسه ، ۱۸۴۲ سنه سنده ممالك عثمانیه احوالنده موقت بر سکونت
حکمرما ایدی . هرشی اعتدال دائره سنده جریان ایدیور و مملکت خلی
زماندن بری محروم قالدیغی نسبی بر سکون و راحتدن مستفید اولیوردی .
هرشیئه رغماً ، افکار ترقیپرورانه اجرای حکم ایدیور و ترقی ، نه قدر بطی
اولورسه اولسون ینه بعض خصوصاتده اولکی قدر هوس و سرعتله اولما مقاله
برابر دوام ایلوردی . امور و مصالح عمومیه ده ارتکاب و ارتشایه ، انترقیه لره
اولکندن ده آ تصادف ایدیور کبی کورینیوردی . امور مالیه هان هان
کسب انتظام ایتشدی ؛ ویرکولرک طرح وجبایتی اصول جدیده سی ولایاتده
اولدجه سهولته موقع تطبیقه قونمشدی ؛ خزینه حکومته پازه کیریور
و - شایان حیرت بر حادثه مالیه اولمق اوزره - اسهام دولت باشه باش فیاتله
آلئوب صاتیلیوردی .

دیگر طرفدن امور عسکریده حس اولنور درجهده ترقی واردی؛
یکرمی بیک عساکر منتظمه دن مرکب براردونک اوچ آیدن آز برمدته
آسیا حدودینه کوندرلمی الک بدین اولانلر نظرلنده دخی بوترقی بی اثبات
ایدیوردی. الحاصل، مملکتک بعض نقطه لرلنده مأمورین حکومت، تشکیلات
ملکیه مطلوب درجهده اولماقله برابر حکومت مرکزیه ادوار سابقهده کلیاً
مجهول اولان برسطوت وقوتی الله ایتمش و بونی محافظه ایلمکده بولنمشدی.
حکومت مرکزیه مملکتک هر طرفنده دها زیاده اطاعت ایدیور و بونک نتیجه
طبیعی سی اوله رق دول اجنبیه نک تکالیف و وصایاسنه اولکی قدر سهولته
اطاعت اولمیوردی.

واقعاً ولایتده کویلرک احوال ماده لرلی حکومت مرکزیه نک قوه
حیاتیه سیله متناسب بر اثر ترقی کوسترمه مشدی؛ کویلرده استحصالات
ومبادلاتک الک بسط قواعدی حقنده بیله درین بر جهالت، دائمی بر اهمال
و تکامل کورلمکده ایدی. فقط هر جهت نظر دفته آلینیرسه دنیله بیلیرکه:
ترکیا، اثر حیات و فعالیت کوستریور و حکومت مرکزیه بر جوق سنه لر دن بری
دولت عثمانیه نک اضمحلال و اقراضی خبر ویرن کیسه لرک مدعیانی تکذیب
ایدیوردی.

پرنس (مترنسخ)، دولت عثمانیه نک داخل اولدینی دوره نقاهتی
(اوروپا) نقطه نظرندن حائز اهمیت کورمه مکه برابر اصلاحات حقنده کی
افکار ذاتیه سنک اصابتی اثبات ایلدیکنه حکم ایدیوردی. چونکه ۱۸۴۳
سنه سی مایسنده بارون دو (نومان) ه یازدینی بر مکتوبده: «ترکیانک سیاست
حاضره سی، اولجه مدینه طوغری ترقی عنوان مظنطی ایله ترین ایدیلن
سیاستدن رجعت ایلدیکنی ایما ایدیور؛ بوساخته ترقی، حکومت قدیمه
عثمانیه دن قالان اصول و قوانینی میدانن قالدیرمش، بونلرک یرینه یکی بر بنای
سیاسی واجتماعینک انشاسی ایچون لازم کلن موادی تهیه واکال ایده مه مشدی.»
دیمشدر.

شو حقیقت دخی بیان ایدلملیرکه: (اوستریا) باش وکیلی تنظیماتک
عقیم حتی منحوس بر فکرک محصولی اولدینگی بیان وادعا ایتدیکی صرهده
سلطان عبدالجید ۱۸۳۹ خط هایوتی تأیید ایدیور و رضا پاشانک مدلی

آطه‌سندہ اجتماع ایدن ازمیر، ساقز، قواله روم، ارمنی و موسوی رؤسای روحانیہ سنہ خطاباً آتیدہ کی نطقی ایراد ایتسنہ مساعدہ ویریوردی .

رضا پاشا بونطقندہ دیمشدرکہ : « جملہ منزک متبوع مفتخمی و اب مشفق اولان ذات شوکتسمات حضرت پادشاهی سزک آره کزہ کندی افراد عائله سی میانہ کلیورمش کی کلشدر . سزک مسرتکزلہ مسرور ، سزک اضطرابکز ایله متالم اولور . جناب حقک ذات هایونلرینہ تودیع بیوردینی وظائفک اهمیتتی پک ایی تقدیر ایلدیکی ایچون تبعہ سنہ ، اجداد عظامنہ ، نفس هایونلرینہ قارشی مکلف اولدینی وظائف نزد شاهانہ لرندہ مجهول دکلدر . شعار تابعیتی ، لازمه صداقتی حسن ایفایہ غیرت ایلدیکی کز صرہ دہ ذات حضرت پادشاهینک عدالتدن برآن بیله شبہہ ایتمه مکزئی نام نامی حکمداریلرینہ اولہرق سزہ بیان ایلکله اکتساب فیخر و مباہات ایلرم . مسلمان ، خرسیتان ، موسوی ، ہیکز بر حکمدارک تبعہ سی ، بر پدرک اولادیسکز . ذات شوکتسمات حضرت شہریاری بالجلہ تبعہ سنک عرض و ناموسنی ، جان و مالی تحت تأمینہ آلان قوانینہ ممالک شاهانہ لرینک ہر طرفندہ حرفیاً رعایت ایلدلی عزم قطعینسندہ بولندقلرنی ایچون ایچکزدہ دوچار ظلم و غدر اولان کیمسہ لر وار ایسہ همان میدانہ چیقسونلر ، لازمه عدالتک اجراسنی طلب ایتسونلر مسلمان و یا خرسیتان ، زنکین و یا فقیر ، مأمورین ملکیتہ ، عسکریہ و یا روحانیہ ، الحاصل بتون تبعہ عثمانیہ میزان عدالتی ہرکس ایچون صورت متساویہ دہ استعمال ایدن پادشاہک آمال خیرہ سنندن تماماً امین اولمیلدرلر ؛ برجرم و قباحتی اولانلر خوف مجازات ایله ترہسونلر ، ایی کیمسہ لر وصادق بندہ لر ایسہ مکافات بکلسونلر . »

بویاننامہ دن بر مدت ~~حکومت~~ ، پرنس دو (مترنیخ) ک قوانین قدیمہ بہ رجعت ایلسنی شایان تبریک بولدینی دولت عثمانیہ ، (اوروپا) اخذ عسکر اصولانی قبول ایدیور و بصورتلہ تشکیلات قدیمہ عسکریہ سنندہ اساسلی و قلعی بر تبدل حصولہ کتیریوردی .





اون ايکنجی باب

تکلیفوت عسکریه . — ماله

اوزمانه قدر اخذ عسکر مادهسی غیر منتظم ، قاعده مساواته مغایر بر صورتده اجرا ایدیلور ، جلب واستخدام ایدیلن عسکر الی الابد سلاح آلتنده قالیوردی . ۱۸۳۹ خط شریفی اخذ عسکر اصولنک اصلاحی ومدت خدمتک محدودیتی قاعدهسنی وضع ایتدیکی کبی هرملکتدن آلهجق عسکرک مقداری حقندهده برقانون یاپیلهجعتی بیلدیرمشدی .

بوقانون ۶ ایلول ۱۸۴۳ تاریخنده تصدیر ایدلدی . بومناسبتله حیدر پاشا طرفندن نشر ایدیلن بیساننامهدن مستخرج فقرات آتیه قانون مذکورک احکام اساسیهسنی اراؤه وایضاح ایدر :

« دولت عثمانیهنک الیوم ایچنده بولندیفی حال سعادتبخشای سکون و آسایش عساکر شاهانهنک جلب واستخداملری خصوصنک بر اصول معقول وعادلانهیه ربطی مسئله مهمهسنک اکمال واتمانه امکان براقش ومواد آتیه طرف حضرت پادشاهیدن تصدیق و قبول بیورلمشدر : عساکر نظامیهنک مدت خدمتی یش سنه اولقی اوزره تعیین ایدلمشدر . — بش سنه خدمتدن صکره ترخیص ایدیلن عساکر نظامیه یدی سنه صنف ردیفده خدمت ایده جکار وهرسنه برآی ایچون منابوه ، منسوب اولدقلری قضالر مرکز لرینه جلب اولنه جقلردر . — هر سنه مارتنک برنجی کونی عساکر نظامیه هراردونک خمسی نسبتنده تجدید ایدیله جکدر . ترخیصه کسب استحقاق ایدن عسکرک اسامیسنی حاوی جدوللر بوزمانده ترتیب اولنوب عساکر مذکوره یرلرینی طولدیره جق افراد جدیدنک ورودی نسبتنده پیدرپی ترخیص قله جقلردر . بعدازین ضابطان عسکریهنک عهده لرنده مأموریت ملکیه اجتماع ایده میه جکدر .

ممالك شاهانهك وسعت ووضيعة جغرافيهسى نظر دفته آلهرق اردوى عثمانى
عثمانى بش بيوك قول اردويه آيريله جقدر: عساكر خاصه دن مركب برنجى
اردو، در سعادت اردوسى دنيلن ايكنجى اردو، روم ايلي، آناطولى و عربستان
اردولرى .»

بومعقول تشكيلات ايله، سليم ثالث و محمود ثانياك قوه ده قالان تصوراتى
نهايت موقع تطبيقه وضع ايديليور ديمكىدى . مسلمانلرك اكثر تى ، بتور بار
ثقيلى دوش تحمللرينه آلدقلى تشكيلات جديده عسكرى يى صورت قطعيه ده
قبول ايتديلر . مع مافيه تشكيلات مذكوره، اهالىسى هنوز حال بدويته ياقين
براستقلال ايچنده يشايان وشقاوت اوجاغى اولان روم ايلي و آناطوليك بعض
طرفلرنده بيوك قاريشيقلقلى موجب اولدى . آرناوودلق عصيان ايدرك
سلاح قوتيله تحت اطاعته آلمسنة مجبوريت حس ايدلى . قومانونه و كوپريلده .
وقوعه كلن ايكي قانلى محاربه نتيجه سنده آرناوودلر برمدت موقته ايچون دائره
اطاعته ادخال اولنديلر .

رضا پاشانك امنيت مليه يى يكي اساسلر اوزرينه وضع و تطبيقه صرفه
ماحصل غيرت ايدليكي صروده اداره ماليه جه دخى مملكتك شرائط
اقتصاديه سنى اصلاحه مدار اوله جق تدابير حاضر لمقده ايدى .

مسكوكاتك قيمت حقيقه سى، متعدد دفعه لر نقشيش ايدلش ، فقط قيمت
اعتباريه سى تعديل اولنامشدى . مسكوكاتك تنزيل عيارى اهالى به بر نوع
ويركو طرحى ديمك اولوب عيارك صورت دائمه ده تبدلى داخل و خارجى
معاملات تجاريه يى پك زياده تضيق ايدى يوردى .

ديكر طرفدن، هيچ برتأمينات وقارشيلغى اولمهرق اخراج ايديلن قائملر
براز مدت صكره پك زياده قيمتدن دوشمشدى . بابعالى بوكي مسائل ماليه ده
تجربه سز اولدينى ايچون ۱۸۴۰ سنه سنده (آوروپا) حكومتلرينه مراجعت
ايدرك بوكاغدلره « بلاتردد و بلاخوف سكه خالصه نظريه باقلىرى » خصوصك
كندى تبعه لرينه امر و اخطارنى رجا ايتدى . مبادله يى تسهيله برواسطه دكل ،
بلكه بر تدبير مالى اولان قوائم نقديه اخراجنك ياكاش بر حساب اولدينى
وامور ماليه ده جبرا اعتبار [قرده دى] تايمينه قالقيشمه نك اعتبار سزلى انتاج
ايتديكى جوانى و يرلدى .

ارباب اختصاصك توصیه سی اوزرینه ، مسكوكات قدیمه دن بر قسمك موقع تداولدن چیقاریله رق بونلرك یرینه عیاری (اوروپا) مسكوكاتی عیارینه معادل اولان «مجیدیه» ضرب ایدلسنه قرار ویرلدی . مسكوكات اجنیهك تداولی منع ایدلدی وقامیوئی ثابت برمقدارده طوته بیلیمك ایچون حكومت ، محلی بانقه لرندن بر چونغی ایله پولیچهك ثابت بر فی ایله چکیلیمسی تأمین ایده جك صورتده ائتلاف لر عقد ایتدی . بوتداییر ، برقاج سنه صكره تأسیس ایدیله جك اولان ملی بانقهك مقدمات تشکیلیه سی حکمنده ایدی .

پرنس دو (مترنیخ) ك نظریه سی كیندكجه اعتباردن ساقط اولیور وموازنه عمومیه سیاسیه میاننده دولت عثمانیهك بقاسی آنجق (اوروپا) عادات وتعاملنی قبول ایله ممكن اوله جنی فكرینك صحتی وقایع وفعلیات ایله میدان چیقوردی . (اوستریا) باش وکیلی مسائل سائرده دخی ترکیانك ، حال انفرادده قالماق خصوصنده کی نصایحی تعقیب ایتدیكنی ، بالعكس دول غربیه یه ممكن مرتبه یاقلاشمغه چالیشدیغنی كوردی .





اون اوچنچى باب

سلطان عبدالجبار افکار اصرارنامسى — دلايانده درسدانه هيت
مبعوثه درردى — معارف عموميه — تنظيماتك بتونه دلايانده تطبيقى .

بركون، ۱۸۴۵ سنهسى شباطى ظرفده ، پادشاه باب عاليه كيدرك
بالذات يازمش اولدينى بر خط شريفى قرائت ايتدى . بوخط هايونك مالى
شودر :

« افكار و آمللى موقع تطبيقه وضع ايچون صرف ايديلن غيرتله رغماً
— اصلاحات عسكريه مستتا اولمق اوزره — تصورآتمدن هيچ برى اميد
وانتظار ايلديكم نتايجي حاصل ائمه مشدر. حتى اصلاحات عسكريه بيله صاغلام
بر اساسدن ، مملكتك ترقيات عموميهسى كى متين بر تملدن محرومدر . بوكا
صوك درجه متأسفم . بناء عليه سكا [صدر اعظمه] وبتون وكلايه ، تبعه مك رفاه
و سعادت حالى تأمين ايچون لازم كلن تدابيرى اتحاد تام دائره سنده تأمل
ومذاكره ايتكنزى امر ايدىيورم . بو ترقينك حصولى كرك امور دينيه ده
و كرك امور دنيويه ده جهالتك ازاله سنه متوقف اولديغندن علوم وفنون
و صنايع تدريسنه مخصوص مكتهلك تأسيسنى اك مستعجل ايشلدن عد ايدرم .
بوندن بشقه بر مؤسسه خيريه اولمق اوزره بلا تفریق جنس و مذهب بتون
تبعه و حتى اجانب فقراسنه مخصوص واسع بر خسته خانه انشا وكشادينى دخى
آرزو ايلمكده يم . »

بالا اختيار صدور ايدن بو خط هايونك پك مؤثر و حتى بر از حزين
اسلوب افادهسى ، حيات سياسيه ده سندن زياته اختيارلامش اولان كنچ
حكمدارك طبع سليمى كوسترييوردى . پادشاهك امور اصلاحيه به بالذات
مداخلهسى هر كسى دوحار تعجب ايتديكى كى افكار و اذهان عامه ده بر چوق

شبهلر بر اقصدر . بعضیلری پادشاهك بومداخهسی وکلانك وبالخاصه تشکیلات
عسکریه قانون جدیدی مؤلفی اولان رضا پاشانك تقویه موقعی مقصودیه وقوعه
کلدیکنی فرض ایدیورلردی . بعضیلری ایسه بوکا بسبتون معکوس بر معنا
عطف ایدرك رضا پاشانك سقوطی قریب الوقوع اولدیغنی ظن ایتدیلر .
برنجی شق طرفدارلری غلبه ایتدیلر ؛ بر مدت صکره رضا پاشا ایله
رشید پاشانك عینی هیئت وکلاده برلشملرینی تأمین ایدهك صورتده بر تبدل
وقوعه کله جکندن بحث ایدلمکه باشلاندی .

دولت عثمانیه نی تجدید واحیایه بتون رجال حکومتدن دها مقتدر اولان بوايکی
ذاتك تشريك مساعی ایلسنه انتظاراً ، باب عالی ، پادشاهك افکار و آمال
عالمجنابانهسی موقع فعله قویق چاره لرینی دوشوندی . هر ولایت مرکزنده
انتخاب اولنه جق مسلمان و رعایا بمعوثلرینك درسعاده کلهرك ولایات احوالنه
و اجراسی لازم کلن تبدلاته دائر بیان رأی ایللری قرارلشدیرلدی .

آرای عمومیه خلقه مراجعت ایدلمسی فکری هیچ امید ایدلمین بر تدبیر
ایدی ، بر چوق منقدرلر بونك تهلمکلی بر حرکت اولدیغنی دخی بیان ایتشلر
ایدی ؛ مع مافیه حکومتك حسن نیته دلیل اولدیغنده هیچ کیمسه نك
شبههسی یوقدی .

ولایات مرخصلرینك پایتخته دعوت اولملرندن آرزو ایدیلن نتیجه حاصل
اولدی . بمعوثلر پایتخته اجتماع ایتدکلیری زمان کندیلرینه دعوت پادشاهینك
اسباب موجبیهسی مبین بررکاغد ویردیلر . مؤکالری نظرنده توجهدن ساقط
اولق قورقوسيله بومبعوثلرک پک مشکل بر موقعده قالمش اولدقلری اکلایشیلور .
نتیجه ده پک آزشی سوبیلوب مملکتلرینه عودت ایتدیلر .

بالآخره مملکتك احوالنی تدقیق ایچون اتحاد ایدیلن بوتدیرک کفایتسزلکی
آکلایشیلدی ؛ تدقیق احوال مملکت وظیفه سنك بشی آناطولییه و دیگر بشی
آوروپای عثمانیه اعزام ایدیلن اون مأموره تودیبی قرارکیر اولدی .

سلطان عبدالحمیدك معارف عمومیه حقنده کی آرزولرینی یرینه کتیرمک
اوزره برتریه و تدریسات عمومیه پروغرامی حاضرلق ایچون بر هیئت مخصوصه
تشکیل ایدلدی . بالآخره مجالس عالیه حکومتده مهم بر وظیفه ایفا ایدهك
اولان فواد افندی بو فکرک مروج و زهبری اولدی .

هیئت مذکورہ نك مذاکراتی نتیجہ سندہ مهم بر قانون نشر ایدلدی : بو قانون بر دارالفنون عثمانی تأسیسی و مکاتبك ممکن مرتبہ علما یدندن . آنوب حکومت اداره سنہ ویرلسنی تضمن ایدیوردی . مکاتب ابتدائیه حالیه ابقا و تحصیل ابتدائینك بجانی و مجبوری اولدینی اعلان ایدلدی . او زمانہ قدر موجود اولیان تحصیل تالی ، رشدی دنیلن مکاتب مخصوصہده . کذلک بجانی اولہجقدی .

مدرسہ لردہ کی تحصیل عالیہ کلنجه ؛ تدریس ایدیلن موادك وسعتی . وماہیت دینہ سی حسیبلہ آنحق پك محدود طلبہ نك مستفید اولہ بیلدیکی بو درجہ تحصیلك اصلاحی ، یعنی ہیئت علمانك انحصار قدیمی بردن برہ قیروب . قالدیرمغی دوشونہجك زمان ہنوز حلول اتمہ مشدی . قانون جدید یالکز محمود ثانی زمانندہ تأسیس ایدیلن مکاتب خصوصیه یی وبالخاصہ مأمور اولہجق . کنجلر ایچون آچیلمش سلطان احمد وسلیمانیه جامعہ لرنندہ کی درس لری ، مکتب طیبہ ایلہ مکتب حربیہ یی اصلاح ایدیوردی .

بوقانون احکامندن برچو غنك پك چوق زمان پروژہ حالندہ قالدیغی ذکر ایتمك مناسب اولور .

او زماندہ حکومتك تمایلاتی ارانہ ایدن تدابیر جملہ سندن اولہرق شونی دم . ذکر ایدہم ، کہ تنظیماتك ہنوز تطبیق ایدلمدیکی دیار بکر ، ارضروم و یانیہ ولایت لری دخی ۱۸۳۹ تاریخلی خط ہایون احکامنہ تابع طوتولدیلر .





اون دردنجی باب

رضا پاشانك انفصالی درشید پاشانك تعیینی . — اصلاحات فرقدنك غلبه سی . — رضا پاشانك اصلاحات طرفدارى هیئت وکلا به دغولی . — مکتبه . — اردو . — محاکم مختلطه . — امیر تجارتك منعی . — مساعداات مذهبیہ .

بو مختلف تدابیر ، افق مساعینك هانكى جهته آچیله جغی پك كوزل كوستریوردی . نامی هر كسك آغزنده دوران ایدن اصلاحات طرفدارى وزیرك قریباً موقع اقتداره كله چكى بر صرده سرای پادشاهیده وقوعه كلن بر انقلاب ، رضا پاشانك سقوطی انتاج ایتدی و باب عالینك بلكه ده امثالی نامسبق بر نفوذ و استقلال ایله اداره امور ایلسنه خاتمه چكدی .

عجبا بو تبدل — لبنان اغتشاستدن بحث اولنوركن بیان ایلدیکم وجهله — باب عالی نی مارونی خریستانلره قارشى خصومت ایله اتهام ایدن (اوروپا) نی ممنون ایتمك ایچونمی اجرا ایدلمشدى ؟ یوقسه سلطان عبدالحمید ، یالكز رضا پاشانك وصایت متفدانه سندن كندینى قورتارمق ، استقلال سیاسى الله ایتمكى ایسته مشدى ؟ هر ایكى صورت ، حقیقه مقارن كورونور و او زمان پادشاهك نه ایله مشغول اولدیغی اثبات ایدر .

اداره جدیدیه عمومیتله موقت نظریله باقیلدی . هیئت وکلا ترقیات جدیدیه طرفدار ایدی . مجلس احکام عدلیه ریاستدن سرعسكرلکه نقل ایدیلن سلیمان پاشا معارف عمومیه قانونی ترتیب ایدن هیئتك مذاکراته ، ولایات مبعوثلرینك درس عاده جلب و دعوتی مسئله سنه اشتراك ایتمشدى . مجلس احکام عدلیه به تعیین اولنان رفعت پاشا ، طوبخانه مشیریتنه کچن احمد فتحی پاشا ، خارجیہ نظارتی وکالتی احراز ایدن عالی پاشا — که بالاخره

پارس قونغرهنده مرخص صفتیه بولمیشدر، الحاصل وکلانک جملهسی
آز چوق رشید پاشایه صادق ایدیلر، برکون کلوب رشید پاشانک باب عالیده
بوذاتلر ایله برلکده چالیشه جنی شهسز عد اولئیوردی .

نهایت رشید پاشا موقع اقتداره کلدی ورضا پاشانک سقوطندن ایکی
آی صکره عالی افندینک وکالة اداره ایتدیکی خارجیه نظارتی درعهده
ایلدی . رشید پاشانک ، علائم ارتجاع تماماً زائل اولدقن صکره ، یکیدن
خارجیه نظارتنه کلیسی بروقعه مهمه ایدی ؛ فکر اصلاحات هرطرفده غلبه
ایدیوردی .

مع مافیه رشید پاشان خارق العاده اجراآته انتظار اولنه مازدی ؛ نائل
اولدینی امن واعتماد ، کندیسنه برچوق وظائف مهمه تحمیل ایدیور ،
کندیسده بووظیفه لری بحق ایفا اتمک عزم قطعیسنده بولئیوردی ؛ فقط
مجلس وکلاده بولنان ذوات محدوده خارج قالمق اوزره مملکتده قحط رجال
بولندینی ورشید پاشانک آرزوسی وجهله اصلاحاتی ولایاتده تطبیقه مقتدر
وخواهشکر کیمسه لر بولندینی مجهول دکلدی . تربیه عمومیه نك ترقی ایدرک
طشره لره لزومی اولان مأمورینی یتشدیره جک درجه یه وارمسی ایچون پک
چوق زمان کچه جکی شهسز ایدی .

ایشته بووخیم مشکلاتی نظر دتته آلدینی والده بولنان رجالدن ممکن
مرتبته استفاده اتمک ایستدیکی ایچون خارجیه ناظری ، اختیار خسرو پاشایی
مجلس وکلایه مأمور ایتدیوردی ؛ خسرو پاشا ، برچوق خطیائنه رغماً پایتخت
خارجنده بیوک برشهرته مالک اولدیغندن اصلاحات هیئت وکلایه میاننده
یالکیز اسمنک بولمسی تدابیر اصلاحیه نك طشره لرده قولایجه قبولی تأمین
ایده بیلیردی .

رشید پاشانک ، بوتاریخده ذکر ایدلمسی لازم کلن ، ایلاک اجراآتی رضا
پاشانک موقع اقتداره صعودینی متعاقب تسطیر ایدیلن خط هایونه مائل بر
بیاننامه نشری اولدی ؛ یالکیز رشید پاشانکیکی ۱۸۳۹ خط شریفنک تأیید
احکامی نقطه نظرندن دها واضح ایدی . رشید پاشا ، سلطان عبدالمجیدک
۱۸۴۶ سنه سی ایلاک بهارنده وقوعه کلن بز سیاحتی اثناسنده (ادرنه) ده

اجتماع ایدن جماعات غیر مسلمہ وکیلرینہ خطاباً نام پادشاهی یہ اولہرق شو
مآلده برنطق ایراد ایتدی :

« ذات شوکسمات حضرت پادشاهی مسلم تبعه سنک سعادت حالی ایستدیکي
کبی تبعه هایونلری اولان خرسیتان وموسوبلرک دخی نائل راحت وحمايت
اولملرینی آرزو بیورمقده در . دین ومذهب فرقی تبعه نك آنجق شخصلرینہ
متعلق برایشدر ، حقوق تابعیتلرینہ خلل ایراث ایدہ مز ؛ ہمیز برحکومتک
تبعه سی وبرمملکتده طوغوب بیومش وطنداشلسر اولدیغیز ایچون بربرمزی
فنا کوزله کورمکلکمز اصلا مناسب اولماز . حکمدار دیشامز الطاف وعنايتی
کافه صنوف تبعه سنه مساواتاً ابدال بیوردقلری ایچون بونلرکده کندي
آردلرنده آهنگ ووفاق تام دائرہ سنده یشاملری وترقیات ملیهیه مشترکا
چالیشملری اقتضا ایدر . »

رضا پاشانک عینی وسیله ایله ایراد ایلدیکي نطق کبی رشید پاشانک بیاناتی ده
قصورسز ایدی ؛ فقط شوراسنی ده صاقلاماملیدرکه بوسوزلر ، کندیلرینہ
مساوات وعد ایلدیکي حالده بووعدک حقیقت شکنه کیردیکنی کوره مین
رعایانک امیدلرینی یرینہ کتیرمیور ، یالکیز تحریک ایدیوردی . ترکار طرفنده ،
بر چوق دفعه لر تکرار ایدیلن بوکوزل وعدلره (اوروپا) بی نمون ایتک
ایچون اختیار اولمش ظاهری مساعدات نظریله باقیلیور ؛ پادشاهک آرزوی قطعیمی
بویله اولدیغنه اینانیله میوردی . درسعادتده پک زیاده انتشار ایدن وحکومتی ،
اک کوچوک تشبثاتده بیله سربستی حرکتدن محروم براقان بو فکر وذهاب
او زمان ، جدی بر اساسه مستند دکلدی . رشید پاشا افکار حریتپرورانه سنده
نه قدر صمیمی ایسه سلطان عبدالحجیدده او درجه حسن نیته مالک ایدی ؛
پادشاهک رشید پاشا ایله بالاتفاق تجارت نظارتہ رضا پاشانی کتیردیکنی کورن
بر چوق کیمسه لر ادعالرندن فارغ اولدیلر . بویکی اصلاحانیرور وزیرک عینی
هیئت وکلاده بولمنسی کانون نانی ۱۸۴۵ تاریخی خط هایونک نشری زماننده کی
تخمینک ، یعنی هر ایکی وزیرک تشریک مساعی ایلمسی احتمالک ساحه حصوله
حقیقیمی دیمکدی .

بر از مدت صکره رشید پاشا مقام صدارته کچدی و عالی افندی خارجیه
نظارتہ تعین اولندی . هیئت وکلا قوتلی بر صورتده تشکیل ایدمش ، حکومتک تمایلات

اصلاحات پرورانہ سیدہ کسب قوت ایلمشدی . بواکی ذاتک همتلرله حکومتک طریق ترقیده دها زیاده ایلرله جکنه و بر استقبال سیاسی ایستیلرک کافه سنک ایستر ایسته من بو طریقده رشید و رضا پاشالری تعقیب ایده جکلرینه قاعت حاصل اولدی .

عینی فکری قبول ایدن و عینی اداره آلتسده حرکت ایلین نظارتلرک جمله سی امر اصلاحاته صرف ماحصل غیرت ایلکله افتخار ایدیوردی . داخلیه نظارتنده مأمور اولان صدراعظم ، بویابده دیگر وکلايه نمونه امثال اولدی . قسم اعظمی قانون جزایه متعلق بر حقوق اوامر و تعلیاتی حاوی اولان بر اداره قانونی تنظیم و نشر ایتدیردی ؛ بو قانون ایله اوامردن مقصد مأمورین مختلفه حکومتدن هر برینک وظیفه و صلاحیتنی تعیین و جمله سی حکومت مرکزیه دها قوی بر صورتده ربط ایلمک ایدی .

امور معارف ایچون تشکیل ایدلمش اولان هیئت دارالفنون شاهانه ایچون بر بنا انشاسنه قرار ویردی . عسکرلکک کافه شعباتنه ضابط یتشدیرمک ایچون بر مکتب آچیلدی . اوچ فرانسر ضابطی بو مکتبک تدریساتنه نظارته مأمور اولدی .

امور عسکریه سرعسکر جدید سعید پاشانک زماننده یکی بر دوره ترقیه داخل اولدی ، سعید پاشا عسکری تعلیم ایتدیرمکه باشلادی و رضا پاشانک سرعسکرلکی ترک ایلدیکی کوندن بری بعض مرتبه اهمال ایدیلن انضباطی اعاده ایتدی .

طرق و وسائط نقلیه نك اصلاحی ، زراعتی تسهیله خادم تدابیر مختلفه اتخاذای ایله اشتغال ایدلدی .

دولتک قوانین و نظامات عدلیه سنده بر حقوق تعدیلات اجرا ایدلدی [*] .

[*] او زمان درسمه ادته بر استیناف محکمه سیله طشره لرده تقسیمات ملکیه به توافق ایتمک ، ایات مرکز لرنده بولتمی اوزره یکرمی درت استیناف وهان هرلوا مرکزنده بر بدایت محکمه سی بولتمده ایدی . لوا محکمه لرینک دوننده قضا صلح حاکمری بولتمده ایدی . بو مختلف محاکمک درجه صلاحیتلری واضح بر صورتده تعیین ایدلمه مش اولدیفی کی اداره ملکیه دن بسبتون مستقل دکادی . مسلمانلر ، یاخود مسلمانلر ایله رعایا ، یاخود ملل مختلفه به منسوب رعایا ، یاخود هانکی ملته منسوب اولورسه اولسون تبعه عثمانیه ایله تبعه اجنبیه آره سنده کی دعوالر بو محکمه لرده رؤیت ایدیلیردی .

معلوم اولدنی اوزره ترکیاده اجانب قوانین محلیه تابع دکلدرلر ؛ یرلیرلرک علاقهدار اولمقلری کافه دعاوی ایچون کندی حاکمیری حضورنده مملکتلرینک قوانینه کوره محاکمه اولنورلر . محاکم عثمانیه اجانبه تعلق ایدن دعاوی نی ، آنجق تبعه عثمانیه دن بری علاقهدار ایسه رؤیته صلاحیتداردرلر . ایشته بو نوع دعاوی نی رؤیت ایچون ۱۸۴۷ سنه سنده اعضاسنک نصفی (اوروپا) دولترلی سفارتخانه لری ، نصف دیکری حکومت عثمانیه طرفندن انتخاب ایدلمک اوزره حقوق و جزا محاکم مختلطه سی تشکیل ایدلدی .

بدایت امرده ، پایتخته منحصر اولان وبعده تدریجاً اجانبک بولندنی بلاد داخلیه تشمیل ایدیلن بواصلحات ، مهم بر ترقی ایدی و تجربه ، بونک درجه اهمیت و تأثیر نی کوسترمشدر . بوسایه ده ایکی بیوک تجدد وقوعه کلدی . بر طرفندن اوزمانه قدر یالکیز شهود شخصیه نک قبول ایدلیری دعاوی حقوقیه ده بینات تحریریه قبول ، دیکر طرفندن خرسیتانلرک مسلمانلر علمینده بیله شهادتلرینک قبولی تصدیق ایدلدی . شق اخیر ، عصرلرجه زماندن بری مسلمانلرک یرلی ویا اجنبی خرسیتانلر ایله مناسباتی تعیین و اداره ایدن بر قانونک لغوی دیمکدی ؛ بونک ایچون حکومت مرکزیه نک تحت تفتیشنده بولنان پایتخته جوار ولایاتدن ماعدا یرلرده قاعده جدیدیه رعایت ایدلمه مش اولمسنه تعجب اولماز .


اداره حکومته اولکندن زیاده مداخله ایدن پادشاه بیله وکلاسنک تعمیم مدنیت خصوصنده کی مساعیسنه شخصاً اشتراک ایتک ایستدی ؛ دور سلطتی ایچون بر شرف اولان وعلو جناب و حسن طبیعتی حقنده کی ظن عمومی نی تأیید ایدن بر حرکتده بولندی : مجلس وکلا برکون ویرکو مسئله سی مذاکره ایدرکن سلطان عبدالحمید بردن بره باب عالییه کلدی . اسرای زنجیه تجارتی منع ایتدیکنی و واردات دولتن هیچ بر شیئک هانکی شکل ایله اولورسه اولسون اجانبک مراق و تجسسندن زیاده نفرتی جلب ایدن بر تجارت معیوبه یه تخصیص ایدلمسنه مساعده ایدمه جکنی بیلدیردی .

بوتدیر انسانیت پرورانه نی متعاقب سربستی و جدانه متعلق دیکر بر تدبیر

محاکم مذکوره عینی ملته منسوب رعایانی ، یاخود اجانب آره سنده ظهور ایدن حقوق دعوالرینی رؤیته صلاحیتدار دکلدی .

دها اتخاذ اولدی . ۱۸۳۴ سنه سنده ، باب عالی ، روم بطریقک مراجعتی .
 اوزرینه ، بر مذهبیدن دیگر مذهب کچمکی و کوندن کونه انتشار ایدن .
 قتولیک مذهبک تعممنی منع ایلک ایچون بر فرمان تصدیر ایتشدی . اوتاریخدن
 بری شرقده حریت وجدانی تأمین مقصدیله متفقاً صرف مساعی ایدن
 (فرانسه) و (انگلتره) نك مراجعات متوالیه سی نتیجه سنده حکومت عثمانیه
 - ذاتاً کندی نقطه نظر نجه ، دین ملی اولان اسلامیه اصلاً تعلق ایتمین -
 بومسئله ده دول غریبه نك آرزولرینه موافقت ایتدی .
 ۱۸۳۴ فرمانی فسخ ایدلدی .





اون بشنجى باب

ارتجاع تېتىلى . — رىشيد پاشانىڭ انفىلىلى رىكدار تېغىنى . — ايلگىنى دىغە
اولدۇرۇق رضا پاشا ايدە بىلگەدە ھېيت وىلادە بولمىسى . — ۱۸۴۸ انفىلىلىنىڭ
رىكبادە تائىرالى .

ترىكانىڭ اصلا علاقه دار دىكل كى كوروندىكى بعض وقايع سياسيه ، امور
داخلىه سىنى اصلاحه چالیشان باب عالىنىڭ سياسىتى اخلال ايتدى . عبدالحىدىك
اصلاحتاپرور حكومتى ، بالخاصه (فرانسە) و (انكلترە) نىڭ معاوتتە
كووه نيوردى ، بونددە حقى واردى . چونكى (روسيه) ، دولت عثمانيه يە
دشمن اولمشدى ؛ (اوستريا) يە كلنجە ، پرنس دو (مرنىخ) ك باب عالى
زىدندە كى سفىرى واسطە سىلە كىچ پادشاهە واقع اولان نصايح غرىبە سىنىڭ
نە كى تائىرات حصولة كىتە دىكىنى يوقايدە سويلشدم .

حال بوكة (فرانسە) و (انكلترە) ، اوروپا سياست عموميه سىنە متعلق
برمسئله مهمەدن ، (اسپانيا) ازدواجلىرى مسئلە سىندن طولايى برىرلەردن
آيرىلشلىردى ؛ بوايكى دولت آردە سىندە شرق مسائلى حقنەدە موجود اولان
ئتلافك دىخى مبدل اختلاف اولمىسندن قورقۇلە بىلىردى .

رشيد پاشا ، اول امردە ، نفوذ واعتبار شخصىسىنى اخلال و كندىسىنى
ھنوز تامامەن ترك سلاح ايتدىرەمدىكى دشمنلىرى النە تسلىم ايدە بىلەجك بر
حادثە قارشى سىندە بولدى .

(قراقووى) جھورىتنىڭ اورتەدن قالدىرىلمى رشيد پاشانىڭ خىرت واندىشە سىنى
آرتىرىمشدى ؛ باب عالى (اوروپا) حقوق عموميه سىندن مستفید اولوركن
(اوستريا) نىڭ وقت صلحدە بويە بر ضربه اورمىسى عثمانلىلارنىڭ قلىنى جريحە دار

ایتمشدی. باب عالی، کندی استقلال و تمامی ملکیتک (اوروپا) عالم سیاستک تصورات و تشبثات آتیه‌سنه اساس اتحاد ایدلمکده اولدیغنی کورینوردی.

رشید پاشانک تخمینی وجهله بواحوال، فکر ارتجاعک کسب قوت ایلمسنه سبب اولدی. خسرو پاشا، الک قوتلی بر واسطه ارتجاع ایدی. اداره امورده هیچ بر تأثیری اولماق شرطیه مجلس وکلاده اثبات وجود ایدن بواختیار وزیر، رفقاسنک اصلا مظهر امن و اعتمادی اوله‌مامشدی؛ تعصبی یواش یواش اوپامش، بعض رجالک معاونتاریله رشید پاشانک و باشلیجه طرفدارلرینک علیهنده ترتیبانده بولنمق فکرینه دوشمش و اصلاحات فرقه‌سنه قارشی حقیقی برپلان وجوده کتیرمشدی.

خسرو پاشانک تصوراندن وقیله خبردار اولان پادشاه، کندیسینی عزل ایتدی. بوصورتله اصلاحات علیهنده کی انتریقهلرک مرتب وریشی میدانن قالدندی؛ فقط خسرو پاشا طرفدارلری مایوس اولمدیلر، عبدالمجیدک، صرف مقریینک تأثیر نفوذیه اجرا آت شدیدده بولندیغنی آکلادیلر و بوحالی پادشاهک ضعف قلبه یکی بر دلیل اوله‌رق تلقی ایلدیلر.

فی‌الحقیقه بونلر، پادشاهک محروم متانت اولدیغنی ظننده آلدانمورلردی. خسرو پاشانک عزلندن براز صکره، اصلاحات علیهدارلرینک نفوذینه قاپیلان عبدالمجید، رشید پاشایده فدا ایتدی.


مع مافیه رشید پاشانک انفصالی پک آز دوام ایتدی. ۱۸۴۸ سنه‌سی شباطنده باشلایان (فرانسه) انقلابی ممالک عثمانیه ده دخی اجرای تأثیر ایتمشدی. (افلاق) ده مهم قاریشقیقلر وقوعه کلش، بو قطعنه روسلر طرفدن اشغال ایدلمسی تهلمکسی باش کوسترمشدی. دیگر طرفدن رعایا آره‌سنده شدتلی برهیجان کوریلوردی؛ تبعه غیر مسلمنه‌ک حکومت غریبه‌ده اجرای حکم ایدن افکار احرارانه‌ک تأثیریه - لومباردیاده کی ایتالیانلر کبی - اجنبی بیوندوروغندن قور تولمغه چالیشملری محتمل ایدی.

پادشاه، امور دولتی اداره‌یه الک مقتدر اولان ذواتی رأس کاره کتیرمک لزومنی حس ایتدی. حریبه نظارتنه رضا پاشا تعین اولندی؛ اول امرده مجلس خاص وکلایه مأمور اولان رشید پاشا تکرار مقام صدرانه کچدی.

ایکدنچی دفعه اوله رق مجلس خاص وکلاده برلشن بو ایکی تجربه دیده ذات ، بربرلرینک نقصانلرینی اکیال ایدیورلردی . هر ایکسینک طبیعت و اخلاقده ، ذکا و درایتده نقصانلری واردی ؛ فقط اون طقوزنجی عصرک اک قاریشیق ، اک هیجان آمیز بر دوره سنده ترکیانک افکار ارتجاعکارانه یه قارشى مقاومت ایده بیللمسی ، اثر حیات کوستره بیللمسی ایچون محتاج اولدینی رجال مقتدره حکومت ، آنجق بو ایکی ذاتدن عبارت ایدی . رشید پاشا نامی ترقیات تدریجیه ، مدنیت غریبه ایله مترادف ایدی ؛ رضا پاشا ایسه ترک ملتک تمثال مشخصی ایدی ؛ تهلکهلی کونلرده استقلال عثمانی حسیاتی غلیانه کتیره بیلجک ، اردویه قوه الظهر اولمسی لازم کان قوای وطنپرورانندن استفاده ایده بیلجک یکانه ذات بو ایدی . رشید پاشا (اوروپا) نظرنده نائل اعتبار ، رضا پاشا اهالی اسلامیه آره سنده مظهر اعتماد ایدی .

فی الحقیقه دولت عثمانیه ، رجال حکومتک توحید مساعی ایلسنه هر زماندن زیاده محاجدی . (اولاح) اغتشاشاتی وسیله اتحاد ایدن (روسیه) مملکتینی اشغال ایتمش ، (اوروپا) یی ممالک عثمانیه نک مقاسمه سنه سوق ایتک ایستیور کبی کورونیوردی . (اوستریا) نک دخی (ایتالیا) قطعهنی و (آلمانیا) ایمپراطورلق تاجنی ضایع ایتسنه مقابل بر نوع تعویض اولمق اوزره (طونه) نهرینک ساحل یمنندن بعض اراضی آلمق ایسته مسندن قورقولیوردی . (صاقسونیا) ایله (آدریاتیق) آره سنده کی قطعهلرده « اسلاو اتحادی » فکری نشر و تعمیم ایدلمش ؛ صربلرک ، روسلرک ، اوستریالیرک ، لهیلیرک بربرینه ضد تحریکات و تشویقاتنه معروض اولان بو قطعهلر اهالیسی کیتدجکه دهها زیاده دوچار هیجان اولیورلر ، مهای عصیان برحاله کلیورلردی .

بناءً علیه باب عالی مملکتک تجهیزات عسکریه سنی ، (بوسنه) ایالنده اصلاحات اجراسنی دوشونمکه مجبور اولدی .
تجهیزات عسکریه و (بوسنه) اصلاحاتی مسئله لری آیری آیری و برآز مفصل اوله رق تدقیقه شایان امور مهمه دندر .





اون آلتىنجى باب

تجربىلار عسكىرىيە . — بوسنە اهرالى . — (۱) قوراي عسكىرىيەلك
تزييرى . — (۲) بوسنە وهرسكده اصدومات .

۱

قوراي عسكىرىيەلك تزييرى

۶ ايلول ۱۸۴۳ تاريخلى قانون عسكىرى موجدنجه اوروپا و آسيای عثمانى.
ولاياتنده بش قول اردو تأسيس ايدلديكنى سويشدهك . ۱۸۴۸ سنهسى ايلك.
ايلرنده مركزى بغداد اولمق اوزره بر آلتىنجى اردو دها تأسيس اولندي .
بو صورته عساكر نظاميه هر برى يكرمى بيك كشيلىك آلتى قول اردودن.
مركب اولدى و ۱۸۴۹ سنهسى اوائلنده سلاح آلتى دعوت ايديلن رديف.
صنفي ايله قوه عسكىريه تقريباً اللى بيك كشى قدر آرتدى .
تركيانك بو زمانده چيقاره بيله جكي عساكرىك هيئت مجموعەسى تقريباً
بروجه آتى ايدى :

نظاميه	۱۲۰,۰۰۰	كشى
رديف	۵۰,۰۰۰	»
بوسنە وهرسك عسكىرى	۳۰,۰۰۰	»
ميرديتا عسكىرى	۱۰,۰۰۰	»
دوبريچه تاتارلىرى عسكىرى	۱۰,۰۰۰	»
طونه قازاقلرى عسكىرى	۱,۵۰۰	»

»	۲۵,۰۰۰	کردستان عسا کر ملیه سی
»	۳۰,۰۰۰	عراق و عربستان عسا کر ملیه سی
»	۲۰,۰۰۰	مصر عسکری
	<hr/>	
	۳۰۰,۰۰۰	تخمیناً یکون

دو نژاده حربه الویریشلی اون آلتی بیوک کی موجود ایدی . عثمانلی قوه بحریمسی اون اوچی بیوک سفینه حربیه ، اونی فرقتین ، اون ایکسی واپور اولق اوزره آلتش قطعه کمیدن مرکبیدی .

اردو و دو نمانک هیئت مجموعه سی تشکیلاتی اولدقجه اینی ، خاطری صایلیر بر قوت وجوده کتیریوردی . سلطان محمودک یکچیری اوجاغنی اورتدن قالدیردینی تاریخن بری چوق زمان کچمه مش اولقله برابر مملکتک تشکیلات عسکریه سنده خیلی ترقی اثری کورلمکده ایدی .

۲

بوسنه و هرسلده اصلاحات

بوسنه اصلاحاتی لایقيله آکلامق ایچون براز معلومات تاریخیه ویرمک اقتضا ایدر .

بو ولایت و قیله ، (اتیهن دوشان Etienne Duchan) طرفدن تأسیس ایدیلن بیوک صرب ایمپراطورلغندن اون دردنچی عصرده آیرلمش مستقل برخرستیان قرالغی ایدی . سلطان محمد ثانی زماننده برقاچ قلعه دن ماعدا مملکتک هر طرفی عثمانیلر انه کچدیکنندن صوک قرال (طومازه ویچ Toma-sevitch) پادشاهه عرض اطاعته مجبور اولمش ، حیاتنک محافظه و حقوق حکمرانیسنه رعایت ایديله چکنه دائر مبهم بروعد آلمشدی .

۱۶۶۳ سنه سی ایلك بهارنده (طومازه ویچ) ، پادشاهک دعوتی اوزرینه ، مملکتک اک معتبر اصیلزادگانیه برابر ، (بلاغا Blaga) ده کی قرارگاهه عزیمت ایتدی . اوراده معیتده کی معتبراندن باشلیجه لريله برابر قتل ایدلدی ، دیگر آرقداشلری اولوم ایله قبول اسلامیت آردسنده تخیر اولندیلر .

(بوغارمیت Bogarmite) لرك معیتلرنده بولنان اهای بلاتردد دین اسلامی قبول ایتدیلر ؛ اورتودوقس و قتولیک زادکان ایسه دینلرینه صادق قالدیلر ، بولرك آرهسندن بر چوق کیمسهلر قتل ایدلدیلر . قرالریله برلکنده سلطان محمد ناینک اردوگاهنه کیمین بیوک زادکانه کلنجه ، بولر اولومدن قورتولق ایچون قسماً مجارستانه ، قسماً (راغوزه) یه قاجدیلر . الحاصل ، بوشاقلردن اوتوز بیک کشتی مسکن و مأوالرندن چکیلوب آلدی ، قسم اعظمی یکیچری اوجاغنه ویرلدی .

پادشاه ، تلف اولان ویا ممالک سائریه قاچان خرستیانلرك املاک و اراضیسی دین اسلامی قبول ایدنلره ویردی ؛ ایشته ، بومهتدیلرك احفادی بوکون دخی (بوسنه) ده و همجوار صرب ولایاتنده اراضینک قسم اعظمه مالکدرلر [*] .

(بوسنه) ایله ۱۴۹۸ سنهسنده الحاق ایدیلن (هرسک) - زادکاندن بر قسمنک دین اسلامی قبول ایتمی سایهسنده - بر نوع مختاریت ادارهیه نائل اولدی ؛ یرلی اصیلزادکان تبعهدن زیاده « واسال » صقیله مملکتی اداره ایتدیلر ، که بوامتيازاته اوچ عصری متجاوز برزمان ظرفنده اصلا طوقولندی . مع مافیه بوشناق بکلری بو اداره ممتازدن استفاده ایدهمدیلر ، ده طوغریسی بونی سوء استعمال ایدرك خرستیان اهاییه ظلم و تعدیدن خالی قالدیلر . خرستیانلرك احوالی بوشناق بکلری حقنده دائماً شکایاتی دعوت ایدیوردی . باب عالی برچوق دفعهلر زادکان ایله عقد مقاولهیه مجبور اولدی ؛ حتی ۱۸۴۹ فرمانی باب عالینک بوشناق بکلرینک ظلم و تعدیلرینه مجبوراً راضی اولدیغی کوسترر .

تبعه عثمانیهنک مساواتی اساسی اعلان ایدن کلخانه خط هایونی بوشناق زادکانی طرفندن قبول اولمیدیغندن بوسنه و هرسکده تطبیق ایدیلهمدی . بالعکس ، افندیلری نظرنده غیر مطیع و تهلکلی اسیر حاله کلن خرستیانلرك شرائط حیاتیهسی ده زیاده فنالشدی . بک چوق مشکلاته کوکس کرمش

[*] بلاغا قتلندن صوکره (بوسنه) نك عرض مطاوعت ایلی دولت عثمانیه تاریخی تشکیل ایدن زور بازویه مستند تشبثاته کوزل برمثالدر . سلطان محمد ثانی بوشناق زادکانی اولدیرمزدن اول بر فتوی آلمدی .

اولان حکومت عثمانیه ، اول امرده ، بکرك ظلم و استبدادینی رفعه موفق اوله مدی ؛ دیگر طرفدن پادشاهک تبعه سنه قارشى واقع اولان تعهداتی ، کلخانه خط هایونی احکام اساسیه سنی حکومت غربیه یه قومشو اولان ولایاتده تطبیق ایدمه مک ، حقوق حکمرانی سنی اھمال ایتک دیمک اوله جغندن بوکاده راضی اوله مازدی .

۱۸۴۹ ده مسلمان بوشناقلر هر زمانکنندن زیاده عناد و مخالفت کوسته دکرندن اداره بعض مساعدات ویرلک صورتیه تسکین افکاره چالیشیلدی . بو مساعدات موجبنجه دیگر ولایاتده تطبیق ایدیلن ویرکو اصولی بوراده جاری اولیه جق ، تیمارلک اعشاری دفتردار و مال مدیری کبی مأمورین مخصوصه معرفتیه تحصیل اولنیه رق اصحاب اراضی طرفندن جبات ایدیه جکندی . فقط عینی زمانده ، کافه تبعه نک جان و مالی ، عرض و ناموسنی ، قانون حضورنده مساواتی تأمین ایدن ۱۸۳۹ خط شریفی احکامک (بوسنه) ده تطبیق ایدیه جکی اعلان اولندی .

بو صورت تسویه ، درسعادتده امید ایدلیکی کبی ، تسکین افکار و تألیف منافع خدمت ایتدی ؛ چونکه ایکی سنه صکره ، ۱۸۵۱ ده ، باب عالی بکرك مقاومت مصرانه لری قارشیدنده تیمارلک الغاسنه قرار ویرمه مجبور اولدی . بوتدیر دخی ظلم و غدر آلتنده بولنان اھالینک تخفیف آلامی خصوصنده امید ایدیلن تأتیری حصوله کتیره مدی . اولجه دمیرباش اشیا کبی چفتلکلرله برلکده صاتیلان چفتجیلر حال اسارتدن قورتیلوب مستأجر اولدولرندن محصوللرینک اونده بری یرینه ثلثی ، حتی نصفی ترکه مجبور اولدیلر ؛ بونک نتیجه سی اوله رق بوشناق رعایا تاریخده امثالنه پک آز تصادف ایدیلن بر فقر و سفالت ایچنده یشامغه باشلادی .

ایشته بوسبیلردن طولانی ، اصلاحاتک موقع تطبیقه وضعی صرہ سنده (بوسنه) ولایتک تشکیلاتی ولایات سائرده زیاده باب عالی نی اشغال ایتشدرد .





اون یدنجی باب

۱۸۴۸ و ۱۸۴۹ ر قایمیه صکره سکونت افکار . — رضایانک انفصالی . —

مقامات مقدره مسرسی .

۱۸۴۸ سنه سی وقایعک ترکیاده تولید ایلدیکی قورقورلر یواش یواش زائل اولمش و اک زیاده بادی اندیشه اولان (روسیه) حکومتی مملکتین مسئله سنک باب عالی ایله صلحچوررانه بر صورتده تسویه سنه موافقت ایتشدی . دولت عثمانیه یه متعلق مسائلده دائماً متیقظ طاورانان بو قومشو حکومت شمیدیک ابراز شدتن واز کچمش ، ۱۸۲۸ محاربه سنندن بری سیاسته اساس آتخاذا ایتدیکی استیلای مغنوی پولیتقه سنی تعقیبه قرار ویرمش کی کورونیوردی .

افلاق و بغداد بکلکیرینک اداره سی خصوصنده (روسیه) یه حقوق جدید بخش ایدن یکی بر معاهده نامه یی حکومت عثمانیه یه قبول ایتدیرمک ایچون در سعادته جنرال (غراب Grabb) اسمنده بر سفیر فوق العاده کلش ، بالطه لیمانی معاهده نامه سی عقد ایدلمشدی .

بومعاهده نامه نك عقدی ایچون جریان ایدن مذاکرات ائساننده سرعسکر رضا پاشا عزل ایدلمش و بو وطنپرور وزیرک رأس کاردن اوزاقلاشدیرلمسی مسئله سنده (پترسبورغ) قایینه سنک بیکانه اولمدینی بر آرائق ظن اولنمشدی . فقط ، ذاتاً مسائل شخصیه دن طولانی رشید پاشا ایله حال اختلافده بولنان سرعسکرک کبر و غروری ، اداره حکومتده کندی وجودندن استغنا حاصل اولمیه جغی حقسنده کی ظن قویسی ایله صدر اعظمی کوچندیرمش و بوندن طولانی انفصال ایتش اولسی حقیقته ده موافقدر .

رشید پاشانک ، موقعی تحکیمه مدار اوله جق کی کورینن بو حادته ، بالعکس قریباً انفصال ایده جکنه دائر بر روایت شایع اولسنه سبب اولدی ؛ مع مافیه رشید پاشا مقام صدارتده قالدی ، ده معتدل برمسلك آتخاذا ایتدی .

سیاست خارجیہ کلنجہ ؛ (اوروپا) یی آلت اوست ایدن ۱۸۴۸ انقلاباتندن صکرہ عالم سیاست نائل سکون اولدینی کی باب عالیجه شایان دقت هیچ بر مسئله خارجیہ یوق کی کورونیور ، ترکیا اصلاحات طرفدارلرینک نتیجه مساعیسی اوله رق سکونت و امنیت ایچنده یشایوردی . بو سکون نام ایچنده ، برکون کلوبده منشأی پک قدیم اولان بر اختلافک شرقده ایکی بیوک کلیسا آره سنده یکی رقابتلر تولید ایدہ چیکی ، قاتولیک (فرانسه) ایله اورتودوکس (روسیه) یی محاربه یی کوزه آله حق درجدهده یکدیگرہ دشمن ایلیه چیکی خاطره بیله گلزدی .

ظهور ایدن مقامات مقدسه مسئله سنده دولت عثمانیه نك مقدراتی صورت قطعیده تعیین ایدہ جک بر (آوروپا) محاربه سنک تخمی موجود ایدی . بو مسئله حقنده براز تفصیلات ویرمک ایجاب ایدر : (فرانسه) حکومتی پک چوق زماندن بری وعلی الخصوص اون یدنجی عصردن اعتباراً [*] قدسده کی مبائی مقدسه نك حقوق تصرفیه سنی الله ایتش و بو حقوق ۱۷۴۰ سنه سنده منعقد بر معاهده قدیمه ایله تأیید حتی توسیع ایدلمشدر . معاهده مذکورهده «دشمن ملتلر تبعه سنک ، فرانسه ایمپراطورینک حمایه سی آلتنده اولمق شرطیله ، مقامات مقدسه یه سر بسته جہ کیدوب کلک ، اورالرده تجارت ایتک و مقامات مذکوره یی زیارت ایتک » خصوصنده مأذون اولدقلمی بیان ایدیلوردی .

معافیه بو معاهده نامه نك ۳۳ نجی ماده سی ، قطعی المفاد اولمقله برابر ، امضا ایدلدیکی تاریخده لاتینلر ایله عثمانلی روملر الله بولسان معابد و محال مقدسه یی تعیین و تعداد ایتیلوردی ؛ بوندن طولانی اورتودوکسلر ولاتینلر کرک حیلہ ، کرک جبر و شدت ایله بر چوق یرلری ضبط ایتشلردی ؛ حکومت عثمانیه ایسه بالطبع بو منازعات و اختلافات ائناسنده کندی تبعه سنه اجانبندن زیاده مساعد طاور ائمشدی .

لاتین رهباننک امتیازاتی مسئله سنده اک مهم تاریخ ۱۸۰۸ سنه سیدر . سنه مذکوره ظرفنده ، سلطان محمود ، باب عالی یی (فرانسه) نك آمال حریصانه سنه مغلوب اولمش عد ایتدی ؛ (روسیه) نك تأثیرندن زیاده لاتینلره قارشى فکر [*] ۱۰۳۰ سنه هجره سی جمادی الاخره سنده [۱۶۲۰ سنه میلادی سی] داود پاشا قوناغنده ورینلن قرمان .

انتقام ایله حرکت ایدرک قدسده کی قامه کلیسانک بیوک قبه سنی تعمیر ایتمک صلاحیتک اورتودوقسلره اعطاسنی متضمن بر فرمان تسطیر ایلدی . واقع بوفرمانده مساعدات و امتیازات سابقه محافظه ایدیلیوردی . لکن یرلی اورتو - دوقس جماعتی طرفندن لاتینلرک امتیازاتنه واقع اولان تجاوزات سابقه تصدیق ایدیلیور کی کورونیوردی .

۱۸۵۰ سنه سی اوائلنده ، روم هیئت رهبانیه سی طرفندن ماضینک کلیا اونودلدیغنی ایما ایده جک صورتده واقع اولان تجاوزات اوزرینه (فرانسه) حکومتی لاتینلر ایله اورتودوقسلرک احوال متقابلهرینی صورت قطعیده تعیین ایتمک لزومنی حس ایتدی . وقتیه استحصال ایدلمش اولان حقوقی مذاکرات سیاسیهدن خارج طوتهرق باب عالی یی « ۱۷۴۰ سنه سی معاهده نامه سنک عقدی . صره سنده لاتینلرک النده بولنان کافه معابدک طرفیندن یالکزر برینک آرزوسیه و طرف دیکرک موافقتی منضم اولمدهن استرداد اولنهمیه جنی » اساسنی تصدیق و قبوله دعوت ایلدی .

(فرانسه) نك تكلیفیك معقول و ماهرانه اولدیغندن باب عالی خیلی مشکلاته دوچار اولدی . اول امرده قطعی بر جواب اعطاسندن امتناع ایتدی ؛ وقت قازانمق ایچون مختلط بر قومیسون تشکیلیه بتون جماعات خرستیانیه نك ۱۷۴۰ تاریخندن مؤخر اوراق و سنداتنك تدقیقی تکلیف ایتدی . برچوق مذاکرات جریان ایلدکدن و ۱۸۴۰ معاهده سنک مؤید و مجبوری الاجرا اولدیغنی بلاقیدو شرط حکومت عثمانیه جه تصدیق و تأیید ایلدکدن صکره مختلط قومیسون طوبلاندی . (فرانسه) طرفندن طلب ایدیلن معابدک ۱۶۷۳ سنه سنده استحصال اولنان بر فرمانده محرر اولدیغنی ، بو فرمانک ۱۷۴۰ معاهده نامه سیله تجدید ایدیلدیکی و سالف الذکرا یکی تاریخ آره سنده کی آلتمش سنه یی متجاوز زمان ظرفده لاتینلرک حقوق و امتیازاتی تعدیل ایدر صورتده روملره هیچ بر مساعدهده بولنلمدیغنی ثابت اولدی .

(روسیه) ، مذاکرات جاریه یی اوزاقدن تعقیب ایدیئوردی . بالاخره شرق روم کلیساسی نامه مداخله ایدرک بر مسلك متجاوزانه اتخاذ ایتدی ؛ مقامات مقدسه مسئله سنده نقاط نظرینی - ترکیانک روسلره قارشى هیچ بر

تعهد سیاسیده بولنامش اولسندن طولانی باب عالییه قبول ایتدیره مدیکندن
 ۱۷۷۴ تاریخی کوچک قاینارجه معاهده نامه سنه استناد ایدرک اورتودوقس
 مذهبنده کی تبعه عثمانیه اوزرنده ادعا ایلدیکی حق حمایه مذهبه نك تصدیقی
 طلب ایلدی .





اون سکنزنجی باب

رئیسہ ایشانک ضعفی ، انفصالی و یکبرہ تعینی . — امور مالیہ در انتظام سزلوہ . —
عبر المجیر فانک نوبہ عامری غائب ایتسی . — متعصب فرقہ کمال آمل رامیری .

رضا پاشانک سقوطندن صکرہ ، ظاہراً صرف بر اثر تصادف اولہرق ،
رشید پاشانک نجم اقبالی دہ یواش یواش قرارمغہ باشلامشدی . داخلأ ظهور
ایدن مشکلات وغوائل عظیمہ صدراعظمک ذکای فوق العادہ سندن ، فعالیت
ثباتکارانہ سندن ، حتی عفت واستقامتندن ، وبالخاصہ بصیرت واحتیاطندن ، یعنی
افکار عمومیہ نک اوزمانہ قدر کنندیسنہ عطف واسناد ایلدیکی حصائل کزیدہ دن
شبهہ ایتدیرمکہ باشلادی . بو مشکلاتدن طولای رشید پاشا اتہام اولتیوردی .
کوک ماضیدہ کی مدح و ستایشلر ، کک حال حاضرده کی سوء ظنلر
مبالغہ ای ایدی ؛ اصلاحپرو وزیر ، ضعف ذاتیسنک جزاسنی چکدیکی کبی
بشقہ لرینک خطالرندن ، دولت عثمانیہ نک احوال اجتماعیہ ، سیاسیہ واداریہ سندہ
عصرلرجه زماندن بری یرلشوب قالان فناقلردن طولای دہ مؤاخذہ
ایدلیوردی .

مضائقہ خزینہ صوک درجہیہ وارمشدی ؛ حکومتک ویرکولری صرافلر
واسطہ سیلہ جبایت ایتدیرمسنہ ووارداتدن الکهم قسمنی بونلرہ براقسنہ اعتراض
اولتیوردی . کافہ خدمات عمومیہ نی آلت اوست ایدہ جک درجہدہ وخیم اولان
بحران مالینک اسباب حقیقیہ سی اصلاحی تحری ایدلیوردی . اسباب مذکورہ دن
بعضیلرینی یوقاریدہ ایضاح ایتشدم . شمدی براز تفصیل ایدہ لم . بحران باشایجہ
اوج سببدن نشأت ایدیوردی : مسکوکات مغشوشہ نک ، مقابلندہ هیچ برتأمینات
کوسترلین قوائم نقدیہ نک میدان تداولہ چیقارلمسی ؛ جدی بر بودجہ نک فقدانی ،
یعنی واردات حکومتک صورت صرف واستعمالندہ هیچ بر اصولہ رعایت

ایدلمه سی ؛ واردات و مصارف دولت آرمه سنده موازنه نی تأمینہ مدار اولان انتظام اداره نك عدم موجودتی .

« بشك » دنیلن مسكوكاتك هان كافه سنك قیمت حقیقه سی قیمت اعتباریه . سنك ایکی خسی درجه سنده ایدی . مناسبات و معاملات تجاریه دن طولانی (آروپا) مسكوكاتیلہ برلكده پیاسه ده تداول ایدن مسكوكات عثمانیه نك قیمتی صورت دائم و متزایدده تنزل ایدیوردی . آرده کی فرق دائماً یوكسلور ، یعنی برانكلیز ایراسی و یادیکر برانجی سكسی مقابله ویرلسی لازم كن غروشلرك مقداری كوندن كونه آرتیوردی .

حکومت عثمانیه ، (اوروپا) مسكوكاتنك سبب اولدینی بوحاله قارشى طور مق ایچون مسكوكات عثمانیه به بر قیمت جبریہ ویردك قیمت اعتباریه لری اوزرندن اخذ و قبولده اصرار اتمه مش اولسهیدی فرق فیأت دها سرعتله یوكسلیر ، سویه طبیعیه سنی پك چابوق بولوردی . (اوروپا) مسكوكاتنك قیمت حقیقه سی ، حکومت عثمانیه نك بوتدیبری قسماً یکدیكره معادل ایکی قوت کی اجرای حکم ایدیوردی ؛ فقط حقیقت دائماً کذب و دروغه غلبه ایتدیکندن فرق فیأت دائماً یوكسلور ، یاخود ثروت عمومیہ متصل آزالیوردی ، که ایکسی ده عین شی دیمکدی .

دولت عثمانیه نك احوال ماده سنده کوریلن آثار انقراضی بالخاصه مملکت ایچون موجب فلاکت اولان بوتنزل قیمتك تأثیرینه عطف ایتك ایجاب ایدر . فی الحقیقه قایتولاسیونلر ایله باغلی و صنایع داخلیه دن محروم اولان ترکیا بالجله اشیای معموله نی ممالك سائرده دن ادخاله مجبوردی ؛ بوكا مقابل محصولات زراعیه سنی اخراج ایدیور و بومحصولات زراعیه نك معادلی اولان مسكوكات مغشوشه قیمت اعتباریه سنی تدریجاً غائب ایدرك مملکتك منابع ثروتی ده عینی نسبتده تنقیص ایلوردی .

بوكیدیش ایله امور مالیه ایله نصل حسن اداره ایدیه بیلیر ؛ حکومت ، ویرکولری طوغریدن طوغری به مکلفیندن تحصیل ایچون لزومی قدر ناموسلی مأمور بوله مدیغندن برحقوق عقیم تجربه لردن ، تشبیلردن صکره یته التزام اصولنه عودت ایتمشدی . ولایات مراکزنده یاپیلان مزایدلر هیچ بر تقیشه تابع

دکدی و هر دلو تأمیناتدن عاری ایدی؛ ملتزم ویرکولری کندی کار و ضرر لرینه اوله رق تحصیل ایدیورلردی . حکومت مستتا اولق اوزره هر کس زنکینلشیوردی .

در سعادت ، بیروت مستتا اولق اوزره آسیای عثمانی کمرکری زنکین برارمنی تجارتخانه سنک انده ایدی ؛ رشید پاشانک بوتجارتخانه بی ، قرض شخصی اوله رق آلدیغی مبالغ عظیمه دن طولانی ، صورت مخصوصه ده حمایه ایتدیکی سویلنیوردی . حل بوکه بین الخلق روایت ایدلیکنه کوره سالف الذکر تجارتخانه نک وکیلی سنه جدیده بدل التزامندن اون ایکی میلیون غروش تنزیلی طلب ایتمش ، دیگر بر رقیب تجارتخانه بالعکس ایکی بیگ کیسه فضله تکلیف ایش اولقله برابرینه ارمنی تجارتخانه سی غلبه ایتشدی . صحیح و یا یاکش ، بو روایت ، بو اتهام امور مالیه نک نه قدر فنا بر حاله بولندیغنه دلیل کی تلقی اولنه بیلیر .

صوک درجه بی بولان انتظام سزلغک نتایج وخیمه سی کورلمکه باشلادی : معاشات و معینات عسکریه تأدیه ایدیه مدیکندن اردوده خوشنودسزلق باش کوسترمش ، اطاعت عسکریه یه خلل کلش ، افراد آرهنده قرار ایدنلر چوغالشدی . کردستان عاصیلرینه قارشی سوق اولنان عسکرک طاغیلما سی ایچون تدابیر شدیدہ اتخاذینه مجبوریت حاصل اولمشدی . فقر و سفالتک ، عدم انتظام اداره نک نتیجه طبعیه سی اولان شقاوت اوروپای عثمانی ولایتلرینک باشلیجه لرنده اجرای حکم ایدیور ، اهالی بی دوچار دهشت ایلوردی .

دیگر طرفدن ، اداره مرکزیه سنین سابقه ده نائل اولدینی توجه عامه نک تدریجاً زوالنی کوریور؛ شهرت سابقه سیله برابر قوتی ، حکم و نفوذنی غائب ایدیوردی . بک آچیق اولان بعض سوء استعمالاتی اورته دن قالدرمق ایچون مداخله یه دعوت اولندیغی زمان ضعف و عجزندن ناشی بر شی یاپه میور ، اوامرینه اطاعت ایدلیه جکنی اعتراف ایلوردی .

عطالت — ۱۸۴۸ سنه سندن اولکی دوره ایله شایان دقت بر تضاد تشکیل ایتک اوزره — حکومتک شرائط طبعیه سندن بری صره سنه کچمشدی ؛ باب عالی ، معاملات روز مره نک مسئولیتندن قورتولمق ایچون پرده قضا و قدر آرقه سنه صاقلانمش کی کورونیوردی .

مع مافیہ حکومتک بوسقوط مغنوی و اقتراض مادیسی صرہ سنده بعض تدایره توسل ایدلمشدی . رشید پاشا لزوم استقراضدن بحث ایدیوردی : فقط وقتیلہ اولدینی کبی بو دفعہده استقراضک ترکیائی اجنبی داینلره تسلیم دیمک اولدینی و بویله براستقراضدن طولائی یونانستانک دوچار اولدینی حقارتک [*] دولت عثمانیه نك ده باشنه کله جکی مقام اعتراضده سویلنیوردی .

اوزمان دولت عثمانیه نك اصول مالیه سنه اساس اولان شی، برقاچ سنه اول تأسیس ایدیلوب پک کوچلکله محافظه موجودیت ایدن درسعات باقیه سی ایدی . بومؤسسہ نك اعتباری مشکوکدی ، چونکه برطاقم خیالی تأمیناندن بشقه برشی کویسترمیوردی . مصارف دولتده اساسلی تصرفات اجرا ایتک ، مملکتک منابع طبیعیہ ثروتی معقول بر صورتده ایشلتک و بالخاصه ولایات وارداتی خزینہ حکومتہ ایصال ایدن طرق و وسائط مختلفه یی دها صیقی بر نظارت آلتنده بولندیرمق ایجاب ایدیوردی .

درسعات باقیه سنك مقامنه قائم اولمق اوزره یوز ملیون غروش سرمایہ ایله عثمانلی عنوانی آلتنده برملی باقیه تأسیس ایدلدی و نہایت ، متخصص اجنیلرک معاونتیرنه مراجعت اولنهرق دوائر حکومتده (اوروپا) اصول دفتریسی قبول اولندی .

مع مافیہ پادشاه اہالینک فقر و سفالتدن متأثر اولمشدی ؛ غایت سریع الانفعال اولدینی اولدینی ایچون «بتون فالقلرک مسببی اولان کیمسه یی» دوچار مجازات ایتک ایستدی . ۱۸۵۲ سنه سی کانون تائیسنک ایلک کونلرنده رشید پاشا عزل ایدلدی . فقط رشید پاشا موقع اقتداره چیقمق سریخی هر کسدن اینی بیلدیکی ایچون سقوطندن برار صکره اولا مجلس احکام عدلیه رئیس ، بعده صدر اعظم صقتیلہ تکرار رأس کاره کچدی .


بوندن صکره خلق نظرندہ فلاکت عمومیه نك ، فقر و سفالت اہالینک مسببی سلطان عبدالحجید اولدی . پادشاهک افکار و آمانده بر اطراد اولمامسی ، صوک درجه تلونی افکار منوره اصحابی ده راحتسز ایدیوردی ؛ بوقسم خلق ، پادشاهی صیقی صیق وکلا دکیشدیردیکی حالده طول مدت دوام ایدہ جک برهیئت وکلا تشکیکنه موفق اوله مامقله اتمام ایلوردی . بوقدر ثباتسز

[*] پاسیفیقو مسئله سی . انکلتره حکومتی بومسئله ده (پیره) یه بردونما کوندرمشدی .

اولان ، نڧسنه ومعيته بودرجه حڪمي كچمين بر حڪمداردن قور تولق چاره لري .
دوشونيلىور ويا هيچ اولمازسه سلطان محمودك ايكنجى مخدومى عبدالعزير
افندينك جلوسى تىمى اولنيوردى .

حكومتك توجه عامه يى غائب ايتسندن جسارتياب اولان كروه متعصين .
طرف طرف باش كوسترەزك عادات وقوانين قديمه اسلاميه يه رجعت اولنه جفتى .
اعلان ايدييورلردى . بونلك نظرندە تنظييات ، بر بلا ايدى ، بو بلايى دولتك
باشندن آتمق لازم كليوردى ؛ تركلر خرسيتيانلره قارشى - كليخانه خطنك
كنديلرندن نزع ايتديكى - صفت حاكيتى يكيدين احراز ايتليدولر .





اون طقوزنجی باب

رشید پاشانک سقوطی . — اداره دلا بامره اصلاحات . — برنس میخوفنک .
سفارت فوره العاده سی .

تکرار موقع اقتداردن دوشن رشید پاشا اداره اموری ، متعدد دفعه لر خارجیه نظارتی اداره ایتش اولان عالی پاشایه ترك ایتدی . فقط عالی پاشا ، صدر سابق کبی پادشاهک آمال و هوساتنه تابع اولمق طریق بیلمدیکندن واونک قدر حریرص جاہ اولمدیغندن براز صکره منفصل اولدی . پادشاهک انشته سی محمدعلی پاشا ، عالی پاشانک یرینه کچدی . محمدعلی پاشا امی وغایت اقتدار سزدی . مع مافیہ افکار عمومیه ده کی حدت و غلبانی تسکینه موفق اولدی و امر اصلاحات ، افکار جدیه انحجابی ایله براز بصیرت و احتیاط صاحب لری نظر ندۀ ضروری کورلدیکندن عالی پاشانک خلفی ظاهراً بشقه درلو کورونمکله برابر حد ذاتندۀ سفلرینک سیاست احرارانه لری تعقیب ایتدی .

ولایات عثمانیه نك اداره سی حقه ندۀ کی ۲۸ تشرین ثانی ۱۸۵۲ تاریخلی فرمانی پادشاهه امضا ایتدیرن محمدعلی پاشا ، ده ا طوغریسی مشارالیه ک ریاست لفظیه سی آلتندۀ کی هیئت وکلادر .

بوفورمان کمال دقتله تحلیلۀ شایاندر ؛ چونکه طرز تحریر ندۀ طریق اطنبابه صایلمش اولمقله برابر اصلاحاتک بعض شایان دقت جهتلرینی احتوا ایتمکده .
واداره ولایات حقه ندۀ معلومات عمومیه یی شامل بولمقده در .

کلیخانه خط شریفندن مقدم و « التزام » دینلن اصول جاری ایکن حکومت مرکزیه نك اداره ولایات خصوصندۀ کی مداخله سی آنجق مأمورین محلیه نك عزل ونصبه منحصر ایدی . هر ولایت بر ویا متعدد سنه لر ایچون بر

مأموره ساتیلیر؛ او مأمور دخی خزینئ حکومتک عائداتنه تأمینات اولوق اوزره برارمنی صرافی کفیل کوسترددی؛ مقاوله نامه نك امضا ایدلدیکی کون والی بر ملتزم عمومی، دها طوغریسی حقوق حکمداری به مالک بر خدیو اولوردی؛ چونکه والیر ایستدکاری اعدام ایده بیلیرلر، قوه عسکریه یی آرزو ایتدکاری وجهله استخدام ایدرلر، کندی حسابلرینه ویرکو آلیرلر، یگیدن ویرکو طرحی وبرجوق خصوصاتک ممنوعیتی امر ایلرلر، الحاصل موقتاً مالکانه لری حکمنه کیرن ایالتک کافه منابع نروتی ایستدکاری کی ومنفعتلرینه موافق صورتده قوللانیرلردی.

بویله بر اصول اداره نك باعث اولدینی فناقلر، بویله نا محدود بر قوت واقدارک معاملات تجاریه ده کل یوم حصوله کتیردیکی قاریشیققلر ادنی ملاحظه ایله تخمین اولنه بیلیر. حکومت قوناغی هر شیء تحت انحصاره آلدیغدن هیچ کیمسه پشین آچه ایله الده ایدیلن رخصتنامه یی، بر نوع تذکره مخصوصه یی استحصال ایتمه دن محصولات زراعیه دن هیچ بر شی اشترا ایده مزدی. بنابراین چیفتجیلر، هر نوع اصحاب محصول والینک امر و کیفه تابع ایدیلر.

۱۸۳۸ دن صکره عقد اولنان معاهدات بین الملل سربستی تجارتی تأمین یتدی. و کرک مملکته، کرک مالک اجنبیه ارباب تجارتنه مضره، آشکارا اولان سوء استعمالاتک محافظه سنی ویا عودتی. بتون امتیازاتی لغو ایتک صورتیه - امکان خارجه چیقاردی. باب عالی کرک کندیسی و کرک ایالاته کوندردیکی مأمورین ییچون انحصاردن واز کچمکه مجبور اولدی.

تنظیمات، التزاماتی لغا ایدیکی زمان اداره و لایاتی آتیده کی اساسلره کوره تشکیل ایتشدی: تقسیمات ملکیه نك هر بر درجه سنده عساکر محلیه به قوماندان ایدن بر محافظ، وظیفه لرینک اهمیتته و بولندقلری محللره کوره دفتردار، محصل، مال مدیری نامنی آلان بر مالیه نظارتی مأموری بولنقده ایدی.

والی، داخلیه نظارتنک دخی مرجعی اولان صدر اعظم ایله مخبره ایدردی؛ عسکر قوماندانلری و دفتردارلر حربیه و مالیه نظارتلریله طوغریدن طوغری به مناسباتده بولنورلردی.

بولنردن هر بری کندی دائرة مأموریتی داخلنده آرجوق مستقادی؛ معافیه

الدى الايجاب رفقاسيله توحيد حرکته مجبوردى . جمله سى باب عالی یه تابع اولوب امور اداره لرندن طولانی اورایه حساب ویررلردى .

بو تشکیلاتک واضعی اولان رشید پاشا بر جوق سنه لر (پارس) ده بولنش اولدیغندن فرانسز اصول اداره سنک بعض جهتلرخی اقتباس ایتشدی ؛ فرانسز تشکیلات ملیه سنک کافه سى ، حتی (ده پارتمان) مجلسلری بیله موجوددی ، آردهده شو فرق وار ایدی که ولایات عثمانیه مجالسی صورت دائمه ده اجتماع ایتمکده و امور اداره وعدلیه یه هرکون مداخله ایلکده ایدی .

سلطان عبدالمجید دورنده تقرر ایدن ولایات تشکیلاتنک - تا تمام اولمقله برابر - بوندن اولکی اصوله فائق اولدیغی شبهه سزدی . تشکیلات جدیددن مقصد ، ولایاتده کی مأمورین محلیه یی بر مرکز ، باب عالی یه ربط ایتمک ، و قتیله حقوق حکمداری یه ، ملتزم لک تمتعانه اشتراك ایدن والیرلی معین مقدار معاشلی مسؤل مأمور حاله قویمق ایدی .

محمد علی پاشانک زماننده باب عالی یه تابع بر مأمور حکمنی آلان والیرله حقوق و صلاحیت سابقه لرندن بعضلرخی اعاده ایتمک مناسب اوله جنی دوشونلدى . « هر ولایتده امنیت اهالی بی اخلال ایدن قاریشیققلر قارشیسند نفوذ حکومتی بنظیانک وضع ایلدیکی احکام اساسیه یه حرفیاً رعایت ایتمک شرطیله ، تزید و تقویه ایلک استعجل والزم بر تدبیردر . » دنیلوردی .

رشید پاشانک اداره ولایات پروغرامنی تکلیف ایتدیکی صروده هرشیدن اول والیرلک معاملات مستبدانه سنه ورعایا اوزرنده کی ظلم و تضییقه نهایت ویرمک ایسته نیلمش ، والیرلک صلاحیتلری نه قدر تحدید ایدیلیرسه ایدلسون ینه ایضای وظیفه یه مانع اوله حق درجده قیودات وضع اولنیه جنی دوشونلشدی . برده (آوروپا) افکار حریت پرورانه سنه خوش کورونمک آرزوسی واردی ؛ ولایت مجلسلرینک احداثی ایسه بو مقصدی تأمین ایده بیلیردی . چونکه بو مجلسلرلک تشکیلی اصول مشورته طوغری آتیلش بر خطوه کی تلقی اولنه بیلیردی .

اداره ، او صورته تشکیلی ایدلشدی که والی مجلس اداره ایله استشاره ایتمکسزین هیچ بر شی پایه مازدی ؛ بوندن بشقه نفوذ و صلاحیتی بعض احواله عسکری قومانداننک و دفتر دارک صلاحیتی ایله تحدید ایدلش وعادتا بونلرک

تفتیش و نظارتی آلتنه وضع اولمشدی . مع مافیه ولایات مجلسلرندن مقصد تأسیس لیه متناسب خدمات کوریه مدی . بو مجلسلر فالغی منع ایده مدکن بشقه ایلدکده مانع اولورلردی ؛ اجانب ، عمومیتله مجلسلرک احتراصات طرفکیرانه لینه هدف اولدیلر . والیر یالکز باشلرینه قالدقلری زمان دول اجنیه قونسولس لرینک هر هانکی بر طلبی رد ایتک مسئولیتی قبول ایده مدکری . حالده مجالس اداره نک تشککلرندن صکره بو مجلسلرک نفوذی آرقه سنه کیزلنهرک باعث اختلاف اولان مواد ایچون تبعه اجنیه علمینه قرارلر استحصال ایدرلردی .

۱۸۵۲ فرمانی محصللری ، مال مدیرلری ، قضاواناحیه مجلسلری اعضاسنی ، ضبطیه ضابطان و رؤسانی والیرک اداره سی آلتنه ویردی ؛ والیر بو مأمورلرک افعال و حرکاتندن مسؤل اولدقلری جهتله کندیلرخی عزل ایده بیلرلردی . عینی زمانده والینک آسایش و انتظام عمومینک محافظه سی امرنده کی صلاحیتی توسیع ایدلی . وقتیه والیرلر قتل اشخاص صلاحیتی رفع اولندیغی صروده کویلرده امنیت عمومی نی تأمین ، ارباب عرض و ناموسی حمایه ایتک ایچون کندیلرینه درجه کافیه ده واسع صلاحیت بر اقلعق ایجاب ایتدی . لکن اوزمان والیرک بلا محاکمه اعدامه حکم ایتلری اصولنه هر نه اولورسه اولسون نهایت ویرمک ایستدکلرندن و واضع قانون آنجق بونقطه یی نظر دقتنه آلدیغندن تعقیب اشقیا مسئله سننده او قدر تدابیر احتیاطیه اتخاذا ایدلمشدی که بو تدابیره رعایت ایتک شرطیه شقاوتک اوکی آلق امکان خارجه چیقمشدی . ادرنده ، طرزونده ، ازمیرده و بالخاصه پایتخته اوزاق بعض ولایاتده ضابطه شقیلره هیچ برشی یاپه میوردی ؛ سببی ده اشقیایه تصادف ایدن عسکرک اشقیا طرفدن آتش ایدلدکجه هیچ برشی یاپه مامسی و آنجق مدافعه مشروعه حائده استعمال سلاح ایده بیللمسی اصولی ایدی .

یکی قانون موجبنجه ، بر جریمک تحقیقنده مجرملری تعقیبه مأمور عسکر اول امرده اخذارات لازمه یی اجرا ایتدکن صکره استعمال سلاحه مأذون اولدیلر ؛ اصولی دائره سننده محاکمه ایدیلن ، محکوم اولان اشخاصک مدت جزائیهلرخی بولندقلری محله اکمال ایدرک در سعادته سوق اولناملری تقرر ایتدی .

۱۸۵۲ فرمانی اصول محاکمات جزائییه موجود اولان بر نقصانی دخی .

۱۱ کمال ایلدی . غریب بر قاعده سزک اولق اوزره اوزمانه قدر محاکم جزائیة
رأساً هیچ کیسه یی تحت محاکمه آله مازدی . پک آشکار اولان بعض جرائم ،
مشتکینک فقدانندن طولای ، جزاسز قالیردی . بناء علیه بوندن صکره وارثی
اولیان بر شخصک قتل حالنده حکومت طرفندن بر مدعی تعیین ایدیلرک بونک
مراجعتی اوزرینه تعقیبات قانونیه اجرایی اصول اتخاذ ایلدی .

الحاصل مهماره اشکنجه یا بیللمسی صورت قطعیه ده منع اولندی .

۲۸ تشرین ثانی ۱۸۵۲ فرمانی ، هیئت عمومی سی اعتباریه ، ۱۸۳۹ خط
هایونی احکام اساسیه سندن بعضارینک موقع تطبیقه وضعی خصوصنده واضع
قانونک تعقیب ایلدیکی مرکزیت اصولی تخفیف و تعدیل ایدیوردی .

بوصورتله ، قوای حکومتک صورت تقسیم و توزیعی مسئله سی دوره تنظیماتک
دها ایلک صفحه سنده موضوع بحث اولیور دیمکدی . (آوروپا) نک
اک قوتلی حکومتلرینک تشکیلات داخلیه سی نمونه اتخاذ ایدرک وحدت اداره یی
تأمین ایتک خصوصه ، احتمال که ، لزومندن زیاده اهمیت ویرمش اولان باب
عالی شمدی حکومت محلیه نک صلاحیتلری خفیفجه توسیع ایدرک ولایاتی
مرکز به باغلیان رابطه لری کوشتمک ایستوردی .

بو تجربه ناتمام ایدی ، زمان فتحندن بری بعض محملرده جاری اولان
امتیازات ، مختاریت اداره حالیه قالمشدی . اصلاحاتک ایکنجی دوره سنده
ساحه تجربه نک ده زیاده توسیع ایلدیکی و حکومت اجنبیه نک اولای اجرای
نصایح ووصایا ایله کنیدلیری بو مسئله ده علاقه دار کوردکلری وبعده امر
اصلاحاتی اداره یه قیام ایلدکلری تفصیلات آتیه دن آکلاشیله جقدر .

احکام اساسیه سی بوجه بالا اجمالاً بیان اولنان فرمانک نشرندن ایکی آی
صکره ، یعنی ۲۸ شباط ۱۸۵۳ تاریخنده ، پرنس (منحقوق) معیتده
بر حقوق ذوات بولندیغی حالده درسعاده کلدی وقریم محاربه سی انتاج ایدن
اختلافات مذهبی باب عالی ایله مذاکره به باشلادی .





يکر منجي باب

مخلصه و نتيجه

لورد (پارستون) ۱۸۶۷ سنه سنڌه ديمشدي که : « ترڪيانك دوستلري بدايت اصلاحاتدن بري قطع ايتديكي طريقه باقليد رلر ، فقط وڪلاي عثمانيه باشلريني آرقه يه چويرميه رك يالڪز اوڪلرنده قطع ايديله بئك دها نه قدر يول بولنديغني نظر دفته آلميد رلر . »

بزده انگليز سياسي سنك بو توصيه سنه توفيق حرڪت ايله لم وتارينخ مذك برنجي قسمك ختامه اير مسندن بالاستفاده تنظيماتك صفحه اولاسني برقاچ ڪله ايله خلاصه ايدلم :

پرنس (منچيقوف) ك مطالباتي نتيجه سنڌه ظهور ايد چڪي شهبه سز اولان محاربه دن اول ترڪيانك احوال اجتماعيه سي تدقيق اولنورسه سلطان محمود طرفندن ابتدار وخاني زماننده توسيع ايديلن اصلاحاتك قوت وتأثيرندن شهبه ايمه مڪ ممكن اولماز . مسلمان هيئت اجتماعيه سي ، اقوام مغلوبه يي كنديسندن دها دون برموقعه طوتان ، مسلمانلري (اوروپا) عالمندن آيري يشاتديران افكار واعتقاداتدن تماماً قورتيه مامشدي . تنظيماتك ترڪلرله خريستيانلر آره سنڌه تأمين ايد چڪي مقارنت اصلاحه حصوله ڪله مشدي . رعايا ، عثمانلدين يه دون مرتبه ده و لنيوردي ؛ حقيقت حالده استرداد حقوق ايد مه مشدي ؛ هرايكي صنفك خصومت قديمه متقابله سي دوام ايتمڪده ايد ي ؛ ايلك زمانلرده كي تعصب زائل اولمامشدي . فقط ، سليم ثالث برادر زاده سي طرفندن يڪيچريلر اورته دن قالدريله رق (اوروپا) قوانين وموضوعاتك قبول وتطبيقه قرار و يرلديكي كوندن بري عجباً حس اولنور صورتده ودوامي هيچ براصلاحات اجرا ايديله مديمي ؟
بوني ادعا ايتك حق سزلق اولدقدن بشقه دولت عثمانيه نك لايينقطع ظهور

ایدن مشکلات و غوائل عظیمه داخلیه آره سنده - ولو که بطی خطوه لرله اولسون، آره صره کری به دونمکه مجبور بولنسون - هر حالده اوزمانه قدر تقرب ایتک ایسته مدیکی اقوام خرسیانیه مدینته طوغری یوریش اولدیغی سویلک وظیفه بیطرفی ایجابنددر . بونک عکسنی التزام ایلک بدیهائی انکار ایتک اولور .

احوال سابقه تماماً ازاله ایدیله مه مش ایسه ده طرز قدیم اداره جداً رخه دار اولمشدی . اهالی به بعض تأمینات ویرلش ، بعض حقوق قبول و تصدیق اولمش . وبوصورتله مسلمانلرک اخلاق وعاداتی بعض مرتبه تعدیل ، اقوام مغلوبه نك احوالی اصلاح ایدلمشدی . برنجی قسمك صوك صحیفه لرنده ایالات والیرینك وظیفه وصلاحیتلری حقنده کی فرماندن بحث ایتشدم ؛ حکومتك والیرك صلاحیتلری نه قدر تدبیر و احتیاط ایله توسیع ایتدیکی ، شقاوتی تشویقندن بشقه برایشه یارامیان بعض تدابیر انسانیت و روانه یی العا ایچون نه قدر دوشوندیکی اوراده کی تفصیلاتدن آکلاشیلیر . انسان ، بعض نقطه لری بی لزوم تفصیلات ایله مالی اولان بو فرمانی او قورکن سلطان محمودك اواخر سلطنتندن ۱۸۵۲ سنه سنه قدر لا اقل برعصر کچمش اولدیغنه اینانه جفی کلیر .

خارجیه ناظرینك پدری عزت ملانك ، قدسه کوندریلن حکومت مرخصنك پدری واصف افسدینك ، رشید پاشانك حامیدی پرتو پاشانك کیزلیجه اعداملری خاطره سی ۱۸۵۲ سنه سنده هنوز اونودلما مشدی . و قتیله وجدان عمومینك اصلا تقییح ایتدیکی بومثللو معاملاته ، آرتق تکرری ممکن اولمیان جنایات نظریله باقیلیوردی .

۱۸۳۹ خط شریفنك اعلانندن صکره هیچ کیسه نك اموالی ضبط و مصادره ایدلمدی . واقعا کیتدکجه کسب ندرت ایدن بعض احوالده اشکنجه اصولی تطبیق اولندی ایساده منصب و موقعلری نه اولورسه اولسون اشکنجه به اجتناسر ایدن برچوق مجرملرده دوچار مجازات ایدلدیلر . صهریت پادشاهی به نائل اولان سعید پاشا بو نوع برجرمدن طولانی نفی اولندی . و قتیله ثروتلری صاقلامغه ، کندیلری فقیر کوستر مکه مجبور اولان خرسیانلر ثروت و سامانلرندن صورت علیه ده مستفید اولورلر ؛ هر نه قدر ینه نظر حقارتله کوریلورلر ایسه ده حقارت و تضییقه ده آ از معروض بولنیورلردی . بونلر آره سنده برمذهبن چیقوب دیگر مذهبه کیرمک سربسته جه ممکن اولیوردی .

دیگر طرفدن برنوع عسکری دره بکلکنه سبب اولان تشکیلات قدیمه عسکریه قالدیرلمشدی؛ عصر لرحه زماندن بری بوسنه و هر سگ خرستیان اهالیسی ووزرنده بر بار ثقیل اولان دره بکلک دخی الغا ایدلمشدی؛ مملکتک باشلیجه بلده لرنده محاکم مختلطه تأسیس و بونلرک صورت منتظمه ده ایفای وظیفه ایللری اسبابی تأمین اولنمشدی.

شبهه سزکه بوتجدداتک قسم اعظمی ابتدائی شیلردی؛ انسان بونلری تعداد ایدرکن بلا اختیار عالم بشریتک ایلک قانونلری زماننی، نفس بشرک تعرضدن مصونیتی و حقوق تصرفیه رعایت کبی یالکنز ایکی اساسه مستند اولان قوانین ایتدائییه دوره سنی خاطره کتیریور. فقط، ولوکه جزئی اولسون، تجدیدات واقعہ ترقیات جدیدیه دلیل ویا هیچ اولمازسه استقبالدن مأیوس اولماق ایچون مدار تسلی ایدی.

عجبا، آتی بوتونک صحت و اصابتی تأیید ایده جکمی؟ برمدت صکره (پارس) قونغرهنک ترکیا ایچون کشاد ایده جکی پارلاق دورده حکومت قدیمه عثمانیه نک، کندیسيله دول غربیه خرستیانیه آره سنده کی مسافه یی دها امین خطو دله قطع ایده جکی کوریه جکمی؟ حیات تازه کسب ایده جکی تحقیق ایلیه جکمی؟ یوقسه یینه مشکوک، مشوش بر موقعه ده می قاله جق؟

ایشته، ۱۸۵۴ دن ۱۸۶۷ یه قدر کچن دوره نی احتوا ایدن قسم ثانییه بوسؤالر ایله باشلایورم.





ایکینجی قسم

۱۸۵۴ - ۱۸۶۷

برنجی باب

قریم محاربه سی اٹماندره ترکیا . — دولت عثمانیه نك تشكيلوت عسكریه سی .

۱۸۵۳ ، ۱۸۵۴ و ۱۸۵۵ سنه لرنده دولت عثمانیه نك بتون قوای عسکریه سنی اشغال ایدن محاربه ، تاریخ تنظیمات نقطه نظرندن حائز اهمیت يك چوق معلومات اعطاسنه وسیله اوله بیلیر .

رضا پاشا هیئت وکلاسنك ایلک اجرا آتندن بحت ایدرکن مختصراً بیان ایتدیکم وجهله ، ۶ ایلول ۱۸۴۳ تاریخی قانون ، غیر منتظم اخذ عسکر اصولی ایله اولونجه یه قدر دوام ایدن خدمت عسکریه یرینه منتظم بر اصول ومحدود بر خدمت عسکریه مدتی وضع ایتیش وعساکر نظامیه دن بشقه سلاح آلتنده بش سنه خدمتدن صکره ترخیص ایدیلن عساکر ردیفه دن مرکب برده احتیاط اردوسی تشکیل ایلشدی . قول اردولرك تشکیلی ، سلسله مراتب ، امرا وضابطانك وظائفی ، تعلیم ومانووره لر حقنده — بعضی تفرعاتندن صرف نظر — فرانسز اصولی عیناً قبول ایدلمشدی . بوتبدلات فکر تعقیب ایله ، منتظم بر اصوله رعایت صورتیه موقع اجرایه وضع ایدلایکندن اردوده خیل ترقی کورلمش ، حتی (فرانسه) ده بولنان مصرلی ابراهیم پاشا برکون بالمناسبه شوسوزلری سویلشدی : « برقاچ سنه صکره عثمانی اردولرمز اوروپا ردولرندن آنجق اونيفورمه لریله تفریق اولنه بیله جکدر . بز مصر لیلرك مزیتی

بتون ممالك عثمانیه ده برمدت صکره یاییله جق شیرلی براز دها اول تقدیر ایدرک موقع تطبیقه قویمقلمزدن عبارتدر . »

شبهه سز که حکومت عثمانیه ، احوال عسکریه سنک اصلاحی ایچون صرف ایلدیکی مساعی متدایه ایله (اوروپا) نك تقدیراته کسب استحقاق ایتشدی . ردیف تشکیلاتی اولمسه یدی حکومت عثمانیه ۱۸۵۳ سنه سنده برقاچ آی نظر فده وقت حضرده کی عسکرینی ایکی مثله ابلاغ ایده مز وهان (روسیه) نك قوته معادل درجه ده عسکر چیقاره مازدی . عثمانلی اردوسنک ، هیچ اولمازسه اوروپای عثمانیده ، روسلرک ایلک هجوملرینه قهرمانجه مقاومت ایتسی اک زیاده اخذ عسکر اصولنک تبدلدن و حیات عسکریه یه آلیشمش افراددن مرکب ردیف صنفنک موجودیتدن ایلری کلیوردی . (اولته نیجا) و (قالات) محاربه لری هم ۱۸۴۳ اصلاحات عسکریه سنی وجوده کترین ذات ، هم ده ۱۸۵۴ سفرنده طونه حدودینک محافظه سنه مأمور اولان قوماندان ایچون باعث شرف و شان ایدی .

مع مافیه ، قریم سفرنده میدان تجربه یه وضع ایدیلن عثمانلی تشکیلات جدیدۀ عسکریه سی ایلک پادشاهلرک وجوده کتیردکاری تشکیلات قدیمه دن ببتون بشقه برشی اولقله برابر (قونیه) و (تزیب) محاربه لری قهرمانی ابراهیم پاشانک تقال مداهنه کارانه سنه کسب استحقاق ایلکدن خیلی اوزاقدی . قریم سفرنده فرانسز اردوسی باش قوماندانی اولان مازشال (سن آرنو Saint-Arnaud) ۱۸۵۴ سنه سی مایسنده یازدیغی بر مکتوبده : « ترک اردوسنده ایکی شی وارددر : بر باش قوماندان ، برده افراد عسکریه . بونلرک آره سنده نقاط متوسطه مفقوددر . ضابط یوقدر ؛ کوچک ضابط ایسه هیچ یوق . » دیمشدی .

ترک عسکرینه کلنجه ؛ شجیع ، قساعتکار ، متحمل اولدیغنی هرکس بیلیر . (اوستریا) نك اک مشهور قوماندانلردن (مونته قوقولی Montecuculli) ترک عسکرینی بوصورتله توصیف ایتدیکی کبی عساکر عثمانیه یی سیلسترده ده ، سیواستوپولده ، قارصده پک یاقیندن کورن فرانسز وانکلز امرای عسکریه سی دخی بیان تقدیراتدن کری طور مامشلردر . انکلز امرای عسکریه سنندن جنرال (ویلیه مس Williams) آناطولی حدودنه کی عثمانلی عسکرینی کوزدن

کچیردکدن صکره انکلتزه خارجیه ناظری لودر (قلارندون Clarendon) م چکدیک ۲۶ ایلول ۱۸۵۴ تاریخی تلغرافنامه سنده : « دنیا نك هانکی اردوسنده اولورسه اولسوندها اینی افراد بولنه جغندن شبهه ایدرم . نفرلر قوی البینه درلر، اینی برعسکر اولمق ایچون نه لازمه کافه سنه مالکدرلر . » دیمشدر . فقط بوفطری مزیتلر، مارشال (سن آرنو) نك بیان ایلدیکي وجهله، ضابط و کوچك ضابطك فقدانندن طولانی ایشه یارامیوردی .

فرانسز دیپلوماتلرندن (سن پریست Saint Priest) مشهور (ردوو دو دوموند) رساله سنك ۱۵ مایس ۱۸۶۰ تاریخی نسخه سنده یازدیغی بر مقالده دییورکه : « شمیدیکي محارباتده شخص، فرد اورته دن غائب اولور؛ یالکز تشکیلاتی منتظم بیوک قطعلر بررول اوینار؛ بوسیدن براردونك قوتی قادرولرنده در . ترك اردوسنده ایسه قادرولر هان لفظاً موجوددر . ترقی، ترفیع رتبه، برقاعده منتظمیه تابع دکل کیدر؛ خدمت عسکریه نك پك آغیر ومشکل اولان باشلانغی هیچ بر رجحان و منفعت تأمین ایتدیکندن صنوف اغنیا عمومیتله عسکر نك رغبت ایتمه رك - نemat ملکیه کیرلر، مع مافیه خدمات سنکیه دن دخی اردو قوماندانلری یتیشیر . آشاغی رتبه ده کی ضابطان کیفی بر صورتده، یاخود تصادفه تابع اوله رق افراد آره سندن یتیشدیریلیر . بوضابطلر ایله افراد، انضباط عسکری بی اخلال ایده جك صورتده لایبالیانه یشادقلرندن ضابط ونفری بر برندن هیچ برشی تفریق ایتمز . انتریفه وپاره، رتب عالییه استحصاله واسطه اولدیغندن مزیت شخصییه سی، علم وعرفانی ایله ترفیع رتبه یه چالیشمغه مدار تشویق اوله جق هیچ برشی یوقدر .

« عسکرک تعلیم وتربیه سنه مأمور اولان عثمانلی اردوسنك قادروسی تشکیل ایدن بیوک ضابطان ورؤسا جاهل وسفلیدرلر . اردونك یالکز شکلی دکیشمش، مواد اصلیه عین حالده قالمشدر . »

وقت سفرده اردولرک امور اداره سی میانه داخل اولان خدمات اصلیه نك کفایتسزلکی خصوصنده اصرار ایتیه جکم . یوقاریده ذکر ایتدیکم مارشال (سن آرنو) نك مکتوبی، ارزاق ومهمات عسکریه نك تدارکی، خسته خانه لرك اداره سی خصوصنده شایان تأسف بر عطالت حکمفرما اولدیغی

ييلدير يور [۰] و سردار عمر پاشا بويه اداره ايديلن بر عسكرك ، شجاعتنه رغماً ، اوزون مدت بفره مقاومت ايده ميه جكنى انكار ايليور دى .

جهت عسكريده ده دخى اكسيك اولان شى معلوماتى ، تجربه ديده رؤسا و صورت قويده تأسس ايتمش بر سلسله مراتب ايدى ؛ بونلرى وجوده كيرمكه نه وقت ، نه ده وسائط بولنه ييلمشدى .

فقط اصلاحات طرفدارلرينك اغماض ايتدكلى ويا ده طوغربى بر چاره بوله مدقلى اك مهم نقطه ، فساد اخلاق عموميه نك اردويه دخى سرايت ايدرك هر درلو تشكيلاى بوزمى و ضرورى اوله رق فلاكتله ميدان آچسى ايدى ؛ بونى هر كس كورييور دى . قريم سفرندن اجمالاً بحث ايتديكمز صرده تركياده چاره سى ، علاجى بولماز بر درجه يه كلن ، اك ابتدائى موضوعات و نظاماتى ، بر حكومت مستقلمه نك موجوديته اساس اولان قوانين اصليه ي بيله بوزان ، اخلال ايدن فساد اخلاق عمومينك درجه اهميتى آكلامق ايجون مركز حكومته ويا موسقوف استيلاسه معروض اولان جوار ولاياته تدقيقتاده بولمق كافى دكلدر . بورالرده ، فنالق عادتا كيزلى بر حالده در ؛ نا كه ظهور وقايع يارديم ايتمزه نظر اجانبه لايقيه آكلاشيله ماز . فساد اخلاقك دلائل باهره سنى آرامق و بر اردو ويا آلاى قوماندانك ، معيته كى عسكرك حيات و مائيله اوينايه جق درجه يه واران حيازلغى كوره ك ايجون آساي عثمانيه ، (اوروپا) اردولريه تماسده بولميان ، پاشارك و قتيله اولدينى كى مستبد ، خونريز قالدقلىزى بو اونودلش قطعه يه كيتمك لازم كلير .

بو بابده كى مشاهدات بك چوقدر ؛ شهادات مختلفه نك بر برينه موافق ظهور ايتمى شاين دقت اولدينى كى شاهدلرك بيطرفلغى بحثده اصلا شبهه ايديله مز . ۱۸۵۶ سنه سنده انكلز پارلمنتوسنه تقديم ايديلن وثائق رسميه مجموعه سى ۱۸۵۳ ، ۱۸۵۴ و ۱۸۵۵ سنه لرنده آساي عثمانيه طوپلانان

[*] مارشال (سن آرتو) نك مايس ۱۸۵۴ تاريخلى مکتوبسندن : «اون بش كوندن برى بو عسكر بكسماد و پرنج ايله يشايور ؛ بو تدبير حيواناته سيزلك ايجون وقت براقق مقصديه اتخاذايدلشدر ، حيوانات مقدار كافى ات ويره ميه جك درجه ده ضعيف كورلش ؛ فقط بر طرفدن چاپرلرده اوت يتشمكه باشلايدقندن شمدى حيوانلرك سيزلنسنه انتظار اولنيور . ايسته ترك اداره سى !»

اردولرک احوال و حرکاتنه دائر جنرال (ویلیه مس) ، لورد (قلازدون) ، لورد (استرافورد) ایله بعض قونسلوسلر طرفندن یازلش ۳۹۰ تلغرافنامه‌یی محتویدر. موسیو (سن پرست) ۱۸۶۰ سنه‌سنده محررات مذکورہ‌یی تلخیص ایدرک (ره‌وودودوموند) رسالہ سسیله نشر ایتمشدرکہ بعض فقرہ‌لرینی بروجه زیر اقتاس ایدیورم :

« جنرال ویلیه مس دیورک : بومتحمل وقاعتکار آسیاعرقنک هر مملکتده دائمی عصیانلره سبب اوله‌جفی شہسز بولان آلام و اضطراباته بیوک برصبر ایله تحمل ایلسنه حیرت ایتکده‌یم . عسکرک تعیناتی پک فنادر ؛ اک بسیط قواعد صحیہ بیله مجهولدر ؛ حمارک ، تیفسو سک شدتله اجرای حکم ایتسنه سبب بودر . قطعات مختلفه‌یه کوره ۱۸ ، ۲۰ ، ۲۲ آیلق تداخلده‌در . یوم جدید ، رزق جدید قاعده‌سنه توفیقاً یشانیلیور . ضابطان خدمت ، انضباط ، تعلیم خصوصنده باعث شین و عار اوله‌جق درجه‌ده مساحمه کوستریبورلر . بونلرک قسم اعظمی قوماندانلغه لایق دکلدر . اوتہدن بری آلیشدق‌لری ایچون سرخوشدرلر و عسکرک پاره‌سنی چالمقدن بشقه برشی دوشونمزلر . مشیر ، ارتکاب و اختلاسه دیکرلرینه نمونه امثال اولیور . پاشالر ، میرالایلر ، محاسبه مأمورلریله مشترک اولدقلرندن ، محصول اختلاسانی بونلرله تقسیم ایتدکلرندن درسعادتہ کوندربلن اوراق و جداول بیوک ساخته کارلقلرله مالیدر . حکومت ۳۳،۰۰۰ کشی حسابیله تعینات ویریور ، حال بوکه سلاح آلتندہ آنجق ۱۷،۵۰۰ عسکر واردر . باشی بوزوقلرک معاش و معیناتی ، بونوع عسکرک انتظامسزلغندن طولایی ، مشیر ایله بوچتہلر رؤسای ایچون غایت واسع برمنبع اختلاسدر . کاغذ اوززنده ۳،۵۰۰ کشی کورلدیکی حالده رؤسای مرقومه‌نک امری آلتندہ آنجق ۸۰۰ باشی بوزوق واردر . مشیر اک جزئی استفاده‌لره بیله نظر استخفاف ایله باقیور ؛ کچن قیش موسمنده خسته‌خانہ‌لرده وفات ایدن ۱۲،۰۰۰ عسکرک اشیانی صا‌تدیردی . اردویه تخصیص اولنان مبالغه قسماً نقد ، قسماً قائمه اوله‌رق کلدیکنندن مشیر نقدی کندیبی ایچون صاقلا‌یوب قائمه ایله تأدیاده بولنیور ، که بویوزدن تقریباً یوزده یکرمی نسبتندہ ضرر حاصل اولیور . »


« پاشالر ایله میرالایلر ارتکاب و اختلاس ایچون ده‌ا برچوق واسطہ‌لر بولیورلر ؛ محاسبه مأمورلریله اویوشه‌رق پرنج و ات تعیناتی مقابلندہ پاره

آلورلر ، یاخود بونلری عیناً آلفه مجبور اولورلر سه کندی حسابلرینه
صا دیر ییورلر . جوارده کی محصولات زراعیه نی بیچمک ، کویلرده کی خانهلری
بیقوب بو طرفلرده پک بهالی صاتیلان اودون و تخته تدارک ایتمک ایچون
آفغاریه صورتیه عسکری چالیشدیریورلر . هرکس بو یغمادن ممکن مرتبه
چوق استفاده ایتمک ایچون درلو درلو واسطه لر ، چاره لر بولیور . »

اداره عثمانیه نك بتون فناقلری میخانه قویان و (بایاندوری) ، (آخال چیخ) ،
(باش کدکلی) هزیمت لرینك و نهایت آناتولی استیلا سنك اسباب حقیقه سی
کوسترن بو استشهاداتی قیسه کسه رك نتیجه یه کچورم :

تنظیمات ، دولت عثمانیه نك تشکیلات عسکر یه سنده بیوک بر ترقی حصوله
کتیردی . سلیم ثالث تصور ایتدیکی ، محمود ثانینك تشکیله ابتدار ایلدیکی
نظام جدید موقع تطبیقه قوندی ، اهالی مسلمنه طرفندن قبول ایلدی . بو
اسلام اردوسی [عثمانی اردوسی] ماهیت دینیه سنی محافظه ایتدیکندن بویاه
دیجکمز] ، هیئت عمومیه سندن اك کوچك تفرعاته قدر ، فن حربك قواعد
جدیده سنه کوره تشکیل اولمشدر ؛ فقط موظف ویا احتیاط ، هر نوع اردولرك مدار
قوت واهمیتی اولان قادرو لردن ، یعنی تربیه و مزیت اخلاقیه لرینك تفوقندن طولانی
احراز رجحان ایلین وقوماندانلق نفوذ و اقتدارینه مالک بولنان معلوماتلی
و تجربه دیده ضابطان و کوچك ضابطانن محرومدر .

خصوصده اصلاحات ، هنوز بر تجمدد حصوله کتیرمه مشدی ؛ اخلاق
وعادات قدیمه حالیه محافظه ایدلمش اولدیغندن مشیرلر ، فریقلر ، لوالر در سعادت
ویا ممالک اجنبیه حربیه مکتبلرندن چیقان ضابطانی بر خصومت معنده ایه
معیملرندن اوزا قلاشدیریورلردی [*] .



[*] جنرال (ویلیه مس) ک لورد (نلارندون) ه ۲۳ تشرین اول ۱۸۵۴ تاریخنده کشیده
ایتدیکی ۴۶ نومرولی تلر افنامه .



ایکسجی باب

۱۸۵۶ یارس معاہدہ نامہ سنک مقررانی . — رعایانک امرانہ متعلق
در دنجی مادہ نك مذاکرات اولیہ سی . — خراجک الفاسی و خرسیتاندرک
اردوبہ قبولی .

بو اثرک ایلک صحیفہ لرندہ ترکیادہ سلطان محمودک واکثر سلطنتہ طوغری
تطبیق ایدیلان اصلاحاتک ماہیت و غایہ سنی ایضاح ایتدیکم صرہ دہ تنظیماتک —
حال و موقعک ایجاب ایتدیکی بر لازمہ سیاست اولوق اعتباریلہ — ہر شیدن اول
(اوروپا) یی نمون ایتک و ترکیایہ قارشی دہا ملایم و مساعده کار طاواند یرمق
مقصودینہ مبتنی بولندیغی و بوبادہ کی احتیاج مبرمک رعایایہ اعادہ حقوق ایتک،
ملت غالبہ ایلہ ملت مغلوبہ ، یعنی اسلاملرلہ خرسیتانلر آردسندہ قاعدہ مساواتی
قبول و تطبیق ایلک اولدیغی بیان ایتشدم .

یوقاریدہ کورلیدیکی وجہلہ حکومت عثمانیہ بو اساسلی نقطہ دہ مسلمانلرک
افکار و عاداتی حس اولنور درجہ دہ تعدیلہ موفق اولہمدی . دولت علیہ نك
قریباً اجتماع ایدہ جک اولان مجالس عمومیہ دولیہ یہ ایلک دفعہ اولہرق قبولی
مقرر اولدیغی حالہ ۱۸۳۹ خط ہایوننک احکام اساسیہ سی موجبہ تشبث
ایدیلان اصلاحات ہنوز نتیجہ پذیر موفقیت اولہ مامشدی .

کاخسانہ خط ہایوننک مواہیدینی باب عالیہ احطار ایتک و ہنوز حل
ایدیلہ مین مسئلہ اجتماعیہ یی دہا صریح بر صورتہ موقع تذکرہ قویق وظیفہ سی
قریم سفرندہ اردولریلہ ترکیایہ یارديم ایدن دولترلہ عائد بر وظیفہ ایدی .
فی الحقیقہ ، قریم سفری واکثرندہ (روسیہ) ایلہ مذاکرات صالحیہ
باشلانمسی متعاقب (پارس) ، (لوندرہ) ، (ویانہ) قابینہ لری بو وظیفہ یی
درعہ دہ ایلدیلر .

۱ شباط ۱۸۵۵ تاریخنده (ویانه) ده امضا ایدیلن ومصلحهیه اساس اتخاذ اولنان پروتوقول (افلاق) ، (بغدان) و (صربستان) بکلکترینک تشکیلات آتیه‌سنه، (طونه) نك سربستیسنه ، قره دکزک بیطرفلغنه ، ممالک عثمانیه‌ده کی خرسیتان اهلینک امتیازات ومعافیتنه متعلق درت ماده‌ی احتوا ایتمکده ایدی . بومقدمات صلحیه مقاله‌نامه‌سنک ایلک اوچ نقطه‌سنی بوراده تفصیل وایضاح ایتیه‌جکم ؛ یالکزر ، حکومت عثمانیه‌نک بو نقطه‌لره رعایانک اصلاح احوالندن زیاده اهمیت ویردیکنی، کندی دشمنی ایچون شدتلی اولدیغنی قدر مسلمانلرک ضرور وافتخارینی تحریک ایده‌جک درجه‌ده پارلاق بر (اوروپا) ائتلافه‌کووه‌ندیکنی ذکر ایله اکتفا ایده‌جکم. دولت عثمانیه (چار) ک (افلاق) و (بغدان) اوزرنده کی حمایه‌سنه نهایت ویره‌جک اولان تشکیلات جدیدنه‌نک بو ولایاتی باب عالی‌یه ربط ایدن مناسبات وروابط قدیمه‌ی تأییده خدمت ایتک صورتیه‌امینت مخصوصه‌سنی تأمین جهتیه مصروف اولسی لازم کله‌جکنی (پارس) و (لونده) قابینه‌لرینه بیلدیریوردی . باب عالی‌یه نظراً رومانی و صربستانک تابعیتنه دلیل ظاهری اولان ویرکونک مقداری تزیید اولنه‌جق ؛ (روسیه) نك قدردزه کی حاکمیتته صورت قطعیه‌ده نهایت ویریه‌جک ؛ الحاصل ، منصبی روسلرک النده بولنان (طونه) نهرینی بیطرف بر حاله قویمق ایچون آغزلیری ترکیایه اعاده اولنه‌جق ؛ ترکیا دخی سفارات اجنبیه‌نک نظارتی ویا درسعادته منعقد بین‌الملل بر قومیسئونک معاوتی ایله نهرک سیر سفائنه صالح بر حالده محافظه‌سنی تعهد ایده‌جکدی .

باب عالی‌قریم سفرنده (اوروپا) دولترینک تعقیب ایلدکری مقصد اصلی‌ی نظرندن غائب ایتیش کی کورونیور، ممکن مرتبه چوق مستفید و لمق ایستیوردی . بوخصوصه کی خیالاتی او درجه‌ده ایدی که دول معاونه یه قارشى بیله مشککلسندلک ایتمکدن چکینمیوردی .

رعایانک اصلاح احوالنه تعلق ایدن دردنجی نقطه‌یه کلنجه ؛ وکلای عثمانیه سلطان محمد ثانی دورندن بری ملل مغلوبه‌یه ویریلن مساعدات قدیمه‌ی صورت عمومیه‌ده تصدیقه مهیا بولدقلرینی بیان ایدیورلردی . فقط پرنس (غورچا قوف) ک تکلیفی وجهله ، عقد اولنه‌جق معاهده صلحیه‌یه علاوه ایدیه‌جک بر ماده مخصوصه ایله خرسیتانلرک (اوروپا) دولترینک تأمینات مشترکه‌لری

آلتده بولندیرلملرینی هیچ بر صورتله قبول ایدهمیه جکلرینی سویلیورلردی . بویه بر ماده نك حقوق دوله صراحة مغایر و دولت عثمانیه نك دول اجنیه به تابع بولندیغه علی بر دلیل اوله جغتئ سویلیهرك بونی بوجه پشین رد . ایلورلردی . خلاصه کلام ، و قیسه (فرانسه) و (انکلتزه) نك وصایای مخصوصه سی اوزرینه (روسیه) دن دریغ ایلدکلری شیئی شمدی ده (اوروپا) یه بخش ایلکدن امتناع ایدیورلر و بونی غایت منطقی بولیورلردی .

دیگر طرفدن ممالک عثمانیه ده کی خرستیانلرک من القدیم نائل اولوب کرک اساسی ، کرک نتایجی اعتباریه تبعه عثمانیه یی بر برندن تماماً آیرمش ایکی قسمه تفریق ایدن امتیازاتی ایکی نقطه نظر دن تدقیق ایدیورلردی . بونلرک افاده لرینه نظراً ، امتیازات مذکورده دن بعضلری صرف مذهبیدر ، بونوع امتیازات حریت وجدانه متعلق اولمق اعتباریه عیناً محافظه ایدملیدر ؛ دیگرلری حقوق مدنیه و برنوع مختاریت عدلیه به تعلق ایدر ، بونوع امتیازاتی حکومتک اصلاحات عمومیه پروغرامی ایه و بالخاصه تطبیق ایدلک ایستیلن قانون نظر نده مساوات قاعده سی ایه تألیف ایتمک ممکن دکلدی . بالخاصه بوایکنجی نوع امتیازات زمان فتحدن قالان قوانین و موضوعات قدیمه جمله سندن اولوب ملتک صنوف مختلفه سنی حال تجروده بولندیردینی ، حسد و خصومت متقابله به سبیت ویردیکی جهته آرتق میدانن قالدیرلمق احباب ایدیوردی .

بوايضاحاتدن آکلاشیلدینی اوزره باب عالی تنظیماتک بدایت اعلاننده وضع اولنان ودها بر مدت اداره دولته حکمی جاری اوله جق اولان مرکزیت قاعده سنی تقویه ایتمک ایستیوردی .

(ویانه) ده ایکنجی برقونفرانس عقدی زماننک تقریبندن طولانی باب عالی بومسائل ایه اشتغال ایتدیکی صره ده ، (فرانسه) نك نصیحتی اوزرینه ، خرستیانلر حقنده کی آمال عالیجنابانه سه بر دلیل کوسترمتک صورتیه متفقلرینی تأمین ایتمک ایستدی : خراجی لغو ایده جکنی ورن یایی اردویه و شعبات مختلفه اداره به قبول ایله جکنی سفارات اجنیه به تبلیغ ایتدی . خرستیانلر عسکر لکده مپر آلائی رتبه سه ، خدمات ملکیده برنجی صنف مأموریتلر درجه سه قدر چیقهبیله جکلریدی ؛ بوندن بشقه مساعدت مخصوصه استحصاله حاجت اولمقسزین .

کلیسای رینی تعمیر ایده بیلجکلی و حتی صرف خرسیتانلرله مسکون محلاتده یکیدن کلیسا انشا ایتدیره بیلجکلی .

کوربلیورکه ، مقصد ناتمام برتجدددن ، پادشاهک بتون تبعه سی آره سنده مساوات تامه حاصل ایتک شویله طورسون بالعکس اسلاملرک کرک سیاسی ، کرک دینی نقطه نظرندن تقوقنی محافظه وادامه ایلین اصلاحات جزئیهدن عبارتدی . مع مافیه ، بو ناتمام تجدد ، عصرلردن بری افکارعامه ده یرلشن اعتقادات باطله نک چیرکین کوردیکی تحولات اجتماعیه طوغری آیلیمش یکی برخطوه دیمکدی ؛ حکومت بومستلده مسلمانلرک تأثرات وانفعالاتی تسکین ایچون برچوق تدابیر احتیاطیه مراجعتیه مجبور اولدی . بو تدابیر ۷ مایس ۱۸۵۵ تاریخنده نظام شکنده نشر واعلان ایدلدی .

بونکله برابر خدمت عسکریه یی بتون تبعه یه تشمیل ایدن قاعده جدیده سی او زمانه قدر ممتاز برموقعده بولنان اسلاملردن زیاده - عسکرلکی ظلم و تعدیدن قورتلرینه بروسیله عد ایتلمی لازم کلن - خرسیتانلر میاننده اعتراضاتی موجب اولدی . بالخاصه روم ایلیده کی اورتودوقسلر صولک درجه تالاشه دوشه رک مجتمعا طاغله قاچه جقلرینی و حتی همجوار حکومتلره التجا ایلجکلی رینی اعلان ایتدیلر . حکومت ، استانبولک فتحی زماننده اولدینی کبی ، روم ایلی اهاالیسنک هر طرفه طاغیلیمسی تهله کسی قارشیسنده بولدیغندن قانون جدید احکامنی تعدیلج مجبور اولدی ؛ حدود اوزرنده کی ولایتلر اهاالیسنی عسکرلکدن استثنای ایتدی و غیرمسلم افراد جدیده مقدارینی ۱۵۰۰۰ دن یدی بیکه ایندیردی . حتی بالاخره بوییدی بیک کشیدن دخی واز کچدی .

بو تجربه شایان دقت بردرس تشکیل ایتدی ؛ اصلاحاتک ، نظریات دائره سندن فعلیاته کچدیکی نسبتده ، بوندن ک زیاده مستفید اوله جق رعایا طرفندن آرزو ایدلیه جکی آکلاشیلیدی ؛ بومشکلات ، مسئله یی برصورت غریبه ده تشویش ایتدیکندن بر آن اول حل و تسویه سی بالخاصه دول اجنبیه نظرنده حائز اهمیت ایدی .





اوچنچى باب

مقدمات صلیحه نك در دنجی ماده سی مذا کراتك مابعدی . حریت و همراه .

مقدمات صلیحه نك در دنجی ماده سی مذا کرات جاریه نك اك مشكل ، الك مهم نقطه سی ایدی . بونك ایچون ماده مذکوره باب عالی ایله سفارتلر آره سنده ، دائمی بر زمین مکالمه و مذا کره تشکیل ایدیوردی .

بوابده کی مخبرات و تعاطی افکار ، نهایت صورت منتظمه ده جریان ایدن مذا کرات سیاسیه یه منقلب اولدی و ۱۸۵۵ سنه سی صوك بهاری ظرفنده خارجه ناظری ایله (فرانسه) ، (انكلتره) و (آوستریا) سفیرلری آره سنده متعدد قونفرانسلر عقد ایدلدى .

اول امرده حریت وجدان حقنده مذا کره جریان ایتدی ؛ بو ، غایت نازك بر مسئله اولوب مسائل سائر نك کافه سی حریت وجدانه مربوط ایدی ؛ وکلای عثمانیه بوابده بر قید احترازی وضع ایدیورلردی . عثمانلی وکلاسنه نظراً مذهب ملی اولان دین اسلامى خارج براقه رق یالکیز خریستیان تبعه نك احوال مذهبه لرینی مذا کره ایتك لازم کلیوردی .

(انكلتره) سفیرینك فکری ایسه بونك تمامیه ضدی ایدی .

(انكلتره) سفیری (لورد استرافورد Stratford) ۱۸۴۴ سنه سنده ، یعنی مذاهب خریستیانیه نك برندن دیکرینه کچمکی منع ایدن ۱۸۳۴ فرماننك فسختندن بر قاقچ آی اول مرتدلری ویاساده جه کفر بازلری جزای اعدامه محکوم ایدن احکام شرعیه یه شدتله اعتراض ایتش [*] ، رفعت پاشایه : « آوروپاده قالمق ایستیورسه کز ،

[*] او زمان ، اسلام اولدقدن صکره دین اصلیسنه عودت ایدن بر روم بروسه ولایتنده کائن بيله جکده اعدام ایدلمشدى .

آنحقيق سفك دماء دخی به نهايت ويرمك شرطيله قاله بيليرسكز. « ديمشدى. رفعت پاشا شوجوابى ويرمشدى : « مسائل سياسيه ده آوروپانك نصايحنى دائما حسن تلقى ايدرز؛ فقط امور دينيه ده استقلال تامزى محافظه ايتمكه محتاج و مجبورز. دين، بزم قانونلرمزك اساسى، حكومتتمزك مدار استناديدر. بزم كى پادشاه دخی بو اساسه طوقونه ماز. وجدانكزى جريحه دارايدن معاملاتى منع ايده بيليرز و بونى سزه صورت محرمانه ده وعد و تأمين ايلرز؛ لکن احكام شرعيه دن برى فسخ و الفا ايدر يولده بزدن بر امرنامه ايسته مك، حكومتتمزك تملنى قازمق، تخریب ايتمك ديمكدر؛ تبعه مزدن حس اطاعتى رفع ايتك، دولت عثمانيه يى سكون و راحت. محتاج اولدينى ادعاسيله قارمه قاريشيق ايتمكدر. »

۱۸۵۴ده، (انكلتره) سفيرى مسلمانلرك تبديل مذهبه و جامعى ترك ايله. كليسايى قبولده سربست اولدقلىرى اساسى خليفه يه قبوله و بونى علناً بيان ايتديرمكه چاليدىغى زمان دخی و كلاي عثمانيه عىنى اعتراضى تكرر ايتديلر. على پاشا ديدى كه: « پادشاه بويله بر طلبه موافقت ايدرسه آنرق ملت اسلاميه نك خليفه سى. اوله ماز، سلطنتى ده چوق زمان محافظه ايده مز. مرتدلر ايله كفر بازلرك بعد از اين اعدام اولميه جقلىر نه دائر ديپلوماسى طريقه سزه تأمينات و بره بيليرز؛ فقط بو مساعده مخصوصه يى اعلان ايتك، صنف عوام ايله علما آره سنده او قدر شدتلى بر غيلان تعصبه سبب اولور، كه او كنى المقدن عاجز قاليرز. »

بوسوزلى نقل و اقتباسدن مقصدم تركيانك، حكومتى يا عالم خريستيانيتده. اولدينى كى قوانين دينيه نك تأثير اتندن آز چوق آزاده برحاله كئيره رك روحانيتدن دنيويته تحويل ايتك، يا خود عقائد اساسيه يى سربستجه تفسير ايتك صورتيله يواش يواش تحديات و تقيدات دينيه دن قورتولمى لازم كله جكه دائر مقدمه ده بيان ايلديكم فكرى، اصلاحاتك اك اساسلى نقطه سنى تنوير و ايضاح ايلكدر.

انكليز ديپلوماتى پك ايلرى كيديوردى. احكام شديد شرعيه يى تطبيقده. تخفيف و تعديل ايده جك هر درلو صورت تسويه يى رد ايدىيور، نفرت عامه و غيلان تعصبى نظر دفته آلمدن، حتى قوانين عثمانيه يه اذخال ايتك ايستديكى قاعده اساسيه نك بالذات كندى مملكتنده و حكومات غربيه نك اكثرنده تحديد و تقيد ايدلمش اولديغى بيله دوشونمده دن شريعتك بو حكمنى قالديرمق ايستىوردى.

بو قدر زماندن بری (آوروپا) مدنیتی خارجنده آلان و بو مدنیته ده
اول داخل اولمش اولسه بيله امور مذهبيه ده ملائمکارانه مساعداته
بولنديغه دائر ممالك غریبه ده شایان امثال نمونه لر کوره میه جکی آشکار
اولان بر هیئت اجتماعیه قارشی تائی ایله حرکت ایتک ایجاب ایتیمی؟ حریت
وجدان، یکی فتح ایدلمش بر اقلیم دگیلدر؟ حریت وجدانک بلا قید و شرط
هر یرده جاری اولدیغی ادعا ایدیله بیلیرمی؟ قتولیک مذهبن ماعدا مذاهب سائر
آینلرینک علناً اجراسی الآن (اسپانیا) ده مشکلات عظیمیه دوچار اولیور.
(طوسفانه) و (ناپولی) ده پک آزمان اول حکومت پروتستانلی قبول ایدنلری
شدله دوچار مجازات ایتکده ایدی. (اسوچ) ده قتولیک مذهبی قبول
ایدن بر پروتستان نفی ایدیلر، اموال و املا کی مصادره اولنوردی. یونان
قانون اساسیسنده اورتودوکسلرک مذاهب سائر خرسیتیانی قبول
ایتلری ممنوعدر. (لهستان) ده قتولیک مذهبی قبول ایدن اورتودوکسلر
علیهنده اتحاد اولان تدابیر شدید هوز خاطر لرده در. محبا (انگلتره) ده پاپانک
حکومت روحانیه سنی تصدیق ایتک، موسویلری مبعوث صفتیه پارلمنتویه قبول
ایتک اصولی نه وقتدن بری جاریدر؟ دینسرلر الیوم انگلیز پارلمنتوسندن اخراج
ایدیلورلرمی؟ [*]


واقعا عثمانلی خرسیتیانلر ایچون اک واسع درجه ده حریت مذهبی طلب
ایتک پک موافق و محقدر. بومسئله نک باب عالی یی (آوروپا) آهنگ دولیسنه
ادخال ایده جک اولان معاهده نامه جدیده شرط اساسی اوله رق ادخال، دولت
عثمانیه نک سلامت موجودیتی تأمین ایتمش اولان دول اجنیه نک وظیفه سی
ایدی؛ اختیار ایلدک لری قدا کارلقاره مقابل بر مکافات مقامنده ایدی. فقط
ترکیادن، اک متمدن ملت لک بيله هنوز کندیلرینی قورتاردقلری اعتقادات
باطله یی برضربه ده قیروب آتمی ایسته مک موافق حقانیتمی ایدی؟ حکومت
عثمانیه نک موافقت ایده جکی فرض اولنسه بيله بویه بر تشبیدن موفقیت حاصل
اوله جنی امید ایدیله بیلیرمی ایدی؟

[*] عوام قاره سی ۲۶ نیسان ۱۸۸۱ تاریخنده کی اجتماعنده اعضاسندن موسیو (براد
لوع) ک دینسرلک حقنده کی نشریاتندن طولانی، رسم تحلیفه مانع اولمش و بناءً علیه
مبعوث وظیفه سنی ایفا ایلسه میدان ویرمه مشدر.

(فرانسه) و (اوستریا) دولترلی عین فکرده اولدقلری ایچون درسعادتده کی سفیرلری واسطه سیله انکلیز سفیرینک غیرت مفرطه سی تخفیفه چالیشیورلردی. ذاتاً (ویانه) و (پارس) قایینه لری سربستی تام مذاهب قاعده سنک اسلامیه صورت مخصوصه ده تطبیقی - پروتستان میسیونر جمعیتلرینک و بوجیتلره بالواسطه خدمت ایدن لورد (استراتفورد) ک تخمینلری کی - مؤثر بر تدبیر اوله جغنی امید ایتیمورلردی. بونلرک نظرند (استراتفورد) ک تکلیفی قبول ایدلسه بیله بوندن مذاهب مختلفه نک بوندن دیکرینه کچن خریستانلرک آز مستفید اوله جقلردی. بناء علیه - (فرانسه) و (اوستریا) به نظرا - کندیسنه معاونت ایدیلن واوروپا دولترلی درجه سنه اصعاده چالیشیلان بر حکومتی دوچار حقارت ایتهمک، مسلمان مرتدلرینک حیاتی تأمین ایدن تعهد معنوی به رعایت ایدلوب ایدلمدیکنی تفتیش ایله اکتفا ایلک لازم ایدی.

(انکلتره) سفیرینه پک چوق زمان سوز آ کلاتمق ممکن اوله مدی، انهای مذاکراتده بعض وقایع مؤسسه تحشدن قورقولدی. چونکه وکلای عثمانیه دخی انکلیز دیپلوماتی قدر عناد ایدیورلر و - بالاخره عالی پاشانک دیدیکی کی - «طولو اولان قدحک طاشمندن» قورقیورلردی. مع مافیه، نهایت افکار متضاده بی. آز چوق تألیف ایده بیله جک بر صورت تسویه بولندی. و «ممالک عثمانیه ده بولنان هر دین و مذهبک آیینی بروجه سربستی اجرا اولندیغندن تبعه دن هیچ برکیمسه نک بولندیغی دینک آیینی اجرادن منع اولنمامسی و بوندن طولایی جور و اذا کورمه مسی، تبدیل دین و مذهب ایتمک اوزره هیچ کیمسه نک اجبار ایدلمه مسی» قرار گیر اولدی.





دردنجی باب

ایلنجی دارینجی بابدرک مابعدی . — جماعات غیر مسلمینک امتیازات
قدیمه سی . — تبرلات منقضیه . — باب عالی ایدر دول منفقہ آرہ مندرہ
قرارلشربریکونہ اصلاحات اداره بر درغرامی .

وقتیله رعایایہ بخش ایدلمش اولان مساعدات ومعافیات مختلفه موقع تدقیق
وتذکره وضع ایدلدیکی زمان بو مساعداتک استقلالئی، شان و شرفئی محافظه
قیدنده بولسان بر حکومت ایچون غیر قابل تحمل بر حال غیر طبیعی تشکیل
ایلدیکی بلا تردد تصدیق اولندی .

روم بطریقخانہ سی فتحدن صکره نائل اولدینی حقوق سایه سنده حقیقہ
حکومت ایچنده حکومت ایدی وتشکیلات ابتدائیه سنک بر صورت غربیه ده
تحریف وتبديل ایدلمش اولدینی انکار ایدیله مزدی . خارجیه ناظرینک سفرایه
ایضاح ایدلدیکی وجهله شرق اورتودوقس مذهبنده کی خرسیتیانلرک عرض
وناموسی، ثروت وسامانی، حریت شخصیه سی، حریت وجدانی — هیچ بر
قونتروله تابع اولمهدن — درسعادت کلیسائی رئیسک النده ایدی . بطریق،
اورتودوقسلری نفی وحبس جزالزینہ محکوم ایدیور، ویرکوآلیور، پستقوسلری
عزل ایدیور، آفوروز وسانسور کبی ایکی واسطه مهمه یی استعمال وسوء
ایلیور، مکتبلر ایچون تدریسات پروغراملری یاییور، الحاصل بر جوق جهتلردن
حیات مدنیہ وسیاسیه یه تعلق ایدن وظائفک حین ایفاسنده هیچ بر قیده تابع
بولمییوردی . فضلہ اوله رق، حکومت بطریقخانہ نک آرزولرینک موقع اجرا یه
وضعئی تأمین ایچون معاونته مجبور ایدی . وظائف روحانیه یی وظائف
جسمانیه دن کلیاً تفریق ایتک اولمسه بیلہ هیچ دکسه مرور زمانه سوء استعمالاته

اوغرايان واکزايده رعايای ازويي بتيرون امتيازاتی تحديد ايتک لازم دکلی ایدی؟ ايشته بو فکر و ملاحظه، روم کلیسای امتیازاتجه بعض تبدلات اجرایی لزومنی حسی ایتدیردی؛ بالذات روم کلیسایسنک موقع تطبیقه وضعه دعوت ایدلدیکی تبدلات بطریقارک اصول انتخابی تعدیله، کایسا نامنه مقطوعاً آلان ویرکولرک الغاسیله بونلرک یرینه مقدار معین معاشات تخصیصنه، جماعات امورینک صورت اداره-نی تفتیشه وسأثره متعلق اوله جقدی .

مع مافیہ حریت مذهبی اعلان ایتک وخرستیانلره کندی رئیس روحانیلری طرفدن تحمیل اولسان بار ثقیل حکم و نفوذی تخفیف ایلک کافی دکلدی . رعایای وطنداش یایمق و مالک عثمانیه نك عناصر مختلفه سنک بربرینه یا قلاشمسنة یارديم ایتک اقتضا ایدیوردی . وکلای عثمانیه دیورلردی که : « تنظیيات ، خرستیانلری مسلمانلردن تقریق ایدرسه ، ای برشی اولمق شویله طورسون بالعکس باعث فلاکت اولور . برحکومتک وظایفی کافه صنوف تبعه سنه قارشی عیندر . ویرکولرک ، محاکمک حسن اداره سی و معاملات کیفیه نك منعی خصوصنده بتون تبعه عینی درجه ده علاقه داردر . »

فقط وکلای عثمانیه عموم تبعه ایچون عینی اصول اداره نك تطبیقی توصیه ایتکه برابر - کندی فکرلرنجه - آنارشییه ، حکومتسزلکه یکانه مانع اولان تفوق اسلامی اخلال ایدیه بیله جک درجه ده مساوات نامیه ی قبول ایتیمورلردی .

بو احتیاط ، اوزمان غیرقابل انکار اولان بر حقیقته مستنداً ایلرییه سوریلوردی . بو حقیقت ده بالاخره (فرانسه) جمهوریتنه دخی تطبیق ایدیلن شو کلمه لره خلاصه ایدیه بیلیردی: « حکومت اسلامی ، رعایای الک آز تفرقه یه دوشورن بر شکل حکومتدر . »

بوتاریخک صحایف آتیه سنده دخی کوریله جکی وجهله ، باب عالی دائماً عنصر اسلامک خرستیان عنصرینه تفوق الزم اولدینی نظریه سنه صادق قالمش ، هیچ بر خط هایونک ویا اراده سنیه نك اعلاندن کری قلمدینی مساوات - باب عالی نظرند - تکالیف و منافع عمومیه نك صورت قطعیه ده متساویاً عناصر مختلفه آره سنده توزیعی معناسی افاده ایتمه مشدر .

تنظیياتک بوقسمنده نظر دفته آلمسی لازم کلن برتدبیر واردی ، که اجانب

نظرند هرشیدن اول بوکا اهمیت ویریلوردی : خرسیتانلرک احوال اجتماعیه لرینه موافق ترقیاتی حصوله کتیره بیلیمک ایچون اول امرده بونلرک بولندقلری درکه مذلتدن تخلیصی، تبعه مسلمه دن دون بر موقعده قالمالرینی انتاج ایدن موانع اداره نك رفع والغاسی مناسب ایدی .

بونقطه نظرندن، اوتهدن بری دولت عثمانیه نك تبعه سی آره سنده موجود اك آشکار فرقلره سبب اولان اصول عدلیه یی اساسلی بر صورتده تبدیله لزوم واردی . عدلیه یی ممکن مرتبه اداره دن آیرمق، كافه صنوف تبعه نك عینی قوانینه تابع اولسنی اقتضا ایدن احوالده مختلط محاکم تأسیس ایتمک، امور عدلیه و اداره ده صلاحیت کامله یه مالک اولمقله برابر حقیقت حالده والیلرک امر و کیفنه تابع اولان مجالس اداره و لایانك صورت تشکیل ووظائفی تعدیل ایلمک، مجالس مذکوره اعضاسنك انتخابی خصوصنی والیلرک الله بر اقیوب معین مقدار ویرکو ایله مکلف افراد اهالی طرفندن انتخاب ایدملرینی تأمین ایتمک؛ دیگر طرفندن ده خدمات عمومیّه مختلفه یه لزومی اولان مأمورینی تدارک ایچون جدی مکاتب خصوصیه آچمق، مأموریت دولته بلا تفریق جنس و مذهب بتون تبعه یی قبول ایلمک ... ایشته، احتیاجات جدیده نك لزوم کوستردیکی تدابیر اولیه بونلر ایدی .

انسانای مذاکرانده تحریر و تنظیم اولنسان مخطرملر ایله [بر برندن فرقلی تدابیری حاوی اولمق اوزره یکریمی بر مخطرله موجوددی] اکمال ایدیلان بو پروگرام، مقدمات صلیحه نك دردنجی ماده سنه جدی بر قیمت ویرمکده ایدی؛ چونکه رعایانك حقوق مذهبیله سیله حقوق سیاسیله سیله آره سنده صیق بر رابطه حصوله کتیریوردی؛ بونقطه نظرندن حصول ائتلاف ایچون بر حقوق مساعدات، بخش ایدلمش و بومساعدات صورت قطعیده تعیین و تصریح اولنشدی .

درساعدته جریان ایدن مذاکرات ابتدائیه نتایجی بر بیاننامه عمومی ایله اعلان ایتمزدن اول مهم بر مسئله نك مذاکره سی ایجاب ایدیوردی .

۱۸۵۵ سنه سی (ویانه) قونفرانسنده پادشاهک خرسیتان تبعه سنك تأمین منافعی ایچون (اوستریا)، (انگلتره) و دولت عثمانیه آره سنده «عقد ائتلاف» ایدلمی تقرر ایتشدی . عجبا بوراده کی «ائتلاف» کلمه سی «معاهده نامه»

معنایه می ایدی ؟ دولتر بر لرینه قارشى تعهدات متقابله ده می بولنه جقلردی ؟ اولجه ده سويلديكم وجهله باب على بو طرز تفسیری ، منطق وتدبير واحتياط نامه ، رد ایدیور ؛ (انکلتره) ایسه تعهدات قطعیه ومشرکه فکرینی التزام ایلوردی . ایلریده عقد اولنه جق معاهده صلیحه ده رعایانک احوالنه متعلق احکامک « ذکر » ایدلسی لزومندن بحث ایدلمکده ، فؤاد پاشا شو لطیف سوز ایله مقابله ایلکده ایدی : « اگر بزه بر ذکر جمیل ویرمک ایستورلرسه بوندن مع المنونیه واز کچورز . »

شکله عائد اولان ، فقط عین زمانده اساسه دخی تعلق ایدن بو اختلاف موقتاً بر طرف ایدلدی و پادشاهک بالاخیار تبعه سینه مساعداده بولندینی ظنی حاصل ایتمک ایچون دولت عثمانیه ایله حکومات متفقہ مرخصلری طرفندن در سعادته قرار لشیدیریلان موادی حاوی بر خط هایونک بلا تأخر تسطیر و اعلان ایدلسی باب عالی یه توصیه اولندی .

ایشته ، نه صورتله تنظیم ایدلدیکی عمومیتله مجهول قالان وهمان کاملاً دول اجنبیه نك مداخله ومعاونت لریله میدانہ چیقان اصلاحات خط هایون مشهورینک منشأی بودر .





بشنجی باب

۱۸ شباط ۱۸۵۶ تاریخ فی خط هایونک نثری. — اصطلاح اسمیه سی. — رعایا و بالخاصه روم هیئت رهبانی آرمهنده خط هایونده اصطلاحه مقارنت .

۳ تشرین ثانی ۱۸۳۹ تاریخی کلاخانه خط هایونی کجی ۱۸ شباط ۱۸۵۶ تاریخی خط هایون دخی باب عالیده بالجمله وکلا، اکابر مأمورین، شیخ الاسلام، بطریقار، خاخم باشی قائممقامی، جماعات مختلفه ارکان و معتبرانی حاضر بولندقری حالده مکتوبی صدر عالی طرفندن قرائت ایدلدی .

صورتی ۲ نومرو ایله نهایت کتابه درج ایدیلن بو مشهور خط هایون باشلیجه یکریمی فقره دن مرکب اولوب مندرجاتی شوصورتله خلاصه ایدیله بیلیر:

« عمومک محفوظیت جان و مال و عرض و ناموسی ؛ — عمومک قانون حضورنده مساواتی ؛ — حقوق تصرفیه شخصیه و مشترکیه رعایت ؛ — خدمات عمومی و خدمت عسکریه یه کافه تبعه نك قبولی ؛ — بعض تحدیدات اداره یه تابع اولمق شرطیله حریت مذاهب و معارف ؛ — ویرکو خصوصنده مساوات ؛ — التزام اصولنک الغاسی و ویرکونک طوغریدن طوغریه تحصیل . — محاکمه مساوات شهادات ؛ — تبعه نك محاکم حضورنده محکومیتندن صکره اعدام ویا عفو ی خصوصنک صرف حقوق پادشاهی جمله سندن بولمنسی ؛ — علنیت محاکم ونشر اعلامات ؛ — اصحاب جرائم املاکنک ضبط و مصادره سی اصولنک الغاسی ؛ — اشکنجه نك و مجازات جسمانیه حقه ده کی نظامات شدیدنه نك الغاسی ؛ — حبس خانه اصول و نظاماتنک قواعد انسانیته ده موافق صورته تنظیمی ؛ — مختلط دعاوی تجاریه ، جزائی و جنائی نك کافه سی ایچون محاکم مختلفه تأسیسی ؛ — بو محاکمه تطبیق اولنه حق قوانین حقوقیه و جزائی ايله اصول

محاکماتک تنظيمی؛ - جماعات غير مسلمہ نك يالکيز معافيات و امتيازات مذهبيه لری محافظه ايديلهرك امتيازات و معافيات سائر لرينك تدقيق و تعديل؛ - بطريقخانه ويا جماعات غير مسلمہ مجالسك بعض احوالده دعاوی حقوقيه ده حائز اولدقلری صلاحيتك تأيیدی؛ - جماعات مذکورہ طرفسندن مجالس اداره و لايات و نواحی ايله مجلس احكام عدليه ده اعضا بولنديرلسی؛ - كافة اوراق رسميه ده خريستانلر ايچون حقارت آمیز تعبيرات و الفاظك عدم استعمالی؛ - رشوتك الغاسی و رشوت، ارتكاب و اختلاسك منعی ايچون احكام قوانينك شدتله تطبیق .»

بويکي برات مشروطيت، هنوز حال ابتدائیده اولمقله برابر، باشليجه احكامنی تأيید و تکرار ايلديکي کلخانه خط هايوننه نسبة غایت واسع ایدی . اهمیت اجتماعيه و سياسيه سی صورت مختلفه ده تقدير و تفسير ايدلدي، درسعادته و مراکز ولاياته بيوك بر تأثیر حصوله کتيردی . دولت عثمانیه نك مهم بر اصلاحاته تشبث ايتديکي عموميتله تصديق اولنيوردي . دوائر رسميه منسوب مسلمانلر ترقیات زمان و ايجابات احوال ايله اجراسی ضروری اولان بوتجدداته تأسف ايتيورلر، دول اجنيه نك محبت و توجهلری قرانيله جغنی امید ايدیورلردی؛ بونلرک نظرندہ ۱۸ شباط خط هايونی دولت عثمانیه نك دول غريبه ايله اتفاقيه دليل ایدی .

معافيه مسلمانلرک اک عاقل و دور اندیش قسمنی تشکیل ایدن بو محیط داخلنده بعض اعتراضات دخی ايشيدلدي . سنين و فیرہ دن بری فکر اصلاحاتک تمثال مشخصی عد ايدیلن، خط هايونك تنظيم و تسطیری مذاکراتنه اصلا اشتراك ايتمين رشید پاشا - شهبه سزکه انفصالندن طولايی متأثر و مجروح القواد اولديغی ايچون - خط هايونی تنقيددن کرى طورمادی؛ بونک «خائنلر طرفندن اوروپايه و يريلن برواسطه تخريب مملکت» اولديغنی سويلدی . بو «خائنلر» کندی شاگردلری اولان عالی و فؤاد پاشالر ایدی؛ کلخانه خط هايوننک مؤلفی شمدي شاگردلرینی طانيماق ايتيور، سبب شهرتی اصلاحاته خدمت ايکن شمدي اصلاحات طرفدارلرینی بکنميور، و قتيله افکار محافظه کارانه يه قارشى بوقدر اوغراشمش ايکن شمدي مغلوب احتراض اوله رق تجدداتی خوش کورميوردي .

علما میاننده دخی، شبهه سز که، بعض اعتراضات در میان ایدلدی؛ فقط قوانین و موضوعات ملیه ایراث خلل ایدلمسنه اصلاً راضی اوله میه جقلری شبهه سز بولان بوصف ذی نفوذ آره سنده جدی بر مقاومت اثری کورلمدی. مرکز سلطنتدن اوزاق، اهالیسی جاهل اولان ولایات، سائقه تعصب ایله وقوعه کتیر یله جک احوال مؤسسه فیه دهها زیاده معروض اولدیغندن طشره نك افکار عمومیه سندن تماماً امین اولمق ممکن دکلدی.

مع مافیه الك زیاده اعتراض ایدن عنصر، حکومت خرسیتانیه نك طوغریدن طوغری به امور داخلیه عثمانیه به مداخله ایتك صورتیله حمایه ایتك ایستدکری آشاغی صنف خلق آره سندن ظهور ایتدی. کرک رعایا، کرک مسلمانلر ایچنده برفرقه محافظه کار وار ایدی، که تمللری تخریب ایدیلن طرز قدیم اداره بی دهها خوش کوریوردی. روم هیئت رهبانی، رؤسای روحانیسی، ارمنی صرافلری احوال اجتماعیه لرینک تبدیلنه هیچ بر صورتله احتیاج حس ایتیورلردی. بونلر، ملت غالبه ایله برلکده، عوام ناسی کندی حسابلرینه ایشلیورلر، عادتاً صویورلردی؛ آره صره سوء معاملات هذف اولان، فقط نتیجه دهه پک خفیف ویرکو ویرن، خدمت عسکریه دن معفو اولان عوام ناس ایسه کندیلری ایچون یاپیلمق ایسته نیلن ایلیکی همان آکلایه جق درجه ده صاحب ذکا و درایت دکلدی.

بونکله برابر، هیئت رهبانه ویریلن جواؤز وعائداتک کلیاً الغاسی - فنار بطریقخانه سنجه فنا کورلمکله برابر - کویلرده خلقک موجب ممنونیتی اولمسی لازم کلیردی. بطریقخانه نك (سینود) مجلسی تشکیل ایدن بطریق ایله متروپولیدلر یأس وفتورلرینی عادتاً صاقلایه میورلردی. هیئت رهبانه مخصوص عائدات ووارداتک الغاسی حقیقه کی فقره دن اوقدر تلاشه دوشمشلر ایدی، که خط هایونک مواد سائرهنک قیمت واهمیتی آکلایه مامشیلردی. حتی - خط هایونک قرائتی مراسمنده حاضر بولنش اولان (نیقومدی) متره پولیدینک ختام قرائتی متعاقب خط هایونک اطلس کیسه دروننه وضع ایدلدیکنی کورنجه: «بردها بوکیسه دن چیقمامسنی جناب حقندن تمنی ایده لم.» دیدیکی روایت اولنور. متروپولیدک بوتمنیسی بر چوق نقطه لرده طوغری چیقدی وخط هایون احکامی تماماً موقع اجرایه وضع اولنه مدی.



آلتنجی باب

خط هایونک یارس معاہدہ نامہ سندہ ذکر ابرلسی مسدسک باعث اولدیفی مشکرت . — رعایانک عسکرہ آلتنسی مسدسی .

سلطان عبدالمجیدک ، متفقرینک آرزوسنہ تبعاً ، خط هایونی نشرایلسندن یدی کون صکرہ (پارس) ده بولان دول معظمہ مرخصلری قونغرہ حالندہ عقد اجتماع ایتدیلر . مقدمات صلحیہ نک دردنجی مادہسی قونغرہ نک ایکنجی جلسہ سندن اعتباراً موقع مذاکرہ وضع ایدلدی و معاہدہ صلحیہ ده دولتلرک آمالی نظر دقتہ آلتہرق تسطیر ایدیلن خط هایوندن ایما طریقہ بحث ایدلسی فکری غلبہ ایتدی [۱] .

خط هایونک ، ہر نہ صورتلہ اولورسہ اولسون ، معاہدہ صلحیہ ده ذکر ایدلسنہ اساساً مخالف اولان عالی پاشا ، دول معاہدہ نک حظ هایون مندرجاتی صورت رسمیدہ « سند اتخاذ ایتلری » تعبییرنہ شدتلہ اعتراض ایتدی . درسعادتہ لغت کتابنہ مراجعت ایدیلہرک « سند اتخاذ ایتک » معاسنہ اولان « Prendre acte » کلمہ لرینک « سند آلمق » صورتندہ ترجمہ اولندیغی کورلمش ، یعنی بوتعبیر معاہدہ صلحیہ ادخال اولورسہ باب عالدن ، ۱۸۵۳ سنہ سندہ پرنس (منچاقوف) ک طلب ایتدیکی ورد اولنسندن طولانی محاربہ نک ظہور ایلدیکی تعہد رسمی حکم وقوتندہ اولمق اوزرہ برسند ویا بر بیاننامہ آلتہجی فکری حاصل اولمشدی .

وکلائی عثمانیہ ، ترکیاہ « یکی بر یدنجی مادہ » تحمیل ایتمکدن ایسہ [۲]

[۱] ۲۸ شباط ۱۸۵۶ تاریخی مذاکرات ضبطنامہ سی .

[۲] روسیہ حکومتی ۱۷۷۴ تاریخی کوچک قاینارجه معاہدہ سنک یدنجی مادہ سینی تفسیر صورتیلہ شرق روم کلیسائی اوزرندہ بر حق حمایہ ادعاسنہ قیام ایتشدی .

استغفای ترجیح ایدیورلر ونهایت شو مآلده بر فقره قبول ایده بیلورلردی :
« دولتر قدیحه پادشاهیدن صادر اولان فرمان هایونک نشرینی نظر ممنونیتله
کوریرلر ، یاخود ... فرمان هایونک تسطیرینی انتاج ایدن آمال ترقیپورانه بی
تقدیر ایدرلر . »

بو مسئله قونفرانس لر خارچنده دخی اوزون اوزادییه مذاکره ایدلدی .
و آنجق قونفره نك اون اوچنجی واون دردنجی جلسه لرنده شو ایکی فقره
حقنده ائتلاف حاصل اولدی .

«.... دول معاهده تبلیغات واقعه نك قیمت عظیمه سنی قبول وتصدیق

ایدرلر .

« شوزاسی محققدرکه بوتلیغات دول مذکوریه ، نه ذات شوکتسمات
حضرت پادشاهینک تبعه سی ایله اولان مناسباتنه ، نه ده سلطنت سینه نك اداره
داخلیه سنه مشترکاً ویا آری آری مداخله ایتمک حقنی هیچ بر صورته
ویره مز . » [۱] .

ظاهراً قابل تألیف کبی کورینن بو ایکی فقره آره سنده تناقضنی ایضاحه
حاجت کورمیورم ؛ بو خصوصده کی اهتمامات وتقییداتی یک طبعی اولان دولت
عثمانیه ایچون ، فقره اخیره نك معنای حقیقیسی برمدت صکره کمال وضوح ایله
ظاهره چیه جقدر [۲] .

معاهده نامه نك امضا ایدلمسی خبری درسعادته ممنونیت عظیمه ایله تلقی
ایدلدی . دول معظمه دیپلوماتلریله اردولرینک دولت عثمانیه بی قورتاردقلری
تهلکه لری لایقیله تقدیر ایده مین ولایاتده افکار خلقی (پارس) معاهده نامه سندن
زیاده خط هایون اشغال ایتمکده ایدی . تعبیرات رسمیه صره سنه کچن «اتحاد»
و «مساوات» کلملری مسلمانلرک خوشنه کیتمدیکی کبی ملت غالبیه قارشى دائماً
عدم امنیت وخصومت کوسترن رعایا طرفندن حسن تلقی ایدلیوردی ؛ باب
عالینک ، (اوروپا) طرفندن ایلک دفعه اوله رق قبول ایدلدیکی موقعه کسب

[۱] ۳۰ مارت ۱۸۵۶ تاریخلی پارس معاهده نامه سنک طقوزنجی ماده سی .

[۲] حق مداخله وترکیا [حقیقه ۳۴ الی ۴۰] ، مؤلفی : انکه لهارد ؛ تاریخ

لیاقت ایتمک چالشیرکن افکار عمومیده بر نقطه استناد بولق شویله طورسون، بالعکس بوکا قارشی اوغراشمغه مجبور اولهجنی آشکار ایدی .

صدراعظم عالی پاشا ایله رفیق مقتدری فؤاد پاشا بوبابده خیالاته قایلیمورلر؛ فقط ، رشید پاشانک وقتیه کندیلرینه نمونه کوستردیکی ، فرط وغیرت ایله چالیشمورلردی ؛ هر ایکسیسی وبالخاصه برنجیسی حس منفعتدن دها زیادهکاری بر وطنپرورلک ایله اصلاح مملکته صرف مساعی ایدیوردی .

تنظیماتدن اولکی دورهده اولدینی کبی بو دفعهده عثمانلی واضح قانونلری اصلاح مملکت ایچون لازم کلن قواعدوعناصر اساسیهیی (فرانسه) دن اخذ واقباس ایتدیلر ؛ باب عالی خزینة اوراقی ، بک آز زمان صکره ، ممالک اجنبیه قوانین ونظاماتندن آلتش بر چوق قولکسیونلرله تولدی .

مجلس احکام عدلیه ، خط هایون موجبحه جماعات غیر مسلمه ارکانندن انتخاب ایدیلن اعضایله توسیع ایدلکدن صکره ، تکرار مذاکراته باشلادی . اول امرده رعایانک خدمت عسکریهیه قبوللری حقتده کی قانون بو مجلسه تودیع ایدلدی .

بو مهم اصلاحاتک صورت تطبیق واجراسی خصوصنده افکار وآرا بک متشت ایدی . تبعه غیر مسلمه دن آلهحق افراد عسکریه نک مقداری تدریجاً تزید ایچون بر اصول قبول ایدلش ایدی ، که بوکا نظراً خرستیانلر ۱۸۵۷ سنه سنده اوچ بیک بش یوز عسکر ویردکاری حالده مقدار مذکور علی التدریج تزید اوله رق ۲۵۰۰۰ کشی یه ابلاغ اولنه جقدی . افراد غیر مسلمه بو مقداره بالغ اولنجه مسلمانلر خدمت عسکریه یه ۳۵۰۰۰ نفر نسبتنده اشتراک ایده جکلردی .

بو بابده کی لایحه معقول بر صورتده تنظیم ایدلشد . فقط مسلمان وخرستیانلری قاریشدرمقی ، یوقسه آیری آیری طابورلر تشکیل ایتمکی دها مناسب ایدی ؟ نفرات مسلمه وغیرمسلمه یی قاریشدرمق طرفدارای اولانلر (اوروپا) نک ، بالخاصه ، ترکیاده اتحاد عناصری آرزو ایتدیکنی واردونک ایسه - ممالک سائرده اولدینی کبی - اتحاد ایچونک مؤثر بر واسطه اولدیتی بیان ایدیوردی . بونلرک بحق ادعا ایتدکاری وجهله مذاهب مختلفه یه منسوب خرستیانلر آره سنده کی میل وعلاقه ، خرستیانلرله مسلمانلر بیننده کی مناسبت

درجه‌سندہ قوتلی دکدی . عسکرلک ماده‌سندہ مذهب فرق نظر دقتہ آلتہ‌جق . اولورسہ روم اورتودوقسلر ، قتولیک ارمنیلر ، ارمنیلر حتی موسویلر ایچون آیری آیری طابورلر تشکیلی لازم کلیوردی . بو صورتله تشکیل ایدیلن بر اردونک متانت واتحاددن محروم بر غلبه‌لک ، بر برینه دشمن عناصردن مرکب تہلکہ‌لی بر عسکر اولہ‌جنی شہہ‌سزدی .

داخلی ویا خارجی بر محاربه‌ده خرسیتیانلر مسلمانلر علیہنه قیام ایدہ‌بیلیرلر . وحقیقت حالده یکدیگرینه دشمن ایکی اردو بولنوردی .

آیری آیری طابورلر تشکیلی طرفدارلری حقیقی بر مسلمانک بر خرسیتیان . غایطہ اطاعت ایتسی فکرینی بر درلو قبول ایدہ‌میورلر وترکلردن مرکب قطعات عسکریہ‌نک عصیان ایدہ‌جک خرسیتیانلرک حقندن قولایجه کله‌جکلرینی ادعا ایلورلردی .

بونلره ، سلسلهٔ مراتب عسکریہ‌نک هیچ بر زمان بر مذہبک دیکرلرینه تفوقی معناسنی افادہ ایدہ‌میہ‌جکی و خرسیتیان افراد عسکریہ‌نک عصیانی حالندہ بونلرک سلاحله تأدیبلرینه ، قان دوکولمسنہ (اوروپا) نک اصلا مساعده ایلمہ‌جکی جواب ویرینوردی .

بونازک ماده‌نک حین تطبیقندہ میدانہ چیقہ‌جق ، سائل ایلریدہ حل‌ایدلمک اوزره شمیدیلک مسلمان و خرسیتیانلرک قاریشدیرلمسی قاعدہ‌سی قبول ایدلدی .





يدنجى باب

جماعات غير مسلمہ امتيازاتك تعديلى اسبابى تزيه ايمده جك تدابير . —
اور نورقس هبئت ره بانك مفارمت شريده سى . — روم ، ارضى و موسوى
جماعتدريك نظامات اساسى .

۱۸ شباط ۱۸۵۶ تاريخنده اصلاحات خط هايونيك رسم قرائتسده
(نيقومه دى) متروبوليدنيك آغزندن قاجان سوز ، خريستانلرك تشكيلات
مذهبيه سى مسئله سنكده غير مسلملرك عسكره آلمسى ماده سى قدر باب عاليى
مشغول ايمده جكنى ايا ايدىوردى . مع مافيه ، روم بطريقى ، بر مدت تردد
صوكره ، آلدني امر قطعى اوزرينه ، خط هايونى كليسالرده نشر ايمش و حتى
پادشاه ايچون آزچوق صمىي تمينايمده دخى بولنمشدى . فقط (سينود) مجلسى
مخالفتده دوام ايدىيور و بر فكر انقلاب ايله تنظيم ايدليكنه ذاهب اولدينى
قانون جديد احكامنه تابع اولماق ايچون عطالت تامه ايله وقت كچيريور ،
هيچ برشى ياپموردى . مجلس احكام عدليه طرفدن تنظيم اولنان بر نظامنامه
ايله ارتق افكار جديده ايله قابل تاليف اولميان امتيازاتك تعديلى اسبابى
تهيه ايمده جك تدابيرك موقع اجرايه وضعى امر ايدلى [*] .

حكومتك بطريقخانه امورينه طوغريدن طوغرىيه مداخله سى روم
جماعتك اعتراضات شديدسهنه هدف اولدى ؛ روملر (اوروپا) مداخله سنى
دعوت ايچون واسطه مطبوعات ايله . نشر ياته باشلاديلر . باب عالينك آمانى
صدق و خلوصدن عارى ، خائنه عد ايدىيورلر ؛ حكومت عثمانيه يي يالكز
خريستانلرك امتيازات و معافياتى قالديرمق ايله اوغراشوب مسلمنانلرك عصرلرجه

[*] پرده دوربان غزته سنك ۳۰ تشرين ثانى ۱۸۵۷ تاريخلى نسخه سنه مراجعت .

زماندن بری مستفید اولدقلری سوء استعمالاتی اصلاح ایتک جهتی اھمال ایتمکه اھام ایلورلردی .

روم هیئت رھبانک مسلکی قریم محاربه سندن صکره بر صورت غریبه ده دکیشمشدی ؛ (چار) ک قدیم محیلری (روسیه) نک مغلوبیتی کونندن اعتباراً بو حکومت قارشى خصوصته یاقین بر فکر استقلال ایلہ حرکت ایدیورلردی ؛ بوتبدل ایسه کندیلرینک خلوص نیت و حیثیتلرندن زیاده حسابات سیاسیه ده کی دقت و بصیرتلی ایچون باعث شرف ایدی . روملرک واسطه نشر افکاری اولان مطبوعانده دنیلوردی که : « حکومت عثمانیه ، حمایت و صیانت ایتدیکی تقدیرده ، (اسلاو) اتحادی فکرینک استیلاسنه قارشى الکتین برسد خدمتی کوره جکی شبه سز اولان روم بطریقخانه سنی محو ایتمکه چالیشور . شرق اورتودوقس کلیسانک عموماً تصدیق ایدلمش برملتی واردر ، که اوده روملقدرد . بو کلیسانک منشأی ، لسانی ، عنعنات تاریخیه سی ، باعث شرف و شانی اولان بیوک آدملری ، ۱۴۵۳ سنه سنده و بو تاریخدن صکره کی موفقیاتى ، ملل مغلوبه آرہ سنده ایفا ایلدیکی خدمات مهمه ، الحاصل بتون بو احوال و وقایع ، اورتودوقس کلیسانک اوتہ دنبری روم اولدیغنی ، روم اولسی لازم کلدیکنی و فی الحقیقه تمامیه روم بولندیغنی اثبات ایدر . آنجق شوصوک زمانلرده (اسلاو) اتحادی طرفدارلری : (بز اسلاو لساننک شرق کلیساننک و بالقانلرک اوتہ ویا بری طرفنده مقیم بالجله عناصر خرستیانیه نک لسان مشترکی اولسنی ایسترز . متروبولیدلرک روم حیساتیلہ دکل ، اسلاو حیساتیلہ متحسس اولملرینی آرزو ایدرز . بر کون کلوب پترسبورغ ، شرق کلیساننک مرکز اداره سی اولمیدر) دیهرک بوتفوق ملی بی رخنه دار ایتدیلر . »

شوراسی شایان قید و تذکاردرکه بو شکایات و اعتراضاتی درمیان ایدنلر ، خرستیان محیطنده بوقدر مهم بررول اوینامق ایستینلر ممالک عثمانیه ده مقیم رعایانک اک غلبه لک صنفی تشکیل ایلکدن پک اوزاق بولنیورلردی . اوروپای عثمانیه عن اصل روم جماعتی بر ملیون نفوسی کچمیور ، یعنی اھالینک تقریباً اون ایکیده بری رادہ سنده بولنیور ، آسیای عثمانیه ایسه نفوس عمومیه نک آنجق یکر می بشده برنی تشکیل ایدیورلردی . بنابرین ، روملرک آمال و نیاتی ایلہ قوت حقیقیه سی آرہ سنده پک آشکار بر نسبتلرک واردی . واقعا بو

نسبتنزلک روم هیئت رهبانک (اسلاو) عرقندن اورتودوقسلر اوزرنده کی تفوق و نفوذ فعلیسی ایله بر درجه یه قدر زائل اولیوردی ؛ لکن بو توفیق عموماً قبول و ادعا اولدیغی قدر قدیم دکلدی ، بالفرض بلغارلرک پک چوق زمان کندیلرینه مخصوص بر سلسله مراتب روحانیه ملییه مالک اولدقلرخی . کشف ایچون کچن عصر دن کرییه طوغری مد نظر کافی ایدی . فی الحقیقه جماعات سائرهنک کافه سندن غلبه ک اولان بلغارلرک اون سکیزنجی عصر واسطنه طوغری بری (اوخری) ده ، دیکری (پرزرین) ده بولنق اوزره ایکی آیری بطریقلری واردی ؛ اوزمان (فنا) ک حائر اولدیغی نفوذ سایه سنده درکه . روم هیئت رهبانی یواش یواش ، عادتاً حس اولنیه جق درجه ده بطائت ایله ملی هیئت رهبان یرینه قائم اولمش و عنعنات تاریخیه سنی ، لسان عبادتی . بلغارلره قبول ایتدیرمشدی . بو تاریخدن اعتباراً درساعات بطریقخانه سنه ربط ایدیلن ولایتلر رؤسای روحانیه دن پاشالر ، والیلر قدر ظلم و تضییق کورمکه باشلادیلر ، اهالی رؤسای روحانیه ایله طوغریدن طوغرییه مناسبامه بولندقلری جهتله بونلرک بیوندروغی ده آغیر کیلوردی . شو سوبلدکلرمن غایت آشکار ، مستغنی اثباتدر .

اصلاحات علیهدارلرینک درمیان ایتدکلری مطالعات سیاسییه کئنجه ؛ بیلیم که سولیکه حاجت وارمیدر ، تاریخ بو مطالعاتی تماماً رد ایتدکن ماعدا روملرک درمیان ایتدکلری دلائلی کندی علیهلرینه چویریور . فی الحقیقه تاریخ بزه اوکره تیور ، که برنجی (پترو) نک زماننده بیله روم راهبلی دعا انناسنده اعزّه ملیه ایله برلکده (موسقووه) غراندوقه سنک نامنی ذکر ایدرلر و روسلری قرداش عد ایله رک خلقه اورتودوقس کلیساسنک رئیس تاجدارینه اطاعتی توصیه ایلرلر ایدی .

(روسیه) نک بو اطاعت و پرستشی نصل براعتی ثباتکارانه ایله محافظه یه غیرت ایلدیکی و دیپلوماتلرینک پادشاهان آل عثمانه قارشو بوندن نه قدر مستفید اولدقلری معلومدر .

مع مافیّه ، روم جماعتی خط هایون احکامنه موافق بر نظامننامه جدیده تابع اولمقدن قورتارمق مقصدیله اجرا ایدیلن تحریکاته رغماً ، ۱۸۶۳ سنه سنده

بر نظامنامهٔ اساسی تنظیم ایدلدی. ینہ او زمانلرده ارمنی و موسوی جماعتلری ده ۱۸۵۶ خط هایونی احکامنه توفیقاً تشکیل ایدلایلر .

بو اوچ جماعت غیر مسلمہ طرفدن قبول و حکومت عثمانیہ جه تصدیق ایدیلن نظامنامه دایما عینی فکرک ، او زمانہ قدر بطریقار ایله خاخم باشی قائم مقاملرینک اندہ بولنان حکومتک قسماً نفوذ رهباندن قورنارلمی فکرینک درجات مختلفهده غلبہ ایتدیکی کوریلور؛ هر بر ملت غیر مسلمہده مجالس جسمانیہ تشکیل ایدلمش و بوجلسلرک ، آز چوق واسع درجہ صلاحیتلریله ، کرک اصل ادارهیه ، کرک عدلیہیه متعلق امور جسمانیہنک ادارهسیله مکلف اولملری اساسی قبول اولنمشدی .

عدم مرکزیتہ طوغری مشاهده ایدیلن بوتایل - که برچوق احوالده هیئت رهبان ایله عنصر جسمانی آره سنده شایان تأسف اختلافاته سبب اولیوردی - اساساً ، هیئت علمانک مداخله سیله امر اصلاحاتده دایماً سربستی حرکتی غائب ایدن حکومت عثمانیہ ایچون کوزل بر مثال اوله بیلیردی [*] .

[*] روم جماعتی نظامنامهٔ اساسی بطریقک صلاحیت و صورت انتخابنه ، مجلس روحانی ایله بوکا مربوط مجالس مختلفهیه ، متروپولیدله ، محاکمه ، مکتبلره ، ادارهٔ مالیه و سائرہیه متعلق احکام خصوصیدن مرکبدر : قید حیات شرطله انتخاب ایدیلن بطریقک مأموریتی باب عالیجه تصدیق اولنور . بطریق ، ملته عائد اموری طوغریدن طوغرییه باب عالی ایله رؤیت ایدر . نصق هرسته تجدید ایدلک اوزره اون ایکی متروپولیدن مرکب اولان (سن سینود)، یعنی مجلس روحانی احکام مذهبیهنک محافظه سته و انضباط روحانییه نظارت ایدر . امور مذهبیهده مجلس روحانییه مقابل اولق اوزره اون ایکی اعضای جسمانیه دن مرکب بر مجلس ملی موجوددر، که هم بر هیئت عدلیه ، همده بر مجلس استشاری خدمتی کوریر . بوجلس مکتبلره ، کتبخانه لره ، خسته خانه لره و سائرہیه مأموز اولوب متروپولیدخانه محاکم حقوقیه سی ایله اختیار مجلسلری طرفندن اعطا ایدیلن حکملری استیفافاً تدقیق ایدر .

مجلس روحانی و مجلس ملی طرفندن منتخب اعضا ایله مسالک حره ، تجارت، صنایع و سائرہ منسوبینی آره سندن تقریق ایدیلن ذواتدن مرکب اولان مجلس عمومی دخی جماعته عائد اهمیتلی مسائلک جله سنی تدقیق و مذاکره ایلر .

ارمنی جماعته عائد نظامنامه ، بطریقک رئیس روحانی صفیله حائز اولدینی امتیازاته خلل و برمه مکله برابر ، صلاحیتی درت یوز اعضاادن مرکب بر مجلس عمومی ایله تحدید و تقید ایشدر . صورت تشکیل و اعضاسنک طرز انتخابی جهتیله حقیقی بر هیئت مبعوثانی

ارمنی جماعتندن و بوجاعت آره‌سنده ۱۸۶۷ سنه‌سنده ظهور ایدن اختلاف مذهبی، قوه جسمانیه و روحانیه‌ک راهب (حاصون) ک شخصده جمع ایدلسندن بالآخره بحث ایده‌جکم .



آندیران بوجلس عمومی مصالح عادیه‌ک رؤیتی اون درت اعضادن مرکب بر مجلس روحانی ایله یکریمی اعضادن مرکب بر مجلس جسمانی‌یه تودیع و اداره ، مالیه ، معارف ، عدلیه ایشلر ایله مشغول اولمق اوزره مختلف قومیسونلر تعیین ایدر . امور مختلفه‌ک اداره‌سی سالف‌الذکر ایکی مجلس اعصاسندن مرکب بر مجلسه عائددر . بوجلس موقتاً اجتماع ایلر .

موسوی جماعتک نظامنامه اساسیسنه نظر آملت رئیسنه معاونت ایتک اوزره بری احکام مذهبییه بی تطبیقه مأمور بر نوع محکمه روحانیه اولان، دیگری بر مجلس اداره و صلح محکمه‌سی وظیفه‌سنی ایشا ایدن ایکی مجلس موجوددر . [بونظامات مختلفه ایچون « اویبچینی » ک « دولت عثمانیه ک حال حاضری » نامنده کی اثرینک ۱۹۱۱ الی ۲۱۲ نجی حقیقه‌لرینه مراجعت اولملیدر] .



سكزنجى باب

اغتشاشات داخليه . — بغداده ، قره طاغ ، هررك ، سوربه اموريه
اوروزيانك مراضرسى . — اهابلك صرئى . — انقروپ نهبئانى .

باب عالينك دوچار اولديغى مشكلات و غوائللك اسبابى يالكز خط همايونك
۱۸۵۵ مقدمات صلحيه سنك دردنچى ماده سنه صورت مخصوصه ده تعلقى اولان
موادينك موقع اجرايه وضعدن عبارت دكلدى .

پارس معاهده نامه سنك ۲۴ نجى ماده سى موجبجه افلاق و بغداده مملكتك
تشكيلات قطعيه سى حقنده كى آمال و تمناى اظهار ايچون خصوصى ديوانلر ،
مجالس عموميه اجتماع ايده جكدى ؛ آراى عموميه ملتة مراجعتدن عبارت اولان
بو تدبيرك لك مهم نقطه سى بلكلكرك اتحادى مسئله سى ايدى . بغداده ، اتحاد
مخالف اولان قابينه لرك تاثيرى آلتنده اجرا ايديلن انتخاب اتحاد طرفدارى
دولتلى طرفندن هدف اعتراض اولدى ؛ حكومت عثمانيه (ياش) ده اجرا
ايديلن انتخاباتك موافق نظام اولديغى ادعاده اصرار ايدليكى ايچون (فرانسه) ،
(پروسيه) ، (روسيه) و (ساردنيا) حكومتلى درسعادته كى سفيرلرينه
بايراقلىرى اينديرمليرنى [باب عالى ايله قطع مناسبى] امر ايتديلر .

اوچنجى (ناپولئون) ك (اوسبورن) سراينده (انكلتره) قراليچه سى
(ويكتوريا) ايله ملاقاتى نتيجه سننده (بغداد) انتخاباتى فسخ ايدلدى و ۱۸۵۶
معاهده نامه سنه واضع الامضا دولتلى آره سننده مختل اولمغه باشلايان آهنگ وفاق
بوصورتله تأمين وادامه اولندى .

دولت عثمانيه يه وركو ورن ايكي ولايتده ظهور ايدرك آره صره تهديد
آمىز برشكل آلان بو مشكلاتى ، اغتشاشات داخليه تعقيب ايتدى . داخلى
قارشىقلقلر ، برمدت ، حكومت مركزيه نك بتون انظار دقتى جلب ايلدى .

عمومیتله ، اهالی اندیشناک ، مہیج ایدی . کرک اوروپا ، کرک آسیا ولایات عثمانیہ سندنہ بین الاہالی بعض نمایاںلر اجرا ایدیلور ، کیتدجکے دھا زیادہ صبرسزلق ، دھا زیادہ جرأت کوستریلیوردی . ۱۸۵۸ سنہ سی ایلک بہارندہ قرہ طاغ ، ہر سٹ قطعہ سنک کنڈیسنہ عائدیتی ادعا ایلدیکی طرفلرینہ ہجومہ حاضراندی . بر چوق نقطہ لردہ ظہور ایدن عصیان (بوسنہ) یدہ سرایت ایتدی . حکومت عاصیلری تأدیب وتنکیل ایچون تدابیر شدیدہ اتحادینہ مجبور اولدی ؛ فقط عینی زماندہ ، ادارہ ولایاتدہ کی نواقصک سبب اولدینی حقسزلقلری تصدیق واعتراف ایلدیکی ایچون ، عصانک شکایاتی استماع وتدقیق ایلہ مناسبلرینی قبول ایلک وظیفہ سیلہ مکلف ایکی بیوک مأمور کوندردی .

بو حادثات دول معاہدہ نک نظر دقتی جلب ایلدی ؛ دولتر مداخلہ نیتندہ اولدقلرینی بیلدیردیلر . وکلای عثمانیہ دیدیلرکے :

« اجانب ، امور داخلہ مزہ مداخلہ ایدرلرسہ اعادہ آسایش خصوصندہ کی تشبہ آمزدہ شبہ سزکے موفق اولہ میز . عصیان ایدن اہالی ، بزم عادتاً مجرملر کبی (اوروپا) محکمہ سی حضورینہ جلب ایلدیکمزی کورنجہ ، ہر زمانکندن زیادہ سوز آکلماز اولہ جقلردر . ذاتاً (پارس) معاہدہ نامہ سنک ۹ نجی مادہ سی بزی ، دولترک مداخلات ذاتیہ ویا مشترکہ سندن مصون بولندیر میورمی ؟ »

۱۸۵۶ قونغرہ سندن بری ایلک دفعہ اولہ رق باب عالی طقوزنجی مادہ دن بحث ایدیوردی . (اوروپا) دولترلی حکومت عثمانیہ نک عزت نفسی اوقشامق ایچون بومادہ بی ، تناقضی حاوی اولدیغی یوقاریدہ سویلدیکم ۹ نجی مادہ بی معاہدہ نامہ یدہ ادخال ایتشلردی . اغتشاشات داخلہ ظہور ایدنجہ ، (اوروپا) قابینہ لرینک اکثری مادہ مذکورہ نک دول معظمہ یدہ دولت عثمانیہ نک محافظہ سی ، ترقی وانسانیت مقصدیلہ ۔ خط ہایونک موقع اجرا یہ وضعنہ نظارت ایتک حقنی بخش ایلکدہ اولدیغی بیان ایلدیلر .

فی الحقیقہ (فرانسیہ) ، (انکلارہ) و (روسیہ) حکومتلری قرہ طاغک کنڈیسنہ عائدیتی ادعا ایلدیکی (غراحووو) قضا سنک عسا کر عثمانیہ طرفندن اشغالنہ متفقاً مانع اولدیلر . بو اوچ دولتک حمایتہ سیلہ ۱۸۵۸ سنہ سی واکھرنده

بر نوع متارکه عقد ایدیلہ رک ۱۸۵۶ دە کی اراضی « استاتوقو » سنک محافظہ سی قرار کیر اولدی [*].

دیگر طرفدن، یونان مأمورلری طرفدن خفیاً تحریک ایدیلن کریداھالیسی آره سنده شدتلی برغلیان حصوله کلدی . یونانیلرک « بیوک فکر » ی طرفدارلری ، « ییزانس) ایمپراطورلغک یکیدن تأسسنی تخیل ایدنلر غایت واسع مقیاسده ترتیباتده بولنیورلر ، ممالک عثمانیہنک روم عنصری غالب اولان محللرندن ایشہ باشلاہرق اھالی یی تحریک وتشویقندن کری طورمیورلردی . نہایت ، (جدہ) قتالی وقوعه کلدی . بوقتال (اوروپا) یی پک زیاده متأثر ایتدیکی کی مجالس عالیہ حکومتی ده شایرتدی .

ایشته بو غائلہلر ایله اوغراشیلدینی صرہده خط ہایون اھال ایدلمشدی . اھالی ، دھا ای ، برحالدہ یشامغہ حقلری اولدیغی حس ایدیورلر اصول ادارهنک تبدل ایتدیکی ، برطرز ادارهدن دیگر طرزاداریہ کچیلدیکی زمانلرده ظھوری طبیعی اولان مشکلات وغوائل اصلاً نظر اعتبارہ آلمیورلردی . ہر نوع تبدلات اجتماعیہده شایان دقت برنقطہ کوریلیر ، کہ اودہ اھالینک اسکی فالحلردن قورتولدیغی نسبتده یکی ایلیلکراچون صبرسزلق کوسترمیسیدر . مملکتک اداره عمومیہ سنده حس اولنہ حق درجہده بر اثر ترقی کورلیور ایسہ ، بوحال برچوق شرائطک مفقودی ایله برابر مأمورین حکومتک کفایتسزلکسندن ایلری کلیوردی . باب عالی یی اداره ایدن ایکی ناظرک اقتدار ودرایتی ، خلوص نیتی انکار ایدیلہ مزیدی . فقط اصلاحاتک دھا مؤثر و دھا سریع اولسی عجباً یالکز بونلرک اندہ می ایدی ؟ طوغریسنی سونلک لازم کلیرسہ ، ۱۸ شباط ۱۸۵۶ فرمان ہایونی ، کافہ موادی همان موقع تطبیقہ قونہ بیلہجک برقانون دکلدی ، یالکز ، آتیا یاپیلہجق قوانین ونظاماتک استناد ایدہجکی قواعد اساسیہ جدیدہ یی اعلان ایدیوردی . خط ہایونک اعلان ایلدیکی موادی موقع اجرایہ وضع ایدہ بیلیمک ایچون ولایتک ہیئت عمومیہ سنی اداره ایدن قوانینک قسم اعظمی تجدید وتعديل ، یاخود یکیدن تنظیم ایتک لازم کلدکدن بشقہ یا عصرلرجه زماندن بری یرلشوب قالان اخلاق وعادات ، یاخود نفوسک غایت غیر متساوی برصورتہ تقسیمی ، ویا املاک واراضینک [*] تشرین ثانی ۱۸۵۸ تاریخلی قرہ طاعنک تحدید حدود پروتوقولی .

صورت تصرفی و ویرکویه تابع موادک ماهیتی اعتباریله بعض ولایات آرہ سندہ موجود اولان فرقلری ده نظر اعتبارہ آلق اقتضا ایلکده ایدی. ممالک عثمانیه نك هر طرفنده طرز اداره نك عینی زمانده وعینی صورتله تبدل ایتسنگ قاریشیقلی تزیید، حکومتسزلکی انتاج ایلسندن قورقيلوردی.

خط هایونك نثرندن ایکی سنه صکره باب عالی، بتون قوانین ملکیه، جزائیه و مالییه یی تعدیل و تجدید ایله مش اولسندن طولایي بحق اتهام ایديله بیلیرمی ایدی؟

ایکی اصلاحاتپور ناظرک دوستلری بونلری مسئولیتدن قورتارمق و صبر سزلری تسکین ایلک ایچون بومطالعاتی درمیان ایدیورلردی.

مع مافیہ، عالی وفؤاد پاشاسارک حسن نیتلری تسلیم ایدلمکله برابر، کافه امور حکومتک پادشاهه تودیع اولمسنندن، غایت صیق بر اصول مرکزیتدن عبارت اولان طرز حکومتک الآن دوام ایلسی سبب شکایت اوله بیلیردی. چونک بوطرز حکومت، مصالح عمومیه یی ثبات و متانت قلبدن محروم برکیمسه نك کیف و آرزوسنه، مقرینک انترقه لرینه براقق دیمکدی. ایشته، اصل فنالق بوراده ایدی؛ درساعات اهالیسی بونی آکلامغه باشلامشدی.

اوزمان حکمفرما اولان بحران شدید مالی حوایج ضروریه دن معدود اشیا فیاتی هریرده تزیید ایتمش، مسکو کاتک پیاسه دن چکیلهرک یرینه قوائم نقدیه قائم اولسنه سبب اولمشدی. اهالی اک حساس طرفندن اورولمشدی، اولجه عینی حال تحدث ایتدیکی زمان یاپیلدینی کبی بودفعه ده آچیقندن آجیغه پادشاهی اتهام ایدیورلردی. صدر اعظم، پادشاهدن بشقه کندیسنه دخی طعن و تشنیع ایلین غیر ممنونلره خوش کورونمک ایچون بعض تدابیر اتخاذنی تدسیب ایتدی، ممالک عثمانیه نك اصلاحاتنه سرای هایوندن باشلامق لازم کلدیکنی پادشاهه عرض ایلدی.

عبدالجید، مملکتک بولندینی موقع وخیمی پک آز آکلامش اولمقله برابر صدر اعظمک معروضاتی قبول ایتدی. بالذات حاضر بولندینی حالده باب عالیده قرائت ایتدیردیکی برخط هایونده سوء استعمالات اداره یی تصدیق و اعتراف

ایدرک انتظام واقصاده رعایت اولمنسی شدیدالمال جمله لره اخطار و بو وصایایه ایلك اوکجه کندیسی توفیق حرکت ایده جگنی بیان ایلدی [۴].

برچوق پاشالره خطاباً یازلمش تعریضات شدیدیه بی حاوی اولان بوخط هایونک نشرینی متعاقب تشکیلات مالیه وعدلیه ، مأمورین محلیه ک وظیفه و صلاحیتلرینک دها معقول برصورتده توزیع و تقسیمه ابتدار ایلدی .

مع مافیه ، سلطان عبدالمجیدک وکلاسنک تزید سبی و اقداملری مقصدیه صورت مظنه ده قرائت ایتدیردیکی خط هایون حدت عمومی تسکین ایده مدی . بالعکس ، حکومتک مهارتسزلکنی ، مملکتک وخامت حال و موقعی صورت رسمیه افشا و اعتراف ایلدیکی ایچون نفرت عامه بی تزیدایتدی . افکارمنوره صنفده اولجه باشلامش اولان فکر مخالفت یواش یواش کسب قوت ایلدی و بر از صکره حکومت علیه نه حقیقی ترتیبات خفیه شکلی آلدی .

دمین سولیدیکم وجهله ، اک زیاده ، بدایت سلطنتدن اعتباراً سلطان عبدالمجیدک اطرافنی آلوب نفوذ حکمداری بی الده ایدن ، بونفوذی منافع شخصیه لری اوغورنده استعمال ایلین ، پادشاهی تجربه سز و قرارسز بر حکمداره چویرن ، انتزیه لره واسطه وار تکلیفات و اختلاساته بیلیمیه رک شریک جرم یاپان مقرین علیه نه بر جریان افکار واردی . اردوده باشلایان فحیه انقلاب ، علما آرسنده مأمورین اداره نک ایوکسک طبقه سنده دخی یاییلیدی . هر رده دها بی بر استقبال ایچون بر میلان غیر اختیاری حس اولنیوردی ؛ اوئاده ترکیاده عینی مقصدله اولمسه بیلله عینی احتیاج حی ایله متخسس بر افکار عمومی موجوددی . بو احتیاج ایسه تبدل و انقلاب احتیاجی ایدی .

بویابده کی وثائق ذاتیم اوقدر قطعی و صریحدرکه آوروپای عثمانی ولایتک برچوغنده وقوعه کلن بعض حادثاتی ذکر ایتک صورتیه ارکان مأمورین محلیه دن قسم اعظمک پایتخته حاضر لمقده اولان حرکت انقلابیه به طرفدار اولدقلرینی اثبات ایده بیلیرم .

عن اصل قفقاسیه لی اولان امرای عسکر به دن حسین پاشانک اداره سی آلتنده بر جمعیت خفیه تشکل ایتدی . بوجعیه داخل اولانلر پک چوق اولدقندن ایش ، اوزون مدت کیزلی قالمدی ؛ عدم موفقیتله نتیجه لندی .

حکومت علیهنده ترتیبآده بولنانلرك مقصدلری ، پروغراملری نهآیدی ؟
 بونقطهآنك كآل وضوح ایله تنویر آیدیه مه مش اولدیغنه قانعم . چونكه افكار
 عمومیه نك كردهآد هیجانی آره سنده مختلف ، حتی یكدیكرینه مخالف جریانلر
 واردی . بعضلرینك ، متعصبیلرك دین اسلامی (اوروپا) مداخله سنك
 حقارتلرندن قورتارمق فیکرینی تعقیب ایملری محتملدی . « شرقلی برخرستیان »
 امضاسیله نشر مقالات ایلین بر محرره نظراً ، بر طرفدن ناموس واستقامتلری
 شبه دن عاری ذواتدن مرکب مسؤل بر هیئت وكلا ، دیگر طرفدن اعضاسی
 بلا تفریق جنس ومذهب كافئه صنف تبعه آره سندن منتخب بر مجلس مبعوثان
 تشکیلی مقصدیه حرکت آیدیلوردی .

فكر تعصبه مبتنی اولسون اولسون انقلابك هر حالده تعصبك غلبه سیله
 وجوده كلسی وخرستیانلردن دهامتیحد اولان مسلمانلرك تفوق ایملری
 محتملدی . بوا احتمال ، وجود پذیر حقیقت اولنجه ، دولت عثمانیه مدهش
 بر بحرانه دوچار اوله بیلیر واحتمالكه بوبحران الیوم حکومتی آغیر آغیر ییوب
 بیتیرن قنالقاردن زیاده وخیم بر نتیجه انتابج ایلیه بیلیردی .





طاقوزنجی باب

دول معاہدہ نیک شغایات درامہات مشترک سی . — روسہ نیک بلغارستانہ ،
بوسنہ و ہرسلکہ بین الملل تحقیقات اصراسی مقننہ کی تطبیفی . — صدر اعظم نیک
ولایات مذکورہ بہ اعزامی .

مع مافیہ حکومت سزلکک سبب اولدینی اغتشاشات ولایتدن ولایتہ سرایت
ایدیور و مضائقہ شدیدہ مالیہ قریباً بر فلاکتی انتہای ایدہ جک کی
کورو نیوردی . حکومتک عطالتی ایلہ برقات دہا کسب و خامت ایدن تہلکہ نیک
اسباب حقیقیہ سنی کشف و تعین یک قولایدی . اصلاحات خط ہایونی عادی
بر پروژہ حالندہ قالدقچہ ، یکدیگرہ دشمن صنوف مختلفہ آرہ سندہ حصول
اتحادہ سبب اولقی شویلہ طورسون ، دائماً بر نائرہ نفاق اولہ جقدی ؛ فرمان
ہایون ، خرسیتانلر ایچون بر آلت مطالبات ، مسلمانلر ایچون بوستان قورقونفی
خدمتی کورمکدہ ایدی . افکار خلقی تہییج ویا تخویف ایدہ جک پارلاق
وعدلردہ بولمقدن ایسہ حقیقی اجراءات و اصلاحاتہ لزوم واردی . احوال
و شرائط حاضرہ بہ کورہ اتحاد تداییر احتیاجنی حس ایدن دول اجنیہ
قاینہ لرینک فکرلری بومرکزہ ایدی .

۵ آشرین اول ۱۸۵۹ تاریخندہ دول معاہدہ سفراسی طرفندن صدر
اعظمہ تبلیغ اولسان (مہموران دوم) دہ «ترکیانک کندی کندینہ یار دیم
ایتمہ مسندن ، اصلاحاتک تدریجی و دائمی بر صورتدہ تطبیقہ تشبث ایلمہ مسندن ،
۱۸۵۶ فرمانیلہ تعین ایدن مقصدہ وصول ایچون کافی درجہ دہ خواہش
کوسترمہ مسندن» طولانی بیان تأسف ایدیلوردی .

ہرنہ قدر بولسان معتدل (پارس) معاہدہ نامہ سنہ واضع الامضا دولت لک
آمال و مقاصدینہ تماماً ترجان اولہ مامش ایسہ دہ باب عالی مراجعت واقعہ نیک

اهميت سياسيه سنی آکلادی و متیقظ طاورامغه باشلادی . دول معظمه نك مراجعت مشترکسی ، دها مؤثر ، دها واضح اوله جنی شهه سز بولنان تشبثات خصوصیه مانع اوله مازدی . فی الحقیقه براز صکره دولتر آیری آیوی دخی باب عالی یه مراجعت ایتدیلر .

(روسیه) حکومتی دول سائر یه تقدم ایلدی ؛ دول غربیه نك ترکیاده کی نفوذینه قارشی حرکت ایتک ، وقیله حائز اولدیغی شان و شهرتی خرستیان اهالی نظرند اعاذه ایلک ایچون فرصتدن استفاده فکرینه دوشدی . بلغارستان ایله بوسنه وهرسکده کی رعایانک احوالی حقنده بین الملل تحقیقات اجراسنی و تبعه نك بوصنی ایچون دها زیاده تأمینات بخش بر اصول اداره تأیس ایدلک اوزره باب عالی ایله ائتلاف حصوله کتیرلمسنی برلسان معظمانه طلب ایتدی .

بوایکی تکلیفی حاوی اولان تحریرات عمومیه ده عثمانلی خرستیانلر حقنده - قرال (ویقتور امانوئل) ک ، ۱۸۶۸ سنه سنده ، بتون ایتالیان قرداشلرینه بر رابطه اخوت و اتحاد ایله مربوط بولدیغی ایما ایدن قول مشهورینه مشابه اولق اوزره - شایان دقت بر اثر توجه و محبت کوسترلمشدی .
(روسیه) نك بو حرکتی هیچ کیمسه نك امید وانتظار ایتدیکی برضربه مده شه ایدی .

(انگلتره) سفیری در حال مقابله یه مسارعت ایتدی ؛ سالف الذکر ولایاتده (اوروپا) دولتری طرفندن تحقیقات اجراسی فکرینی شدتله رد ایلدی و بویله بر تشبثک ترکیانک حیثیتی اخلال واک زیاده محتاج اولدیغی بر زمانده اعتبارینی الی الابد احیا ایله جکنی سوبلیدی .

حقیقت حالده ، (انگلتره) سفیری دولت عثمانیه نك حیثیت و اعتبارینی محافظه ایتک مسئله سنی اوقدر دوشونموردی ؛ فقط حکومت متبوعه سنک (روسیه) سیاستنی ترویج و تعقیبه و حیله کار موسقوفلرک یکی برمانورده لری نظریله باقدینی بومسئله ده ایستر ایسته مز ایضای معاونته مجبور اولماسی کندیسی ایچون حائز اهمیت برایشدی .

باب عالی ، حیثیتی اخلال ایده جک بونا کهانی محومه قارشی طورده بیلیمک ایچون ، (اسلاو) لرله مسکون ولایاته ارکان مأمورین عثمانیه دن مرکب بر

قومیسون کوندره جکئی و بوقومیسونده غیر مسلم اہالیء محلیہ دن دخی وکیلر بولندیریلہ جقئی اعلان ایتدی .

بوتدیر (روسیہ) نك خوشنه کیتمدی . (پترسبورغ) قابینہ سی کندی پروژہ سنك قبولی خصوصندہ اصرار ایلدی . نہایت (فرانسہ) حکومتی طرفدن تکلیف ایدلمش اولمسی محتمل اولان برصورت ائتلاف عقد ایدلدی؛ صدر اعظمك، صلاحیت فوق العادہ یی حائز اوله رق ، مراکز مختلفه ولایاتہ کیتمسی و کورہ جکی سوء استعمالاتی ازالہ ایچون بلااستیدان تدابیر لازمہ یی اتخاذا ایلسی قرار کیر اولدی .

عالی پاشانك یرینہ کچن قبریسیلی محمد پاشا ، معیتندہ مسلمان و خرستیان برچوق مأمور بولندینی حالده ، ۱۸۶۰ سنہ سی مایسی اواخرنده (وارنه) یه متوجہاً حرکت ایتدی .





اوننجى باب

بجرائه مالى . — حكومت عثمانيه طرفندره قبول ايريلين چاره لر . —
اكتظيره حكومتك تكليف ايتريكى تدابير متممه . — مجلس مالىك تشكيلى .

فورظنه كسب سكون ايتش كې كورونيوردى . فقط برطرفده زائل اولان اندیشه لر ديكر جهته يكيدين ميدانه چيقيور ؛ دولت عثمانيه نك امور داخليه سنده (اوروپا) اصول اداره سى حرفياً تطبيق ايدلسه بيله پادشاه ايله حكومتك فلاكت مقدره سنى منع ايدوب ايدمه چكى جاي سؤال كوريليوردى . خزينه دولتك منابعى عادتاً قورومشدى ؛ معاشدن محروم قالان اردو شكيت ايديليوردى ؛ استانبول خلقك فقر وسفالتى مسلمانلاره اوروپايلير آره سنده كى نفرت وخصومتى اودرجه تشديد ايلديوردى كه بك اوغلنده مقيم فرنكلر برآراق آج قالمش متعصبلك هجومندن قورقشاردى .

استقراض ، مشكلات حاضره نى ازاله ايدمه بيليردى . برحكومتك اعتبارى بالخاصه اداره مالىه سنك انتظامنه متوقف اولدينى آكلاشيلاه مەقله برابرېك چوق زماندن برى استقراض مسئله سى دوشونيليوردى .

نهایت باب على سرمايه داران اجانبه تأمينات بخش اوله جق تدابير مختلفه نى موقع تطبيقه قويغه قرار ویردى . برطرفدن تخصیصات سنيه ك ، واردات دولت ايله غير متناسب اولان مصارف بحريه نك وېك يوكسك معاشاتك تنقيضى ، ديكر طرفدن حقيقى بر بودجه حاضرلامق ايچون بر مجلس مالىه تشكيلنى پادشاهه تكليف ايتدى . بوضورتله اله ايديله جك مبالغ اول باول بتون ممالك عثمانيه ده ضابطه عموميه ايله ژاندارمه تشكيلاتنه و محاكم مختلفه تأسيسنه صرف اولنه جقدى . تفصيلات سابقه دن آكلاشيلدينى اوزره بو پروژده ، بوتدابر الك مستعجل ومبرم خصوصات ايچون ايدى ؛ مقصد اساسى سرمايه دارانك

امنیٲلرینی جلب ایتمک واصلاحتده بطائت کوسترمسندن طولانی باب عالی‌نی
تویخندن خالی قالمیان دول معظمه‌نی ممنون ایلک ایدی .

باب عالینک مساعیسی ، ازاله ایدمک ایسته‌نیلن قضاغک درجه و خاتمیله
متناسب دکلدی ؛ مع مافیله خارجیه ناظرینک شو : « ایلک ایلله قنالق آره‌سنده
مبارزه باشلادی ؛ هان جناب حق ایلکک غلبه‌سنی تأمین بیورسون »
سوزلرینه باقیلیرسه باب عالی تداییر مذکورده‌نی اتخذا‌یچون خیلی اوغراشمشدی .
(انکلتره) حکومتی ، مسائل مبرمه‌نک برنجیسنی تشکیل ایدن اعتبار
مالینک حصولنی تسهیل ایتمک ایسته‌دیکی ایچون ، واردات خزینهنک تزییدینجی
تأمین ایدمک تداییر متممه‌نی حاوی بر پروژده‌نی باب عالی‌یه تبلیغ ایتدی .
(انکلتره) یه نظراً اجانبک ، اهالی محلیه‌نک تابع اولدینجی تکالیف ایلله مکلف
اولق شرطیله ، املاک حکومتی اشترا ویا استیجاره مأذون اولملری اقتضا
ایدیوردی .

املاک مذکورده مأمورین عثمانیه‌دن مرکب بر قومیسون معرفیه فروخت
ویا ایجاز ایدیله‌جکدی . بو املاک قارشیلق کوسترملک اوزره میدان تداوله
تحویلات چیقاریله‌جق ؛ رأس‌المالی تأدیله‌مین دیون دولت ، فائض
و آمورتیسمان بدلرینک تأدیسه‌ی ایچون واردات مخصوصه قارشیلق کوسترملسی
صورتیله ، دیون‌منظمه‌یه تحویل اولنه‌جقدی . اداره اوقف صورت قطعی‌ده
تبدیل ایدیله‌جک ؛ الحاصل - ال‌نازک بر نقطه اولق اوزره - اداره‌مالیه مختلط ،
یعنی بین‌الملل بر قومیسونک نظارتی آلتنده بولندیریله‌جقدی .

غایت‌عملی اولان بو پروژده - که هیچ اولمازسه بر چوق موادی آتیا ترککر
ایچون آلمانلرک (Schavyavres Material) دیدکری شیئه‌منقلب اوله‌بیلیردی
انکلتره سفیری طرفندن بعض مطالعات علاوه‌ایدلمشدی . وکلای عثمانیه‌یه اجرای
تأثیر فکریله درمیان ایدیلن بومطالعات آره‌سنده مسلمانلرک عصر لرجه زماندنبری
آلشدق‌لری سوء استعمالدن بحث اولنورکن دنیلوردی که : « حکومت عائد
اراضی واسعه‌نک صرف پاشلرک منفعتنه ایشلتدیریلن بر چفتلک حالنده بر اقلیمی
ممکن وجائز دکلدرد . بو اراضی ، آرتق ، صرف ملت غالبه‌نک استفاده‌سی ایچون
ایشلدیله‌مز . » بعده شوسوزلر علاوه اولنوردی : « ذلک اوروپا‌یلرک افکار
وتجاربهنه عرض احتیاج ایدلمه‌دن اداره‌دولتی اصلاح ایتمک ممکن دکلدرد . شبهه‌سز که

عثمانیلر اوتهدنبری امور حکومت ایله الفت وعناصر سائریه تفوق ایتدکلیری، حتی بوخصوصده برنوع مهارته وبرقوه سوقالطبعیه مالک اولدقلری ایچون برموقع ممتاز احراز ایتشلردر؛ اکر حکومتی محافظه ویا استحصال امرنده هرجهته صرف مساعی ایدلسی لزومی ادراک زحمتی اختیار ایدرلرسه عناصر سائردهن هیچ بری بموقع ممتازی الدهایتمک ایچون کندیلرله رقابت ایدمز. لکن ترکلرک نه شمیدیکی موقعلرینه کوهونوب خواب غفلته طالملیری، نهده بو موقعک کندیلرینه بخش ایلدیکی حقوق ووظائفی مبالغهاندیرملری جائز اوله ماز.

« برقومک مملکتک رئیس ادارهسنده قالمسی ایچون، مزیات عالیه صاحبی اولدیغنی کوسستمسی ایجاب ایدر. حالبوکه الیوم جاری اولان رشوت، ارتکاب، عطالت، حمایت وصحابت، افکار باطله ترکلرک محافظه وادامه ادعاسنده بولدقلری نفوق ایله قابل تألیف دکلدر. (اوروپا) نک ذکا و عرفاندن استفاده ایدرک اوروپالیرک خصائل و مزیات کزیدهسنه صاحب اولمق، حکومت متمدنه موقعنده صعود ایتک ترکلرک الندهدر. حکومت متمدنه نک اکثری نه ترکیا قدرواسع، نهده اونککی قدر منبت طور اقلره مالک اولدقلری حالده دول معظمه صرهسنه کچهرک صاحب شان و شرف اولشلردر؛ حالبوکه دولت عثمانیه صرف کندی بارثقیل ضعیفی آلتنده ازیلرک دوچار انقراض و خرابی اولور. »

ایشته، (انکلتره) سفیری سیر (بولوهر H. Bulwer) ک - باب عالیجه مؤثر اولمقدن زیاده کندیسی ایچون باعث شرف اولان - بیوک بر صمیمیت ومئاتن ایله حکومت عثمانیه اراؤه ایلدیکی حقایق بونلر ایدی.

اوصرده با اراده سنیه تشکل ایدن مجلس مالییه اوچ اجنبی دلکه آندی ومجلس هان ایفای وظیفهیه باشلادی.


مجلس مالییه بالواسطه وبلاواسطه تکالیفک صورت التزامی، قوائم نقدیه نک میدان تداولدن چکیلیمی چاره لرنی تدقیق ایتدی؛ مذاکراتنه ابتدار ایدیلان استقراضک موفقیته عقدینی تأمینیه مدار اوله جق تأمینات آرادای. مجلس، بالخاصه ویرکولرک صورت جبابنده کی نقصانلره، سوء استعمالاته عطف نظر دقت ایتدی وبوسوء استعمالاتک خزینته حکومتی زندکینلتمه دن مملکتک منابع

طبیعیہ سنی قوروتدیغنی، اہالی زراعیہ نك آره صره قیام وعصیان ایلرینه یاشلیجه سبب اولدیغنی کوردی .

فقط مجلسك مذاکرات ابتدائیه سی - (انكلتره) ، (فرانسه) ، (اوستریا) دلکهلرینك مساعیسنه رغماً - نا تمام قالدی، هیچ بر نتیجه عملیه استحصال ایدیه مدی . (اروپا) دلکهلرینك اکثر تشبثات و تکلیفاتی اعضای عثمانیه نك گوشکلیکی ویا سوء نیتی قارشیسنده عقیم قالیوردی . دها غلبه لك اولان اعضای عثمانیه حکومت قارشى استقلال ايله حرکتدن عاجز ایدیلر [*] . بونك ایچون، بر مدت صکره اداره عثمانیه نك عادات قدیمه سنجه همان هیچ بر تبدل وقوعه کله مش اولدیغنی کورلدی . مأمورین کافی السابق حکومتی صویورلر؛ حکومت ده، اسکیسی کبی، غلطه بانکرلرینك استقراضات محتکرانه لرینه، قوائم نقدیه اخراجنه، یعنی باعث فلاکت اولان تدابیر غیر معقولیه مراجعته مجبور اولیوردی .



[*] انکلیز دلکهلرینك ۱۸۶۱ سنه سنده نشر اولان ماوی کتابه مندرج راپوریه مراجعت .



اون برنجی باب

صدر اعظم تحقیقاتك انقطاعی . — روزيك بين الملل تحقیقات اجرائی
منظم برورہ سنی نا کبر ایمنی . — انکثرہ طرفندہ روسک برورہ نہ مقابل
نظم اولناہ برورہ ایدہ اصدرات ارارہ برنی .

صدر اعظم ، تحقیقاتہ دوام ایدیور ولایاتن آلمان خبرلر کندیسہ
مساعدا بولنیوردی . تفرعات امورہ طالب مقصد اصلی غائب ایدیور ،
صلاحیت واسعہ مالک بر رئیس وکلادن زیادہ بر مستنطق کی حرکت ایلنیوردی .
درت آی دوام ایدن غیبوتی زمانندہ آنحق بلغارلرلہ مسکون قضالری
طولاشہ بیلمشیدی .

(بوسنہ) ده ، (هر س) ده هیجان افکار آرتیوردی . صدر اعظمک
(نیش) دن (سرای بوسنہ) یہ عزیمتہ انتظار اولنورکن درسعادته عودت
ایچون یولہ چیقدینی خبر آلدی . اثنای سیاحتدہ مهم بروقعہ تحدث ایتمشدی .
(لبنان) ده درزیلر ایلہ مارونیلر بربرلینہ هجومہ باشلامشلر ؛ (اروپا)
دولترینک قطعہ مذکورہ یی اشغال ایلہ جکلری محقق عد ایدیوردی .
فؤاد پاشا کمال استعجال ایلہ جبہ کوندرملش ، یالکز قالان عالی پاشا بریأس
عظیمہ دوچار اولمشدی .

(روسیہ) سفیری ، قبریسی محمد پاشانک آنسزین عودتی خبر آنجہ پک
زیادہ حدتلندی ، یاخود اولہ کوروندی ؛ بین الملل تحقیقات اجرائی حقدہ کی
برورہ سنی تکرار میدانہ چیقاردی . باب عالی ، صدر اعظمک مأموریتی موقتاً
دوچار انقطاع اولوب بر مدت صکرہ ینہ تقیشہ چیقہ جغنی بیانہ مسارعت
ایتدی وبرقاج کون کچجہ ، مأموریت مذکورہ نک نتایج اولیہ سنہ دائرہ مفصل

بر تحریرات عمومیہ نشر ایلدی. ۱۸۶۰ سنه سی تشرین اولسنده نشر ایلدیلن بو وثیقہ شقاوتک منعه، مأمورین محلیہ طرفندن وقوعه کتیریلن سوء استعمالاتک ازاله سنه، محله وکوی مختارلرینک اصول انتخابی اصلاحه، ضابطه محلیه مأمورلرینک حین تعیینلرنده دهاشدلی طاورالنسنه، الحاصل اصلاحات مطلوبه یی حصوله کتیره میوب فقط سوء استعمالات حقیقیه یی، اهانینک شکایاتنده پک بحق اولدقلرینی اراءه ایدن ایکنجی درجه تدایره دائر تفصیلاتی حاوی ایدی.

(انکلتزه) سفیری دخی اداره عمومیه نك کافه شعباتی حقنده قونسولوسلره کوندردیکی اسئله عیدیه نك جوابلرینی آلهرق احوال ولایاته دائر بر فکر پیدا ایتش و قونسولوسلرک اوراق تحقیقیه سندن استتاج ایلدیکی تدایردن باحث بر تحریرات عمومیہ نشر ایلشدی.

انکلز سفیرینک باب عالی ایله سفارات اجنبیه تکلیف وتوصیه ایلدیکی تبدلات اساسیه خلاصه بروجه آتی بیان اولنور :

مجلس احکام عدلیه و مجلس تنظیمات نامیله موجود اولان ایکی بیوک مجلس یرینه اصلاحاتک تطبیقاتنه نظارت ایتک وظیفه اصلیه سیله مکلف اولمق اوزره هم رأی استشاریه، همده قوه اجرائیه و عدلیه مالک بر مجلس تشکیل. بو مجلس اک یوکسک موقعده بولسان مأموریندن انتخاب ایدمک و بعضلری خرستیان اولمق اوزره بش سنه مدته تعیین قلنان اون ایکی اعضادن مرکب اوله جقدی.

اعضای مجلسدن بر قسمی فوق العاده قومیسر صقیله ولایاتده بولندیر یله جقدی؛ غایت واسع صلاحیت مالک اولان بواعضادن هرری معین بر قطعه یه نظارت ایده جکدی.

دیگر اعضا درسعادته اقامت ایده جکار و سیار رفیقلری طرفندن اشعار ایدیله جک کافه امور حقنده بیان مطالعات ایلیه جکلردی. سفارتخانه لر شکایت ایتدکلری مأمورلرک محاکمه سنی مجلس مذکوره حواله ایده بیله جکلردی؛ یوصورتله لزوم کوستردکلری تحقیقاتک حین اجرا سنده سفارت ترجمانلرینی حاضر بولندیرملری جائز اوله جقدی.

بیوک بر مأمورک تحت ریاستنده شکل ایده جک بر قومیسرون مخصوص

صدراعظمك اھال ایتدیكى ولایاتہ كیدہ جكدی ؛ صدراعظم دخی بالآخرہ ولایات مذکورہ بہ بالذات عزیمت ایلہ جكدی .

یكى مجلس اول امرده ای بر ضابطہ هیئتى تشکیلی ، محاکمك اصلاحی ، خرسیتانلرك محاکم حضورنده استماع شهاداتی ، اعشار اصولك الغاسی ، عمومہ كشاده مكیتلر تأسیسی ، هریرده والیلرك معیتده بولنوب هم مذهبیرینك تمنیات وشكایاتی مین اولق اوزره مجلسه اوچ آیدہ بر راپور اعطاسیلہ مكلف خرسیتان مستشارلر تعینى مسئلہ سیلہ اشتغال ایدہ جكدی .

ایكى بیوك مجلسك - انكلیز سفیرینك تكلیفی وجهله - بر مجلسه تحویلى ، شبهه سزكه ، سفرانك ۱۸۵۹ سنه سی تشرین اولنده باب عالی به مراجعت ایدرك خط هایون احكامك موقع تطبیقه وضعی خصوصه کافی درجدهده معاونت ایتمه مسندن طولایى حكومت عثمانیه دن شكایت ایلدكلى صردهده كى تصورلرینه موافقدی . لكن یكى مجلس اعضاسنه تودیع اولسان وظائف بعض مرتبه قاریشیق دكیدى ؛ ولایاتك تشکیلات اداره سنده امور عدلیه واداریه نك تفریقہ چالیشدیغی بر صردهده اعضاى مجلسه وظائف عدلیه واداریه یی تودیع ایتك مناسبى ایدی ؟

هله ، سفارات اجنبیه نك مأمورین عثمانیه یی اتمام ولاجل المحاكمه مجلسه سوق وبولنرك محاكمه لرینه نظارت ایتسی صلاحیتنه نه یملی ؟

انكلیز پروژہ سی بالطبع سرای هایونی ، باب عالی یی تلاشه دوشوردی ؛ بك اوغلى محافل سیاسیه سنده عظیم برحیرت ایلہ تلقی ایدلدى . پروژہ (روسیه) نك بوندن اول درمیان ایدوبده (انكلتره) سفیرى طرفدن شدتله رد اولنان تكلیفلری حقلى كوستردكدن ماعدا شدت نقطه نظرندن بولنركده فوقنده ایدی . عاداتا مأمورین عثمانیه قونسولوسخانه محكمه لرینه سوق اولنه بیله جك ولورد . (پالمستون) ك حقسز ومضر بر حرکت اولق اوزره توصیف ایلدیكى مداخله ، دائمى ومنتظم بر اصول حالته كیره جكدی .

ذاتاً سیر (بولودر) ك تكلیف ایلدیكى تدابیرك چوغى رایلرینه مراجعت . ایلدیكى قونسولوسلرك افكارینه موافق دكلدی . قونسولوسلرك افكار ومطالعاتی .

غایت صمیمی اولدینی ایچون بوبابک خاتمه سی اوله رق بروجہ زیر اخذ واقبایی مناسب کوردم :

انکلیر قونسلوسلری تداییر آتیه یه لزوم کوسترمشلردی :

۱. — مجالس اداره و لایاتک اصلاحی. مجالس مذکوریه اهلینک عناصر مختلفه سندن اعضا انتخابی ایچون دها عادلانه بر اصول وضعی . ولایت مجلسلرندن قوؤ عدلیه نك تماماً اخذیه بونلرک بعدازین یالکیز اموراداره ایله اشتغاللری .

۲. — امور حقوقیه ، تجاریه و جزائیہ ایچون آیری آیری محکمہ لر تشکیلی . مسلمانلرک مسلمان ، خرسیتیانلرک خرسیتیان اعضادن مرکب محاکم حضورنده محاکمہ لری . دعاوی مختلطه ایچون محاکم مخصوصه تأسیسی . محاکمک دول غریبه ده مرعی الاجر . اولان قوانینسه کوره ایفای وظیفه ایدرک یالکیز عدلیه ناظرینہ تابع اولملری و کافه صنوف تبعه شهادتی قبول ایملری .

۳. — ویرکوم مسئله سندن مکلفین ایچون بر بلای عظیم اولان التزام اصولنک الغایی و بونک یرینه تفتیش و انتظام تحتده اوله رق بالعموم نکالیفک طوغریدن طوغری یه تحصیل وجباتی .

۴. — خرسیتیانلر ، آیری آلایلر تشکیل و مسقط رأسلرندہ خدمت ایلک شرطیه خدمت عسکریه یی ترجیح ایلدکلرندن کنیدیلری ایچون بر بار ثقیل اولان بدل عسکرینک الغایی

۵. — عناصر مختلفه و حتی جماعات غیر مسلمہ آره سنده کی نفرت و خصومتدن طولانی مکاتب مختلطه تأسیسنک عدم امکانی .

۶. — ایفای وظیفه ده استقلال اولدینی ایچون خرسیتیان والی معاونلری تعیینندن تولد ایده بیله جک تهلکه لر .

۷. — مرابجه نك اوکنی آلق ایچون مؤسسات اعتباریه تأسیسی . طرق ثقلیه نك اصلاحی ... الخ .

۸. — خرسیتیانلرک احوالی کافی السابق فنا اولوب بونک مسیبه ده سوء استعمالات اداره در . مأمورین حکومتک مسالک مساحه کارانه لر یله تشویق ایلدکجه مسلمانلر هیچ بریرده غلیان تعصبه ایقاع جبر و شدته قیام ایتیمورلر .

۹. — خرسیتیانلرک صاحب املاک و اراضی اولان مسلمانلرله مناسباتی

پك فنادر . خرستان چيفتجیلر غایت صیقى قیود آلتنده بولندقلرندن اصلاح حاللری ایچون هیچ بر چاره کوره میورلر .

۱۰. — روم هیئت رهبانك مناسبتر ورزیلانه مسلکی .

ایشته ، سیر (بولور) ك تكلیفلرندن بر قسمنه اساس اتخاذا ایتدیکی تمیيات وتنقیدات بونلر ایدی . انکلیز سفیری بر چوق نقطه لرده قونسولسرك رایلرندن آیرلمش اولمقله برابر بونلری نشر واعلاندن کری طورمدی .

(انكلتره) سفیرينك فائده لی برايشه تشبث ایتمكله برابر اوروپاده (روسیه) نك آمال تجاوزكارانه سنه مانع اولمق و ابراز فرط غیرت ایله روسلری کریده براقق ایستدیکی آشكاردی . ذاتاً مقصد حقیقیسی پروغرامنی همان موقع تطبیقه قویدیرمق دكل ، رفقاسی اولان سفرای اجنبیه آره سنده تعاطی افكاره وسیله بولمق ایدی . وبونی تحریرات عمومیه نك حاتمه سنده ذكر وایضاح ایتشدی .


(انكلتره) نك آمال و نیاتی تماماً آكلایان (روسیه) حكومتی انكلیز سفیری طرفندن درمیان ایدیلن افكار ومطالعاتك بر قونفرانسده مذاكره ایدلمسهنه ممانعت ایتدی . باب عالی مستثنا اولمق اوزره هیچ بر طرفدن بویه بر قونفرانس عقدینه ممانعت اولنمیوردی . باب عالینك مقاومتی اوقدر غبراختیاری وشدتلی ایدی ، كه (انكلتره) خارجیه نظارتی احتیاجاتی تقدیر ایتك ، دوشونمك ویکی بر اصلاحات پروغرامی یایمق ایچون باب عالی یه اوچ آی مهلت ویرلمسی دیگر قایینه لره تكلیفه مجبور اولدی . (روسیه) ، بو تأخره اعتراض ایدرك (اوروپا) مرخصلرینك همان اجتماع ایللرینی طلب ایتدی .

باب عالی ، حكومات اجنبیه یی تسکین ایچون اولسون ، هر حالده اجرا آتده یولمق لازم كلدیكنی آكلادی و صدر اعظم طرفندن بردن بره ترك ایدیلن تحقیقاتك اكمل و اتمامنه روم ایلی اردوسی باش قوماندانی مأمور ایتدی . عینی زمانده ، قونفرانس شكندنه اوله رق اوروپا لیلرك وضع ایتك ایستدكری قونترولدن ، یاخود تدقیقات اولیه دن قورتولمق ایچون دخی ۱۸۶۱ سنه یی شباطنده ذات شاهانه یه برچوق تدابیر اصلاحیه عرض ایلدی ، كه بونلرك باشلیجه لری اعشار اصولك تبدیلنه ، قرا ویركولرینك تحصیل وجباتی خصوصنك قونترول

ایدلسنه، ضابطه ولایاته متعلق ایدی . اصول عدلیه نك اصلاحی ایچون مذاکراته
باشلاندی .

اوصرده ، وکلای عثمانیه ۱۸۵۶ فرمانی حقیقت شکلنه قویمه نك لزومنه
قانع اولمشلر کی کورونیور ویا هیچ اولمازسه ۵ تشرین اول ۱۸۵۹ تاریخلی
مشرتک (مهموراندوم) ایله ابتدار ایدیلن مجاهدّه سیاسیهدن بعض نتایج الده
ایدیله جکی ظن اولنیوردی .





اون ایکنجی باب

لبنانه تشکیلونه منعمونه نظامات

صدر اعظم قبرسیلی محمد پاشانک بلغارلرله مسکون ولایاتده کی تحقیقاتنک یاریده قلمسنه سبب اولان حادثه بالطبع اونودلماشدر ؛ ۱۸۶۰ سنه سی حزراننده مارونیلر ایله درزیلر آره سنده یکیدن محاربه باشلامش و بودفعه ده کی قانلی وقایع حادثات سابقه دن ده ا مدهش کورونمکده بولنمشدی . یکرمی یدی آیدن بری معاش آله میان عسا کر عثمانیه تعصب و آجلق تأثیریه بو وقایعه ده مهم بر رول اوینامش ؛ (اوروپا) عاصیلری قهر و تنکیل ، مجرملری تأدیب ایچون سلاح ایله مداخله یه مجبور اولمشدی .

بری مارونی ، دیکری درزی اولق اوزره ایکی قائممقاملق اصولندن شایان ممنونیت بر نتیجه حاصل اولماشدی . یکدیکره رقیب اولان عنصرلردن هر برینی حکومته اشتراک ایتدیرمک ایچون اجرا ایدیلن تجربه ، منازعات و اختلافاته خاتمه چکمک شویله طورسون ، بلکه ضدیت و خصومتی عادتاً تشویق اینمشدی . اوزماندن اعتباراً ، وقتیه اولدینی و درزیلر طرفندن ده قبول ایدلدیکی وجهه ، یالکز برخرستیان قائممقام بولندیرلمسی اصولنه عودت ایدلمک لازم کلدیکی بیان اولنغه باشلادی . فی الحقیقه ۱۸۶۰ سنه سنده (پروت) ده اجتماع ایدن بین الملل قومیسئون اعضاسی بوفکری ترویج ایتدیلر .

مع مافیه ، اثنای مذاکراتده ، (روسیه) طرفندن یکی بر طرز اداره تصور و مدافعه ایدلدی ؛ بو طرز جدید ، جلدده کی اهالیدن هر بر قسمه ، هر بر جماعت خرستیانییه مخصوص بر اداره تأسیسی لزومنه استناداً ایلریه سور - یلیوردی . بناءً علیه بری مارونیلردن ، دیکری شرق یاخود روم کلیساسنه

منسوب عشاردن ، اوچنجیسی درزیلردن مرکب اوچ قائمقاملق تشکیل ایدیله جکدی .

شبه سزدرکه ، بوقسیم ، لنانده کی عناصر مختلفه نك منافعی صورت واضحده آیرمش اولسهیدی - عصر لرحه دوام ایدن تجربه لر بوکامساعد اولماقله برابر - ینه جدی بر صورتده تدقیق و مذا کره ایدیله یلمیردی ؛ فی الحقیقه مارونیسلر ایله درزیلرک عینی محللرده قاریشیق اوله رق بولملری اسباب خصوصتک باشلیجه لرندن بری ایدی و بو خصوصتی تسکین ایتک و تکررینی منع ایتک ایجاب ایدیوردی ؛ فقط ماروسیلر ، درزیلر ، مسلمانلر ، متوالیلر ، روملر ، قتولیک روملر اوقدر قاریشیق بر حالده بولنیورلردی ، که هیچ برصورت تقسیم بوکا چاره ساز اوله مازواوچ قائمقاملقدن هر بری - حدودلری نه صورتله تحدید و تعیین اولنورسه اولنسون - آزچوق بیوک برنسبتده عناصر مختلفه دن متشکل اولوردی [*] ؛ بونی انکار ایتک ممکن دکدی . و (فرانسه) حکومتی الیزایده بونقطه یه اعتراض ایدیوردی . بناءً علیه الجای ضرورت ایله وقیله تطبیق ایدلمش اولان اصول ، یعنی جبلک اکثریتک مذهبنده ، تعبیر دیگرله خرستیان بر مأمور طرفندن اداره سی طرز ی قبول اولنه جنی محققدی [*] . فی الحقیقه ، سفارات اجنبیه بو حقیقتی قبول ایدرک ، باب عالی ایله مشترکاً ، ۹ حزیران ۱۸۶۱ تاریخی لبنان نظامنامه سی تنظیم ایتدیلر .

بو نظامنامه دن مواد آتییه یی اقتباس ایدیورم :

جبل لبنان ، باب عالینک زیر اداره سنده قوه اجراییه نك کافه صلاحیت ووظائفی حائز اولق اوزره بر خرستیان متصرف طرفندن اداره ایدیله جکدر . اهالی یی تشکیل ایدن عناصردن هر بری متصرفک معیتده بر وکیل بولندیره جقدر .

[*] ۱۲۸,۰۰۰ نفوسی حاوی مارونی قائمقاملغنده روملردن ، درزیلردن ، مسلمانلردن ۳۷,۰۰۰ کشی بولنه جقدی .
آنجیق طقوز بیک نفوسی حاوی اولمی اقتضا ایدن روم قائمقاملغنده اهالی نك اوچ بیک بش یوزی دیگر بر مذهبن اوله جقدی .
۵۴,۰۰۰ نفوسی حاوی درزی قائمقاملغنده ایسه ۲۱,۰۰۰ قتولیک مارونی ، ۶,۰۰۰ روم ، ۴,۰۰۰ روم قتولیک بولنه جقدر .
[*] لنانده ۲۰۰,۰۰۰ خرستیان ، ۲۸.۰۰۰ درزی ، ۱۷,۰۰۰ مسلمان و متوالی واردر .

هر جماعت طرفدن منتخب ایکیشر اعضادن مرکب اولق اوزره بر مرکز مجلس اداره سی بولنه جقدر .

جبل ، آلتی قضایه تقسیم اوله رق هر برنده جماعات مختلفه طرفدن تعیین اوله جق ۳ الی ۶ اعضادن مرکب بر مجلس بولنه جقدر . قضا ، ممکن مرتبه عینی عنصره منسوب اهلیدن متشکل اولق اوزره ، ناحیه لره تقسیم ایدیه جکدر . هر بر ناحیه ده هر مذهب اربابی ایچون بر صلح حاکی ، هر قضاده ۳ الی ۶ مختلط اعضادن مرکب بدایت محکمه سی درجه سنده بر مجلس عدلی ، مرکز لواده هر بر جماعتدن ایکیشر اعضا اوله رق اون ایکی اعضادن مرکب بر مجلس کبیر عدلی بولنه جقدر .

آرایش و امنیت یرلی و مختلط بر هیئت ضابطه واسطه سیله تأمین ایدیه جکدر . فرمان هایون ایله تصدیق ایدیلن بونظامنامه نك ، ۱۸۴۵ نظاماتندن زیاده دوام ایده جکی شبهه سزدی ؛ چونکه بر طرفدن متصرف - اکثریا امتیازات مملکتک احساسه چالیشان - بیروت و شام وایلرندن مستقل اولیور ، دیگر طرفدن عناصر مختلفه و مذاهب مختلفه خریستیانیه نك امور مشترک یه متساویاً اشتراکری تأمین ایدلش بولنیوردی .

داود افندی اسسنده برارمنی قتولیک - که سفارتخانه لر مومی الیه لک ، نامزدلکنی ترویج و التزام ایتمشلردر - اوچ سنه ایچون لبنان متصرفلغه تعیین ایدلدی و مدت مذکور نك ختامنده یکی متصرفک تعیینی ایچون باب عالی ایله سفارتخانه لر آره سنده ائتلاف حصولی شرطی قبول اولندی .





اون اوچنجى باب

سۈرۈ اورتودوقس کلیسانىدە اختلف . — بلغارلار روم هیئت رهبانى
یومۈرۈغىدە كىنەلەرنى قورتارغۇدە جاپا يۈرۈر . — بلغارلار كىسمائى قورلىك
مذھبى قىبۇللىرى . — بۇ بىرلەشكەن فرانك ، روسىيە ایدىلەكلىك رومىيە
مسلکلىرى .

خط ھايونك جماعات روحانىيەك تشكىلاتى حقىدە كى احكامىدە روم هیئت
رهبانى طرفىدىن كۈستۈرۈلۈپ ايلك مقاومىتى ، ايقاع ايدىلۈپ ايلك مشكلاقتى يوقارىدە
سۈيۈلۈشۈم . بطریقخانەك سىسنىز مقاومىتى ، بورادىن تعليمات آلانلار كۈرۈلۈپ
پروتستولرى بلغارلار آرەسندە خوش كۈرۈلمەككە برابر پك چوقۇق زماندىن بىرى
فئارك تىقۇق آلئندە ازىلۈپ بواورتودوقسلرى بىر صورت غىرىپەدە راحتسىز
ايتىشىدۇ . (روسىيە) حكومتى بلغارلار كى مختىيارىت قىدىمە مذھىيەلرنى استىرداد
خصوصىدە كى ادعائىرىنى تروپچ وتشويۇق ايدىيور ، (اسلاو) غىنىرىنىك شىرق
كلىسانىدىن آيرىلسىنى ممالك عثمانىيەدە غائب ايتىدىكى موقىعك يىكىدىن الدە ايدىلسىنە
مدار اولەجقنى اميد ايليوردى .

ذاتاً درسعادندە حكومت عثمانىيەك مساعىدەسىلە بىر بلغار دائرە روحانىيەسى
تشكىل ايدىلش ، بودائرە روحانىيەك كلىسانىدە اجراى آيىن ايدىن راھبىلار
دعالردىن اورتودوقس مذھبى رىئىسە عاىد سوزلرى چىقارمىشىدۇ . ۱۸۶۰
سەنەسى نىسانىدە بىر هیئت مبعوثە باب عالىيە كىدىرك بلغارلار كى آرتق روم
بطریقنى رىئىس روحانى اولەرق طائىمەجقلىرىنى بىلدىردى وبومراجىقتىن بىر
قاچ كۈن صكرە بطریقخانەدىن آيرىلان بىرچوقۇق بلغارلار (روسىيە) سفارتخانەسى
پىشكاهنە كىدىرك (چار) كى شىرفىئە الھىپلار ، شىرقىلار اوچۇدۇلار .

بطریق (کیربلوس) ، منعه مقتدر اوله مدینی بواحوالدن طولایی استعفا ایتدی . بلغارلرک آیرلمسی امر واقع کبی کورونیوردی ؛ باب عالی کیمه معاونت ونه طرفه ممانعت ایتک لازم کلدیکنی بیله مدیکندن و طرفین آره سنده ائتلاف حصونه مدار اوله بیله جک بر صورت تسویه بوله مدیغندن مشکلات عظیمه ایچنده قالدی .

یکی نظامنامه موجبجه بطریقک انتخابنه تشبث ایدلدی ؛ قلمده ، ویدینده ، طرنوینده . نیشده ، صماقووده بلغار جماعتلری انتخابه اشتراکدن امتناع ایتدیلر . فقط براز صکره بلغارلرایکی به آیرلدیلر ؛ بر فکر ملی به تبعاً بطریقخانه دن آیرلغه تشبث ایشملر ایکن (پترسبورغ) قاینه سنک ترویج ایتدیکی آماله تمامیه ضد بر مقصده طوغری یکی بر جریان حاصل اولدی . سلانیک ومناستر ولایتلرنده خرسیتانلری قاتولیک مذهبنه جلب وادخال ایچون اجرای تحریکات ایدلمکده اولدینی آکلاشیدلی .

بلغارلره مسکون دیگر ولایاتده وبالخاصه (طولچی) جوارنده دخی بوکا مشابه تمایلات کوردلی ؛ جریان حاله نظراً قتولیک مذهبنه کوستریلن میلان ، بر طرفدن تشویق ایدیلیرسه ، بتون مملکته سرایت ایده جکدی . شو حقیقتی انکار ایتمه ملیدرکه ، (فرانسه) حکومتی بدایت مسئله دن اعتباراً احتیاط واحتراز ایله حرکت ایتدی و قتولیک بلغارلر امید ایتدکلیینه شبهه اولیان حمایه نی استحصاله موفق اوله مدیلر .

(فرانسه) نک بومسلکی بالاخره دخی دیکشمیدی وبوغریب ، شایان دقت مسئله نک حلنده بیوک بر تأثیر اجرا ایتدی . (پارس) قاینه سی اورتودوقس کلیسانسک انقاسانی دولت عثمانیه نک منافع سیاسیه سنه مغایر کوردیکی ایچون اصلاً تصویب ایتیموردی . فقط پاپالق مقامنک مسلکده و آسیای عثمانیده مقیم برچوق قتولیک جماعتلرینک حال حاضرینه نظراً بلغارلرک کندی لسانلریله عبادت ایللرینه و کندی راهبلینک اداره سی آلتده بولملرینه ای برنظرله باقیوردی .

۱۸۶۰ سنه سی اواخرینه طوغری بر بلغار پسقپوسی ، رفاقتنده صلاحیت تامه یی حائز اعضای جسمانیه بولندینی حالده ، ارمنی قتولیک بطریقخانه سنه کیتدی و بلغار هیئت رهباننک قتولیک مذهبنه دخولی شرائطی مذاکره ایتدی .

پسقبوس غایت واضح و قطعی بعض سؤالار ایراد ایلدیکندن ارمنی قتولیک بطریق (حاسون) دخی ایضاحات کافیہ اعطاسنه مسارعت ایلدی . بطریق ، (روما) کلیسانک بلغار ملتک تشکیلات جسمانیہ و روحانیہ سنه اصلاً مداخله ایتیمه جکنی ، پاپالق مقامی ایله شرق قتولیک کلیسالرینک مناسباتی نه ایسه بلغارلرک دخی عین صورتله مناسباتده بولنه جقلریخی ، بالخاصه بطریق و پسقبوسلرک انتخاب و تصدیق مأموریتلری ، آینلرده (پاپا) نک تذکیر نامی ، احوال مجبره دنیلن حالاتده (پاپا) نک حق مداخله سی ، یکی کلیسا رئیسینک (پاپا) نک درساعت و کیلی ایله مناسباتی کی خصوصاتده دیکر قتولیک جماعتلری کی حرکت ایدیله جکنی بیان و ایضاح ایتدی .

هیئت مبعوثه ، بلغار کلیسانک فرانسه حکومتک حمایه سی آلتده بولمسی تمنیاتی اظهار و کندی نظرنده ، یونان واسلاو اتحادلری تهلمک سنه قارشى بلغار ملتى محافظه و مدافعه ایدینه جک شیک آنجق قتولیک مذهبی اولدیغی بیان ایله ملاقاته ختام ویردی .

(پارس) قاینه سی ، طوغریدن طوغری به کندیسنه تعلقی اولان بومذاکرات و تشبثادن خبردار اولدینی زمان دخی مسئله نک بدایتدن بری تعقیب ایلدیکی مسالک بیطرفی خیر خواهانه دن انحراف ایتدی ؛ او وقتک مطبوعاتنه نظراً (فرانسه) نک بویه احتیاطکارانه طاورانه سی بالخاصه (روسیه) حکومتی طارلتماق مقصدینه مبتی ایدی .

(پترسبور) قاینه سنه ککنجه ؛ وقتیه بلغارلرک روم بطریقخانه سندن آیرلملری تشویق ایتدیکی حالده شمدی بومفارتک نتایج سیاسیه سی تخمیناته بسبتون مغایر کوردیکندن طبق باب عالی کی نه یاه جغی تعینده متردد ایدی . اختلاف مذهبینک بوصفجه سنه ، روم بطریقخانه سنه تقرب و شرق کلیسانده - اولجه اخلال ایلدیکی - اتحادی محافظه ایتک منفعتی اقتضاسندن ایدی . فقط ، عجباً بویه حرکت ایتک ممکنیدی ؟

اختلاف مذهبی ملی برشکل آلمش ، هر طرفده احتراصات ملیه میدانه حقیقمشدی . (قلبه) ده بلغارلر بطریقخانه دن تماماً آیرلمسلردی ، بورادن صادر اولان اوامر و اودرجه رعایت ایدیلوردی که سابق بطریق (کیریلوس) ک خانی هیچ بردائرة روحانیه ده تصدیق ایلمدی . آمال ملیه یی ترویج ایتین

رهبانك یا بطریقخانه دن آیرملق، یا خود عائدات و واردات مخصوصه دن، یعنی وسائط معیشتدن محروم اولق شقارندن بری تکلیف اولنیوردی. اهالی یالکز روم بطریقخانه سنك استبدادندن قورتولق ایستیوردی، مقصد یکانه سی. نوایدی؛ بونلرک ده اذیکلری روم و روس کلیسالیینه قارشلی تأمین استقلال ایچون (پاپا) یه تابع اولمی ایستیورلردی؛ بونلره (پاپا) نك حکومت جسمانیه سی منززل اولدیغی و کندیلمی حمایه ایچون تأمینات جدیدیه مقامنه کچمه جکی بیان ایدلیکی زمان پاپالق مقامنك حکومت روحانیه سی کافی اولدیغی و بوحکومتک ایه اصلا دوچار خلل اولیوب بوندن صکره ده دوام ایدوب کیده جکنی سولیلورلردی.

مع مافیه، باب عالی آرده. مقارنت حصونه چالیشمق ایستدی؛ ذاتاً یکی بطریق دخی اثلافه میال ایدی. باب عالی طرفندن تکلیف ایدیلن مساعداته بر شرط ایله، یعنی بطریقخانه دن آیرملق ایستیلره اوک آیاق اولان بلغار پسقفوسی (هیلا ریون) ک کندیسنی زیارت ایدرک ترضیه ویرمی شرطیه موافقت ایده جکنی بیان ایدی.

بوشرط بلغارلر طرفندن رد اولندی.

۱۸۶۱ سنه سی اوائلنده، درسعادتده مقیم ۲۰،۰۰۰ بلغار نامه حرکت ایدن ۱۲۰ وکیل، ایکی آرخیاندریت، برهاب، بردیاقوس (پاپا) نك درسعادت وکالتنه مراجعت ایدرک، ارمنی قتولیک هیئت رهبانك وکیلی ایله لاتین مناسترینك. راهبلی حاضر بولندقلری حالده، قتولیک مذهبنی قبول ایتدیلر. بومراسمک صورت اجراسنی مین اولان ضبطنامه باب عالی یه تقدیم ایدلدی؛ باب عالی تشبث واقعی نظر خیر خواهی ایله تلقی ایتدکن ماعدا جماعت جدیدیه رئیس آرخیاندریت (ماقاریوس) ک مأموریتی تصدیق واوزمانه قدر روم بطریقخانه سنه عائد اولان بعض حقوقی رئیس مومی الیه توجیه ایلدی.

(نوئل) یورطیسنده قتولیک کلیسالیینه اوچ درت بیک بلغار کیتدی. آیین روحانی بی اجرا ایدن رهبان «بلغار ملتک اعزّه نصارادن (سن مه تود) و (سن سیریل) ک وعظ و نصیحتلری اوزرینه خرستیانلغی قبول ایتدیکنی وبعده پاپا برنجی (نیقول) نك همتیله بومذهبده قالدیغی، بلغار کلیساسنك

(بیزانس) دکل، (روما) کلیسای طرفندن تأسیس اولدیغی، بلغارلرک شمعی قتولیک اولملریله ایلك کلیسالیینه عودت ایلدکیرینی «اخطار ایتدیلر».

روم بطریقخانهسی بوجراتکارانه تشبته آفوروز ایله مقابله ایدرک (پاپا) نك رفض و بدعت ایله متصف برپسقبوس اولدیغی اعلان ایلدی، بلغار قتولیکلر ایسه بالعکس بطریق (یوواکیم) ک رافضی و دینسز اولدیغی مقابله بیان ایتدیلر.

بر مدت، صکره (پاپا) برامرنامه نشر ایدرک باب عالی طرفندن قبول ایدیلن جماعت جدیده نك حقوقی تصدیق ایتدی؛ بونک اوزرینه (ادرنه) ده ۱۴۸۸ بلغار عائله قتولیک مذهبه چکدی.

بووقایع، نه صورتله حرکت ایتسی لازم کله جکینی (روسیه) یه کوسترمشدی؛ (روسیه) نك نظرنده بلغارلرک قتولیک مذهبنی اختیار ایتلمی صرف آرزوی استقلالدن نشأت ایدیوردی، استقلاللاری تأمین ایدیه جک اولورسه قتولیکلرک مذهب اصلیلرینه عودت ایده جکلری شهه سزدی، چونکه بونلر قناعت وجدانیله قتولیک اولماشلر، بلکه قتولیکلکی آمال ملیهلرینی استحصاله واسطه عد ایلشلردی. بلغارلرک قتولیک مذهبنی قبوللری حائنده موسقوف نفوذندن خارج قاله جقلاری شهه سزدی.

بوملاحظات (پترسبورغ) قایینه سنک ترددینه خاتمه چکدی؛ (روسیه) حکومتی بلغار کلیسانک بطریقخانه دن آیری بر مستقل کلیسا اولسی ایچون باب عالی یه مراجعت ایتدی و بلغارلری تشویق ایدرک بونلر طرفندن حکومت عثمانیه یه رجوق استدعایه ویزدیردی. باب عالی، شاید موافقت ایدرسه، اک مدهش دشمننه تهلیکلی برسلای ویرمش اوله جغه قانع اولدیغندن مقاومت ایتدی. حتی بوملاحظه یه مبنیدر، که بطریقخانه دن آیریلان، فقط اورتودوکسلنی محافظه ایدن (هیلاریون) و (بوقسانتیوس) اسمنده ایکی پسقبوسک علینه بطریقخانه مجلس روحانیسی طرفندن ویریلن منع اجرای آیین ونفی جزالری تصدیق ایتدی [*].

[*] تأمین ایلدیکنه کوره پسقبوس (هیلاریون) بلغار کلیسای بطریقلکنه تعیین اولنقی املنده ایدی؛ باب عالی نك بو فکره مخالف اولدیغی اعلان ایتدی اوزرینه قتولیک بلغار جماعته کیرمک تشبته بولمشدی.

او صرده ده ، یا پالقی مقامی طرفندن باش پسقپوسلغه ترفیع ایدمک اوزره
(روما) یه کیتمش اولان قتولک بلغار جماعتی رئیس (ژوزف صوقولسکی)
شهر مذکور دن درسعادت عودت ایلدی. مومی الیهک ایکی آی قدر ایفای وظیفه ایلد کدن
صکره ، (روسیه) سفارتخانه سی معیت واپورنده بر قاچ کون قلوب بعده
(اوده سا) یه فرار ایتدیکی خبر آندی .

وقوعنه احتمال ویرلین بو اهانتک نه بیوک بر تأثیر اجرا ایتدیکنی ایضاحه
حاجت یوقدر . رئیسز قالان قتولیک بلغارلر بوفراک (روسیه) حکومتک
تأثیر یله وقوعه کلدیکنی ظن ایتدیلر ، بعضیلری ده ایلری یه واره رق باش
پسقپوسک رشوت ایله جلب واقعا ایلدیکنی ادعا ایلدیلر ؛ حتی رشوتک مقداری
بیله تعیین اولنوردی .

بر حکومتک خلوص نیتی لکه دار ایده یله جک بویه بر اتهامه اشتراک
ایتمزدن اول مسئله یی یاقیندن تدقیق ایلک ایجاب ایدر . بناءً علیه پسقپوسک
فراری اوزرینه درسعادتده کی فرانسزلر آره سنده حاصل اولان فکری محضا
ظنات قیلندن اوله رق ذکر ایدیورم : (فرانسه) حکومتک بلغارلری قتولیک
اولغه تشویق ایتدکدن بشقه - لدی الایجاب حریت وجدانی مدافعه یه مهیا
بولنق اوزره - تما یله بیطرف قالشدی. بلغار قتولکلرینک تثبئات و تحریکات
مختلفه لری آره سنده (فرانسه) حکومتک بویه بر مسلك اتخاذ ایتسی هر
شیدن اول (روسیه) یی و احتمال که (انگلتره) یی کوجندیرمه مک ایستدیکی
ایچوندی . قتولیک بلغار جماعته اوریلان ضربه نا کهای ایسه (روسیه)
سیاستک، تعقیب ایلدیکی مقصده وصولدن بشقه برشی دوشونمدیکنی ، بالمقابله
فرانسزلری طارلماق کی ملاحظه لری خاطره کتیرمدیکنی کوسرتیریوردی.
اخلاق جهتندن صرف نظر ، مراجعت ایدیلن واسطه نک شکلی فنا ایدی .
مع مافیه قتولیک بلغارلر مایوس اولدیلر ؛ (قلبه) دن کلن بر پسقپوس
درسعادتده فراری رئیس روحانی یه وکالت ایتدی .

او صرده ده ، روم بطریقخانه سی شرق اورتودوقس کلیساسندن آیریلان
بلغارلر امتیازات مهمه اعطاسنی متضمن بر تحریرات عمومیه نشر ایتدی .

فقط ایش ایشدن کچمشدی . اختلاف او درجهیه وارمشدی که باریشمق ،
 فنار بطریقخانه سنه عودت ایتک ممکن دکلدی . بلغارلر ایچون یاییله بیله جک
 ابکی شی واردی : یا روم کلیساسندن آری مستقل بر بلغار کلیسای وجوده
 کتیرمک ، یا خود قتولیک اوله رق (روم) کلیسایه التحاق ایتک .
 اوزمان ، بلغارلرک افکار منوره اصحابی بو ایکنجی شقی ترجیح
 ایدیورلردی .





اون دردنجی باب

اور ديانك امر اصلاحتا تريباً دها زياده مداخله سي . — سلطانہ
عبدالحميدك وفائي . — هر يك عصيانى . — بر ولايت خريستيانريك امرالى .

(لوندرد) قاينه سي — (پارس) قاينه سنك مظاهريه — امر اصلاحتا
كيتد كجه دها متشبت و فعال حركت ايدىور و ، (پارس) معاهده نامه سنك
طقوزنجى ماده سنك ايكنجى فقره سي خلافتده اوله رق، خط هايونك كنديلرينه
رسماً تبليغ اولنديغى دول معاهده نك خط مذكور احكامنك موقع تطبيقه
وضعى تايمين ايده جك قانونلرك تنظيمى خصوصه اشتراك اينك حقنه مالك
بولندقلرينى ادعا ايلوردى . (انكلتره) خارجيه نظارتنك فكرينه و باب عاليه
ويرديكي تايميناته نظراً دول اجنبيه نك مداخله سي نيم رسمى صورتده وقوع
بوله جقدى . انكليز سفيري باب عاليه واقع اولان وسايا، شكايات و اخطاراتى
صره سنده پادشاهك حقوق حكمداريسنه رعايت لزومنى تايمين و تكراردن
خالى قالموردى .

وكلای عثمانیه سفرای اجنبيه ديورلردى كه : « اصلاحات مسئله سنده
عادتا بر مجلس مخصوص دولت كبي حركت ايتك ايستيورسكيز . تشكيلات
اجتماعيه مزه تعلق ايدن مسائل داخليله صاحب اختصاص اولسه كز و بالخاصه
بومسائلك صورت حلنده متجدد الفكر بولنسه كز، نه ايسه! فقط نه بواختصاصه،
نده اتحاد افكاره مالك دكلسكيز . بالفرض قانون عسكرى يي تدقيق ايدلم .
بز مختلط آلايلر تشكيلنى، مسلمان و خريستيانلرك قاريشيق بولنلرينى ، معافيه
خريستيانلرك دوچار ظلم و تضيق اولمالرى و صرف مذهب نقطه نظرندن
مشكلاته تصادف ايتمه ملرى ايچون تدابير شديد اتخاذا اولنسنى ايستيورز .

(فرانسہ) بزم فکر مزہ در ؛ (انگلترہ) آری آری آلایلر تشکیلی
ترجیح ایدیور ؛ (روسیہ) قانون حضورندہ مسلملر ایله غیر مسلملرک
مساواتی ممکن اوله میه جنی ادعاسیله خرسیتانلرک خدمت عسکر یه دن استنا
ایدملری لهنده بولنور .

» بزی کندی وجدانمزہ تبعاً و ملتک عزت نفسی محافظه ایدہ جک حدود
داخلندہ حرکت ایتکده سربست براقکز . علما قسمی بزم تصور آتمزدن ،
بروژہ لرمزدن اندیشناک اولیور ؛ بولری کندیلرینه قبول ایتدیره جکز ؛ فقط
دول اجنیه طرفدن بزه تضییقات اجرا ایدلرکنک آکلاشیلما می شرطیله .
باب عالی (اوروپا) نک تضییقنه ممکن مرتبه مقاومت ایتدیکی و دیگر
طرفدن الک مستعجل اولان اصلاحات مالیه و عدلیه ایچون صرف ماحصل
غیرت ایلدیکی صرمده ، بردها ترک ایتسه مک اوزره طوپخانه سراینه چکیلن
سلطان عبدالمجید مصالح دولته آرتق قاریشماز برحاله کلشیدی . صحتی مختل
اولیور ، وفاتی قریب الوقوع اولدیغی تخمین ایدیوردی ؛ مقرینک انترقه لرینه
آلت اولان ، قادین کبی ظریف و نازک بر حکمدارک یرینه خصائل مردانه سیله
سلطنت عثمانیه نک ایلک مؤسسارینی آندیران بر پادشاه کچه جکی ایچون عبدالمجیدک
ارتحالی آرزو اولنور بر حادته ایدی . دها طوغریسی ولی عهد عزیز افدینک
استانبول جاده لرندہ آت ایله کزدیکنی و یا بوغاز ایچی ساحلرندہ جرید
اوینادیغی کورن پایتخت اها ایسنک پادشاه مستقبل حقندہ کی افکار صافدلانه سی ،
بو مرکزده ایدی .

عبدالمجید ، تبعه سنک آرزوسنی یرینه کتیر مکده استعجال ایدیورمش کبی
اواخر عمرینه یا قلاشیوردی ؛ مکلف بر ضیافتدن صکره غشانه باشلامش ،
اخلامور کوشکنه قیامشیدی . اوراده ، ۲۵ حزران ۱۸۶۱ تاریخندہ
وفات ایتدی .

سلطان محمودک بیوک اوغلی تختہ چیقدیغی زمان داخل و خارج مملکتده
کمال مسرتله آلقیشلانمشدی ؛ طبع حلیمی ، افکار خیرخواهانه سی سایه سنده
(اوروپا) ده قلوب عامه پادشاه ایچون الک صمیمی محبت ایله متحسس ایدی .
برچوق سنهلر سویلی و سوکیلی بر حکمدار نفوذ و اعتبارینی محافظه ایتشیدی ؛
مسلمان و خرسیتانلرک کندیسنه امنیتی واردی ؛ هرکس سلطان محمودک

بر هیجان و اضطراب دور سلطنتدن صکره رفاه و راحت عمومی یی کافل. بر دور جدید آچیله جغنی امید ایدیوردی. سلطان عبدالمجید بر چوق خطالردن. صکرده محبت عمومی یی غائب ایتدی ؛ قریم محاربه سنی متعاقب غازی عنوان. ذیشان آلدینی زمان سلطان محمد جامعنه کیدرکن اهالی شایان دقت بر محبت ایله، جوش خروش مسرت ایله کندیسنی آلفیشلادی .

فقط کوزده لری کندیسنی نظر خلقدده دوشوردیلر . بر برینه رقیب ایکی. ناظر پادشاهی الدہ ایتمهک چالیشدی لر ، حکم و نفوذ لری آرتیرمق ایچون خنکارک حسیات خیر خواهانه سنه ، حسن طبیعتنه قارشی طور دیلر . مجنونانه مصرفلر اختیارینه سوق و بوصورتله اخلاقی افساد ایلدی لر .

الحاصل سلطان عبدالمجید کوزده لرینک وصایتی آلتده یشادی و - غریب بر تضاد اولق اوزره - مطلقیت اداره یه اک زیاده طرفدار بر پادشاهک خلقی ایکن تاریخنک ذکر و قید ایلدیکی اک ضعیف ؛ اک متلون حکمدارلردن بری اولدی .

مع مافیه عبدالمجید نامی « تنظیمات » ه الی الابد مربوطدر ؛ چونکه طغرای هایونلری اصلاحاتک اک مهم ایکی وثیقہ سی ، یعنی کلخانه ۱۸۵۶ خط هایونلری اوزرنده قالمشدر .

عبدالعزیز ، مقام سلطنته کچدکن بر قاچ کون صکره ، صدر اعظمه خطاباً تسلطیر ایلدیکی خط هایون باب عالیده مراسم مخصوصه ایله قرائت ایتدیردی ؛ بو خط هایونده داخلاً برادرینک سیاست احرارانه و تر قیورانه سنه دوام ایتک ایستدیکنی بیان و بو باده کی عزم قطعیسنه بر دلیل اولق اوزره اداره سابقه نک کافه رجالتک رتبه و مأموریتلری بقا ایتدی. خط هایونده بالخاصه اعتبار مالی حکومتک اعاده سی و بلا تفریق جنس و مذهب کافه تبعه یه عدالت متساویه و پدرانہ تأمین لزو مندین بحث اولنمده ایدی . فی الحقیقه دولتک حالی - عبدالمجیدک جلوسی زماننده کی قدر تهلکه کی اولماقله برابر - پادشاه توجه ایچون باعث اندیشه اوله جق درجه ده قاریشیق ایدی .

بحران مالی صوک درجه شدتی بولمشدی ؛ قره طاغ ایله مطلقا محاربه ایدیله جک کچی کورونیور ایدی ؛ هر سک ایالتی مدهش ، وحشیانه بر عصیان خراب ایدیور ، (اوروپا) دولتری عرض توسط ایلورلردی .

بالخاصه (هرسك) ولايتنده آسایشك اعاده سی الك مستعجل ومهم بر ایشدی ؛ چونكه باب عالینك نظرنده حقوق حکمرانی پادشاهی بی دول اجنیه نك مداخله سندن زیاده اخلال ایدن بر حال تصور اولنه مازدی واوروپالیرك مداخله سی « افکار عمومیہ نظرنده دولت عثمانیه نك دول غریبه یه تابع ومنقاد اولدیغنی » کوسترمکدن بشقه برایشه یارامیوردی .

عجبا عصیان ایدن اهالی نه ایستورلردی ؟ تبعه عثمانیه دن بر صنف خلقك - یکریمی سندن بری خط هایونلر ایله کندیلرینه عداوت ، مساوات وحامیت وعد اولندیغنی حالده - پك فنا بر حالده یشادقلرینی آ کلامق ایچون عاصیلرک شکایاتی تدقیق ایتك ایجاب ایدر .

هرسك خرسیتیانلری دییورلردی که : « بز خیرخواه ترك مأمورلریله حکومت محلیه من نزدیکه بزه وکالت و منافعه منی محافظه ایدن بر قوجه باشی ایستوروز . دیمزه حرمت ایدلمسنی ، کلیسا انشاسنه و بو کلیسالرده چاک قله سی بنا واستعمالنه مأذون اولمقلغمزی ، کندی ملتزدن بر پستپوسك تحت ریاست روحانیه سنده بولمقلغمزی ، مکتبلر آچه یلمکلمکمزى ، ضبطیه لرك خانه مزده اقامت ایتمه ملرینی ، آغالره محصولات زراعیه نك ربغدن زیاده بر شی ویرمه مکلمکمزى و بوربعك دخی آغالرك مأمورلری طرفندن دکل ، کندی وکیللر من طرفندن اخذ و تحصیل اولمسنی ، بتون ویرکولرك خانه باشنه مقطوع بر مبلغ اوله رق تعیینیه بونك اخذ و جباتنه قوجه باشیمزك مأمور اولمسنی طلب ایدیوروز . »

(موستاز) شهرنده کی دول اجنیه قونسلوسلرینه ویریلن استعدانامه ده محرر بوسوزلر حقنده بیان مطالعه یه حاجت یوقدر ؛ چونکه رعایانك اولکی کی مسلمانلردن دون بر موقعه قاهره مأمورلرك تضییقاتنه ، مسلمان اصحاب اراضینك ظلملرینه ، ویرکو تحصیلدارلرینك سوء استعمالتنه معروض بولندقلری آ کلاشیلیوردی .

باب عالی هر سکیلرک شکایاتی حسن تلقی یه مسارعت ایتدی و حتی عفو عمومی اعلان ایتدی ومتداخل ویرکولرك عفو ایدلیکنی قوماندان عمر پاشا معرفتیه اهالی محلیه یه بیلدریدی . مع مافیه باب عالینك مسارعة اظهار ایدلیکی بو علوجناب عاصیلره تمامیه امنیت بخش اوله مدی ؛ بونلر (موستاز) ده کی دول

اجنيه قونسلوسلرندن مرکب قوميسيونک تحت حمايه سنده اوله رق تأمينات قويه
اينستدير .

آسايش مملکت، آمحق بر چوق آيلر دوام ايدن مذاکر اتدن صکره تأمين
ايديله بيلدي ؛ فقط سکونت افکار پک آز دوام ايتدي ؛ چونکه باب عالی
هرسک اهااليسنک دائره اطاعته داخل اولمق ايجون شرط اتخاذا ايتدکلى
تعهداک قسم اعظمى موقع اجرايه قويمدي .

بوکتابده وتاييع تاريخيه ي زمان وقوعلى صره سيله تحرير ايتمش اولسه يدم
سلطان عبدالعزيزک اوائل سلطنتنده کى حادثات ائناسنده موقع تطبيقه وضع ايديلن
ويا ساده جه قرار کير اولان بر چوق اصلاحاتى بوراده ذکر وايضاح ايلکلکم
لازم کليردي . فقط تاريخمزي بسيط برشکله قويمق وتکررلردن اجتناب
ايلک ايجون [چونکه عين مسئله لردن بر چوق سنه لک فاصله لردن صکره ينه
بحث ايديله جکدر] شمديک بو نيم تدابيرى ذکره لزوم کورميه رک آتيا تدقيق
ايده جکم .

باب آئيده ۱۸۴۶ خط هايوننک الک شايان دقت بر محصولى اولان ولايات
قانوننک تدقيقه ابتدار ايليه جکم .





اون بشنچی باب

ایلك ریالات قانونی

سلطنت عثمانیه نك ایلك زمانلرنده مملكت لوا ویا سنجاقل نامیه كوچك پارچهلره آیرلمش و بونلرك هیئت مجموعه سی بری روم ایلی ، دیکری آناتولی بکله بکی اولمق اوزره ایکی بیوک مأمورك زیر اداره سنه ویرلمشدی .

اون آلتنجی عصر میلادی اواخرینه طوغری متعدد لوالر برلشدیریلرک ایالتلر تشکیل ایلدی . بوتشکیلات ، سلطان محمود زماننده بر قاچ کره تعدیل ایلدکدن صکره ، ۱۸۶۱ سنه سنه قدر دوام ایلدی .

سنه مذکوره ظرفنده طونه ایالتنك تشکیلاتی - اکثر موادی (فرانسه) اصول اداره سنه موافق اولمق اوزره - تعدیل و برای تجربه موقع تطبیقه وضع اولندی . اصلاحات فرمان هایوننك اون اوچنجی فقره سنه موافق اولان بوتعدیلات و تبدیلات - عالی پاشانك افاده سنه نظراً - اهلینك مصالح عمومیه اشتراکی قاعده اساسیه سنك موقع تطبیقه وضعه و مرکزیت اصولنده جاری اولان مطلقیت اداره نك تخفیف و ازاله سنه مدار اوله جقدی .

۱۸۶۴ قانوننك [*] وجوده کتیردیکی ولایتلر ، (فرانسه) ده پارتمانلری کبی ، سنجاقلره ، سنجاقلر قضالره ، قضالر ناحیهلره تقسیم ایلدشدر ؛ سنجاقلر متصرفلرک ، قضالر قائممقاملرک ، ناحیهلر مختارلرک اداره سنده اولوب جمله سی والینك امری آلتنده درلر .

بوتقسیمات ملکیه نك هر بر درجه سنده ، اکثر اعضاسی انتخاب ایله تعیین ایلدك اوزره ، بر مجلس و بر محکمه موجوددر .

مجلس و محاکم مذکوره اعضاسی تقسیمات ملکیه نك هر درجه سنده عینی

[*] کتابك نهایتنده ۳ نومرولی ذیله مراجعت .

صورتله انتخاب ایدیلرلر . بوبایده بر سنجاغك نمونه اتخاذ اولنه رق مأمورین اداره وعدلیه نك نه صورتله انتخاب وتعیین ایدلگرنی ایضاح ایتك کافیدر . هر سنجاقده ایکی سنده بر متصرف ، قاضی ، محاسبه جی ، مفتی ایله جماعات غیر مسلمه رؤسای روحانیه سی وتحریرات مدیرندن مرکب بر مجلس انتخاب تشکل ایدر . بوهیئت سنجاغك مجلس اداره سیله حقوق وجزا محکمه لری ایچون تعیین اولنه جق اعضانك اوچ مثلی اولق ونصفی مسلم ونصف دیکری غیر مسلم بولمق اوزره مناسب ذواتی انتخاب ایلر .

بوصورتله تنظیم ایدیلن جدول اسامی قضا لرك مجالس اداره سیله محاکمه توزیع اولنور . بونلرده نامزدلرك مقداری سنجاق مجلس ومحکمه سنده تعیین اولنه جق اعضانك ایکی مثله تنزیل ایدرلر .

قضالرده تعدیل ایدیلن جدوللر سنجاق مرکزینه اعاده اولنور ؛ اوراده مجلس انتخاب ، قضالرده الك آز رأی آلان مسلم وغیر مسلملری مساوی مقدارده جدولدن اخراج ایدرک نامزدلرك عددینی ایلك جدولده کی مقدارینك ثلثانه تنزیل ایلر . بوصورتله انتخاب اولنه جق اعضانك ایکی مثله مساوی اسامی یی حاوی بر جدول میدانه کلیر . بو جدولده کی اسامی والی طرفدن تصفیه ایدیلر ؛ صوك معامله تفریقهدن صکره جدولده اسملری قالان ذوات سنجاق مجلس ومحکمه سنده اعضا تعیین اولنورلر .

سنجاق مرکزنده متشکل بر مجلس انتخاب طرفدن اوچ مثلی نامزد تعیینی ، سنجاغك دوننده بولنان قضا مجلس اداره سنجه بو نامزدلرك ثلثی چیقارلقدن صکره یینه مذکور مجلس انتخاب طرفدن نامزدلر عددینك ثلثانه تنزیلی ، قوه اجرائیه رئیسی اولان والی طرفدن دخی بر ثلثه ایندیرلمسی ، ایشته مجالس اداره ومحاکم عدلیه اعضانك انتخابی ایچون تعقیب اولنان قاریشیق اصولك خلاصه سی .

بو غریب اصولك تفرعاتی یکنظرده آکلامق خیلی مشکلدیر ؛ متخیلرك قسم اعظمنجه معما کی تلقی ایدلدیکنه ایسه شبهه یوقدر .

قانونك احکام اساسیه سنده نظراً اهالی ولایاتده کی مجالس ومحاکمه مأمور اعضایی انتخاب ایتك صورتله مصالح عمومیه یه ، محافظه منافع محلیه یه اشتراك ایده جکلردی . طرز انتخابده حقوق عوامك نظر دفته آلدینی انکار اولنه ماز .

لکن بر آز دوشونیه جک اولورسه طرز جدید حکومتک بیوک بر اثر ترقی اولدینی شبهه سز بولمقله برابر خرستیانلره مساوات و سربستی استعمال حقوق تأمیندن اوزاق اولدینی آکلاشیلیر . ۱۸۶۴ قانونک نامزد انتخابی خصوصده رعایایه بخش ایلدیکی حق ، بونلرک حقوق ملکیه و سیاسیه لرینی و امور اداره حکومته اشتراک لرینی تأمین ایتیوردی .

فی الحقیقه شوراسی شایان دقتدرکه مجالس و محاکمه اعضا تعیین اولنق جائز اولان کیمسه لرک جدول اسمایسنی طوغریدن طوغریه تنظیم ایدن مجالس انتخابیه اکثریتله مسلمانلردن مرکبدر و نامزدلرک تفریق قطعی صلاحتی مسلمان مأمورلره ویرلمشدر [۱] . بو شرائط داخلده حق انتخاب حقیقه سربست اولدینی ادعا ایدیلهمز ؛ واقعا قانون جدید مسلمان مکلفین ایچون تأمینات کافیه ویرلمکده ایهده خرستیان متخبلره امید کاذبدن بشقه بر شی بخش ایتیور ، خرستیانلر اکثریتی احراز ایدن مسلمانلر نظرند شایان قبول کیمسه لره اعطای رایه مجبور بولنیوردی .

فقط شو جہتی نظر دقتہ آلمق لازمدرکه اهالی ایلک دفعه اوله رق مجالس و محاکم محلیه نک تشکیلاتنه اشتراک ایتدیرلرکندن اوزمانه قدر مصالح عمومیه دن اوزاق طوران صنوف تبعه یی ده اواسع ودها مستقل برحق انتخاب حاضر لاق ایچون بعض تدابیر احتیاطیه یه توسل ایتک مقتضی ایدی .

اصول اداره حکومتک تبدیل ایلدیکی بردورده بودوشونجه یک طبیعی اولمقله برابر بعض مأمورینک اعضای طبعیه صفیله بولندینی مجالس مختلفه نک صورت تشکیکنده طریق افراطه کیدلمشدر [۲] . هر یرده تبعه مسلمیه تأمین ایدیلن تفوق ورجحان ، خرستیان اهالینک ده اکثریتی بولندینی ووقیله کندی کندیلرینی اداره یه آلیشدینی محللرده تحمل ایدلر بر درجه یه کله بیلردی .

نته کیم بعض محللرده و بالفرض ادرنده مجلس اداره ده اون بر مسلمان و اوچ اعضا بولندینی حالده مسلمان متخبلری ۴،۰۰۰ ، خرستیانلر ۶۰،۰۰۰ ایدی . یانیه سنجاغنده ، بوسنده ، جزائر بحرسفیدده دخی حال بومر کزده ایدی [۳] .

[۱] ۱۸۶۴ تاریخلی ولایات قانونک ۶۷ ، ۷۳ ، ۷۸ نجی ماده لری .

[۲] قانون مذکورک ۱۳ ، ۱۹ ، ۳۳ ، ۳۹ ، ۴۶ ، ۵۱ نجی ماده لری .

[۳] ۱۸۷۶ درساعات قونفرانسی ضبطنامه سنک برنجی ذیلنه مراجعت .

قدیم محاکم شرعیہ نک یربہ قائم اولان محاکم حقوقیہ و جزائیہ دخی مساوات نسبیہ رعایت ایدلمہ مشدی . بو محکمہ لک رؤسائی - محاکم تجارت مستثنا اولق اوزره - هر پرده صنف علمادن ایدی .

قوة اداره ویا اجرائیه نک قوه عدلیه دن آزچوق تفریق ایدلمسندن طولانی شایان دقت بر ترقی حصوله کلیوردی . فقط لایعزل اولیان واوله میان ، سنوی بش یوز غروش ویرکو ایله مکلف ، بر درجهیه قدر صاحب اعتبار اولوب یازوب اوقومق دخی بیلن هرکسه آچیق بولنان محکمہ اعضالری نک استقلال فکر وحرکتلریه حقیقهٴ اعتماد اولنه بیلیرمی ایدی ؟

دیگر طرفدن محکمہ رئیسک وظیفه وصلاحیتی پک نقصان بر صورتده تعریف و تعیین اولنمشدی ؛ هنوز اصول محاکمات حقوقیه و جزائیہ قانونلری موجود اولدیغندن تشکیلات جدیدده بو نقصانک وخامی دهها زیاده حس ایدیلیوردی .

قانونک بعض امورده والیلره همان استقلال درجه سنده صلاحیت کامله ویرن موادنن اوزون اوزادی به بحث ایتیمه جکم . یالکز شوراسنی ذکر ایتیمک کافیدرکه ولایتده کی دفتردارلر ، مصالح اجنبیه ، نافعہ ، زراعت و تجارت مدیرلری هم والیلره ، همده منسوب اولدقلری نظارتلره تابع بولنمقده و بو حال اختلاف ظهورینه سبب اولمقده ایدی .

الحاصل ایلامک ولایات قانونی اهالی به نسبة جزئی بر سرستی تأمین ایتیمکه برابر حکومت مرکزیه نک دائماسلمان عنصرینک تفوق ورجحانی محافظه به عزم ایتدیکنی و مسلمانلرک دوننده بولنان رعایایه و یریه جک مساعداتک حکومت علیهنده استعمال ایدیله بیله جک بر سلاح مقامنه کچه جکی واهمه سی حاصل اولنجه طریق اصلاحاتده توقف ایلدیکنی ارائه واثبات ایتیمکه ایدی .





اون آلتنجی باب

عالی دروآباد پادشاهك نمايهوت ترقی سلكانسه غلبه ایتلمدی . —
مطلقیت اداره علیه بریده جریانه افکار . — کنج نرکبا .

اصلاحات مسئله سی هر کسی اشغال ایتلمده ایدی . بر آراق ، ۱۸۶۳ سنه سی اوائلنده ، پادشاهك — متعصب علمانك تلقینائی و آشانی صنف پولیتیکه جیلرک نفوذی تأثیریه — اسلافك اثرینه اقتفا و تنظیمات و اصلاحات دوام ایده جگینی وعد ایلدیکی خط هایونی رد وانکار ایتلسندن قورقلمش ایدی .

طرف پادشاهیدن ویریلن بعض اوامر غریبه بو باده کی قورقورلی آرتیریور ، حتی سلطان عبدالعزیزك مطلقیت ادارهیه اولان حرص و هوسی فوق العاده بر درجهیه واره رق کندیسنده علام جنت حقیقه کورلدیکنه دائر شایع اولان روایت تأید ایدیور کبی کورونیوردی [*] .

مع مافیه عالی و فؤاد پاشا لر رأس کاردن چکلمکه قرار ویرمش اولدقلرندن و پادشاه بو ایکی وزیر نامدارك استغفارلی تقدیرنده یالکمز ، بناء علیه بی اقتدار قاله جغنی آکلادیقندن ۱۸۵۶ اصلاحات فرمانی تأییداً و صدر اعظمه خطاباً ایکی بر خط هایون صادر اولدی . پادشاه ، خطیات سابقه سی شمدی کوستره جکی فرط غیرت و همت ایله اوزتمك ایستیورمش کبی ، بودجه آجیغنی قیامق ایچون شهری ایکی ملیون غروش اعطاسنی بالاخیار وعد ایتدی . بویه بر تعهد اختیارینك قیمت حقیقه سی معلومدر ؛ بر مدت صکره پادشاه وعدینی ، تعهدینی اونوتدی .

حکومت ، یکیدن ، تجربه سزلکی درجه سنده متلون و بیقرار اولان بر حکمدارك آمال و هوساتنه اویونجاق اولدی . سلطان عبدالمجید ، هیچ اولمازسه ، امور

[*] روایتیه نظراً صدارتی بر مولوی درویشنه تکلیف ایتشدی .

اداره ده کی کفایت سزایکنی ، ضعفی حلم و ملائمت فوق العاده سیله اونو تدییور دی . حال بوکه عبدالعزیز شدت الطبع و معند ایدی .

افکار منوره صاحبی و ظن پرور مسلمانلر - پادشاهک مطلقیت اداره سسته نهایت ویرمکی تخیل و بوکا تشبث ایدن حسین پاشا ایله حساب سز طرفدارلرینک زماننده اولدینی کبی - سرایک استبدادینه قارشى عصیان ایتک احتیاجنی حس ایدیورلردی . بونلر پادشاهک ده قانون عمومی و مشترکه تابع اولمسی لازم کله جکنی ، دولتک بتون قوانین و موضوعاتی اصلاح ایدیلیرکن پادشاهک صلاحیت بی نهایت سسته طوقونماق مناسب اولمیه جغنی دوشونورلردی .

حد ذاتنده هنوز پک مبهم اولان و کرک پایتختده ، کرک پاشلیجه مراکز ولایاتده آره صره غایت خفیف صورتده ظاهره چیقان بو دوشونجهلر ، اندیشه لر آز بر مدت صکره تعمیم ایلدی و نهایت ، بالآخره صدر اعظم اولان رجال حکومتدن برینک امضاسنی حاوی بر پروگرام شکننده عرض وجود ایتدی [*] . خیرالدین پاشا بتون مسلمانلرک آکلاویه سیله جکی بر طرزافاده ایله دییوردی که : « هرکس کبی حکمدارلر دخی طبیعت بشریه یه خاص اولان ضعف و عجز ایله متصف اوله بیلیرلر . یا دیگر انسانلره قوماندا ایتک ایچون لازم اولان اقتدار و اهلیتی حائزدرلر ، یا خود بو اقتداری حائز اولقله برابر هوسات و احتیاصاتلرینه غلبه ایده مزملر ، و یانه اقتدار و اهلیت ، نه ده عزم و متانت صاحیدرلر .

« ملنک امور حکومته معاونت و اشتراکی ، وکلانک مسئولیتی ، مصالح عمومی هده بر قوتنرول موجود اولمسی برنجی صنفه داخل اولان بر حکمدارک آرزو ایتدیکی ایلدی باقیمسسه مانع اولماز ، بالعکس او حکمدار ، افعال و حرکاتنی قوتنروله مأمور ذواتک معاونت لرینه نائل اولدینی ایچون کنندینی شایان تبریک عدا ایتمه لیدر .

« غیر مقتدر حکمداره کلنجه ؛ انکلتیره باقیکنز : انکلتیره ، مجنون بر حکمدار اولان اوچنچی (ژورژ) زماننده دوچار اولدینی بحران قدر تهدیکلی

[*] بو پروگرام آنجق ۱۸۶۸ سنه سننده (حکومت اسلامیه یه مقتضی اصلاحات Riformes nécessaire aux Etats Musulmans) نامیه نشر ایدلشد . سلطان عبدالعزیز سلطنتک بو دورنده ، یعنی ۱۸۶۴ دن ۱۸۶۸ سنه سنه قدر جاری اولان افکاری پک کوزل تصویر ایتدیکی ایچون بوراده مختصرأ بحث ایتکه لزوم حس ایتدم .

بحران کورمه مش وقوت وعظمتی ایچون اوزمانکی حرکتیدن دها علوی بر دلیل کوسترمه مشدر . (قونسولک وایمراطورلق) دورلری تاریخک مؤلف محترمی اثرینه شو کلام موجز ایله ختام ویریور : (بر شخصک حکومتی ، حکمدارک اقتدار واهلیتی نه قدر یوکسک اولورسه اولسون ، دائماً تهلیکه لیدر .) « ممالک عثمانیه ده فقه شریفک قسم سیاسی و دینیسنه عائد اثرلر یازان عالملر قانون حکم وقوتی حائر اولان تفسیرلرنده متحدالفکر درلر ؛ بونلر حقوق حکمداریدن قسم اعظمک وکالة هیأت واشخاص مناسبه تودییی خصوصک بیله بر حکمدارک حقوقی تحدید ایتیه جکنی ، بالعکس دین محمدینک قبول ایلدیکی حقوق حکمداریدن برینی تشکیل ایلدیکتی بیان ایدیورلر .

« بوباده سلطنت عثمانیه نک بر قانون قدیمی توسیع و اصلاح ایتک کافیدر . سلطان سلیمان اولک تنظیم ایلدیکی قانون سیاسیده [*] دینلیورکه : (اداره دولت علما ایله وکلایه مودوعدر ؛ پادشاه طریق مستقیمدن انحراف ایدرسه علما و وکلا خطرات لازمه ده بولمغه صلاحیتدار درلر . پادشاه بواخطا راتی نظر دقته آلمازسه علما و وکلا اردو رؤسانی کیفیتدن خبردار ایده جکلردر . شاید پادشاه احکام قانونیه یی اخلاصده و هوساتنه تبعیتده اصرار و دوام ایلرسه خلع ایدیله جک ویرینه خاندان پادشاهی ارکانندن بر دیکری انتخاب اولنه جقدر .)

« شو حالده علما و وکلانک وظیفه سیاسیله ری (اوروپا) نک حکومت مشروطه سنده کی مجلس مبعوثان وظاقتک عینیدر ؛ حتی علما و وکلانک وظیفه و صلاحیتلری دها عالی بر مرتبه ده در ، دنیه بیلیر ؛ چونکه بو قوت و تروله لزوم کوسترن احوال و اسبابه مسلمانلرده ریاست دینه دخی منظم اولور . « قانوننامه سلیمانی پک چوق زمان حکومت بر تاثیر حیاتبخشا اجرا ایتیش و دولت عثمانیه نک ترقی و تعالیسنه سبب اولمشدر . »

ایشته مسلمانلر آره سنده تعمم ایتکه باشلایان و بالخاصه مقاصدی ، حتی تشکیلاتی مجهول بر نوع جمعیت سیاسی اولان « کنج ترکیا » نک ترجان اولدیغی افکار و حساباتک خلاصه سی بو ایدی .

[*] قانون ، یا خود قانوننامه سلیمانی ، امور مالییه ، امور عدلییه ، انضباط عسکرییه تیاریوزعامتله ، سرای مراسم و تشریفاتنه عائد اولق اوزره بش قسمدن مرکبدر .


بالآخره کوریله جکی وجهله بو جریان افکار تدریجاً فعلیاته منقلب اولدی .
و حتی شمدی بحث ایتدیکمز زمانده تنظیماتک مدافع غیوری اولان ایکی بیوک
وزیرک خلفری زمانده مشروطیته بکیزر بر اصول اداره برای تجربه موقع
تطبیقه قوندی .

عالی وفؤاد پاشالارک حقوق حکمدارینک سوء استعمالنه سد چکیلیمی
خصوصنده کی آمال وافکار جدیدینی قبول ایلدککری شبهه سزدی ؛ فقط بویکی
وزیر بنای حکومتک تمللرندن زیاده سققی ایله مشغول کی کورینلارک صبر سز-
لقلرینه اصلاً اشتراک ایتیمورلر و مسئولیت و حریت اساسلرینه مستند بر اصول
اداره نک تأسیسی آرزو ایتمکله برابر هر شیدن اول ممالک عثمانیه نک احوان
مادیه واقصاده سنی اصلاح ایتمک لزومه قانع بولنیورلردی .

بو نقطه نظرندن حکومتک وظیفه سی او قدر واسع وقاریشیق ایدی که
حصول موفقیت شبهه لی کورونیوردی . حکومتک اجرا آتی ایچون عمومی بر
پلان یوقدی . بعضاً تهلکه لی اولان طریق تجدد واصلاحاتده نیم تدبیرلر، شبهه
وترددلر ایله یلری کیدیلنیوردی .

ولایات قانوننک نشرندن صکره بر قاچ سنه هیئت وکلا مملکتک احوال
اقتصادیه سیله مشغول اولدی ، بر چوق نظامات وقوانین وجوده کتیردی .
بونلرک الک مهملری ، منافع خزینیه مضرتی سفارات اجنبیه طرفندن بالدفعات
اخطار اولان حقوق تصرفیه اراضی قانونیدر . بوقانونی براز تفصیلاً ایضاح ایتمک
اقتضا ایدر .





اون يدنجي باب

تراير اقتصاديه — حقوق تصرفنده تعديلات

احكام قرآنيه به نظر آجانب حق هر شيك صاحب يكانه ودائمي اولديغدن .
انسان اشغال ايلديكي طور ارك، اراضيك ساده جه ذي اليدر .

شوقاعده دينيك نتيجه سي اوله رق مسلمانلرك نظرنده، حق تصرف ماهيت دينيه ني حائر در؛ برملتك احوال و شرائط اجتماعيه سي عادات و يا قوانينك شخص ايله بوشخصك اقامت ايتديكي ارض آره سنده تأسيس ايلديكي مناسباته منوط اولديني حقيقي قبول ايديليرسه تركرك تشكيلات سياسيهرينك كرك هيئت عموميه سنجه كرك الك اوافق تفروعاتجه برشكل ديني آلمش اولسنه يكانه سبب اوله رق كوستريله بيلير .
تركياده حق فتح دخي حق تصرف ايله احوال اجتماعيه افراده دين قدر اجراي تاثير ايتدي . ملت غالبه عائد اولان حقوق و ملت مغلوبه به تحميل ايديلن تكاليف تايد ايدلدي؛ بو نقطه نظردن مملكت ملك و يا اراضي عشريه و اراضي خراجيه ناميله ايكي به آريله بيلير .

بو ايلك تقسيم سلسله مراتب مليه به موافقدر، بو سلسله مراتبده .
«امام»، يعني حكمدار طرف الهيدن حائر اولديني حقوقه استناداً ثروت عموميه نك مديري صفتيله الك بوكسك موقعي اشغال ايدر . امامك دوننده «رعيه» يعني اهالي و بالخاصه اهالي اسلاميه كلير . بونلرك ياننده، فقط ده دونا بر درجه اولمق اوزره «ذمي» يا خود «كفار»، يعني صورت دائمه ده «دارالاسلام» ده اوطوران غير مسلملر، مؤمن اوليانلر ايله صورت موقته ده اقامت ايدن .
«مستم» لر بولنور .

اراضي عثمانيه، قانون قديمه نظراً، ديكر بر صورتله دخي ايكي به تقسيم ايدلمشدر:

محلوه قالان اراضینک الحاقیه صورت دائمهده مقداری تزايدیدن اراضی^۱ میریه ، مؤسسات دینیه وقف ایدیلن و کیمسهیه توارث ایتیم اراضی^۲ وقفیه . ۱۸۵۶ خط هایونی هرکسک قانون نظرنده مساواتی قبول وتصدیق ایتدیکی جهته ۱۸۵۸ سنهسنده حق تصرفک اساسی تعدیل وقوانین محلیه یی ممکن مرتبه دول متمدنده جاری اصوله توفیق ایدهجک صورتده بر قانون نشر ایدلدی . قانون جدید احکامی [*] تدقیق اولنور و مرعی الاجرا قالان قوانین قدیمه دخی نظر دفته آلنیرسه ممالک عثمانیهده حق تصرف اراضینک ملک ، اراضی^۳ میریه ، اراضی^۴ موقوفه اولسنه کوره باشلیجه اوچ درلودر .

اراضی^۵ موقوفهده ایکی نوعدر : یا حکومت ، یا خود افراد طرفندن جامعله تخصیص اولنان املاک و اراضیدن مرکب اوقاف صحیحه [**] ، غیر محدود بر مدت مستأجر صفتی محافظه ایتک اوزره افراد طرفندن جامعله ترک ایدیلن املاک و اراضیدن عبارت اوقاف غیر صحیحه و یا معتاده .

اوقاف صحیحه نك حق تصرفی جامععه عائددر . بو نوعه داخل اراضی یالکیز محصولاتندن ویرکو ویرر . بونلر اشخاصه ایجار ایدیلیر ، مستأجرلر دخی بر دفعهیه مخصوص بر رسم و هر سنه لایتغیر بر رسم مقطوع و بر درک اراضی یی ایشلتیلر .

اوقاف غیر صحیحهیه و یا معتادهیه کلنجه ؛ پک زیاده تعمم و تکثیر ایدن بونوع و قفلر عثمانیلرک اخلاق وعاداتی بر صورت غریبهده ارايه و ایضاح ایدر ؛ محض اراضی و املاک متصرفی اصولی دائرهسنده حجزدن ، یا خود مأمورلرک سوء استعمالاتندن ، کیفی بر صورتده مصادرهدن محافظه ایتک مقصدیه وجوده کتیرلشددر .

اوقاف معتاده شوصورتله یاییلیر : اراضی و املاک ، صاحبی طرفندن قیمتک

[*] ۲۱ نیسان ۱۸۵۸ تاریخی اراضی قانونی اراضی یی بوجه آتی بش قسمه آیرمشددر :

- ۱ . — افراد عهدهسنده کی ملک .
- ۲ . — حکومت عائد اراضی^۱ میریه .
- ۳ . — فراغ وانتقاله تابع اولیان اراضی^۲ موقوفه .
- ۴ . — عمومک استعمالنه ترک ایدیلن اراضی^۳ متروکه .
- ۵ . — خالی یرلردن عبارت اراضی^۴ موات .

[**] اوقاف صحیحه دخی اصل جامععه موقوف املاک ایله مؤسسات خیریهیه موقوف املاک اولقی نقطه نظرندن ایکییه آیریلیر .

تقریباً اوندہ برینہ مساوی اولقی اوزرہ بروجه پشین اعطا ایدیلن مبلغ مقابلندہ برجامه فراغ ایدیلیر. جامع، حقیقت حالده فارغ عنہ قید حیات شرطیلہ ویرلمش بر ایرادن عبارت اولان بواره نیک نمای سنوینی آلیر. فارغ عنہ حق انتفاعی محافظه ایدر؛ فقط بوحق یالکیز برنجی درجه ده کی وارثه، اولاده انتقال ایدہ بیلیر. بونوع اوقاف اراضی ویرکوسندن مستثنادر، محکمہ قراریلہ حجز دخی ایدیلہ من. فارغ عنہ بلا ولد وفات ایدرسه - احفادی اولسه بیلہ - املاک جامعه قالیر، اونک مال صریحی اولور و بردها ماهیتی دیکش دیریلہ من، چونکہ مشروطه در، یعنی فراغ وانتقاله تابع دکلدر.

ایشته اراضینک قسم اعظمی بوغریب صورتده جوامعه وقف ایدلمش، خزینہ حکومت الک مهم منبع وارداتدن محروم ایدلمشدر.

ملک اراضی یه کلنجه؛ منشأی زمان فتحه عائد اولان بونوع اراضی واملاک و قبیله ملت غالبه افرادی آرہ سندنہ تقسیم ایدلمش اراضی عشریه ایلہ غیر مسلم یرلیر النندہ براقلمش اراضی خراجیه یی محتویدر. اراضی خراجیه یا محصولک عشرندن نصفنه قدر تبدل ایدن نسبی بر ویرکویه، یاخود جزافاً تعیین ایدلمش مقطوع بر ویرکویه تابعدر.

ملک اراضی اراضی میریہ دن تفریق واشخاص عہده سنہ تفویض اولان اراضی ایلہ تزايد ایش و صاحبی حق وراثت، فراغ وانتقاله مالک بولنمشدر. مع مافیہ بوحق علی الخصوص مسلمان اصحاب اراضی ایچون اکثریا سوزدن عبارت قالمقده ایدی.

اراضی میریہ حکومت طرفندن طغرای پادشاهی یی حاوی طابو ایلہ اشخاص عہده سنہ ویریلن دولت اراضیسیدر.

طابونک بخش ایلدیکی حق تصرف مأمورین عائدہ سنک مساعدہ مخصوصه سی اولدقجه فراغ ایدیلہ من؛ برنجی درجه ده ورثیه ویا متوفانک اولادینه انتقال ایدر. بونلر موجود اولدینی تقدیرده حق تصرفی ادعا یه صلاحیتدار اولان اقربا - که قانونده تصریح وتعداد ایدلمشدر - طابو ایچون معین اولان رسمی اعطایه مجبوردر، که بومعامله یکیدن تفویض دیمکدر.

بوقیودات ایلہ اوقافه عائد احکام اموال غیر منقولہ معاملات یی بر صورت غریبه ده تحدید ایش و املاک و اراضی یی قیمتدن دوشورہ رک بشقه مملکتلرده

خزینۀ حکومتک باشلیجه منبع ثروتی تشکیل ایدن وارداتدن دولت عثمانیه بی محروم براقشدر .

بویله برقانونک دولت عثمانیه نك منافع اصلیه سنی محافظه ایتك عزمنده بولنان دول اجنبیه جه داعی اعتراض اوله جنی شبهه سزدی .

۱۸۶۷ سنه سی شباطنده (پارس) قایینه سی - اولجه (انکلاتره) خارجیه نظارتنك یاپدینی کبی - باب عالی یه مراجعت ایدرك وقف اصولنك اساسلی برصورتده تعدیلنی ، املاك واراضینك ملکه تحویلنی ، مسلمانلری کندی املاکارینی سربستهجه استعمالدن منع ایدن احوالك رفعی توصیه ایتدی . (فرانسه) حکومتك تکلیفنه نظراً اراضی و املاك معاملاتیه اشتغال ایتك اوزره بانقهار تأسیس ایدیله جکدی [*] .

باب عالی (فرانسه) حکومتك وصایاسنی قسماً موقع اجرا یه قوبدی . ۲۱ مایس ۱۸۶۷ تاریخده صدور ایدن براراده سنیه ملك اراضیده حق وراثتی برنجیدن یدنجی درجه یه قدر تشمیل ایتدی و خزینۀ حکومتك محلولات یوزندن وقوعه کله جك ضررینی تلافی ایتك اوزره محصولات سنویه دن یوزده اون بشنك بش سنه مدتله جانب خزینهن دن اخذ و تحصیلنه قرار ویرلدی .

بوکا مشابه دیگر برنظام دخی مستقفات و مستغلات وقفیه یه تطبیق ایدلدی . علاقه داران ایچون مجبوری بیله اولیان بوغیرکافی تدابیر ، اراضی عثمانیه نك قسم اعظمی جوامع ایله حکومت النده بی فائده طوته رق زراعت قرون و سطاده اولدینی کبی مستأجردن بشقه برشی اولمامسنی انتاج ایدن اصول و نظامات غیر طبیعیه بی همان هیچ دیکشدرمدی .



[*] مارکی دو (موستییه Moustier) نك ۲۲ شباط ۱۸۶۷ تاریخلی تلغرافنامه سی . —
۱۸۶۷ سنه سنده نشر ایدیلن صاری کتاب ، صحیفه ۱۵۴ .



اون سكينجى باب

امانك ممالك عثمانیه امهوك صانوره آملدى مقى

دارالاسلام اراضيسنك تقسيم واستعماله تعلق ايدن موادنده صوك درجه مطلق ومستقل اولان احكام قديمه شرعيه بالطبع غير مسلم اجانبك بو اراضيدن بر پارچه سنه صاحب ويا بوندن منتفع اولملى منع ايتمشدى .

اوتهدن برى رعايت ايديلن بوقاعده اساسيه تنظيات دوره سنده آرتق مدافعه ايديله مزدى . چونكه تنظيات ، اوزمانه قدر مدنيت غربيه به مخالفت ومقاومت ايدن سدلى قالد يروب آتە جقدى .

بناءً عليه ۱۸۵۶ خط همايوننه اجانبك حقوق تصرفيه سنه دائر شويلاه يرفقره علاوه ايدلمشى :

« املاك بيع وفروختى وتصرفى حقنده كى قوانين كافه تبعه ايچون مساوى اولديغندن قوانين دولته ونظامات ضابطه بلديه به اتباع وامثال ايلك واصل يرلى اهاليك و يردكلى تكاليفي ويرمك اوزره حكومت عثمانيه ايله دول اجنيه بيننده بايله جق صورت تنظيميه دن صكره اجنيه به دخى تصرف املاك مساعده سى ويريله جكدى . »

سفرای اجنيه ۱۸۶۲ سنه سنده باب على به مشتركاً مراجعت ايدرك بوقطعى المفاد فقره ده ذكر ايديلن مساعده نك اعطاسنى طلب ايتديلر ، على پاشا عهود قديميه متعلق بعض شرائط تحتنده اوله رق طلب واقى ترويجه مهيا بولنديغنى بيان ايلدى . خارجيه ناظرى سفيرلره شويولده اداره كلام ايتمشدى : « اوروپا ايله مناسباته باشلادى زمان دولت عليه نك نه حالده بولنديغى معلومدر . شرق اسكله لر ينك بعضلر نده عددرلى پك آز اولان اجنيه تاجرلر

اهالی سائرہن تمامیلہ آیری اولہرق یشارلر؛ آنجق طوپدن آلیش ویریش ایلہ مشغول اولورلردی . حکومت عثمانیہ بواجیلیرہ اوزمانک احوال اجتماعیہ سنجہ الزم کورینن بعض معایات بخش و تأمین ایتشدی؛ فقط اووقت موجود اولان شیرک کافہ سی دیکشیدی، یالکز عہود عتیقہ قالدی؛ بوکون حکومتک انتظام اداره سیلہ قابل توفیق اولمان مدعیاتی حقلی کوسترملک ایچون عہود مذکورہ دن استفادہ ایدیلور . عہود عتیقہ یہ نظراً تبعہ اجنبیہ آنجق کندی حکومتلرینک مأمورلرینہ تابعدرلر . بوندن شونتیجہ حاصل اولورکہ ولایات عثمانیہ دہ قاچ قونسولوسخانہ وار ایسہ او قدر ضابطہ اداره سی، او قدر محکمہ بولنور .

« بوحال دوام ایتدیکی مدتجہ ترکیا، دول معظمہ نک سوق ایتک ایستدیکی طریقہ داخل اولہماز؛ قوانین محلیہ یی طانیمان، یرلیرک تابع اولدقلری تکالیفدن وارستہ بولنان، آنجق کندی محکمہ لری نزدندہ محاکمہ ایدیلہ بیلن اجانبک متصرف صفتیہ ممالک عثمانیہ دہ یرلشملرینہ مساعده ایدلمسنی ایستہ مک، ظن ایدرمکہ، معقول و محق برطلب دکلدن .

« بناءً علیہ اول امرده عہود عتیقہ یی تعدیل ایتلیدر . »

عالی پاشانک غایت منطقی اولان بوتکلیفہ قارشی سرفرای اجنبیہ اجانبک، شیخص و ماللرینی محافظہ ایدن تأمیناتہ خلل کلہدن، قوانین و تکالیف محلیہ یہ تابع طوتلری ممکن اولہ بیلہ جکنی بیان ایتدیلر و عالی پاشایی تبعہ اجنبیہ یہ حق تصرف نہ صورتلہ ونہ کی شرائط ایلہ بخش اولنہ بیلہ جکنی ایضاحہ دعوت ایلدیلر .

بومذاکرات ابتدائیہ دن بش سنہ صکرہ، یعنی ۱۸۶۷ سنہ سی حزیرانندہ « اجانبک، املاک و اراضی یہ متعلق قوانین و نظاماتہ تابع اولمق، شخصلریلہ اموال منقولہ لرینہ تعلق ایدن معایات عہدیہ نک محافظہ سی شرطیلہ لدی الایجاب محاکم حقوقیہ عثمانیہ دہ محاکمہ لری اجرا ایدلمک اوزرہ طبقی یرلی اہالی کی شہر و قریہ لرده املاک و اراضی تصرف ایدہ بیلہ جکلرینہ » دائر برپروتوقول تنظیم و امضا ایدلدی .

حق تصرف عہود عتیقہ احکامی ایلہ نہ درجہ یہ قدر تألیف اولنہ بیلہ جکنی صراحتہ تعین ایتک لازم کلوردی . ممالک عثمانیہ دہ اقامت ایدن اوروبالیرہ

بخش اولان تأمینات اساسیه نك بری مسكنك تعرضدن مصونیتی ، یعنی مأمورین عثمانیه نك قونسولوسخانه نك معاونتی منضم اولدجه برانجینك اقامتگاهنه کیره مهملری ، ایکنجیسی ده محاکم محلیه ده ترجان بولندیرلمسی امتیازی ایدی . بوایکی امتیاز ، اوروپالیرك بهمه حال قونسولوسخانه بولنان ویا قونسولوسخانه یك یاقین اولان محللرده اقامت ایتلمری شرطیه مؤثر اوله بیلیردی . اجنیلر حق تصرفه نائل اولنجیه پك چابوق تکثر ایدرك ممالك عثمانیه نك هر طرفه یایله جقلرندن شخص ومالیرینی محافظه ایچون هر شهر وقصبه ده قونسولوسخانه احداثی لازم کله جك ایدی ، که بوده امکان خارجنده ایدی .

بناءً علیه قونسولوسخانه نك بولندیغی شهردن طقوز ساعت ویا دهها زیاده اوزاق اولان محللرده مأمورین ضابطه نك - حکومت محلیه نك دعوتی اوزرینه اختیار مجلسی اعضاسندن اوچ کشینك حضوریه - قونسولوسخانه مأموری حاضر بولمهدن برانجینك اقامتگاهنه کیرمه مآذون اولملری ، فقط بومآذونیتك احوال مستعجله ومبرمهیه وبعض جرائم معینه نك تحری وتحقیقه منحصر قالمسی واصولی دائرهمسند طوتیه جق ضبطنامه نك بلا تأخر اك یاقین قونسولوسخانهیه ارسال ایدلمسی قرارکیر اولدی .

بوندن بشقه کذلک قونسولوسخانه نك بولندیغی شهردن طقوز ساعت ویا دهها زیاده اوزاق اولان محللرده اجانبك بیک غروشی تجاوز ایتمین اختلافاده وحد اعظمی اوله رق بش یوز غروش جزای تقدی بی مستلزم اولان قباحتلرده قونسولوسخانه نك مأمور مخصوصی حاضر بولمهدن صلح حاکی وظیفه سنی ایفا ایدن مأمورین ایله قضا محکمه لری طرفندن محاکمه ایدملرینه ، فقط حکم واقعك قونسولوسخانه ترجمانی حاضر بولمق شرطیه سنجاق محکمه سنده استیناف ایدیه بیلیمسنه واستیناف قرارینه قدر حکمك اجرایی تأخیر اولمسنه دخی قرار ویرلدی .

برتدبیر احتیاطی اولمق اوزرده تبعه اجنبیه نك هر رده دعوی وکالتی وظیفه سنی ایفا ایتلمرینه مساعده ایدلدی وبوصورتله ترجمانلرک اجانبه متعلق دعوالرده حاضر بولملری اساسی تأیید اولندی .

اجانبك حق تصرفی حقنده کی احکام مختلفه ایجاب حال وزمانه موافق

کورونیور، تبعه اجنیه نك بشقه نام ایله املاك صانون آملرندن متولد محاذیر
وسوء استعمالاته نهایت ویریوردی [*].

فقط اجانبك بوقدر قیوداتی حاوی وقاریشیق اولان برقانون احکامه
تابع اولمق شرطیله ترکیاده املاك وارضی مبايعه سنه رغبت ایدوب ایتیمه جکلری
جای سؤال ایدی



[*] فرانسه سفارتخانه سنك ۱۷ آغستوس ۱۸۶۸ تاریخی تحریرات عمومیه سی .



اون طقوزنجی باب

باشیچ دولتلك اصلاحات مقننه کی نقطه نظراری . — فرانسه و روسیه
هکوستلرینک تکلیفلی .

۱۸۶۷ سنهسی، تاریخ اصلاحاتده بر موقع مهم اشغال ایدر. فقط بواحمیت،
سنه مذکورہ طرفنده سین سابقهیه نسبتله دهاقوق تجددات سیاسیہ واداریه نك
موقع تطبیقه وضعندن واصلات فرمان هایوننده مندرج اولوب ممالک عثمانیهده
عدالت و مساواتی تأمینمدار اولان تداییر اساسیه دن بعضلرینک اجرایی صورتیله
اصلاحات پروگرامنک اکلندن ناشی دکلدر .

۱۸۶۷ سنهسی — تعیرحائز ایسه — (اوروپا) هیئت دولیهسی محکمه سنک
حضورنده بیوک بر دعوانک، ترکیا دعواسنک رؤیت ایدلیدیکی سنه در . یکی
ترکیانک حال حاضری بو محکمهده تدقیق ایدلش و دولت عثمانیه — ایلک دفعه
اوله رق بر اوروپا قونغرهنده اثبات وجود ایلک شرفنه نائل اولمنی تأمین ایدن —
مداخله دولیه نك تحت وصایتنده بولمنغه محکوم اولمشدر .

تنظیماتک بوصفحه مخصوصه سنده یکی بر حال نظردقتی جلب ایدر. مسلمانلرک
افکار احرارانهسی — مبهم و بالتبع نسبی اولان بوتمایل — ترقی ایدیور ویا هیچ
اولمازسه افکار جدیدی، سیاست غریبه نك انظار عامیه عرض ایلیدیکی درس
عبرتیی آکلامش اولان برقاج وطنپرورک تأثیریه تظاهره باشلایوردی . «کنج
ترکیا» باش قالدیریور، حیثیت و اعتبارینی غائب ایتش بر حکمدارک مطلقیت
اداره سنه قارشیی دها زیاده شدتله اداره کلام ایدیور، ملنک اداره امور
حکومه اشتراکنی تأمین ایده جک بر دوره مشروطیتک حلوانی تمی ایلوردی .
اوزمانه قدر حکومت عثمانیه طریق تجدد و اصلاحاتده ایلرییه طوغری

کیتمهکه چالیشیرکن افکار عمومیه دن آرز چوق مستقل قالمش، یعنی تبعه مسلمنهک حسیات دینیه وافکار و اعتقادات باطله سنی رنجیده ایتمهکه کمال اهتمام ایله چالیشمقله برابر قوه اجراییهک صلاحیتی مسئله سنده تبعه سنی اصلا نظر دفته آلامشدی. اصلاحات دایما یوقاریدن، پادشاهدن کلپوردی.

پادشاهلرک حکومتی - که نهک تام معناسیله - استبداد عدایدله مه مکله برابر نهایتسز برصلاحیت، شخصی برحکومت ایدی؛ پادشاه شریعتک تعیین ایتدیکی حدوددن بشقه حدود طایمازدی؛ احکام شرعییه تفسیر ایدنلر ایسه اکثریا پادشاهه عبودیتده قصور ایتملردی.

کنج ترکیا طرفدارلری دولتی بر شخصک آرزوسنه رام ایدن اصول ادارهیه ختام ویرمک ایستورلردی. افکار منوره اصحابنک بوتمایانی کورن برانجی مدقق، وطنپرورلک ایله دینک هیچ اولمازسه بونقطه نظر دن برلشهرک احیای مملکتده مدار اوله جفتی شبهه سز عدایده بیلردی.

بویابده کی جریان افکار دول معظمه قاینه لرینی دوجار اندیشه ایلین احوال سیاسی نهک نتیجه طبعیه سی کیدی. (اوروپا) دولتری - کندی آرهلرنده تعاطی ایلدکلری اوراق مخبره دن آکلاشیدیفنه کوره - دولت عثمانیه نهک احیاسی وظیفه سیله مکلف اولان رجال حکومتک عزم و ثباتلرندن، حتی خلوص نیتلرندن شبهه ایدیورلر و ۱۸۵۶ سنه سنده اعتمادکار (اوروپا) نک آلیشلا دینی تصورات تجدد پرورانه ایله اجراءات حقیقییه مقایسه ایدرکک جزئی بر اثر ترقی بولیورلردی.

صوک اون سنهک تجربه، حکومت عثمانیه نهک آره صره دوجار انقطاع اولان تشبثات تجدد پرورانه سنده، علی الاکثر، خارجدن کلن بر تضییقه تابع اولدیفنی، دایما توقفه میال اولان و آنجق کوتلی برالک ضربه سیله حرکته کلن بر رفاصه بکزه دیکنی اثبات ایتشدی. باب عالینک اکثریتله دول غربیه نهک تفوذینه تبعاً اصلاحاته مجبور اولمق قورقوسیه اندیشنهک اولدینی و اصلاحات طرفدارلرینک بیله عنصر اسلامک تفوقنی الزم و مستغنی بحث و اثبات عد ایدرکک هیچ برزمان و هیچ برشیده بوقاعده دن انحراف ایتدکلری دخی ثابت اولمشدی.

دول معظمه، ۱۸۵۹ ده اولدینی کی، بودفعه ده حکومت عثمانیه نهک

اهمال و رخاوتنه قارشى حرکت ایتىكى و عزت نفس ملینى محافظه خصوصنده کوسترلین افراط و تفریطه نهایت ویرمکی مناسب عد ایتدیلر . حتی بعضلری باب عالییه قابل تطبیق نصایح و وصایاده بولمق ، هانکی یوله کیتسی لازم کله جکنى ونه کبی وظائف ایله مکلف بواندیغنى آکلاتمق ایچون حقایق احوالی بالذات تحقیق و تدقیقه تشبث ایلدیلر .

(فرانسه) حکومتی - شرقده کی سیاست محافظه کارانه سندن انحراف ایلدیکنی ظن ایتدیرن بعض احواله رغماً - اصلاحات خط هایوتی کافی عد ایدرک فکر اثتلافدن واز کچه مشدی . دولت عثمانیه نك تجدید و احیاسی ایچون لازم کلن مواد اساسیه نك کافه سی خط هایونده موجود اولدیغنى و بناء علیه دول معاهده نك حائز اولدقلری نفوذدن بالاسطفاده باب عالیی خط هایون احکامنی تماماً موقع اجرایه قویغنه اجبار ایتلری لازم کله جکنى ادعا و بو فکرنده اصرار ایدیوردی .

ایشته بونك ایچوندرکه اوچنچی (ناپولئون) ك خارجیه ناظرى فرانسه نك « ملل مختلفه عثمانیه آره سنده هیچ بر فرق بولمق ایسته مدیکنى ، تبعه مسلمنه ایله تبعه غیر مسلمنه یی عینی صورته صحابت ایدرک بر لرندن آیری طوتمدیغنى » بیان ایتمشدی [*] . فرانسه یه نظراً کرک مسلم ، کرک غیر مسلم تبعه نك رفاه حالى آنجق وحدت اداره و مساوات حقوق مدنیه و سیاسیه قواعدینك کمال صمیمیتله تطبیق نتیجه سی اوله رق تأمین ایدیله بیلیر ؛ هرکس عینی حقوقه مالک و عینی منافعدن مستفید اولمیدر .

الحاصل (پارس) قابینه سی اتحاد عناصری آرزو ایدیوردی ؛ انقسامه مقابل اشتراکی ، اکثریت اهالیی مقدرات مملکت خصوصنده همان لاقید براقان مباعدت متقابله یه قارشى اتحادی تأمین چالیشیوردی .

(فرانسه) حکومتی ترکیانك احوال مخصوصه سنی نظردقته آلهرق مقصده وصول ایچون صبر و ملایمت ایله حرکت ایدلمسی لزومه قانع اولمشدی . اونك نظرنده ، اساس اصلاحاتی تبدیل ایتمه مکله برابر - طبقی خسته لری تداوی ایچون علاجلرک طعمی طاتیللاشدیرلدینى و حتی بعضاً بسبتون بشقه بر طعمه

[*] در سعادت سفارتخانه سنه کوندریلن ۲۲ مارث ۱۸۶۷ تاریخی تلفرافنامه .

تحويل ايدليكي كې - اصلا عجله ايتمهك و ضعيف حكومتلك ديكرلرندن
زياده اهميت ويردكلى اشكال خارجيه يى محافظه ايتك ايجاب ايدىوردى .

واقعا (پارس) قابينه سى عصرلرجه زماندن برى يرلشمش قوانين
وموضوعاتك ، عادات و اخلاقك باشدن باشه تبديلى كې برتشبك نه قدر مشكل
اولديغنى بيلوردى ؛ فقط مشكلاتى دولت عثمانيه نك حال حاضرينك نتيجه
طبيعيه سى اولان انقراض دائميدين متولد تهلكلر قدر وخيم كورمىوردى .
بومسئله تدقيق وتامله محتاجدى ؛ وسائط وتدابير شديد استعمال اولورسه ذاتا
آنارى كورلمكده اولان تفسخ وانقراضك تعجيل ايدلمسندن قورقيله بيليردى .

بناءً عليه تبعه عثمانيه يى كندى مملكتلرينك اصلاحي مسئله سنه علاقه دار
ايتك وبالخاصه امراضلا حاتده تركلك خريستيانلر درجه سنده وبلكده آنلردن
دها زياده الزم بر عنصر فعال اولديغى حقيقتى اصلا اونوتماق شرطيله احتياط
وثبات ايله حركت ايتك لازم كليوردى .

فى الحقيقه (فرانسه) ديپلوماتلرنجه قبول اولسان نقطه نظره كوره عثمانلى
خريستيانلر آره سنده صنوف سائرليه تفوق وعناصر مختلفه نك اتحادىي تأمينه
مقتدر بر صنف سياسى يوقدى . روملر هيچ بروقت اسالاولره تابع
اولق ايسسته مزملر ، اسالاولر روملك تفوقى اصلا چكه مزلردى ؛ كرك
روملك ، كرك اسالاولرك هكهمونياسى ، تفوق ارمنيلار ايجون ناقابل تحمل
برحال اولوردى .

مؤلفلرك برچوق زمانلر ملل غير مسلمه نك بربرينه بكنزه مدكلرينى
نظر دقته آلميه رق شرق خريستيانلرى نامى آلتنده ياد ايلدكلرى رعايا
- (فرانسه) حكومتك نظرنده - تركلردن آبرى اوله رق امراضلا حات
وتجددى وجوده كتيره بيله جك عناصره مالك دكلدى ؛ اون بش يكرمى مختلف
عنصرى بر آواده طوته بيله جك يكانه رابطه تركلردى ؛ ترك عنصرى منقرض
اولورسه دولت عثمانيه قيريق برما كنه كې طاغيلير ، رعايادن هربرى بر طرفه
كيدردى .

بو كهنه ما كنه يى ايشلمكه چالشمق ، مسلمان عنصرى شمدى به قدر
قالديغى حال تجرددن قورتاروب ملل مغلوبه به ياقلاشديرمق و حتى عناصر
مختلفه يى بربرليه مزج وتوحيد تاشب ايتك لازم كليوردى .

بونک عکسنى ادعا ايتك ايچون تركرك اداره حكومتده آرتق بروظيفه لرى قالمديغنى ، زمام حكومتى اللرنده طوتمقدن عاجز اولدقلرينى اثبات ايتك اقتضا ايدردى؛ حال بوكه بوجهت هنوز اثبات ايدلمه مشدى .

ايسته (پارس) قاينهنسك نقطه نظرى ، كرك ۱۸۵۶ معاهده صلحيه سنك امضاسندن صكره ، كرك شمدى بحث ايلديكمز زمانده تعقيب ايلديكى غايه بو ايدى .

مع مافيه (پارس) قاينهنسك نقطه نظرى ، ۱۸۶۷ سنه سندن تبدل ايتمه مش اولقله برابر مقصده وصول ايچون مراجعت ايديله جك وسائطده اولكندن زياده شدت ومثانت كوسترلمسى (فرانسه) حكومتك جمله آماندن ايدى . (فرانسه) يه نظراً ، (اوروپا) آرتق ليت لعل ايله اويا لانغه ، نيم تدابير ايله وقت كچيرلمسهنه مساعده ايتمه مى ؛ قطعى بر مسلك اتخاذايدرك افكار و آمانلى باب عاليه قبول ايتديرميلدر .

(روسيه) طرفدن توصيه ايديلان مسلك بستيون بشقه ايدى .

برنس (غورچاقوف) ، پارس معاهده نامه سندن اقدم ويرديكى بر (مه موراندوم) ده « عناصر مختلفه عثمانيه نك تا تمام بر صورتده اتحادى » فكيرينك آچيقدن آچيغه عليهنده بولنش و « عناصر موجوده دن هيچ برينك اتحاد صميمى يه ميسال اولمديغنى » سويلشدى . (غورچاقوف) ه نظراً « اليوم جماعات مختلفه ايچون موجود اولان قوانين وموضوعات مذهبيه وخصوصيه دن استفاده ايتك و بونلرى هرشيدن اول مليت اساسنه توفيقه چالاشمق صورتيله عناصر موجوده دن هربرينه تاامينات مخصوصه ويرمك » اقتضا ايدىوردى [۱] .

(روسيه) حكومتى دخى (فرانسه) كې كندى فكورنده ثبات ايدىيور و ۱۸۶۷ سنه سنده شرق مسئله سنك عملى بر صورتده حلنك آنجق « خرستيانلرك منافعنى مسلمانلر نكندن آيرمق ، پادشاهك زير تابعيتده بولان ملل ومذاهب مختلفه نك ترقيات متوازيه سنى واصلاح احوالى اوروپا موازنه سنك ايجابايتيله تأليف ايتك » ايله ممكن اوله بيله جكنى تكرار ايلوردى [۲] .

[۱] ۷ كانون ثانى ۱۸۵۵ تاريخلى مه موراندوم .

[۲] روسيه حكومتك ۱۸۶۷ تاريخلى مه موراندومى .

(روسیه) نك نقطه نظرينه باقيليرسه ، ۱۸۵۶ سنه سنده مدافعه ايلديكي فكر ك صحت و اصابتى بالتجربه ثابت اولمشدر . خط هايون اون برسنه كائن يكن حكمنده قالمش ؛ خط مذكور احكامنك موقع اجرايه وضع اولنه جنى (پارس) قونفره سنده وعد و تأمين ايدلديكي حالده اهالى بوندن اصلا مستفيد اولماشدى . « تركلر ترك اولدقجه ، يعنى مسلمانلر ايله خريستيانلرى ابدى آيران احكام شرعيه دن واز كچمديكه بشقه درلو اوله ماز ، آتيا دخى اولمق احتمالى يوقدر . تركياده قانون حضورنده مساوات بر خيالدن عبارت قاله جقدر ؛ چونكه عناصر مختلفه ، هيات اجتماعيه آره سنده عادات و قوانين نقطه نظرندن مشابهت يوقدر ، بوشروط اصلي مفقود اولنججه تبعه مختلفه عثمانيه نك وظيفه سى ده بر اوله ماز . » [۱] . مختاريت وعدم مركزيت ، ايشته ۱۸۶۷ سنه سنده بين الدول جريان ايدن مخبرات ائناسنده (روسيه) حكومتك توصيه ايلديكي تدابير بوندن عبارتدى . (اوستريا) حكومتى ، اوصرده (كريد) ده وقوعه كلن مدهش برعصيانك تركيا ايچون برعاقبت وخيمه يه منجر اوله جنى نظر دفته آلهرق ، (پترسبورغ) قابينه سنك آمالنه موافق بر صورتده بيان فكر ايتمشدى . (اوستريا) يه نظراً خريستيانلره حكومت عثمانيه نك تابعيتى آلتنده اولهرق مختاريت اداره ويرمك وبومستله يي بين الملل برقونفرانسنده هان موقع مذاكره يه قويىمق پادشاهك منافعى اقتضاسندن ايدى [۲] .

معافيه (ويانه) قابينه سنك بوفكرى موقت برشيدى ، پك آرز زمان صكره (اوستريا) حكومتى آمال و افكار سابقه سنه موافق اولميان بوسياست شديد يي رد ايتدى .

(انكلتره) حكومتى ، تركيانك تمامى ملكيتك تحت تهلكه ده بولنسنندن متولد احوال وخيمه يي نظر دفته آلهرق ، اصلاحات ايچون كوسترديكى فرط غيرت و خواهشى براز تعديل ايتمشدى . اك عاقلانه حركتك عدم مداخله اوله جفته قانع اولمش و دولترى بويولده حركته دعوت ايتمشدى . لورد (دربى) پارلمتوده شو صورتله اداره لسان ايتمشدى : « منعى يد اقتدار مزده اولميان برعاقبتى ، يعنى دولت عثمانيه نك انقراضنى تعجيل ايمكلكمز مناسب

[۱] شرق مسئله سى دوسيه سنه مراجعت . ۱۸۶۳ ، آمييو ، پارس .

[۲] اوستريا سفارتخانه سنك ۲۲ كانون ثانى ۱۸۶۷ تاريخلى تلغرافنامه سى .

اولہ ماہ ؛ چونکہ بویہ بر حال وقوعہ کلیرسہ وظیفہ من بونک ممکن مرتبہ تدریجاً و دہا آز تہلکہ ایلہ حدوثنہ چالشمقندن عبارت اولہ جقدر . »

(اوروپا) قاینہ لرینک ، اوزمان ، کرید عصیاننک شرقہ سبب اولدینی اغتشاش عظیمک تحت تأثیرندہ بولندقلری و کرک باب عالیہ واقع اولان وصایا و نصایحہ ، کرک استدلال و تخمیناتہ آز چوق افراطہ واردقلری آشکار ایدی . بوموقت تأثیر زائل اولدقندن صکرہ احوالک دہا زیادہ اعتدال ایلہ تدقیق و محاکمہ ایدیلہ جکی شبہہ سزدی .

الحاصل ، ۱۸۶۷ سنہ سندہ اصلاحانہ دائرین الدول جریان ایدن مذاکرات و مخبرات انسانندہ بر بردن آیری ایکی مسلک ، (فرانسہ) و (روسیہ) حکومتلرینک تکلیفلری موضوع بحث اولیوردی . سلطان محمد ثانیکن نامحدود بر حکم و اقتدارہ مالک اولدینی زمان باشہ چیقارہ بیلہ جکی اتحاد عناصر مسئلہ سنک ، عجبا ، عناصر مختلفہ نک بش عصر قدر حال انفرادہ یشادقندن صکرہ دخی ساحۃ حصولہ چیقمنی ممکنی ایدی ؟ ایشته ، اصل مسئلہ بوایدی . (فرانسہ) ۱۸۵۶ خط ہایونی احکامی حرفیاً موقع تطبیقہ قونیلیر ، ایلک دورۃ اصلاحاتہ - کہ یکیدن برشی وجودہ کتیرلمکدن زیادہ موجود اولانلر تخریب ایدلمشدی - اجرانہ باشلانیلان تجربہ لرہ کال ثبات و فکر تعقیب ایلہ دوام اولنور ایسہ مسئلہ نک حل ایدیلہ جکنی امید ایدیوردی . (روسیہ) حکومتی ایسہ بونک ممکن اولہ میہ جفی بالتجربہ آکلاشیلدیغنی و « بشقہ شیلر یامق لازم کلدیکنی » ادعا ایلکدہ ایدی .





يکر منجي باب

روسيه نك اصلا مات مقننه كي تكليفك تاريخ فقط نظر منه ترقبي

(روسيه) طرفدن مدافعه ايديلن فكر ك اقوام مختلفه عثمانيه نك عادات و اخلاقه، منافعه بر درجه يه قدر موافق اولديغي انكار ايديله مزدي .

(پترسبورغ) قابينه سي اك زياده وقايع تاريخه ايله اثبات مدعا يه چايشديغي جهتله بويابده ايضاحات ويرمك وبالاخره دخي (روسيه) نك تكليفلرنده ضعيف نقطه لك زمر لري اولديغي كوسترمك ايجاب ايدر .

(دالامبر d'Alambert) ديوركه : « فتح ايديلن بر مملكتي محافظه ايچون اك امين واسطه ملت مغلوبه يي ملت غالبه سويه سنه چيقارمق ، آكا عيني حقوق ، عيني امتيازاتي ويرمكدر . » تركر ملل مغلوبه يي كنديلرينه بكمزتمك شويوله طورسون ، بالعكس خرستيان تبعه لري آره سنده دائمي بر اردوكاه قورومش كي مسلح ومنفرد بر حاله قالمشلردى ؛ بو حال ، احكام دينه لرينه موافقدى . قرآن ، اراضى يي مسلملره وغير مسلملره مخصوص اولمق اوزره ايكي يه آييريور ومؤمنلر ايله نصارا آراسنده جهادى امر ايدىوردى . ايشته ، دولت عثمانيه لايتغير اولان احكام شرعيه يه توفيقاً خرستيانلردن آري اوله رق تأسس و توسع ايلش ، محافظه موجوديت ايتشدر .

عثمانيلر (اوروپا) ده يرلشذكلى زمان شرق ايمپراطورلنك تشكيلات اداره و سلسله مراتبى اورته دن قالديرديلر ؛ فقط شريعتك اداره حكومه وقوانين مدنیه متعلق اولان احكامنى يكي تبعه لرينه تطبيق ايتديلر . رعايا ، هر نه قدر ملت غلبه دن دون بر موقعه بولمق و كنديلرينه نظر حقارتله باقمقله برابر ، بالاخره اجنبى خرستيانلره عهد عتيقه نك بخش ايلديكى امتيازاته مشابه معافاته نائل اولمشلردى ؛ طرز حكومه نظراً بو معافيات

ضروری ایدی . سلطان محمد ثانی قسطنطنیه بطریق ملت باشی یاپدی .
وهمذهبلیرنک امور مذهبی و دنیوی لرنک اداره سنی کندینه تودیع ایتدی ،
خرستیانلرک اطاعت و یا عصیانندن بطریق مسئول طوتدی . بطریق ، بوضورتله
احراز ایلدیکی حقوقک برقسمنی پسقوسلره و راهلره دور ایلدی و هیئت
رهبان غایت واسع صلاحیت اداره و عدلیه یی حائز برصنف مأمورین حائنه
کلدی . هر بر جماعت ، ویرکولری کندی افرادی آره سنده تقسیمه و تحصیل
اولسان مبلخی خزینة حکومته تسلیمه مأمور اولدی ، که بوتشکیلات احکام
اساسیه شرعیه به موافق ایدی .

ملت غالبه نک بیوندروغنی برصورت غریبه ده تخفیف ایدن بو مختاریت ،
حس اعتدال و یا علوجناب اثری دکادی ؛ بلکه غیر مسلملرک لایق کورلدکلری
حقارت و نفرت دلاله ایدیوردی ؛ قوای جسمانی و روحانیه نک دیگر بر
مذهبده کی حکمدارک شخصنده اجتماع ایتسک نتیجه ضروریه سی ایدی .
رومالیسلر دخی فتح ایتدکلری مملکتلر اهاالیسک عادات و اخلاقه ،
مذهبلیرنه طوقونیه رق ، حتی بعضاً بونلری احیا ایدرک ملل مغلوبه نک
حیات خصوصیه لرنی محافظه به چالیشمشلردر . فقط بوبابده اک ماهر سیاسیسلر
کبی حرکت ایدرلر ، ملل مغلوبه یی اول امرده کندیلرندن آیری طوندقلری
حالده بالاخره - (دالامبر) ک دیدیکی کبی - تدریجاً کندی سویه لرنه
چیقاریرلر ، مساوات حقوق بخش ایلرلردی . ذاتاً (روما) مذهبی دین اسلام کبی
ادیان سائر اربانی خارجه برافازدی ؛ بالعکس . بعضاً (روما) آهلرینی
قبول ایدن اجانبه آچیق اولدیغندن عینی قانون سیاسی به تابع اولان اقوام مختلفه
آره سنده حقیقی برابطه اجتماعیه خدمتی کوریردی [*] .

[*] یونان قدیم مؤلفلرندن (لوسیئن Lucien) آثار مشهوره سندن برنده (اولمپ)
طاغنده آهلرک اجتماعنی تصویر ایدرکن بوراده باربار ، اسکیت ، ایرانی قیافتنده آهلر کوستر
وبونلری یونان معبودلری یاننده بشقه مملکتلردن کلش ، لسان یلمز اشخاص کبی تعریف
ایدر . مؤلف مومی الیه بو معبودلره (غول) آهلرینی ده علاوه ایش ؛ کذلک
(روما) عساکر قدیمه سنک شرقدن کتیردکلری (سهراپس) و (میترا) کبی غریب
معبودلری ده حاضر بولندیرمش ؛ بو مختلف معبودلری (روما) نک حایه سی آلتنده خوش
کچندیره رک آره لرنده منازعه ظهورینه میدان ویرمه مشدر . [بوواسیه ، رهوودود و ونده
رساله سنک ۱۵ آغستوس ۱۸۸۱ تاریخی نسخه سی] .

نصل اولورسه اولسون، عثمانلی خرسیتیانلر عصرلرجه زمان نسی بر استقلالدن مستفید اولمشلر؛ بو استقلال سایه‌سندہ ملتیرنی، لسانلیرنی، اخلاقلیرنی محافظه ایتشلردر. بوحالک تأثیریه رعایانک حسیات وطنپرورانه‌لری منسوب اولدقلری جماعته مربوطیت شکلنه کیرمشدر [۱]. احوال و شرائط مذکوریه نظراً، بوطرز اداره صنوف تبعه غیر مسلمہ قدر حکومت عثمانیه ایچون دخی فائده‌بخش اولمشدر. چونکه اجناس و مذاهب مختلفه آره‌سندہ اختلافات و منازعات ظهوری، آنجق بوسایه‌ده منع ایدیله‌یلمشدی. مسلمانلر ایله خرسیتیانلرک بربرلندن آیری یشامغه آلیشمیری مسلمانلرک حکومت مخصوصه‌لیرنی، خرسیتیانلرک امنیت‌دینه وشخصیه‌لیرنی محافظه‌یه مدار اولمشدی. حتی - عالی پاشانک دیدیکی کی - بتون (اوروپا) ظلمت جهل و ظلم ایچنده بولورکن ممالک عثمانیه‌ده بولسان ملل مغلوبه‌نک نسبة غایت ائی برحاله بولدقلری ادعا اولنه‌ییلردی.

باب عالینک خرسیتیانلره بخش اولسان معافیاتی محافظه ایتسی سایه‌سندہ تبعه غیر مسلمنه‌نک رفاه حالی تدریجاً آرتمش، خرسیتیانلرک تجاوز فکرندہ بولناملری وحاللدن ممنون اولملری سایه‌سندہ دخی حکومت عثمانیه رعایانک امور داخلیه‌لریله ممکن مرتبه آز مشغول اولمشدی. پادشاهک اوروپاده‌کی ممالکی آره‌سندہ ال‌زیده‌نائل سکون و عمران اولان آطه‌لرکندی کندیلرینه اداره اولنانلر ایدی. بولنردن (ناقسی)، (میلو)، (آندروس)، (سانتورین) و (شیرا) آطه‌لری حکومت عثمانیه‌نک بالاختیار بخش ایلدیکی امتازات [۲]، (هیدرا)، (اسپه‌چیا) جزیره‌لری ده مجبوراً ویریلن معافیات سایه‌سندہ رفاه حاله مالک اولمشلردی. پک چوق زماندن بری خصوصی براداریه نائل اولان (سیسام) آطه‌سی ده بویله ایدی.

امور مالیه‌سندہ کی قاریشیق‌لغک صرف عارضی اولدینی قبول ایدیلیرسه

[۱] ترک‌لر ملل مختلفه‌نک وضعیترینه توافق ایدن تقسیمات ملکیه‌نی سلطان محمود ثانی‌نک دور سلطنتنه، یعنی اون طقوزنجی عمر اوائلنه قدر محافظه ایتشلردر. (ته‌پیر)، (تسایا) و (ماکدونیا) قطعه‌لرنده‌کی روملرک ملکیتلرینه (روم ایلی)، بلغارلرک ملکیتلرینه (بلغارستان)، بوشناق وهرسکلی اسلاولرک ملکیتلرینه (بوسنه)، ارمنیلرک ملکیتلرینه (ارمنستان) دیرلر و بوتعبیراتی رسماً استعمال ایدرلردی.

[۲] ۱۵۸۰ تاریخی برات هایون.

مصر قطعہ سی دخی ترکیاہ تابع اولدینی خالدہ آردہ کی روابطی تدریجاً کوشتمک و مرکزیت اصولنک بیوندر و غندن یواش یواش قورتولمغه موفق اولان بر مملکتک احوال اقتصادیہ سندہ حصولہ کلہجک ترقیاتہ کوزل بر مثال تشکیل ایدہ بیلیردی . موسیو دو (لہسپس Lesseps) دیورک : « هیچ کیمسہ یہ مجهول دکلدرکہ مصرک نہ ترک ، نہ روم ، نہ عرب اولیان کنڈیسنہ مخصوص اہالیسی واردر . بو اہالی ، قوم فراغ نہ در . مصر ، ہر نہ وقت قوانین عمومیہ یہ تابع عادی بر ولایت حالہ کلش ایسہ یارفاہ حال وترقیدن محروم اولمش ، یا حریتی استرداد ایتشدرد . »

ایشته (روسیہ) حکومتی سالف الذکر تجارب تاریخہ یی ایلری یہ سورہ رک ، ۱۸۶۷ سنہ سندہ ، دولت عثمانیہ نک احیاسی مسئلہ سنی مساوات حقوق اوزرینہ مؤسس بر مرکزیت ادارہ ایلہ حل ایتک ایستین دول غریبہ نک یا کلش یولہ کیتدکارینی ادعا ایدیوردی . (روسیہ) نک نظرندہ دول غریبہ تاریخک کوستردیکی درس عبرتہ اہمیت ویرمیورلردی ؛ چونکہ مساوات اساسہ مستند بر مرکزیت ادارہ ، یالکیز عزت نفس ملیلرینی ، اعتقادات و اعتیادات مخصوصہ لرینی جریحہ دار ایدن مسلمانلر طرفندن دکل ، طرز قدیم ادارہ سایہ سندہ ملیت و شخصیتلرینی محافظہ ایدن و تشکیلات مذہبیہ لرینک مقتضیاتندن اولان امتیازات قدیمہ حقوقیہ لرینی قوانین و موضوعات جدیدہ نک تحت تہدیدندہ کورن خرسیتیانلر طرفندن دخی دوچار اعتراض اولہجق ، طرز جدیدک موقع تطبیقہ وضعی امکان خارج نہ چیقاران بر چوق مانعہ لرہ تصادف ایدیلہجکدی .





يکرمی برنجی باب

روسیہ نك اصلا مات مقننه کی تطبیقہ واقع اولادہ اعتراضات

(روسیہ) نك عدم مرکزیت اداره لہندہ درمیان ایلدیکی مطالعاتك اساساً عین حقیقت اولدینی شبہہ سزایدی. فقط بونك نتایج عملیہ سی دوشونیلیر وبالخاصہ اوصردہ باعث اولہ بیلہ جکی احوال نظر دقتہ آلینرسہ شو ایلک اعتراض خاطرہ کلیر: (پترسبورغ) قابینہ سی یالکیز خرسیتانلرك اصلاح احوالی، ترکرك بیوندروغندن قورتولملیری دوشونیور، (اوروپا) نك دولت عثمانیہ نك محافظہ تمامی ملکیتہ عطف ایلدیکی اہمیتی نظر دقتہ آلیور کی کورونیوردی. بالقان شبہ جزیرہ سندہ مقیم واتنوغرافیا نقطہ نظرندن بربرندن آیری ملتہرہ مختاریت اداره ویرلمی وبونك نتیجہ سی اولہ رق طونہ ولایاتی کی برچوق ولایتلردہ باب عالیہ تابع متعدد پرنسسلکر وجودہ کتیرلمی استقلالی و تمامی ملکیتی شمدی یہ قدر دول غربیہ جہ صورت دائمہ مدافعہ ایدیلن حکومت عثمانیہ نك مقاسمہ سندن بشقہ برشی دکلدی؛ تعیر دیکرلہ، اوتہ دن بری، (اوروپا) نك قسم شرقی سندن مسلمانلرك حکومتی محو ایلکی اقصای امل اتخاذا ایتش اولان (روسیہ) نك دولت عثمانیہ یہ قارشی یکی بر شکلده اعلان حرب ایتسی دیمکدی.

(روسیہ) حکومتی ملل مختلفہ نك عصر لرجہ زماندن بری دوام ایدن تمایلاتندن بشقہ برشیٹی نظر دقتہ آلاماق صورتیلہ مسئلہ نی سادہ لشدیریور؛ اوزمانکی (اوروپا) سیاستك تعقیب ایلدیکی غایہ نی، حکومت عثمانیہ نك محافظہ سی املنی آمال قدیمہ سنہ مغایر بولہ رق مسلمان عنصر نی حسابدن خارج طوتیوردی.

مسلمان و خرسیتیانلره عائد امور نصل تحدید و تفریق اولنه بیلیردی ؟
تبعه عثمانیه دن بعضارینی هیج نظر دقته آلاماق ، یالکیز دیکرلرینی دوشونمک
ممکنی ایدی ؟ اها لیبی بررلریله قاریشمش اولان ، شعبات اداره نك و مأمورین
حکومتك دخی مختلط اولسنی اقتضا ایدن بر مملکتده (روسیه) نك تصور
و تکلیفی وجهله عناصر مختلفه یه مختاریت و یرمك هم یالکش بر فکر ، همده
بر حقو نقطه نظر دن خیال ایدی .

اگر باب عالی مسلمان تبعه نك منافعه عائد اموره دول اجنبیه نك
مداخله و معاونتی رد ایلمکی قاعده ثابته اتخاذ ایتمش اولسه یدی رعایانك تماماً
آیرلمی تکلیفی بلکه موقع تدقیق و مباحثه وضع ایدیه بیلیردی . فقط حکومت
عثمانیه ، بالعکس ، قوانین اداره ، مالیه و عدلیه سنی اصلاح ایچون (اوروپا) نك
طوغریدن طوغری یه مداخله سنی طلب ایتسه بيله هر حالده معاونت و نصایحه
کنندیلکندن عرض احتیاج ایدیوردی .

(روسیه) نك پروغرامی ، اساساً قبول ایدلش فرض اولنسه بيله ،
موقع تطبیقه وضع ایدیلیرکن مشکلات عظیمه یی دعوت ایده جکدی . یا ، بو
پروغرامی تطبیق ایده بیلیمك ایچون حکومت اسلامیه یرینه دول غربیه
قائم اوله جقدی ؛ بوضورتله غایت مشکل واوزون برایش قبول ایدن (اوروپا)
هیئت دولیه سی آره سنده دائمی براتحاد افکار موجود اولسی لازم کله جك ،
حال بوکه بویه بر اتحاد حصولی اغلب احتمال ممکن اولیه جقدی . یاخود ،
باب عالی دول اجنبیه نك حصول آمال و مقاصدینه آلت اوله جق ، یعنی ملکا
و سیاست ضغننی انتاج ایدن احواله کندیسنك یاردیم ایتسی لازم کله جکدی .
بوايه ، میراثی تقسیم ایچون فرصت کوزه دیلن بر خسته یه تدریجاً اتحاری
قبول ایتدیرمك دیمکدی .

(روسیه) حکومتك بر صورت ماهرانده میداننه قویذنی بومدهش مسئله
حقنده بین الدول جریان ایدن مخبرات بالطبع باب عالی یی تلاشه دوشوردی .
خلیل شریف پاشا ۱۸۶۷ سنه سی اوائلنده شوسوزلری یازیوردی [*] : « آرتق
کیزلمکه چالیشمالیدر : شرق مسئله سی تکرار میداننه چیقدی . (روسیه)
حکومتی بر قاج سنه قدر (پارس) معاهده نامه سی احکامنه رعایتیه مجبور

اولدقدن صکره ترکیایی محوایتمک ایچون مکمل بریلان ایله بیکدن میدان سیاسیه
چیقور ...»

خلیل شریف پاشا شرق مسئله سنک آز چوق قطعی بر صورتده حلی
ایچون جریان ایدن مناقشاتدن بحث ایتدکن صکره : « نه یاملی ؟ موسقوفلرک
سیاستی عقیم براقق ایچون نه تدبیر اتخاذا یتلی ؟ » سؤالی ایراد ودولت قدیمه
عثمانیه نك محافظه واحیاسی شوصورتله ممکن اوله جغفی بیان ایدیوردی :
« دولت عثمانیه یی آنحق مشروطیت اداره تخلیص وتقویه ایده بیلیر . قانون
اساسی ، حکومت اسلامیه نك (روسیه) یه تفوق معنویسنی در حال تأمین ایدر .
قانون اساسی ، مسلمانلر ایله خرستیانلر آره سنده کی سیاسی واجتماعی فرقلری
قالدیره رق هر کسی عین عدالتک زیر جناحنده جمع ایلر . هر کسک حقوقی
تأمین اولنورسه وظیفه حسنی هر کس طویمغه باشلار . دولت عثمانیه نك حیات
سیاسیه واجتماعیه سی تجدد ایدرسه بتون تبعه ده چالیشمق هوسی او یانیر وبالطبع
ثروت عمومیه آرتار . »

قانون اساسی ! ایشته برقاق عثمانلی وطنپرورک خارجدن کله جک هجوملره
مقاومت ایچون بولدقلری چارء یکانه ... بر قانون اساسی یازیلور نجه بر
چوق عصر لرده وجوده کله بیله جک شیلرک کافه سی در حال حاصل اوله جق ، قرق
سنه لک اصلاحاتک بیله اساسی بر صورتده تبدیلنه موفق اوله مدیغی تشکیلات
اجتماعیه دکیشه جک ظن ایدیلوردی .





يکرمی ايکنيچي باب

کريم آله سی نظامنامہ اساسی . — سافزده اصوليات

خليل پاشا کنيچ ترک ایدی . حکومت ، افکار اعتدالپرورانه ايله اتيهام ايدليکي بو فرقه نك جرأتی بر چوق عزل لر ، نفی و تغریبلر ايله قیردی . فقط باب عالی دیپلوماتلری نه قدر ماهر اولورسه اولسون خرستیان و متمدن (اوروپا) ايله ظهور ایدن اختلاف نه بوقدر قولای بر موفقیته نائل اوله جقلر نی هیچ کیمسه ادعا ایده مزدی . ايشته اختلافات مذکورہ یی بوراده استطراد قییلندن اوله رق ذکر ایده جکم .

مقصد ۱۸۶۶ سنه سندن بری کریدده دوام ایدن عصیاندن وبو عصیان سبيله باشلیجه دولترك سیاست شرقیه لر نه وقوعه کلن قاریشیق لقدن بحث ایلکدر .

کرید و سیسام آله لری ۱۸۲۵ سنه سنده کی روم عصیاننه اشتراك ایتشلردی . فقط (لوندرد) قونفرانسند یونان حکومتی تشکیل ایدلیکي زمان بو ایکی آله حکومت جدیددن خارج بر ایللمشدی . مع مافیه پرنس (اؤبولد دوساقس قوبورغ) جزائر مذکورہ اهالیسی ایچون بعض تأمینات ایستدیکندن دول معظمه اهالی مذکورہ نك اداره داخله جه بعض امتیازاتدن مستفید اولملر نی باب عالیدن طلب ایتشله و بو امتیازاتی استحصاله موفق اولمشلردی .

۱۸۳۲ سنه سنده سیسام جزیره سی بر اداره خصوصیه تابع اولوق اوزره طرف پادشاهیدن منصوب بر خرستیان بکک زیر اداره سنه ویرلدی . مع مافیه کرید آله سنك نامی او زمان تعاطی ایدیلن اوراق سیاسیه ده دائماً سیسام ايله برابر ذکر ایدلمکله برابر ، جزیره مذکورہ وعد ایدیلن اداره خصوصیه دن

محروم قالدی . بر چوق سنه لر مصر اردو سنک تحت اشغالنده بولندی و آنجق ۱۸۴۰ سنه سنده طوغریدن طوغری به ترکیانک اداره سنه ویرلدی .

۱۸۶۶ عصبانی ایله باب عالینک بو عصبانی باصدی رفق خصوصنده تصادف ایتدیکی مشکلات حکومت اجنبیه یی روم عنصریله مسکون اولان آطه نك مقاومت عنودانه سنه نهایت ویرمک ایچون ایجاب ایدن قوانین و نظاماتی مذاکره به مجبور ایتدی . ممالک اصلیه دن آیری بر نقطه ده بولانان بوجزیره نك - باب عالیجه تصور ایدلیدیکی کبی - بر ولایت حالنه افرانک غیر کافی بر تدبیر اولدینی دولت رجه تحقیق ایلدی . عصبان دوام ایتدیکندن نهایت کریده مختاریت اداره و حتی استقلال ویرلمسی پادشاهه اخطار ایدلدی .

حکومت عثمانیه ، کندی نقطه نظر نجه بر چوق یکی فدا کارلقلره مقدمه اوله جق کبی کورینن بو صورت تسویه یی شدتله رد ایتدی [تئپیر و تسالیا قطع لرینک یونانستانه الحاق مسئله سی او زمان دخی موضوع بحث اولیوردی] و حتی اروپا حکومتلرینک تکلیف ایلدکلری [*] تحقیقاتک اجرا سنه بیله مانع اوله رق ۱۸ ایلول ۱۸۶۷ نظامنامه اساسینی تنظیم و تطبیق ایلدی .

الیوم دخی [یعنی ۱۸۸۲ ده] مرعی الاجرا اولان بو نظامنامه موجبجه کرید جزیره سی - که اهالی سنک یوز الی بیکی خرستیان ، الی بیکی مسلماندر - بر ولایتدر ؛ فقط اکثریت اهالی یی تشکیل ایدن اهالینک تفوق تأمین اولنمشدر . جزیره بش سنجاغه ، یکریمی بر قضایه تقسیم ایدلشد .

جزیره یی اداره ایدن والینک بری مسلمان ، دیکری خرستیان ایکی مشاوری واردر . سنجاق و قضا رده کی متصرف و قائم مقاملر بولندقلری محللرده کی اهالینک مذهبه کوره خرستیان ویا مسلماندر لر . رئیس اداره نك خرستیان اولدینی محله بر مسلمان معاون ، مسلمان اولدینی یرده بر خرستیان معاون بولنور .

[*] دولترك ۹ حیزران ۱۸۶۷ تاریخی مشترك نوطه لری .

کویلر کافی السابق اختیار مجلسلری طرفدن اداره اولنور . بو مجلسلرک اعضاسی انتخاب صورتیه تعیین ایدیلر [*] .

ولایت مرکزی ایله سنجاق و قضا مرکز لرندہ مساوی مقدارده مسلمان و خرستیان اعضادن مرکب اولمق و والی ، متصرف و قائممقام اعضای طبعیه صفتی حائز بولمق اوزره بر مجلس اداره واردر . اهالیسی صرف خرستیان اولان سنجاقلر ایله قضالرده بو مجلسلرک اعضالری کاملاً خرستیاندیر .

بو مجالس دائمدن ماعدای هر سنه حانیهدہ بر مجلس عمومی اجتماع ایدر . هر قضا مجلس عمومیہ اکثریت اهالینک مذهبندن اولمق اوزره درت اعضا کوندیرر .

مجلس اداره نک تشکیلاتنه مشابه اولمق اوزره تشکیل ایدیلن و اعضاسی انتخاب طریقہ تعیین اولنان محاکم مختلطہ خرستیان و مسلمانلر آره سنده ظهور ایدن دعاوی بی رؤیت ایدرلر . صرف مسلمانلره و خرستیانلره عائد امور کافی السابق قاضیلر ایله اختیار مجلسلرنجه ایفا اولنور .

تشکیلات مذکورہ نک شایان تقدیر جهتی خرستیان عنصرینہ ولایات قانونسک بخش ایلدیکی نفوذ و اقتدار ی تأمین ایتسی ایدی . بونک دیگر ولایات عثمانیه دخی تطبیق ایلمسی آرزو اوله بیلیردی ؛ بالخاصه نظامنامه جدیدک کرید ایچون کافی درجه ده سربستانه اولدیغی ادعا ایدن (روسیه) حکومتک فکری بو ایدی .

بالاخره کوره جکمز وجهله کرید نظامنامه سی دول معظمه جه ولایات مختلفه عثمانیه ایچون یاییلمسنه لزوم کوستریلن نظامات و قوانینه اساس ، نمونه اتخاذ ایدلمشدر .

باب عالی کریدده یکی بر نظامنامه تطبیق ایتدیکی صرهدہ بر مدتدن بری اختیار مجلسلرک ظلم و اعتسافلرندن شکایت ایدن ساقز جزیره سی اهالیسنی

[*] صورت تشکیللری مسلمانلر ایله خرستیانلر آره سنده کی نسبتہ تابع اولان ناحیه مجلسلرنی اختیار مجلسلریله قاربشدر ماملیدر . برنجیلر اداره محله رئیسک ، یعنی ناحیه مدیرینک تحت ریاستندہ در ؛ ایکنجیلر بلدیہ رئیس دیمک اولان مختارلرک ریاستی آلتندہ بولنور . ناحیه مدیرلری بر چوق کویلرک اداره سنه مأمور اولدیغی حالده مختارک وظیفه سی یالکیز برکویه منحصردر . ویرکونی تقسیم و تحصیل ایدن مختاردر .

دخی ممنون ایتمه چالیشدی . صلاحیت فوق العاده یی حائز یرلی حکام دیمک اولان بو مجلسلرک اعضالغی بعض عائله لره انحصار ایتیش کبی ایدی ؛ اختیار مجلسنه اعضا اولانلر نفوذ عظیمه لرندن بالاستفاده کافه امور ومعاملاتی اله کچیرر- لردی . بوندن صکره اعضانک صورت انتخابی اصلاح ومتغلبه نک مجلس اداره محلی اعضالغنه تعیینلری منع ایدلدی .





يکرمی اوچنچي باب

انكلتره ، فرانسه ، روسيه و دولت عثمانيه طرفندين ۱۸۶۷ سنه ندره امير
ايديلن تحقيقات نظرًا تضمينك اورار مختلفه سی صفره تحقيقات

يوقاريدنه سويلديكم وجهله (انكلتره) ، (اوستريا) ، (فرانسه) و روسيه
حکومتلری دولت عثمانیه نك احوالنه دائر تحقيقات عميقه اجراسنه تشبث
ايتمشلر و تنظيمات بيلا نچوسونده ، اهل ايديلن وعدلرک ساحه حصوله چيقان
ترقياته نظرًا نسبت قبول ايتمز درجه ده چوق اولديغی کورمشلردی .

ايشته دول مختلفه قونسلوسخانه لر نجه تنظيم ايديلن اوراقی نظر دقته آلق وبالذات
دولت عثمانیه طرفدن تهيه اولنان دوسيه يي دخي [۰] اهمال ايتمه مک اوزره بو
بيلا نچوي خلاصه ايتمک ايتيورم . بو تحقيقات اناسنده شرقده کچيرديکم سنين
رفيره طرفنده کی مشاهدات ذاتيه می ده پيش نظر دقتده بولنديره جغم ۱۸۵۶ خط
هايوني فقره فقره آيره رق هر بری ايچون آری ويا برقاچی حقنده بردن بيان مطالعه
ايله جکم .

شوراسی اونو تماملير که محاييف آتیه ده ذکر ايديلن احوال و وقایع ۱۸۶۷
سنه سنه ، یعنی خط هايونك تسطيرندن اون بر سنه صکره يه عا ددر .

فقره : ۱ - ۸ . — بومر مسلم و غير مسلم آره ندره مسارات . — جماعات
غير مسلم نك امتيازات و معافاتی .

خط هايونك مقدمه سی ايله برنجی ماده سی بالمله تبعه عثمانیه نك مساواتی
اعلان ايدییور . بو نقطه اساسیه حقنده تحقيقات اجرا ایدن سفارات اجنيه
الآن خريستيانلرک مسلمانلر دن دون و تهلمکلی بر صنف عد ايديلرک اويولده معامله

[*] بالخاصه ۲۴ مایس ۱۸۶۷ تاريخی مهوراندوم .

کوردکلرینی بیان وادعاده تردد ایتیمورلردی . خرستیانلرک تبعه مسلمهدن بوصورتله آیرملری وشایان امنیت کورلمهملری اسباب متعددهدن نشأت ایلکده ایدی . بوبایده مسلمانلرک تعصیلرندن بحث ایدیلیرسه اسباب مذکورهدن اک اهمیتسی ذکر ایدلمش اولور ؛ کرکک تعصب دینییه ، کرکک پک چوق زماندن بری ممالک غریبهده لایقيله معلوم اولمیان دولت عثمانیه حقنده موجود اولان خطا آلود افکاره عطف اهمیت ایتهمیلدر .

حقیقت شودرکه : ترکیاده بر ملت غالبه ایله ملل مغلوبه واردر ؛ ملل مغلوبه اوزرنده اجرای حکومت حق ، ترکلرک نظرنده ، حق فتحک بخش ایلدیکی بر امتیاز طبعیهدر . بو جهت او قدر طوغریدرکه عرب ، ترکن ، کرد ، آناوود مسلمانلر دولتک بیوک مأموریتلرینه ارمنیلر ویا بلغارلردن ده فضلہ بر صورتده اشتراک ایدمزلر وحتی روملردن ده زیادہ سوء معاملهیه دوچار اولورلردی .

۱۸۶۷ سنهسنده (روسیه) حکومتی طرفندن ویریلن ایلک مه موراندومده ۱۸۵۶ فرمان هایوننک ۲ ، ۳ ، ۴ و ۶ نجی فقره لرنده ذکر ایدیلن معافیات مذهبییه وحقوقیهدن اصلا بحث ایدلمهسی شایان دقتدر . بو سکوت قصدیدر ؛ چونکه فقرات مذکوره دولت عثمانیهک مذاهب مختلفه اربابنه بخش ایلدیکی مساعدادن ، باب عالینک اک زیادہ تقدیره شایان تدابیرندن باحثدر . خرستیان مذهبی هان تمام سربستدر ؛ روملرک ، قتولیکلرک ، ارمنیلرک سربستی اجرای آیین خصوصنده هنوز بر درجهیه قدر حمایهیه محتاج اولملری ترکلرک تجاوزاتندن طولانی دکل ، بلکه خرستیان مذاهب مختلفهسنه منسوب اقوامک تعصبندن ، آرمه لرنده کی رقابت قدیمهدن ناشی ایدی .

مذاهب خرستیانییه بطریق لرینه وپسقیوسلرینه بخش اولنان صلاحیت واقداره کلنجه ؛ باب عالینک بوبایده کی احکام قانونیهیه رعایتی ممالک عثمانیهده کی جماعات غیر مسلمهنک باشلیجهسی اولان اورتودوقسلر حقنده فائده بخش اولمقده ؛ زیادہ مضرتی دعوت ایتمشدر . اورتودوقسلر ، کفای السابق رؤسای روحانیلرینک حدسز حسابسز تعدیاته ، سوء استعمالاتنه معروض قالدیلر . رؤسای روحانیهنک حکومت طرفندن عزل ایدیله مهملری بوتعدیات وسوء استعمالاتی دها وخیم بر حاله کتیریوردی . رؤسای مذکوره ، سائر مأمورین کبی ، عزل

ایدیله بیلسلر بالطبع دائره مضرترلی تحدید اولنوردی . جماعات غیر مسلمه رئیس روحانلرک عزللرینی طلب ایتدکری حالده ، باب عالی آنجق اوزمان ملتک آرزوسنه تبعاً عزل وتبدیله تشبث ایده بیلیردی .

مذاهب مختلفه خرستیانییه بخش اولنان معافیات قدیمیه تدقیق ایچون بر قومیسئون تشکیل ایدلمسندن انتظار ایدیلن فوائدک آنجق بر قسمی الده ایدیله بیلمشدی ؛ بوندن طولانی ایسه باب عالی مسؤل طوتیه مازدی . معافیات قدیمیه تدقیقندن مقصد اهالی غیر مسلمه نك محافظه منافی و اصلاح احوالی اولدینی و بونک ایسه بلکده کافه مواد اصلاحیه دن دها مهم اولدیغنه شهه بولمیدینی حالده هیئت رهبان - نظامات جدیده نك افراده بخش ایتدیکی تأمیناته رغماً - ینه تفوق ایتمشدی . هیئت رهبانک بی محابا مستفید اولدینی امتیازات مفرطه هم کندییسی ایچون سبب ذلت ، همده افکار جدیده غربیه نك تعمیمه جدی بر مانع اولیوردی . بو امتیازات شرق خرستیانلرینی یالکز ترک کردن دکل ، (آوروپا) دن دخی تفریق ایدن بر نوع سد خدمتی کوریور و محدود بر ساحه داخلنده روسیه نك نفوذینه تابع بولدی ریوردی . بو حال اصلاحات جدیده ایله پک آز تبدل ایتدی .

جماعات غیر مسلمه نك اداره داخلیه سنده یالکز بر جهت اصلاح ایدیله بیلدی . بطریقارک معاملات مستبدانه لرینه سدچکمک ایچون اعضاسی معتبران ملت آره سندن منتخب مجالس جسمانیه تشکیل ایدلدی ؛ بو مجلسله کافه امور جسمانیه ده بطریقه معاونت ایتک وظیفه سی تودیع اولندی . مجالس جسمانیه اعضاسی یواش یواش کندیلرینه مذهبداشلرینک وکیلرلی نظریله باقهرق باب عالی یه قارشى برنوع صلاحیت سیاسییه حائز رسمی مرخص صفتی اکتساب ایلش ، یعنی مرور زمانه احکام نظامیه یه مغایر یولسزقلر وقوعه کتیرلش اولمقله برابر مجالس مذکورده نك تشکیلی فائده دن خالی قالمامشدی . مجالس جسمانیه مسائل عمومیه یی مذاکره ایله اکتفا ایتیه رک بر چوق خصوصی ایشلرده - طبقی سفرای اجنبیه نك کندی تبعه لرلی حقنده یابدقلمری کبی - حکومتیه مراجعت ایتمکه ، تقریرلر ، مخره لر تودیغنه باشلادیلر . بو صورتله حکومت خرستیان تبعه سیله طوغریدن طوغرییه مناسباته بولنمیور ، خط هایونک مساوات حقنده کی احکامی اخلال اولنش ، برقانون عمومی مشترک تحتنده

اتحاد عناصره چالیشیلیرکن بالعکس انقسام عناصره خدمت ایدلمش اولیوردی .
ایشته بوندن طولاییدرکه ۱۸۶۶ سنه سنده جماعات غیر مسلمه مجالس
مختلطه نیک محاکم عادیه نیک دائره صلاحیتی داخلنده بولسا ان امور ایله مشغول
اولملری منع ایدلدی .

هیئت رهبانک اها لیدن آلدینی جواثرو عائدات یرینه حکومت بودجه سندن
معاشات و تخصیصات مقتضیه نیک اعطاسی مقرر ایکن عائدات مذکور نیک محافظه
ایدلمسندن طولای دخی باب عالی مسئول طوتیه مازدی . هیئت رهبان هیچ بر
زمان بوکا راضی اولدی ، حکومت ایسه - اولسه اولسه خزینه حکومتک
بار تکالیفی تخفیف ایدن - مقاومت عنودانه جبراً غلبه نه تشبث ایتدی . ذاتاً
هیئت رهبان معاشات معینه تخصیص ایدلمش اولسه بیله جواثرو عائدات قدیمه نیک
رفع ایدیله میه چکی شهسز لیدی .

اصلاحات خط هایوننک رهبانه عائد املاکک تعرضدن مصونیتته ، موجود
کلیسایری تعمیر و یا مجدداً کلیسا انشا ایتک صلاحیتته تعلق ایدن احکام سائر سنه
حرفیاً رعایت ایدلدی . یالکیز معابد اسلامییه قربنده خرسیتیانلرک کلیسا انشا
ایتلمی منع اولندی .

تبعه دن بر صنفک دیکرینه قارشی حیثیتی اخلال ایده جک هر درلو تعییرات
و کلماتک منع استعمالی حقنده کی ماده مخصوصه یه کلنجه ؛ باب عالی اوراق
رسمیه نیک تحریرنده بوقاعده یه تمامیه رعایت ایتدی . یالکیز ولایات محکمه لری
ایله مأمورین شرعیه بوکا هر زمان رعایت ایتدیله .

قفره : ۹ الی ۱۰ . — کؤنؤ صنفک تبعه نیک ضمرات عبور مییه

قبوللری

حکومت عثمانیه ، وجدانه متعلق امور مذهبییه ایله جماعات مختلفه غیر
مسلمه نیک تشکیلات مخصوصه لری حقنده کی ماده دول معاهده نیک آمالی وجهه
رعایت ایتمش ایسه ده رعایای تبعه مسلمه دن فرقیسز بر حاله کتیره جک اولان
قوانین و موضوعات حقوقیه و سیاسیه ده بویله حرکت ایتمه مشدر . بو نقطه نظر دن
هر شئی یکیدن یاتیق لازمدی و خط هایون احکامی اونودلمش کیدی .

خط هایونک طقوزنجی فقره سنده بالعموم تبعه شاهانهك بلا تفریق جنس و مذهب خدمات عمومیہ قبول ایدیلہ جکی محرردی . حال بوکە بتون ممالک عثمانیہ دہ ایکی خرستیان پاشا بولمقده ایدی؛ بونلرکده مأموریتلری یوقدی . رعایا ، وظیفهك سوقیه دکل ، بلکه حس ایدیلن احتیاج اوزرینه بر طاقم مأموریتلره قبول اولئیورلر؛ مسئولیتدن وارسته ، استقبالدن محروم بولئیورلردی . اسلاملرک نظرندہ رعایا کافی السابق قوماندایه غیر صالح و اطاعته غیر شایان اشخاصدن عبارتدی .

شو جهت محققدرکه عثمانلی خرستیانلری حیات اسیرانیہ آلیشمشلردی؛ یوکسک مأموریتلره تعیین اولدقلری تقدیرده یا فرط غیرت و یا خود نقصان حیثیت سببیلہ ایفای وظیفهده قصور ایدرلردی . بوندن بشقہ مذاهب مختلفہ خرستیانیہ اربابی آرہ سنده کی رقابت و خصومت اودرجه شدتلی ایدی که بویوک مأمورلرک زیادہ دینداشرینک تعریضاتنه معروض قالیرلردی .

ینه طقوزنجی فقرهیه نظراً حکومتک کافہ مکاتب ملکیہ و عسکریہ سی سن حقنسدہ موضوع شرائطی حائز اولان و اصولی دائرہ سنده امتحان و یرہ ییلن هرکسه کشاده ایدی . حکومت عثمانیہك آمال احرارانه سنہ موافق یکانہ مکتب ، اجنبی معلملر طرفندن اداره اولنان مکتب طبیہ ایدی . مکتب حربیہ یه کلتجه ؛ خدمت عسکریہ ایله مکلف اولمیان خرستیانلر بورایه کیره مزلردی .

معارف عمومیہ اہمال ایدلمشدی ؛ بر دولت معظمہ سفیرینک دیدیکی کبی حکومت ، استقبال مملکتک بالخاصہ معارفہ مربوط اولدیغنی آکلامامشدی .

فقرہ : ۱۱ الی ۱۶ . — محاکم . — تنظیم قوانین . — ہمسافارلرک اصولی . — ضابطہ

«بر مملکتک دکری عدلیہ سنک دکریہ تابعدر .» دینلیر . فی الحقیقہ امور عدلیہ بر مملکتک احوال اجتماعیہ سی تقدیر ایتک ، طریق ترقیدہ ہانکی مرحلہ یه واصل اولدیغنی آکلامق ایچونک قیمتدار بر امارہ در .

حکومت عثمانیہك امور عدلیہ سنہ و تبعہ غیر مسلمہ سنہ عائد اولان مواد آتیہ یی الہ موجود اولان و ناقدن اقتباس ایدیورم :

عددی يك محدود اولان محاکم مختلطه کافی درجده استقلالدن ، وقوف و معلوماتدن ، عفت واستقامتدن محروم ایدی .

خرستیانلر حاکم صقیله ایفای خدمته جسارت ایده میورلردی ؛ حکومت بونلر میانندن حاکم انتخابنه تشبث ایتسه بیله ، شبهه سزکه ، قبول ایتمه مک ایچون چاره لر آرازلردی .

علیت محاکم حقه کی تأمینات جدی دکلدی ؛ محاکم جوارنده بولندیریلان مأمورین ضابطه محاکماتک علناً جریاننه مانع اولورلردی .

جزا ، تجارت و اصول محاکمات قانونلری تنظیم ایدلمشدی . فقط علوم حقوقیه تحصیلنه مخصوص مکتبلر ، حقوق تحصیل ایدن کیمسه لر ، قوانینی تطبیق ایدن حاکملر ، حتی احکام قانونیه واقف دعوی وکیللری زده ایدی ؛ انکلیز قونسولسلردن بعضیلرینک کندی امضا ومسئولیتلری آلتده اوله رق تنظیم ایتدکلری راپورلردن مستخرج فقرات آتیه اوقوندقن صکره اداره عدلیه نک صوک درجه فنا برحاله بولندیغی انکار ایدیله بیلیرمی ؟

« برخرستیان عمومیتله ، نه دعاوی حقوقیه ده ، نه دعاوی جزائییه برمسلمان علیهنده احقاق حقه موفق اوله ماز [۱] . برده عواده موفق اولمق ایچون ، ایسترسه ادعاسنی تأییده حاضر قرق خرستیان شاهی بولنسون ، ینه ایکی مسلمان شاهد طومغه مجبوردر ؛ بو حال هر کون واقع اولمقده در [۲] . برمسلمان ، ایسترسه قاتل اولسون ، کندی علیهنده خرستیانلردن ماعدا شاهد یوق ایسه پنجه عدالتدن قورتیله بیلیر [۳] .

« بو احوالدن استدلال اولنیورکه برخرستیانک شهادتی مقبول کلدرد [۴] ؛ اکثریا خرستیان شاهدلرک استماعدن بیله امتناع اولنیور [۵] .

« برخرستیان امر تحریری اولمهدن حبس ایدیله ؛ حال بوکه برمسلمان

[۱] سنه وکوستنجه قونسولسلرینک راپورلری .

[۲] کوستنجه قونسولسنگ راپوری .

[۳] مناستر قونسولسنگ راپوری .

[۴] قواله ولارناقه قونسولسلرینک راپورلری .

[۵] ادرنه وپره وزه قونسولسلرینک راپورلری .

عادی برشہہ اوزرینہ حریت شخصیہ سندن محروم قالیر [۱].

« حاکم لہ پاره قوتیلہ وظیفہ لرینی سوء استعمال ایتدیرمک پک قولایدیر؛
پاره ویرلمز ایسه دعوا الی نہایہ دوام ایدر [۲]. »

واقعا محاکم محلیہ مک قرار لرینہ اعتراض ایچون در سعادتمہ برنوع محکمہ
تمیز واردیر. فقط تشکیلاتی بر چوق دفعہ تعدیل وتبذیل ایدیلن بو محکمہ
رعایا ایچون ولایات محکمہ لرندن زیادہ امنیت بخش دکادر؛ چونکہ اکثریت
مسلمانلار ددر. واعضائک انتخابی حکومتک آرزوسنہ تابع اولوب اک بیوک
رتبہ دہ کی حاکم لہ عادی بر اداره مأموری کبی عزل ایدیلہ بیللمکدہ در. ذاتاً
بو محکمہ مک رئیس عدلیہ ناظریدر، یعنی قوۂ اجرائیہ قوۂ عدلیہ یہ طوغریدن
طوغری یہ مداخلہ ایتکدہ در.

انکلیز قونسولوسلرینک تحقیقاتنہ نظر آ رعایا مادامکہ محاکم حضورندہ
مساواتدن و بناء علیہ خط ہایونک تأمین ایدیلکی «امنیت جان ومال ومحفوظیت
عرض وناموسدن» محروم بولنیورلر، شوخالده حر برانسانک ووطنداشک
حقوق ابتدائیہ سندن دخی محروم ایدیلر.

حضور حاکمہ، کرک حقوق، کرک جزا دعوالرندہ رعایانک شہادتہ ہیچ بر
قیمت قانونیہ ویرلمہ رک بو خصوصہ خرسیتیانلرہ الآن نظر استخفاف ایلہ
باقلمسی شایان دقتدی. مسلمانلر خرسیتیانلر علیہندہ اجرای تعقیبات وایضای
شہادت ایدہ بیلیرلردی. خرسیتیانلر ایسہ کندیلرینی مدافعہ ایدہ بیللمک
وسائطندن محروم ایدیلر. الحاصل، بر مدعی خرسیتیان ایسہ، اصول
محاکماتندہ کی نقصاندن طولانی احقاق حق ایدہ میہ رک محکوم اولہ بیلیردی.
خرسیتیانلر ایسہ ممالک عثمانیہ اہالیسنک نصفنہ معادل ایدی، بالخاصہ اوروپای
عثمانی ولایاتندہ اکثریتی تشکیل ایدیورلردی. اقامت ایتدکاری مملکتک
محاکمہ تابع اولہ رق عینی تکالیفی قبول ایتدکاری حالده عینی صورتلہ مستفید
اولہ میورلردی. ہر مملکتندہ حضور حاکمہ چیقان بر شخصک ادعای حق
ایچون سویلدیکی سوزلر نظر دقتہ آلینیر، مگر کہ او شخص ذرہ قدر حیثیت

[۱] از میر و حلب قونسولسیرینک راپورلری.

[۲] قلمۂ سلطانیہ قونسولسنک راپوری.

واعتبار صاحبی اولسون. حال بوکه ممالک عثمانیه ده برصنف تبعه حیثیت واعتباردن محروم بولویوردی؛ بر خرسیتانک موقع اجتماعیی، اخلاقی نه اولورسه اولسون شهادتی مقبول دکلدی.

خط هایونک ۱۶ نجی فقره سنده « حقوق انسانییه یی حقوق عدالت ایله توفیق ایتک ایچون » حبسخانه لک اصلاح ایدیله جکی بیان ایدلیدیکی حالده شمدی یه قدر شایان دقت بر تبدل حصوله کله مشدی. حبسخانه لر آجینه جق بر حالده ایدی، حفظ صحت و انضباط نقطه نظرندن غیر کافی ایدی. یالکیز اشکنجه آرتق موجود دکلدی.

۱۶ نجی فقره نک کرک پایتخته، ترک مراکز ولایاتده اصلاح ایدیله جکنی بیان ایدیکی ضابطه یه کلنجه؛ اهالی ایچون حمایه تأمین ایتمکدن زیاده بر بلا ایدی. ضابطه طابورلری بر طاقم اخلاق سز کیمسه لر دن مرکبدی؛ ضابطه لر اهالی یی مدافعه و حمایه یه مأمور اولدقلری حالده اکثریا بونک تماماً عکسی کوریلوردی.

فقره : ۱۷ - خدمت عسکریه - تشکیلات اداره

خرسیتانلرک خدمت عسکریه نک مجبوری حقه ده تنظیم ایدیلن ۱۸۵۵ تاریخلی قانون احکامنه تابع اولق ایسته مدکلرینی یوقاریده سویلشدک. مع مافیه حکومت عثمانیه، هنوز بر خیال دن عبارت اولان مساوات حقوق قاعده سنه مقابل مساوات وظائف اساسنی محافظه ایتک ایسته مش و ۱۸۵۶ خط هایونک ۱۷ نجی فقره سنی بومقصدله تنظیم ایتمشدی. بونکه برابری بدل نقدی اصولی ده قبول ایدلمشدی. موقع تطبیقه قونان شی یالکیز بدل نقدی مسئله سی ایدی؛ ذاتاً بشقه درلو حرکت ایتک ممکن اوله مازدی.

خرسیتانلر ایله مسلمانلر آره سنده کی اختلاف افکار وحسیات، بویکی عنصرک عینی صورته امرار حیات ایتلرینی، عینی شیلرله مشغول وعینی انضباطه تابع اولملرینی انتساج ایده جک اولان عسکرلکدن خرسیتانلرک اوزاقلاشملرینه سبب اولیوردی. ذاتاً آره ده موجود اولان اخلاق، لسان، جنس ومذهب فرققلری عسکرلکی هرایکی عنصر ایچون، ناقابل تحمل اولسه بیله هر حالده، پک مشکل بر حاله قویه جقدی.

دیگر طرفدن خریستانلر ، مسلمان رؤسا سنك طوغریدن طوغری به
 و صورت دائمده امری آئنده ، مسلمان محیطی ایچنده بولندقلری زمان
 سه معامله به هدف اولمقدن و - لورد (قلاده ندون) ك تعیری وجهه - كوك
 كبی یشامقدن [۱] قورقورلر ، رؤسای روحانیله همه مذهبلرینك داخل
 اولدقلری مجالس اداره محلیهك حمایه لرینی طلب ایدمه جكلرینی تخمین
 ایدیورلردی .

بوندن یشقه خریستانلر اسلام اردوسنه داخل اولنجه همجنس لرینه قارشى
 محاربه ایتكه مجبور ازله جقلردی [۲] .

مسلمانلره كنجه ؛ بونلرده خریستانلر ایله مسلمانلرك نظاماً مساوی
 عد ایدلرینی حتی برمسلمانك برخرستان ضابطه تابع اولسنی انتاج ایلین
 برتجددی مع الممنونیه قبول ایده منزل ، دشمنلرینه تسلیم سلاح ایتكدن
 قورقارلردی .

مع مافیه خریستانلرك عسکرلكدكه کی مساواتك بخش ایدمكی منافعی
 بالذات رد ایلش اولدقلرینی بیان ایدرك بومشلهده باب عالی بی مسئولیتدن بری
 عد ایتك طوغری اوله ماز ؛ چونكه خریستانلرك احوال اجتماعیه سی بونوع
 مساواتك قبولی امکان خارجه چیقارییوردی . فقط اوزمان دولت عثمانیه بی
 اداره ایدن وكلائی ده بحق اتهام ایتك ممكن دكلدر ؛ چونكه وكلائی عثمانیه
 بومشلهده حق فتحك نتایج ضروریه سندن اولوب قوانین وموضوعات ملیهك
 آز جوق محافظه ایلدیكى احواله رعایت مجبوریتنده ایدیلر .

بویاده ، هندستانك (انكلتره) اداره سنده بولنان محللرنده کی سپاهی
 آایلرنده خدمت ایدن وبرلریله پك كوزل كچین مسلمانلر ایله هندولر مثال
 اوله رق ذكر ایدیلیر . فقط مسلمانلر ایله هندولر آره سنده مسلمانلر ایله
 خریستانلر میاننده کی خصومت ونفرتك موجود اولدیغی ، مسلمانلرك

[۱] لورد (استراتفورد) ۱۸ شباط سنه ۱۸۵۶ تاریخیه كوندریلن تلغرافنامه دن .

[۲] ۱۸۶۴ سنه سی شباطنده اوج بطریق باب عالی به برتقریر ویزهرك خریستانلرك
 خدمت عسکریه به قبولارینی آرزو ایتدكلرینی بیان ایتشلردر . بوتقریردن مقصد درسعادت
 مسلمانلری خدمت عسکریه دن معفو اولدقلری جهله خریستانلری ده بدل نقیدن استثنا
 ایتدیرمكدن عبارت اولدیغی ظن ایدلمكدهدر .

هندستانده اجرای حکومت ایتمکلی . کړک مسلمانلړک وکړک هندولړک بر خړستیان حکومتک تبعه سی اولوب ظلم واعتسافه مساعده ایتمین خړستیان ضابطلړک قومانداسی آلتنده بولندقلری اونودیلیر .

الحاصل ، اردوی عثمانی احکام شرعیه اوزرینه مؤسس بر اسلام اردوسی اوله ررق قالمشدی . خړستیانلردن آلتان بدل تقدی قدیم خراج قدر محقر برویرکو اولماقده برابرینه بونک بشقه برشکلده اعاده سی دیمکدی .

خط هایونک ۱۷ نجی فقره سی خدمت عسکرینه دن بشقه باجمله جماعات غیر مسلمنه ک اشتراک ایتمکلی مجالس اداره و لایاتک صورت تشکیلی حقدمه اصلاحات مهمه یی حاوی ایدی . خط هایونده وعد اولتان اصلاحات ، تجربه طریقله ، طونه ولایتده تطبیق ایدلدی ؛ یوقاریده ۱۸۶۴ قانونی تدقیق ایدرکن بوباده ایضاحات لازمه ویرلش اولدیغندن بوراده تکرارینه لزوم کورمدم .

طونه ولایتده تطبیق اولان قوانین و نظامات پیدرپی سوریه ، ارمنستان و بوسنه ولایانه دخی تشمیل ایدلدی و برمدت صکره اروپا و آسیا ولایاتک کافه سنده تطبیق اولندی [۸]

فقره : ۱۸ . — اجانبک امیرک صانوه آلمری حقی — ویرکولر
اجنیلیر ، ۱۸ حزیران ۱۸۶۷ تاریخلی قانون موجبجه ، ترکیاده اموال غیرمنقوله اشتراسی حقنه مالکدرلر . بوباده بین الدول قبول ایدیلن پروتوقولدن بحث ایتدیکم صروده اجانبک حقوق تصرفیه سنه دائر ایجاب ایدن معلوماتی ویرمشم .

خط هایونک ۱۸ نجی فقره سنه نظراً اعشار اصولی تدریجاً قالدیریلهرق طوغریدن طوغرییه ویرکو تحصیلی اصولی وضع اولنه جقدی . ذاتاً اولجه .

[۱] تشکیل ولایات — بغداد و بین مستثنای اولقی اوزره — ۱۸۶۸ سنه سنده اکیال ایدلمشدی . بوابکی قطعه داخل اولقی و اداره مخصوصه یه تابع اولان استانبول و جبل لبنان خارج برافلق شرطیله ولایات عثمانیه بوجه آتی ایدی :

اوروپاده ، آطلر ایله برلکده ، ۱۰ ولایت ، ۲۴ لوا

آسیاده ۱۶ « « ۷۴ »

آفریقاده ۱ « « ۵ »

بتون ممالک عثمانیه ده ۲۷ « « ۱۲۳ »

کلیخانه خط هایوننده دخی التزامات اصول مضره سندن بحث اولندی صروده
« آلات تجریبه دن اولان و هیچ بروقده ثمره نافعہ سی کوریله مین بواصولک
بر مملکتک مصالح سیاسیہ و امور مالیہ سنی بر آدمک ید اختیارینه و بلکه ده
نچه جبر و قهرینه تسلیم دیمک اولدیغی » بیان ایدلمشدی.

التزاماتک مضراتی صورت رسمیه و قطعیه ده تصدیق ایدلمکله برابر -
امانه اداره اولنان کرکلردن ماعدا - دیگر ویرکولرک کافه سنده محافظه
اولنمشدی . کتابتک برنجی قسمنده ایضاح ایلدیکم وجهله رشید پاشا کلیخانه
خط هایوننک نشرندن برقاچ سنه صکره فرانسه ده جاری اولان ویرکو تحصیلی
اصولنی تجربه طریقله موقع تطبیقه قویمش ؛ فقط مستقیم مأمورینک فمندانندن ،
ویرکویه تابع اراضینک قادیاستروسی موجود اولماسندن طولانی بوتجربه دن
واز کیلمشدی . آرز زمانده تبدیلی ممکن اولمان احوال و شرائط حاضرده
نظراً خزینة حکومتک التزام اصولندن امانه اداره اصولی درجه سنده مضرت
کورمیه چکی تحقق ایتشدی .

ماضیه متعلق احوالده ، عصرلردن بری یرلشمش عادات و نظاماتک
الغاسنده حکومت عثمانیه یالکیز عدم اقتدار ایله اتهام اولنه بیلیر ، بوده کندیبی
ایچون بر معذرت تشکیل ایله بیلیردی ؛ فقط ویرکونک عموم صنوف تبعه
ایچون مساوی اولسی مسئله سنده قید سزلق ، صوک درجه ضعف و عجز ایله
حرکت ایدلدیکی بحق ادعا اولنوو .

هیچ کیمسه یه محمول اولمدی اوزره بلغارستانده ، بوسنه ده ، هر سکنده ،
ولایات سائرده آره صره حکومتک راحتی قاجیران تبعه غیر مسلمه
عصیانلرینک چونی اکثریا تکالیف عمومیه ده کی نسبت سزلکدن ، بعضاده
مساوات سزلقندن نشأت ایتشدی . حکومتک محلیه نیک ویرکوم مسئله سنده مسلمانلره
صورت مخصوصه ده مماشات ایدلدیکی کوسترن احوال و وقایع پک چوقدر [۱] .

[۱] ۱۸۶۷ تحقیقاتنه متعلق اورانده ذکر ایدلین وقعه آتیه ی بالذات مشاهده
ایتدم : دور بچوده کان (غراج) قریبه سنده ۹۰ خرسیتیان ، ۸۰ مسلمان عائله سی
موجود ایدی . ۲۸۸ دن کشیدن مرکب ۵۱ قفقاسیه یی مهاجر عائله سنیک بوراده
یراشدیرلمی ایجاب ایتشدی . خرسیتیانلرک اعاشه ایده جکاری مهاجرین عائله لری ۲۸
و مسلمانلرک اعاشه ایده جکاری عائله لری ۲۳ اولقی لازم کلیرکن خرسیتیانلره ۳۶ ، مسلمانلره
ایسه آنجق ۱۵ عائله تحمیل ایدلشدی .

خط هايونك اون سڪزنجي فقره سنده تڪاليفك مها امڪن محصولاته ، منابع طبعيه به خلل و یرمیه جك و تجارت داخله به مانع اولیه جق صورته وضع و تعیین اولانه جني دخی محرردی . حال بوکه فعلیاتده عمومیتله بونك عکسی ظهور ایتدی . صنایع محلیه نك نه درجه سقیم بر اصوله تابع اولدیفنه ، بوبابده علم اقتصاده مغایر ، بیوک بر بصیرتسزلک کوسترلدیکنه مثال اولمق اوزره بوجکخا- نه لردن فابریقه لره کوندربیلن ایپك قوزهلردن یوزده سڪز رسم آلدیفنی حالده ممالك اجنبیه به اخراج ایدیلن قوزهلردن آنجق یوزده ایکی کمرک رسمی اخذ اولدیفنی ذکر ایدیلر .

فقره : ۲۰ و ۲۱ . — امور نافع . — بورد . — مأمورینك

معاشی

امور نافعیه تخصیص اولنان مبالغ بك جزئی اولدیفنی کبی معارف عمومیه تخصیصاتی دخی اهمیتدن عاری ایدی .

بودجه قانوننه اصلا رعایت ایدلمه مشدر ؛ ۱۸۶۲ سنه سندن بری ایقای وظیفه ایدن دیوان محاسباته رغماً واردات و مصارفاتك قونتزل اولمسی سوزدن عبارت قلمشدی .

خدمات عمومیه دواته تخصیص ایدیلن و معقول بر حاله وضع ایدیله جکی بیان اولنان معاشاته کانتجه ؛ بوخصوصده دخی بعضلری ایچون افراطه ، بعضلری ایچون تفریطه وارلدیفنی و آره ده کی نسبتسزلکک نتایج مؤسفه حاصل ایتدیکی کورلمشدر . عسکری و ملکی الك عادى پاشا ۶۰ الی ۸۰ بیك غروش معاش آلمقده و معیتلرنده سوء استعمالاته بر واسطه اولان برچوق کاتب و خدمتکار استخدام ایدرک مصارف زانده اختیار ایلمکده ایدیلر . کوچك مأمورلرایسه ، بالعکس ، هر شیدن محروم ایدیلر ؛ بونلرک مدار معیشتلری اصحاب مصالحك جیلرندن چیقمقده ایدی .

کوچك و بیوک مأمورلرک معاشاتی آره سنده کی فرق عظیم الك زیاده اردوده اجرای تأثیر ایتمکده و تشکیلات عسکریه نك روحی اولان شرف و حیثیتی محو ایلمکده ایدی . یوز باشیلر ایله ملازملر اکثراً نفقات کبی یشامغه مجبور ایدیلر ؛

کرك آمرلرينه و كرك معيتلرينه قارشى محافظه حيثيه موفق اوله ميورلردى .
عنى نسبتسزلك خدمات ملكيه ده دخى كورلمكده ايدى . بر ناحيه مديرى
ايله بر قضا قائممقامى آره سنده كى فرق (فرانسه) ده بر « پرمفه » ايله اك
عادى بر كويك بلديه ريئى آره سنده كى فرق قدر عظيم ايدى ؛ حال بوكه
ناحيه مديرى قائممقامدن صكره كلن اك بيوك ملكيه مأموريدر .

فقره : ۲۲ و ۲۳ . — مجلس اعظم عدليه . — منع ارتكاب
واعصافات قانونى

خط هايونك بو فقره لرنده وعد اولنان شيلر ايچون هيچ بر نتيجه حاصل
اولمدينى بيان ايديله بيلير . جماعات غير مسلمه نك اشتراك دعوت ايدللكرى
مجلس احكام عدليه يالكلز بر دفعه اجتماع ايتشد .
بو مجلسه متعلق نظامات حكمدن ساقط اولمشدى .
افساد ، ارتكاب و اعتساف ايله اتهام اولنان مأمورين حقنده آره صره
تدابير شديد اخذ اولمش ايسده تاثيرى كورلمه مشدر . بو نقطه نظرندن
اخلاق عموميه ده هيچ بر تبدل حصوله كلمه مشدى .

مآمره . — بانقهره . — طرق نفقه

۱۸۵۶ خط هايونك وعد ايدلىكى مؤسسات نافعه دن آنجق عثمانلى
بانقهرسى تأسيس ايديله بيلمشدر .

صوك سنه لر ظرفنده طونه ولايتنده بايلان بعض طرق و معابر استثنائى
ايديلير ايسه نه طرق نقليه ، نه ده قناللىر كى امور نافعه يه تصادف ايدلمديكى
كورلمش و تركيانك يالكلز كندى پاره سى و مأمورلى ايله بوكى شيلرى ده
يك چوق زمان يابه ميه جفته قناعت تامه حاصل اولمشدى .





يکرمی دردنجی باب

مقدمه و نتيجه

۱۸۶۷ سنه سنده تنظيمات حقنده کي تحقيقاتک نتايجنه دائر يوقاريده ويريلن معلومات کتابمژک ايکنجی قسمی ایچون خلاصه خدمتی کوره بيلير .

تحقيقات مذکوره دن آکلاشيديليغنه کوره ۱۸۵۶ خط هايوننک معافيات مذهبيه و جماعات غيرمسلمه نك قسماً تعديل ايديلن امتيازاتنه متعلق موادی حقیقه تطبیق ايدلمش ايسه ده موادملکيه وسياسيه ده مملکتک شرائط اجتماعيه سی حسن اولنور درجده تبدل ايمه مشدی .

ملت غالبه نك تفوقی و قوانین و موضوعات ملیه نك احکام دینيه توافقی اساسنه مستند اوله رق عصرلرجه زماندن بری دوام ایدن غیرطبیعی بر اصول اداره نك سبب اولدینی سوء استعمالاتی منع ایچون بر چوق فرمانلر ، اراده سینه لر صادر اولمشدی . تاریخی یازديغمز اون بر سنه نك زمان طرفنده بر چوق شعبات اداره ، رعایانک اصلاح احوالی و حکومتک اجرا آتنده قيود دینيه دن تحلیصی فکریله تنظيم اولنان نظامات جدیديه تبعاً ، اصلاح ايدلمشدی . محاکم مختلطه نك مقداری تزید و جزا ، تجارت ، اصول محاکمات حقوقیه قانونلری تنظیم قلمشدی . بر خیلی مکاتب کشاد ، ولایات قانونی تنظیم ، حقوق تصرفیه توسیع ايدلمش ، حتی اوقافه بیناه طوقونلش و سائر اجرا آتده بولنلمشدی .

فقط ، اهالی به مساوات حقوق منافعی بخش ايمه مملکه برابر هیچ اولمازسه بونلری استعمال حقوقه آليشدیران ، تشکیل ولایات استنا ايدیليرسه قوانین و تدابیر مذکوره نك قسم اعظمی عقیم قلمش ؛ واضع قانون ، فوآد پاشانک ، اصلاحاتک مشکلاتنه دن بحث ايدرکن ايضاح ایلدیکی ایکی بیوک مانعیه ، یعنی خلقک

افکار و اعتقادات باطلہ سبلہ فساد اخلاق عمومیہ یہ غلبہ ایدہ مہ مشدر۔ اصلاحاتدن متضرر اولانلر تنظیاتک علیہندہ بولندیلر ؛ اصلاحات طرفدارلری آنجق بوندن مستفید اولہ جقلردن عبارتدی . بشقہ مملکتلردہ بر انقلاب وقوعہ کلدیکی زمان عددآ ضعف و نقصانی فعالیت اجراآت ایله تلافی ایدن بر اصلاحات فرقہ سی ظهور ایتدیکی حالده ترکیاده تنظیاتک بر قاق رجال حکومتدن بشقہ طرفدار ی یوقدی و بونلر دخی دول اجنبیہ نک تأثیریلہ اصلاحاتک لزومنی آ کلامشدر و اصلاحاتی مسلك سیاسیلرینہ اساس اتخاذ ایتشلردی .

رشیدلر، عالیلر، فوادلر ترقی بی کمال صمیمیتلہ ایستورلردی؛ فقط اصلاحاتک لزومنه قانع ، مقتدر معاونلرک ، مأمورلرک معاونت و خدمتلری اولمدن موفق اولہ بیلیرلرمی ایدی ؟ مجبوراً استخدام ایتدکلی مأمورلر کیملر ایدی؟ بونلرک قسم اعظمی ممالک غریبہ مکتبلرینک شا کردی اولدقلرینی ادعا ایدن، ماهیتلری مشکوک، قیدسز، ارتشاوسوء استعمالاتہ میال کیسه لر دی؛ پک آزی مستثنا اولق اوزره دیکرلری مدنیت غریبہ ایله تماسلرندن آ کلاشیلماز بر تردد وقرارسزلقدن ، اوروپادن دون بر موقعده بولندقلرینہ قانع اولمقدن متولد بر مرارت حسدن ، اوروپا یلیرک تفوقلرندن حاصل اولان نفرتدن بشقہ برشی الدہ ایتہ مشلردی .

مملکتہ کنجہ ؛ هر یرده جاهل و حریص اداره مأمورلرینہ تسلیم ایدلمشدی . صیق صیق تبدل ایدن بو مأمورلر ولایتده زنکین اولق ایچون اشترا ایتدکلی التزاماتی ایشلمکدن ماعدا برشی دوشونمزلردی .

صنوف مأمورینک آشاغی درجه لرنده کویا مساواتک معاسز بر کلمه دن عبارت اولندیغی آ کلامق ایچون بر قاق خرستیان واردی ؛ فقط بونلرده منسوب اولدقلری جماعتک منافعه اهانت ایدن ، همذہبیلرینی بلا مرحمت تضییق ایلین ، اللرنده کی نفوذ و اقتدار ی شایان نفرت و حقارت بر حاله کتیرن کیسه لر ، خرستیان نامنه غیر لایق ، ترکله خوش کورونمک ایستین، علناً تبدیل دین ایدہ مین حقیقی مرتدلر ایدی .

ایشته مملکتلرینی اصلاح ایتک وظیفه سنی درعهده ایلین رجال حکومتک اللرنده کی وسائط بونلر ایدی .


(اوروپا) ، اصلاحات خط هایونی بر سلاح مقامنده قوللانیوردی ؛

قریم محاربه سنده کی هزیمت لرینک محصولی اولدینی ایچون بو خط همایونه اهمیت ویرمین (روسیه) مستقلاً اولمق اوزره دیگر اوروپا دولت لرلی باب عالینک هیئت دول معظمه میاننه داخل اولسیله واقع اولان تعهداتی ایفا و اکمال ایتمسینی طلب ایدیورلردی . سفرای اجنیه نك اصرار لرلی، یواش یواش دول معاهده نك امور داخلیه عثمانیه یه دائمی بر صورتده مداخله لرینی انتاج ایده جکی شبهه سز بولنان قونترول و مداخله طلب لرلی بوندن نشأت ایدیوردی [۱] .

پادشاهی اوروپا دولت لرینک تحت وصایتنه وضع ایده جک درجه ده ایاری یه وارد یریلان مداخله مسلک نك تدریجاً دها زیاده شدتله موقع تطبیقه قونولدیغی آئیده کوره جکز ؛ نتیجه نه اولورسه اولسون بو قسمک خاتمه سی اوله رق دیه بیلیرکه : دولت عثمانیه نك صرف کنسدی قوتی ، وساطتی ایله تجدد و اصلاحاته مقتدر اوله مدینی آکلاشیلمش ، (اوروپا) اصلاحاتی بالذات اجرایه قرار ویرمشدی .



[۱] مؤلفک « ترکیا و حق مداخله » نام اثرینه مراجعت .



اوچنچى قىسىم

۱۸۶۸ — ۱۸۸۲

برنجى باب

تەلجىمانىمە فرانسىز نەزىرىنىڭ ھارى اولدىغى زىمانە . — غالى و فوۋاد پاشا
ايدىمەن بىر ھېيت و ھەلە تىكلى . — فرانسىزنىڭ اصرەات يىزغىسى .

دولت عثمانىيە، قىرىم محاربه سندن سكرە ، اوروپا دول معظەمەسى ھېئىتى ميانىنە
داخل اولمش ، فقط بو حادثە جەدىدەنك استىزام ايلدىكى وظائفى بحق
آكلايە مامشىدى .

مدبر بر حكومتك بر چوق اجرا آتە موفق اولمى ايچون كافى بر دورە
صلح و مسالمتى بسىتون بوش كچىرمە مەكلە برابر حقيقى اولمىدن زىادە ظاهرى
اولان بر طاقم تبدلات وقوعە كتىرمشىدى . ايكنچى قىسىمك خاتمە سىندە ايتما
ايلدىكىم وجهلە دول متفقە و بالخاصە (فرانسە) قىرىم محاربه سىندەكى خىدمەتلىرىنە
مقابل باب غالى يى نظارت مەتادىيە آلتىدە بولدىرىمق ايتىوردى .

بودولتلىر، اثر طالع اولەرق راس كاردە قالان ، فقط ۱۸۵۶ مەھدنامەنىڭ
عقدىنى متعاقب حاز اولدىقلىرى نفوذى محافظە ايدەمدىكلىرى روابت اولتان
غالى و فوۋاد پاشالارە كوۋەنىورلردى . ھەر زىماندن زىادە حكەمدار مطلق كېي
اجراى حكومت ايتىمك ھوسنە دوشىن ، كىتىدجە حرص و شىتنى آرتىران
سلطان عبدالعزىز . مطلقىت ادارەدن بشقە بر شى دوشونمىور وانى ايلە فزانى
تفرىقدن عاجز بولنىورمىش كېي — افق سياستدە سقىنە حكومتك چارپەجىنى

قیانغی کورمه‌دن ، موجودیتی بیه آ کلامه‌دن عالی و فؤاد پاشا-لرک افکار و آمانه مانع اولمق ایچون لندن کلدیکی قدر چالیشیور ، درلو درلو بهانه‌لر بولیوردی .

عالی و فؤاد پاشا-لر پادشاهه قارشى کندیلرینی مدافعه‌یه مقتدر اولسه‌لرییه خزینه مالیه‌نک مضایقه‌سنی ، مأمورین حکومتک و اهلینک اسباب رفاهدن محرومیتی قسماً اصلاحاته عطف‌ایدن اهاالى اسلامیه‌نک افکار عمومیه‌سنجه نظر محبتله کورلمیه‌جک‌لرینی آ کلا یورلردی .

شوراسنی‌ده علاوهٔ بیان ایدم که عالی و فؤاد پاشا-لر بو مشکلاته چاره‌ساز اوله‌بیلیمک ایچون کندیلرینه قطعاً همفکر اولمیان رجال حکومتک رفاقت و معاونت‌لرینی قبوله مجبور اولمشلردی ؛ بو آدم‌لر مقام اقتدارده قالمق املیه اصلاحاته آچیقدن آچیغه اعتراض و هجومدن برمدت موقته ایچون وازچکیورلر ، فقط ایکی اصلاحات‌پرور وزیرک اجرا آتسه هر کون بشقه بر صورتله مانع اوایورلردی ؛ بو ساخته برادرلردن بعضیلری هیئت وکلاده او درجه نفوذ و اهمیت قزانشلردی ، که قریباً بر بحران ظهوری محقق ایدی .

عالی پاشا ، کرید جزیره‌سنجه اجرائی ضروری اولان تبدلات اداره‌یه ابتدار ایتمک ایچون ۱۸۶۷ سنه‌سی اوخیرینه طوغری محل مذکوره عزیمت ایتشدی [*] . استانبولده یالکیز باشنه باب عالی‌نی اداره ایتمک مجبوریتنده قالان فؤاد پاشا سرای هاپونک کندیسندن شبهه ایتدیکینی و دشمنلرینک رأس‌کاردن دوشمننه چالیشدق‌لرینی آکلادی . فؤاد پاشانک خصملری والده سلطانی درلو تزویرات ایله اغفال ایتشلردی . والده سلطان دخی اوغلی نزدنده خارجیه ناظری علینده کی اتهاماته واسطهٔ تبلیغ اوایوردی :

عالی پاشانک غیوبتی زماننده وظیفهٔ صدارتی بحق ایفا ایتمک ممکن اولد-
میه‌جغنی آکلایان فؤاد پاشا ، هم انتریقه‌جیلری و آز چوق اصلاحات دشمنی
اولان کیمسه‌لری ، هم‌ده «کنج ترکیا» افراط‌پرست‌لرینی خارج براقق اوزره
عالی پاشا ایله برلنکده مستقل و مسئول بر هیئت وکلا تشکیله موفق اوله‌مازسه
موقع اقتداردن چکیلیمکه قرار ویردی . ممالک اجنبیه‌ده مقیم «کنج ترکیا»

[*] ۱۹۹ نجی صحیفه‌یه مراجعت .

فرقه‌سی شایان امن و اعتماد کورلیوردی . بو فرقه‌نک اک مجنونانه اجرا آته
تثبت ایده‌جکی ظن ایدیلور و حریتپرستلکی دخی داعی شهه کورلیوردی .
فرقه‌نک واسطه نشر افکاری اولان « مخبر » اولجه مسلمانان ايله خرسیانلر
آره‌سنده مساوات تامه‌نک مدافع غیوری ایکن شمدی تبدیل مسلك ایتمش ؛
خلفای راشدین زماننده اولدینی کبی احکام شرعیه به بحق رعایت ایدلمسینی،
غیر مسلملره قارشى جهادی توصیه وبالخاصه باب عالینک (لوندره) ، (زلین)
و (آته) ده خرسیان سفیر بولندیرمسندن شکایت ایدیوردی [۱] .

۱۸۶۳ ده اولدینی کبی [۲] بو دفعه‌ده پادشاه ، کروه متعصین و یا « استا -
توقو » طرفدارلریله اوتهدن بری توحید مساعی ایلین ایکی وزیر اصلاحپرووری
ترجیح ایتک مجبوریتده بولندی . نهایت فؤاد وعلی پاشالار غلبه ایتدیلر .
سلطان عبدالعزیزک عالی وفؤاد پاشالار موقع اقتداردن چکیلیرلرسه دول
معظمه‌نک توجه و محبتی غائب ایده‌جکینی دوشونهرک بو ایکی وزیرى اصلاحات
پروغرامنی اجراده سربست بر اقدینی بیان اولنه‌بیلیر .

ایشته بو صورتله موقع اقتداره کلن متجانس هیئت وکلا ۱۸۶۸ سنه‌سینده
اصلاحاته باشلادی . واتحاد و قوتدن محروم بر حکومت یرینه ده‌ها عنزمکار وده‌ها
زیاده اصوله رعایتکار بر اداره قائم اولدی .

تنظیماتک بو دوره مهمه‌سینده (فرانسه) حکومتی شایان اهمیت بزول
اویناه‌جق کبی کورونیوردی . (فرانسه) ، عصرلرجه زماندن بری عثمانی
پادشاهلریله موجود اولان مناسبات صمیمیه‌سنه ، عصر سابق اوائلنده دولت
عثمانیه‌نک ایلك اصلاحاتی اوزرینه اجرا ایلدیکی تأثیر ونفوذ [۳] ، ۱۸۵۴

[۱] کنج ترکیا فرقه‌سی مصطفی فاضل پاشانک امری آلتنده بولمق اوزره پارسده
بر نوع اداره مرکزیه تأسیس ایتشدی . ۳۰ نیسان ۱۸۶۷ تاریخنده نشر اولنان
نظامنامه‌نک برنجی ماده‌سینده فرقه‌نک مصطفی فاضل پاشانک پادشاهه تقدیم ایلدیکی مکتوبده محرر
پروغرامی موقع تطبیقه وضع ایتک وبالخاصه خرسیان تبعه عثمانیه‌نک اصلاح احواله
جالشقم مقصدیله تشکل ایتدیکی بیان اولنیوردی .

[۲] ۱۷۳ نجی صحیفه‌یه مراجعت .

[۳] سلطان محمود اول ومصطفای ثالث زماننده‌کی ایلك تشکیلات عسکریه‌نی اداره ایدنلر
فرانز موسیو دو (بونوال Bonneval) ايله فرانسه‌نک خدمتنده بولنان مجار تبعه‌سندن

مخاربه‌سنة هر دولتن زیاده اشتراك ایلمسنة استناد ایدرك اصلاحاته مداخله خصوصنده ایلری به کیتدی . دول غریبه دخی (فرانسه) نك تفوقه اعتراض ایتدیلر .

اول امرده براز متردد طاورانان (انكلتره) فرانسه حكومتك افكارینی قبول ایتمش وفرانسزلرك اخطاراتنه تابع اولمقی سلطان عبدالعزیزه توصیه ایلمشدی . برنس دو (مترنیخ) ك مسلكینی [۱] بك چوق زمان اول ردایدن وروسیه طرفدن تكلیف اولنان طرز اصلاحاتی اخیراً قبول ایتین (اوستریا) نك آمالی‌ده بو مرکزده ایدی . (بروسیه) و (ایتالیا) نك معاونت مغنویه‌لری دخی تأمین ایدلمش عد اولنیوردی .

(پترسبورغ) قابینه‌سنة كلنجه ؛ بشقه بر فكرده بولدیغی صاقلامق شویله طورسون ، بالعكس ، (فرانسه) حكومتجه واقع اوله‌جق تشبهنك عقیم قاله‌جغی اعلان ایدوب طورییوردی . برنس (غورچاقوف) دولت عثمانیه سفیرینه دیمشدی كه : « خط‌هایونكری هیچ سومبورم . بوخط ، اون سنة اول میدانه چیقاریلوب بدلی تأدیه ایدلمش بر پولیچه‌یه بکزر . بنجه ، دولت عثمانیه ایچون خرسیتیانلره مختاریت اداره ویرمكدن بشقه بر چاره صلاح یوقدر . » دیگر بر روس دیپلوماتی (غورچاقوف) ك بو دستور حرکتی ده‌ا شدید بر شكملة قومش ، دولت عثمانیه ایچون Ou autonomie ou anonomie – یااوتونومی یاخود آناتومی « دن برینی [یعنی خرسیتیانلره مختاریت اداره ویرلمسنى ویا جسم دولت اوزرنده عملیه تشریحیه اجراسنى ، تعبیر دیگرله ممالك عثمانیه‌نك انقسامنى] قبول ایتمكدن بشقه چاره اولمدیغی سویلشدر [۲] .

الحاصل – (روسیه) نك ایلریده ایقاع موانع ایلیه‌جکی حقنده‌کی ظن و تخمین استننا ایدیلیرسه – احوال عمومیه (فرانسه) حكومتك اصلاحات عثمانیه‌یه مداخله‌سنة بك مساعددی .

بارون دو (توت Tott) اولدیغی کبی سلطان سلیم ثالث فرانسز اطباسندن آلدیغی معلومات اوزرنه نظام جدید عسکرینی تشکیله تشب ایتشدی .

رشید پاشا ۱۸۴۰ سنه‌سنده بر فرانسز دیپلوماتنه شو سوزلری سویلشدی : « بزداثما فرانسه‌یه مراجعت ایدرز . محتاج اولدیغمز اصلاحاتی بزه کوسترن اودر . اصلاحاتمك انكائی وموفقیتله نتیجه‌لیمسنى فرانسه‌یه بورجلی ز . »

[۱] ۴۹ نجی صحیفه‌یه مراجعت .

[۲] شرق مسئله‌سی دوسیه‌سی ، ۱۸۶۸ . صحیفه ۱۴۶ .

(پارس) قاينىسى ۱۸۶۷ سنەسى كانون ئاينىسەندە ۱۸۵۶ خط ھايونىنە دائىر باب ەالى ە تەبلىغ ايتىدىكى نوطەدە اصلاھات پروغراممى ھكومت ەئمانىيە بىلدۈردى . اون آلتى بىندىن مەركىب اولان بو وثىقەدە شەبەت ادارەدن ھىچ بىرى اھمال ايدىلمەش و آيرىچە وىرېلىن اىضاحنامەدە دىخى وکلای ەئمانىيەنك نەظر دقتە عرض ايدىلن مواد ھقندە معلومات لازمە وىرلىشدۇر [*] .

بو اىضاحنامەنك باش طرفندە مەعارف ەمومىيەدن بىھت ايدىلىيور و بالخاصە خرىستىيانلرك دىخى قبول ايدىلەجكلرى مسلمان مكاتب تالىيەسى تأسىسەنە ، مسلمانلر ميانەندە تھسىل ابتدائىنك تەعمىمى اىچون مەلەملر یتشىدیرلىسەنە ، فنون ، تارىخ ، اصول ادارە ، ھقوق تھسىلى اىچون بىر دارالفنون ایلە مسالك مختلفەيە مخرج اولەجق مكاتب ەالە تەشكىلەنە ، ەمومى كىتەخانەلر كىشادىنەلوزوم كوسترىلىيوردى . (فرانسە) ھكومتىنك الك بىيوك اميدى مەعارف ەمومىيەنك تەمىم و ترقىسەندە ايدى . ھر شىدن اول تریيە مسئلەسنى میدانە وضع ايدىيور و مسائل سائزەنك كافەسنى بوكا مەربوط و متوقف عد ایليوردى .



[*] فرانسە ھكومتىنك نوطەسەندە مواد آتەدن بىھت اولمقندە ايدى : خرىستىيانلرك مختلف مأمورىتلرە قبولى ، مەعارف ەمومىيەنك اصلاھ و تەعمىمى ، اصول ادارە و لاياتىك ھەر طرفە تەشكىلى ، ەلنىت مھاكتك صورت جەدەدە تأسىمى ، خرىستىيانلرك شھادتلىرىنك صورت قەطەيە ەمومىيەدە قبولى ، قواىن تىجارەتەنك تەنظىمى و مھاكم تىجارەتەنك اصلاھى ، بىھتەخانەلر ایلە امور ضابطەنك اصلاھى ، اجابىك ھقوق تەصرفەدن سىرەنچە مستقىد اولملىرى ، اوقاف اصولىنك اصلاھى و كافە املاك و اراضىنك ملكە تھوىلى ، اموال غىرە منقولەنك رھن و فراغى اصوللىرىنك تەبدىلى ، قرەدى فونىسىيە تأسىسى ، بالواسطە وىرگولرك امانە ادارەسى و التزاماتىك القاسى صورتىلە بلا واسطە وىرگولرك تھسىل و جابىتى اصولىنك تەبدىلى ، داخلى كىركلرك واستىھلاك رسومىنك القاسى ، امور نافەئە جىسىمەنك اجراسى ، طرق و مەبارىك اصلاھى ، مەادن و اورمانلرك ایشلىتىرلىسى ، بىيوك شھەرلەدە بىلدە دائرەلرىنك تەشكىلى ، ھەر نظارت اىچون خصوصى بىر بودجە و بىون شەبەت ادارە اىچون دە ەمومى بىر بودجە تەنظىمى .



ایکینچی باب

معارف عمومیہ تشکیل دینی . — مکتبہ سلطانی

ترکیادہ معارف عمومیہ اصلاحاتک الہ قوتلی خصمیری علما ایدی . علما عصر لرحہ زماندن بری تربیہ و تدریسات ملیہ نک یکان مدیر و ناظمی بولندقلری ایچون امور حکومتده نفوذ و قوتلرینی تأمینہ ہر شیدن زیادہ مدار اولان بویہ بر امتیازدن واز کچمیہ جکلری آشکار ایدی .

۱۸۴۵ سنہ سندنہ سلطان عبدالمجید ، ہیچ اولمازسہ مکاتب ابتدائیہ علماک نفوذندن آزادہ بولندیرمغہ تشبث ایتمش و تدریسات ابتدائیہ قسماً تدریسات دینہدن آیرہ جق طرق و سائلطی حاضرلق ایچون برہئت مخصوصہ تشکیل ایلمشدی [۱] . بومادہ حقنہدی کی تحریرات نظارتناہی [۲] مطالعہ ایدیلرکن مقصد اصلی کی کشف ایتمک عادتا ممکن اولہماز ؛ علماک امتیازات قدیمہ سنہ خلل ویرہ جک ہر درلو تشبث غایت تہدیکلی عد ایدیلوردی . اوزمان اتحاد اولنان تداییر حکومتک عجز و ترددینی پک کوزل کوسہ تررہ نتیجہدہ ، بالخاصہ ولایاتدہ ، تدریسات عمومیہ سنہ فنون جدیدہ نک تحصیلنی امکان خارجنہ چیقاران اصول قدیمہ یہ تابع قالدی .

ہیئت علمایہ تابع اولان تدریسات عمومیہ ایکی شعبہ یہ آریلیوردی : صیان ورشدیہ دنیلن مکتبلر تحصیل ابتدائیہ مخصوصدی . بونلرک برنجیارندہ ترجمہ الفبا ایلہ قرآن کریم ، ایکنجیلرندہ املا ، قرائت ترکیہ ، براز حساب و ہندسہ ، تاریخ و جغرافیای عثمانی تدریس ایدیلوردی .

[۱] ۷۲-۷۴ نجی صحیفہ یہ مراجعت

[۲] ۶ مارت ۱۸۴۶ تاریخی تحریرات عمومیہ .

مکاتب صیانیہ ورشدیہ دن بردن بزم مکاتب عالیہ، یعنی جامع درس لریہ۔
مدرسہ لره کچیلور و بورادہ صرف، نحو، منطق، فلسفہ، علم اشتقاق، ادبیات
درس لری کوریلوردی۔ فن نامہ ہندسہ ایلہ ہیئتدن بشقہ بر شی یوقدی۔
علما نامزدلری تفسیر وحديث، حقوق و فقه درس لری کوریلورلری
وبونک ایچون غایت اوزون و کوچ بردورہ تحصیلیہ کچریورلردی۔

مدرسہ لردن بشقہ متعدد مکاتب خصوصیه واردی؛ مکاتب رشدیہ دن واعدادی
دنیلن دیگر بر قاج مکتبدن چیقان شاگردان بومکتبلرده اوقویہ رق اداره،
عسکریہ، بحریہ و طبابت خدمت لریہ حاضر لانیورلردی [*]۔

الحاصل، بر قاج سنہ دن بری، حکومت مکاتب خصوصیه محلیہ ده کی
تحصیل لری ا کمال اتمک، دها طوغریبی دورہ تحصیلیہ نک ختام بولاینی باشند
صکرہ تحصیلیہ باشلامق ایچون بر خیلی کنج لری مصارف عظیمه اختیار لیه ممالک
اجنیه یه کوندر مشدی۔

مسلمانلرک اوروپا مدنیتی سویه سنه یو کسلمه لری ایچون لازم کلن معلوماتی
مدرسہ لردہ بولہ میہ جقلری شبہ سزدی۔ علوم دینیہ تحصیلنه مخصوص اولان
مدرسہ لر احتیاجات جدیدہ مدنیہ یی هیچ بر صورت لہ تأمین ایدہ سزدی۔ مکاتب
سائرہ کلنجه؛ تدریسات تالیہ ایچون مکتب یوقدی، یعنی - بعض مکاتب
عالیه نک شعبه لری حکمنده بولنان بر قاج اعدادی مکتبی مستثنا اولمق اوزرہ -
تحصیل ابتدائی یی ا کمال ایدن شاگردانی تحصیل عالی یه حاضر لیه جق مکتبلر
مفقود ایدی۔ بوسیدن طولانی مدرسہ لرک و مکاتب مخصوصه نک هیئت تعلیمیه
و ادارہ لری، معلمینی آرز چوق جاہل کیمسه لردن مرکب اولوب متفن
کیمسه لر، منورالفکر و متخصص مأمورلر یتشدیرمک ممکن دکلدی۔

معارف عمومیہ مسئلہ سنده، تحصیل ابتدائی ایلہ تحصیل عالی آرہ سنده بر
رابطہ بولنامسی، تحصیل تالینک مفقودی بیوک بر محذور ایدی؛ ممالک عثمانیہ ده
و بالخاصہ درس عادتده جماعات غیر مسلمہ و موسویہ نک تحصیل تالی یه مخصوص

[*] بو مکتبلر بروجه آتی ایدی: مأمورین ملکیه ایچون سلطان محمود ثانی طرفندن سلطان
احمد و سلایانیہ جامعلرنده احداث اولنان درس لری؛ اصل اداره ملکیه ایچون والدہ سلطان
مکتبی [تاریخ تأسسی: ۱۸۵۰]؛ دارالمعلمین؛ مکتب طیبہ؛ مکتب حربیہ [۱۸۳۰]؛
طوبجی و استحکام مکتبی؛ مکتب بحریہ؛ زراعت مکتبی [۱۸۴۸]؛ بیطر مکتبی [۱۸۵۹]۔

مکتبعلری موجود اولدیغندن بو محذورک وخامتی برقات دها ظاهر اولیور، ملت غالبه نك ملل مغلوبه دن دون بردرکه ده قالدیغنی کوستریوردی .

تربیه اسلامیه ده کوریلن نواقص ، بصیرتسزلک بشقه نقطه لرده دخی ظاهر اولمقده ایدی . مکتب، جنس ومذهبلری مختلف اولان کنجباری عینی صورته تربیه ایدهرک بونلرک آره سنده دائمی بر رابطه اتحاد و اخوت وجوده کتیرر . حال بوکه بحث ایتدی کمز زمانده رعایا ترک مکتبلرینه اصلا کیتمزلردی ؛ ملل غیر مسلمه . لسان مللریله اجرای تدریسات ایدیلن مکتبلرینی محافظه ایتملردی [۱] .

مکتبلردن باشلایان بو آیرلیق ، اسلاملر ایله تبعه سائرته نك مناسبات اجتماعیه سنده مشاهده اولنان سوء ظنلرک ، شبهه وترددلرک باشلیجه اسبابندن بری ایدی .

بناءً علیه معارف عمومیه نك یکی باشند تشکیل ضروری ایدی ومملکتده عطالته ، ترقی دشمنلغنه غلبه ایدیه بیه جک مقتدر ومتفان مأمورلر یتشدیرمک ایچون بوتشکیلاتک مکمل وعملی بر صورتده موقع اجرایه وضعی الزم ایدی . اول امرده تحصیلک درجات مختلفه سنی محتوی اولق اوزره تشکیلات جدیده احداث ایتک [۲] ، مکاتب ابتدائیه دن یتیشن محدود المقدار شا کردان ایچون هنوز وجودی اولیان تدریسات تالیه مکتبعلری وجوده کتیرمک ،

[۱] جماعات غیر مسلمه نك اداره ایتکلری مکتبلر تماماً مستقل اولان سربست مکتبلر نوعندن ایدی ؛ حکومت بو مکتبلرده یالکز تدریساتک اخلاق عمومیه وقوانین سیاسیه مغایر اولامسیله اکتفا ایدر و بزده سعلمره شهادتنامه وبرر .

روم مکتبعلری دیگرلرندن دها چوق ودها ای اداره ایدیلیر . بونلر صبیان ورشده لره مقابل اولان مکاتب ابتدائیه ، اعدادیلره مشابیه اولان مکاتب خصوصیه ایله حکومتک مکاتب عالییه سنه قیاس ایدیله بیلن مرکز مکتبعلری نامیه اوچه آیریلیر .

بو مختلف مکتبلر بر نوع مجلس معارف وظیفه سنی ایضا ایدن هیئت مرکزیه روحانییه مربوطدر . معارفیه ، حقیقت خالده ، تدریسات رهبان معرفتیله اجرا ایدلر ؛ درسعادته ، تراکیاده ، تهپیرده ، تسالیاده وسائر محللرده موجود اولان (سیللوغ Syllogue) لر ، یعنی روم جمعیات ادبیه سی تدریساتی اداره ایدر .

[۲] آئیده کی جدولده محرر اولان تشکیلات اصلاحات پروژه سندن آئمشدر ؛ تشکیلات مذکور ۱۸۶۹ سنه سی ایلولنده نشر ایدیلن قانون ایله قبول ایدلش ، فقط باشلیجه موادی برخیلی زمان صکره موقع اجرایه وضع اولمشدر :

مکاتب ابتدائیه دن دها ای شاکرد یتشدکجه مکاتب تالیه یی تزئید ایلک ، بو تجربه یی زمان فتحدن بری مؤسسات ملیه و دینه دن عدایدیلن مکتبلی دین و ملیت فکرلرندن آزاده براقه رق صنوف مختلفه تبعه آره سنده اتحادی تسهیل و تأمین ایده جک صورتده موقع تطبیقه قویقم ، جاهل جاهلی تربیه ایده میه جکندن تشکیلات جدیده معارفک موقع اجرایه وضعی وظیفه سی اجنبی معلماره ویرمک... ایشته (فرانسه) حکومتک تکلیف ایتدیکی جرأتکارانه پلان.

وقتیله معارف عمومیه قومیسوئنه مأمور ایدلش اولان خارجیه ناظری فوآد پاشا بو خصوصده (فرانسه) سفارتخانه سیله متحدالفکر ایدی ؛ (فرانسه) سفیرینک نصایح و اخطاراتی حسن تلقی ایچون فوآد پاشادن دها بصیرتکارودها

۱. — مکتبلر

درجه اولی ، یاخود	۱ . مکاتب صبیانیه .
تدریسات ابتدائیه :	ب . مکاتب رشديه .
درجه ثانیه یاخود	۱ . مکاتب اعدادیه .
تدریسات تالیه :	ب . مکاتب سلطانیه .
	ج . مخرج افلام .
	د . مکتب ملکیه .
۱ . دارالفنون شاهانه :	۱ . ادبیات شعبه سی .
	۲ . فنون شعبه سی .
	۳ . حقوق شعبه سی .
	۱ . مکتب طبیه .
	۲ . دارالمعلمین عالیه .
درجه ثالثه ، یاخود	۳ . مکتب بحریه .
تدریسات عالیه :	۴ . مکاتب عسکریه :
ب . مکاتب خصوصیه عالیه :	۱ . مهندسخانه بری
	ب . مکتب حریه
	۵ . مکتب صنایع
	۶ . معادن مکتبی

۲. — اداره

۱. — مجلس کبیر معارف .
 ۲. — ولایات مجالس معارفی .
- یوقاریده ذکر ایدیلن مکاتبه سربست مکاتب نوعندن عدایدیلن مدرسه لر ابله جماعات غیر مسلمیه مکتبلیرنی علاوه ایتلیدر . [نیکولائی دیس مجموعه سی ، اوچنچی باب ، صحیفه ۲۷۷ ، بشنچی باب ، صحیفه ۲۳۹] .

حسن نیت صاحبی هیچ کیمسه بولنه مازدی . خارجیه ناظری ۱۸۶۷ سنه سی .
مارتندن اعتباراً (فرانسه) سفارتخانه سیله مذاکراته کیریشدی و درس عادتده
کافه صنوف تبعه اطفالنه مخصوص بیوک بر مکتب اعدادی کشادینه و بو مکتبک
صدر اعظم عالی پاشانک حمایه ذاتیه سی آلتنده اوله رق اوروپالی معلمین طرفندن
اداره سنه قرار ویرلدی .

اوتاریخده فرانسه امور معارفی اداره ایدن ناظر مقتدرک [۱] افکارینه .
موافق اوله رق فواد پاشا ایله سفیر موسیو (بوره Bourée) طرفندن تنظیم
ایدیلن مکتب سلطانی ، پروغرامی اوصورتله تنظیم ایدلدی ، که ۱۸ ایله ۲۰
یاشنده کی شاگردان مکاتب خصوصیه کیره بیله جکله ویا دارالفنون شعباتی
درس لری تعقیب ایده بیله جکلردی . پروغرام علوم طبیعی ، علوم ریاضیه ،
تاریخ عثمانی ، ممالک عثمانیه نک احوال اقتصادیه سی ، تاریخ عمومی ، جغرافیا ،
لسان ترکی ، بعض مسالکه لازم اوله رق قدر لاینجه ، روجه ، علم اقتصادکی
درس لری محتوی ایدی [۲] .

باب عالی تدریساتک ترکیه اولسنی طلب ایتدیکی حالده فرانسزجه لسان تدریس
اوله رق قبول اولندی . (فرانسه) حکومتی تدریسات ترکیه اولورسه یکی مکتبدن هیچ
برفائده حصوله کله میه جکنه قانع اولدیندن بوبابده پک زیاده اصرار ایتدی .
فی الحقیقه لسان ترکی بر چوق نواقصی ، باخصوص املاده کی صعوبتی حسبله ،
حتی مسلمانلر ایچون بیله ، تعمیم معارفه مانع اوله بیلیردی . ترکیه پک چوق
سنه لر پزاتیکدن صکره بحق اوکره نیلوردی .
معلملرک کندی لسانلریله ، یعنی فرانسزجه درس اوقوتملری لازم ایدی ؛
عکس تقدیرده مکتب حریده اولدینی کی معلم شاگردان ایله ترجمان واسطه سیله
کوروشه بیلیردی .

طلبه نک نصفنک مسلمان اولسنی دخی قرار کیر اولدی .
مکتب سلطانی ۱ ایلول ۱۸۶۸ تاریخده آچیلدی . یکی مکتبک دوام
ایده میه جکی عمومیتله ظن اولنیور ، هر کسده بر عدم اعتماد و لاقیدی .

[۱] فرانسه حکومتنک اصلاحات خطما یوننه دائر ویردیکی نوطه نک معارف عمومیه
عائد قمرسی موسیو (و. دوروی V. Duruy) طرفندن یازلمشدر .
[۲] نisan ۱۸۶۸ تاریخی نظامنامه نک دردنجی ماده سی .

کوریلوردی . فقط بر آز صکره بو فکره اڤ زیاده مخالف اولان طرفلردن شکایات باشلادی ؛ مکتبک مقصد تأسیسنه ، تشکیلاتنه اعتراض ایلدی [۱] .
(روسیه) سفیری (فرانسه) سفیرینک معاونت واشتراکیله بویله بر مکتب آچیلیمسندن طولانی عدم نمونیتی صاقلامدی و پروغرامده کندی لسانلرینه پک آز بریر براقیدیفندن شکایت ایدن روملرک مکتبه دوام ایلمه لیرینی تشویق ایتدی . فوآدپاشا بومسئله دن بحث ایدرکن : « یولی غائب ایتدیکمدن قورقدیغ زمان روسلرک خصوصتی طوغری یوله بولندیغی بکا کوستر . دیوردی . دیکر طرفدن موسویرلر دخی خرسیتیانلر طرفدن ایدیلن بو مسلمان مکتبه چوجقلرینی کوندرمک ایسته مدیلر . اعتقادات مذهبیله رینه رعایت ایتیه رک اولادلرینی مکتبه ویرنلر دخی طعام مسئله سنده دین موسوی احکامنه رعایت اولمنی طلب ایتدیلر .

فقط بابالق مقامکده (روسیه) حکومتی مأمورلری طرفدن تشویق ایدیلن گروه مخالفینه التحاق ایدرک مکتب سلطانی علیهنده بولنه جنی هیچ کیمسه نک خاطرنه کلوردی . (پاپا) بریرینی متعاقب نشر ایتدیکی ایکی امرنامه ایله شرقده کی قتولیکلرک مکتب سلطانییه دواملرینی منع ایلدی ؛ « پاپا) نک درسعات وکیلی اولجه قتولیک شاگردانک مراسم دینیه لرینک مکتب خارچنده اجرا ایدلمسه صورت قطعیده مساعده ایتشدی . بابالق مقامک شوحرکتی شرق قتولیکلرینی خدمات حکومته حاضرلتمقدن منع ایدیور و قتولیک تبعه سنه مکمل بر تحصیل ویرمک ایستین حکومت عثمانیه نک افکار احرارانه یله غریب بر تضاد تشکیل ایلوردی . (موند Monde) غزته سی او تاریخده یازدیغی بر مقاله ده دیوردی که : « بو مختلط مکتب ، فرانسه حکومتک حمایه سنه نائل اولدینی مدتیجه دوام ایده جکدر . اگر فرانسه آرهدن چکیله جک اولورسه عینی تربیه ایله اتحادی تأمین ایدمک ایسته نیلن عناصر مختلفه نک خصوصت و نفرت متقابله لری تأثیریه درحال یقیله جقدر . شیخ الاسلام (پاپا) نک قتولیکلری مکتبه داخل اولمقدن منع ایدن امرنامه سنی پک زیاده تقدیر ایتشدر ؛ هیئت علما درسعاتده اسکی نفوذینی غائب ایتمه مش اولسه یدی

[۱] ره وودودومند رساله سنک ۱۵ تشرین اول ۱۸۷۴ تاریخی نسخه سنده موسبو دو (سال و Salves) طرفندن نشر ایدیلن مقاله یه مراجعت .

وکلای عثمانیه عنصر ولسانك اختلافتدن طولای بابل قلهسنه بکزمه بن بومکتبک
تأسیس و کشادینه طرفدار کورونه مزلردی . »

(فرانسه) حکومتی پاپالق مقامنه اوتهدن بری ممالك عثمانیه ده کی سیاسته
آلت و معاون نظریله باقدینی حالد شمدی (پاپا) نك بویله آچقندن آچیغه
خصمانه بر مسلک اتخاذ ایتسی فرانسه سفارتخانه سنی دوچار مشکلات ایلدی ؛
پاپالق نزدنده تشبثات جدیده بولندی . نهایت (پاپا) ، قتولیک مذهبنك هیج
برتهلکه یه معروض اولدیغنی آکلایه رق فرانسه مؤسسه سنه امنیتسزلك کوستریمکدن
واز کچدی ؛ ممنوعیت رفع اولندی ؛ لاتینلر مکتب سلطانی یه کیرمکه باشلادیلر .
مسلمانلره ککنجه ؛ اجنیلر طرفندن تأسیس ایدیلن و حکومت مکتبلرنده
تحصیلک مجانی اولسی حقنده اوتهدن بری جاری اولان اصوله مخالف اوله رق
شاگرداندن اجرت آلنان بر مکتبه یکده مساعد اولیه جقلری محتملدی .
اراده سنیه ایله تعیین اولنان بر ترك مدیر ثانی باب عالینك مداخله سی اوزرینه
ایفای وظیفه دن منع ایلدی .

معافیه مکتب سلطانی طلبه سی کیتدجه آرتقمده ایدی ، ایکی سنهدن آز
بر زمانده تشبث واقعك موفقیتله نتیجه له جکی تحقق ایتدی . ۱۸۶۹ سنه سی
کانون اولنده مکتبک ۶۲۲ شاگردی واردی ؛ بنا مساعد اولسه یدی عدد
شاگردانك ده ا زیاده آرتهجنی شهسز ایدی [۱] . مکتبه امید ایدلایکنندن
زیاده شاگرد قید ایدلمشدی . تحصیل جهتی دخی شایان ممنونیتدی . ده ا ای
بر پروگرام تنظیم ایدیلیرسه مکتب سلطانیك تام و مکمل بر تحصیل تالی عالی
تأمین ایده جکی آکلاشیلمش ایدی .

جنس ، مذهب و موقع اعتباریله بر برلرینه بکزمه مین شاگردان آراسنده
آهنك وفاق تام حکمفرما اولمده و جمله سی عینی اصوله ، عینی قاعده مساواته
تابع بولنمده ایدی [۲] . ادیان مختلفه اربابنك وبالخاصه هر سنه رمضان آینده .

[۱] بو ۶۲۲ شاگرد ملل مختلفه شو صورتله تقسیم ایدلشدی : ۲۷۷ مسلمان ،
۹۱ ارمنی ، ۲۸ ارمنی قتولیک ، ۸۵ روم ، ۶۵ قتولیک لاتین ، ۲۹ موسوی ،
۴۰ بلغار ، ۷ پروتستان .

[۲] بر چوق ترك اغنیاسنك اولادی کافه مصارفی افندیلری طرفندن وریلن
کوله لرله برلکده تحصیل ایدیلورلردی . افندی وکوله عینی صره لده اوطوریورلر ، عینی
البسه یی کییلورلردی . [موسیو « سالو » ک یوقاریده ذکر ایدیلن مقاله سندن] .


اوروج طومق مجبوريتىدە بولغان مسلمانلار ك احتياجى، عائله تربيه سىك حاصل ايتدىكى اعتيادات، اختلاف السنه، اعتقادات باطله مليه، اختلاف تقويم كې دها برچوق مشكلاتدن طولاني ملل مختلفه يه منسوب شا كрдانك عىنى اصول و تربيه يه توفيقاً تحصيللىرى غير ممكن كورينوركن كافه مشكلات و موانع غلبه ايدلمشدى. بو موفقيتك دشمنلارله طولو بر محيطده و اجنيلر واسطه سيله الده ايدلمسى شايان دقتدى . ۱۸۶۰ سنه سنده سىر (هازى بولوهر) ك امرى اوزرينه ممالك عثمانيه نك هر طرفنده اجراى تحقيقات ايدن انكليز قونسولوسلرينك تر كىاده ملل مختلفه و جماعات مختلفه غير مسلمه آره سنده كى خصوصتدن طولاني مختلط مكاتب كشادى ممكن اوله ميه جنى حقنده كى افكار و مطالعاتى مكاتب سلطانينك تاسيسنده مشهود اولان موفقيته رد و جرح اولنيوردى [*].

حقيقت ، بو بابده شبه و تردد ايدنلر ك حقسنز اولدقارنى كوسترمشدى . برچوق بطار بويله مختلط مكاتبده تحصيل و تربيه كوررلر سه دولت عثمانيه نك بركون كاوب توحيد عناصره موفق اوله جنى ممكن عد ايدلمكده و بوكاده مكاتب سلطاني مثال كوسترلمكده ايدى .

مع التأسف بو بابده كى اميدلر ۱۸۷۰ سنه سنده (اوروپا) ده ظهور ايدن وقايعك تاثيريله بوشه چيقدى ، كه بو جهتلردن بالا آخره بحث ايدم جكنز .



[*] ۱۵۱ نجى حقيقه يه مراجعت .



اوچنچى باب

شورای دولت و دیوانه احکام عدلیه نك تأسیسی

مکتب سلطانیك تأسیسی (فرانسه) حکومتك معاونت و حمایت سیله موقع تطبیقه وضعه تشبث ایدیلن معارف عمومیه تشکیلاتك ماهیتی کوسترمکده ایدی. حکومت مکتب لرنده کی تدریسات جامع درس لری مقامه قائم اوله جقدی؛ تدریسات فنیه، تدریسات دینی دن آیرلمش، یعنی عصر لرجه زماندن بری ممتاز بر موقعده بولان هیئت علمانك تضییقندن قور تارلمشدی.

باب عالی، دیگر بر نقطه نظر دن دخی اصلاحات اجرانسه لزوم کوردی؛ ولایات نظامنامه سنك اخیراً تعدیلدن طولانی تشکیلات حکومتده بعض تبدلات وقوعی ضروری ایدی. حکومت عثمانیه امور عدلیه نك امور اداره دن، تماماً تفریقی و ملل متممده ده حریت سیاسیه نك اس الاساسی اولان تشکیلات حکومتجه — عادات مملکتك مساعد اولدینی درجه ده — تعدیلات اجرایی زمانك حلول ایتدیکنه قانع ایدی.

ایشته شورای دولت و دیوان احکام عدلیه بو مقصدله تأسیس ایدلمشدر. ۱۸۳۹ سنه سنده کلخانه خط هایوننك نشرندن صکره قوانین و نظامات مقتضیه نك تنظیمی ایچون بر مجلس اصلاحات، بر نوع مجلس عالی حکومت تأسیس ایدلمشدی. اعضای صاحب رأی اولان بو مجلس مشاوره ده — که ترکیاده ایلک دفعه اوله زق تشکل ایتمشدی [۱] — مذاکراتك سر بسته جریانی تأمین ایتک اوزره بر نظامنامه داخلی تنظیم اولنمشدی؛ تقویم وقایع بو نظامنامه یی

[۱] واقعا سلطان سلیم ثالث زماننده، مقام صدارت مستننا اولوق اوزره، نظام جدید تامیمه نشر ایدیلن قوانین جدیده نك تطبیقه نظارت ایتک اوزره بر مجلس خفی وار ایدی. مجلس خاص الخاص دنیلن بو مجلسه سفرای اجنبیه شورای دولت نامنی و بر مشلردی. فقط بو تعیرک حقایق احواله مغایرتی آشکاردر.

اعلان ایتدیکی زمان « هر نه قدر دوره تجدد و اصلاحاتده اعضانك خاطر ایچون و یاخود جبر و تضیق ایله خلاف وجدان و قانون رأی و یرمه جکری شبهه سز و بو باید تدبیر و احتیاطه توسل لزوم سز ایسه ده » مجلسك سربستی مذاکراتی برقات دها تأمین ایچون بویه بر نظامنامه ترتیب ایدلدیکنی بیان ایلشدی . مذاکرات و جمع آرا ایچون قبول اولنان اصول مجالس مبعوثانك نظامنامه داخلیرینه مشاهدی [۱] .

ممالك اجنبیه دن آلنان بو اصول ، كافة مأمورین عثمانیه نك آمرلرینه اطاعت و حرمت تامه ده بولمزلرندن متولد اعتیادات قدیمیه یی اصلاً تبدیل ایتدی . ۱۸۵۴ سنه سنده ، اصلاحات خط هایوننك نشرندن اول جریان ایدن نیم رسمی مذاکراتده ، رشید پاشانك وقتیه تشکیل ایتش اولدینی مجلس احکام عدلیه ایکی یه ایرلدی : قانون لایحه لرینی حاضرلغه مأمور اولان مجلس تنظیمات ایله مجلس احکام عدلیه .

یدی سنه صکره ، (انکلتزه) سفیرینك باب عالی یه تبلیغ ایتدیکی پروگرامی [۲] قسماً تطبیق ایتك مقصدیه ، بویکی مجلس تکرار برلشدیرلدی و اداره ، تنظیمات ، عدلیه نامیه اوچ قسبه ایرلدی . بر آز صکره ، بالخاصه قوه عدلیه یی قوه اجراییه دن تفریق ایدن ولایات قانوننك موقع تطبیقه وضعنی متعاقب ، امور اداره ایله عدلیه نك و تنظیم قوانین خصوصنك بر مجلسه تودیعنده کی محذولر میدانه چیقدی . ولایاتده ، تقسیمات ملکیه نك درجات مختلفه سنده امور عدلیه مأمورین اداره دن تماماً آلتش اولدینی حالده پایتختده بوکا رعایت ایدله می ممکن دکلدی .

۱۸۶۸ سنه سی اوائلنده اصل شورای دولتك تأسیسی صورتیه بنه ایکی مجلس بولمنسه قرار ویرلدی .

اساسی فرانسز قوانینندن آلنان نظامنامه مخصوصه نظراً شورای دولت اداره عمومیه نك شعبات مختلفه سنه تقابل ایتك اوزره برقاچ دائره دن مرکبدر ؛ هر دائره ده ۵ الی ۱۰ اعضا ایله لزومی قدر معاون و ملازم موجوددر . بالجمله قانون و نظامنامه لایحه لرینی تدقیق و تهیه ، مجالس اداره یه عائد دعاوی ایله

[۱] ۲۳ نجی صحیفه یه مراجعت .

[۲] ۱۴۹ نجی صحیفه یه مراجعت .

وظيفه و صلاحيت اختلافاته حکم ، با اراده سنيه ويا قوانين صريحه احکامنه توفيقاً لاجل المحاکمه سوق ايديلن مأمورين محاکماتي اجرا ايدر . پادشاه ويا وکلانک حواله ايتدککری کافه مسائل حقنده بيان رأى ايلر . مجالس اداره ولايات هيئت مخصوصه سی طرفدن هر سنه کوندريلن ضبطنامه لری تدقيق ايدر و مجالس اداره نک لزوم کوستردککری اجراآت و اصلاحاتی بوهيتلرله بالمذاکره قرارلشديرر .

بودجه نک تنظيمی دخی شورای دولتک وظائفي جملہ سندنر ؛ فقط بودجه نک شورای دولت هيئت عموميه سنده دکل ، دوائر رؤسايه بش اعضاءن مرکب بر هيئت مخصوصه تدقيق اولنمی شايان دقتدر . بودجه مذاکره سنک بوصورته تحديد و تقيدی حکومتجه آرزو ايديلن مذاکره ميدان ویرمه مک ويا هيچ اولمازسه پک شدتلی ، يا خود شخصی اعتراضاتی اعلان ايتمه مک مقصدينه مبتنی ایدی . ايلک آديمه بودجه نک شورای دولت هيئت عموميه سنده مذاکره ايدلسنه جسارت اولنه مامشدی ؛ قبول ايديلن شکل مواضع دن عارتدی .

هر نه ايسه ؛ شورای دولت ، وظائفي ، تشکيلاتي نقطه نظرندن ابتدائی بر مجلس مبعوثان ، مشروطيت اداره ايچون کوچک بر تجربه عد اولنه بيليردی . يکی مجلس ، باب عاليده مراسم مخصوصه ايله آچيلديغی کون [۱۰ مایس ۱۸۶۸] پادشاهک ایراد ايلديکی سوزلری ايشيدنلرک فکری ، حسياتی بومرکزده ایدی . سلطان عبدالعزیز شومالده اداره لسان ايتمشدی :

«... هر بر قانونک مطاع اولمی منافع عامه يه موافقتيله ممکندر... ازم نه سابقه ده منافع مملکت ايچون تنظيم ايديلن قوانيندن شو زمانده دخی استفاده ايتک بزجه ممکن دکلدر . فی الحقیقه اوزمانلرده قبول ايديلن قواعد اساسيه و تنظيم قلنان قوانين و نظامات تبعه مرکز احتیاجات حاضر سنه موافق اولسه يدی شمدی اوروپانک اک متمدن واک اي اداره اولنان حکومتلری مياننده بولتور ايدک... تشکيلات جديده قوه اجراييه نک قوه عدليه ، دينيه و قانونيه دن تفريقی اساسنه مستنددر... شورای دولت اتضاسنک دولت عثمانيه يه عمومک اتحاديله وجوده گلش ، آمال شاهانه م دائره سنده رفاه عامه يی و ترقیات معارفی تأمينه مأمور بر هيئت معظمه نظريه باقلمی لازم کلیر...»

« ھانكى مەزھىبە بولنورلرسە بولنسونلر بىتون تىبەم عىنى وىنىك اولادىدەرلر؛
 اخىلاق، مەزھىب تىبە ئىمانىيە تىرىق اىتمەلىدەر . ھەكس اعتقادات دىنە سىندە
 سىر بىستەر . . . ھەكسك حقىنى اخىلاق ، افكار و آملە ھەبەر اولان و احتىياجات
 حاضرىيە موافق بولان قواعدا اساسىيەنى اعلان اىلەكى وظيفە عد اىدرم . »

بوسوزلر بىر تائىر عظيم حصولە كىتەردى . سلطان عبدالعزىزك (فرانسە) يە
 اجرا ايتىدىكى سياحتك تائىرىلە ادارە كلام ايتىدىكى آشكار ايدى ؛ چونكى ھىچ
 بىر عثمانلى پادىشاھى ، قوانين و نظامات احتىياجات زمانە كورە تىدىل ايدىلرسە
 احوال اجتماعىەك كسب صلاح ايدەمىيە جەككى و تىركىيانك مىللە مەتمەندەن دون
 بىر موقەدە بولمىنى قوانين قەدىمەك كىفايتسىزلىكىدن ايلرى كەلدىكى بىدورجە
 خلوص و صفوتلە اعتراف اىتمە مشدەر . (اوروپا) دولتىرىنى اوج بالاى مەدىتە اصعاد
 ايدىن ھە شىئى تەقلید ايتەك . . . ايشتە بىرنس دو (مەرتىخ) كوقىلە : « تىركىلەكسىزى
 غائب ايتەكسىز ، قوانين اساسىيەسى شىرق عادات و احوالە موافق ايتەمىن اوروپا
 دولتىرىنى تەقلید ايتەكسىز . » دىە نصىحت ايتىدىكى پادىشاھك خەلقى تىرفىدن اعلان
 ايدىلەن مىسلك بو ايدى .

جاعات غىر مىسلمەدە بىولر بىر مىنونىت اثرى كورلدى ؛ روم ، ارمنى ، ارمنى
 قىتولەك بىر تىرىقلىرى ، خاخام باشى قائىمقامى بىكەرىكى سىراىنە كىدەركىلا تىرىق جەنس
 و مەزھىب كافە تىبە ئىمانىيەك حەقق و وىظائف مەدىيە سورت مىساویدە اشتراكى
 سورتىلە اتحاد عناصرە دعوت ايدىلەندىن طولانى پادىشاھە عرض شەكران
 ايدىلەر .

پادىشاھك بىانات احرارانەسى ولاياتدە جوش و خروش مىسرت ايلە
 آلىقىشلاندى . ھەردەن شورای دولت اعضالغە تەيىن اولان خەرسىتان اعضا
 دىر سەادتە كەلك اىچون يولە چىقدەقلىرى زمان اھالى محلىەك آلىقىشلىرىنە
 نائل اولدىلر [۱] .

بەك اوغلندەكى مەتبەران تىجار دىخى بو نەماینلەرە اشتراك ايتدىلر . ھىئەت علما
 بىلە خەلق مىنونىت و شەكرانىك تىحت تائىرىندە قالدى . شىخ الاسلام ، حضور

[۱] اوزمانك غەزەلەردىن بىر بىلغار اعضاسى (استويانووىچ) ك شىرفنە اجرا ايدىلەن مىسلك
 فوق المادە حەقق تەفصىلات وىرىور .

شاهانه ده ایراد ایلدیکی بر نطقده سلطان عبدالعزیزی سلطنت عثمانیه نك الك بیوک پادشاهی اولوق اوزره مدح و ثنا ایتدی [۱].

پادشاه، تبعه دن هیچ بر صنفك خارج قالمدیغی وحتی - حکومت اجنبیه دن بر چوغنك اشتراك ایتدیکی [۲] منونیت عمومیه دن يك محظوظ اولدی . شورای دولته کندی اثری نظریله باقیور و هرولایتدن اعضا بولندیرلمسینی ایستوردی . «کیم اولورسه اولسون ، هانکی ملته منسوب بولنورسه بولنسون بتون ارباب اقتدارك شورای دولته داخل اولسینی ایسترم ، شورای دولت سوریه یلیر ، بلغارلر ، بوشاقلر ، الحاصل کافه اقوامك ارباب اقتداری ایچون بر مرکز مشترک اولملی و بو ارباب اقتدار وکلایه معاونت ایتمه لیدر » .

بو مسرت عمومیه ، بدین اولان ذوات اوزرنده مستزایانه تبسمدن بشقه بر تأثیر حاصل ایتوردی ؛ حتی دول معظمه سفراسندن بری - هانکی دولتک سفیری اولدیغی تصریحجه حاجت وارمیدر ، بیلیم - صدر اعظمه : «بوراده هر شیئه تقدیر و تحسین ایله باشلانیر ، تعیب و تقبیح ایله نهایت ویریلیر .» دیمکدن صیقلمامشدی . فی الحقیقه شورای دولتک صورت تشکیلی ، بر مدت صکره ، اعتراضات شدیدیه دعوت ایتدی . بو اعتراضات تبعه غیر مسلمه دن اعضا انتخاب اولنماسندن ایلری کلموردی ؛ بالعکس اعضانك تقریباً ثلثی رعایا ایدی . فقط عناصر مختلفه ، بلا تأمل و کلیشی کوزل ، یکدیگره تقریب ایلدیکی ایچون ائتلاف و اتحاددن محروم قالمشدی ؛ بعض اعضانك صوک درجه اقتدارسزلانی ، قسم اعظمك تجربه سزلکی آشکار ایدی . اهلیتسز لکتری تحقق ایدن اعضانك اخراجی و هیچ اولمازسه بدایه بر قاچ اوروپالی متخصصك شورای دولته مأمور ایدلمسی الزم بولندیغنه قناعت حاصل اولدی .

بو تجربه دورمسنده تشکیلات جدیده نك تولید ایلدیکی مشکلات آره سنده

[۱] شیخ الاسلام افندیك نطقندن : « پادشاه دیشان فاروق خصلت ، شه نشاه کثیر المآثر معالی منقبت افندمر حضرتلری حصافت و کیاست فوق العاده هایونلری ایله بتون اسلاف عظام شاهانه لرینه تقدم بیورمشلردر . ارادات سنیه شاهانه لری عون و عنایت باری ایله دولت علیه لریك رفاه و موموریت و ثروت و سعادتتی تأمین ایلجه جکدر . حسابات صدق و عبودیتك لطفاً قبولی خاکپای سنیه لرندن تضرع و تمنی ایلرزه » .

[۲] لورد (استانبولی) ك ۱۶ مایس ۱۸۶۸ تاریخلی تلغرافنامه سی .

وکلای عثمانیه نك اولکی خواهش و فرط غیر تدریجیه غریب بر تضاد تشکیل اینک اوزره، مترددانه حرکت ایتدکاری کورلدی . وکلا - کندی افاده لرینه نظراً دولت عثمانیه نك بالجمله اصلاحاتنه مانع اولمق ایستین دولت معظمه سفیرینه کویا حق ویرمک ایستیورلر مش کبی - قوانین و نظامات عثمانیه نك تنظیمی خصوص - صنه اشتراك ایلین و شمدی به قدر صرف عنصر اسلامدن مرکب اولان حکومت مرکزیه نك یرینه قائم اولسی ایجاب ایدن اعضای مختلطه دن مرکب بر شورای دواتدن قورقورلر کبی کورونمکده ایدیلر . بونک ایچون ، شورای دولتی متجانس و فعال بر مجلس حائنه قویه حق تعدیلات و تشکیلاته کمال بطائله تثبث ایتدیلر .

مدحت پاشا ، شورای دولت ریاسته تعیین اولنمشدی ؛ مشارالیه منور - الفکر ، اصلاحاتک صمیمی طرفداری بر آدم اولمق اوزره شهرت قازانمشدی . حتی رفقا سنک اعتدال و تأییدی اولسه بک ایلری به وارمسندن قورقیله حق درجه ده افکار احرارانه صاحبی اولدینی بیان ایدلمکده ایدی . عجبا مدحت پاشا عفت و استقامتی ، غیرت و فعالیتی ایله رفقا سنه اجرای تأثیر ایدرک سربستی مذاکرات و مقرراتک حکومته حرمت و اطاعتی اخلاص ایتیه جکنی آکلامغه موفق اوله جقمی ایدی ؟ یکی شورای دولتک فائده بخش اولسی آنجق سربستی مذاکرات ایله ممکن اوله بیلردی ؛ چونکه هیچ کیمسه به مجهول دکلدرکه ممالک شرقیه ده حکومته صداقت ، کافه اجرا آتی بکنمک ، یا خود بر اسیر کبی کور کورینه اطاعت ایتمک ویا هیچ اولمازسه صوصق دیمکدر [۱] .

تشکیل ولایات قانونی تدقیق ایتدیکمز صروده [۲] تقسیمات ملکیه نك هر بر درجه سنده قدیم محاکم شرعیه نك یرینه اعضایی مختلط اولمق و انتخاب طریقیه تعیین ایدلمک اوزره حقوق و جزا محکمه لری تشکیل ایدلایکنی

[۱] شورای دولتک اینک دوره فعالیتده مدحت پاشاتک افکار احرارانه سنه دلالت ایدن - ایکنجی درجه ده حائز اهمیت - بعض مؤسسات و نظامات وجوده کترلشدر . بو میانده بالخاصه در سعادت صنایع مکتبی ایله ایتاخانه سنی ، امنیت صندوقی ذکر ایده جکم . کذلک اصول اعشاریه به ، معادنه ، تحریر املاکه متعلق قوانین دخی بو میانده ایسه ده بر قسمی یا هیچ تطبیق اولنماش ، یا خود موقع اجرایه وضعی تأخر ایتشدر . [نیقو - لائیدیس مجموعه سی] .

[۲] ۱۷۰ - ۱۷۲ نجی صحیفه لره مراجعه .

سویشتدک. بو اصلاحاتک اهمیتتی مستغنی ایضا حدر. محاکم شرعیه تماماً قالدیرلمدی؛ فقط دائره صلاحیتلری بک زیاده تحدید اولنه رق عادتاً یالکیز مسلمانلره منحصر قالدی.

محاکم جدیدیه «محاکم نظامیه» دینلیدی. اوروپالیر بونی بدایه «محاکم منتظمه Tribunaux réguliers» تعبیله ترجمه ایتدکری حالده بالآخره مسلمانلرک عزت نفسلرینی قیرماق ایچون «Trib. réglementaires» دیمشلردر. محاکم نظامیه قوه عدلیه نك قوه اجرائیه قارشى استقلالى قاعده اساسیه سنه توفیقاً تشکیل ایدلمشدی؛ بو نقطه نظر دن، قوه اجرائیه وعدلیه نك قاریشیق بر صورتده ایفای وظیفه ایتدیکی قدیم مجالس محلیه نك محذورلری بر طرف ایدلمش اولوردی.

مجلس احکام عدلیه ده دخی بویه اساسی بر تبدل اجرایی ضروری ایدی. ذاتاً شورای دولتك تشکیلی محکمه تمیزک تشکیلی دخی مستلزم دی. فی الحقیقه شورای دولت ایله برلکده محکمه تمیز دخی تأسیس اولندی. [۱]

دیوان احکام عدلیه بر ناظرک تحت ریاستده اولوب حکام ایکی دائرهیه تقسیم ایدلمش وهر بر دائرهیه لزومی قدر ممیز علاوه اولنمشدی.

دیوان احکام عدلیه اعضایی - بر محکمه قراری اولدوچه - لاینگزل ایدی. پادشاه ویاوکلانه اصول محاکمهیه، نه ده حکملره مداخله ایدمه جگریدی.

ایشته بوصورتله قوه اجرائیه وعدلیه تفریق ایدلمشدی، ویا تفریق ایدلمش ظن اولنیوردی. شورای دولت تکلیف و تصدیق قوانین حقته مالک اولیوب یالکیز لوائح قانونیه ونظامیه یی تهیه مأمور اولدیغندن قوه قانونیه کافی السابق بابعالیده، دها طوغریبی پادشاهده قلمش ایسه ده حکومت مطلقه اسلامیه نك بو ایلك ترقینک لزومنی آکلامسی حائز اهمیت بر شیدی. ترکیاده اک قطعی احکام قانونیه اکثریائشای تطبیقه برچوق تقييدات ایله حکمسز بر اقلدیغندن مطلقیت اداره نك بونی نظر دفته آلمش اولسی یا کاش بر محاکمه دکلدر؛ بر آز صکره فعلیات ایله ثابت اولهجنی اوزره دیوان احکام عدلیه حقنده وارد اولان سؤاللر شورای دولت حقنده دخی ایراد ایدیه بیلردی.

[۱] مقام صدارتک ذات شاهانه جادی الآخره ۱۲۸۴ تاریخلی عربضه سی.

دیوان احکام عدلیه دنیلن و شورای دولت کبی مسلمان و خرستیان اعضادن مرکب اولان محکمه عالییه ایکی قسمه منقسمدر: بری محکمه تمیز ایدی؛ محکمه تمیز دخی محاکم نظامیه نك اعلاماتی تمیزه مأمور اولوق اوزره حقوق و جزا دائره لرینه آیرلمشدی. ایکسجی قسم محکمه استیناف وظیفه سنی ایفا ایدن و جزا، حقوق، تجارت نامیله اوچه آیریان محکمه نظامیه ایدی.

دیوان احکام عدلیه، تشکیلاتنه اساس اولان قاعده یی، قوه عدلیه نك استقلالنی سر بستجه و خلوص نیتله تطبیقه موفق اوله جقمیدی؟ والیسرك مجالس ولایاتده اجرای تأثیردن خالی قالمدق لری دوشونیلیر ایسه بو باده شبهه ایدیله بیلیردی. ذاتاً هنوز زمانك احتیاجی ایله ضرورت حکمنه کیرمین بو تجدیدك ضعیف جهتی، محاکمك خطا لرینی تعمیره و اصول محاکماتك تمامی تطبیقه نظارت وظیفه سیله مکلف اولان حکامك بحق ایفای وظیفه ایده جك قدر معلومات و تجربه یه مالک اولمالری ایدی. بو حاکمکله، اطبا طرفدن کنديلرینه غایت مغدی اطعمه واک نفیس مشروبات توصیه ایدیلن فقرا و عجزه کبی ایدی. تنظیم ایدیلن قوانین هیچ بریده تعلیم و تدریس ایدیلور و قانون جزا ایله قانون تجارتیه منحصر قالیوردی.

بو نقطه نظر دن، دیوان احکام عدلیه نك تأسیسی تدریسات عالییه ده و ولایات حاکم لرینك صورت انتخاب و تعییننده اساسی اصلاحات اجراسنه لزوم کوستیریوردی.

برطرفدن، بر مکتب حقوق تأسیسنه [*]، تحریر و تنظیمی بر هیئت مخصوصه یه حواله ایدلمش اولان قانون مدینك سرعت اکیلنه قرار ویرلدی. دیگر طرفدن - عناصر مختلفه نك تألیفی پولتیقه سنه کیتدجه ده زیاده میل کوسترن پادشاهك آرزوسی اوزرینه - ولایات محکمه لرینك، ۱۸۶۷ سنه سندن بری (کرید) جزیره سنده مرعی الاجرا اولان و انتخاب حکام اصولی توسیع ایدرک بدایت محکمه لرینك استقلالنی ده زیاده تأمین ایلین نظامنامه یه کوره اصلاحی موقع مذاکره یه وضع ایدلدی. یوقاریده ویردیکمز تفصیلاتدن

[*] بو مکتب آنجق ۱۸۷۶ سنه سنده تأسیس ایدیله بیامشدر. معافیته تاریخ مذکور دن اول مکتب سلطانیده کی آجیلان شعبه ده حقوق درس لری تدریس ایدلشدر.

آکلاشیلدینی وجهله [۱] بونظامنامه خرسیتیانلرک عدد نفوسلرینه کوره اعضا بولندیرملرینی تأمین ایتشدی.

دها معقول کورین بواصولک ممالک عثمانیه نك بلغارستان ، یانیه ، تسالیا کبی خرسیتیانلرک احراز اکثریت ایتدکلری قسملرنده موقع اجرایه وضعنه انتظاراً شمیدلک تشکیلاتی ، ولایات تشکیلاتنه موافق اولان بالعموم محاکم نظامیه نك صلاحیت ووظیفه سنه دائر برقانون نشر ایدلدی [۲] .

بویله عمومی برقانون یرینه یوقاریده ذکر ایتدیکمز تدابیر ایله ایشه باشلانیده ده موافق اولوردی .



[۱] ۲۰۱ نجی صحیفهیه مراجعت .

[۲] ۴ نیسان ۱۸۶۹ تاریخی قانون .



دردنجی باب

سلطانہ عبدالعزیزک سیاست امرارانه سی . — فؤاد پاشانک وفائی

حکومت عثمانیه ، دول غریبه نك نصایح و اخطاراتنه مطیعانه تبعیت ایدیور و ۱۸۵۶ فرمان هایوننک نشرندن اولکی زمانده اولدینی کبی هر درلو اصلاحات و اجرا آتی صرف کندی تشبثی ایله موقع اجرایه وضع ایدیورمش کبی کورو نمکدن بشقه برشی ایسته میوردی . تنظیماتک بودوره سنده ، باب عالی ، متفق و دوستلرندن خفی نصیحتلر ، علنی آلقیشلر ایستوردی . فؤاد پاشا سفرای اجنیه یه دیوردی که : « بزه صوفلورلک ایدیکیز ، فقط صحنه یی و روللرک اجراسنی بزه براقیکیز . »

پادشاه ، مدهانلرک تعبیری وجهله ، « دوره سلطنته شان ویرن » شورای دولتک تشکیلندن طولای نائل اولدینی تشکراتدن ، تبریکاتدن فوق العاده محظوظ اولدینندن و کلاسنک مشاغل روزمره سنه اشتراک ایدیور ، عرض ایدیلن تداییر و نظاماتک کافه سی تصدیق ایلوردی . خلقک آلقیشلری ، مدهانه سی سلطان عبدالعزیزی دیکشدرمشدی .

آغاطون افندی اسمنده برازمینک و کلاغه تعیننه موافقت ایتمشدی ، که اختیار ترکلرک نظرنده بوتعین مسلمانلرک امتیازات سیاسیه سی رخنه دار ایدیوردی . حتی سلطان عبدالعزیزک ، اوغلی عزالدین افندی یی اوروپا اصولی اوزره تربیه ایدرک قفس اصول قدیمه سی قالدیرمق ایسته مسندن شبهه ایدیلوردی ؛ بعض محرملرک افاداتنه نظراً ، پادشاه طوغریدن طوغرییه اوچنجی (ناپولئون) ه مراجعت ایدرک اوغلی ایچون برمربی ایسته مشدی . اوزمانک حالت روحیه سنه بر مثال اولمق اوزره ذکر ایتدیکم بوروایت ، پادشاهک اوغلنی تحت سلطنته حیقارمق ایچون اصول وراثتی دیکشدرمکه قرار ویردیکی شایع اولدینی زمان بستیون کسب قوت ایتدی .

معلوم اولدینی اوزره ترکیاده تخت سلطنت خاندان پادشاهی اعضاسندن
 ائک یاشلیسنک حقیدر، بوصورتله بر پادشاهک اولادی سلطنتدن محروم
 اوله بیلیر. سلطان عبدالحمیددن صکره تخت سلطنته اوغلی مراد افندی دکل،
 برادری سلطان عبدالعزیز کچمشدی. سلطان احمد اولک وفاتندن بری جاری
 اولان ودواتی سن رشده واصل اولمیان پادشاهلرک و نیابتلرک محذورندن
 محافظه ایتک مقصدیله وضع ایدیلن بوقانونه، پادشاهده خلافت و سلطنت
 کی ایکی صفتک اجتماعدن طولای احتیاج حس ایدلمشدی. پادشاه هم بر
 حکمدار، همده خلیفه اولدیغندن مسلمانلر ایچون سن رشده واصل اولمیان
 بر پادشاهه بیعت ایتک - طبق قاتولیکلر ایچون هنوز چوجق اولان یر (پاپا) به
 اطاعت و اعتقاد ائک کی - مشکل ایدی.

مصرده خدیویتک پدردن اوغله انتقالی تعامل قدیمه مخالف دکلدر؛
 چونکه خدیوده خلافت صفتی یوقدر.

وقتیه سلطان مصطفای ثالث، برادری عبدالحمیدک حق اولان تخت
 سلطنتی اوغله تأمین ایتک ایسته مشدی. فقط حین وفاتنده اوغلی سلیم
 ثالث هنوز اون درت یاشنده اولدیغندن مصطفای ثالث آرزوسی یرینه
 کتیرلمش اولسهیدی نیابت ایله اداره امور ایتک، یعنی - مثلاً سلطان محمد
 رابع زماننده اولدینی کی - بین الخلق حائز امن و اعتبار اولمیان برطرز
 حکومت میدان آچق لازم کله جکدی [۱].

سلطان عبدالعزیزک آرزوسنی موقع فعله قویمغه تشبث ایدرسه مقاومت
 تصادف ایده جکنی آکلامش اولدینی شهسزدر. بوبابده تصور ایتدیکی خط
 هایونی نشر ایتسهیدی بالطبع بر چوق مدعیلر میدانه حقیقه حق و احتمال که
 بین الاسلام محاربه داخلیه ظهور اید، جکدی؛ اوزمان ایسه حکومت بحران
 اصلاحات ایله ضعیف دوشمش اولدیغندن دولت عثمانیه - دشمنلرینک
 تمیانتندن بیله آغیر - بر فلا کته دوچار اولوردی.

عبدالعزیزک منافع عمومی ایچون نفسی فدا ایدرجه سنه حسن نیت
 کوستردیکی و مطلقیت ادارهدن بالاختیار و از کچدیکی بیسان اولنه رق مدح
 [۱] سن رشده واصل اوله دن تخت سلطنته چیقان پادشاهلرک صوکنجیسی اولان
 سلطان محمد رابع زماننده اون درت صدر اعظم دکتیمشدر.

وستايشده قصور ايدلار . فقط پادشاهك عاقلانه حركتى ظن اولندينى قدر
 ثنايه شايدان دكلدر ؛ چونكه سلطان عبدالعزيز . كنديسنه بومسلكى قبول
 ايتيرن وزير قارشى برخصومت بسلور وسراى بوحكومت آدمك سقوطنه
 صبرسزقله انتظار ايديوردى . فؤاد پاشا ، ذاتاً اولجه ، اوروپا سياحتنده
 پادشاهى ، داخل اولدينى بىكى محيطه آليشديرمق ايچون هركون نه صورتله
 حركت ايدمى جكنى اخطار ايدمى راحتمسز ايتمش ، كوجندبرمشدى .
 وراثت مسئلهسندن صكره ، بك چوق زماندن برى اظهار ايدلمين برخصومتك
 تحت تهديدنده قالدغي حس ايلدى . سلطان عبدالعزيزك معاملات شديدهسى ،
 حركات متجاوزانهسى كنديسنى بك زياده متأثر ايتدى . اون دردنچى
 «لوى» ايله قبا وجاهل عثمانى پادشاهى آرمسند هسچ برمشاهت اولماقلا
 برابر ، قلبدن مريض اولان فؤاد پاشا ، (راسين) لك دخى سبب وفاتى اولان
 خسته لغتك كوندن كونه زياده لشدىكى آكلايوردى . كنديسى غايت ملئت
 وخير خواه اولديغندن بتون رفقاسنك محبتى قزائمش و صرف مزياى
 شخصيه سيله صوك يكرمى سنه ديپلوماسى علته اجراى تأييدن خالى قالماش ايكن
 سراى پادشاهيدن اميدوانتظار ايتدىكى توجهى بوله مدى ؛ اوغراشدى ، چاليشدى ،
 نهايت افنديسك توجهنى غائب ايتمش ، خصومتى قزائمش اولديغنى آكلادى .
 صفوت پاشاك وكيلى صفتيله خارجيه نظارتنه تعيينى متعاقب ، يعنى ۱۸۶۸
 سنه مى تشرين اولنده (نابولى) يه كيتدى ، بر قاچ آى صكره وفات ايتدى .
 فؤاد پاشانك وفاتى دولت عثمانيه ايچون برولايت ضياعى قدر مشئوم
 بر حادته ايدى ؛ على پاشا يارى قوتنى غائب ايتمشدى . بوايى وزير بربرلينك
 نقصانلرى اكلال ايديورلردى . فؤاد پاشا ، رفيق مقتدرينك محروم اولديغى
 فعاليت ، فكر تشبته مالكدى . اعتقادات باطله دن تماماً قورتولمش ، تدبير
 واجرا آتده دها جوال ايدى . قريم محاربه سندن برى مملكتيه فائده لى اوله رق
 نه يابلمش ايسه بوذكاي مستثناك دلالت ومعاونتيه وجود پذير اولمشدى ؛
 الحاصل اصلاحات ، اك بيوك ، اك معند طرفدارى غائب ايتمشدى .
 عجباً فؤاد پاشا مكتبندن يتيشن كنچ مأمورلر آرمسند كنديسنه لايق بر
 خلف بولمق ممكنمى ايدى ؛ اداره احرارنه طرفدارلرى آرمسند اك زياده مظهر
 توجه عامه اولان ذات ، مدحت پاشا ايدى . مدحت پاشا ، ايلك ولايات قانوتى

بلغارستانده تطبیقه مأمور اولدینی زماندن اعتباراً امور اداره ده کی فعالیت و اقتدار یله تمیز ایتمش، انظار عامه یی جلب ایشدی. شورای دولته ریاست ایتدیکی زماندن بری ده فوق العاده بر فعالیت ایله چالیشدینی کوریلور؛ غایت واسع اولان ساحه مأموریتی داخلنده هر کون یکی بر تجدد تخیل ایدیوردی. مسائل عمومییه حقیقده نفوذ نظره مالک اوله بیله جگ درجه ده مکمل بر تربیه کورمیدیکی وفوآد پاشا قدر صاحب معلومات اولمدیغندن اونک وسعت احاطه سنه مالک بولمیدینی دخی سویلنیوردی. فقط هر حالده یکی بر آدم ایدی و شمدی یه قدر بتون مزیتاتی اظهاره وسیله اوله جق بر موقعه کلیدیکی مقام مدافعه ده در میان ایدیه بیلوردی. مقام صدارته عائد اولان وظائفک تفریق و تقسیمی صورتیله بر داخلیه نظارتی احداثی مقرر دی. یکی نظارتک مدحت پاشایه توجیهی ده موضوع بحث اولمشدی. مدحت پاشانک داخلیه نظارتنه تعیینی پک مناسب ایکن اورتنده چوریلن بر انتریقه بوکا مانع اولدی؛ افکار عمومییه نك کوسرتدیکی نامزدك یرینه اهلیتسز بر وزیر داخلیه ناظری اولدقن ماعدا مدحت پاشا بغداده کوندریله رك شوزای دولت ریاسته دیگر بری تعیین ایدلدی.

وقتیله رجال حکومت، مأموریتلریله برابر باشلریخه ده غائب ایدرلردی. بالاآخره معزوللرك ارباب جرائم کبی نفی و تبعیدلریله اکتفا اولمغه باشلادی. مدحت پاشاده وکلای معزوله یه بر ولایت والیدکی توجیه ایدلمسنی ایجاب ایدن عادت جدیددن مستفید اولدی. عجبا عالی پاشا، مدحت پاشانک شهرت و اعتبارینه حسدی ایتمشدی، یوقسه پادشاهک آرزوسنه می تابع اولمشدی؟ ۱۸۶۹ سنه سی اوائلنده موقع اقتداره کلن هیئت وکلانک سبب صورت تشکیلی صورت صحیحه ده معلوم اولمادی. بزجه بوراده ذکره شایان اولان شی عالی پاشانک، وفوآد پاشانک یرینه خارجیه نظارتی درعهده ایتمی و حکومتک رئیس حقیقیسی اوله رق قالمیسیدر. اصلاحات پولتیقه سنه، اصلاحات پروگرامنی قبول ایتدیرن (فرانسه) ایله ائتلاف مسلکته دوام ایدلدی.



بشنجی باب

تشکیلات عسکریه . — متمدن و فزیر

(پارس) قایینه سنک باب عالی یه تبلیغ ایلدیکی نوطه ده کال وضوح ایله تعریف ایدیلن تربیه مسئله سی ، تحصیل تالی و عالی یه عائد مکاتب مختلفه نك تأسيسی صورتیله ، قسماً نظر دقته آلمشدی. تدریساته کال جدیتله دوام اولنان مکتب سلطانی یه صنوف ابتدائیه علاوه ایلدی ؛ خرسیتیان اطفالک تحصیل ابتدائسی اطفال مسلمیه یه نظراً ده مکمل اولدینی و لسانلری ده بدرجه یه قدر فرانسزجه یه ده یاقین بولندینی جهتله اطفال مسلمه نك خرسیتیان آرقداشلی درجه سننده اکتساب معلومات ایتلمی ایچون اول باول صنوف ابتدائیه ده تحصیللری قرارگیر اولدی . نقصانی بو صورتله اکال ایدیلن مکتب سلطانی یواش یواش صنفلرینی تقویه ایده یله جک و تدریجاً ده ائی تحصیل ابتدائی کورمش ودرجه تحصیللری بر برینه ده یاقین طلبه بولنه جقدی.

ملکته لازم اولان متفنن مأمورلری یتیشدیرمک، اتحاد و مساوات فکری نشر و تعمیم ائیک ایچون باشلیجه مراکز ولایتده استانبولده کنه مشابیه اولمق اوزره مکاتب سلطانیه آچیله جقدی .

فقط (فرانسه) حکومتک افکار و وصایاسنه توفیق حرکت ایده یلمک ایچون مسالک مخصوصه یه عائد مکتبلر آچق و بالخاصه مکتب خربیه ایله مکتب بحریه یی اصلاح ائیمک مکاتب سلطانیه کشادی درجه سننده مستعجل بر ایشدی .

کرید عصیان، اردو و دونما تشکیلاتنده کی نقصانلری ظاهره چیقارمشدی. آطهر دکزینک بو جزیره سی اوزرنده قارش قارش یه کان قوتلر آره سننده کی نسبتزلک ، عصیانک طول مدت باصدیرلما می ، ضعیف اولان جهتک دائماً تجاوزدن خالی قالماسی ، الحاصل ترکلر ایله روملرک قانی محاربه لری (اوروپا) یه

اولیه بر منظره عرض ایدیوردی که بیتاب و توان قالان بر ارسلان ایله متصل کندیسنی راحتسز ایتدیکی حالدہ بر درلو طوتیلیمان سینک حکایه سی خاطرہ کلمه مک ممکن دکلدی .

حال بوکه اردو و دونمای هایون کرک مرتبات ، کرک لاینقطع تجدید ایدیلن اسلحه و مهمات نقطه نظرندن مدهش بر قوتدی ؛ اکسیک اولان جهت بوقوتک حسن اداره سی ایدی ، یعنی - قریم محاربه سنده کی متاهداتدن دخی آکلاشیلدینی اوزره [۱] - بری و بحری ضابطانک تربیه لری پک نقصاندی [۲] .

سرعسکر رشدی پاشا اردوی عثمانینک بتون اروپا اردولرینه معادل اولدیغنه اینانمق خصوصنده یالکیز قالیوردی . مشارالیه ، عنودانه و جاهلانه وطنپرورلکی ایله هم اختیار ، همده کنج ترکلری نمون ایدرک حال حاضرک محافظه سنه چالیشیوردی .

نهایت رفقاسنک اصراری اوزرینه بر آراق تنسیقاتک لزومنی اعترافه ایتدی ؛ مکاتب عسکرینه نک اصلاحی ایچون برهیئت مخصوصه تشکیله و مکتب حربیه ایله مکتب بحریه یه یکی مدیرلر تعیننه راضی اولدی . (ویانه) مکتب حربیه سنده تحصیل ایش اولان فریق غالب پاشا مکتب حربیه یه ، انکلیر ضابطی میرالای (هوبارت) هکیملی آطه ده کی مکتب بحریه یه تعین ایدلایلر . مکاتب عسکرینه نک اصلاحنه دامور اولان هیئت آلتی عثمانی اوج اجنبی ضابطندن مرکب اوله رق تشکل ایتدی ؛ اوتهدن بری آلیشیلان معناسز احواله ، خطیئات کونا کونه وبالخاصه عسکرک اداره سیله مکلف اولان رؤسانک ارتکاب واختلاسنه مانع اوله جق صورتده برنظامنامه تنظیم ایلدی . آکلاشیلان اردو ارکانندن بعضلری دول غربیه نک لوازم عسکریه اداره لرنده جاری اولان قوتنرول اصولنک وضعی منفعت تشخیصه لرینه مغایر بولدقلرندن متخصصین اجنبیه نک اجرا آتی علمپنده بولمغه باشلادیلر . بر مدت صکره سرعسکر اصلاح مکاتب قومیسوتی نا کپان ، طاغیتدی و غالب پاشایی عزل ایتدی .

[۱] ۱۰۵ الی ۱۱۰ نجی حیفیه مراجعت .

[۲] کرید عصیانئ اثناسنده بر ترک سفینه سی سوارینسک پورسعیدی بوله مدینی و دیگر یر قبودانکده یافه لیاثتی آرادینی حالدہ مواصلته مقتدر اوله مدینی کورلشدر .

سالف الذكر نظامنامه ، آنجق رشدى پاشانك انفصالندن صكره وكريده .
اعاده آسايشه موفق اولان حسين عونى پاشانك سرعسكرلىكى زماننده ميدانه
چيقارلدى ، نظر دقته آلدى .

حسين عونى پاشا نظامات عسكريه دن زياده اردونك كميت ومقدارينه .
عطف نظراهميت ايتدى . عساكر منتظمه نك احوالى اصلاحدن زياده عددينى
تزييد ايتك املنده ايدى ، اونك نظر نده تربيه عمليه تربيه علميه دن دهها
مهمدى . ۱۸۵۳ تشكيلات عسكريه سنى خيلىجه تعديل ايتك اوزره قلمه .
آلان حزيان ۱۸۶۹ تاريخلى قانونك اكثر موادى حسين عونى پاشانك
افكار ذاتيه سنه موافق اولهق تنظيم قلمشدر [*] . تشكيلات حاضرء عسكريه
[۱۸۸۲ سنده كى تشكيلات] اساس اولان قانون مذكورك باشليجه موادى .
بروجه آتيدر :

اردوده خدمت نظاميه بش سنده دن دوت سنده تنزيل ايدلش و بو
صورتله فضله قالان افراد رديف صنف مقدمه الحاق اولمشدر . رديفك
بو صنفه داخل اولانلر يدى سنه سلاح آلتته دعوت اولنه بيليرلر . بوندن بشقه
رديف صنف تالى آلايلرى ده تشكيل ايدلشدر . شو حالده دولت عثمانيه نك
قوة عسكريه سى صنوف آتیه دن مركب اوليوردى :

۱ . - خدمت موظفه . قرعه اصابت ايدن دليقانلير بوصفده دوت سنه
خدمت ايدرلر .

۲ . - احتياط . مدتى برسنه اولوب خدمت موظفه ليرنى اكال ايدن دليقانلير
بو صنفه داخل اولورلر . قادرولى دائمى اولان بو صنف عسكر احوال
مستعجله ده سريعاً سلاح آلتته آليرلر .

۳ . - رديف صنف مقدم . خدمت موظفه واحتياطيه ليرنى اكال ايدن
عسكرلر ايله قرعه اصابت ايتمين بتون مسلمانلر بو صنفه ادخل ايديليرلر .

۴ . - رديف صنف تالى . مدت خدمت ايكي سنه اولوب يوقارنده كى
صنفرده اكال مدت ايدن وايتينلرك كافه سى داخل اولورلر .

۵ . - باشى بوزوق ويرلى عسكرلىرى .

[*] ۶۹ - ۷۱ نجى محيفه لره و (نيقولائيديس) مجموعه سنك اوچنچى بابنك

صنوف مذکورہ نك كافه سی داخل اولق اوزره اردوی عثمانیك قوتی بروجہ آتیدر :

نظامیہ ۱۷۳,۰۰۰ کشی و ۳۹,۲۶۰ بارکیر ، احتیاط ۵۳,۰۰۰ کشی ، ردیف صنف مقدم ۲۰۷,۳۰۰ کشی ، ردیف صنف تالی ۲۰۷,۳۰۰ کشی ، عساكر غیر منظمه و سائرہ ۱۰۰,۰۰۰ الی ۱۵۰,۰۰۰ کشی و ۱۰۰,۰۰۰ بارکیر ؛ جمعاً یکون ۷۹۲,۰۰۰ کشی ، ۱۳۹,۰۰۰ بارکیر [۱] .

اساساً صرف فکر تدافعی بہ مستند اولان بو تشکیلاتده ، خرستیانلر مستتا اولق اوزره ، الی سلاح طوتار کافہ اہالی نی عسکر یایمق مقصدی کوزہ دلشدی . خرستیانلرہ کلنجہ ؛ بونلر خدمت عسکریہ نی قبولہ راضی اولسہ لربیلہ رد ایدیلر لردی . چونکہ حکومت ، ذاتاً عسکر لکدن قاچان خرستیانلر حقدہ کی قرارینی ویرمشدی ؛ ۱۸۵۶ ده اولدینی کبی خرستیانلرک عسکر اولمندن بحث ایتک آرتق عہدی [۲] .

حسین عونى پاشانك قانون عسکریسی تنظیم ایدیلیرکن (روسیہ) نك مسلک سیاسیی نظر دقتدن دور طوتولماش ، بلکہ بو حکومتك قانون مذکورہ پك زیادہ تأثیری اولمشدی . (روسیہ) حکومتی قریم محاربہ سنی تعقیب ایدن دورہ سکون و آسایشده پك چوق غیرتار ، فدا کارلقلر ، موفقیتلرلہ مالی اولان ماضیسنك ایجاب ایتدیکی مبارزات جدیدہ ماضر لنیور و بر قاج

[۱] ردیف ایله عساكر منتظمه خارج اولق اوزره اردونك صنوف مختلفہ کورہ تقسیمی :

۱ . - آلتی نظامیہ اردوسنده :

پیادہ	۱۱۸,۰۰۰	کشی .
سواری	۱۱,۳۶۰	» و ۱۸,۳۶۰ بارکیر .
طوپچی	۳۴,۲۰۰	» و ۲۰,۹۰۰ »
استحکام	۲,۶۰۰	»

۳ . - ردیفده :

پیادہ	۵۰,۰۰۰	»
طوپچی	۱,۶۰۰	»

[۲] سرعسکر نامق پاشا ، ۱۸۶۸ سنہ سنده ، خدمت عسکریہ نك خرستیانلرہ دخی تشییلی لزومندن بحث ایدن براجنی پرنسہ شو جوابی ویرمشدی : « خرستیانلری عسکر یایمق چارک اردولربنہ پیشدار حاضرلق دیعکدر . »

سنه دئیری جنوبی (روسیه) ده سوق الجیش نقطه نظرندن حائر اهمیت اولان طرق جسیمه نك اكال انشاآتی ایچون صرف ماحصل غیرت ایسیله ترکلرک نظر دقت وتلاشی جلب ودعوت ایدیوردی .

باب عالی دولت عثمانیه نك امنیتتی تأمین ایتک مجبوریتنده ایدی ؛ نه کبی تدابیر احتیاطیه یه توسل ایتک لازم کلدیکنی تعیین خصوصنده (روسیه) حکومتی عثمانیلره نمونه امثال اولمقده ایدی . دولت عثمانیه دخی بالقان شبه جزیره سنی باشدن باشنه قابلایه جق و بالخاصه بوغاز ایچنی مملکتک اک نازک نقطه سنه ، یعنی طونه حدودینه ربط ایده جک خطوط حدیده انشاسنی دوشونوردی .

(انکلتزه) و (فرانسه) حکومتلری پک چوق زماندن بری باب عالی نی شمندوفر انشاسی ایچون تشویق ایدیورلر ، تیمور یوللرندن مملکتک نه قدر مستفید اوله جغنی اثباته چالیشیورلردی . بونلرک نظرندده خطوط حدیده نك انشاسی ترکیا ایچون یالکز قوای تدافیه سنی تزید ایتک وبر محاربه ظهورندده متجاوز حکومت ایله عثمانیلرک موفقیتلری احتمالی مساوی بردرجه یه کتیرمک نقطه نظرندن حائر اهمیت دکلدی ، بلکه مناسبع ثروتی حال توقفده بولسان وموقع جغرافیسی حسیدیه هندستان - اوروپا طریق تجارتنده ترانسیت خدمتی کورمکه مستعد اولان قیمتدار بر مملکتک منافع اقتصادی سنی دخی تأمین ایده جکدی . مع مافیله بویه برتشنه باشلامازدن اول دوشونمک لازمدی . شاید خطوط حدیده انشاآتی هر هانکی بر حادثه نك تأثیریه اکال ایدیه مز ، یعنی خطک وارداتی مصارفاته تقابل ایده بیله جک درجه یه واصل اولمازدن اول انشاآت مطلق قالیرایسه حکومت عثمانیه آله دن ویرمکه مجبور اولور و ذاتاً مضایقه مالیه ایچنده بولندیفی ایچون سرمایه لری واعتبارلریله تیمور یوللری انشاآتنه اشتراک ایدن اجنبی پیاسه لرینده کرداب افلاسه سور و کلیوب کوتور پردی . شمندوفر لر دولتک ترقیسنه مدار اولدینی کبی سبب ضیاعی دخی اوله بیلیردی .

باب عالی هرایکی احتمالی نظر دقته آلدی ونهایت - ارکان حربیه دائره سنک رأی غلبه ایتدیکندن - « الله کریم » دهرک ایشه باشلادی ، که بوسوز ، هیچ شهسز ، « اوروپا بزى حمایه ایدر » معناسنی دخی افاده ایدیوردی .

بالقان شبکه حدیده سی ، ذاتاً موجود اولان (روسجق - وارنه) و (چرناوودا - کوستنجه) تیمور یوللرندن بشقه درساعات و سالانیکدن

بدأ ایدن ایکی بیوک وبری ادرنه دن اینوزه ، دیکری طرنویدن یامبولی یه کیدن ایکی کوچک خطدن مرکب اوله جقدی . بو خطلرک هیئت مجموعه سی تقریباً ۲,۰۰۰ کیلومترو طولنده تخمین ایدیلوردی .

اساساً قرارلشدیرلمش اولان بوایشک موقع تطبیقه وضعی - اداره عثمانیه نك تجربه سزلیکی وعلی الخصوص نقصانلری جهتیله - مشکلات عظیمه یی داعی ایدی . حکومت عثمانیه منتظم برامور نافعه اداره سنه مالک اولمدینی ایچون خطوط حدیده انشا آتی باشه چیقارمقدن عاجزدی . انشات ، خصوصی شرکتلره احاله ایدلسه بیله ، حکومت عثمانیه ، ینه عینی اسبابدن طولانی ، قومپانیه لرجه یاپیلان ایشلرک ماهیت و قیمتت یی تقدیر ایده مز ، تیمور یوللرک اداره وایشلمه سنی جدی بر نظارت آلتده بولندیره ماز ؛ بالذات اداره یه وایشلمه ک ایسه هیچ مقتدر اوله مازدی . تیمور یوللری امتیاز و انشا آتک بر اجنبی شرکتی ترکی ضروری ایدی ؛ بو حالده دولت عثمانیه ، مدت امتیازییه نك ختامنده کندی مالی اوله جق خطلره نسبتاً فضله پاره ویرمش اوله جقدی . انشا آتک حسن صورته اجراسنی تأمین ایچون خطک استعمال و اداره سنک ایکنجی بر قومپانییه احاله سنه قرار ویرلدی ؛ بو قومپانییا یوللرک محافظه سیله ده مکلف اوله جقدن انشا وکندیسنه تسلیم ایدیلن خطوطک ایی بر حالده بولمسنه دقت ایتمک منفعتی اقتضاسندن ایدی .

تیمور یوللرده نقلیاتی تأمین ایده جک طرق محلیه نك نقصانی دخی نظر دفته آلمق لازمدی ؛ بونقطه نظر دنده ، اداره عثمانیه ، بالقانلرک هرایکی حوضه سنده کی ولایاتی قابلایه جق صورته شوسه لر انشاسنه مقتدر دکلدی . اوچنجی بر شرکتک خطوط حدیده نك روحی اولان بو یوللرک انشاسنی درعه ده ایلمی ایجاب ایدیوردی .

ایشته حکومات اجنبیه نك باب عالی یه قبول ایتدیرمکه چالیشدق لری تدابیر نافعه بونلر ایدی ؛ ۱۸۶۸ سنه سنده نافعه ناظری ایله سرمایه سنک قیم اعظمی فرانسه اولان بر باجیقالی - فرانسه شرکتی آرده سنده عقد ایدیلن ایلمک مقاوله نامه دخی بواساس اوزرینه تنظیم ایدلمشدی .

مع مافیه شرکت مذکور ، تاریخ تشکندن براز زمان صکره فسخ ایدل یکنندن امتیاز ، (اوستریا - مجارستان) حکومتیجه حمایه ایدیلن دیکر بر اجنبی قومپانییه

كچدى وعىنى زمانده متعدد نقطه لردن ، آطه لر دكزى ساحلنده دده آغاجدن ، درسعادتدن ، سلا نيكدن ، (نووى) دن ، يعنى انشاسى متصور اولان خطوطك مبدألرندن انشا آتة ابتدار اولدى [*] .

حكومت عثمانيه (اوروپا) ده كى ولاياتى ايله ممالك غريبه آره سنده حقيقى ودائى بر رابطه اختلاط ومناسبات وجوده كتيره جك اولات بوتشبت عظيمه ابتدار ايدر كن ، شبهه يوق كه ، بونك اهميتنى تقدیر خصوصنده براز خيالاته طاليوردى . عجباً بوشمندوفرلر شمىده يه قدر حدود عثمانيه دن داخل اوله ميسان مدنيت غريبه نك تركياده انتشارينه مدار اوليه جقمى ايدى ؟

فؤاد پاشا « خطوط حديدیه انشا آتة تخصیص ایدیلن اجنبی سرمایه لری نك ، بوسرمایه لری ویرن مملکتلر ك نظر دقتلرینی شرقه عطف ایتدیره جکینی وبوصورتله ۱۸۸۶ ده دول غریبه جه مقبول ومعتبر اولان دولت عثمانیه نك محافظه سی سیاستك شمى بولندینی نظریات دائرہ سندن چقهرق ده ا عملی ومؤثر برمسلكه تحویل ایلده جکینی » سويلیوردی . حتی سفرای اجنبیه ايله صورت خصوصیه ده کوروشور ایکن وسائط نقلیه بریه وبجریه تکثیر ایدیلیرسه - ناموسم وشدید قوانین نشرندن زیاده - اتحاد منافع و بناء علیه اتحاد عناصره خدمت اوله جغنی علاوه ایدیوردی .


بوفکر ، صرف نظری دکیدی ؟ فؤاد پاشانك وظنرورلکی حقیقتك بر قسمی کورمسنه مانع اولیورمیدی ؟ (اوروپا) ده ، آسیا طاغلرنده صیقیشوب قالمش بعض قبائل کبی یشایان عثمانیلر ، اوروپالیلرله مناسبت واختلاطدن اجتناب ایتزلرسه شرق مسئله سی آرتق موجود اوله ییلیرمی ؟ مراسلات ومناقلات یومیه سایه سنده ممالك غریبه نك محصولات ومعمولاتی ، افکار ومعلوماتی ترکیاده منتشر اولور ایسه بومملکتك نهایت تحولات عظیمیه دوجار اوله رق حکومت متجاوره طرفندن ضبطی آرزو ایدیلیر بر محل

[*] باب عالی مصارف انشائییه مدار اولقی اوزره ۱۸۷۰ سنه سنده « شرق تیمور یولاری تحویلاتی » دینلن استقراضی عقد ایدى . بواسطراض کیلومترو باشه ۲۲۰,۰۰۰ فراتق ایرادسنوی حسابله حکومتك اعطا ایده جکی تخصیصاته مقابل وتخصیصات مذکوره ایسه عثماني استقراضلریك فائز معنادی حسابله [یوزده اون بر] انشا ایدیلن خطوطك یهر کیلومتروسته ۱۵۰,۰۰۰ الی ۲۰۰,۰۰۰ مصارف انشائییه اعطاسنه معادل ایدى .

اوله جنی ادعا ایدیله مزمی؟ تعیر دیکرله ترکیاء، (اوروپا) یه مادهٔ تقرب ایدرک مملکتی تجارت عمومیه یه آچار و بونک نتیجه سی اوله رق تبعهٔ اجنیه هر طرفه استیلا ایدرسه مسلمانلر عصر لرجه زماندن بری محافظه ایتدکاری تفوق و رجحانی، املاک و اموالی الدن قاچیرمازلرمی؟ (ویانه) دن ویا (پشته) دن یوله چیقان لوقوموتیف، ترکر ایچون، ایچی آلات تخریبیه ایله طولو (ترووا) بارگیری کبی تهله که لی اولیه جقمی؟

کندیلرینی بک چوق زماندن بری ممالک عثمانیه نك مستقبل میراثیجیلری صره سنده عد ایدن بعض حکومت متجاوزده نك افکاری بومرکزده ایدی . ۱۸۶۹ سنه سنده حرییه نظارتی اداره ایدن (صربستان) هیئت نیابتی اعضاسندن بری بکا دیشدی که : « شمندوفرلر ترکیائی مغلوب ایده جک ، شرق مسئله سنك حلنه ششخانه لی طولیلردن زیاده خدمت ایلده جکدر . »
ذاتاً تنظیمآ دخی (اوروپا) ایچون برغلبهٔ معنویه دیمک دکلیدی ؟





آلتنجی باب

دولت عثمانیه نك اموال اقتصادیه سی — وبركورك صورت تحصیل
و جهاتی ، امور مالیه نك طرز اداره سی

فرانسز نفوذینك جاری اولدینی دوره تنظیماتده — كه يك قیصه بر زمان
اولمله برابر اجراءات نقطه نظرندن ادوار سائردهن زیاده حائز اهمیتدر —
احوال اقتصادیه مملكت صوك درجه باعث اندیشه اولمهیدی تركیانك نائل
تجدد اوله جفته اینانیله بیلیدی . ۱۸۶۰ تاریخندن بری احوال مالیه سنهدن سنه
كسب وخامت ایتش و ۱۸۶۹ سنه سنده حكومت مدھش بر آچیق قارشیدنه
بولنمشدی . اون قدر استقراض عمومی عقد ایتش ؛ یالکیز دیون منتظمه تقریباً
مليار فرانك کجی بیوك بر یكونه بالغ اولمشدی .

قریم محاربه سی مصارفه قارشیلیق اوله رق عقد ایدلش ۱۸۵۴ ، ۱۸۵۵ و
۱۸۵۸ استقراضاتی مستثنا اولق اوزره دیکرلری هر سنه کی فضلہ مصارفی یعنی ،
بودجه ده موجود اولان دائمی آجینی قیامق ایچون عقد اولنمشدی . ۱۸۶۹
سنه سنده عقد اولنان صوك استقراض دخی بالخاصه بو احتیاجی ازاله ایچوندی ؛
اوزمان دخی — وقتیه اولدینی کجی — قسماً واردات دولتک بر معتاد غیر کافی
اولمسندن ، قسماً کرید عصیانی مناسبتیه مصارفک آرتمسندن متولد دیون غیر
منتظمه یی تأدیه ایتک ایچون اجنبی سرمایه دارلرینه مراجعت ایدلشدی .
بو صورته تدارك اولنان مبالغ ، ماضینك حسابلری تمیزلنمدهن واستقبال تأمین
اولنمدهن صرف ایدیلیویر سیوردی . شعبات اداره کافی السابق مضایقه ایچنده
بولنیور ؛ مأمورین ومستخدمین معاشرینی مشکلات ایله آله بیلور ؛ مال
صندوقلرنده پاره بولنیوردی . بر مدت صکبره وعده لری منقضی اولان خزینه

تحویلاتی تأدیہ اولئہ مدی ؛ دیون خارجیہ قسماً تسویہ ایدیلہ بیلدی ؛ بونک اوزرینہ مضائقہ مالیہ صوک درجہ سنی بولدی .

خزینہ تحویلاتنک عدم تأدیہ سی غایت مهم ووخیم بر مسئله ایدی ؛ چونکہ حکومتک المستعجل ، الک مبرم احتیاجاتی ازالہ ایدہ بیلرسی محلی پیاسہ سنده کی اعتبارینی محافظہ ایتسیلہ قائم ایدی ؛ بویابده نه قدر فدا کارلق اختیار ایدلسه نه قدر چالیشیلسه بجا ایدی .

عجبا عاقبت احوال نه اوله جقدی ؟ خزینہ حکومتدن چیقان پارلر صرف بودجه آچیقنی قیامغه مخصوص اولوب حاصلات ورن بر جهته صرف ایدلمدیکی و واردات دولت مصارفات نسبتده آرتمدینی جهته افلاس محقق و قریب الوقوع ایدی .

نتیجه نك افلاسدن بشقه بر شی اولیه جنی آکلاشیلشمشدی ؛ اداره حکومتدن مسئؤل اولان وحسن نیتلرندن شبهه ایدیلہ مین ذوات دخی بونکله مشغول اولیورلردی . بو فلا کته میدان ویرمه مک ایچون نه یاملی ؛ بالطبع مصارفک تنقیصی ، واردات دولتک تزییدی چاره لری دوشونیلدی . فقط ثروت عمومیه نی ، منابع وارداتی تزیید ایچون چاره لر ، تدبیرلر دوشونلدیکی زمان الک اساسلی نقطه یعنی اداره مالیہ ایله ویرکولرک طرح وجباتی اصولنک اصلاحی مسئله سی اھمال ایدلدی .

باب عالینک بارکران حکومتی تخفیف ایچون ، غایت طار اولان قریحه سنده بوله بیلدیکی تدابیرک برنجیسی عساکر بریه و بحریہ مقدارینک موقتاً تنقیصی وارکان مأمورین ملکیہ وعسکریہ معاشاتنک صورت قطعیه ده تنزیلی ایدی . بو تدابیر پک مناسب اولقله برابر غیر کافی ایدی . بالخاصہ بیوک معاشاتک تنزیلی سهل الاجرا و ضروری بر تدبیر عدد ایدیلہ رک الک زیادہ بوکا اهمیت ویریلیوردی . فی الحقیقه کوچک مأمورلر احتیاجه غیر کافی معاشلر آلدقلری حالده بیوک مأمورلرک معاشاتی نسبت معقولہ نك پک چوی فوقنده ایدی . مأمورین ومستخدمین معاشاتنده موجود اولان بو نسبتسزلک تقاعد معاشاتنده دخی عینله موجوددی . حکومتک بودجه سی طفیلیلره مأکل اولمشدی ؛ ایکی یردن معاش آلق ، خدمت مقابلنده اولیه رق خزینہ دولتن استفاده ایتک کی احوالک منعيله برابر اھالینک باشنده بر بالای عظیم اولان و اداره عثمانیه نی

انظار عمومیه ده دوشورن حدسز حسابسز کاتبلری ، مامورینی آزالتمق ایجاب ایدیوردی .

ارکان مالیه خزینة دولتک وارداتی آرتدیرمق ایچون اعشارک یوزده اوندن اون بشه ابلاغندن بشقه بر تدبیر کشف ایده میورلردی . بوایسه ذاتاً بر چوق یولسز لقلرک تاثیریه بیتاب قالان زراعی بسبتون ازدرك مملکتک باشلیجه منبع تروتی قوروتوق دیمکدی .

زراعت ، صنایع و تجارتی ترقیدن آلیقویان وهر درلو تشبثات شخصییه عقیم بر اقان موانعک رفعنه ، تکالیف عمومیه نک طرح وجباتی اصولک تبدیل و اصلاحنه کلنجه ؛ وکلای عثمانیه بو جهتی دوشونسه لر بیله اعتیادات قدیمه ساقه سیله که واردات دولتک یغما ایدلمسی ودارة مالیه نک قاریشیق بر حالده بولنمسی کوکشمش اولان بو اعتیادک مقتضیاتندن ایدی - عقیم قاله جغی تخمین ایتدکلیری بوکار مشکله تشبثه جسارت ایده میورلردی .

جسم دولتی کیرن بو یاره یی تنظیمات بیله قیاده مامشدی . علاجی بولمیه جق درجه ده درین کوکلر صالمش اولان خسته لغک ماهیتی نه ایدی ، نصل ظهور ایتمشدی ؛ مسئله نک یاقیندن تدقیق ایدلمسی لازمدر ؛ تأسف اولنورکه او زمانه عائد اولان سوزلر بوکونه دخی [۱۸۸۲ سنه سنه] قابل تطبیقدر ، چونکه ویرکو و مالیه ایشاری هیچ دیکشمه مش کیدر [۱] .

ممالک عثمانیه هر نوع زراعت نقطه نظرندن زنکیندر ؛ فقط اراضی مزروعه سواحل ایله نفوسی کثیر مراکز منهصردر ؛ اگر تدابیر سائر میاننده طرق و وسائط نقلیه دخی اصلاح اولنورسه زراعت تدریجاً داخل مملکتیه طوغری ترقی ایدر . کرک اقتصادی ، کرک اداری نقطه نظرندن ایلك اوکجه ازاله سی چاره سی دوشونیه جک احتیاج بودر [۲] .

[۱] باب عالی خزینة اوراقنده بو مسئله یه دائر مختلف زمانلرده یازلش پک چوق لایحه لر وارددر . یونلر میاننده موسیو (فوستر) ، (تریقو) ، (هوپارت) ، (سرسه) ، (هاریسون) کی ذواتک لایحه لری تدابیر عمومیه یی حاوی مکمل وثیقه لر اولوب مؤلفرینک اقتدار و حسن یتلرینه دلالت ایدر .

[۲] هر نوع تشکیلات حکومتک شرائط اصلیه سندن بری حکومت مرکزیه نک ولایات حکومت محلیه سیله صورت منظمه و دائمه ده مناسبت و مخایره ده بولمیسدر . نصف عصر و حتی ده اآ زمان کرییه ارجاع نظر ایدیلرسه ممالک عثمانیه کی غایت واسع ، فقط طرق و وسائط نقلیه دن محروم بر قطعه ده حکومت مرکزیه نک اداره امور خصوصنده نه

حکومتک آرابه یوللری ، جدوللر انشاسی ، بیوک نهرلرک سیر سفاشنه صالح برحاله افرانچی ایچون واقع اوله جق تکلیفلری - مصارف ، خزینة دولتن ویرلمه مک شرطیه - قبول ایتسی وحتی بوکی امورنافه یی درعهده ایدیه یله جک سرمایه دارلری آرامسی ایجاب ایدیوردی. انشآت و اعمالات صناعیه - اولجه اولدینگی کی حکومت محلیه نك امر و اداره سی آلتنده دکل - امتیاز اعطاسی صورتیه اجرا ایدلی ایدی . مرعی الاجرا اولان طریق بدل تقدیسی اصوله کلنجه ؛ بو ویرکو کوییلر ایچون غایت آغیر اولدینگی ، والیرلر بیوک منفعتلر تأمین ایتدیکی حالد نتیجه اعتباریه فائده مطلوبه حاصل اولمیوردی . بوضورتیه انشا ایدیلن یوللر پک آز ایدی؛ ذاتاً بشقه بر دوره عائد قدیم بر اصول اولان بدل تقدی آنغاریه قدر مضر ایدی .

ترکیا ایچون حائز اهمیت بر نقطه ده معادن و معدن اوجاقلری قانوننک سربست بر صورتده تعدیلی ایدی [۱] . بوقانون او درجه وهم و وسوسه ایله

بیوک مشکلات مادییه دوجار اولدینگی قولایجه آکلاشیلیر . باب عالیدن صادر اولان اوامر نه سرعتله تبلیغ اولنه یلیر ، نه ده مملکتک هر طرفنده قابل تطبیق بولنوردی ؛ بو اوامری آلان ولایات مأمورلری حکومت مرکزیه اطاعتی و ایفای وظیفه ده غیر و استقامتی تأمین مدار اولان دائمی و منظم بر قونترولدن آزادله ایدیلر .

شوراسی شایان دقتدرکه ولایتلر پایتختدن نه قدر اوزاق اولورسه والیرلر اداره سی او درجه شخصی و مستبدانه ایدی ؛ وقتیه بعض پاشارلرک دعوی استقلاله قیام ایدرک پادشاهلرک حقوق حکمداریلرینی غصب ایتلری هب ولایتک پایتختدن اوزاق اولملری سایه سنده وقوعه کلشدر . مثلاً ۱۷۷۱ده طربزون والیسی ، ۱۷۷۳ده اشقودره والیسی محمود پاشا، ینه تاریخ مذکورده یانیه والیسی علی و بغداد والیسی احمد پاشا، ۱۷۴۶ده مصر والیسی ابراهیم پاشا، ۱۷۶۶ده مصرلی علی پک ، ۱۸۲۲ده ویدین والیسی پاسبان اوغلی ایله دیگر والیرلر آجیقندن آجیغه حکومت مرکزیه یه عصیان ایشلردی .

حکومت عثمانیه ، پک اوزون سورن اصلاحات دوره سنده ، دهها مکمل طرق و وسائط نقلیه مالک بولنسه ییدی مساعی تجدد پرورانسی بلا فاصله دوام ایدردی ؛ چونکه یوللر سایه سنده ولایات بمیده یی تحت اطاعتیه آماش بولنوردی . حتی ولایاتی نظارت دائمه آلتنده بولندیره مدینگی ، احوال مملکتدن لایقوله و وقتیه خبردار اوله مدینگی جهته بر چوق دفعه لر ولایاته صورت فوق العاده ده مأمورلر کوندرمشدی .

[۱] ۱۸۶۸ تاریخلی معادن قانونی برفرانسز مهندس طرفندن تحریر ایدلش ، فقط باب عالیجه بر صورت غریبه ده تعدیل اولنشدی [نیقولایتیدیس مجموعه سی ، اوچنچی باب ، صفحه ۲۵۷] .

ایله تنظیم ایدلمش ، او درجه شدید احکامی و او قدر آغیر رسومی حاوی ایدی که هیچ بر اجنبی سرمایه دار آناطولی طاعلرنده دکل ، حتی اوروپای عثمانیده بیله کوچک بر امتیاز طلبنده بولنماشدی . خزینۀ خاصیه عائد اولان ارکلی ، طوقات ، ازغنی معدنلری خصوصی شرکتلره احاله ایدلسه حکومتک آلدیغنه نسبتله پک چوق واردات استحصال اولنوردی .

قسم اعظمی ایشلمه مش و یا مرعا حالده آچیلمش اولان خزینۀ خاصیه عائد چایرلر ، اراضی مرورعه دخی بویله ایدی . بونلرک بر قسمی صائمق ، بر قسمی امانۀ اداره ایتک لازمدی .

کتابک برنجی قسمنده ایضاح ایلدیکم وجهله [۱] اراضی قانونی هان وتماماً تعدیل ایلک الزم ایدی . ممالک عثمانیه اراضیسندن اوچ ربعک حکومته و مؤسسات دینییه عائد اولسی و کویلنک ایشلتدیکی اراضیده حقوق تصرفیه مالک اوله مامسی کی سقیم بر اصول نصل دوام ایده بیلیردی ؟ حقوق تصرفیه نک اصلاحی ، شبه سزکه ، تنظیماتک موجب اولدیغی اک بیوک مشکلات و غوائلدن بریدر ؛ فقط بو مسئله نک ملل متمدنه نک قوانین جدیده سی احکامنه توفیقاً حل ایدلمسندۀ بیوک بر منفعت واردی .

داخلی کمرکرلر دخی صنایع و تجارت محلیه نک ترقیسنه مانع اولیوردی . بو کمرکرلر محصولات محلیه دن آلدیغی رسوم ، کویا ، ممالک اجنبیه دن کلن محصولات نمائنه نک رقابتی تسهیل ایچون وضع ایدلمشدی .

اصل اداره مالیه ایله ویرکولرک طرح و جباتی اصوله کلنجه ؛ دولتک اصول مسکو کاتنده کی فنالقلری ایضاح و بوفنالقلرک آنجق قسماً ازاله ایده بیلدیکنی بیان ایتشدم . قائمه نک و عیارى بوزوق مسکو کاتک تداولندن متولد محاذیر و سوء استعمالک اوکنی آلمق ایچون یالککز بر طریق ، بر تدبیر وار ایدی .

ولایاتده اولدیغی کبی در سعادته دخی مال صندوقلری اداره ایدن مأمورلر معاملات تقدیه دن کندی استفاده لرینی تأمین ایدرلر . آلدقلری مسکو کات اوزربنه درلو درلو طولابلر چویرلر ، تأدیاتی آرزولرینه کوره تعطیل و یا

استرداد ایدم بیلیرلردی . امضا ایتدکلری حواله نامه لرك بدلی قومیسین
آلندقجه تأدیہ اولمازدی . بو احوال بر قلمده اصلاح ایدله بیلیردی ؛ یعنی
ممالك عثمانیه نك هر طرفده خزینہ مالیہ معاملات نقدیه سی باق عثمانیه تودیع
اولنور ایسه بتون سوءاستعمالات اورته دن قالفه بیلیردی .

برجوق دفعه لر سویلشمش بر حقیقه تدركه : فقدان انتظام ، اداره عثمانیه نك
اك زیاده كولكشمش بر فالفیدر . بو حال ، سلسله مراتبك هر درجه سنده
مشهود اولور . پایتختده بیله نه دفاتر حسابه نك تنظیمی ایچون ، نده مصارفات
دولتی بر نظامه ربط ایتمك ایچون ثابت قاعده لر یوقدی ؛ واردات حكومتك
صورت صرف و جبای قوتزوله تابع دكلدی ، یاخود قوتزول دنیلن شی
خیالی بر تدبیردن عبارتدی . حسابات نادراً قارشیلان شیرلیدی ایچون واردات
و مصارفات دولتك ماهیت حقیقه سی حقنده معلومات ایدنمك پك مشكلدی .
هر سنه مالیہ ابتدا سنده تنظیم اولنان بودجه لر واردات و مصارفات تخمه
جدوللرندن بشقه برشی دكلدی . بودجه نك فصللری سنه نهایتنده قبانمیدندن
واردات و مصارفات تخمه نك تحقیقاتی مبین قطعی بر بودجه تنظیمی امکان
خارجنده ایدی .

مالیه ناظری اسمنه لایق برناظر یوقدر . بو عنوانی حائز اولان مأمور
عادی بر اجرا مأمورندن عبارتدر . حكومتك اداره مالیه سندن مشول دكلدر .
عنوان قدیمی اولان «دفتردار» نامندن دخی آكلاشیلیدی اوزره ساده جه
دفاتر حسابه یی طومغه مأموردر . نظارتلر ، كندیلرینه تخصیص اولنان
مبالغك صورت استعمالندن طولای مالیه ناظرینه حساب ویرمه مجبور
دكلدرلر . حتی بعض نظارتلر ، مالیه نظارتنك معلومات واشترا کی اولمدهن ،
خزینہ تحویلاتی دیمك اولان سرکیلری اخراج ایدم بیلیرلر ؛ بعضیلری ایسه
مالك اولدقلری واردات خصوصیه یی جدی بر حساب ویرمدهن صرف ایدرلر .
اداره کیفیه ، قاریشقق حكومت مركزیه ده بودجه یه اصل اولورسه
ولایاتده ویركولرك طرح وجبایتنجه هر درلو سوء استعمالات وقوعه كلدیكنه
بالطبع حیرت ایدلر [۱] . بو نقطه ، غایت مهم واساسلیدر . یوقاریده كوردلیکی

[۱] حكومت عثمانیه نك باشلیجه اوچ منبع وارداتی وارد : وركو ، بدل عسكری ،
اعشار . واردات مختلفه كرك ، توتون ، صید ماهی ، مسكرات ، اورمان ، معادن ،
طوز ، اغنام و جینوار ، طابو ، تمغا وسائرہ رسومیدر .

و جہا ۱۸۳۹ سنہ سندھ کل خانہ خط ہایوننک نشرنند صکرہ التزام اصولی
الغا ایدلش وجاعات غیر مسلمہ بہ، خراج و یا بدل عسکری بی کندی کنڈیلرینہ
تحصیل ایدرک حکومتہ تسلیم ایلری حق و یرلمشدی . ۱۸۴۱ دہ رشید پاشا
موقع اقتداردن چکیلکہ مجبور اولنجه التزامات اصولی دخی عودت ایتشدی .
باب عالی ۱۸۵۶ فرمان ہایوننک نشرنند صکرہ دہ بوکی خطا لردہ اصرار
ایتدی . واقعاً کمرکار ایله توتون امانۃً اداره اولندی [۱] و تحصیلدارلرک
سواء استعمالاتی منع ایتک اوررہ وقیلہ خراج ایچون قبول ایدیلن اصول
حسایتک، یعنی ویرکولرک نواحیہ الزام ایدیلہرک بعدہ ہرناحیہ طرفندن
اھالیہ توزیعی اصولک تعمیمنہ تثبٹ ایدلدی . فقط بوتجربہ موفقیّت بخش
اولہمدی، ناحیہلر محصولات زراعیہلرینی صاتمہدقلرینی بہانہ ایدرک تحصیلاتہ
اہمیت ویرمدکلرندن بش سنہ صکرہ بقایا، برسہلک ویرکویہ معادل اولہجق
درجہ نہ حقدی .

حال حاضرده بعض رسوم، ولایت و یاسنجاق طرفدن صورت مخصوصه ده مأمور ایدیلن ذاتک نظارتی آلتنده اوله رق مجالس اداره طرفدن مکلفینه طرح وتوزیع اولنور. اکثریا املاک و اراضی جسمیه اصحابندن اولان مجالس مذکوره اعضاسی ویرکونک بتون نقلتی فقرای اهالی به یوکلتمکه میالدرلر؛ طرح وتوزیع تکالیفه نظارت وظیفه سیله مکلف اولان مأمورلر اکثریا بوخصوصه ده مجالس اداره به معاونت ایدرلر. متضرر اولان مکلفین ایچون شکایت ایده بیله جک برمرجع یوقدر. مجالس و مأمورین لایسئدرلر، یاخود منافعی آرلرنده تقسیم ایدرک جزاسز قالمه نک چاره سنی بولورلر.

دیگر ویرکولر۔ اون دردنجی (لوئی) عصرندہ کی فرانسز ملتزماری
کجی۔ فقرای اہالی یوزندن اکتساب ثروت وسامان ایدن ملتزمینہ احالہ
اولنور۔ حکومت مأمورلری بونلرہ قارشی دائما مساحہ کارانہ طاوورانیلر
وکویلی صیقوب ازمک ایچون معاونتدن کری طورمازلر۔

باب سرعسكرينك واردات مخصوصه سندن بريني تشكيل ايدن بدل نقدي
عسكري، بعض ولاياتده بتميز توكنمز سوء استعمالاته، تضيقاته وسيله اولور.

[۱] توتون انحصاری یا لکڑ درسمعات ایله چوارنده وضع اولنه پیلیمشدی .

بعض مسلمانان بدل نقدی ویرمدرکاری حالده خدمت عسکریه بی‌ده ایفا
ایتمزلر؛ بعضلری ایسه بالعکس هراخذ عسکر زماننده تأدیه ایدرلر، فقط
هیچ بر زمان ویرکودن قورتیه‌مازلر. بدل نقدی ویرنلر خدمت عسکریه بی
بالفعل ایفا ایتدیرمک ایچون بر متصرفک ویا اخذ عسکر معاملاتنه مأمور بر
ضابطک آرزوسی کافیدر. قان ویرکوسی دیمک اولان عسکرلک یوزندن نه‌قدر
والیلر، متصرفلر، قائم‌قاملر زنکین اولملردر!

بقایا نام عمومیی آلتنده یاد ایدیلن متداخل ویرکولر یا ولایتک برقراریه
بالاسب عفو ایدیلر، یاخود ایکی اوچ دفعه مکرر تحصیل اولور.

کمرک، توتون، طوز رسومی ایله دیگر بالواسطه تکالیف هریده
شکلاً بشقه درلو، فقط ماهیتی، خزینه دولتک اضارای نقطه نظرندن بربرینک
عینی سوء استعمالاته سبب اولور و حکومتجه بونلرک کافهسی اغماض ایدیلر [۱].
شبهه‌مزکه، حکومت عثمانیه، ویرکولری خزینه دولت ایله مکلفینک
منافعی محافظه ایده‌جک صورتده طرح وجبات ایتک ایچون لازم اولان
مستقیم و تجربه‌دیده مأمورلری بوله‌مازدی. لکن تدابیر موقته واحتیاطیه
جمله‌سندن اولمق اوزره، عجباً، اک مقتدر مأمورلردن بر قاچ مفتش انتخاب
ایدیلرک صلاحیت کامله ایله ولایاته کوندرمک و مکلفین ایله خزینه دولت
آره‌سنده توسط ایدن کافه مأمورین و مستخدمینک سوء استعمالاتی ممکن مرتبه
منع ایتک ممکن دیکیدی؟ ایشته فرانسه حکومتی، تربیه و اخلاق عمومیه،
کافه ممالک متدنه‌ده مضرتی آکلاشلمش اولان بر اصولک صورت قطیعه‌ده
الغاسنه مساعد اوله‌جق درجه‌یه کلنجه‌یه‌قدر بوتدیرک موقتاً موقع اجرایه وضعی
اخطار ایدیوردی.

ویرکونک صورت طرحه کلنجه؛ برچوق عصرلردن بری زراعه تطبیق
اولنان ویرکو اصولی بردن بره دیکشدرمک غیر ممکن اولسه بیله پک مشکل
ایدی؛ اعشار، حد ذاتنده عادلانه بر اساسه مستند و تحصیل وجباتی نسبتاً

[۱] ممالک عثمانیه‌نک برکمرک اداره‌سنده مدر، تجارتدن آلدیغی تخصیصات معینه مقابلنده
اخراجات و ادخالات رسمندن تنزیلات اجرا ایدردی. دیگر برکمرک اداره‌سنده شهری
۲,۰۰۰ غروش معاشی اولان عادی براس‌تیاتور اون سنه خدمتدن صکره ۵۰,۰۰۰
عثمانی لیراسی ثروت ایله چکیلمشدی.

قولاي برويركو ايدى . فقط كويلي ايچون او قدر مضر برحاله كتيرلشدر كه مسلمانلر بيه شوصورتله شكابت ايدىورلردى : «اكر اوروپا آره صره غزته لرده اوقونان شو : (فلان ولايت، ماليه نظارتنه شو قدر غروش كوندرمشدر .) فقره نك نه قدر سفالتلرى ، يأس ونوميدى يى ، سوء معامله وتضييق تضمن ايتديكنى بيلمش اولسه دهشت ايچنده قاليردى .» [۱] .

قداستروسي بولميان ويا جدى بر قداسترونك ياييله بيلمى دهها پك چوق زمان ممكن اولميان بر مملكتده اعشار يرينه اراضى ويركوسى فصل وضع اولنه بيليردى ؟ اعشارى ، ۵ الى ۱۰ سنه لك محصولاتك قيمت وسطيه سنه كوره حساب ايدلمش مقطوع برويركو شكلنه افراغ ايتك ومكلفينى باعشرى ، ياخود بوويركويى تاديه ده مختار براقق ممكن اوله مازميدى ؟ اراضى صاحبي بوايكى طرزدن برينى انتخاب وقبول ايدنجه آرتق ويركوسنى دائماً اوصورتده ويرمكه مجبور بولنوردى . ويركونك مقدارى معين بر زمان ايچون ديكشمز ؛ بوزمانك اقتضاسنده ثروت عموميه نك ترقيسى نسبتده ويركونك مقدارى دخى تزويد ايديله بيليردى . بوصورتله هم اعتيادات قديميه رعيت ، همده تدريجاً تكميل ايديله جك بر اصولك بتون مملكته تعميمي تسهيل ايدلمش اولوردى .

اداره ماليه نه قدر بوزوق ، نه درجه نقصان وفا اولورسه اولسون هر شيدن اول بو اداره يى چويره جك ناموسلى ومتخصص مأمورلرلر فندانى حس ايدلمكده ايدى . امور ماليه ده كى انتظامسزلغك ، خزينه دولته كى مضايقه نك ، عدم اعتبارك باشليجه سببى بو ايدى . شمدليك حكومتجه باعث يأس وحالات اولان مضايقه شديدنى ازاله ايچون يكانه چاره اموال عموميه نك اداره سنى اوروپالى مأمورلره توديع ايدرك مؤثر وجدى بر قونترول آلتله آلمقدن عبارتدى .

ايشته ، شايدن وثوق واعتماد وثائقدن استنتاج ايديلن معلومات بوندن عبارتدى ؛ تنظيمات طرفدارلرى ، كويا مملكتك اصلاحات اقتصاديه سييله قوانين ونظامات سياسيه سى آره سنده هيچ بر مناسبت يوقش كچى ، امور ماليه نك اصلاحنه صورت جديده ده تشبث اتمه مشلردى . اقوام عثمانيه يى بر برلردن آيران اختلافات نظر اهميته آليرسه وكلاى عثمانيه نك اصلاحات فرمانلرى نشرندن زياده

[۱] بوقره مسلمان وطنپورلربك نشر ايتدكلرى ۹ مارت ۱۸۷۶ تاريخلى بر بياننامه دن مستخرجدر .

تبعه نك احوال ماديہ سنی اصلاح ايتك صورتيله عناصر مختلفہ يي يكديكره
ياقلاشديره بيله جكلريني آكلایه مامش اوللرينه حيرت ايديلير .

(فرانسہ) سفیری موسينو (طوونل Thouvenel) ديمشدرکه : « ترکیانك
مدنيت جديده نك باعث شان و شرفی اولان قواعد اجتماعیه يي زورله قبول
و تطبيق ايتسی کافی دكلدر . اوروپا دولترلرينك ده اعتبار مالیلری ، ذكاو اختصا صلی ،
نصیحت و اخطار لری ایله صورت دائمه ده ثروت مملكتك ترقیسنه وزراعتی ،
صنایعی ، تجارتی بر چوق موانع و مشكلاتدن قورتارمغه چالیشملری اقتضا
ایدرد . اوروپا ، ترکیا دنیلن بو بیوك جسددن چیقماق اوزره بولسان روحی
آنجق بوسایه ده یرنده طوته بیلیر . »





يدنجى باب

جماعات غير مسلمة نك اموالى . — ارمنى قتوليكلمر . — ارمنيلر . — ملكيتلر .
مارونيلر . — لبنانه . — اورنوردوسلر . — بلغار اكسارملى . — يروستنانلر .

اصلاحات خط هايونى جماعات غير مسلمة نك امتيازاتى تايد و عنصر
جسمانيك جماعت امورداخله سنه دها واسع برمقياسده اشتراكنى تايمين ايتدكن
سكره [۱] عجا جماعات مذكوره احوالجه نه كى تبدلات وقوعه كلىدى ؟
بوقطعهده ، بوخصوصى محيط ايچنده تاريخمزه علاقيسى اولان بعض
مواد واردر ، كه تدقيق وتبعه شايندر . بوندن بشقه شرق مسئله سنك ،
تعبير ديكركله اوروپا دولتلى نقطه نظرنندن مقدرات عثمانيه مسئله سنك صحنه
سياسياته دين و مذهب كسوه سى آلتده چيقدىغى ودول اجنيه نك بربرى
متعاقب حايه لرى آلتنه آلدقلى مذهب مختلفه اربابنك احوال اجتماعيه سنه
شدت تعلق بولنديغى اونوتامليلدر [۲] .

معلوم اولديغى اوزره (روما) كليساسنه ، پاپالىق مقامنه تابع اولان شرق
قتوليكارى ارمنى قتوليكلمر ، مارونيلر ، روم قتوليكلمر ويا ملكيتلر ، سريانيلر ،
كلدانيلردر [۳] . هر برينك آيرى بطريقى اولان بوش جماعت خارجنده پاپالىق مقامى .

[۱] ۱۲۱ نجى حيفيه مراجعت .

[۲] مؤانك (تركيا وحق مداخله) عنوانلى اثرينه مراجعت .

[۳] جماعات مذكوره دن هر برينك نفوسى ، بطريق وبقوسلرينك عددى بوجه آيدرد .

ارمنى قتوليكلمر	۱۵۰,۰۰۰	نفوس	۱	بطريق	۱۵۰۰	بقوس
مارونيلر	۲۱۰,۰۰۰	»	۱	»	۱۴	»
ملكيتلر	۷۰,۰۰۰	»	۱	»	۱۴	»
سريانيلر	۲۵,۰۰۰	»	۱	»	۷	»
كلدانيلر	۲۲,۸۰۰	»	۲	»	۱۲	»

۱۸۴۷ سنه سنده قدس پطریقلکنی احداث ایتدی، که حقیقت حالدہ صلاحیت مخصوصه یی حائز اولمق اوزره فسلطین پسقپوسلغی دیملکدر . بوندن بشقه پاپانک درسعادتده مقیم وکیلنه تابع اولان ولاتین رعایای دنیلن لاتینلر وارددر . برده مصرده پاپالق مقامی وکیلی موجود وقبط ملتندن بر قسم جزئی بوکا تابعدر .

۱۸۴۴ و ۱۸۴۵ سنه لرنده شرق قتولیک اقوامی آره سنده حصوله کلن اتحاد چوق زمان دوام ایتدی . مارونی ، کلدانی ، ملکیت و سریانی جماعتلری بر آرائق ارمنی هیئت رهبانه تابع اولدیلر ؛ آرده موجود اولان دینی و ملی اختلافات ، نهایت تفرقه یی موجب اولدی و بوتفرقه ایلک اوکجه ارمنی هیئت رهبانی آره سنده کورلدی . ارمنی قتولیک راهبلیری ایکی فرقه یه ، دها طوغریسی ایکی مسلکده آیرلدیلر ؛ برنجی قسم (مهخیتاریست) لرک ، ایکنجی قسم روما (پروپاغاندا) سنک حمایه سنده ایدی .

بری (ونلیک) ده ، دیکری (پارس) ده کائن ایکی بیوک مکتب اداره ایتلکده اولان (مهخیتاریست) لر ارمنی ملتک عنعنات تاریخیه سی محافظه ایتک ادعاسنده ایدیلر . بونلرک شاگردلری اولان رهبان ، جماعتک امتیازات جسمانیه و روحانیه سنک حقیقی مدافعلری صفتی طاقینمشاردی .

(مهخیتاریست) لری رئیس طانیان قسم ملتک اک ذی اقتدار وزنکین طاقی ایدی . بو قسمی اداره ایدن رهبان مبارزات مذهبی و ملیه ده - بر کون کلوب اداره لری آلتیه آله جقلرینی امید ایتدکلری - قتولیک اولمیان ارمنیلرک معاونتلیرینه دخی مراجعت ایدیورلردی .

(پروپاغاندا) نک تربیه ایتدیکی ، یتیشدیردیکی رهبان ایله بونلرک طرفدارلری ، بالعکس ، شرق قتولیک مذهبک عادات قدیمه سی قالدیرمق ، جنس و ملیتلیری نه اولورسه اولسون بتون قتولیکلری لاتین مذهبی قواعدینه رعایت ایتدیرمک ایستین پاپالق مقامنک آمالنی ترویج ایلورلردی .

بو ایکی فرقه آره سنده کی مبارزه ۱۸۵۲ سنه سندن اول باشلادی . ذاتاً ۱۸۴۶ سنه سنده ، پاپالق مقامی (پروپاغاندا) شاگردلرندن راهب (حاصون) ی ارکان ملتک رأینه مراجعت ایتهدن ، درسعادت باش پسقپوسلغنه ترفیع ایتدی . ۱۸۵۰ تاریخنده دها ایلری یه واردی : بش پسقپوسی طوغریدن طوغری یه

تعیین ایلدی ، باش پسخپوس دخی بونلر حقنده اجرایی لازم کلن مراسم روحانیه یاپدی . مخالفلر یوکا اعتراض ایتدیلر و کندی نقطه نظرلرینی باب عالی به قبول ایتدیرمکه موفق اولدیلر . باب عالی اولامرده ، جماعات غیر مسلمه رؤسائنک وظائف جسمانیه ایله دخی مکلف اولدقلرینی و بناءً علیه بونلرک محافظه نفوذ و اقتدارلرینه چالشمسی لازم کلدیکنی بیان ایدرک یکی پسخپوسلره برات ویرمدی .

مع مافیه برسنه صکره بش پسخپوسک مأموریتلری - آتیاً تعیین اولنه حق پسخپوسلرک اوتندن بری جاری اولان اصوله توفیقاً ملت طرفدن انتخاب ایدملری شرطیه - حکومت عثمانیه جه تصدیق ایلدی .

هیجان کسب سکونت ایتدی : فقط ۱۸۵۲ سنه سنده اولکندن دهها سدتلی بر صورتده باش کوستردی . سنه مذکوره ظرفنده ، (مه خیتاریست) لرک علیهنه متجاوزانه بر لسان ایله یازلمش بر رساله انتشار ایدنجه هیجان یکیدن باشلادی . کلدیسالرده آیین روحانی اجرا ایدیلرکن بر چوق قاریشقلقلر وقوعه کلدی ؛ منازعلر ، مضاربهر اولدی نهایت باش پسخپوسک عزلی ایچون باب عالی به عرضحاللر ویرلدی .

بوحادثه اوزرینه مشکل برموقعده قالان باب عالی قتولیک باش پسخپوسی (خاصون) ک صاغ قولی مثابه سنده عد ایدیلن بطریق (صال و بیانی) نی عزل ایتدی ؛ فقط بیطرفانه حرکت ایش اولق ایچون جماعت ایچنده تفرقه به سبب اولان جمعیت ملیه یی دخی طاعتیدی .

۱۸۵۶ خط هایوننک جماعات غیر مسلمه امورینه عنصر جسمائینک دهها زیاده اشتراکنی تأمین ایلن موادی ، ملیت طرفدارلرینک پابالق مقامنی التزام ایدن رهبان علمهنده کی مخالفلرینی تشدید ایتدی .

۱۸۶۵ سنه سنده (سیس) ده اقامت ایدن (کیلیکیا) بطریق قاتولیفوس سکزنجی (غره غووار پیه) وفات ایلدی . (کیلیکیا) قاتولیفوسلانی شرفده موجود اولان اون ایکی ارمنی قتولیک پسخپوسنک آمری اولوب پسخپوسلر حین تعینلرنده بومقامه صداقت اوزره خدمت ایلیه جکلرینه یمین ایتشلدی . بطریق (غره غووار) ، مختاریت اداره سنی محافظه ایتک عزم قویسنده اولدقدن یشقه ۱۸۶۰ سنه سنده درسعادت ارمنی قتولیک باش پسخپوسلغندن کلیاً آیری

اولوق اوزره باب عالی زردینه بر وکیل کوندرمش و بو حرکتی ایله پاپالوق مقامی خلیجه راحتسز ایتشدی .

ملی کلیسایک عادات و قواعدینه نظر آقاولیغوسلق مقامی منحل اولدینی زمان جماعت بر بطریق قائممقامی انتخاب ایدر و بو قائممقام بطریقک انتخابنه مأمور مجلسه ریاست ایلر .

بطریق قائممقاملغنه انتخاب اولنان (سهرورپ فاویتیان) یدنجی (غرم غوار- پیه) ک خلفنی انتخاب ایتک ایچون بتون سر بسقبوسلری (لبنان) ده اجتماع ایدن مجلسه دعوت ایتدی ؛ فقط پاپالوق مقامی مسئلهیه مداخله ایدرک سر بسقبوسلره امر اخیره قدر رأی ویرمه ملریخی تبلیغ و اخطار ایلدی . (سهرورپ فاویتیان) بطریق قائممقاملغندن عزل ایدیلرک یرینه (پروپاغاندا) شاگردلرندن (ملقون مازاریان) تعیین ایلدی . آز جوق تصادفی اسباب مختلفه دن طولای قاتولیغوسی انتخابه مأمور بسقبوسلرک عددی اون ایکیدن بشه تنزل ایتدی و ۲ ایلول ۱۸۶۶ تاریخنده باش بسقبوس (حاصون) کیلیکیا بطریقکلکنه انتخاب اولندی .

براز صکره ، پاپالوق مقامی ارمنی کلیسایک سرستی و امتیازاتی الغا ایدن امر نامه مشهوری نشر ایلدی [۱] . کروه مخالفین ذاتاً ملت دشمنی عدابتدکری

[۱] اوزمانه قدر بطریق ویا قاتولیغوس ، بطریقک مقامی زردنده مأموریتی بولنان سر بسقبوسلر ایله عادی رهبانک وحتی اعضای جسمانیه ک داخل اوله ییلدکری مجلس روحانی طرفندن انتخاب اولنوردی . پاپالوق مقامنک امر نامه سنه کوره بوندن صکره بطریق ، یالکز بسقبوسلر طرفندن انتخاب ایدیلرک جکدی .

بو صورتله انتخاب اولنان بطریق ، عادات قدیمه خلافنده ، پاپالوق مقامنجه مأموریتی تصدیق ایدلندن انهای وظیفه به باشلایه جقدی .

اولجه یالکز بطریقخانه مجلسنک موافقتی ایله اجرا ایدیلن بعض امور بوندن صکره پاپالوق مقامنک مساعده مخصوصه سی اولدقجه پایله میه جقدی .

بسقبوسلق مقاملری منحل اولدینی زمان بطریق پاپانک درسعات وکیلنک وساطتیه (روما) یه اوچ نامزد کوسترجه ک ، بونلردن بری پاپا طرفندن تعیین اولنه جقدی . حال بوکه اولجه ، منحل اولان بسقبوسلق مقامنک منسوب اولدینی اداره روحانیه هیئت رهبانی ایله اعضای جسمانیه سی طرفندن اوچ نامزد آیریلیر ، بو اوچ نامزددن بری بطریق طرفندن تعیین ایدیلردی .

پاپا ، بطریقک کوستردیکی اوچ نامزددن برینی مطلقاً تعیینه مجبور اولوب آرزو ایدرسه خارجدن برکیسه بی دخی بسقبوس تعیین ایده بیله جکدی .
بسقبوسلر قاتولیغوسه صداقت یمینی اجرا سندن منع اولمشلردی .

بر آدمك انتخاب ايدلمسندن منفعل ايكن بو امرنامه يي كورنجه بسبتون حدتلدنديلر . اركان ملت ، هيئت رهبان ، حتى بسقبوسلر (روما) يه مراجعت ايدرك شكابت ايتديلر ؛ استرحام ايدديلر ؛ يالوارديلر . فقط (روما) هيچ متاثر اولدى .

بونك اوزرينه جماعت حقوقنى بالذات مدافعه يه قرار ويردى ؛ باب عالينك حمايه سنه التجا ايتدى . شكابت مسموع اولدى ؛ باب على مخالفلرك عادات قديمه مذهبيه لرني محافظه ايتملرينه موافقت ايلدى ؛ بالاخره يعنى ۱۸۷۰ سنه سنده ، مخالفلر « پاپاق طرفداري » ويا « حاصون طرفداري » ديدكلى هممذهبلرندن آري اولق اوزره بر اداره روحانيه تأسيسنه دخي مساعده استحصال ايتديلر . تفرقه تماميله حاصل اولمشدى ؛ باش بسقبوس (حاصون) ك درسعات بطريقى صفتي آلمى . اوزرينه آرتق اشلاف ايچون هيچ بر چاره قالمدي ظن ايلدى . ذاتاً (واتيقان) ده اجتماع ايدن مجلس عمومى روحاني (پاپا) نك لايخطيلكي نظريه سنى اعلان ايتك اوزره ايدى ؛ شرق كليسالري امتيازات مخصوصه سنك بو نظريه ايله قابل تاليف اولميه جنى شهبه سزدى . (پاپا) اون دردنجي (بنوا) نك ۲۶ تموز ۱۷۵۵ تاريخلى امرنامه سنده ارمني ملتك عادات و مراسم مذهبيه سنك قتوليك ديني ايله قابل تاليف اولديني و بونلره رعايت ايدملك لازم كلديكي بيان اولمسنه رغماً پاپاق مقامى ارمنيلرك لاتين اولمى ايتيوردى . بو تناقضدن صرف نظر ، پاپاق مقامى پادشاهك حقوقنه تجاوز ايتديكني خاطره بيله كتيرميور كبي كورونيوردى . في الحقيقه سلطان محمد ثاني طرفندن ۱۴۵۳ سنه سنده بخش ايديلن امتيازات موجبنه بطريقلر ايله بسقبوسلر يالكز رؤساي روحانيه اوليوب بلكه رياست ايندكلى جماعتلرك امور جسمانيه لرني دخي اداره ايتدكلرندن پادشاهلر بونلرك انتخاباته نظارت ايتك حقنى اوتهدن برى ادعا واستعمال ايتملردير .

پاپانك درسعات وكيلى (پلويم) ۱۸۷۰ سنه سى نيساننده مخالف ارمني راهبلى رني ايفاي وظيفه دن ، اجراي آيندن منع ايتدى . آرتق ايكي طرف بربرندن تماميله آيرلش ديمكدى . (غره غورييه ن) مذهبنده كي ارمنيلر ؛ همجنسلرى اولان قتوليكلره كندى كليسالريني و معاونتلى رني تكليف ايتمش اولدقلرندن فرقه مخالفه نك بونلره التحاق ايدمجه كي ظن اوليوردى . ارمني قتوليكلرينك ايكي يه

آیریله جقلری محققدی ؛ یالکزار منی قتولیک جماعتنک ثلثاننک دکل، سالف الذکر امرنامه یی رد ایتیش اولان مارونیلر ایله ملکیتلرک دخی پاپالق مقامندن آیرلملرینه انتظار ایدیه بیلردی . شو حالده پاپالق مقامی ۳۵۰,۰۰۰ قتولیکی غائب ایده جکدی .

(پاپا) نک بویه بر تهلهکه قارشیدنده ۱۸۶۷ تاریخی امر نامه سنی کری یه آلمه بیه جماعتک آرزوسی وجهله تفسیر ایده جکی و آتلافه پک آز میال اولان قاتولیفوسک (روما) یه مربوطیتی محافظه یه چالیشه جغی امید اولنیوردی . فقط براز صکره بو امیدک بهوده اولدینی آ کلاشیلدی . مجلس عمومی روحانی یه اشتراک ایچون (روما) کیتیش اولان (حاصون) درسعاده عودت ابدرک بطریقک مقامی اشغال ایتدکن ماعدا پاپانک درسعادت وکیلی (پلویم) مخالف فرقه دن درت پستقوس و قرق بش راهبک قتولیک مذهبندن اخراج ایش اولدقلرینی اعلان ایلدی .

آرتق آتلاف احتمالی قالماشدی ؛ حکومت حال حاضره کندی نقطه نظر نجه بر نتیجه ویرمهک حق قزانشدی . پاپالق مقامنک ۱۸۶۷ تاریخی امر نامه سی علیهنده بولنانلری آچیقندن آجیغه التزام ایدن صدراعظم مخالفلرک ادعالرینی قانونه توفیق ایتک ایستدی . بطریق (حاصون) ک براتی کری یه آلدی وبری مخالفلرک ، دیگر ی پاپالق مقامی طرفدارلرینک اولمق اوزره ایکی ارمنی قتولیک بطریق طانیه جغی بیان ایتدی . عالی پاشا بوباده کی قرارک اسباب موجبهنی شو یولده ایضاح ایدیوردی : « جماعات غیر مسلمه ، مذهبلرینک آیینی اجراده سربستدرلر ؛ فقط امور جسمانیه لرنده قوانین دولته تابعدرلر . بونلرک رؤسای روحانیلری مأمورین دولت مثابه سنده اولوب مأموریتلری طرف شاهانه دن تصدیق بیوریلور . حاصون افندی ارمنی قتولیک بطریق صقیله براتی آلدینی زمان باب عالی مومی الیهک کیفیت انتخابی اصول و شرائط مخصوصه سی داخلنده ، دیگر جماعتلرک رؤسای روحانیه سی هانکی صقی حائر ایهلر اوصفتله تصدیق ایتشدر . حالبوکه مومی الیهک بطریقک مقامنه اقعاندن صکره پاپا طرفندن نشر ایدیلن امرنامه ده قتولیک پستقوسلرینک تعینی پاپانک مساعده سنه متوقف اولدینی ، بطریقک مقامنک کافه خصوصاته رومایه تابع

بولۇندىغى بىيان ايدىلىشىدۇ. ھۆكۈمەت ياكى زارمىنىلىك دىكل ، مارونىلىك ، كىلدانىلىك ، ملىكىتىلىك ، سىرپانىلىك بىلەن اعتراض ايتىدۇكى بۇ بىلە بىر مداخلەنى قىبۇل ايدەنمە .
 ھالى پاشا بۇ سەۋەب بۇ سەۋەب ، قىتۇلىكلىرى ھەيچ خوشە كىتىمەن ، قىتۇلىك دىپلوماتىسى ھالىنىڭ بىئىز مداخلەدە پىك زىيادە قىتۇر ايدىيان شو مطالەنى دىخى
 ھالدا ھالدا ھالدا : « قىتۇلىك دىنەنىكى بىر ھالدا [پاشانىڭ لايىھىلىكى نظرىيەسى]
 ادخال اىچۇن اجتەماق ايدىن بىر مەجلىس ھەممى رۇھانى اعضاءى مياندا بولۇن
 فرانسەنىڭ و بىتۇن خىرىستىيانلىق ھالىنىڭ كى مەقتۇر پىسقىپوسلىرى بۇ ھالدا رىد
 و جىرھ ايدىيورلىر . قىتۇلىك بىر دۆلەت اولان اىتالىا پاپالىق ھۆكۈمەتى بىلەن ايلور ؛
 اوستىرىيا پاپالىق مەقامىلە ھەقدا اىتمەش اولدىغى مەقۇلە نامەنى فىسخ ايدىيور ؛ اسپانىا
 ھىت رەھبانە ھالدا اراضىنى اىملاڭ اىمىرىە مياندا كىيىيور . قىتۇلىك ھۆكۈمەتلىرى
 بىلەن تانمىيان بىر مەقامىك غىرى مەشروع مداخلەنى ياكى زىر مەسلمانلىر ، قىبۇل ايدىر سەك
 پىك غىرىب اولور . »

بىرلىك (ھاسۇن) ە وىرلىن بىرلىك اسىتۇر داد اولمىشى اوزىرىنە مەخالف
 ارمنىلىر ھالدا قەدىمىيە توفىق كەندىلىرىنە بىر بىرلىك اىتخاب ايتىدۇر . ارکان
 جەمەتكى رايلىرىدىن بىشە بىر شىئە اتىباع اىتمەك كى كورىنەن دىاربىكر پىسقىپوسى
 اىختىيار (كۇپەلىان) اتقاق آرا اىلە بىرلىك اىتخاب ايدىلى . (رۇما) طرىفەندىن
 اىتخاب اولان بىرلىك جەمەت نظرىندە طانمىدىغى ارأئە اىتمەك فەكرىلە بىكى بىرلىك
 (ھاسۇن) كى ھەنۇانى اولان طقۇزىنجى (بىيەر) نامى وىرلىدى .

پاپالىق مەقامى طقۇزىنجى (بىيەر) كى اىتخابى غىرى مەشروع و كائىن لىكىن ھەكىمەندە
 اولدىغى ۱۱ مارت ۱۸۷۱ تارىخلى امر نامە اىلە اعلان ايتىدى ؛ بىكى بىرلىك
 مامۇرىيەنى باب ھالىنىڭ تەسدىق اىتمەنە مانەق اولمىق اىچۇندە (مادىد) سەفىرى
 (فرانسى) نى ھان دىر سەئادەتە كوندردى . (فرانسى) ھۆكۈمەت ھەنۇانىنىڭ
 بىتۇن قىتۇلىكلىرى ھالدا اولمىسە بىلە ياكى زىر ارمنى قىتۇلىكلىرى ھالدا اموردن طولانى
 پاپالىق مەقامىلە مەوجود اولان مەنسەبەنى سورت قىتۇلىكلىرى تەنظىم و تەيىن اىچۇن بىر نۇوع
 قونقۇردا ، مەقۇلەنامە ھەقەندە مامۇر ايدى .

مەقۇلەنامە ھەنۇانى ھىت و كلاسنىڭ بۇ مەسىلەدە اسىتقلالنى مەخالفە اىتمەك اىستەمىسى
 پاپالىق مەقامى بىر مەن ائتلاف بولمىق اىچۇن مەسەئادەتە بولمىغە مەجبۇر ايتىدى .

(پاپا) ۱۸۶۷ تاریخچه امرنامه‌ی تعدیل و تخفیف ایده‌جک صورتده ایضاحات ویردی [۱]. دیگر طرفدن باب‌عالی پاپانک وکیلی ایله عقد استلافه میال کوروندی؛ مذاکراتک هرایکی طرفجه شایان ممنونیت بر نتیجه‌یه اقتراان ایده‌جکی محقق عد ایدیلیرکن وقوعه کان تبدل وکلا بتون امیدلری بوشه چیقاردی. هیئت وکلای جدیده، سفلرینک وعد شفاهیلرینی طامیدی. حال بوکه (فرانکی) بو وعده کووه نیوردی؛ نهایت بر قوتقوردا عقدینه امکان براقیان بیانات آتیه ایله اکتفا ایدرک مذاکراته ختام ویردی: «حکومت عثمانیه، جماعت غیر مسلمنه‌ک اداره ملکیه و جسمانیه‌سنده کی حقوقی محافظه ایدر و بوجـاعتلردن هر برینی امور دینیله‌رینی سربسته‌جه اداره خصوصنده مختار براقیر، یعنی صرف مذهبه عائد اولان خصوصاته هیچ بر صورتله مداخله ایتمز.»

پاپالی مقامی مذاکراتک صدر اعظم سابق طرفندن قبول ایدیلن زمین اوزرنده آرتق جریان ایده‌یه جکنه قانع اولدیغندن سالف الذکر اساس داخلنده بر صورت تسویه عقدینه راضی اولدی؛ بر صورت تسویه نظرآ ارمنی قترلیکلرک امور مذهبیله‌رینه مداخله ایدیه‌یه جکدی.

۱۸۶۷ امرنامه‌سک سبب اولدینی تفرقه‌یه کلنجه؛ جماعته عائد املاک تقسیمی، ارمنی قتولیک جماعتی نامنک (حاصون) طرفدارلرنجه «کوپه‌ایان طرفدارلری» نامیه یاد ایدیلن مخالفینه تخصیصی بو تفرقه‌ینی تشدیده سبب اولدی.

۱۸۵۶ خط هاپوننک نشرندن بری ارمنی ملتک اکثریت عظیمه‌سک داخل اولدینی ارمنی غره غورییه جماعتی آره‌سنده اختلاف ظهور ایتمشدی.

[۱] بوايضاحاته نظرآ بر پستقوسلق مقامی منحل اولدینی زمان بطریق آیره‌جنی اوچ نامزد پستقوسلر و اعضای جسمانیه‌ک انضمام موافقتلرله تفریق اولنه‌جقلردی. پاپا بواوچ نامزددن برنی آیره‌جق و پستقوسلق مراسم روحانیه‌سی بطریق طرفندن ایفا ایدیه‌جکدر. دیگر طرفدن بطریق جماعته عائد املاکی کافی السابق کلیسا قانونه توفیقاً اداره ایده‌جک و املاک مذکوره‌دن بری محلول اولنجه (واتیقان) مراجعت ایتمدن معامله مقتضیه‌ینی ایفا ایلیه‌جکدر.

حکومت عثمانیه‌یه کلنجه؛ پستقوسلرک رسم تحلیفی مناسب کوردیکی صورتده اجرا ایتمکدن صکره مأموربتلرینی تصدیق ایده‌جکدر.

ملل ساژده اولدینی کبی ارمیلر آره سنده افکار جدیده افکار عتیقه ایله ، عنصر جسمانی عنصر روحانی ایله مصادمه ایدیوردی . ۱۸۶۳ نظامنامه سی افکار جدیده اصحابی بدرجه یه قدر نمون ایتشدی [*] . فقط ، روایتہ نظراً ، درسعات بطریق نظامنامه نك بعض تفرعاته رعایت ایتیمور ، برکون کلوب عنصر جسمانی نك اداره روحانیه اوزرنده کی قونترولندن قورتولمق ایستیوردی .

بابالق مقامی ارمی قنولیکلری لاینلشدیرمکه چالیشدینی صروده غره غورییه نلری دخی نظر دقندن دور طوتمامشدی . ذاتاً غره غورییه ن جماعتی قنولیکلر ایله اتحاده میال کورونیوردی . فی الحقیقه بو جماعت آیین دینی نقطه نظرندن روم اورتودوقس کلیساسندن زیاده (روما) کلیسائه دها یاقین ایدی .

۱۸۶۸ سنه سنده (بابا) بونلری (واتیقان) مجلس عمومی روحانیسنه دعوت ایتدی . (روسیه) حکومتی بودعوتك عقیم قلمسنه چالیشدی . سببی معلوم ایدی . بوکون (روسیه) داخلنده قالمش اولان (احیازین) بلده سی ارمیلرک الیبوک مرکز روحانیلریدر . برزمانلر (آنی) شهری کبی بوراسی ده ارمستانك پایتختی اولمشدی . بونك ایچون (احیازین) ، و قتيله مستقل ایکن شمدی اوچ حکومت آرسنده تقسیم ایدیلن ارمی ملتیه عائد خاطرات قدیمه ایله مالی ایدی . (احیازین) بطریق ، یاخود قاتولیفوسی اداره روحانیسنی - تقریباً ایکی میلیون تخمین ایدیلن عثمانلی ارمیلری دخی داخل اولمق اوزره - بتون ارمی ملتیه تشمیل ایتك ادعاسنده در . حال بوکه قاتولیفوس (روسیه) حکومتك بر مأموری کیدر ؛ حکومت عثمانیه جماعات غیر مسلمه نك امورجه مانیه لرنده رؤسای روحانییه عثمانلی مأموری صفتیه طانیدینی کبی (روسیه) حکومتی ده بلکه دها صریح و قطعی بر صورتده قاتولیفوسی حکومت مأموری عد ایدر . فی الحقیقه (بولوژنه نیا Bolognia) دنیلن ارمی کلیسائی نظامنامه اساسیسنه نظراً احیازین بطریقکلی منحل اولدینی زمان هیئت رهبان و معتبران ملت ایکی نامزد آیدر ، (روسیه) ایمراطوری بواکی نامزددن برنی قاتولیفوسلغه انتخاب و تعیین ایدر . (روسیه) حکومتی بطریقخانه مجلسی اعضاسانك انتخابنه

[*] ۱۳۳ نجی حقیقه به مراجعت .

دخی مداخله و حتی عنصر جسمانییدن برمدعی عمومی واسطه سیله مجلسك مذاکراتنه اشتراك ایدر .

بناءً علیه (پترسبورغ) قابینه سنك پاپالق مقامی طرفندن واقع اولان تشبثاتی کمال دقتله تعقیب ایتمی طبیعی ایدی. دیگر طرفدن (روسیه) حکومتی (واتیقان) ك ارمنی قتوليك جماعتی مسئله سنده غلبه سنی ایستیوردی؛ چونكه باب عالینك پاپالق مقامك مطالبنه موافقت ایتسندن مستفید اولوق و روسیه ارمنی لرینك قاتولوغوسی حقدنه دخی عینی معاملیه تی تطبیق ایلک فکرنده ایدی. (اچپازین) بطریق - احتمال كه (روسیه) حکومتك تلقیناتی اوزرینه - ۱۸۶۸ سنه سی تموزنده مجلس عمومی روحانیده حاضر بولمق ایچون (روما) دن واقع اولان دعوته جواب ویره چکی یرده پاپالق مقامك وکیلی کبی صورت دائمده پایتخت عثمانیده بولمق اوزره درسعاده بر پسقوس کوندردی. بومأموریه تعیین اولنان پسقوس (سیولایان) طرفندن باب عالی یه تقدیم ایدیلن مکتوبده «بتون ارمنی لرك رئیس روحانی معظمی، تنظیلاتدن بری بخش ایدیلن سرستی تی بر صورت غریبه ده تفسیر ایدرك کنديسنی عموم قتوليك عالینك رئیسنه بکزه دیوردی .

(روسیه) نك مقصدی پك آشکار اولدیغندن دولت عثمانیه بوبابده آلدانه مازدی . باب عالی (اچپازین) قاتولوغوسی طرفندن درسعاده بر سفیر بولندیرلمسك درسعادت ارمنی بطریقك وظائفه قابل توفیق اولدیغنی و حکومت نظرنده ارمنی غره غورییه نلرك رئیس روحانیسی بطریقندن عبارت بولندیغنی بیان ایدرك جواب رد ویردی .

بالا آخره ، ۱۸۷۰ سنه سنده ، پاپالق مقامك بتون ارمنی قتولیکلری بر مرکزده ربط ایتك خصوصنده کی تشبثاتی عقیم قالدجه (روسیه) حکومتی تبدیل مسلك ایتدی ، قتولیکلری غره غورییه مذهبی رئیس روحانیسنك اداره سی آلتنه جلب ایتك ایستدی . حتی بونلره کلیسالره عائد املاک اعاده سنی واملاک مذکورہ بدلاتنك خزینہ حکومتدن تسویه سنی وعد ایلدی .

شوتفصیلاتدن آکلاشیلدیغنی وجهله ارمنی قتولیکلرك اختلافی یاه غره غورییه قاتولوغوسنك تشبثاتی آره سنده برارتباط ومناسبت موجود ایدی . (روسیه) نك بوکي اختلافادن استفاده یه دائمًا مهیا بولمسی دول غریبه نك قتوليك عالینجه

دائمی برائتلاف حصوله کلسنی آرزو ایتملرینه سبب اولیوردی . بودولتیرک نظرندۀ ائتلاف ایچون اک امین واسطه پاپا اون دردنجی (بنوا) نك ۲۵ تموز ۱۷۵۵ تاریخلی امرنامه سنه رعایت ایتمک ، یعنی شرق قتولیکلرندن امتیازات ملیه لرینک ترکی طلب ایله مکدن عبارتدی .

*
**

پاپالق مقامنک ارمنیلر حقنדה کی تشبثاتی مارونیلر ایله مالیکیتلری دخی هیجانه دوشورمشدی ؛ چونکه بونلرک دخی رؤسای روحانیه اتخابنده بعض امتیازات مخصوصه لری موجود ایدی . بوباده کی اندیشه لری اساسسز دکلدی ؛ زیرا ۱۸۶۷ سنه سنده مارونی وملکیت بطریقلری (روما) یه جلب ایدیله رک امتیازات مخصوصه لرینک ترکی مسئله سی حقنده رأیلری استمزاج ایدلدی . بطریقلر بوباده کی تکلیفلری مذاکره یه صلاحیتدار اولمدقلرینی سویلیرک جواب رد ویردیلر . پاپالق مقامی ، یا آتیا ارمنی قتولیکلرینک اطاعتلرینی سوریه کلیسالرینه مثال اوله رق کوستروب بونلری ده دائره اطاعته جلب ایتمک ایستدیکی ، یاخود هریردن زیاده سوریه ده بین الخلق اعتقادات دینه میانه کچه جک درجه ده اهمیتله تلقی ایدیلن امتیازاتک اخلاقی تهله کی کوردیکی ایچون اصرار ایتمدی .

پاپالق مقامی بومسئله ده جماعات مختلفه یه کوره دیکشمک اوزره ایکی درلو مسلك اتخاذ ایدیور وارمنیلر ایله کلدانیلرک اطاعتلرینی تأمین ایتمک ده قولا ی اوله جغقی امید ایلوردی .

فقط ، یوقاریده بیان ایتدیکمز وجهله ، پاپالق مقامنک بو حسابده یا کلدینی ۱۸۷۰ سنه سنده آکلاشیلدی .

*
**

۱۸۴۶ نظامنامه سی موجبنجه جبل لبنانک اداره سنه مأمور ایکی قائم مقاملغه برر مختلط مجلس علاوه سی ومختلط قضا لر داخلنده اوچ بدایت محکمه سی تأسیسی [*] اوزرینه قتولیکلرک ، یعنی اکثریت اهلینک امتیازات سابقه لرندن مستفید اوله رق سربستجه حرکته مقتدر اوله جقلری شهه سز ایدی . نظامات

[*] ۱۵۴ نجی صحیفه یه مراجعت .

جديدەنك قديم درە بلكك اصولنى تدریجاً اورته دن قالدیرمى اوززینە حکم ونفوذ، مارونى هیئت رهبانە کچەجك کى کورونیوردی .

مع مافیه باب عالی جبل لبنانده یالکیز بر مذهبك تفوق ونفوذینە معترض بولنیور، ایلک اصلاحات زمانندن برى اوغراشمغه مجبور اولدیغى درە بلكك اصولى بقایاسى یواش یواش قالدیرمغه چالیشیوردی .

فقط ۱۸۶۱ سنه سنده، (فرانسه) نك سلاح ایله مداخله سنى انتاج ایدن عسینانندن صکره، حکومت عثمانیه جبلده یالکیز بر خرسیتیان متصرف بولدیرمغه موافقت وحتی بومتصرفك اوچ سنه مقامنده قالدیجى تأمین ایتدی . متصرفلغه تعیین ایدیلن داود پاشا ایلک اوچ سنه یی اکال ایتدکن صکره (صیدا) ده بش سنه ده قالدی ومملکت، ماضیده امثالی کورلمهش درجده، رفاه وسعادتە نائل اولدی .

بونکله برابر باب عالی (اوروپا) قونترولنه اوزون مدت تحمل ایتک ایستهمیور وخرسیتیان متصرفی بوقونترولک تمثال مشخصی عدا ایدیوردی . حال سابق اعاده یه فرصت آریوردی . باب عالینک بوبابده کی آمالی سوریه قطعەسى مأمورلرینی فنا بریوله سوق ایتدی . بتون مأمورلر لبنانده کی خرسیتیان حکومتی اورته دن قالدیرمغه چالیشیرلسه باب عالی یه خدمت ایتش اوله جقلرینه ذاهب اولمشلردی .

مأمورین حکومتك بومسلکی بك چابوق تأثیرینی کوستردی . غیر ممنون اولانلره جسارت کلدی؛ ۱۸۶۶ سنه یی اواخرینه طوغری خرسیتیان حکومتدن ممنون اولیانلر مملکتك قديم خاندانلردن برینه منسوب بررئیسنک تحت اداره سنده عصیانە تشبث ایتدیلر . داود پاشانک ژاندارمه لری طرفدن تعقیب ایدیلن رئیس عصات قیش موسمی لبنانک بوزلی تپه لری اوزرنده کچیرمکه مجبور اولدی واوراده هر درلو لوازمندن محروم قالدی، نهایت یروتده کی دول اجنبیه قونسولوسلرینه التجا ایتدی، قونسولوسلرک توسطیه ممالک اجنبیه یه کیتدی .

اوصره ده باب عالی خرسیتیان متصرفك مدت مأموریتی یکیدن تمديد ایتکه مجبور اولمشدی . فقط بتون فرقه لرك کندى علیهنده کی تشبثانندن طولایى نفوذ

واعتباردن محروم اولان داود پاشا بردن بره استعفا سنی ویردی و محل مأموریتدن مفارقت امرینی آله مدن استانبوله کلدی .

داود پاشا، مکمل بر اداره مأموری اولق ایچون لازم کلن اوصافک جمله سنی حائز اولقله برابر ، مدت مأموریتک صوک سنه لرند نفوذینی غائب ایتدیکنی کورمشدی . فی الحقیقه ، هرکسک بشقه لرینه عائد اموالی غصب و مصادره دن بشقه برشی دوشونمیدیکی بویه نیم وحشی بر مملکتده خلقی قوانین و نظاماته رعایت ایتدیرمک قولای برشی دکلدی . اهالی بو اخلاقده اولورسه هر درلو سوء استعمالاته ، حقیر لقلره میدان ویرمین برکیمسه نک بر مدت صکره هرکی غیر نمون ایده جکی آشکار ایدی . ایشه داود پاشانک بین الخلق فنا بر شهرت قزانمسی ونهایت مأیوساً ترک خدمت ایتسی بوندن نشأت ایدیوردی .

باب عالی فراتقو افندی یی داود پاشایه خلف تعیین ایتدی . فراتقو افدینک هم خرستان ، هم ده عرب اولسی بو مأموریته تعیینی اقتضا ایتشدی . فقط باب عالی متصرفک دول معظمه جه تصدیق مأموریتی استلزام ایدن تعهد دولیدن کندی قورتارمق فکریله متصرف جدیدک مأموریتی ایچون بر مدت تعیین ایتدی . ۳۰ حزیران تاریخی اراده سنیده « متصرفک دوام مأموریتی نفوذ حکومتی تأمین مدار اوله جنی جهته مملکتی قوانین دولته توفیقاً حسن اداره به موفق اولدجه مقامنده قالدجنی » بیان ایدیلیوردی .

قدیم بیزانس انتریکه لرینی خاطره کتیرن بوتدیر عثمانلی دیپلوماتلرینک امید ایتدیکلری نتیجه یی حاصل ایتدی . دول اجنبیه قاینه لری فراتقو افدینک مأموریتی آنحق کندی موافقتلرینک انضمامیه کسب قطعیت ایده جکنی بیان وبوندن بشقه مومی الیهک لا اقل اون سنه متصرفلقد قالدجقنک تأمین اولنسنی طلب ایلدیلر .

نهایت یکی بر پروتوقول عقد اولنه رق متصرفک عزلی حقنده ۹ حزیران ۱۸۶۱ تاریخی پروتوقوله موجود اولان احکام تأیید ایلدی [۱] .

* *

بلغارلرک روم هیئت رهباننک حکم و نفوذی علمینده کی مجادلاتی نتیجه سنده

ایکی فرقہ تشکیلی ایتشدی. بوقرقه لر تعقیب ایتدکاری مقصد حقندہ
متجدد افکار ایسه لردہ توسل ایدیلہ جک تدابیر خصوصندہ برلرندن
آریلیورلردی. بری روم کلیساسندن آری مستقل بلغار کلیسائی تأسیسی،
دیگری (روما) قتولیک کلیسایله اتحادی التزام ایدیوردی [۱].

پایالقی مقامنه التحاق طرفدارى اولان بلغارلر درسعادته آریجه بر
جماعت تشکیله موفق اولمشلردی؛ ۱۸۶۱ سنه سنده رئیس روحانیلرینک
ترک خدمت ایدرک ممالک اجنبیه فرار ایلش اولمش بونلرک ترقیاتنه مانع
اولقله برابر پایتخته یاقین محللردہ، از جمله ادرندہ بیکلرجه بلغارلر قتولیک
مذہبنه کیرمشلردی [۲]. ادرنه والیسی صدر اسبق قبریسی محمد پاشا
(روسیه) نک آمانه سد ممانعت چکن بو حرکتی الندن کلدیکی قدر تسهیل
ایبور، نفوذ اجانبه دشمن اولدیغی آچیقندن آجیغه کوستریبور، یالکز
(فرانسه) حکومتک بیطرفلغنه قانع بولئیوردی.

(پارس) قایمنه سی، (روسیه) حکومتک شبهه ایتدیکی کبی، قتولیک
مذہبنک بلغارلر آرمندہ نشر وتعمیمه چالیشیوردی. پرنس (غورچاقوف)
هر طرفده فرانسز قونسولوسلرینک قتولیک بلغارلری التزام ایتدکاری ادعا
ایتدیکی خالدہ موسیو (طوونل)، فرانسه سفارتخانه سنه ویردیکی تعلیماتده
اختلاف واقعک حلی ایچون اک مناسب تدبیرک وقتیلہ پرزرین و اواخری
پسقبوس خانہ لرینک لغویله روم اورتودوقس بطریقخانه سنه الحاقی زمانندہ
قرارلاشدیریلان صور ائتلافه نک تمامی تطبیقندن عبارت اولدیغی بیان
ایدیوردی [۳]. موسیو (طوونل) ه نظراً روم اورتودوقس بطریقخانه سنک

[۱] حیفه : ۱۵۷ — ۱۶۲

[۲] ادرنه پسقبوسی (خریساتنه) کندی کندینه قتولیک مذہبنه کیرمش ودرسعات
بلغارقتولیکلرینه خدمت ایتک اوزره استانبوله کلشدی. فقط استانبول قتولیکلری بورجلرینه
عادات مخصوصه بی تأدیہ دن امتناع ایتدکارندن پسقبوس روم اورتودوقس بطریقنه دخلات
ایتشدی.

[۳] ۱۷۷۰ سنه سنه قدر بلغارلرک کندی مجلسلرندن راهبری واردی. تاریخ
مذکورده روملریدی بلغار پسقبوسنک آینه روزه نی اولنهرق یزلینه روم پسقبوسلرک
تعینی ایچون باب عالیک ماعدہ سی استحصالی ایتدیلر. یواش یواش بیوک رتبه دهکی
رهبانک کافه سی روم اولدی.

وحدتی ، منافع عدیده سنه بناء ، اخلال ایدلمه ملی ؛ فقط بلغار جماعتک ده ، او زمان وعد ایدلمیکی اوزره ، کندی جنسندن متزبولید و پسقپوسلری بولملی ایدی . آنجق بو صورتله شکایتلرک اوکی آله بیلردی . فرانسر ناظرینک فکرنجه ، بیوک رتبه ملی رهبانک تشکیلات حاضر سنه نظر آ بو اصلاحاتی همان موقع تطبیقه وضع ایتمک ممکن دکدی ؛ لیکن روم راهبیرینک بلغارلری روملاشدرمغه چالیشمارینه و بلغارلرک هیئت رهبانک تشبثاته قارشى بالطبع مقاومت ایتلرینه نهایت ویریه بیلیرسه طریق اصلاحاتده بیوک بر آدیم آتیلمش اولوردی . بلغار ملتی روم هیئت رهبانی طرفندن دوچار حقارت اولور ، صویولور ایسه بالطبع بطریقخانهده بولمقندن قطع امید ایتدیکی معاوتی خارجده آرار ؛ باب عالینک قتولیک مذهبده کی تبعه سی آره سنده آرتمه سنه مسامحه ایتدیکی تفرقه نهایت بلغار جماعتک علینه دوتر ایدی . او زمان امور مذهبییه امور سیاسییه صره سنه کیرردی .

(فرانسه) حکومتی ، بو صورتله ، هم بلغارلری نمون ایتمکه ، هم ده حکومت عثمانیه ایله بطریقخانهک منافعی توحیده چالیشوردی .

بطریقخانهدن آیرلمق طرفدارى اولان فرقه ، ۱۸۶۲ سنه سنده ، روم بطریقنه مراجعت ایدرک ائتلاف تشبثده بولندی . صرف بلغارلره مسکون محالره بلغار پسقپوسلر تعینتی ، اهالیسی مختلط محللرده پسقپوسلرک اکثریت اهالینک رأییه انتخابی ، بطریقخانه ایله بلغارلر آره سنده کی مناسباتک صرف امور دینییه حصرنی ، (سینود) مجلسنک نصف نصفه بلغارلره روملردن مرکب اولمسنی ، بلغار هیئت رهبانی ایله بطریقخانه آره سنده کی دائمی بر واسطه اولمق اوزره درسعادته بر بلغارباش پسقپوسنک بولندیرلمسنی ، درسعادته نصف اعضاسی روحانی و نصف دیکری جسمانی اولمق و مأمورین عثمانیه دن برینک تحت ریاستنده بولمق اوزره بر مجلس تشکیل ایدیلرک بو مجلسک بلغارلرک منافعی محافظه و اداره ایله مکلف بولمسنی ، مجلس مذکور اعضای جسمانیه سندن برینک حکومت ایله جماعتک مناسباتنده ملت رئیسى عد ایدلمسنی تکلیف ایتدی .

باب عالی ، شرائط مذکورهنک کافه سننی تصویب ایتمه مکله برابر ، حصول

ائتلافی جداً آرزو ایدیوردی ؛ افتراق طرفدارلری طرفدن واقع اولان تکلیف‌لری تدقیق ایچون ۱۸۶۳ سنه‌سی کانون ثانیسندہ روم و بلغارلردن مرکب بر هیئت مخصوصه تشکیل ایتدی . مع مافیہ ائتلاف حصوله کله‌مدی ؛ بر چوق سنه‌لر بلغار و روملرک متقابل شکایت‌لری ایله کج‌دی ؛ روملر نسبتاً دهازیاده عنف و شدتله حرکت ایدرک بلغارلره اولان خصومت‌لرینی رؤس‌لمرده تشمیل ایدیورلر و بونلری بطریق‌خانه‌نک ، یعنی شرق اورتودوقس کلیسا‌سنک منافعی اخلال ایتمکه اتهام ایلورلردی .

او صرہ‌ده حکومت عثمانیه ، جابجا قیالقلرله مستور بر دکزده بوصله‌سز قالمش برقبودان کبی ، تعقیبی لازم کان طریق آرایوردی . فی الحقیقه ایکی فنالقدن برینی انتخابده مضطر قالمشدی ؛ چونکه یا بطریق‌خانه نفوذینک آلامسنی استاج ایده‌جک اولان افتراقی قبول ایدرک روملری حدتندیره جک‌مدی ، یا خود بلغارلرک آمالی ترویج ایتیمه‌ک اجانبک نفوذی آلتندہ قالمیرینه و حکومتہ مشکلات عظیمه چیقارملیرینه راضی اوله‌جقدی .

قطعی بر قرار و یرہ‌مه مکدن متحصل ترددلر ایچنده قالان وکلای عثمانیه کرید عصیاننده روم راهبرک مهم بر رول اوینادقلرینی ، روملرک عصاته اعانه طوب‌لادقلرینی مشاهده ایتدیکی زمان بلغارلرک کافه مطالبینی قبول ایده‌جک کبی کوروندیلر . یونان عنصرینک روحانی و سیاسی نفوذینی دولت عثمانیه‌نک معروض بولندیغی ته‌لکه‌لرک الکی بیوکی اولمق اوزره تلقی ایدیورلردی . بلغارلر ، بو موقت حالت روحیه‌دن استفاده ایتک املنه دوشهرک انعالرینی تدریجاً یوکس‌لتمک باشلادیلر و برقاچ آی اول راضی اولدقلری مساعدادن دخی واز کچدیلر . ائتلاف ایچون ایکی لایحه حاضرلدیلر . حکومت عثمانیه ، (سینود) مجلسنجه رد ایدلیه‌جکی مأمول اولان بولایحه‌لر حقنده بیان مطالعه ایدلمسنی بطریق‌خانه‌یه امر ایتدی . بطریق هراییکی صورت ائتلافک قوانین مذهبییه مغایر اولدیغی ، بو مسئله‌نی آنجق بر مجلس عمومی ملینک حل ایده‌یله‌جکینی ، کندیسنه کلنجه ، شم‌دی‌یه قدر حقوق و صلاحیتی خارجنه چیقمدیغی بیان ایلدی .

بر مجلس روحانی عقد اولمنی فکری (یونانستان) ، (رومانیا) و (صربستان) کلیسارنجه مظهر تصویب اولدی . حقوق سیاسییه نقطه نظرندن

دىكر كليسالر درجه سنده مستقل اولميان (روسيه) كليساسى اول امرده ، عثمانلى اسلاولرى حقنده كى محبتى ايما ايله اكتفا ايدرك هيچ بر طرفى التزام ايتمه مك ايستدى . روسلر بۇ ظاهرى احترازلرى ، خفيآ بلغارلر كى طرفى التزام ايتملى باب عالينك تلاشنى آرتيردى . چونكه باب عالى ، اوزمانه قدر تشكيلات اداره دن ، بناءً عليه رؤسادن محروم اولان بلغار ملتته آز چوق بر مختاريت مذهبيه ويريليرسه رؤساي روحانيه نك ملت باشى و بالاخره عصات رؤساي اوله جغنى بيلوردى . ايلريده تعيين اولنه جق بلغار بسقپوسلرى ايله بطريقخانه آرمسند هيج اولمازسه بر سلسله مراتب رابطه سى محافظه اولنديقى تقديرده - بو رابطه نه قدر ضعيف اولورسه اولسون - احتمال كه تهلكه قسماً بر طرف ايديله بيايردى . وكلاى عثمانيه بو جهتلرى ملاحظه ايتدكلرى زمان ، وقتيله آزالسون قبول ايدجكلرى صورت تسويه نك انتاج ايدجكى تهلكه لرى كورديلر .

مع مافيه روس (سينود) مجلسى اوزون مدت ساكت قاله مازدى . بو مجلس اتخاذ ايتديكى بر قرارايله هر كسك كوزنى آچدى . يا (روسيه) نك مسلكنى تقسيح ايتك ، يا خود مجلس عموميه يالكز قالمق شقلرندن برى اختياره مجبور اولماق ايچون بر مجلس عمومى روحانى عقدى تكليفى رد ايتدى . بو حالده ، روس مأمورلرى طرفدن اعتدال ايله حركت نصيحتى آلان ، بلغارلر ادعالرندن واز كچمك لزومنى آكلاديلر ؛ بر آزالق شرائط آتیه ايله ائتلاف حاصل اوله جنى ظن ايدلدى : بطريق ، ملتلى نه اولورسه اولسون بتون اوروپاى عثمانى اورتوقسلرينك رئيس عمومى روحانى صفتى محافظه ايدجك ، بلغارلر كندى جنسلرينه منسوب بسقپوسلرى بوانه جق .

ظاهر آغايت بسيط كورينن بوسورت ائتلاف تطبيقاتده مشكلات عظيمه يى داعى ايدى . فى الحقيقه بلغاروروم بسقپوسلرينك دواثر روحانيه سى نه صورته تعيين و تحديد ايديله جكدى ؟ اكر ، بوباده روم و بلغار اهلیدن هر برينك اكثريت نفوسى اساس اتخاذ اولنه جق ايسه يالكز اصل بلغارستانده دكل ، بلغارلر كى اكثريت تشكيل ايتدكلرى (ماكدونيا) و (تراكيا) ده دخى بيوك راهبلى (اسلاو) اوله جق ديمكدى . (تساليا) و (تھير) حواليسى خارج قالمق و درسعادتده كى ايكى يوزبيك روم داخل اولق اوزره بتون بالقان شبه جزيره سنده ۵۰۰,۰۰۰ دن

زياده روم بولنديني نظر دقه آلنيرسه روم بسقپوسخانه لرينه نه قاله جقدی ؟ مسئله ، پك قاراللق كورونيوردی . بلغارلر بيله (روسيه) نك نفوذيله وقوعه كله جك افتراقك نتاييجي فنا بوليورلر ؛ روسيه تدريساتك منع اولنه جغتی ، بلغار راهبري يتشديرمك ايجون بالذات رهبان مكاتبلى آچهرق ايجاب ايدن معلملى صربستاندن ويا اوستريانك اسلاو مملكتلرندن جلب ايدنه جكلريني سوليورلردی .

نهايت ، حكومت عثمانيه حد ذاتنده تهلكه لي اولان وكندي نظرنده روس ديپلوماتلرينك اثر تزويراتندن بشقه بر شي اولميان تحريكاته نهايت ويرمك مقصديله ۱۸۷۰ سنه سي اوائلنده - بشقه بر چاره بوله مديقتن - اختلافك بر فرمان ايله حل ايدلمسي قرارلشديردي . روم بطريقه خانه سي خارجنده اوله رق بر بلغار اكسارخانه سي تأسيس ايتدي وبو صورته دولتك خريستيان تبعه سندن اك مهم بر قسمك عنعنات تاريخيه سنه موافق بر حركتنه بولندي . باب عالي ، غايت مهم بر ايشه قرار ويرمشدي . روس (پان اسلاويزم) نك آمانه آلت اولمقدن ايسه عثمانلي (اسلاويزم) ني تسهيل ايدنيوركي كورونمكدنه ايدى ؛ بو ايكي مسلك آره سنده كي فرق آشكار اولديني كي صربستانك روس پوليقيسه سي عليهنده حركت ايتمي ايكنجي شقك منافع عثمانيه يه موافق اولديني ظنتي حاصل ايدنيوردی . في الحقيقه (پان اسلاويزم) ، ممالك عثمانيه يي دوچار انقسام ايتك جهته معطوف اولديني ايجون ، بيوك بر تهلكه ايدى ؛ فقط مسئله اساسندن تدقيق اولور ايسه (پان اسلاويزم) دنيلن شيكك عملی بر مسلك اولمقدن زياده حريصانه بر نظريه دن عبارت بولنديني . بالقان اسلاولرينك مختاريت اداره يه نائل اولنجه (پان اسلاويزم) طرفدارلرينه خدمت ايتك شويله طورسون ، بلكه بونلره دشمن اوله جقلري خاطره كلز ميدى ؟ بنم قناعت وجدانيه م بودر ؛ اميد ايدرم كه زمانمرك وقياع سياسي سي آلدانمديغمي اثبات ايدنه جكدور .

هرنه ايسه ، باب عالي ايجون ، شرق (اسلاويزم) مسلكنك بر طرفدن كنديسي محافظه يه مدار اوله جغتی ، ديكر طرفدن انقسام تهلكه سنه دوچار ايدنه جكني صافلامق ممكن دكلدي .

۱۱ مارت ۱۸۷۰ تاريخلي فرمانده دنيليوردی كه : « بلغار جماعته عايد

كافە امور مذهبىيە مجدداً تاسىس ايدىلان اكسارخخانه طرفدن رؤيت ايدىلەجك وبوا اكسارخخانهك معيئندە لزومى قدر متروبوليد وپسقپوسخانهلر بولنەجقدر . اكسارخ ، صورت دائمەدە اكسارخخانهدە اجتماع ايدەجك اولان بلغار سينود مجلسك رئيس روحانىسىدر . اكسارخخانه ، اورتودوقس كليساسىك قوانين اساسىيەنە موافق اولەجق وبلغار راھبلىرىك امورىنە وپسقپوسلىلە اكسارخخ انتخاباننە روم بطريق خانەسى طرفدن مداخلە وقوعنى منع ايدەجك صورتدە تنظيمى مقرر اولان نظامنامەيە توفيقاً ايضاً اكسارخخ اعطاسى ايجاب ايدن تصديق بطريق ، اورتودوقس مذهبى ايجانجە اكسارخخ اعطاسى ايجاب ايدن تصديق مأموريت امرنامەنى ويرەجكدر . بلغار آيين روحانىسىندە قوانين مذهبىيە رعایت ايدىلەجك و بطريقك اسمى ذكر اولنەجقدر . »

بطريق (غره غووار) بش مليون اورتودوقسى بطريقخخانهك اداره سندن اخراج ايدن فرمانى آلديغى زمان بونك قوانين مذهبىيە مغاير و بطريقك مقامك امتيازات و معافياتى محل اولديغى بيان ايتدى . هر ايكي طرف ايچون واجب الرعايە برقرار اتخاڭى آنجق مجلس عمومى روحانىك صلاحيتى جملە سندن اولديغىدن بويلە بر مجلسك انعقادى لزومى يكيىدن درميان وتكرار ايلدى . صدراعظم على پاشا بطريقە يازديغى تذکرەدە حكومتك نەدن طولاي بو مسلكى اتخاڭ ايتديكىنى ايضاح ايدرك مسئلەك تكررار موقع مذاكرەيە وضعنە لزوم اولمديغى بيلدردى [*]

بطريق هيچ بر طرفدن معاونتە مظهر اولمى ، حتى ابراز آثار محبت ايدنلر دخى بولمىدى . يونانلىق فكريك جماعات غير مسلمە آرەسندە نەدرين اختلافلرە سبب اولديغى بو وسيلە ايلەدە آكلاشيلدى . ۱۸۲۱ سەنەسندە ، اولاحلر فنار ليلر ايلە روم هيئت رهبانى مملكتلرندن طرد وتبعيد ايتملردى . ۱۸۷۰ دە ، بلغارلر دخى بويوندىروقدن قورتولديلر ، تكرر طرفدن مظهر

[*] ۱۱ مارت ۱۸۷۰ تاريخلى فرمان هايون ، بلغارلر ك سكر سە صكرە نائل اولدقلىرى مخماريت سياسىيە مبداء اولنەيلەجكندن ۱۸۶۷ دن برى دوام ايدن اختلافات مذهبىيەك بو صفحەسە متعلق اولان وثائق تدقيق ايتك الزمدر . بونك ايچون صدراعظم على پاشاك روم بطريقنە كوندردىكى تذکرە جوابيەك ۲۸ مارت ۱۸۷۰ تاريخلى اولوب تاريخ مذ كوردن برقاچ كون صكرە (توركى) غرەسندە نشر ايدىلدىكى بيان ايتكى ئاڭدەدن خالى كورمەم .

معاونت اولديلر ، ممالك عثمانیه ده بولان جماعات غير مسلمه نك كنديلرينه طرفدار اولدقلريني كورديلر .

روم كليسا سنده ظهور ايدن تفرقه و نفاق حقنده كي معلومات مختصره يي اكل ايچون روم بطريقخانه سنك ، اكسارخانه مسئله سندن بشقه اوله رق ، عنصر جسمانيك مخالفتنه قارشى ده كنديسنى مدافعه ايتك مجبوريتنه قالدیغنى علاوه ايتلىم . تنظیيات نتیجه سنده جماعتك امور جسمانيه سنه اولكندن دها واسع مقياسده اشتراك ايدن عنصر جسماني روم كليسا سنده دكل ، جماعات سائرہ مياننده دخى رؤساي روحانيه يه مخالفت ايديورلردى . روم جماعتى بو نقطه نظر دن ده ايكيه ، بطريق و سربستى طرفدارلرينه آيرلمشدى ؛ هر ايكي طرفك جرائد يوميه سى موجود اولديغندن مباحثه و مناقشه اكسيك اوليوردى . حتى بر چوق دفعه لر حكومت عثمانیه بوايشه مداخله يه مجبور اولدى [۱] .

*
**

كتابك برنجى قسمنده [۲] ممالك عثمانیه ده پروتستان ملتك صورت ظهور وتشكيلنه دائر معلومات مختصره ويرديكم صرہ ده انكليز و آمريقاليلرك پروتستانلنى نشر و تعميم ايچون واقع اولان تشبثلرندن مطلوب وجهله فائده حاصل اولمديغنى و باب عالينك پروتستانلغك انتشارينى آسايش عمومى ايچون تهلكىلى عد ايدرك بوكا مانع اولغه چاليشديغنى سويلشدم .

بيوك (بریتانیا) و شمالی (آمريقا) نك پروتستان جمعيتلرى بالخاصه ، اصلاحات خطه ها يوننك بخش ايلديكى مساعداتدن بالاستفاده ، ۱۸۶۰ سنه سندن صكره تزديد غيرت ايلشله و حكومت عثمانیه ايله صورت جديده ده پيداي مناسبات ايتمشلردى . ۱۸۶۴ سنه سنده وقوعه كلن بر حادثه ممالك عثمانیه ده بولان متعدد پروتستان جمعيتلرينى تلاشه دوشوردى . پروتستانلنى قبول ايتمش اولان بش مسلمان - كه برى امام ايدى - استانبول خانلرنده وعظ ايدرك دين محمدى عليهنده تفوهاتدم

[۱] ۱۸۸۲ سنه سنده سربستى طرفدارلرينك مروج افكارى اولان (نئولوغوس) غزته سنك مدبرى قتل ايلدى .

[۲] ۶۰ نجى حيفيه مراجعت .

بولیورلردی . بونلرک حیاتی بر چوق دفعه لر تهلیکه ده قالدی ؛ پایتخت اهاالیسنک غلیان افکارندن قورقولدی [۱] .

حکومت عثمانیه دین اسلام علیهنده تحریکاتده بولسان مرتدلی حبس ایتدیردی ، (آنغلیقان) میسیونرلرینه مطالعه سالونی ودرسخانه خدمتی ایفا ایدن خانلری قپاتدی ، افکار عامه یی تسکین ایتک املیه پروتستان مذهبیه متعلق کتب ورسائل صاتیلان دکانلر مأمورین ضابطه جه سد وختیم ایدلدی . بوسوک تدیر ، انکلین تبعه سی مسکنلرینک مصونیتی اخلال ایتدیکی ایچون اعتراضات محقه یه هدف اوله ییلیردی ؛ فی الحقیقه براز صکره سد ایدیلن دکانلرک آچیللمسینه مساعده ایدلدی . فقط پروتستانلغی نشر و تعمیم خصوصینده فرط غیرت کوسترنلر « انجیل کتابلرینی مجاناً مسلمانلره ویردکلی ، سواقاقلرده واپورلرده طاغیتقلری ، [۲] واهل اسلام ایچنده توزیع ایدیلن کتب ورسائل میاننده دین محمدی حقنده حقارت آمیز تعییراتی حاوی آثار دخی بولندی [۳] جهته » حکومت عثمانیه معذور عد ایدیه ییلیردی .

استانبول محلاتنده شو مألده سوزلرک سولندیکی ایشیدیلیردی : « کندی اولرنده ، یاخود معبدلرنده اللهه عبادت ایتسونلر ! ایستدکلی یرده مکتب آجسونلر وایستدکلی کبی اداره ایتسونلر ! فقط کندی مملکتیمزده دینزک علیهنده تحریکاتده بولورلر ویزم آره مزده بو تحریکاته طرفدار آرارلرسه قانونلرمنزک حمایه سی سایه سنده نائل اولدقلری مهمانتوازلغی سوءاستعمال ، دوستلق پرده سی آلتنده اک مدهش بر دشمن کبی حرکت ایتیش اولورلر . بو ایسه محق دکلدر . بویله بر حقارته بلا اعتراض تحمل ایدرسه ک الله بزی تلغین ایدر . » [۴]

[۱] پروتستان میسیونرلرینه متعلق مخبرات ، ماوی کتاب . ۱۸۶۵ . سیر (هازی بولور) ک ۷ ایلول ۱۸۶۴ تاریخی تلغرافنامه سی .

[۲] سیر (هازی بولورک) ک ۱۸ ، ۲۷ تموز و ۲ آغستوس ۱۸۶۷ تاریخی تلغرافنامه لری .

[۳] سیر (هازی بولور) ک لوندره پروتستان جمعینه یازدینی ۴ آغستوس ۱۸۶۴ تاریخی مکتوبندن .

[۴] سیر (هازی بولور) ک ۲۷ تموز ۱۸۶۴ تاریخی تلغرافنامه سندن .

(آنکلتره) سفیری بو سوزلرک دلالت ایلدیکی هیجان افکاری مصور اوله رق لورد (روسل) د کوندردیکی بر مکتوبده کندی طرفندن شوصورتله اداره لسان ایدیوردی : « ذات اصیلانه لر نجه مجهول دکلدرکه ترکیاده انجیل سربستجه توزیع اولنور و حتی طبعنه بیله مساعده ایدیلیر . هر جنس و ملتدن آدمیر ، حتی ترکار ، پروتستان اولیورلر و هیچ بر طرفدن تضیق کور میورلر . بر ویا ایکی سنه دن بری ترک پروتستانلر کلیسایه تحویل ایدلمش اولان برانکلیز مکتبنده هر پاراز کونی ایکی دفعه ترجه لسانیه عیادت ایدیورلر . حقیقی سویلک لازم کلیرسه دیه یلیرم ، که دین محمدی اربابنک پروتستانلر حقنده کوستردیکی مساعدات و سربستی جدآشایان تقدیردر ؛ بو مساعدات و سربستی به خرستیان حکومتمده بیله تصادف ایدیله مز . . . فقط ، خان و قهوه خانه کبی هر کسک کیروب چیقدینی محالدرده وعظه قالدیشان و بین الخلق تولید هیجان ایدرک مملکتده خرستیانلغک انتشارینی تسهیل دکل ، بوکا مانع اولان کیمسه لری مدافعه ایتمک بزم ایچون ممکن دکلدر . » [۱] .

سیر (هانری بولور) ک افکار ذاتیه سی معلوم اولنجه بتون میسیونرلر مشارایه علیهنه دوندیلر ، شکایت به باشلادیلر . میسیونرلر طرفندن لورد (روسل) د یازیلان بر مکتوبده دنیلوردی که : « بزی تدبیرسز لکله اتهام و غیرت و صداقت منزی سوء تفسیر ایدیورلر ، بو اتهاماته قارشی بتون وجدانمزه پروتستو ایدرز . حریت مقدسه وجدان دنیلن شی نه اولیور ؟ حریت وجدان ، انکایز ملتتک مطالبینی ترویج به مجبور اولدینی شهه سز بولنان بر مملکتده اخلال ایدیلور . .

[۱] . میسیونرلرک محمی و طرفدار اولان لورد (استراقرود دوره دقلیف) اومره ده درسمات سفیری اولسه بیدی بالطبع خلقی کبی اداره لسان اتزدی . (استراقرود) ، ۱۸۵۶ سنه سی کانون تأیسنده - قم مخصوصنده بحث ایلدیکم - مرتدل مسئله سی مذاکره اولنورکن ، فوآد پاشایه کال عتف و شدله شوسوزلری سویلشدی : « دینکزدن ، خلیفه . کزدن بکا بحث ایتمکیز ؛ بولرک هپی مناسبتیز شیلردر . بر مملکت بشقه لرینک معاونتنه محتاج بولنور ، بو مملکت ایچون بشقه لری قان دوکر ایسه خرستیانلق نامنه ایستدیکم شیلری کندیسندن استحصاله حق قازانیلمش اولور . » فوآد پاشا : « ایستیلن شی ترکیانک حیاتی ایسه . . . » جله سیله جواب ویرمک ایسته مش ، فقط سوزوبنی متألانه بر باش اشارتیه کال ایتمدی .

سفیرك احترازی ، ترددی معناسزدر ، ترکیساده سربستی مذهب قاعده سی ایچون تهلهک لیدر . « [۱] .

مع مافیه ، میسیونرلرک شکایات و تشبثاته رغماً ، (انکلتزه) خارجیه نظارتی سیر (هائری بولور) و وکالت ایدن مصلحتگذاره شو تعلیماتی ویردی : مسافر اولدقلری مملکتک عادات و حسیاتی تحقیر ایدر یولده بر حرکتده بولناملرینی میسیونرلره توصیه و اخطار ایتک ، آسایش عمومی یی اخلال ایده بیله جک هر درلو افعال و حرکاتدن توقی ایلک [۲] .

بو مناقشات آره سنده انکلیز هیئت ره بائجه بغیر حق اتهام ایدیلن حکومت عثمانیه حقیق کندی طرفنده بولندیغی بیله یکی ایچون سکون و اعتدالی تماماً محافظه ایدیوردی . عالی پاشا ۱۹ کانون نانی ۱۸۶۵ تاریخیه (لوندزه) سفارت عثمانیه سنه کوندردیکی تعلیماتده دییوردی که :

« سلطنت سنیه ممالک شاهانه داخلنده کافه ادیان و مذاهبک سربستی اجراسنی اصلاحات خط هایونی ایله تأمین و تأکید ایتمشدر . خط هایونک بوبابده کی مواعد و موادینه حرفیاً رعایتده اصلا قصور ایتمه مشدر . . . امنیت تامه ایله بیان ایدرزکه ممالک عثمانیه ده مقیم خرسیتیان مذاهبی اربابنک کافه سی آوروپانک اکثر ممالک خرسیتیانیه سنده بوله میه جقلری حقوقه نائل اولمشدر . (انکلتزه) دخی مستثنا اولماق اوزره [۳] دیگر حکومتلرده سربستی وجدان قاعده سنک تابع اولدیغی قیوداتی بوراده ذکر ایتمه کزوم یوقدر . . . بو مطالعاتی ایراد ایتمکدن مقصدم ، بزم حقمزده بر از ده اغفو و مسامحه ایله حرکت ایدلمسنی طلب ایتمکدن عبارتدر . فی الحقیقه عالم مدینتک پیشداری اولان (انکلتزه) حکومتی

[۱] پروتستان جمعیتک ۴ آغستوس ۱۸۶۹ تاریخلی مخطره سی . یوقاریده ذکر ییچن ماوی کتابک ۴۹ نومرولی وثیقه سنه مراجعت .

[۲] لورد (روسل) که ۱ کانون اول ۱۸۶۹ تاریخیه موسیو (استوارت) و بریدیگی تعلیمات .

[۳] اوپنچی (کییوم) که دور حکومتده تنظیم ایدیلن بر قانون خرسیتیانلغک حقیقت اولدیغی انکار ایدنلر ایچون شدتلی جزارل ویریور .

۱۸۸۲ سنه سی مارتنده پارلمنتو اعضاسندن قونت دو (رده سداال) حاکم مطلق اولان حناب حقیق موجودیتنه ایمان ایتدیکنی علناً بیان ایتیمه لره عوام و لوردلر قارهلر اعضالغنه قبول ایدلمه سی حقته بر قانون لایحه سی تکلیف ایش و لایحه مذکوره ایلک قرائنده قبول اولنمشدر .

برچوق احوالده برفرقه نك نفوذ و حاکمینی حسابہ قائم مجبوریتندہ بولنورسہ باب عالینک تبعہ سنک حسیات دینہ سنی نظر دقتہ آلامغہ و خصوصیلہ علاقہ دارانک هجوملرینہ قارشئ کندی دینی حق و عدالت دائرہ سندنہ مدافعہ ایتیمکہ مقتدر اولہ میہ جفتی تصدیق ایتک بر لازمہ حق شناسی دکلیدر ؟

« سلطنت سنیہ دین رسمی حکومت اولان دین محمدیہ ادیان سائرہ اربابی الحاق ایتیمکہ مساعده ایلدیکی کبی بونک عکسنی ده قبول ایدہ من . بزم نظر مزده سربستی مذاهب قاعده سی ، هر هانکی بر مذهبه تعرض ایله ، یعنی بشقہ لرینک افکار دینہ سنہ حرمت ایدہ جکی یرده حقارت ایدن و قوہ افتناعیہ سایہ سندنہ مقصدینہ نائل اولہ مینجہ طریق افساد و اطماعہ سلو کدن دخی چکینمین ناسرلرک حرکات تجاوز کارانه لر یله قابل توفیق دکلدر . . . ذاتاً هیچ بر حکومت دیگر بر دینک کندی مملکتستندہ نشر و تعمیمنه صورت مطلقه ده مساعده ایتیمه مشدر . انکلترده ، پروسیه ده ، اوستریاده ، الحاصل هر یرده نشر دین ایدنلر حکومتک نظارتی آلتندہ بولندیریلرلر . اک سربست و اک مساعده کار حکومتلر بیله ، نشر دین ایله مشغول اولانلرک حرکاتی آسایش عمومی و دین رسمی حکومتک منافعی اخلاص ایدرسه ، بونلر علیهنده تدابیر شدیدہ اتخاذ ایدرلر . حاکمیت عامہ قاعده سنک جاری اولدینی یونانستان ، تبدیل مذهب حقنہ کی تشبثاتک ویادین رسمی حکومت علیهنده هر نه صورتله اولورسہ اولسون وقوعه کله جک مداخلاتک ممنوع اولدینی قانون اساسی سنک باش طرفه درج ایتمشدر . . . »

غایت معقول اولان بو ایضاحات ، (انکلتره) باش وکیلی ایله سفیرینک افکار و حسیات ذاتیه لرینہ توافق ایدیوردی . فقط ، بالخاصه ، عالی پاشانک تعیری وجهله ، اسلامیتہ قارشئ حقیقی بر اهل صلیب سفیرینہ تشبث ایدن و کویا « مسلمانلرک اعتقادات باطله سنی » ازاله یه چالیشان انکلیز هیئت رهبانی ایچون کوزل بر درسی حاوی ایدی .

حریت مقدسه وجدانی ، یعنی سربستی اعتقادات قاعده سنک تطبیقنی ایستین پروتستان رؤسائی ، حقیقت جالده ، بو قاعده یه اصلاً رغبتکار دکلدیلر ؛ بلنکه (اوروپا) ده (ره فومه) نك ظهوری زمانندہ تعصب و عدم مساعده ایله


اتهام ايدىلن قتوليكگر عليه كوستردكلىرى خصوصت درجه سنده بر شدتله اديان سائر اربابنى تضيق ايدىيورلردى .

وقيله ، اون يدنجى عصر واسطنده ، (فرانسه) قراللىرى درسعادت كليسالرينك اتحادى سياستى تعقيب ايتدكلىرى زمان پاپالىق مقامى مسلمانلارك معاوضتلىرى اولمسه بيله ، بيطرفلقلرىنى تامين ايچون دينلرينه تعرض ايدلمسنى بتون ميسوزلرينه صورت قطعيده امر ايتمشدى . بومنعوت بالاخره حكمدن ساقط اولدى ؛ فقط ممنوعيتك ضمناً رفقى ايله برابر مسلمانلردن آنجق برقاج كشى قوليك مذهبده ادخال ايديله بيلمشدى . پروتستان ميسوزلى ايسه تبديل مذهب ايدنلره (انكلتره) نك حمايه رسميسىنى [*] وعد ايتدكلىرى ايچون ، احتمال كه ۱۸۵۶ سنه سندن برى تركياده جارى اولان سربستيدن ديكر ميسوزلردن زياده مستفيد اولمشلردر ؛ مع مافيه قسم اعظمى پاره ايله اطماع ايديله رك پروتستان اولانلرينه پك آذر .

پروتستان ميسوزلى قرق سندهن برى بالخاصه آناتولى وسوريده صرف مساعى ايدىيورلر ؛ بوحوالده ۲۰,۰۰۰ الى ۲۵,۰۰۰ پروتستان بولنديغى تخمين ايدىليور . ميسوزلرك دخى تحت اعترافلرنده اولديغى اوزره پروتستانلقدن تبعاده سبب اولان شى - قسم مخصوصنده سويلديكم وجهله - شرقيلرك مراسم خارجيه مذهبيه فوق العاده اهميت ويرملريدر ؛ شرقيلىر مراسم خارجيه ليله مخيليني تهيسج ايدن مذهبدها مبالدرلر ، بوبابده عقل وحكمتدن زياده حسياته قليه بيه تابع اولورلر . ذاتاً تركياده پروتستانلىق - برچوق آمال سياسيه بيه آلت اولمسندن طولايى - خرستيانلىغى ابناى جنسه محبتى ، حلم وملايمتى ، تصدقى آمر بردين كبي كوسترمه مشدر .



[*] ۲۲ تشرين اول ۱۱۵۷ تاريخيله لورد (قلاهدودون) لك ، ۲۰ مارت و ۲۱ كانون اول ۱۸۷۴ تاريخيله لورد (دربنى) نك درسعادت سفارتخانه سنده چكدكلىرى تلفرافنامه لر .



سکزنجی باب

فرانسه و مداخلهٔ اجنبیه علیهٔ بربرانه افکار — مختاریت و مرکزیت
بر لایقہ سی

(فرانسه - آلمانیا) محاربه سی اصلاحاتہ مشتموم بر ضربه ایندیردی .
بومحاربه یالکنز ترکیاده اتحاد و ترقی تأمین ایدمک هر دلو تشبیه اوک آفاق
اولان (فرانسه) حکومتک نفوذنی رخنه دار ایتدی ، بلکه ملل غریبه نک
تأثیرات مدنیپروورانه سی دخی خللدار ایلدی و مسلمانلر میاننده ، منافع
و محسناتی آرتق ظاهر و آشکار اولان ، اصلاحات علیهٔ بر جریان افکار
حصولته سبب اولدی .

مغلوب اولان (فرانسه) نک شرقده کی میراثی تقسیم ایتک ایستین دوست
و دشمن دولتلر طرفندن وقوعه کتیر یان تشبثات ، شایان دقت بر باب تشکیل
ایده جک درجه ده مهمدر . بوبابده ویره جکم تفصیلاتی تاریخ تنظیماتہ تعلقی
اولان وقایعه حصر ایلیمه جکم .

۱۸۷۰ سنه سی اواخرینسه طوغری - که (روسیه) حکومتی پارس
معاهده نامه سنک قره دکزده کی حقوق حکمرانیسی تحدید ایلین موادی
اوزمان فسخ ایتشدی - (اوستریا و مجارستان) حکومتی ، لایتلرک منافی
تهلکه کیه معروض بولندی بیانه سیله ، (فرانسه) نک ارض فلسطینده کی تشبثات
و حرکاتنه اشتراک ایتک ایستدی . بو طلب اوپله بر زمانده وقوعه کلمش
ایدی ، که فلسطینده تحدت ایدن بروقعہ [۱] (پارس) قایینه سنک محال مقدسه ده کی
قتولیک کلیسائی منافعنی بحق محافظه ایتدیکنی بتون بیطرفلر نظر نده
اثبات ایتشدی .

(ویانه) قایینه سنک ناپهنکام فعالیتی سوریه دن بشقه یرلرده دخی کندخی
 کوسترده؛ اوروپا و آسیای عثمانیک برچوق یرلرده (اوستریا و مجارستان)
 قونسولوسلرینک من القدیم فرانسز قونسولوسلرینه تخصیص ایدلمش اولان
 مراسم روحانیه نك کندخی حقلرنده دخی اجراسنی طلب ایتدکری کورلدی.
 فقط، «مغلوب و حقوق قدیمه سندن ساقط اولان» فرانسه نك قتولیکلر
 اوزرنده کی حقوقی (اوستریا و مجارستان) دن زیاده (ایتالیا) یه عائد اولمق
 لازم کلزمیدی؟ مادامکه (پاپا) حکومتنه عائد ولایات (ایتالیا) حکومت
 جدیده سنه الحاق ایدلمشدی، شو حالدده پاپالقی مقامنك شرق قتولیکلری
 اوزرنده کی حقوقی ده بو حکومتنه عائد اولمق ایجاب ایدردی. ترکیاده مقیم
 (ایتالیا) قونسولوسلری بو ادعاده بولنه رق ۱۸۷۱ سنه سی ابتداسندن اعتباراً
 (پاپا) نك تبعه سنه متعلق اوراق و وثائق کندیلرینه تودیع ایدلمسنی طلب
 ایتدیلر. لکن (پاپا) حکومتك (ایتالیا) یه الحاقی هنوز دو اتلرجه تصدیق
 ایدلمه مشدی؛ (فرانسه) نك (پاپا) تبعه سنی حمایه ایتیمی معاهده رسمییه مستند
 اولموب بلکه من القدیم جاری اولان بر عادتك نتیجه سی ایدی؛ نته کیم
 اسویچره لیلر ایله جنوبی (آمریکا) نك بعض جمهوریتلرنده ساکن قتولیکلری
 دخی بو عادت قدیمیه توفیقاً حمایه ایدیوردی.
 مع مافیه (ایتالیا) یالکیز (روما) حکومتی و بو حکومتك شرق میراثی
 ایله اکتفا ایده مزردی؛ (قارطاجه) ایله حوالیسنی دخی ایستیوردی.
 (تونس) ده فرانسه نفوذنی بر طرف ایدرك (ایتالیا) نفوذنی اقامه ایتمک؛
 ایشته (فلورانس) قایینه سنك تعقیب ایتدیکی مسلك بوایدی. (ایتالیا)،
 شمالی (آفریقا) یی صلحاً دائرة نفوذی داخلنه آلمغه تشبث ایتدی. (ایتالیان)
 قومپانیلرینه و یریلن اراضی مزروعده، هانکی عنوان ایله اولورسه اولسون،
 چالیشان تونس تبعه سنك (ایتالیا) قونسولوسخانه لرینه تابع اوله جغنی اعلان
 ایلدی و تونس بکنك متبوعی اولدیغنی ادعا ایدن پادشاهك مداخله سنی طامیق
 ایسته مدی [۱].

[۱] معلوم اولدیغنی اوزره بالآخره، یعنی ۱۸۸۲ سنه سنده (فرانسه) حکومتی
 تونس حایه سی آلتنه آلدیغنی زمان (ایتالیا) حکومتی پادشاهك حقوق حکمرانی سندن
 بحث ایدرك بو حایه یه اعتراض ایتشدر.

(پروسیه) حکومتی، بالطبع، تماماً نحو ایده‌مدیکی رقیبک شرقده کی نفوذنی احیایه چالیشه جقدی. فقط بو مقصده وصول ایچون استعمال ایتدیکی وسائطك مشروعتی پك مشکوکدر. باب عالی، (پروسیه) نك نصیحتی اوزرینه ۱۸۷۰ سنه‌سی کانون اولنده طرابلسه برپاشا کوندردی؛ ایشته قسماً بوپاشانك تأثیریه (جزایر) ده اسلاملك فرانسرلرعلینه قیام ایتدیرلملرینه تشبث اولندی.

(لبنان) ده کی (یوسف قازام) فرقه‌سی (پروسیه) نك بیروت قونسلوسی طرفدن تشویق ایدلدی و فرقه مذکورنك بوتشوویقات سایه‌سنده - و قتیله فرانسرلرک سوریه‌یی اشغال ایتلمی نتیجه‌سی اوله رق وجوده کلن - جبلك تشکیلات حاضره‌سنی نحو ایده‌بیلمسندن قورقولدی.

(انکلترة) نك درسعادت سفارتخانه‌سی دخی (لبنان) متصرف جدیدی رستم پاشا ایله خوش کچینه‌رك سوریه‌ده کی (فرانسه) نفوذنی قیرمغه چالیشوردی.

باب عالی، و قتیله (اوروپا) نك شرق امورنده سربست بر اقدیغی (فرانسه) علینه چوریلان بو انترقیه‌لر قارشیدنده لاقید قاله‌مازدی. (فرانسه - آلمانیا) محاربه‌سنك ایلك زمانلرنده (فرانسه) یه قارشى محبتکارانه بر بیطرقلق کوسترمشدی؛ حال بوکه حکومت متجاوزده، آلمانلرک غلبه قطعیه‌سی آچیقدن آچیغه تمی ایدیلوردی. بر مدت صکره (پروسیه)، (روسیه)، (اوستریا) آره‌سنده ائتلاف حصوله کلک اوزره اولدیغی کورن باب عالی تلاشه دوشدی و دیگر بر چوق حکومتلرکی قوتك تصادف و طالعه معروض اولدیغی آکلایه رق موجودیتنی محافظه چاره‌لرینی آرامغه باشلادی.

دولت عثمانیه‌نك تأمین استقبال غائله‌سنه دوشمسی و شمدی‌یه قدر دیگر حکومتلردن زیاده اصلاحاتده علاقه‌دار بولسان ایکی دولت معظمه‌نك موقتاً میداندن چکیلسمی وکلای عثمانیه‌نك افکار و مسلک سیاسیلرنجه تبدلات وقوعه سبب اولدی. وکلای عثمانیه، حکومتی مداخله اجنبیه‌دن تخلص ایدرک صیقى بر مرکزیت اصولیه تقویه ایتمکه قرار ویردیلر.

بو مسلک، شایان دقت بر فعالیت ایله موقع تطبیقه وضع ایدلدی. متعصبلر دیورلردی که: «پروسیه‌لیر غلبه ایدیورلر؛ آرتق زده مدنیت غربیه بیوندروغندن

کندمزی قورتاره جغز . « [۱] . بونلرک واسطه نشر افکاری اولان غزتهلر دخی « دولت عثمانیه یی اقوام مختلفه نك خصوصت متقابلهرینی ، مذاهب مختلفه اربابی آره سنده کی ضدیتلری ، حریص قومشولرک آمال استیلاجویانه لرینی اورته دن قالدیره جق ییکی بر قانون مرکزیت ایله تقویه ایتک » لازم کلدیکی یازیورلردی .

صدر اعظم عالی پاشا ، حسیات وطنپروراننك قاریشیق ومبهم برضورتده غلیانندن متولد اولان بوحاله مقاومه چالیشمقله برابر حکومتی (اوروپا) نك وصایتدن قورتارمق واجنبی مداخله سیمله قبول ایدیلن موضوعات ونظاماتی اورته دن قالدیرمق ایچون فرصتدن استفاده ایتک املنده ایدی . عالی پاشا ، هیئت اجتماعی عثمانیه ده اولدجه درین کوکمر صالمش اولان تنظیماتی قالدیرمق ایسته میور ، بالعکس اصلاحاتک لزومنی ، تأثیرات نجات بخشاشنی تصدیق ایدیوردی . لکن ترکیانک ممکن اولدیغی قدر کندی کندیته اصلاحات وتجدده موفق اولمسی وبوصورتله ، ۱۸۶۷ سنه سنده ترکرک اصلاحاتی باشه چیقارمه جقلرینه حکم ایدن (اوروپا) دولترلرینک قرارینی [۲] تکذیب ایلمسی ایستیوردی . بومقصده بناء ، کنج ترکردن امین اوله مامقله برابر ، بونلره تقرب ایتدی . اوزمان کنج ترکیانک مسلکی شوایکی سوز ایله خلاصه ایدیله ییلردی : اجنبیلره خصوصت ، دولت عثمانیه نك کندی قوت ووسائلطی ایله احیاسی .

اوصرده بتون عالمک انظاری (اوروپا) نك قلبکاهنه معطوف اولدیغی ایچون مسلمانلرک حسیات ملیهلرینک غلیان موقتی وملل مختلفه نك عینی قوانینه تبعاً اداره سی فیکرینک - که نه قدر خیالی اولورسه اولسون یینه برآراق حکومت ایله تبعه نك توحید مساعی ایلمسنه سبب اولمشدی - تعمی ممالک غریبه ده نظر دقتی جلب ایتمه مشدی . بواحوال ، تنظیماتک شایان تدقیق بر دوررسنی تشکیل ایتدیکی جهتله براز تفصیلات ویرمک فائده دن خالی اوله ماز .

[۱] شوراسی شایان دقتدرکه ۱۸۷۰ محاربه سندن اول (پروسیه) ده دخی شوسوزلر تکرار ایدییلوردی : « فرانسه بزی راحت برافسون ، آنک مدینتی ایسته میز . » [۲] ۲۱۸ نجی محینه به مراجعت .

ممالك شاهانه نك بر مرکزہ ربطی و سلطنت سنیہ نك تقویہ سنی تأمین
ایده جك اولان « قانون مرکزیت » ك اول باول مصرہ تطبیق ایدلمسی ایجاب
ایدیوردی .

خدیو اسماعیل پاشا ، قانون وراثتک تبدیلنه مساعدہ استحصال ایتک
ایچون ۱۸۶۶ سنہ سنده در سعادتہ کلدیکی زمان صدر اعظم فوآد پاشا ایله
رفقاسندن قسم اعظمک بو فکرہ تماماً مخالف اولدقلرینی ، شہہ سزک ،
بیلیوردی . سلطان عبدالعزیز آنجق بو مخالفلری موقع اقتداردن دوشوردکن
صکرہ اسماعیل پاشایہ خدیو عنوانیله [۱] برابر بعدالوقت بیوک اوغلنک خدیو
اولسی حقنی ویردی ، کہ بونی بالآخرہ کندی بیوک اوغلی ایچون مثال اولهرق
کوسترمک املنده بولندیفی آشکار ایدی [۲] .

متبوعنک علوجانی سایه سنده قدر و اعتباری تزايد ایدن اسماعیل پاشا ،
۱۸۶۹ سنہ سنده ، (اوروپا) ده سیاحتہ چیقدی وهرکتیدیکی یرده بر حکمدار
کبی آثار احترام کوردی . باب عالی خدیو حقندہ کوستیلن بو آثار احترامدن
نمون اولدی و ممالك اجنبیہ ده کی سفرا سنہ کوندردیکی تحریرات عمومیہ ایله
خدیوک حائز اولدیفی امتیازاتک ماهیت حقیقیہ سی حقندہ معلومات ویردی .
عجیبا باب عالی ، مصرک تشکیلاتنه متعلق اولان ۱۸۴۱ فرمان هایوتی نصل
تفسیر ایدیوردی ؟ حکومت عثمانیہ مصر ایالتی بعض امتیازات اداره ایله
و حق وراثتہ مالک اولمق شرطیله محمد علی عالمی سنہ ویرمشدی ؛ فقط بوامتیازات
و حق وراثتدن صرف نظر اولنورسہ خدیوک ولایات سائرہ والیلرندن فرقی
اولدیغنی بیان وحتی فرمان هایون احکامنہ رعایت ایدلمدیکی تقدیرده محمد علی
عالمی سنک حقوق و امتیازاتدن محروم قاله جغنی صراحتہ ادعا ایدیوردی .
الحاصل باب عالینک سلسله مراتبندہ مصر خدیوینک موقعی سلطنت

[۱] خدیو عنوانی صدر اعظم لره مخصوص اولان اون ایکی قدر القابدن بری اولوب
ادارہ سابقہ ده بعض ایالات جسیمه والیلری حقندہ دخی یازیلیردی . خدیوک افریاسی طرفندن
استعمال ایدیلن پرنس عنوانه کلنجه ؛ بوکله نه ترکیه ، نه ده عربیہ ده موجود اولوب
اوروپا لسانلرندن آلمشدر .

[۲] روایتہ نظرآ سلطان عبدالعزیز او مرده ده حرم هایونده تصادفاً خدیوک قیزی
کورمش ، کندیسنه عاشق اولمش وحتی بر آراق پرنسی تحت نکاحنه آلمی ییله
دوشوتمشدر .

عثمانیه نك دېكر وزراسنك موقعندن پك آز فرقلی ایدی ؛ خدیو ، و قتیله والیرك حائز اولدقلری امتیازاتدن - كه سلطان محمود دورنده رشید پاشا طرفندن الغا ایدلمشدى [۱] - براز فضله حقوقه مالك ایدی . واقعا پادشاه مصرده قانون وراثتی دكیشدیرمش وبومناسبتله اداره داخلیه متعلق قوانینك تنظیمی و كرك ، ضابطه ، ترانسیت ، پوسته معاملاتی ایچون حكومات اجنبیه ایله مقاولات عقدی خصوصنده ماذونیت ویرهرك خدیوك دائره صلاحیتی توسیع ایتمش ایسده بوعلو جناب ، حقوق مقدسه پادشاهی بی اصلا اخلاخل ایده من دینلیوردی .

ذاتاً ۱۸۶۶ فرمان جدیدنده خدیوك تنظیم ایده بیله جکی قوانینك قوانین عمومیه عثمانیه موافق اولمسی لازم كله جکی و دول اجنبیه قونسولسریله عقد ایدیلجهك مقاولاتك معاهدات بین الملل حكم و قوتنده اوله میه جنی ذكر و تصریح ایدیلوردی .

باب عالینك مصرك سلطنت سنییه اولان روابطی - خدیوه پادشاهك « واسال » ی نظریله بیله باقیله میه جق درجهده - تقویه ایتمكدن مقصدی دولت عثمانیه دن آیرلمسی فكرینه مانع اولمق ایدی . چونكه خدیوك روابط تابعیتی چوزوب آتمق املنده بولمئسندن شبهه ایدیلوردی .

مع مافیه اسماعیل پاشا باب عالینك تبلیغات و تشبیهاتی نظر اهمیته آلمدی ؛ دونمسانی تزئیده و سواحل مصریه بی تقویه باشلادی . باب عالی بو تداركاته بالطبع ای برنظارله باقیوردی . صدراعظم عالی پاشا خدیوه قارشى دها شدتلی برمسلك اتخاذ ایتدی ، حقوق و امتیازاتی تحدیده و اوله مدینی تقدیرده خدیوی تبدیله قرار ویردی .

بعض وقایعدن استدلال ایدلدیكنه نظراً عالی پاشا « استاتوقو » نك محافظه سنده علاقه دار اولان دولترك آمانی موافق بولمش اولسه یدی پادشاه مصر مختاریت اداره سنك نزع و فسخی توصیه ایده جكدی .

اسماعیل پاشا تبدیل مسلك ایتكی قاعده احتیاطه دها موافق بولدی ؛ غایت متواضع كوروندی و پادشاهه عرض احترامات و مطاوعت ایتدی . حتی

زرهلی سفینه‌لرینی حکومت عثمانیه‌یه تسلیمه بیلهر اراضی اولدی [۱]. عالی پاشانک مقصدی حاصل اولمشدی .

باب عالینک ۱۸۷۱ سنه‌سنده کی مرکزیت پولتیقه‌سی تونس و طرابلس ایالتلری امورنده دخی حس ایدلدی .

دیگر بر اثر مده ایضاح ایلدیکم وجهله [۲] قدیم (قارطاجه) سواحله حاکمیت عثمانیه پک آز دوام ایتمش ، ۱۶۸۴ تاریخندن اعتباراً بو حاکمیت خللدار اولمش ، اون سکیزنجی عصرده شمالی آفریقاده پادشاهلرک حقوق حکمرانیلرینه دلالت ایدن برقاچ ظاهری علامتدن بشقه برشی قالماش ، الیوم پادشاهک القابی میاننده بولسان تونس حکمداری عنوانی وقیله (ساردنیا) قرالترینه و (آلمانیا) ایمپراطورلرینه ویریلن قبریس وفدس قرالی عنوانی کی اهمیت و قیمت حقیقه‌دن دوشمشدی .

حکومت عثمانیه ، ایکی عصری متجاوز بر زماندن بری فعلاً متروک اولان حقوقی استرداد تشبث ایتدی . ۱۸۷۵ سنه‌سی شباطی طرفنده حق حاکمیتی اظهار ایتک و تونس بکنی اقطاع و کندی آمالنی قبوله مجبور ایلک ایچون تونس بهر هیئت عسکریه کوندردی . برقاچ آی صکره خیرالدین پاشا استانبوله جلب اولندی و تونس بکی محمد الصادق حمایت پادشاهی یه تابع اولسی لزومی دول معظمه سفارتخانه‌لرینه قبول ایتدیر مکه مأمور اولدی . (فرانسه) یه قارشی (ایتالیا) حکومتی تونس بکلکنک مختاریتی تهدید ایدیوردی . (انگلتره) ایچون ، (فرانسه) و (ایتالیا) حکومتلرینک تشبثات رقابتکارانه‌لرینی منع ایتک لازمدی . هر کس ایچون ، داخلی تهدیکلرک و صیق صیق تکرر ایدن قبائل عصیانلرینک بر طرف ایدلسی حائر اهمیتدی ؛ بو قبائل ، آنجق خلیفه اسلام طرفندن تونس بکنک حقوق

[۱] اساعیل پاشانک پادشاهه التجاسی اوزربنه اوچنجی بر فرمان ویرلدی . بوفرمان موجبنه خدیواسقراضات عمومیه عقدینه ، زرهلی سفائندن ماعدا امور عسکریه‌نی سربسته رؤیته صلاحیتدار ایدی .

بوتدلاندن صرف نظر ، مصرک دولت عثمانیه‌یه قارشی وضعیت حقوقیه‌نی دکیشمه‌مش ، ۱۸۴۱ فرماننک بوکا متعلق موادی مرعی الاجرا قالمشدی . [نیقولا ئیدیس مجموعه‌سی ، ایکنجی باب ، صیفه ۱۴۰]

[۲] حقوق بین‌الملل نقطه نظرندن تونسک احوالی ، مؤلفی : انکلهارد . [حقوق بین‌الملل مجموعه‌سی ، اون اوچنجی جلد ، نومرو : ۲ ، ۱۸۸۱]

وصلاحتى واضح بر صورتده تعيين وتعرف ايدلمدجكه تحت اطاعته آله مازلردى .
نهایت تونس بكنك استقلالنى محو ايدن وكنديسنى عادى بر والى منزله سنه
اينديرن ۲۵ تشرين اول ۱۸۷۱ تاريخلى فرمان هايون تسطير ايدلدى .

حکومت عثمانیه ، ۱۸۳۵ سنه سنده ، تونس بكي كې مملكتى اداره ايتمكده
اولان قره مانلى عائله سنى طرد ايدرك طرابلس غربى الده ايتمشدى .

او زماندن برى طرابلس ديكر ولايات عثمانیه كې اداره اوليوردي ؛
مع مافیه اداره سابقه عائد بعض خصوصات هنوز الغا ايدلمه مشدى . مثلاً ،
اجنبى قونسولسلىرى كندى تبعه لريله يرلير آره سنده تحث ايدن دعاوى يى -
حتى مدعى طرفى تبعه عثمانیه دن دخى اولسه - رؤيت ايتك صلاحيتنى ادعا
ايديورلردى .

باب على بر طرفدن تونس مسئله سيله صورت جديده مشغول اولوركن
ديكر طرفدن طرابلس غربده كې احوال استثنائى يى برطرف ايتمكده موفق
اولدى . ۱۸۷۱ سنه سى تموزنده (انكلتره) ايله عقد وامضا ايتديكى پروتوقول
موجبجه طرابلس غرب ولايت جديده سى اوروپا و آسيا ولايات عثمانیه سنده
جارى اولان قابيتولاسيون احكامندن بشقه بر شيئه تابع اولميه جقدى .

مصر ، تونس ، طرابلس حكومتلرنده تطبيق ايديلن سياست بر آراق
(رومانيا) ده دخى كندى حس ايتيردى . فى الحقيقه بو مملكتده بولان
برفرقه سياسيه انتريقه لرى ، ممالك اجنبیه ده كې نشبئاتى ايله (رومانيا) يى دخى
خاده عثمانیدن كچيرمكه چالشمشلردى .

۱۸۷۰ سنه سنده ظن اولنديغه نظراً ، (آتیه) ، (بلغراد) و (بكرش)
آره سنده جريان ايدن مذاكرات خفيه خريستان اهالى يى بالقان شبه جزيره سنده
عثمانلى حاكميتى عليه عريان عمومى ده دعوت ايتك مقصديله وقوعه كليوردى ؛
(روسيه) حكومتك بو تشبث عمومى ده اشتراك ايتمكده اولمىندن - حقل ويا
حقسز اوله رق - شبه ايدلمكده ايدى . (رومانيا) حكومتى احوال عموميه يى
سكون و اعتدال ايله محاكمه ايدرك احتياطكارانه برمسلك اتخاذ ايتدى . بو
مسلك ، بالقان شبه جزيره سى اقواميله اتفاق طرفدارى اولان فرقه اختلافيه يى
او درجه حدتlendirدى ، كه بر آراق پرنس (شارل) ك موقى بيله تملكه يه
معروض قالدى . وخيم قاريشيقلقلر وقوعى قويا ملحوظ اولديغندن باب على

ایله (اوستریا - مجارستان) مداخله قرار ویردیلر [۱]. حتی بر آراق استانبولده یالکیز امارتک اشغال ایدلمسی دکل، ایکی حکومت آیرلمسی، یعنی پرنس (آلکساندر ژان) زماندن اولکی حاکم اعاده سی بیله موضوع بحث اولدی [۲۵ نیشان ۱۸۷۱].

(بکرش) دن وارد اولان ائتلافیویانه برنوطه، باب عالینک آمال حربیویانه سنی تسکین ایتدی.

نتایج محتمله سی اعتباریله اولکی قدر وخیم اولان ایکینجی بر حادثه، بر مدت صکره، (بکرش) قابینه سنی تلاشه دوشوردی. (رومانیا) حکومتک بر (پروسیه) قومپانیسه ویردیک شمندوفر امتیازینک موقع اجرایه وضعندن متولد براختلاف، کسب شدت ایتدیک صروده پرنس دو (بسمارق) - امارتک حسب الاستقلال حائر اولدینی حقوقه رغماً - دولت عثمانیه نی (رومانیا) نک امور داخلیه سیه مداخله دعوت ایتدی. باب عالی آز قالسون حدید المزاج باش ویکلک دعوتنه اجابت ایده جکدی [۲].

تفصیلاته کیریشمیه رک شونی ده بیان ایتلیم که، باب عالی ۱۸۶۰ سنه سندن بری جبل لبنانده جاری اولان (اوروپا) قوتورونی بر چوق دفعه لر تقیده چالیشدی؛ فلسطینده کی مأمورین عثمانیه در سعادتن آلدقاری عملیات قطعیه به توفیقاً تبعه عثمانیه دن اولان روم اورتودوکسلیری لاتینلره ترجیح ایتدیلر؛

[۱] اوستریا حکومتک ۱۸۷۱ سنه سنده نشر ایتدیک قرمزی کتابه مراجعت.

[۲] دوقتور (استروسبه رغ) ک وکیلی بولندینی بر شرکت، احباب تحویلاته یوزده یدی نسبتنده تأمینات ویرلک شرطیله، (رومانیا) خطوط حدیده سنک انشاسی امتیازی آلمشدی. تحویلات، انشآتک ترقیسی نسبتنده تدریجاً وانشآتک قیمتنه معادل مقدارده اوله رق موقع تداوله چیقاریله جقدی. (پروسیه) تبعه سندن اولسی مشروط بولنان بر (رومانیا) قومیسری انشآت و عملیات صناعیه نی تدقیقه و تحویلاته وضع امضابه مأمور اولشدی.

دوقتور (استروسبه رغ) ایله بوقومیسر آره سنده حصوله کلن ائتلافه توفیقاً تحویلاتک کافه سی بروجه پیشین اخراج ایدلدی وجمع ایدیلن پاره لرک بر قسیمی اسراف اولندی. بو صورته رومانیا حکومتی ۱۵۰ میلیون فرانق قیمتنده فنا یایلش خطوط حدیده ایله غایت نقصان ادوات متحرکه به مقابل ۲۴۵ میلیون فرانقک فائضی تأمیننه مجبور اولدی.

آرناوولقدە (مىردىتا) لرك امتيازات قديمەلرني الغا ايتىك فكريله بونلر عليهنه قوۋە عسكەرىيە سوق ايدلدى [*].

الحاصل باب عاليتك كرك مسلمانلره ، كرك خرسىيانلره عائد امتيازات خليه يى بىستون الغا ايتىك ممكن اولمىسە بيله تخفيف و تعديل ايتىك عزم قويسندە بولنديغى مملكتك هر طرفندەكى اجرا آتدن آ كلاشيلوردى . بو امتيازات خليه ، حكومات اجنيە ايله دائما اختلاف ظهورينه سبب اوليوردى ؛ چونكه وقتيله حكومات اجنيەنك تضيق نتيجه سنده ويرلمىدى . بناءً عليه هر نه شىكلده اولورسە اولسون نفوذ اجابى برطرف ايتىك ، حتى مأمورين حكومت آرە سنده بو نفوذ تابع اولانلرى عزل ايتىك ايجاب ايدىيوردى .

ايسته بومطالعاته بناءً مأمورين حكومتك صيق عزل و تعديل ايدلدى كورلدى ؛ حتى - قانونك بخش ايتىكى حقوق مكاتبه يه و يا لاينعزل اولق حقه بيله رعايت ايدلمىرك - شوراي دولت ، ديوان احكام عدليه ، مجالس سائرە اعضا و مأمورينده عزل ايدلدى . خرسىيان مأمورلر وظيفه لرندن چيقارلديلر ، يرلرينه خرسىيان تعيين اولمىدى . واليله دخى بويولده تعليمات ويرلدى ؛ حكومته صادق اوليان ، نفوذ اجانبه تابع اولان مأمورلر اك كوچك كويلره وارانجه يه قدر هر طرفندە عزل و طرد اولنديلر .

اصلاحاتك بو دورە سنده قوانين و نظامات جديده ياننده اسكيدن قالمش بر جوق نظاملرك دخى جارى اولديغى و شعبات اداره دن قسم اعظمك هنوز تعديل و اصلاح ايدىك اوزره بولنديغى دوشونيلور ايسە مأمورين حكومتجه وقوعە كن تبدلات نتيجه سنده ايشلرك بىستون بوزولديغى قولايجه تسليم ايديلير . بالخاصه محاكمده هنوز لايقيه آ كلاشيله ميان قوانين و اصول محاجات هر كون درلو اختلافاته سبب اوليور ، قاريشقلىنى صوك درجه سنه كتيريوردى . ديكر مملكتلرده اولمىسە حكومتك بو اجرا آتى بين الخلق غايت و خيم قاريشقلىقلره سبب اولوردى . لكن كرك استانبولده ، كرك ولاياتده هيچان افكاره دلالت ايدە جك برتأثر خارجى كورلمىدى . مسلمانلرك ستوكلانه تسليميتى ، خرسىيانلرك اطاعت خائىفانه لرى اجرا ات ارتجاعكارانه ده حكومتى تماماً سربست براقى .

[*] مىردىتارلك رئيسى اولان كنج (يىب دوده) استانبوله جلب ايدلدى .

باب عالی ، (اوروپا) موازنه سیاسیه سنی صارصان حادثاتک تأثیریلہ ، قریم
محاربہ سندن اول اولدینی کچی ، تبدیل مسلك ایتشدی [۱] . وقتیلہ فرانسزلرک
مظفریاتی ، شمدی عینی قومک مغلوبیتلری مسلمانلرک غرور ملیرینی
اویاندیرمشدی .





طقوزنجی باب

سکزیجی بابک مابعدی . — قایتولاسیونلر و تبذیل تابعیت مسئلہ سی

وکلائی عثمانیہ، حکومتی مداخلہٴ اجنبیہ دن قورتارمقی ایجون فرط غیرت وطنپرورانه ایله هرشیئہ هجوم ایتدکری صرہده سلطنت جدیدہ عثمانیہ نیک بین الدول دون بر موقعدہ بولندیغی کوسترن اک آشکار براماریی اورتہ دن قالدیره زق، یعنی دولتی قایتولاسیونلردن تخلص ایدرک (اوروپا) حقوق عمومیه سندن مستفید اولمق املنه دخی خدمت ایتدیلر .

قایتولاسیونلرک فسخ والغاسی ادعاسی یکی برشی دکلدی؛ چونکه فواد پاشا، ۱۸۵۸ سنه سنده، دولت عثمانیہ نیک (اوروپا) حقوق عمومیه سندن استفاده ده دعوت ایدلیدی کوندن بری فعلاً مغاسز قالان قایتولاسیونلر علیهنده ادارهٴ کلام ایتشدی .

۱۸۶۲ سنه سنده اصلاحات خط همايوننک ممالک شاهانده اجانبه حق تصرف املاک بخش ایدن موادینک موقع اجرايه وضعی موضوع بحث اولدینی زمان عالی پاشا، رفیقنک اعتراضاتی تکرار ایدرک املاک صاحبی اولان اجنبیلرک تبعہ عثمانیہ کی قوانین محلیه به تابع اولمیرینی طلب ایتشدی. بوطلبک ۱۸۶۷ سنه سنده نه کی قیود ایله تقيید ایدلکدن صکره قبول ایدلیدیکی یوقاریده سویلشدم [۱].

فقط برمدت صکره رومانیا لیلر قایتولاسیونلرک الغاسنی طلب ایتدیلر؛ بونلرک ادعالرینه نظراً دول غریبه ایله حکومت عثمانیہ آره سنده کی مناسباته متعلق تأمینات مخصوصه، ترکارک هیچ بروقت یرلشم دکری، بالعکس بر اردوکاهده بولنیورلرمش کی موقتاً قالدقلمی ولایانده [یعنی رومانیا ده] حائز

اهمیت اولیه مازدی، بوتامیناته حاجت اولدینی تصدیق ایدلمسه بیله ممالک عثمانیه ده اولدینی قدر شدتلی بر لزوم و ضرورت حس ایدیه مزدی؛ دیگر طرفدن (رومانیا) نك قوانینی نه قدر ناقص اولورسه اولسون، دول غریبه دن قسم اعظمك قانونلری کبی (روما) حقوقندن آلمشدی [۱]. حکومت عثمانیه بوتشبتانی اهمیتله تعقب ایتدی؛ دول غریبه یی، سلطنت عثمانیه یه تابع خرستیان پرنسلیکلرینه مساعد طاورامغه سوق ایدن اسباب خصوصیه یی تقدیر ایدیوردی. فقط مصرده، یعنی قوانین عثمانیه ایله اداره ایدیلن بر مسلمان مملکتینده قاپیتولاسیونلرک تعدیلی مسئله سی موضوع بحث اولدینی زمان روی موافقت کوسترمدی. باب عالی، ۱۸۶۹ سنه سنده، مصرده کندی رأی منضم اولدقچه وقوعه کتیریه جك هر درلو تبدلاته اعتراض ایده جکنی بیلیردی و سلطان سلیمان قانونی زمانندن بری مرعی الاجرا اولان بتون قاپیتولاسیونلرک یکیدن تدقیق و تعدیلی فکری میدانه قویدی.

۱۸۷۰ و قایعنی تعقیب ایدن ارتجاع داخلی، بومسئله نك موضوع بحث اولسی اوزرینه بسبتون کسب شدت ایتدی؛ درسعادته منتشر نیم رسمی غزتلر افکار عمومی یی مداخله اجنبیه یی صورت قطعه ده بر طرف ایتك مقصدینه حاضرلغه باشلادیلر. بو غزته لرده دنیلوردی که: «قاپیتولاسیونلر، دولت عثمانیه نك ذروه اقباله واصل اولدینی بر زمانده سلطان سلیمان قانونی طرفدن بخش ایدلمشدر. بومعاهدات، پادشاهك ضعفندن بالاستفاده جبراً استحصال ایدلمش امتیازات ماهیتده اولق شویله طورسون، بلکه بر اثر نزاکت و خیرخواهی اولق اوزره ویرلمش مساعدات قیلندندر. حکومت عثمانیه بومساعداتی استرداد ایتك حقنه مالکدر. قاپیتولاسیونلردن مستفید اولانلر، موقع ممتازلرندن بالاخیار واز کچمز لرسه باب عالی بوامتیازاتی الفا ایده جکدر.» بوباده کی دلائل تاریخی، باب عالینك ادعاسنی صراحة رد و جرح ایدیور. قاپیتولاسیونلر، مجبانا، لطف و عاطفت قیلندن اوله رق ویرلمش مساعدات دکدر؛ واقعا بونلرک شکل ابتداییلری هرایکی طرفی ایفای تعهده مجبور ایدن بر معاهده نامه دن زیاده طرفیندن یالکیز برینك تعهدنی حاوی بر مقاوله نامه یه بکیزر، فقط اجنبی حکمداره ویریلن حقوقك دولت عثمانیه [۱] مؤلفك «ترکیاده و طونه امارتلرنده قاپیتولاسیونلر» عنوانلی کتابنه مراجعت.

ایله اتفاقه مقابل و عثمانلیره ایضا ایدیلن خدماتک معادلی اولدییی ده شبهه سزدرد. قاپیتولاسیونلر، ظاهرآ ناتمام اولقله برابر حد ذاتنده حقیقی بر معاهده نامه در. ذاتا برنجی (فرانسوا) یه ویریلن وبالاخره دیکرلرینه نمونه اتخاذا ایدیلن ۱۵۳۵ قاپیتولاسیونی سلطان محمود اول طرفندن «کرك کندیسی وکرك اخلاقی نامنه اوله رق» تجدید ایدلمش و بوندن صکره عقد اولنسان بر چوق معاهدات سیاسی و تجاریه دخی دیگر قاپیتولاسیونلری تأکید ایتمشدر.

(فرانسه) حکومتی، ۱۷۴۰ سنه سندن بری عقد ایتدیکی قاپیتولاسیونلرک وبالخاصه غایت صریح اولان ۱۸۰۲ معاهده نامه سنک [۱] قیمت حقوقیه سنی قولایجه اثبات ایتدی. دول سائرهنک اکثری ده و قتیله عقد ایتمش اولدقلری معاهداتی ایلری یه سوردی. یالکیز (روسیه) حکومتی ترکیاده اوروپا لیلرک معافیاتی مدافعه خصوصنه اهمیت ویرمیورکی کوروندی؛ ممالک عثمانیه ده بولنان (اوروپا) تبعه سی منافعی محافظه ده برفاقد کورمیوردی؛ اوتهدن بری حمایه ایتدیکی خرستیان تبعه عثمانیه یه کلنجه، قاپیتولاسیونلر احکامی بولنله تطبیق ایدیله مزدی.

۱۸۷۱ سنه سی اواخرینه طوغری، قاپیتولاسیونلر علمینده کی تشبثاتک ال بیوک مروجی اولان عدلیه ناظری فاضل پاشا تشبثات مذکورهنک ناهنکام و بیسود اولدیغنه قانع اولدی. چونکه (اوروپا) دولترینک باشلیجه لری شو صورتله اداره لسان ایدیورلردی: «اولا کندیکیزی اصلاح ایدیکز و تبعه اجنبیه یه ممالک متمدنه نک کافه سننده بولدقلری تأمیناتی ویریکیز. قوانین واحوال حاضره کزک هنوز لزوم کوستردیکی امتیازات قدیمه دن آنجق او زمان واز کچیله بیلیر.»

حکومت عثمانیه، تبدیل تابعیت مسئله قدیمه و مهمه سننده، ده معقول و مشروع اسباب سرد ایتدیکی ایچون ده زیاده موفقیت کوستردی.

باب عالی ۱۸۴۱ ده و بوندن بر قاق سنه صکره، ۱۸۶۰ تاریخنده، قونسولسوخانه لرک حمایه لرینه، یعنی خرستیان عثمانلیر آره سننده حیلله ایله تبدیل

[۱] فرانسه ایله عقد ایدیلن ۱۸۰۲ معاهده نامه سنک ۳ نجی ماده سننده دنیلورکه: «قبل الحرب ایکی دولته هر نوع مناسبات متقابله سنی تعیین ایدن معاهده نامه لر ویا قاپیتولاسیونلر تماماً تجدید ایدلمشدر.»

تابعیت ایدلمسنة قارشى بعض تدابير احتياطيه اتخاذينه مجبور اولمشدى [*].
 بونكله برابر سوء استعمالات دوام ايتيش ؛ حتى بالحاصله تحت ترصده
 بولنديرلملى لازم كلن روملر (آتنة) يه كيدرك اوراده تبديل تابعيت مسئله سنى
 حقيقى بر تجارت حاله قويان آجته لردن اوراق مقتضيه يي تدارك ايتدكن
 صكره يونان تبعه سى صفتيه قايتولا سيونلرك بخش ايلديكى معايفاتدن مستفيد
 اوله حق درجده جرأت كوستر مشلردى . اوزمان حساب ايدليكنه كوره
 تركياده يونانى اولديغى ادعا ايدن ۳۰۰,۰۰۰ كشيدين يوز اللى بيكي ممالك
 عثمانيه عثمانى آنا وبابادن تولد ايتشلردى ؛ يالكز درسعادته تبعه عثمانيه دن
 اولدقلىنى اثبات ايتك ضابطه جه ايشدن بيله اوليان ۲۱,۰۰۰ يونانى واردى .
 بو تفصيلات ، استقلال محاربه سندن بر سنه صكره ۷۵۰,۰۰۰ كشيدين
 عبارت اولان يونان قراللى نفوسنك (ايونيه) آطه لرنيك الحاقدن اول ،
 يعنى اوتوز سنهدن آز بر مدتده ۱,۰۵۶,۰۰۰ كشى يه بالغ اولسك اسبابى
 بك كوزل كوستر .

يونان تبعه سنك بو صورتله تكثيرى ، دهها طوغرىسى هر سنه مقدارى
 آرتقى اوزره بر چوق تبعه عثمانيه نك يونان تابعيته كچمى يالكز باب عالينك
 حقوق حكمرانيسنى اخلاص ايتكله قالميور ، بلكه جماعات غير مسلمه يي ده اضرار
 ايديبوردى ؛ چونكه روم جماعتى افرادندن بر چوغى يونان تابعيته كيردرك
 تبديل تابعيت ايتدكلرى و بناء عليه رسوم و تكاليفى تأديه ايتدكلرى حاله
 جماعت مذكوره عىنى مقدار ويركو ايله مكلف قاليوردى .

حكومت عثمانيه ، ۱۸۶۹ سنه سى اوائلنده - وشبهه سزكه يونانستانك
 اشتراك ايتديكى كريد وقايعنك تأثيريله - خريستان حكومتلرده تابعيت اموريه
 متعلق اولان قوانينك هيئت عموميه سنى قبول ايتكه قرار ويردى ؛ ۱۹ شباط
 تاريخيله يكي بر قانون نشر ايتدى ، كه باشليجه موادى شو صورتده خلاصه
 ايديله بيلير [*] :

« ۱ . — عثمانلى طور راغنده اجنبى اويىندن تولد ايدن ويا بش سنه يي

[*] ۶۳ ، ۶۴ نجى حيفيه به مراجعت .

[*] نيئولا ئيديس مجموعه سى ، برنجى باب ، ۷ نجى حيفيه . — ۲۶ مارت ۱۸۶۹

تاريخلى تحريات عموميه .

متجاوز بر مدت ممالك عثمانیه اقامت ایلین اجنبی سن رشده واصل اولدیغی زمان عثمانلی تابعیتی طلب وادعا ایده بیلیر .

« عثمانلی تبعه سی صفی بر مدت اقامتله مشروط اولمق سزین طرف پادشاهیدن بر اجنبی به بخش ایدیه بیلیر .

« ۲ . — تبعه عثمانیه دن بری تابعیت اجنبیه کیرمک ایچون اول امرده ب عالیدن استحصال رخصته مجبوردر .

« عثمانلی طور اغبده اقامت ایدن هر شخص ، تابعیت اجنبیه ده بولندیغی اثبات ایتدکجه ، عثمانلی عد اولنور . »

تابعیت عثمانیه حقدنه کی مواد ، قاپیتولاسیونلر احکامی نظر دفته آلنهرق دوچار اعتراض اوله بیلیردی ؛ چونکه ترکیساده تولد ویا اقامت ایدن اجنبی دائمی کندی مملکتک قانونه تابعدر ، بونک اقامتگاه حقیقی قونسولسوخانه سیدر ودائی صورتده مربوط قالمق اوزره مملکتی نظاماته باغلیدر . بوفکر بر آزالق (روسیه) طرفدن مدافعه ایدلدی ؛ فقط بر تابعیت اجنبیه کیرمک ایستین اشخاصدن طلب اولسان اوج ، بش ویا اون سنه مدت اقامتک حکومترلر طرفدن وضع ایدلش بر نوع تجربه مدتی اولوب بونی تنقیص ایتک حکومترلرک النده اولدیغی ، قاپیتولاسیونلر احکامنجه خارج از مملکت امتیازینه مالک اولانلره کلنجه ، بونلرکده ترکیا طرفدن کوستریلن مساعدتنن مستفید اولوب اولمامقده مختار بولندقاری نظر دفته آلنیرسه سالف الذکر فکر بحق مدافعه ایدیه مزدی .

تابعیت اجنبیه نک تصدیقنی بعض شرائطه تابع طومتق صورتیه تابعیت عثمانیه نک محافظه سنه متعلق اولان مواد کلنجه ؛ بونلر بالطبع علاقه داران طرفندن دوچار اعتراض اولدی . (روسیه) حکومتی کرک کندی نامه ، کرک روملرک حسابنه اوله رق ، باب عالینک اول امرده حکومات اجنبیه ایله بر ائتلاف حصوله کتیرمه دن بوکی مسائی حل وتسویه ایتک صلاحیتنه مالک اولدیغی ادعا ایتدی . بو صلاحیت تسلیم وتصدیق ایدلسه بیله یکی قانونک آنحق استقباله شمولی اوله بیله جکنی بیان ایتدی .

باب عالی هیچ اولمازسه روم تبعه سی ایچون حاضرلیدیغی سلاخی الندن قاجیر ماق ایچون ، قانونک ماقبلنه شمولی اولمادیغی اعلان و (روسیه)

قونسلسخانهلری طرفندن روس تبعهسى اولدقلری ادعا ايدیلن تبعه عثمانیهیه قارشى سکون واعتدال ایله حرکت ایدهجکنى وعد ایتدی . ممکن اولدیقى قدر بو سوزنى طوتدی ؛ روملر بيله تابعیت عثمانیه قانونی احکام شديدهسندن شکایت ایتدیلر . فقط ۱۸۷۱ سنهسنده ، مأمورین ضابطه نك تدقیق تابعیت مسئلهسنده - کویا اخذ ناز ایتک ایستیورمش کبی - پک شدتله حرکت ایتدیکی آکلاشیلدی .

الحاصل ، ترکیا ، ۱۸۴۱ و ۱۸۶۰ سنه لرنده اولدیقى کبی ، مدافعه مشروعیه حالنده ایدی . ۱۸۶۹ سنهسنده ، بعض قونسلسخانهلر طرفندن تسهیل ایدیلن حيله کارانه تبدیل تابعيته قارشى اتخاذ اولنان تدابیر ، نظامات سابقه احکامی کبی شدید دکلدی ؛ یکی تابعیت قانونی ملل متمدنه قوانیننه موافق بولنیور وقایتولاسیونلرک اجانبه تأمین ایلدیکی امتیازاتی اخلاص ایتوردی .





اوتنجی باب

سکزنجی رطقوزنجی بابلرک مابعدی . — مکتب سلطانی . — عالی یاسانک
وفاقی . — محمود یاسانک رباسی آئنده شکل ایرنه اوروریا علیربراری هبیت دکلا

حکومت عثمانیه، تدریسات عمومیہ اصلاحاتندہ (پارس) قاینہ سی طرفدن
تنظیم ایدیلن پروغرامی اساس اتخاذا ایشدی؛ ۱۸۷۰ سنہ سنہ قدر بو پروغرامہ
رعایتہ عزم ایش کی کورونیوردی .

(فرانسه) حکومتی ده بو باده اخطارات ونصایح خیرخواهادن کری
طورمیور وتجربه دیدہ فرانسر معلملرینک معاونتی دریع ایتیوردی . حکومت
عثمانیه ، (پارس) قاینہ سنک اولکی قدر عزم وثبات ایله کنیدیسی
تشویق ایتدیکنی کورنجه طریق اصلاحاتده طوردی ، کریله دی ؛ مکتب
سلطانینک دوام حیاتی تأسیسنہ اولک آباق اولان حکومت اجنیه نک مقدراتنه
مربوط ایش کی بونمونه مکتبی دخی دورہ انحطاطه داخل اولدی . حکومتک
معارف اصلاحاتی یاریده براقیمی یا ضعفندن ، یاخود مسلمانلرک تسلیمیت
متوکلانه لرینک الک ظاهر دلیلی اولان قیدسزلقدن نشأت ایدہ بیلردی . فقط
حقیقت حال بویله دکلدی .

بعض حکومتات صغیرہ شرقیه ، کندیلرینه پک چوق ایلیک ایش اولان
(فرانسه) یه قارنی ۱۸۷۰ محاربه سندن صکره بستیون بشقه بر مسالک اتخاذا
ایشلار ، «شجاعت قدیمہ سی تخطر ایله آغلایان آرسلان» حکایہ سی مندرجاتی
تنظیر ایدر کی بر وضعیت غریبه المشلردی [*] . دولت عثمانیه نک ده بونلر کی
حرکت ایتدیکنی سوبیلہ مم ، بالعکس ، اولجه دخی بیسان ایتدیکم وجهله ،

[*] رومانیا بو حکومتلردن خارچدر . چونکه فرانسرلر ، دائما رومانیا لیرک تشویقات
و محبت خیر خواهانه لرینی کورمشلردی .

باب عالی متفق و حامی، صادقی ایچون اظهار محبت و حرمتدن کری طورمدی؛ فقط فرانسزلرک شرفده کی موقعلرینه هر طرفدن واقع اولان هجوملر صره سنده بر مسلک انفراد اتخاذ ایده ییلمک ایچون لازم کلن قوتی کندیسنده بوله مدی . دیگر دولترلر کی اوده (فرانسه) نک شرفده کی میراثی تقسیم ایتمک ایستینلره قاریشدی ؛ حتی بر آردلق (پارس) قابینه سیله صمیمیت قدیمه سنی فرانسز دشمنلرینه عفو ایتدیرمک ایستیورمش کی حرکت ایتدی . اساساً ترکلر - جنرال (کییه مینو) نک ۱۸۲۷ سنه سنده سوبلدیکی کی - کندیلرینه ایراث ضرر ایده ییله جکلردن بشقه سنه اهمیت ویرمز لر .

۱۸۵۰ سنه سندن بری اردوی عثمانیک تعلیم و تربیه سنه مأمور اولان فرانسز هیئت عسکریه سی تبعید ایدلدی ؛ مکتب طیبه ده و درس عادتده موجود دیگر بعض مؤسسات علمیه ده لسان تدریس اولان فرانسزجه قالدیرلدی . مکتب سلطانی دخی ، آرتق ایقای وظیفه ده دقت و اهتمام غائله سندن قور تولمش اولان ، اداره نک تعرضاتندن مصون قالدی ؛ فرانسز مدیر ، دوچار اولدینی مشکلاته تحمل ایده ییه رک استعفا ایتدی . بونک یرینه بر روم مدیر تعیین ایدلدی ؛ ۱۸۷۱ سنه سنده طلبه موجوده سی (۴۷۱) ه تنزل ایدن مکتب ، مدیر جدیدک تعیین اوزرینه ۱۹۰ شاکرددها غائب ایلدی .

بالاآخره ، مکتب سلطانی ، استانبول جهتنده کلخانه یه نقل ایدلدی . شهره سزکه بومکتبی خرسه تیان محیطندن آیرمق و (فرانسه) حکومتک خاطره سنی ابدیاً سیلمک ایسته ییلوردی . مع مافیه مکتب موقع مستثناسی محافظه ایتدی ؛ مطلوب اولان ثمراتی - ولوکه نقصان بر صورتده اولسون - ویرمکده دوام ایلدی . یالکز (فرانسه) نک نقطه نظر نجبه مکتب سلطانیکنک متممی اولمق اوزره ولایاتده آچیلمسی لازم کلن مکاتب کشاد ایدلمدی . متصور اولان اصلاحات ، آنجق بونوع مکتبلرک تزیددی ، هر طرفده کشادی ایله ساحه حصوله حیقّه ییلردی ؛ نسل جدید ، عدداً کثیر اولمازسه - شرفیلرک تعبیری وجهه - دکزده بر قطره مشابه سنده قالدردی . ممالک اجنبیه ده تحصیل ایتمش ، اسکی محیط خارجنده یتشمش اولان ملکیه مأمورلریله ضابطان عسکریه نک مأمور اولدقلری محللرده شایان تقدیر بر خدمتلری اصلا کورلمه مشدی . بونلر ممالک عثمانیه کی واسع بر قطعه نک هر طرفه طایغیلمش

اولدقلری ایچون عادتاً غائب اولمشلر ، عادات قدیمه نك تحت تأثیر وتضیقنده قالمشلردی . ۱۸۵۴ سنه سنده آناطولی اردوسنه الحاق ایدلمش اولان کنج ضابطان ایچون جنرال (ویلیه مس) ك سویلدیكى سوزلر بالطبع قارئلرمزك خاطرنده در [۱] .

الحاصل ، يك آرز زمانده تركيانك احوال اجتماعیه سنه بیوك بر تأثیر اجرا ایدمچكى محقق اولان ودول غریبه نك نتیجه مداخله سی اوله رق وجوده كن مؤسسات ونظاماتك اك زیاده غرض وعوضدن عاری ودور اندیشه انه سی بولنان مكتب سلطانی ، ترقیده دوام ایستیكى بر صروده ، انحطاطه یوز طودی . (انكلكتره) سفیری سیر (هانزی بولور) يك مشهور اولان برنوطه سنده : « تركلر ، بوملكتمك رأس اداره سنده قالدیلیمك ایچون حكومت آدملرینه لزومی اولان اوصاف ومزایای حائز بولندقلری اثبات ایتملی وشمیدیكى موقعلرینه كوه نوب خواب غفلته طالماملیدرلر . » [۲] دیمشدی . ایشته ، تركلرك رأس اداره ده قالملرینی تأمین ایدمچك تدایردن بری اولمق اوزره در سعادته وولایاده مكاتب سلطانیه تأسیسی تصور ایدلمشدی . مكتب سلطانی ایله ولایاده کی امثالی ، فنون جدیدیه یی عنصر اسلام آره سنده تعمیم ایدرك مسلم وغیر مسلم تبعه آره سنده تحصیل وتربیه نقطه نظرندن موجود اولان مساواتسزلنی ازاله ویا هیچ اولمازسه تخفیف ایدمچك ، معناً تركلرك نفوذی آلتندن چیقمش ودها ایی تحصیل كورمش عناصرك زمان فتیحه اولدینی كبی جاهل ومستبد بر قومه تابع اولملری كبی تهلكه لی بر حاله نهایت ویره چكدی .

تركلر ، بو نقطه نظرندن تجده كال غیرت ایله چالیشه جق اولورلر سه هنوز كندی كندیلرینی اداره دن عاجز عد ایدیلن عناصر غیر مسلمه اوزرنده کی حقوق مكاتبه لرینی ویا هیچ اولمازسه حكم ونفوذلرینی تأییده موفق اولورلردی . واحتمال كه مرور زمان ایله حقوق مدنیه وسیاسیه ده مساوات سایه سنده مسلمانلر ایله خرسیتیانلر آره سنده اتحاد حصوله كلردی . ایشته (فرانسه) حكومتك تعقیب ایستیكى مقصد علوی بو ایدی . بوفكر ، بعضلرینك ادعاسی كبی غایت خیالی دخی اولسه ، (فرانسه) نك بونی ممكن كورمسی ، موقع تطبیقه قویمغه

[۱] ۱۱۱ نجی صحیفه به مراجعت .

[۲] ۱۴۶ نجی صحیفه به مراجعت .

چالیشمی و بو طریقده بر قاج خطوه ایلری به کیمسی کندیمی ایچون بر شرفدر [*].

تنظیات، ایکنجی بر فلاکته ده دوجار اوله حق ایدی. ترکیاده ایکی آدم ملکترینی طریق تجدد و ترقی به ادخاله حصر وجود ایشلر و خیلی زمان دوام ایدن مدت خدمتلرنده عینی مسلک خادمی ایکی دوست کی فکر آ و قلبسا بر برلندن آیرلامشردی. بونلردن فؤاد پاشا اولجه صحنه سیاستدن غائب اولمشدی؛ عالی پاشا دخی بر مدت صکره رفیقی تعقیباً وفات ایتدی و هیات که رفیقی کی عدم آبادنسیانه آتیلدی.

یوقاریده ذکر ایدلکی وجهله فؤاد پاشانک پادشاهه ویردکی بر نوع اولتیماتوم اوزرینه تشکیل ایدیلن متجانس هیئت وکلاده بعض تبدلات وقوعه کلشدی. عالی پاشا، رفیقنک وفاتندن صکره، کندی آمانه قولایجه تابع اولیلان ذواتی برر برر موقع اقتداردن اوزاقلاشدیرمش و بونلرک یرینه کندی یتیشدیرمه لرینی تعیین ایش، کافه اموری اله آمشدی. بونک ایچون ۱۸۷۱ سنه سی اواسطنه طوغری خسته لاق سبیلله رأس اداره دن چکیلنجه امور حکومت پک زیاده قاریشدی. رقیلر میدانی سربست بولدیلر. بونک اوزرینه بحران دخی باشلادی.

پادشاه، سراینده طفلانه اکلنجه لری، حیوانات وحشیه سی، ذوق و صفالری ایله مشغول، اوله رق سرای خارجنده جریان ایدن وقایعدن بیخبر اولقله برابر رجال حکومتی تعیین خصوصنده مستقلاً صاحب رأی ایدی. عجبا شمدی کیملری موقع اقتداره کتیره جکدی؟


دولتک احوال خارجه سی اصلاً امنیت بخش دکلدی. (غاشتاين) ملاقاتی الک جدی اندیشه لره میدان ویریوردی. ایمپراطور (ویلهم) ایله ایمپراطور (فرانسوا ژوزف) آره سنده کی مقارنت (پان ژرمانیزم) مسلکک یکی بر شوق و غیرت ایله توسیعنی انتاج ایتیمه جکمدی؟ عجبا بومقارنت (آلمانیا) ایله (روسیه) آره سنده ظهوری محتمل اولان اختلافه قارشیمی وقوعه

[*] بو فکرک خادمزلی میانه مکتب سلطانیکنک حقیق مؤسسلری اولان موسیو دو (موسییه)، (ویکتور دروئی)، دو (سالو) ی ادخال ایتک ایجاب ایدر.

کشدی؟ هر ايکي حالده (اوستريا - مجارستان) شر قده ، طونه اوزرنده ، دولت عثمانیه ضررينه اوله رق تلافی مافاته چالیشه جقدی .

(اوستريا - مجارستان) ك آمال حربجويانه بسلايدیكنی بيان ايدنلر، تأييد مدعا ایچون، (ويانه) قابينه سنك (بوسنه) ده وقوعه کتيرديكي تحريكاتی مثال کوسترييورلردی. واقعا (ويانه) قابينه سنك مساعيسي موفقيت بخش اولمامشدی؛ (اوستريا - مجارستان) - قونت دو (بوست) ك تعيیری وجهله - (بوسنه) ده ترك ژاندارمه سنه وكالت ايتمش، مسلمانلرك توجهنی قرانه مدیني كي خرستيان اهالي ي ده نمون ايدمه مشدی. فقط بعض دلائل واماراته نظرأ، دولت عثمانیه نك تمامی ملكيتك بوجهتدن تهلكيه معروض اولدينی آكلاشيلوردی. ايشته، مسائل خارجيه نك غايت نازك بولندينی برزمانده عالي پاشا وفات ايتدی. فؤاد پاشانك وفاتی مناسبيله اون دردنجي (لوی) نامنی ذكر ايتشم؛ بويوك حكمدار (راسين) ایچون پك زياده شدت کوسترمش اولقله برابر (قولبر) ك خبر وفاتی آلدینی زمان: «حكومتك اك بيوك آدمك نصايحندن محروم قالم». ديمشدی. سلطان عبدالعزیز ايسه، نفوذ واعتبارنی كندی اوزرنده بر باركران كي تلقی ايدن وزيرك غيوت ابدیه سندن خبردار اولنجه، كنيش بر نفس آلدی؛ هيچ بر تفتيشه، قونتروله تابع اولمدهن، آرزوسی وجهله اداره حكومتدن بشقه برشی دوشونمدي. صدر اعظم لاحق محمود پاشايه خطاباً تسطير ايلديكي خط هايونده قوانين ونظامات عثمانیه نك تعديلی صره سنده عادات وعنفات مليه نك نظر دفته آلمسی لازم كله جكنی اخطار ايتدی. بوفكر، حد ذاتنده معقول اولقله برابر، بر اثر ارتجاع كي تفسير ايديله بيليردی؛ چونكه خليفه، لايتغير اولان قواعد شرعيه حریفاً رعايت امر ايدیوردی.

صدر لاحق محمود پاشا واقعا سلفی عالي پاشانك سياست احرارانه سنه دوام ايدم جكنی بيان ايتشدی؛ فقط برمدت صكره سلفنك رفقای قديمه سندن برقانچی موقع اقتداردن اوزاقلاشيدردی ويرلرينه خرستيانلرجه امنيت بخش اولميان ذواتی كتيردی. اداره جديده، اجنبيلره خصومت کوسترمكه باشلادی وعنصر اسلامك استقلال داخلينی اعاده مقصديه اتخاذا ايديلن مسلكی تعقيب ايتدی.



اون برنجی باب

سکرنجی، طقوزنجی رارنجی بابلرک مابیری . — (روسیه) د (انکاره) ،
باب عالینک مختاریت یوانیقده سی . — اتحاد اسلام .

دول معظمه نك مسلکری ، حکومت عثمانیه نك (فرانسه — آلمانیا)
محاربه سندن بالاستفاده مستشار رسمی و حاکم خفی نظریله باقدینی اجنبیلردن
قورتولدیغی کوندن بری تعقیب ایلدیکی اتحاد سیاستنه بك مساعدایدی .

(روسیه) حکومتی ، قره دکزده حق حاکمیتی تحدید ایدن قیوداتی
رفعه موفق اولدیغی صرهدده باب عالی به : « سربستی حرکاتی استردادایدیورم ،
فقط سزدهده حقوقکزی ایستدیککز کی استعمال صلاحیتی ویریورم . »
دیمشدی . (پترسبورغ) قاینه سی رقبینه استعمال حقوق صلاحیتی ویردیکی
سوییکله کنیسی برقات دها نفوذی آلتنه آلیور ، دولت عثمانیه حقده
غایت خیر خواه کورونیور [*] ، شرقده کی سیاست معتاده سی یکیدن موقع
تطبیقه وضع ایدیوردی . (پارس) معاهده نامه سنک عقدی تاریخندن بری
دول غربیه نك ترکیا امور داخلیه سنه یانفرداً ، یاخود مجتمعاً مداخله لرخی
مذکور معاهده نامه احکامنه مغایر کوریور و بو مداخلاتی لدی الایجاب
امثال سابقه کی کوسترمک نیتنده بولنیوردی . ۱۸۵۶ قونفرم سنده تخیل ایدیلن
« تأمینات مشترکه » اصولی (روسیه) علیهنده بر تدبیر کی تلقی ایدیور ،
بونک دیپلوماسی اصطلاحاتی میانندن چیقارلمسی ایستیوردی . بو بایده هم

[*] پرنس (غورچاقوف) ، ۱۷۷۰ سنه سی ایلولنده ، (روسیه) ایله ترکیا آرمه سنده کی
مناسباتک هر زماندن زیاده دوستانه اولدیغی (اوستریا) باش وکیل قونت دو (پوست) .
تبلیغ ایتشدی .

تعرض ، هم مدافعه ايجون ايجابايدن وسايطدن محروم دكلدى . اورتودوقس مذهبي پك قديم زمانلردن برى (روسيه) نك آمالنه اك قوتلى بر معاون خدمتى كورمىش ، روسيه (چار) لرى كوچك قاينارجه معاھدە نامەسندن برى مشاركت مذهبيه سايهسندە خرستيان تبعه عثمانيه نك قسم اعظمى كندىلرينه جلبه موفى اولمشلردى . (روسيه) حكومتى تبعه غير مسلمەينى حمايه ايتك حقتك كندىسنە منحصر قالمىغىن واصليك اسكى نفوذ واهميتى غائب ايتدىكى كورنجه يكي بر واسطه بولدى ، « ملت » قاعدەسى الە آلدى ، كوشه نسيانە آتش اولان « اسلاو » عرقك آنجى بو قاعدە سايهسندە نائل حيات اولەجغى ادعايه باشلادى . بونك اوزرينه « اسلاو ملتى » فكرى بردنبره پارلادى ، پك آز زمانده بالقان شبة جزيرەسندە بو فكرە طرفدار اولانلر چوغالدى [۱] .

ايشته تاريخ تنظيماتك بو دورەسندە (پاناسلاويزم) فكرى بو ايكنچى ماسكه ايله ميدانە چيقدى . بو ماسكه صوكنچى دكلدى ، چونكه بر مدت صكرە (روسيه) نك انسانيت نامە تعقيب آمال ايلدىكى كورەجكز [۲] .

دول غربيه ۱۸۷۱ محاربه سيله مشغول ايكن (روسيه) حكومتك روملك كرید عصيانە اشتراكلىن آقيشلادىغى ، قرە طاغى تسليخ ، صربستانە تزويرانە ابتدار ، رومانيساده بلغار چتەلرينك تشكلنى تسهيل ، چركس مهاجرلرى واسطه سيله آناطوليدە آساشى تهديد ، ايران ايله دولت عثمانيه آرەسندە اختلاف

[۱] بوزمانە قدر (روسيه) حكومتى (أوروبا) ده بولان ديكىر (اسلاو) اقواميله عىنى عرفە منسوب اولمقدن استفادە ايتكە تشبث ايله مشدى . ۱۷۸۶ و ۱۸۰۷ سنەلرندە (بوسنە) اسلاولرىنى (اوستريا) يە ترك ايتمشدى . ۱۸۴۹ تاريخندە وطن مشترك قبولرينك كندىلرينە آچىلامەنى طلب ابدن غالىپچايليرە يوز ورمە مشدى .

[۲] ايمپراطور (آلەكساندر) ، ۱۰ كالون اول ۱۸۷۶ تاريخندە ، خرستيان تبعه عثمانيه نك عصيانلردن بحث ايدر كىن موسيو (نيفرا) يە شو سوزلرى سويلشدى : « بو ، اسلاو اق مسئلهسى دكل ، انسانيت مسئلهسىدور . »

ينه ۱۸۷۶ سنەسندە درسەمات قونفرانسندە (روسيه) مرختى ، متبوعنك سوزلرىنى تفصيل وايضاح ايدىيورەش كى شو صورته اداره كلام ايتمشدى : « حكومت متبوعەم ، دول عىوبە مرخصلرينك تاريخ عالم وانسانيت اوكنندە قبول ايتدىكلىرى مسئوليت عظيمەينى نظر دفتدن دور طومئەجقلىرىنى اميد ايدر . »

[درسەمات قونفرانسك مدىجى مذاكرات ضبطنامەسى] .

احداث ایتدیکی ، الحاصل یونان حدودندن بصره کورفرینه قدر هر طرفه ترکیائی اشغال ایده جک مسائل چیقارمقدن خالی قالدینی کوریلوردی .

کرید مسئله سنک حلدن صکره براز سکون حاصل اولمشدی . فقط (روسیه) نك شرق سیاست متجاوزانه سی آنحق قاعده احتیاطه ، یاخود غایت ماهرانه حساباته مستند فاصله لره اوغرار ، موقتاً کسب سکون ایدر . یوقسه بو سیاست دیکشمز ، ایر کچ بجرای تاریخینه عودت ایلر ، مقصده طوغری یوریمکه باشلار . بوندن صکره ترکیاده ظهور ایده جک انواع غوائل ومشکلات هپ ۱۸۷۷ محاربه سنک مقدماتی حکمنده تلقی ایدلملیدر .

(انکلتزه) حکومتی دخی ترکلرک آرزوی تحکمنی تشویق ایدیور کبی کورونمکنده ایدی . (فرانسه) نك انحطاط مادیسندن معناً متضرر اولان بو حکومت (روسیه) نك آمالی اوکنده سرفرویه مجبور اولمش ، پادشاهه (پارس) معاهده نامه سی احکامندن آرتق قورتولمش نظریله باقیوردی . باب عالی (انکلتزه) خارجیه نظارتندن طلب ایتدیکی اوافق تفک شیلرک هپسنی استحصال ایدیوردی ؛ ولایات والیلری انکلز قونسلوسلرینه سوء معامله یه بیله باشلامشلردی . ۱۸۵۵ ده دولت عثمانیه یی مدافعه ایچون سلاحه صاریلان ، تنظیماتی اک زیاده مدافعه ایدن (انکلتزه) هر طرفه و هر مسئله ده (روسیه) نك قارشیسندن چکیلیوردی .

(اوستریا - مجارستان) جریان احواله نکران ، وقت مرهونه منتظر ایدی . باب عالی نك ، دول معظمه طرفندن یالکنز باشنه ترک ایدیلنجه ، پک چوق زماندن بری غائب ایتدیکی نفوذ وتحکمی الده ایتمکه تشبث ایتلمسینه حیرت ایدلر . ممالک عثمانیه نك کافه اقسامنده وحدت سیاسیه و اداره یی تأسیسه خادام اوله جق مرکزیت اداره خولیاسی ده شمولی ، ده واسع بر خیالی ، (بان . اسلاوئزم) ویا (بان ژرمانئزم) فکر لرینی کریده براقه جق بر فکری میدانده چیقاردی . استانبولده اتحاد اسلام ، یعنی کافه اقوام اسلامیه نك عثمانیلرک حکمدار جسمانیسی اولان پادشاهک حاکم اولدینی صفت خلافت اطرافنده براشمسی خولیاسی هرکی اشغال ایدیوردی .

مطبوعات محلیه ده پک زیاده رواج بولان بو فکر غریب ، بر مدت صکره بر مسالک مخصوص شکلنی آلدی . فقط ماهیت حقیقیه سی لایقیله آکلاشیله مدی .

عجبا مقصد ، مذاہب مختلفہ اسلامیہ بی برلشدیرہ جک بر اتحاد مذہبی می ایدی؟
 بو حالہ عالم اسلامیتده موجود اولان یحد وحساب مذاہب مختلفہ بی توحیدہ
 قالقیشمق اثر جنت دکلیدی؟ یا لکنز ترکیاہ حصر نظرایدروسنیلرک خصم بی امانی
 اولان شیعلری [۱] خارج براقیرایسه ک حنفی ، شافعی ، مالکی وحنبل [۲] کی
 درت مذهب اربابی کوریرز ، که بونلر آره سنده کی ضدیت وخصومت ممالک
 عثمانیهده بولان مختلف خرسیتان مذہبلری میانده کی خصومتک عینی ایدی .
 اون ایکی عصر قدر بر برلندن آیری یشایان مذاہب مختلفہ اربانه قرآن وحدیثک
 عینی صورتله تفسیرینی قبول ایتدیرہ جک بر قوت تصور اولنه بیلیرمیدی ؟
 اگر اتحاد اسلامدن مقصد بتون مسلمانلری پادشاهان عثمانیانک زیر
 حکومتده جمع ایتک ایسه ، بویله بر فکر هانکی واسطه ایله موقع تطبیقه
 قونه جق و (فرانسه) نک اداره سنده کی جزایر ، (روسیه) نک اداره سنده کی آسیای
 وسطی ، (انگلتره) نک اداره سنده کی هندستان مسلمانلری [۳] نه صورتله
 پادشاهه تابع اوله جقلر ایدی ؟

ماهیت حقیقه سی نه اولورسه اولسون ، بو خیال ، بین الاسلام حسیات
 واحتراسات دینه بی اوقشامقدن خالی قالیور ، اجانبه خصومت فکرینی ترویج
 واتسهیل ایدیوردی [۴] . حکومات عیسویه دن آلمش عادات وقوانین علیهنده
 برجریان افکار حصوله کتیریور وبوصورتله مدنیت جدیده نامنه الده ایدلمش بر
 قاچ موفقیتی ده تهلکه یه دوشوریوردی . دهآ آچیق سویله لم : حکومتک افکار
 دینه دن آزاده قالمسی اساسی - که بو تأمین ایدلمدکجه تجدد واصلاحات ممکن
 اولمازدی - رد ایدیوردی . الحاصل ترکلر ، پادشاهک صفت خلافتی صفت
 حکمداریسنک لازم غیر مفارقی عد ایتک فکرینی یکیدن قبول ایدرک اولجه
 قطع ایتدکلری طریق تجددده کری یه دونیورلردی .

[۱] شیعلر ایله سنیلرک آیرلی دین اسلامده کوریلن ایلک تفرقه در .
 [۲] اساسده متحد اولان بودرت مذهب تفرعاندہ ، مراسم دینهده بربرلندن
 آیریلرلر . عثمانیلر حنفی مذہبنده درلر . مصر عربلرینک قسم اعظمی شافعیدر . جزایر لیلر ،
 طرابلسیلر ، تونسیلر ، مالکیدرلر . حنبلیلر ایسه غایت طاغنیقدرلر .
 [۳] ۱۸۷۱ سنه سنده بغداد جریده رسمیہ سی پادشاهک بالجله عربان عاصیه نک
 حکمدار مشروعی اولدیفنی یازمشدی

[۴] ماوی کتاب . ۱۸۷۷ ، ۱۶ نجی نسخه ، صحیفه : ۱۱۰



اون ایکنجی باب

محمود و مدحت پاشا آره سنده کی رقابت . — حکومتك فرار سز نفی . —
قانونه مدنی . — ارقانك فرورضی .

محمود پاشا اداره حکومتده محافظه کارلغك و بالخاصه — عالی پاشانك وفاتندن .
بری بلاقید و شرط حکمفرما اولمغه پاشالایان — استبداد پادشاهینك تمثال مشخصی
ایدی . محمود پاشا ایله ترقی طرفدارلری آره سنده موجود اولان رقابت خفیه
بر کون کلوب مطلقا میدان چیه جقدی ؛ چونکه سلطان عبدالعزیزك اصلا
ترك ایتدیکی بر فکرینی موقع تطبیقه قویمق، یعنی اصول ورائنك تبدیلی تأمین
ایتك ایچون مقام صدارته چیقاردینی بو اقتدار سز پاشا امن و اعتمادامه نی کوندن
کونه غائب ایدیوردی .

خاطر لرده اولسه کر کدر که رشید پاشا ۱۸۴۱ سنه سنده انفصالی متعاقب
خدمت سفارت ایله (اوروپا) کیتدیکی زمان حکومتك سیاست روزمره سنه
متعلق کافه حادثاتی محرملری واسطه سیله خبر آلمش و دولتك پك مشکل بر
موقعده قالدیغنی آ کلا بجه در سعاده عودتی طلب ایتش و عادتا پادشاهی کنیدیسی .
موقع اقتداره کتیرمکه مجبور ایلشدی .

۱۸۷۲ ده بغداده کوندریلن مدحت پاشا دخی ، سلطان عبدالحمیدك
صدر اعظمی کبی ، بغیر حق مرکز سلطنتدن تبعید ایدلمشدی ؛ پای تخته کی
رقیب لرینك حرکاته ، افکار و حسیات عمومیه نك مختلف جریانلرینه ، اجاسی
سایه سنده ، واقف اولیوردی . نهایت ، رشید پاشانك اصوله مراجعت ایتدی
وعینی صورته نائل مقصد اولدی . محمود پاشا ، بغداددن کلکده اولان مدحت
پاشایی ، یاری یولده براقق ، آقره دن بری به کچیر تمه مك ایستدی . فقط موفق
اوله مدی . مدحت پاشا ، اصراری اوزرینه ، حضور شاهانه یه قبول ایدلدی .

وبر آز صکره مقام صدارته کجدی . مدحت پاشانک صدر اعظم اولسی تیاروده صحنه نك دیکشمسی قدر غیر منتظر بر حال ، ناکهانی بر تبدلایدی؛ بونک ماهیت واهمیتی تقدیر ایتین یوق ایدی . تاریخ اصلاحات بوکی تبدلاتی پک چون کورمشدی . شمذیلک فکر اصلاحات غلبه ایتش کبی کورونیوری . بر قاج آی اوله ارجاع نظر ایدلدیکی زمان اینانلیه جق درجه ده غریب عد اولنه بیلن بر حال نظر دقتی جلب ایتشدی : خلق ، فکر تنظیماتک نهایت غلبه ایتسندن طولای اظهار ممنونیت ایدیوردی . بالخاصه ، اهالی غیرمسلمه آره سنده ، یکی ترکیای اصلاحات داخله سنه اک زیاده معاونت ایدن دول معظمه یه یاقلاشدره رق دوات عثمانیه یه ممتاز بر موقع تأمین ایده جک کبی کورینن وزیر ایچون فوق العاده محبت کوستریوردی . فرانسرلرک مغلوبیتندن صکره یوانی شاشیرمش اولان حکومت عثمانیه نكینه طریق ترقیه داخل اولدینی و(فرانسه) نك دست معاونتنی آرایه رق اولکسندن زیاده حسن نیتله بواله صاریله جفی ظن ایدلمکده ایدی .

هیات ! بو ظن بر خیال ایدی ؛ قایتوله چیقان ذات بر آز صکره (تاریه شین) قیالغنک پک یاقین اولدینی کوره جکدی . مدحت پاشا ، درسعاده عودتندن اوچ هفته صکره ، بین الخلق حائر اولدینی شهرت واعتبارک پک چابوق زائل اولدینی کوردی ، مقام صدارتدن دوشندی ، یرینه موقت بر صدراعظم اولدیغنه شبهه ایدلین بر وزیر کجدی ؛ محمود پاشانک مأموریت سابقه سنه عودت ایده جکنه شبهه قلمدی .

مع مافیه محمود پاشا ، (روسیه) و (آلمانیا) نك تأثیریه سقوط ایتدیکی ادعا اولنان مدحت پاشانک انفصالندن استفاده ایتک ایسته مدی . ذاتاً مدحت پاشا دخی پک آز مدت صکره یکیدن نائل توجه اوله رق عدلیه نظارتنه تعیین ایدلدی . بعده اسباب موجه سی وماهیتی لایقیله آکلاشیله میان دها بعض تبدلات وقوعه کلدی . رجال حکومت عد ایدیله بیله جک نه قدر آدم وارایسه برر برر باب عالیدن کجدیله ؛ بو تبدلاتدن ولایتلر ، حتی سرای هایون بیله مصون قلمدی [۱۸] .

[۱۸] اوزمان بایلان برحسابه نظرآ عالی پاشانک وفاتندن بری وسطی اوله رق هرولایتده اوج دفعه والی دیکشمشدی .

سلطان عبدالعزیزك غرائب احوالی جنت درجه‌سنة واریئوردی ؛ حتی حكومتك بر هیئت وصایت واسطه‌سیله اداره‌سی لزومی بیله موضوع بحث اولیوردی . روس مطبوعات ، آقندی‌یه قاپیلشش دومنسز برکمی کبی حرکت ایدن دولت عثمانیه‌نك اجرا آتی کمال دقتله تعقیب ایدیورلر و ترکیانك محو اولمق اوژره بولندیغنی ، شمده‌یه قدر کندی غائبه‌لریله مشغول اولان دول غریبه‌نك آرتق شرق مسئله‌سیله اشتغاله مجبور اوله‌جقارینی بیان ایلورلردی . هیچ بر قانون و نظامه تابع اولمیان استبداد اداره‌نك تولید ایلدیکی قاریشقلق ، سبب اولدیغنی تبدلات آره‌سنده بالطبع تنظیمات مسئله‌سی بر طرفه راقلمشدی .

۱۸۷۳ و ۱۸۷۴ سنه‌لری وقایعه‌دائر موجود اولان نوطه‌لرمی کوزدن کچریدیکم صرده تاریخ اصلاحاته متعلق آنجق ایکی نقطه بوله‌بیلورم :

اصلاحات فکری اسکی قوتنی غائب ایتش ، حیات حكومت معطل کبی قالمش اولمقله برابر دوائر مرکزیه اقلامی ایشدن خالی قالمیور ، نسبه فائده‌لی وشیان تقدیر بعض اجراءات ایله مشغول اولیوردی .

ایشته بویله بر صرده ترکیانك ایلک قانون مدنیسی تنظیم ایلدی . مجلس احکام عدلیه‌نك تشکیلندن بحث ایدرکن محاکم نظامیه‌یه مخصوص بر قانون مدنی تنظیمی ایچون بر قومیسون شکل ایتدیکنی سولشدم . قوانین عثمانیه‌نك هیئت عمومیه‌سنی احتیاجات جدیده ایله متناسب برحاله قویمق ، یعنی احوال حاضره اجتماعیه‌یه موافق کلین احکام قدیمه شرعیه‌نك نواقصنی اکمال ایتمک‌ک مهم بر مسئله ایدی .

اول امرده ۱۸۴۰ تاریخی قانون جزا تنظیم ایلدی [۱] . بعده مناسبات تجاریه توسع ایتش اولدیغندن افلاس ، بولیچه کبی احکام شرعیه‌ده موضوع بحث اولمیان معاملات ایچون یکی بر قانونه احتیاج حس اولندی و اوتندن بری ممالک شرعیه‌ده مرعی‌الاجرا اولان فرانسز تجارت قانونندن مقتبس ۱۸۵۰ قانون تجارتی تنظیم قلندی .

بوندن صکره ، اکمال ایدلمسی لازم مهم بر نقصان قالیوردی . قانون مدنی

مقامه قائم اولان شی تنظیمات دورینک مختلف زمانلرنده نشر ایدیلن قوانین و نظاماتدن عبارتدی ؛ اونه دن بریدن طویلامش اولان قوانین و نظامات مذکوره قاریشیق اولدیغی نسبتده احتیاجه غیر کافی اولدیغندن اکثریا احکام شرعیه و بالخاصه احکام شرعیه نك معاملات عمومیه قسمنه مراجعت مجبوری حاصل اولوردی . عثمانلی حقوقشناسلرینك افادسینه نظرأ شریعت ، اوילה بر بحر بیکراندرکه قعر نایابنده بولنان جواهر حکمتی طویلامق ایچون پک بیوک غیرتله ، فدا کارقلر اختیاری لازم ایدی [*] .

بناءً علیه محاکم نظامیه ده بولسان حکامک هم قوانین جدیدیه ، هم ده استخراج احکام خصوصی پک اوزون برتحصیله متوقف اولان قواعد شرعیه و واقف اولملری ایجاب ایدیوردی . حال بوکه حکامک انتخاب صورتیه تعیینی و غیر مسلملرک دخی صنف حکامه قبوللری تقرر ایتش اولدیغندن بتون حاکم لردن بو درجه وقوف و معلومات ایستیه مزدی . بونک ایچون محاکم نظامیه ریاستلرینك قوانین قدیمه و جدیدیه واقف اولدقلری بیان ایدیلن قاضیلر ویرلمی اصول اتخاذ ایدلمشدی . دعاوینک محاکم نظامیه و شرعیه دن هانکیسنه عاقد اولدیغنی قاضیلر تعیین ایدیورلردی . قاضیلر دعوالره ایستدکلری شکل و ماهیتی ویردکلردن بو اصول محاذیر و خیمه نی داعی ایدی .

دیگر طرفدن قانون تجارتک تطبیق ، قانون مذکوره تعلق ایتمین برحقوق مسائلک تحدشه سبب اولدیغندن برقانون مدنی تنظیمی احتیاجی کوندن کونه ده ا زیاده شدله حس ایدلمکده ایدی . مسائل مذکوره یه (اوروپا) قواعد حقوقیه سنی ، فلان ویا فلان مملکت قانونی تطبیق ایتک خلاف اصول اولدقندن بشقه مقصدی تأمین ایده مزدی ، بونلری محاکم شرعیه یه تودیع ایتکه کلنجه ، محاکم مذکوره بالضبع اساس دعوائی رؤیته قالدیشه حق و بو خالد تجارت محکمه لرینك اصول محاکمندن بسبتون بشقه بر اصول تعقیب ایده جکدی .

ایشته بو جهتلری نظر دفته آلان عدلیه ناظری ، دیوان احکام عدلیه و شورای دولت اعضاسندن بعضولری ده داخل اولق اوزره بر هیئت مخصوصه

[*] شریعت ؛ قرآن ، سنت ، اجماع امت ، قیاسه . مستنددر . (ملتها) نامنده کی کتاب مشهور دینه ، سیاسته ، عیالکده ، جزایه ، حقوقه ، تجارتیه ، صیده و سائریه متعلق احکام شرعیه نی جم ایتددر .

طرفندن تحریر و تنظیم ایدین و زمانمزدہ اک مستعمل واک لازم معاملاتہ تعلق ایدن مجله‌نک سکنز کتابی ۱۸۷۲ سنه‌سی اواخرنده پادشاهک نظر تصدیقه عرض ایتدی [۱].

هردرلو مدح و ستایشه لایق اولان بوجله‌نک باش طرفنده احکام عمومیہ اجمال ایدلمش اولدینی کی هرکتابک قسم اولنده اوکتابه عاڈ اصطلاحات شرعیہ ایضاح ایدلدکن صکره فتاوانن اقتباس اولنان مذالار ایله ایضاحات لازمه ویرلمشدر .

مجله هیئتندن بشقه اوله‌رق تشکیک ایدن ایکی قومیسیندن بری قانون اراضینک تعدیل ، دیکری مجلس تجارت و زراعتک تشکیلی ایله اشتغال ایدیوردی . بویکینچی مسئله‌نک موضوع بخمنزه تعلق پک آز اولدیغندن یالکزر برنجیسی حقنده اجمالاً بعض معلومات ویره‌جکم :

ممالک عثمانیه‌ده مقیم اجانبه املاک صاحبی اولمق حق ویرن ۱۸۶۸ پروتوقولی همان همان حکمیز قالمشدی . فی‌الحقیقه بوندن یالکزر تبعه اسلامیہ نامنه تصرف سنداتی حامل اولان اجنیلر استفاده ایدرک سندلرینی کندی ناملرینه تبدیل ایتمشدری [۲].

بناءً علیه حکومت ممالک اجنبیه‌دن سرمایه جلبنه و زراعتک ترقیسنه خدمت ایده‌جکی ظن اولنان بوتدیردن پک آز استفاده ایتمشدی . ذاتاً اجنیلره حق تصرف بخش ایدلمسی ، (فرانسه) حکومتک ۱۸۶۷ سنه‌سنده تکلیف ایتدیکی اصلاحات پروغرامنک اک اهمیتیز بر نقطه‌سی ایدی . هرشیدن اول ، اسکی بر قانون احکامنجه اراضیه متعلق بر چوق حقوقدن محروم قالان یرنی زراعتک احوالی اصلاح ایتک لازمدی [۳].

اراضی قانونی موجبنجه اراضی امیریہ و موقوفه صاحبیلرینک عادی بر مستأجردن بشقه برشی اولمدقلرینی یوقاریده سولشمدم [۴]. حال بوکه عثمانلی

[۱] بوسکنز کتاب بیع ، اجاره ، کنفالت ، حواله ، رهن ، امانات ، هبه ، غصب معاملاتنه متعلقدر .

[۲] ۲۹ حزیران ۱۸۷۰ تاریخی تحریرات عمومیہ نظارتناهی .

[۳] نيقولايدیس مجموعه‌سی ، برنجی باب ، محیفه ۵۰ ، اراضی قانونی .

[۴] ۱۷۷ نجی محیفه به مراجعت .

طوبراغنك اوچ ربی اراضی امیریہ وموقوفہ دن مرکدر. بو اراضی صاحببری آتجق حق استفاعه مالکدرلر؛ نه بنا انشا، نه تفجیر صورتیه اصلاح، نه ده اراضی مزروعیه تبدیل ایده بیلرلر. چایلرلر ده زراعت ایتمک، آغاج غرس ایلمک ویا باغ یتیشدیرمک، طوبراغی طوغله وکره مید یایمق ایچون قوللانمق، الحاصل اراضینک سطحی، منظره سنی هر هانکی بر صورتله دکیشدیرمک ممنوعدر [۱].

درساعات غزتلرلرندن بری حق تصرف نه قدر فنا اولدیغی آکلاتمق ایچون ولایات عثمانیه دن برینک بردن بره ضبط وحکومتدن تفریق ایدلدیکنی تصور ایتدکن صکره دیمشدی که: «بو ولایتی ضبط ایدن، هان حکومت مقامنه قائم اولورسه مملکتدن چیقارمق ایستدیکی اهاالینک یدنده بولنان اراضی امیرییه حقوق تصرفیه حقنده کی قوانین موجبجه بحق وضع ید ایده بیلر.» حکومت حق تصرفی معقول برشکله قویمق لزومی پک چوق دفعه لر حس ایتمش واراضینک سربستی استعمال وانتقالی نه قدر تمهیل ایدرسه خزینة دولتک اودرجه مستفید اوله جغی آکلامشدی. مالیه نقطه نظرندن فراغ وانتقال خرچلرینک طابو حاصلات جزئییه سی یینه قائم اولمندن بیوک فائده لر حصوله کله جکی [۲]، املاک واراضینک ترهینی ایچون اینی بر قانون تنظیم ایدیلرسه قره دی فونسییه تأسیسی وکوچک چیقتجیلرک مرابجه جیلر النندن تخلیصی ممکن اوله جی، مهاجرت حقنده کی موانع وقیودات الغا ایدلدیکی تقدیرده دخی خارجدن کله جک مهاجرلرک توسیع زراعتیه وتزید واردات دولته پک زیاده یاردم ایده جکلری آشکار ایدی.

فقط باب عالی بوقدر اساسی تبدلاتی یاپه بیلیمک ایچون مهم بر مانعینی برطرف ایتمک مجبوریتنده ایدی. کرک اراضی موقوفه، کرک اراضی امیرییه، اول امرده بالجمله علاقهدارانک ضرر وزیانی تضمین ایدلمکجه، ملکه تحویل اولنه مازدی. برده اوقافی ملکه تحویل ایتمک احکام شرعیه یه موافقیمدر؟

[۱] براق سنه اول اوستریا ومجارستانک حدود عسکریه دنیلن ولایاتنده بوکا بکزر قیودات موجود ایدی [ره وود وودوموندک ۲ تشرین ثانی ۱۸۹۹ تاریخی نسخه سنه مراجعت].

[۲] ۱۷۹ نجی صحیفه یه مراجعت.

موافق اولسه بیله تبعه مسالمنك خوشنه کیدرمیدی؟ واقعا ۱۸۶۷ قانونی [۱] حق انتقالی یدنجی درجهیه قدر توسیع ایدیوردی؛ فقط عشریرینه یوزده اون بش نسبتده برورکو اقامه ایتدیکندن علاقه داران بوندن استفاده جهته یناشمورلردی. هر نه ایسه؛ باب عالی، ۱۸۷۳ سنه سنده، شمدیه قدر بر چوق پروژه لرده لزوم کوسترلیدیکی حالده اراده سنیهیه اقتران ایدمین، اوقافک ملکه تحویلی مسئله سنده قرار قطعی اتخاذ ایتدی. بو دفعه اراده سنیه صادر اولدیغندن، پروژه، قانون شکلی آلدی. فقط قطعیت کسب ایدن بو تدبیر موقع اجرایه وضع اولنه بیله جکمیدی؟ بویه بر تشبث وقته وبالخاصه - تماماً مفقود اولان - سه مالیهیه محتاجدی. واردات خزینیهی تزیید ایتک مقصدیهله اتخاذ ایدلیدیکی حالده موقع تطبیقه قونمسی خزینهنك موقت فداکارانی ایله ممکن اوله بیلیردی، بویه بر فداکارلق اختیاری ایسه امکان خارجنده کبی کورونیوردی. الحاصل بر چوق اصلاحاته مانع اولان بو حال حقوق تصرفیهی دخی تأمین واصلاحه مانع تشکیل ایدیوردی.

اوزمان، حکومت عثمانیه مملکتک احوال اقتصادیه سنندن، بر چوق ولایاتده حکمفرما اولان اغتشاشاتدن، رشید پاشا قاینه سنک دیپلوماسی عالنده کی موفقیتمیز لکلرندن [۲]، الحاصل (اوروپا) نفوذینه قارشى هروقتکندن زیاده خصومت کوسترن «کنج ترکیا» نك تحریکاتندن متولد غوائل ومشکلات آره سنده شاشیرمش قالمش، عادتا ساقه یأس ونومیدی ایله حس مسئولیتی اونوتمش ایدی. هیچ بر مسئله ده شوق وغرت، فکر تعقیب، انتظام واطراد کوسترمیه رك عجز تام ایچنده بولنیور؛ «خسته آدم» کوندن کونه قوتدن دوشیوردی. عالی پاشانك صوك سنه لرنده کی فعالیت فوق العاده یی تعقیب ایدن بو ضعف ووهن معنوی ایله حکومت دوام ایده بیلیرمیدی؟ موسقوف افکار وحسیاتی ترویج ایدنلرک جمله سی بر آغزندن «دوام ایده مز!» دییورلردی؛ بو تفال مشنوم، هر کون پادشاه ایله مشاورلرینك قولاق لرنده برصدای هاتفی کبی طنین انداز اولیوردی. بر مدت صکره، کشف استقباله چالیشانلرک ادعالری طوغری اولدیغی آکلاشیلیدی.

[۱] ۱۸۰ نجی حمیمهیه مراجعت.

[۲] بالخاصه بالقانده (غرادیسقا) اغتشاشاتی مسئله سنده.



اون اوچنچی باب

بلغارستانه احوالی

برنس (غورچاقوف) ، نسل حاضره بردرس عبرت تشکیل ایدن نوطه لرندن برنده دیسوردی که : « دیپلوماسی عالمی ، هیچ بر زمان ، ۱۸۷۵ سنه سنده اولدینی قدر مسائل شرقیه ایله مشغول اولمامشدر . هیچ بر زمان ، اوروپانک راحتتی ، منافعی ، امنیتی محافظه ایچون شمديکی قدر اتحاد افکاره احتیاج حس ایدله مشدر . » [۱] . بو سوزلره علاوه دنیله بیلیرکه : هیچ بر زمان (اوروپا) ، حضور وراحتتی تهدید ایدن حکومتی ، یعنی (روسیه) یی آمال حربجویانه سندن واز کچیرتمک ایچون بو قدر اوغراشمامشدر .

قارئلرمنز (بوسنه) و (هرسک) ولایتلرینک احوال اجتماعیه و اقتصادیه - سندن بحث ایدن باب [۲] ارجاع نظر ایدرلرسه بالقان شبه جزیره سنک حوالی مرکزیه سنه سرایت ایدرک ۱۸۷۷ محاربه سنک ظهورینی و دولت عثمانیه نك قسماً مقاسمه سنی انتاج ایدن عصیانک اسباب اصلیه سنی قولایجه کشف ایده بیلیرلر . مع مافییه سالف الذکر ایکی ولایت حقننده کی تفصیلات مجمله ، شرق (اسلاو) عالمنک مقدراتی مسئله سنه میدان ویرن وقایع مهمه ایچون کافی بر مقدمه خدمتتی کوره منز . بلغارستان ، (روسیه) نك ائنده بو مسئله نك ائک مهم عامللرندن بری اولمشدر . ذاتاً ۱۸۶۰ الی ۱۸۷۰ سنه لرنده کی اختلافات مذهبییه حقننده ویریلن تفصیلات ، بلغارستانک ایرکچ بویه بر وظیفه سیاسیہ درعهده ایده جکنی کوسترمشدی .

[۱] قونت (شووالوف) . خطاباً یازدینی ۷ - ۱۹ تشرین ثانی ۱۸۷۶ . تاریخی تلغرافنامه سندن .

[۲] ایکنچی قسّم سکرنجی بابی .

بلغارلر ایله روم هیئت رهباننک منازعات مذهبییه سنه دأر اولان ایضاحاتی بوراده ویره جکم بعض معلومات تاریخیه ایله ا کمال ایدمه جکم .

بلغارلر - بالقانلرک شمال و جنوب طرفلرندمه بر قاق یر مستتا اولمق اوزره - تیموق ، مورواوا ، یوقاری واردار ، اوخری کولی ، سلانیسک ، بورغاز ، روسجق ایله محدود قطعه داخلندمه تقریباً ۵,۴۰۰,۰۰۰ نفوسلی بر کتله متجانسه تشکیل واوروپای عثمانینک نصفه یاقین قسمینی اشغال ایدرلر . اون دردنجی عصر او ا خرنندن ، ۱۳۹۰ سنه سندن بری عثمانیلرک تحت تابعیتندمه ایدلر .

وطنپرورلک حسی ، سکون و آسایشه میال اولان بو قومک قلمبندمه اسکی شدتی محافظه ایتیش ؛ تقسیمات اداره ، مهاجرتلر بلغارلرک ساکن اولدقلری محللری بر برندن آیرمش اولمقله برابر حسیات و وطنپرورانه یی ازاله ایدمه مشدی . بلغار قومی اداره شدیده عثمانیه یه مطیع کورونمکله برابر یدنجی ، اونجی واون ایکنجی عصرلرده اوچ بلغار قراللغنک تشکلی تأمین ایدن وحت ملیه یی آرزو ایتمکدن فارغ اولمامش ؛ حکومات سابقه نک خاطره سنی شریقلری ، شعرلری ایله محافظه وادامه ایتمشدی . مملکتدن اوزاق قالان ، حتی بر حکومت اجنبیه نک تابعیتندمه بولنان بلغار - روملرکی - وطنی اونوته ماز ، مملکتنه اولان رابطه سنی قطع ایدمه مز . بو حال ، حائر اهمیت بر نقطه در . (روسیه) حکومتی ۱۸۲۹ ده (دینه پر) کنارلرینه و ۱۸۵۸ سنه سنده قریمه نقل ایتدیکی بالقان شبه جزیره سی بلغارلرینی - الک پارلاق وعدلر درغماً - محافظه ایدمه مشدی ؛ بیکلرجه بلغارلر بر مدت (روسیه) ده قالدیلر ؛ فقط براز صکره ینه طونه کنارینه عودت ایتدیلر .

بو حادثه یه باقوبده بلغارلرک اداره عثمانیه دن ممنون بولندقلرینه ، بر آراق ادعا ایدلیدیکی کچی « دنیانک الک بختیار کویلیلری » اولدقلرینه حکم ایتمه ملیدر . بویه برادعا یا پادشاهک پاره سنه مفتون بر اجنبینک قلمندن ، یا وجدانی صانان بر قاق بلغارک آغزندن ایشیدیله بیلر [۱] . طونه ایالتندمه خرسیتیان احواتی رأی العین کورمش اولانلر بو کچی سوزلرک حقیقه نه قدر مغایر اولدیغنی تسلیم ایدرلر .

[۱] مه موریال دیپلوماتیک رساله سنک ۱۸۷۵ سنه سی تشرین اولنده نشر ایتدیکی مکتوب .

شوراسى محققدرکه مسلمانلارک (اوروپا) قطعەسەندە ضبط ايتدکلری خرستيان حکومتلارەسەندە اک زیادە ظلم واعتسافە دوچار اولانى، اک زیادە حال اسارتدە ياشايانى بلغارستاندر . بلغارستان ، مرکز حکومتە دەا يقين اولدينى ايجون هم سپاهيلرک وپاشالارک ، هم دە قنارلى روملرک بيوندروغنە ، تضيق سياسى ومذهبيسە اقوام سائرەدن زیادە دوچار اولمشدر . بعض نيکين انکلزلرک افاداتی ، اسملرني انشا ايدە مین بر قاچ حقت دشمنتک يالانلرني تکذيب ايجون ۱۸۶۵ سەسەندە بر عثمانلى مأمورينک آغزندن بالذات ايشيتديکم شو سوزلری يازمق کافيدر :

ماچين [۱] مديرى چرکس مهاجرلرلە منازعە ايدن (غرهچ) قريەسى خرستيانلرینە خطاباً ديمشدرکه : « بورادە سز نەسکز ؟ ترلارکز سز کيدر ؟ کوستردیککز تصرف سەندلرني بن طانيم . چرکسلر ايجون سزدن طلب ايديلن شيلری ويرمە جکککزی ادعا ايدیورسکز . اولرکزی ، قاريلرکزی ، چوققلرکزی صاتەزق بوللری تدارک ايدیکز ، ياخود مملکتدن چيقوب کيدیکز . »

ينە او تاريخدە (ماچين) مضافاتندن (لونغاوچا) قريەسى اصحاب املاکندن برى بکاشو سوزلری سويلەمشدر : « تصرف ايدە بيلديکمز پارەلری ، مأمورين ضابطە طرفندن خبر آلمديني مدتجە ، يانمزده صاقلایه بيليرز . براز بارە صاحبي اولديغيمزى آکلادقلری زمان دوچار اولمە جغمز سوء معاملە ، ظلم وتضيق قالماز . کرک اک زنکين ، کرک اک فقير ، هممز پارەمزى طوپراغە کومرز . . . غوسپودار ، بز طاش آلتندە بيتن اوت کبی يز . . . بر کون کليسانک چا کنى چالديرە جق اولسەق بتون ترکلر عليهمزە قيام ايدرلر ، بزده دليکە قاچان فارەلر کبی کيزلنمکە مجبور اولورز . »

کرک بو سوزلر ، کرک سربست ويبطرف ذواتک تحقيقاتى کويلينک آجینە جق بر حالده اولديغى ، خرستيانلرک مسلمانلر طرفندن صويولدقلرني ، حکومتک نفرت وحقارتندن قورتولەمدقلرني ، احوال اجتماعيە ودينه نقطە نظرندن دون بر موقعده بولندقلرني اثبات ايتمشدر . واقعا ، ۱۸۷۵ سەسەندە ، بلغارلرک آيين مذهبلرني سربستجە اجرا ايتدکلرني ، اولکي کبی املاکندن وسربستى

حرکاتندن محروم اولمقلربی ، حتی وقته حکومتک استعمال ایتدیکی حقارت آمیز تعبیرات رسمیه نك آرتق بونلر حقنده قولاندیغنی قبول واعتراف ایدرم. فقط مسلمانلر حقنده آرتق اجرا ایدیه مین سوء معاملات هنوز بلغارلر ایچون جاری ایدی ؛ بر بلغارک ثروتی ، امنیتی ایچونک بیوک تأمینات پاشارک ناموس وعفت ذاتیه لرندن عبارتدی . الحاصل بلغارلرک احوالی بالقان شبه جزیره سی اهاالیسنی عصیانیه سوق ایدیه جهك درجه ده ایی دکندی . ذاتاً بك چوق زماندن بری ، صربستان حیدودلری کبی ، بلغارستانک ده وطنپرور اشقیایی واردی . یونان عصیانی صهرسنده بو بالقان (قلهت) لری ، حیدودلری ترکار ایله ده اجدی بر صورتده اوغراشمشلدی . ۱۸۲۹ سنه سنده ، روسلر بلغارستانی اشغال ایتدکری زمان ، بر چوق نقطه لرده قیاملر وقوعه کلدی ؛ بو قیاملر ۱۸۳۸ تاریخنده تکرر ایتدی . فقط بو دفعه عصیان فکری نك تعمم ایتدیکی واوزمانه قدر بیکانه قالان محللرده دخی بلغارلرک سلاحه صارلدقربی کورلدی . اوچ سنه صکره هیجان افکار مملکتک هر طرفه سرایت ایتدی .

اوتاریخنده ، دول اجنبیه قونسولوسلرندن بری شوسوزلری یازمشدی : « بلغارستان اغشاشانی ، عاصیلرک تأدییه صهرسنده ایقاع ایدیلن ظلملر وعصیانیه سبب اولان سوء معامله لرده طولانی صوک درجه تأسفه شایاندر . اگر باب عالی حکومت محلیه نك سوء معاملاتی منع ایتمز ایسه یکانه مدار استنادی اولان واوروپا دولترنجه دخی رعایت ایدیلن حق فتحک ، نهایت عالم انسانیتک فریاد استمدادکارانه سی قارشیسنده حکمسز قاله جغنی وبلغارستانک ده یونانستان کبی ممالک عثمانیه دن آیریه جغنی کوره جکدر . »

۱۸۵۰ سنه سنده پاشارک ظلم وتعذیلری (ویدین) و(نیش) طرفلرنده مهم قاریشقلقلره سبب اولدی ؛ نهایت اغشاشانی ازاله ایچون عمر پاشا اعزام ایدلدی . ۱۸۶۷ و ۱۸۶۸ سنه لرده رومانیاده تشکیل وتسلیح ایدیلن چتهلر طونه ولایتنه کچمک اهاالی بی عصیانیه تشویق ایتدیلر ؛ مدحت پاشا رؤسای عصاتی روسحقده همان اعدام ایتدیردی .

بناءً علیه ، نه قدر جاهل وقبا اولورلرسه اولسونلر ، بلغارلره اداره عثمانیه دن ممنون ویا اوزون مدت دوام ایدن اسارتک تأثیریه عزم ونبتادن محروم برقوم نظریه باقق طوغری اوله مازدی . بالعکس بلغارلر ، لدی الحاجه ، حر انسانلر کبی

یشامق حققی ادعا ایتمکی واستحصال مقصد اوغورنده شایان دقت بر صبر و متانت کوسترملکی بیلورلردی .

بلغارلر مختاریت مذهبه لرینی استحصال ، یعنی قدیم (اوخری) و (طرنوی) مستقل ملی کلیسایرینک یکیدن تأسسنی تأمین ایچون روم بطریقخانه سیاه اون ایکی سنه اوغراشمشلردی . بو اون ایکی سنه لک مبارزات ، بلغارلرک عزم و ثباتلرینه دلالت ایتمییدی ؟ مختاریت مذهبه لرینی استحصال ایتمکله استقلال ملییه طوغری برخطوه آتاماشلرمیدی ؟ بلغارلر استقلال علیهنده بولنان اک قوتلی دشمنک روم بطریقخانه سی او لدیغی آکلاماشلرمیدی ؟ قرون وسطاده بلغارستان و صربستان ، دها صکره روسیه و یونانستان مختاریت مذهبه لرینی آتخچ نائل استقلال اولدقدن صکره الده ایتمشلردی . ۱۸۷۰ ده بلغار اکسارخخانه سنک تأسسی ایسه بودفعه احوالک تماماً معکوس بر صورته جریان ایده جکنی کوستریوردی . ترکیانک اک قوتلی (اسلاو) عنصری اولان بلغارلر روم بطریقخانه سندن رابطه مذهبه لرینی قطع ایتمکله مختاریت سیاسیله لی اسبابی حاضرملش اولیورلردی . آرتق بوندن صکره ، (اوروپا) نظرنده ، « بلغار مسئله سی » صربستان و یونانستانی تشکیل ایدن حادثات سیاسیهنک تفرعاندن بری ایدی .

بلغارلر استقلال سیاسییه ، بر چوق جهتلردن ، صبرلردن زیاده لایق ایدیلر . حتی صبر و تحمللری ، غیرت و فعالیتلری نظر دفته آلیرسه صبرله فائق اولدقلری تسلیم ایدیلر . بلغارلر هم روم بطریقخانه سندن فک رابطه ایتمک ، همده دولت عثمانیه دن آیرملق ایستدکلری حالده اختلافات مذهبه دوام ایتمدیکی مدتجه بیوک بر صبر و متانت کوستره رک باب عالی نی کوجندیرمه مشلر ، اوزمانکی غوائل دولته یکی برظائله دها علاوه سندن چکینمشلردی . ۱۸۷۰ سنه نه قدر (رومانی) ده کی خفی جمعیتلردن بشقه وسائط اجرایشه سی اولمیان کنج بلغار فرقه سی حکومت عثمانیه دن سبتون آریله رق استقلال تام ادعاسنده بولمق شویله طورسون بلکه (افلاق) و (بغداد) پرنسده کلری درجه سنده واسع مختاریت بیله ایسته میوردی . بلغارستانک اتحاد شخصی ایله حکومت عثمانیه قویاً مربوط اولمسی آرزو ایدیوردی ؛ یعنی پادشاه ، بلغارلر قرالی عنواتی ده حائز اوله جق ؛ مجلس ، طرفندن انتخاب ایدیله جک خرسیتیان

والیٰ عمومی، یاخود خدیو پادشاه نامنه اوله رق عساکر محلیه قوماندایده جک، رأس اداره ده بولنه جقدی. پادشاهه وکالت ایدن بوخدیو، یاخود والیٰ عمومی مجلس ملی طرفدن منتخب دائمی بر محلسک مقرراتی دائره سنده مملکتی اداره ایدنه جکدی. بوتشکیلات اساسیه نک مرتبلی اولان مجهول الاسم ذوات ۱۸۶۷ سنه سنده نشر ایتدکاری بیاننامه ده دیورلردی که: «ارکان دولت علیه بلغارلرک صداقتلرینی بیلرلر. بوکون شوسوزلری سولین بزلر، اجداد مزک اثرینه اقتفا ایله سلطنت سینه یه صادق قالمق ایسترز. فقط اضطراب آتمز آرتق تحمل ایدیه میه جک درجه یه کلدی؛ برچاره عاجله لزوم کوستیریور... شاید حکمدار مز حال اسف اشمالزی، مطالب مشروعه مزی نظر دفته آلمازسه - ماضیده اولدینی کبی بوکون دخی - کوزلر مزی خارجه چویرمکه، محبت و معاونت لرندن امین اولدیغمز دینداش لرمزدن استعداد ایتکه محبور قالیرز و بوحالده مملکت مزه استیلا ایدنه جک اجابی منجی ملت صقیله حسن قبول ایدرز. ممالک عثمانیه یی کندی مملکتی کبی مدافعه ایتک آرزوسنی بلغارلرده حاصل ایتک ایچون نه یاملیدر؟ شبهه یوق که بونک ایچون بلغارلر دولت عثمانیه یی کندی مملکتلری کبی سودیره جک صورتده حقوق مشروعه لرینی ویرمکدن بشقه چاره یوقدر. آلتی ملیون بلغاری عثمانیلرله ربط ایتک، اولرله متحداً مال قیلمق نظر استخفاف ایله باقیله جق بر مسئله دکدر. بلغازلر بوا مللرینه نائل اولورلرسه، اوزمان، خارجدن کلنلری مختاریت اداره لرینک دشمنی عد ایدرک اوکا کوره حرکت ایدرلر.»

بلغارلر، بلغارستانک ترکیا اداره سنده تضییق کوردیکی مدتیجه (روسیه) نک کندیلرینه معاونت ایدنه جکنی، فقط مستقل بر بلغارستانه هر دولتن زیاده (روسیه) نک دشمن اوله جغنی بیلورلردی.


بلغارلرک بوحساباتی، افکاری بالخاصه شرق (اسلاو) لرینک احوال سیاسیه سنی تماماً تبدیل ایدن محاربه عظیمه نک ظهورندن اول حائر اهمیت فوق العاده ایدی. فقط بونقظه نظرندن (روسیه) حکومتک آمالنی دخی ییلمک ایجاب ایتدیکی جهته شو بر قاج سطری اوکا حصر ایدنه جکم:

(پترسبورغ) قاینه سی بر بلغار حکومتی تأسیسی فیکرینی (بکشر) قومیتلرینک تشکلندن پک چوق زمان اول ترویجه باشلامشدی. ایمپراطور

(نیقولا) ۱۸۵۴ سنه‌سندہ (انکلترة) سفیری ایله وقوعه کلن مصاحبة محرمانده بوفیکری ایما ایتشدی؛ (چار) کنديسنه امارت جدیدہ نك حامی طبیعیسی نظریله باقیور، یعنی ۱۸۳۱ نظامنامه اساسیسی موجبجه (افلاق) و (بغدان) بکلکلرنده حائز اولدینی حقوقک عینی بلغارستانده دخی حائز اوله‌جغنی سویلیوردی.

فی الحقیقه آتیده تفصیل ایده‌جکمز وقایع صرده‌سندہ (روسیه) حکومتک (افلاق) و (بغدان) امارت‌لرینی امثال کوس-ترهک ص-ورتیله تأیید مدعایه چالیشدیغنی کوره‌جکمز.





اون دردنجی باب

هرسك عصبانی . — ۱۸۷۵ فرمانه همایونی

ترکیاده ظلم وتضیق دائماً آغیر ویرکولر شکنده تظاهر ایتشدر . عرض اطاعت ایدنجیه وجزیه شرعیه بی ویرنجیه قدر غیر مسلملرله جهادی امر ایدن شریعت احکامی ویرکونک بوصورتله سوء استعمال ایدلمسسه مساعددی . اسلام اردولرینک فتح ایتدکلری مملکتلرده ایلک یاپدقلری شی رعایادن جزیه ، کندیلرینه تابع امارتلردن حتی تحت نفوذلرینه آلدقلری حکومت مستقله دن مقطوع ویرکو آلق ایدی ؛ بوویرکولر حق فتحک علامت ظاهریه ومنافع حقیقه سی حکمنده در .

اول امرده قارئلرمه شوجهتی تخطر ایتدیرملی یمکه : بدایه غیر مسلملره طرح ایدیلن ویرکولرک توزیع وتحصیلی جماعتلره ترک ایدلشده دی ؛ ویرکولر نه قدر آغیر اولورسه اولسون مکلفین تحصیلدارلرک طوغریدن طوغری به تضیق آلتنده بولمقدقلری ایچون تحمل ایدرلردی .

ویرکونک توزیع وتحصیلی خصوصنده جماعتلرک یرینه حکومت قائم اولنجه ، یعنی ماترملر مکلفیندن طوغریدن طوغری به جابته باشلانجه سوء استعمالات باش کوستردی ، دها طوغریسی ذاتاً موجود اولان سوء استعمالات تحمل ایدلمز بردرجه به کلدی . بوآندن اعتباراً ویرکونک جباتی حقسز بر صورتده اجرا ایدیلور ، انواع سوء استعمالاته میدان ویریوردی . واقعا مرور زمانله رعایا آرتق تحصیلدارلردن طایق یمور ، فقط بغیر حق صویولیوردی .

کتابک ایکنجی قسمی خاتمه سنده بیان ایتدیکم وجهله بالقان اقوامنک عصبانلری دائماً یاویرکولرک تحصیلنده کی سوء استعمالاتدن ، یاخود تکالیف

عموميه نك صورت غير متساويه تقسيمدن ويا وىركو بهانه سيله اجرا ايدىلن ظلم واعتسافدن نشأت ايتمىدر .

ممالك اجنيه دن كان محرركلر تشويقيله ۱۸۷۵ سنه سى ايلك بهارنده قيام ايدن (هرسك) خرسىانلرينك باشليجه شكائىلرى وىركو مسئله سى ايدى . آتش عصيان، كويليلر ايله مأمورين عثمانيه آرهنده صرف وىركو مسئله سندن طولايي ظهور ايدن بر اختلاف نتيجهنده پارلامشدى [*] . برمدت صكره عصيان ، مملكتك هر طرفه سرايت ايتدى و بر عرق و مذهب محاربه سى شكلنى آلدى .

حكومت عثمانيه ، دهها ايلك زمانده ، كرك ممالك اجنيه دن و كرك بالقان ولاياتنك نقاط مختلفه سندن وارد اولان راپورلر ك متجدد مال مندرجاني نظر دفته آلهرق معروض بولنديقى تهلكه نك درجه وخامتتى آكلادى و پادشاهك بالذات اعتراف ايتدىكى وجهله - قحط رجال و فقعدان نقوددن طولايي دول اجنيه قابينه لرينه و بالخاصه (ويانه) حكومته مراجعت ايدرك عصاته خارجدن امداد ايدلمسك منغى و صربستان ايله قره طاغك مسالمتكارانه بر مسلك اتخاذا ايتلرني طلب ايتدى .

معافيه مسئله يالكرز ممالك اجنيه دن امداد ورودنى منع ايتمكدن عبارت دكلى ؛ عصيان اوجاغنى همان سوندير مك لازمدى . (اوستريا - مجارستان) حكومتك تكليفى اوزرينه باب عاليدن اداره داخله سنجه بعض تبدلات اجراسنى طلب ايتك ايچون (آلمانيا) و (روسيه) آرهنده ائتلاف حاصل اولدى . سالف الذكر اوچ حكومت بومسئله ده امور داخله عثمانيه مداخله ايتك فكرنده بولمىدقلىنى ، تعقيب ايتدىكلرى مقصدك عصاتى، اطاعته، صربلر وقره طاغليلرى بيطرف قالمغه ، دولت عثمانيه نى حسن معامله و علوجنايه مجبور ايتك ايچون بر تضيق معنوى اجرا ايتمكدن عبارت اولديغنى بيان ايدىورلردى .

(انكلتره) يه كلنجه ؛ بو حكومت ، درسعادتده كى سفيرنى طوغرىدن طوغرى يه پادشاهه مراجعت ايدرك اصلاحات مقتضيه نك اجراسنى و بالخاصه امور عدليه و ملكيه نك مستعجلاً اصلاحى طلبه مأمور ايتش و بو صورته

[*] ۱۸۷۵ سنه سنده نشر اولبان صارى كتابك اون بشنچى حقيفه سنه مراجعت .

اوپچ دولت آره‌سنده حصوله کلن ائتلافدن خارج قاله‌رق يالکيز باشنه حرکت ايتديکني کوسترمشدي .

مع‌مايه (اوستريا - مجارستان) ، (روسيه) ، (آلمانيا) حکومتلري ديگر قابينه‌لري ده توحيد مساعيه دعوت ايلدکلرندن ۱۸ نيسان ۱۸۷۵ تاريخنده درسمادنده حصوله کلن ائتلاف موجبنجه دول معظمه قونسولوسلرينک (هرسک) عصاتنه مراجعتله خارجدن امداد بکله‌مه‌ملري لازم کله‌جکني و شکايتلريني بيان ايچون شايان امنيت کوردکلري کيمسه‌لري دولت عثمانيه‌نک فوق‌العاده قوميسرينک نزدينه کوندرملريني اخطار و تبليغ ايللري قرارکير اولدي .

قونسولوسلره توديع اولنان وظيفه‌دن هيچ برنتيجه حاصل اولمدي؛ چونکه عصات (اوروپا) طرفدن ترك ايديله‌جکلرينه اينانيمورلردی . روس غزنه‌لرينک، آتیده بيان ایده‌جکهم حادثه مناسبتيه، استعمال ايتدکلري لسان عاصيلرك بو ظنلريني، قناعتلريني تقويه ايديبوردی .

(هرسک) اهالي‌سندن برچوق ملت‌جیلر (اوستريا - مجارستان) طوبراغنه فرار ايتمش اولدقلرندن بو حکومت، ولايات عثمانيه‌ده آسايشک تأمینی مسئله‌سنده دول سائرهن زياده علاقه‌دار ایدی؛ قونسولوسلرك تبليغاتندن بر نتیجه چيقمديغني کورنجه اهالي‌نک کوزلريني آحق ايتدی، يعني (هرسک) اهالي‌سنگ کنديلرينه معاونت ایده‌جک يکانه حکومتک (روسيه) دن عبارت اولديني ظننده بولندقلريني بيلديکي ايچون بو ظني ازاله‌يه قرار ویردی . (دالماسيا) واليسي جنرال (روديچ) هرسک وويوده‌لريه کوريشه‌رك (روسيه) دن مادی ومعنوی برمعاونته انتظار ايتمه‌نک خيال اولديغني بونلره آکلاتمه مأمور اولدی . (اوستريا - مجارستان) حکومتک بو امری صميمي ایدی؛ حرفياً اجرا ايدلدي؛ فقط امر مذکور (روسيه) حکومتی، آمال حقيقيه‌سی خلافه اوله‌رق، (هرسک) عصاتنه قارشى عادتاً بيطرف برمسلك اختيارينه دعوت ايديبوردی . (پترسبورغ) قابينه‌سی بونی تکذيب ایده‌مزدی؛ چونکه (ويانه) قابينه‌سيه عقد ايتديکي ائتلاف موجبنجه عصاته معاونت ایده‌ميه‌جکدی . نيم رسمی جرائد يوميه واسطه‌سيه (اوستريا) دلکه‌سنگ افاداتی حقنده ايضاحات اعطاسنه قرار ویردی . (پترسبورغ) غزنه‌سنگ نشر ايتديکي بر مقاله ايله‌که افکار عموميه نظرنده حکومتک حقيقي بر بيان‌نامه‌سی عد ايديلن بو مقاله آز

قالسون اوچ دولت آرمه سنده کی اتلافی خللدار ایده جکدی - (روسیه) حکومتک دائمی عثمانی خرسیتیانلرک محب اولدیغی، جنرال (رودیچ) طرفدن سویلنمش سوزلرک یا کلش تلقی و تفسیر ایدلدیکنی بتون (اوروپا) یه وبالخاصه ولایات عاصیه اهلینسه آکلادتدی .

نیم رسمی روس غزته سنک بو نشریاتی (اوستریا) حکومتک مسلکینی تقبیح دیمک اولدیغی کبی هر سک عصیان محرکری ایچون تشویقاتی دخی حاوی ایدی . عاصیلر نشریات مذکورده نك ماهیت حقیقیه سی آکلادیلر ، اوکا کوره حرکت ایتدیلر ؛ ذاتاً مرکزی (موسقووه) ده بولنان (اسلاو) قومیتسی مأمورلری (روسیه) حکومتک آمال حقیقیه سندن بونلری خبردار ایتشلردی [*] .

اوسره ده ، صربلرایله قره طاغیلردخی میدان مبارزه یه حقیقه غه حاضر لیرلرکن ، حکومت عثمانیه کیتدکجه کسب وخامت ایدن احوال داخله نك ایجاباتنه تابع اوله رق اولار بر اراده سینه ، بعده بر فرمان هایون نشر ایتدی ؛ بو فرمان هایون ، تأیید و تأکید ایتدیکی قوانین و نظاماتک وسعی و ماهیتی اعتباریله ، اصلاحات و کلخانه خط هایونلرینک نسخه ثانیه سی کیمیدی .

۱۸۳۹ ، ۱۸۵۵ و ۱۸۷۵ ، الجاآت زمان ایله بر آرایه کان شو اوچ تاریخ عینی معنایی مفید و عینی درس عبرتی محتویدر . (هر سک) عصیانندن طولانی موقع اجراه و ضعی قرارگیر اولان اصلاحات - ۱۸۳۹ و ۱۸۵۵ تاریخلرنده اولدیغی کبی - بالخاصه (اوروپا) یی تأمین ایچون اتخاذ ایدنش بر سلامت عمومیه تدبیری ایدی ؛ آرمه کی مشابته او درجه ده ایدی که اصلاحات

[*] هر سک و ویووده لرینک اجتماعهای ایله (راغوزه) و (چینه) آرمه سنده متعدد دفعه لر سیاحتیله نظر دقتی جلب ایدن موسیو (وهسلیچکی) بدایه طوغریدن طوغری به پرنس (غورچاقوف) ک بر مأمور مخصوصی کبی حرکت ایتشدی . نام و شهرتی ، حقیقت حالی نهایت میدان چیقارویه جکندن ، بالاخره بدن بره عصاتک وکیل مستقلى صفتی آلدی و بوصفله (ویانه) و (برلین) کله رک عاصیلرک مطالباتی (اوستریا - مجارستان) و (آلمانیا) حکومتلرنه تبلیغ ایتدی .

اخیره نك ده ایکی اولکی اصلاحات کبی دولت عثمانیه نك اختیار و استقلالیه موقع تطبیقه قونه جنی اعلان اولنوردی [*].

۱۸۷۵ اراده سنیه سیله فرمان همایونی مندرجاتنه بالاخره برقاچ آی فاصله ایله نشر اولنان نظامات ، تعلیمات و مواد سائرینی دخی علاوه ایدرك ، دولت عثمانیه نك اوزمان تصور ایتدیکی اصلاحاتی بر ترتیب منطقی ایله ، بیان وتفصیله چالیشدم. خیلی مشکل تدقیقات نتیجه سنده الده ایتدیكم معلوماتی - که قسم اعظمی اصلاحات سابقه نك تکرارندن عبارتدر - بوجه زیر اجمالاً یازیورم :

۱. — ویرکولرك طرح و جباتی : التزام اصولك الغاسی ؛ اعشارك آتیا اراضی ویركوسنه تحویلی ؛ ویركولرك توحیدی ؛ تحصیلدارلرك اهالی طرفندن سربستهجه انتخابی .

۲. — حقوق تصرفیه : بالجمله تبعه غیر مسلمنه نك حقوق تصرفیه سنك تصدیق و تأمین ؛ چیفتچی و کویلررك اصلاح احوالی .

۳. — امور عدلیه : دیوان احکام عدلیه ، محاکم استینافیه و ابتدائیه نك اصلاحی و بالخاصه كرك حقوقه و كرك تجارتیه عائد اولسون دعاوی مختلطه ایچون درسعادته بر محکمه استیناف تشکیلی ؛ محکمه قراری اولمدجه حبس و توقیفك و مجرمین حقنده سوء معامله ایدلمسك منعی ؛ قوه اجرئیه نك قوه عدلیه یه قطعاً عدم مداخله سی ؛ یکدنسق و منتظم بر اصول محاکمات تأسیسی ایچون قوانین و نظامات عدلیه نك تدقیق و توحیدی .

۴. — حقوق سیاسیه : کافه تبعه غیر مسلمنه نك هر درلو منصبه و هر نوع خدمات عمومیه یه قبولی ؛ محاکم و مجالس اداره اعضاسیله مجالس بلدییه اعضاسنك اهالی طرفندن سربستهجه انتخابلری .

۵. — امور مذهبییه : حریت مذهبییه نك تمامی تطبیق ؛ جماعتلرینه عائد امور ایچون بطریقلر ایله سائر رؤسای روحانییه ویرلمش اولان حقوق و صلاحیتك تأییدی ؛ کلیسا و مکتب انشاسنده تمهيلات کوسترلمسی .

۶. — تدابیر مختلفه : ولایات مجالسك هر سنه درسعادته بر هیئت مخصوصه کوندزرك مطالب و تمنیاتی تبلیغ ایتك حقنه مالک اولمسی ؛ تشکیلات

[*] بو صوك نقطه ایچون صفوت پاشانك ۱۲ تشرین اول ۱۸۷۶ تاریخی تحریرات عمومیه سنه مراجعت .

ضابطه ؛ آنغاریه نك رفقی ؛ اعشاره علاوه اولئان یوزده ایکی یحق رسم منضمك العاسی و ۱۸۷۲ سنه سندن اولکی سنه لره عابد بقایانك عفوی ؛ صدر اعظم ، وكلا داخل اولق و آلتیسی غیر مسلم اون بش اعضادن مر كب بولمق اوزره اصلاحاتك صورت اجراسنه نظارته مأمور بر مجلس تشكیلی .

مواد مذكوره نك قسم اعظمی ۱۸۵۶ اصلاحات فرمان هایونندن اقتباس ایدلمشدی ؛ باب عالی اصلاحات موعوده یی ، همده یکر می سنه صکره ، تکرار وعد ایلکله بونلرك موقع تطبیقه وضع ایدلمدیکنی بالذات اعتراف ایدیور دیمکدی .

صوك اصلاحات پروگرامنك محتوی اولدینی تجدیدات میاننده شایان ذکر اولان تدابیر امور عدلیه نك اداره ملکیده ن صورت قطعیه ده تقریقی ، تحصیلدارلرك مکلفین طرفندن انتخابی ، تحصیلاته متعلق نواحی ایشلرینه ضابطه نك عدم مداخله سی ، محاکم و مجالس اداره اعضاسنك صورت انتخابجه ولایات قانوننده اجرا ایدیلن تعدیلات ایدی . بوصوك نقطه یه تعلق ایدن نظامنامه ، اولجه بحث ایتدیكم ایلک ولایات قانوننك نقصانلرینی اكمال ایدیوردی . فی الحقیقه سربستی آرایه مانع اولان انتخاب هیئتلری لغا ایدلمش ، نامزدلر میانندن تقریق معامله سی ده ا بسیط بر شکله قونه رق ، یعنی انتخاب اولنسی لازم کلن نامزدلرك عددی اوچ مثلندن ایکی مثلنه تنزیل ایدیلررك مجالس و محاکم اعضاسنك کیفیت انتخابی بر درجه یه قدر تصحیح اولنمشدی . فقط اسکی قانونك مجالس مختلفه ده اکثریتی مسلمانلره تأمین ایدن موادی مرعی الاجرا قالدی و بوضورتله خرسیتان تبعه نك - سفینه دولتك قضاذه اولمی تهلكه سنه معروض قالان - حکومت عثمانیه دن باشلیجه اسباب شکایتلری زائل اولمدی .





اون بشنچی باب

اورویانك مراهبرسی . — ارج دولت معظمه طرفنره تكلیف ایدیلن
اصومات . — صلحانه هر بریرور فردنك بیانامه سی .

محمود پاشانك مجلس وكلايه یكیدن دخولی صره سنده نشر ایدیلن اراده
سنیه ایله فرمان هایونك اعلانده استعجال كوسترلمسنه (اوروپا) ده عمومیتله
تأسف ایدلدی. باب عالینك فرمان هایونی تسلیط ایتزدن اول ، دول معظمه
آرده سنده تعاطی ایدیلن افكار ومطالعاته واقف اولسی و ۱۸۵۶ اصلاحات
فرماننك نشری زماننده اولدینی کبی بودفعه ده (اوروپا) حكومتلرینك رأی
ومعاونتلرینی قبول ایتمی آرزو اولنیوردی . دیگر طرفدن ، اصلاحات
جدیده ، احوال عادیده ده ، اقوام عثمانیه ایله حكومتك مناسباتی تعیین وتنظیمه
كافی كه چكی تصدیق ایدلسه بیله شمیدیکی کبی غایت قاریشیق بر زمانده حال
اغتشاشك انتظام وآسایشه تحویلنی تسهیل ایدمكك بر ماهیتده دكلدی. بوندن
بشقه دول معظمه نك اکثری وبالخاصه (ویانه) و (پترسبورغ) قابینه لری دولت
عثمانیه دن بعض تأسیسات طلبنه ، از جمله تنظیماتك بین الملل برقونترول هیئتك
نظارتی تحتده موقع اجرایه وضعی تأمینه قرار ویرمشلردی .

(اوروپا) ، ۱۸۶۷ ده اولدینی کبی ، بودفعه ده دومنی اله آله جقدی ؛ فقط
شمدی یکی بر تجربه یه صاحب اولمش ، یعنی ۱۸۷۱ محاربه سندن مسكره
تركرك هیچ برشی یامدقلرینی كوره رك تركسانك كندی كندینه هیچ برشی
یابه میه جنی حقنده کی قناعتی تقویه ایتشدی .

قونت (آندراشی) ، (پارس) معاهده نامه سنه واضع الامضا دولتر نزدنده
بولنان (اوستریا - مجارستان) سفرا سنه كوندردیکی ۳۰ كانون اول ۱۸۷۵

تاریخی تلغرافنامہ دہ اوچ دولت معظمہ نک آمال و حسیاتی ایضاح ابتدی .
یو وثیقہ مهمہ نک باشلیجہ موادی بروجہ آتیدر :

« دول ضامنہ ، اوروپا و ترکیانک منافعی ایلہ ولایات عاصیہ اہالیسنک منافعی
آرہ سندہ روابط و مناسبات قویہ موجود اولدینی فکرندہ درلر ؛ خیلی زماندن
بری دوام ایدن قانلی مجادلاتہ ، ولایات مذکورنک احتیاجات حقیقیہ سنی دولت
عثمانیہ نک حقوق حکمرانیسی ایلہ تألیف ایدہ بیلہ جک اصلاحات واسطہ سیلہ
نہایت ویرلمسنی ایستلر .

« ۲۰ تشرین اول تاریخی ارادہ ایلہ ۱۲ کانون اول تاریخی فرمان تشکیلات
حکومتی صورت جدیدہ اصلاح ایدہ بیلیر ؛ فقط پادشاہک بویکی امرنامہ یی
نشر ایدرکن اقوام عاصیہ نک صلح و آسایشنی عاجلاً تأمین ایتمکدن زیادہ
ایلریدہ تنظیم اولنہ جق قوانینہ اساس اولہ جق قواعد عمومیہ یی نظر دقتہ آلمش
اولدینی انکار ایدیلہ مز . اہالی عاصیہ نک صلح و آسایشنی عاجلاً تأمین ایدہ بیلیمک
ایچون مسئلہ یی ہم معنوی ، ہمہ مادی نقطہ نظر دن تدقیق ایتمک
ایجاب ایدر .

« ہر سک و بوسنہ نک بونجہ سنہ دن بری دوچار اولدینی احوال مؤملہ نک
اسباب حقیقیہ سی تحری ایدیلیرکن اوروپانک ہیچ بر قطعہ سندنہ صلیب ایلہ
ہلال آرہ سندہ کی ضدیتک بوقدر قبا اشکال آلمدیغہ قناعت تامہ حاصل
اولور . خرسیتانلر الان اسیر اولدیلرینی آکلایورلر . بونلرک حریت مذہبیہ لری
زمان فتی خاطرہ کتیرہ جک درجہ دہ ناقابل تحمل احکام شدیدہ ایلہ تحدید
ایدلمشدر . بربرینی بوغازلامقدہ بوقدر شدت وصولت کوسترین اہالینک یان
یانہ یشاہ بیلملری آنجق خرسیتان دینک قانوناً و فعلاً دین اسلام ایلہ عینی
مرتبہ دہ بولمسی و خرسیتانلرک شمیدیکی کبی یالکز سربستی آیینہ مساعده
ایدیلن بر دین کبی دکل ، عموماً حرمت و رعایت اولنور بر مذہب حالہ کلیسی
ایلہ ممکن اولہ بیلیر .

« حضور قانوندہ مساوات اساسہ ممالک عثمانیہ نک ہیچ بر طرفندہ رعایت
ایدلیور . خرسیتانلرک محاکم حضورندہ عینیلہ مسلمانلر کبی ایفای شہادت
ایدہ بیلملری و ہیچ بر صورتلہ احقاق حق دن امتناع ایدیلہ جکندن قورقماملری
شایان اهمیت بر مسئلہ در .

«عصيانك اسباب موجبہ بسندن باشليجہ سی ازالہ اولمق ایستہ نیلیورسہ ، باب عالینک بیله اوتوز سنہدن بری مضرتہ قائل اولدینی ویرکولرک التزامی اصولی صورت قطعیدہ الغا ایتک ایجاب ایدر ؛ بوندن بشقہ ویرکولرک ، یعنی تکالیف بلا واسطہ نیک بر قسم حاصلاتی ولایتلرک احتیاجات محلہ سنہ تخصیص ایتک دخی اک مستعجل امور دن بریدر .

« بوسنہ وهرسکده حکومتہ وجوامعہ عائد اولیان اراضینک همان کافہ سی مسلمانلرک النده بولنیور ؛ حال بوکہ زراع صنفی اورتودوقس وقتولیک مذهبندہ کی خرسیتیانلردن مرکبدر . بناءً علیہ زراع مسئلہ سی ، منافرت مذہبیہ نیک تأثیریلہ برقات دہا قاریشیق برحالہ کلیور .

« ۱۸۶۱ سنہ سندن اسارتک الغاسی کویلیرک احوالی دہا وخیم برشککہ قومقدن بشقہ برایشہ یارامامشدر ؛ کویلیرک مستأجر ویا اورتانجی صفتیلہ اولکندن زیادہ صویولیورلر . واقعا ۱۸۵۸ تاریخندہ بوخالہ نہایت ویرمک ایچون بر فرمان تسطیر ایدلمش ایسده موقع تطبیقہ اصلا وضع اولنمامشدر . کویلیرک شرائط مناسبہ ایلہ صاحب اراضی اولملرینی وبوصورتلہ بر درجہ یہ قدر استقلالہ مالک اولہرق بعدما مسلمان همشہریلرینک مظالم وتعدیاتندن مصون قالملرینی تأمین ایدہ جک برچارہ ، بر تدبیر بولمیدر .

« اهالی غیر مسلمہ نیک باب عالی طرفندن واقع اولان مواعیدہ نہ قدر آز اعتماد ایتدکیری دوشونیلہ جک اولورسہ اصلاحاتک موقع اجراییہ وضعنک باشلرک کیفیہ بر اقلمامسی شدتلہ آرزو ایدیلیر ؛ بوخصوصک مملکتیجہ منتخب خرسیتیان ومسلمان معتبرانندن مرکب بر قومیسینونک قوتورولی آلتندہ جریان ایتسنہ احتیاج حس اولنیور .

« قابینلر ، مذکور قومیسینونک قوتورولندن ماعدا حکومت عثمانیہ نیک ۲ تشرین اول تاریخلی ارادہ و ۱۲ کانون اول تاریخلی فرماندہ محرر موادی تبلیغات مخصوصہ رسمیه ایلہ تأکید ایتسنہ وعین زماندہ بوسنہ وهرسکده صلح وآسایشک تأمین مقصدینہ مبتنی اولمق اوزرہ یوقاریدہ تعداد ایدیلن نقاطی قبول ایلدیکنی دولتلرہ بیلدیرمسنہ اشد لزوم اولدینی ظنندہ درلر .

حقیقت حالده ، قونت (آندراشی) نیک تلغرافمامسی خاتمہ سندنہ طلب اولنان شی باب عالینک وقتیلہ اتخاذا ایتدیکی مسلکہ موافق وتنظیياتک

ادوار مختلفه سنده رسماً تصدیق و قبول اولان اساسك توسیعندن عبارت ایدی . حتی ۱۸۵۶ سنده اصلاحات خط هایوننك (پارس) قونغر سنده تبلیغی بوبابده امثال اوله رق ذکر ایدیله بیلیردی . (انكلتره) ، (فرانسه) و (ایتالیا) حکومتلری نظر تصویریلرینه عرض ایدیلن بش مادهی وبالخاصه سلطان عبدالحمیدك ایکنجی خط هایوننه مشابه اولان برفرمانك (اوروپا) و ترکیا حقوق عمومیه سی میسانه ادخالی دیمك اولان صوڪ نقطه یی کندی آرلرنده مذاکره ایدرکن بومطالعده بولندیلر .

(پارس) معاهده نامه سنك طقوزنجی ماده سی مقدماتی تخطر ایدیلیر و ۱۸۵۶ سهندن بری ظهور ایدن مسائل شرقیه ده نه صورتله تفسیر ایدلدیکی دوشونیلور ایسه (ویانه) قایینه سی طرفندن طلب ایدیلن تعهدك باب عالیجه قبول اولمادیغنه حیرت ایدلر . خارجیه ناظری راشد پاشا ، (اوستریا - مجارستان) نوطه سنك مندرجاندن نیم رسمی صورتده خبردار ایدلدیکی زمان بونوطه یی قبولدن امتناع ایده چکنی و خارجدن واقع اولان وصالیا و نصایحی حسن تلقی اتمك وظیفه سی اقتضاسندن ایسه ده اوروپانك دولت عثمانیه نك امور داخلیه سنده مداخله ایلمسده مساعدده ایتمه كده جمله وظائفندن بولندیغنی بیان ایتدی .

مع مافیه راشد پاشا - ۱۸۲۷ سنده اطوار عنودانه لرلیه یونان عصیانك حلی تسریع ایتیش اولان اسلافندن [۱] دها احتیاطکار بولندیغنی ایچون - حکومت متبوعه سنی دها آغیر فداکارلقلر اختیارینه معروض براقه جفی شبهه سز اولان مسلك امتناعده چوق زمان اصرار ایتدی . ذات

[۱] ۲۷ تشرین ثانی ۱۸۲۷ تاریخنده ، رئیس الکتاب افندی یونان اموری حقنده مذاکره ایچون کلن (انكلتره) ، (فرانسه) و (روسیه) سفارتخانه لری ترخانلرینی قبول ایتدیکی زمان الله بر باقراق کاغذ آلاش ، کاغذك اورتمه سنده نمودی بر خط چیزمش و بونك فوننه ده «خط احوال رعایا» کلملرینی یازمش . بعده یونانیلره ویرله بیله چك شیرلی بر طرفه ، صورت قطعیده رد اولنان موادی دخی دیگر طرفه تحزیر ایتیش . ایکنجی طرفه سفرا طرفندن طلب اولنان امتیازاتك اعطاسی غیر ممکن اولدیغنی واستقلاله کلنجه ، بوبله بر مسئله نك موضوع بحث اولمه یه جفی محور ایدی . رئیس افندی ، بونلری یازدقدن صکره شفاها شو سوزلری علاوه ایلش : «ایشته ، سزده کوریورسکزر . بو خطك اوتنه طرفنده بولنان شیرك هیچ بری شایان قبول دکلدر و آنجق ملت اسلامیه نك محوندن صکره قبول اولنه بیلیر.»

حسرت پادشاهی‌نک قونت (آندراشی) طرفندن تکلیف ایدن مواددن دردی قبول ایتدیکنی، بلا واسطه تکالیف حاصلاتندن بر قسمتک (هرسک) و (بوسنه) نک احتیاجاته صرف ایدلمسی حقنده کی ماده به کلنجه، بونک اصول مالیه دولته منافی بولندیغی، مع مافیه ولایات مذکوره مجالس اداره سنک رأیبری آلدقدن صکره احتیاجات محلیه به هر سنه مناسب مقدار مبلغک تخصیص ایدله جکنی دول اجنبیه بیلدیردی [۱].

هیچ اولمازسه استقلال عثمانی اساسنی محافظه ایدن بویانات رسمیه بی متعاقب، درت هفته ظرفده عرض مطاوعت ایدن کافه عصاتک عفو عمومی به نائل اوله جغنی مبین براراده سنه صادر اولدی [۲].

اوصرده - قیمت حقیقه سی بالاخره آکلاشیلان - بروثقه غریبه نشر ایدلدی. بووثقه رجال حکومت عثمانیه دن اولدقلرینه شبهه ایدلمین بعض ذواتک افکار ذاتیه سی نیدن عبارت اولدیغی بتون علمه اعلان ایتدی [۳]. مسلمان وطنرورلر طوغری به دول مختلفه رؤسای وکلاسنه تبلیغ ایتدکلری بر بیاننامه ده دیورلردی که: «هیئت وکلای حاضره نک ایده جکی وعدلر اجرا اولمیه جقدر؛ چونکه اوروپا حکومتلری تبعه غیر مسلمه قدر سفیل وپریشان بر حالده بولان مسلمانلرک ضررینه اوله رق خریستانلرک ترفیه احوالی ایچون تأمینات ایستورلر. ازاله سی لازم اولان فنالق حکومتک اداره غدارانه سی، هیچ بر قونتروله تابع اولیان مجنون بر پادشاهک هوسات غیر مشروع سیدر.

«ترکیا مستبد بر پادشاهک یرینه بلا تفریق جنس و مذهب کافه تبعه عثمانیه نک وکیللرندن مرکب بر مجلس مبعوثان ایله اداره امور ایدن بر حکمدار عاقله مالک اولورسه قورتیلور. ایشته شرق مسئله سنک اک طوغری چاره حل و تسویه سی بودر. مشروطیت احکام قرآنی به مغایر دکلدر [۴]؛ بالعکس حکومت عثمانیه

[۱] راشد پاشانک مالک اجنبیه ده مقیم سفرای عثمانیه به کوندردیکی ۱۳ شباط ۱۸۷۶ تاریخلی تلغرافنامه.

[۲] ۲۹ شباط تاریخلی اراده سنیه.

[۳] مسلمان وطنرورلرک - یوقاریده ذکر ایدیلن - ۹ مارت ۱۸۷۶ تاریخلی بیاننامه لری.

[۴] قرآن، مصالح عامه نک مشورت ایله رؤیت و اداره سنی امر ایدر.

اساساً اصول انتخابيه تابع برحکومتدر ؛ ملئت وکالتى سوء استعمال ايدن پادشاه خلع ايديله بيلير، شايد مقاومت ايدرسه نفسى غضب عامه يه معروض قيلار. « عبدالعزيزك طرز حكومتى آجینه جق بر حالده در . »

بعده، بیاننامه محررلى خدمات مختلفه عمومیه دن هر برینى نظر تدقیق دن کچیریورلر و - شایان دقت بر نقطه اولسق اوزره - زراعت دن بحث ایدرکن طریق ترقیه داخل اولان یکانه ولایتک مدحت پاشا طرفدن اداره ایدیلن طونه ولایتی اولدیغی بیان ایدیورلردی . صکره ، شو صورتله سوزلرینه دوام ایلورلردی :

« قانون ، مجنون ویا فاسق بر حکمداردن مملکتی تخلیص ایتمک کمزه مساعدایکن هم فاسق، همده مجنون اولان سلطان عبدالعزیزی خلع ایتمه مکمل کمزه تعجب اولنه بیلیر. بوسطرلری یازانلر - که ملئت اکثریت عظیمه سنک ترجان حسیاتیدرلر - سلامت مملکتک امر ایتدیکی بوتدییره همان مراجعت ایدرلردی؛ بوحرکتلرینک اروپا نظرنده، اخیراً نشر ایدیلن اراده وفرمانلر اوزرینه کندیلرینه شمدی یه قدر پرده مجهولیت آلتنده قالمش یچارکان نظریله باقان و آتیا هر درلو مساعداته مظهر اوله جقلری شه سز بولنان خرستیانلر علینده بر حرکت کبی تلقی ایدلمسندن چکینورلر .

« اروپا حکومتلری ترکیاده کی مأمورلرینه، الیوم مدحت پاشانک ومشار الیه درجه سنده معروف اولماق له برابر اونک قدر منور الافکار وجسور ذواتک اداره ایتدیکی فعال ومقتدر فرقه ایله کوروشوب برصورت تسویه بولملرینی امر امر ایتسونلر ، احوال همان دیکشیر . احتمال که پادشاه لاحقک خلغنه میدان ویرمز ، بالکیز استبداد مجنونه سنه خاتمه چکرز . پادشاهک حکومت مطلقه سنه قارشى موازنه یی تأمین ایده جک قوانین ونظامات پک چابوق تنظیم اولنه بیلیر . بوقوانینک موقع تطبیقه وضعی متعاقب بردوره سکون وتجدده داخل اولورز . شمیدیلک کافه مسائلی حل ، بالجله قوانینی تنظیم ایدن بر پارلمنتو ایسته میز ؛ حکمدارک استبداد اداره سنه قارشى طوره بیله جک بر مجلس ملی ، انگلیز اصول مشروطیتنه مشابه بعض قوانین تأمین مقصده کفایت ایدر .

« بزى محو ایدن بومنجوس حکومت اورته دن قالدق هر قیرینه بر اداره

عاقلا نه واحرارانه قائم اوانیجه ، هرکس حر اوله رق یشار ، حر اوله رق
چالیشیر ، مسعود اولور .»

۱۸۵۸ سنه سنده ، حسین پاشانک اداره ایتدیکی انقلاب فرقه سی طرفدن
دخی بوکا مشابه ، فقط دها آز تهدیدکارانه بر لسان استعمال ایدلمشدی [۱] .
برمدت صکره ، سلطان سلیم ثالث ومصطفای رابعک سرگذشت فجیع لری [۲]
خاطره کترین وقایع مهمه ، مسلمان وطن پرورلرک تخمینلرنده خطا ایتدکلری
اثبات ایده چکدر .



[۱] ۱۳۹ نجی صحیفه یه مراجعت .

[۲] بارون دو (شله شتا Schlechta) نک « ۱۸۰۷ و ۱۸۰۸ استانبول انقلاب لری »
نامنده کی اثرینه مراجعت .



اون آلتنجی باب

برلین مرمورانومی . — بلغارستانه قنالمری . — عبدالعزیزک هلمعی
— قانونه انامی بروردهاری . — صربستانه دفره طاغ محاربه سی —
سلطان مرادک هلمعی . — عبدالحمیدک هلموسی .

(اوروپا) دیپلوماتلری درسه عادتده نائل اولدقلری موفقیات (هرسک)
عصاتی نزدنده بوله مدیلر . وویووده لر ماضینک انواع ظلم واعتسافاتی نظر
دقته آله رق باب عالینک بخش ایلدیکی عفو عمومی رد و (اوستریا) طرفدن
تکلیف و حکومت عثمانیه جه قبول اولان شرائطک امیدلری درجه سنده تأمین
مقصد ایدمه مدیکنی اعلان ایتدیلر . صربلرایله قره طاغیلرک مسلحاً کندیلرینه
معاونت ایدمه جکلرینه و بلغارلرک دخی معناً عصات ایله برلکده بولندقلرینه قانع
اولدقلرندن عصیانه دوام ایتمه قرار ویردیلر .

فی الحقیقه بلغارلرده کوریلن آثار هیجان، تشویقات و تحریکات اختلاپروراننک
بلغارستانده خلیجه ترقی ایتدیکنی کوستریبوردی . دیگر طرفدن اهالی مسلمنه
دخی حال هیجانده ایدی؛ اوروپا و آسیای عثمانینک بر چوق نقطه لرنده خرسیتانلر
علمینده غلیان تعصبه انتظار اولنه بیلیردی .

نهایت ، ۱۸۷۶ سنه می مایسینده ، (فلبه) جوارنده بر حرکت عصیانیه
وقوعه کلدی ؛ براز صکرده سالنیکده (فرانسه) و (آلمانیا) قونسولوسلری
قتل ایدلدی .

بو وقایعک تأثیریه (اوستریا - مجارستان) ، (روسیه) و (آلمانیا) باش
وکیللری ایکنجی دفعه اوله رق مذاکراته باشلادیلر و نهایت (برلین مرمورانومی)
دنیلن وثیقه یی تحریر و تنظیم ایتدیلر . قونت (آندراشی) نک تاغرافنامه سی کی

(برلین مه موراندومی) دخی تنظیماته شدت تعلقی اعتباریه بوراده شایان ذکر و تفصیل اولدیغندن مندرجاتنه دأثر بعض ایضاحات اعطاسنه لزوم واردر .
(موموراندوم) کباب عالییه تکلیف ایندیکی یدی ماده بروجه آتی ایدی :

« امنیت و آسایشک تهلکهده بولندیغی محالره دول معظمه طرفندن سفائن حربیه کوندرلمسی ؛ ایکی آی مدتله ترك سلاح ؛ اجراآت آتیهك قرارلشدیرلمسی ایچون طوغریدن طوغرییه باب عالی ايله عصات آره سنده مذاکره اجراسی ؛ عصیان سببیه وقوعه کلن ضرر مادیك تضمینی ، اصلاحات محلیه یی مذاکره ایچون بر یرلی خریستانك تحت ریاستنده مختلط بر قومیسون تشکیلی ، عساکر عثمانیهك موقتاً کرییه چکیلمسی ، خریستانلرك سلاح طاشیمسی ، اجنبی قونسولسرك ولایات احوالی تحت نظارتده بولندیرملری . »

(مه موراندوم) ، حکومت عثمانیهجه نظر دفته واهمیه آلمغه شایان اولان شو جمله ايله ختام بولیوردی : « شاید متارکه مدتی ، دولترك مساعیسی ثمره آور موفقیت اولمهدن ، مرور ایدهك اولورسه اوچ حکومت ، صلح و مسالمت عمومییه محافظه ایچون اتخادی لازم کلن تدابیر مؤثره یی مذاکره ایتمک اوزره بین الدول یکی بر ائتلاف حصوله کتیرلمسی لزومه قانعدرلر . »

شبه سزکه ، (انکلتاره) ، اوتهدن بری ، اوچ حکومتك (پارس) معاهده نامه سنه واضع الامضا دولترك سیاست شرقیه لرینی اداره ایتملرینه این بر نظرله باقیوردی ؛ فقط باب عالی علیهنده تدابیر زجریه ده دخی توسل ایدلمسی محتمل اولدیغی کورنجه ، برنین مه موراندومنده محرر افکار و مطالعاته اشتراك ایتمک قرار ویردی .

(فرانسه) حکومتی ، او زمانه قدر (اروپا) نك تأمین صلح و مسالمت ایچون صرف ایلدیکی مساعی یی عقیق برافه جق سنوه تفهملری ، امنیتسز لکلری ازاله یه چالیشدیغی صروده کرک باب عالیده و کرک پادشاهك سراینده حکمفرما اولان قاریشقلنی صوک درجه یه ایصال ایدن حادثات مهمه وقوعه کلدی . ایجه زماندن بری استانبولده صیق صیق طوپلانان و حتی باروت واساحه کبی شیلر تدارك ایدن صوفه لر ۱۸۷۶ سنه می مایسنك اون برنجی کونی سلطان عبدالعزیزه بر عرضحال ویردرک منافع مملکتی محافظه ایدمه مکه اتهام ایلدکلری صدراعظم محمود پاشا ايله شیخ الاسلامك عزائی طلب ایتدیلر . پادشاه ، بو مراجعتك

عصیانہ منجر اولسندن قورقدی، صدر اعظم ایله شیخ الاسلامی عزل ایتدی؛ محمد رشدی پاشانی صدر اعظم، خیرالله افندی بی شیخ الاسلام، حسین عون، پاشانی سر عسکر تعیین ایلدی.

سلطان عبدالعزیزك نفوذ و اعتبار شخصیلرندن استفاده ایتك امليله مقام اقتداره کتیردیکی بو اوچ ذات، بش سنه صکره کنديسنی خلع و قتل ایتمکه اتهام اولنه جقلردر.

(فرانسه) سفیری ۱۷ مایس ۱۸۷۶ تاریخلی تحریراتنده: «آشایش تقرر ایدیور کبی کورینیور؛ فقط خلق بونکه قناعت ایتیمور. صوفتهلرک مطالباتی نتیجه سنده دولت عثمانیه نك آتیسنه تأثیرایده جك وقایع مهمه ظهور ایده جکی. ادعا ایدیلیرسه مبالغه ایدلمش اولماز.» دییوردی.

فی الحقیقه خلقتک تعصبی کوندن کونه غلیان ایدیور وهر طرفده خرسیتانلر علمینده سوء معاملات و قوعه کتیرلیدیکنه دائر سفارتخانه لره خبرلر کلیوردی. برکون مناسرده، ایرتسی کونی قبریسده، دها صکره آناطولیده برطاقم حادثات مؤسفه تحث ایدیور و غلیان تعصب ایله جده و شام وقعه لرینه مشابه قانلی وقایع ظهور ایتسندن قورقیدوردی.

۱۸۴۱ سنه سنده اولدیغی کبی بودفعه ده بلغارستان، مسلمانلرک انتقامنه هریردن زیاده معروض قالدی. (قلبه) جوارنده بعض مفسدلرک بر عصیان حاضرملقده اولدقلمری خبر آلتیجه بر چوق کویلر بلا تفریق جنس و مذهب، بتون اهاالیسیله برابر محو اولدی، اون بش یکرمی بیك خرسیتان چرکسلرک ظلم و وحشته قربان اولدیلر. بلغارلر، استقلاللری اوغورینه صوک قربانلری ویریورلردی.

برقاج آی صکره ایکنجی بر فاجعه (فرانسه) سفیری ایله مسلمان وطنپرورلرک کشف و تخمینتی تأیید ایتدی. ۱۸۷۶ سنه می مایسنک اوتونجی کونی مملکتی خراب ایتك و (روسیه) نك آمانه خدمت ایتك ایله اتهام اولنان سلطان عبدالعزیز خلع اولنه رق یرینه یکنی مراد افندی اجلاس ایدلدی. عمجه سی، مجدد و اصلاحاتپرور سلیم ثالث اختیار ترکلرک هدف خصوصتی اوله رق نهایت ترک سلطته مجبور اولمش؛ صوک زمانلرده اصلاحات علمینده بولندیغی بیان ایدیلن عبدالعزیز ایسه کنج ترکیا طرفدن خلع ایدلمشدی.

پادشاه نوجاه، تخت سلطنته جلوسی صرہ سنده، اداره حکومتده کی آمال و مقاصدینی، دها طوغریسی کندیسینی مقام اقتداره چیقاران و تحت تأثیر و نفوذنده طوتمق ایستین وقعه خلغ فاعلرینک افکار و نیاتی اعلان [۱] و «بتون تبعه سنک حریت تامه یه نائل اوله جققرینی، مجلس والانک منافع عمومیه متعلق تدابیر واجرا آتندن هیچ برینی اہمال ایتیمه جکنی، شورای دولتک و امور معارف ایلہ نافعہ نک اصلاح ایدیلہ جکنی، بودجه خارجده هیچ بر مصرف اختیارینه مراجعت اولیمه جغنی، تخصیصات سنہ نک آلتش بیک کیسه تنزیل قلنه جغنی... الخ» بیان ایتدی. خلاصه کلام، حکومت عادلانه و پدرانہ برمسالک تعقیب ایدرک انتظام، تصرف و ترقی نی نخبه آمال اتخاذ ایدہ جکدی.

خلق، آرزو ایتدیکی شیتہ اینانمغه میال اولدیغندن و مسلمانلر جهالتلری نسبتنده هر شیتہ چابوق ایناندققرندن حکومتک بوکوزل تأمیناتی، اول امرده، هر کسی ممنون ایتدی؛ قابلیتسز و سرت عبدالعزیزک خلغه متعلق فتوانک مظهر حسن قبول عامه اولدینی خلقلک سکون و اعتدالندن آکلاشیلیوردی.

افکار منوره اصحابی انقلابک نتایج سیاسیه سی حقنده عین فکریده بولنمیورلردی؛ مأمورین، مطبوعات و حتی هیئت علما آره سنده کوریلن اختلاف افکار، هیئت وکلانک دخی متحدالفکر اولمدیغنی ایما ایدیوردی.

صدر اعظم محمد رشدی پاشا، شیخ الاسلام، سرعسکر حسین عونى پاشا افکار معتدله احبابندن ایدیلر. بونلر ترقیاته معارض اولماقله برابر پک اساسلی تبدلاته راضی اوله میورلر و کنج ترکیانک رئیسى عد ایدیلن مدحت پاشانک اوتہ دن بری حاضرلدینی قانون اساسی لایحه سندن تلاش ایدیورلردی. خارجیه ناظرى راشد و مجلس خاص وکلا یه مأمور خلیل پاشالرک معاونتہ مظهر اولان مدحت پاشا، عنصر اسلامک فوقتی ممکن اولدینی قدر محافظه

[۱] مدحت، محمد رشدی پاشا لیلہ شیخ الاسلام، داماد محمود و داماد نوری پاشا لرمدت، صلاحیت و اسمعینی حائز برنوع سلامت عمومیتہ سی تشکیل ایشلردر. بونلرک نفوذی اودرجه بیوک ایدی، که پادشاهک کندیلرینک رأینی آله دن طوغریدن طوغری یه تعیین ایتدیکی مأمورلری قبول ایتہ مشلردر.

ايتىك شىرطيله، دولت عثمانيه ده دخى حكومات جديده ده جارى اولان بر اداره احرارانه تاسيسى زمانىك حلول ايتديكنه قانع ايدى .
مطبوعات قانونىك احكام شديده سنه رغماً جراً تىكارانه مقالات نشر ايدن درساعات غزته لى آرسنده مباحثات و مناقشات مهيجه ظهور ايتشدى .
اختيار تركرك مروج افكارى اوزن « بصيرت »، بر مجلس مى تشكىلى فكرينىك عالمينده بولنما مقوله برابر بومجلسك يالكى مسائل ماليه و امور نافعته يى مذاكره يه صلاحيتدار اولسنه لزوم كوستيوردى . مذكور غزته يه نظراً ، خريستيانلر ، طبقى مسلمانلر كې ، ازدويه قبول ايدلمه مليدرلر ؛ و كلاق ، واليك كې بيوك مأموريتلر خريستيان تعيين اولنما مليدر ؛ چونكه خريستيانلر بوصورتله كسب قوت ايدرلر ، بوناردن شكران نعمت و صداقته انتظار ايتىك بيوك بر غفلتدر .
كنيج تركرك ، اصلاحات خط هاپوننده كى مساوات اساسنه مغاير اولان بوصافدلانه اعترافه ، خلاف انسانيت قيه داته « وقت » غزته سيله شو جوايى ويريورلردى :

« اكر نصيحتلر كزه اتباع ايديلرسه دولت ، كر داب فلا كته سور وكنمش اولور . ظلم و تضيق ايله اداره حكومت زمانى كچمشدر ؛ آرلرنده محافظه موجوديت ادعا سنده بولنديغىكز جمعيات حاضره مدنيه نىك حسيات انسانيت پرورانه سيله قابل تاليف دكلدر . تركيادن بيوك وقوتلى بر ملت وجوده كتيرمك ايچون بالجه تبعه شاهانه ايچون مساوات حقوق و وظائف اساسى قبول ايتمليدر ؛ شريعت بوكا مخالف دكلدر . »

« بصيرت » ، شو صورتله مقابله ايدىوردى : « خطا ايدىورسكز ، شرع شريف ادعا ايتديكىكز قدر مساعد دكلدر . سرك فكريكز قبول ايديلرسه خلافت و اسلاميت محو اولور ؛ حال بوكه دين اسلام بزم قوتمزددر ، بر طاقم خائنه تصورات ايله بوقوتى اخلال ايتمه مليدر . »

كىتدىكه كسب شدت ايدن بومناقشات نتيجه سنده مدحت پاشا ياقام صدارته كچه جىك ، ياخود موقع اقتداردن سقوط ايدى جىك ايدى .

فى الحقيقه مدحت پاشا - وقتيله رشيد ، على و فؤاد پاشالركې - زمانىك اىك مهم آدمى اولمشدى ؛ سلامت دولت ، مشار اليه كى موفقيت و يا غلوبيتنه مربوط كې كورونيوردى .

سلفی قدر موسوس اولمیان ، فقط اونک کبی ایجاب ایدن اقتدار واهلیتی حائز بولمیان سلطان مراد ، مدحت پاشانک دشمنلرندن زیاده طرفدارلرینه مساعد کورونمکده ایدی . ذاتاً پادشاهک نفوذی هیچ مثابه‌سند ایدی . وکلاسنک وصایتی آلتنده اداره حکومتی راضی ایدی ؛ بالکز بونقطه‌ده متحدالفکر اولان وکلا ایسه وظیفه منت وشرکاتی کیتدکجه ده زیاده آغیرلشدیرمقدن بشقه برنی یامبورلردی .

برکون ، کنج پادشاهک بدناً و عقلاً خسته اولدینی و اداره حکومتی همان هیچ اشتراک ایتدیکی روایتی شایع اولدی . بوروایت رجال مأمورین طرفدن تصدیق و تأیید اولنوردی . براز صکره شیخ الاسلامک برفقواسیله سلطان مرادک اداره حکومتدن عجزینه قرار ویرلدیکی و برادری عبدالحمیدک تحته کچدیکی خبر آلدی . سلطان عبدالحمید ۳۱ آغستوس ۱۸۷۶ تاریخنده جلوس ایتدی .

اوصرده ، باب عالی هر طرفدن دوجار هجوم اولیور و حکومت مسلمانلرک حسیات وطنپرورانلرینه مراجعتدن بشقه بر چاره بوله‌میوردی [۱] . سلطان مرادک پک آز دوام ایدن دور سلطنتده ، (صربستان) و (قره‌طاغ) محاربه‌یه باشلامشیر ؛ حکومت عثمانیه‌ده بونلره قارشلی اهل اسلامی سلاح آلتنه دعوت ایتشدی . پرنس (میلان) و پرنس (نیکولا) نک عسکرلری ، بیوک برشوق وخواهش ایله میدان حربیه قوشان اردوی هایون طرفندن مغلوب ایدلمشیر ، حدودلرینه قدر رجعت ایتدیرلمشیر ایدی . عساکر عثمانیه (صربستان) و (قره‌طاغ) کیرمک اوزره ایدیلر ؛ پرنس (میلان) ایله پرنس (نیکولا) محاربه‌دن اولکی حالک محافظه‌سی شرطیله (انکلتیره) و (اوستریا) نک توسطنی طلب ایتلمشیردی . احمد ایوب پاشا اردوسی (صربستان) ی قسماً اشغال ایتدیکی ایچون حکومت عثمانیه بوشروط ایله عقد مصالحه‌یی مغرورانه رد ایتدی .

(انکلتیره) ، محارب پرنسلرک تکتمائی ملکیتی محافظه ایتک و (بوسنه) ایله (هرسک) ه برنوع مختاریت محلیه تأمین ایلک ایچون درسعادتده باب‌عالی ایله

[۱] بوکتابده برچوق دفعه استعمال ایتدیکم برتعبیرک معناسنی بوراده ایضاح ایتک ایتیم : مسلمانلر ایچون وطنپروراک ، اسلامیتیه صداقتیه دیمک اولوب مملکتی سومک ، منافع عامه‌یی محافظه‌یه چالیشیق معناسنی افاده ایتیم .

مذاكره يە كىرىشىدىكى صرەدە روس دىپلوماتلىرى ھەردىلە ئىتلاڧە مانع اولمىغە چالشيورلردى. باب ۱۱، دول غىرىيە نىڭ آرزولرىنە تىبەا، آلتى آى مدتە متاركە يە راضى اولدىغى بيان ايتىمىدى؛ (روسىيە) حكومتى (آلكسىناچ) پىشكاهىدە مخصاماتە نىاىت وىرلىسنى طلب ايدىرك بوتكىلىنى رد ايدى. (روسىيە)، محاربە اىستىيوردى؛ ياخود لورد (دربى) نىڭ ودرىسادىدە كى انكلىز سفىرىنىڭ قىعاتى بومر كىزدە ايدى. بوندن بشىقە (روسىيە) حكومتى دولت عثمانىيە دن، ممالكىنىڭ قىم اعظمىنىڭ عىساكر اجنىيە طرفىدن اشغالنى انتاچ ايدىمىڭ اولان بعض تامينات اىستەمىكە ايدى. فى الحقيقە (روسىيە) نىڭ، غاىب صلحچىورانە اولدىغى ادعا ايتىدىكى، پلانىنە نظراً دول معظمە دونماتلىرى بوغاز اچىنە كىرە جىكلردى؛ (بلغارىستان) دە بر روس اردوسى بولندىرىلە جىق و (اوسترىا - مجارىستان) دىخى (ھىسك) و (بوسنىيە) موقتاً آلە جىقدى. بوتدا بىرە علاوۋە مر كىز سىلپىت عثمانىيە دە اوروپا لىلردن مركب برە قومىسيون بولنە جىقدى.

دول معظمە قاينەلرى يال كىز بىصوك طلب اوزرىندە اتفاق ايدىيورلردى.





اون يدنجى باب

قانونه اساسى عثمانى

تركيانك ، ايچنده بولندينى بحران صوك دوره شـدـتنـه واصل اولمشدى . احكامنه رعايت اولنه چنى نه قدر عيـن ايله تامين ايديلمىسه ايدلسون ، خطـه هايونلردن ، اراده سنيهلردن نه فائده حاصل اوله بيليردى ؟ آرتق هيچ كيمسه بونلره اينانمىوردى ؛ هر كسك نظر نده ، اصلاحات فرمانلرى ، مفلس برمديون طرفندن چيقاريلان پوليهلر كې هيچ بر اعتبار و قيمتى - نـه دكلدى .

حكومت اسلاميه نك بالذات تامين ايتمكدن عاجز قالدينى ترقياى حصوله كـتـيـر مـك وظيفه سى اجانبه مى ويريله جكدى ؟ پادشاه وخليفه نك سقوط قطعى ديمك اولان (آروپا) قونترولدن قورتولمق ايچون صوك غيرتى ده صرف ايتمك لازم دكلى ايدى ؟

عبدالحميدك مشاورلرى بوسواللرى ايراد ايتدكلرى صرعه دولتك ، تنظيماتك ايلك دورلرنده اولدينى كې ، غايت تهلكلى بـر موقـعـه بولندينى آكلايورلردى . بونلرك فكر نجه ، سلطان محمود ثاني زماننده اولدينى كې بو دفعه ده ملتك قوه حياتيه دن محروم اولمدينى (آروپا) نظر نده اثبات ايتمك لازمدى ؛ حكومت عثمانيه كندى سلامتى مسئله سنى يالكىز باشنه ، دول اجنبيه ي ايشه قاريشد بـر مـه دن حل ايتلدى .

ايشته حكومتك عجزى ، اعتبار سزلى صوك درجه ي بولدينى بر صيره ده اصول مشروطيتك تطبيقه تشبث ايدلمى قرار كير اولدى ؛ مشروطيت ، اقوام عثمانيه مكرراً وعد وتامين اولنان حقوقى بر ملت مجلسنك تحت ضمان وكفالتنه وضع ايدـه جـكـدى .

سرور پاشانك تحت رياسته ده اوچى خريستيان نظارت مستشارلرى اولمق اوزره

اون آلتی ملکیه مأموری ، اون علما وایکی فریقندن مرکب بر انجمن مخصوص قانون اساسی عثمانیک مواد اساسیه سنی قرارشد یرمق ایچون ، باب عالیده اجتماعه باشلادی . اعضانک اکثریسی افکار احرارانه صاحبی ایدی وکنج ترکیانک ممثللری عد اولنان مدحت باشلر، فاضل باشلر ایله همفکر بولنیوردی . پادشاهک حقوق وصلاحیتی تحدید ایتک مسئله سی - که ۱۸۶۸ سنه سنده خیرالدین پاشا طرفندن صورت مخصوصه ده مدافعه ایدلمشدی - هیچ براعتراضی موجب اولمادی و «اصلاحات ضروریه» پروگرامنک باش طرفنه قید ایدلدی . فقط اوزمانه قدر پادشاهه عائد اولان حقوقک بر قسمنه صاحب اولمسی اقتضا ایدن مجلس مبعوثانک صورت تشکلی موقع مذاکره وضع ایدیلنجه ، اختلاف افکار باش کوسرتدی . هیئت علما - بوندن یکرمی سنه اول ، اصلاحات فرمانی بلا تفریق مذهب بتون تبعه نک مساوات حقوق مدنیه وسیاسیه سنی اعلان ایتمه مش کبی - خرسه تیانلرک مجلسه قبولی علمنه رأی ویردی . مع مافیه بو نقطه ده اکثریتی التزام ایدن شیخ الاسلامک خرسه تیانلرک قبولی لازم کله چکی حقه ده کی ، آیی بومعنا سز مقاومتی حکم سز براقدی .

انجمن مذاکراتی - بر نتیجه قطعیه یه اقراران ایده چکی آکلاشیله حق درجه ده - ایلر یلدیکی زمان باب عالی در سعاده بین الملل بر قومیسین کوندر لمس نه متفقاً قرار ویرن دول اجنبیه قاینه لرینی کیفیتدن خبردار ایتکی مناسب کوردی .

صفت پاشا، ۱۲ تشرین اول ۱۸۷۶ تاریخیه سفرا یه کوندر دیککی بر تخریرات عمومیه ده شو صورته اداره لسان ایدیوردی : «بوندن اون سنه اول ولایاتده موقع تطبیقه قونیان تشکیلات ، بتون وطندا شلرک امور حکومته اشتراک ایللری اساسی ایلک دفعه اوله رق وضع ایتمشدر . مع مافیه بو تجدد، امید وانتظار ایدیلن محسناتک کافه سنی حصوله کتیره مدی ؛ نا تمام بر صورته تطبیق ایدلر یکنندن ، اداره سابقه نک مقتضیاتندن اولان احوالک الجاسیه ، ناقابل اقتحام مشکلاته تصادف ایدلدی . دیگر طرفندن خدمات عمومیه ده کی قرار سزلق بتون ولایاتده مشاهده اولنان فناء قلرک اداره مرکزیه نک احوال مخصوصه سندن ایلری کلدیکنی اثبات ایدلدی . اداره مرکزیه ایله ولایات نظاماتی تألیف

ایچون مراکز و ملحقیات ولایاتده موجود اولان محالسه مشابیه یکی بر مجلسک احداثه لزوم اولدینی تحقق ایتدی .

«ایشته، بو مقصد ایله درکه ولایات و پایتخت اهالیسی طرفندن منتخب اعضادن مرکب بر مجلس عمومینک هر سنه در سعادتیه عقد اجتماعه دعوت ایدیلرک دولتک قانونلرینی، ویرکولرینی و بودجه سنی مذاکره ایسی قرارگیر اولدی . اعضاسی حکومت طرفندن تعیین ایدیلن دیگر بر مجلس دخی مجلس اعیانک حقوق و صلاحیتی حائز اوله جقدر .»

عثمانلی قاینه سی، بو صورتله اوروپا لیلردن اول طاورانمق ایستوردی . کافه ایالات عثمانیده قابل تطبیق اولان بو اصلاحات مهمه یی - مذاکراتک نتیجه قطعییه به اقترانه انتظار ایتهدن - (اوروپا) یه بیلدیرمی دول ضامنه نک صرب و بلغارلرله مسکون ولایاتده تطبیقی تصور ایتدکلری و تفرعاتنک قرارلشدیرلمسینی (اوروپا) لی مرخصلردن مرکب اوله رق پایتخت عثمانیده تشککل ایتک اوزره بولان بر انجمنه حواله ایلدکلری «اصلاحات خصوصیه» یه میدان ویرمه مک، تدابیر متصوره یی زائد و بی لزوم بر حاله کتیرمک مقصدینه مبتئی ایدی .

۱ کانون اول ۱۸۷۶ تاریخده، قانون اساسی اکمال ایدلمشدی . بو قانونک کافه اقسامی مؤلفنک، آرزوی عمومی به توفیقاً مسئولیتی آلتیه موقع اجرایه وضع ایتسی لازم کلن مدحت پاشانک افکار و آمانه تماماً موافق دکلدی . آئیده ایضاح ایده جکم وجهله، مدحت پاشانک ایلاک تنظیم ایتدیکی لایحه، سرور پاشانک اداره سی آئنده کی اعضانک او بوشمه لریله حاصل اولان قانوندن ده اواسع، ده اقطی ایدی . او زمان شورای دولت رئیس اولان مدحت پاشا، رفقاسنک مطالعات محافظه کارانه لرینه قارشى، صوک دقیقه قدر، اوغراشمغه مجبور اولدی . فی الحقیقه - شایان دقت بر مسئله اولمق اوزره بیان ایده لم که - قانون اساسی لایحه قطعییه سی صوک دفعه اوله رق مدحت پاشانک قوناغنده قرائت ایدیلیرکن خرسه تیانلرک محاکم شرعیه ده شهادتلری و بونلرک اردویه قبوللری حقنده کی احکام احرارانه، صدر اعظم رشدی پاشانک اصراری اوزرینه، طی ایدلدی [۱] .

[۱] «ترکیا مکتوبلری» نامنده کی اثر مهمک مؤلف معروف و محترمی اولان موسیو (اویچینی) نک ۱۸۷۷ سنه سنده نشر ایتدیکی «قانون اساسی عثمانی» رساله سنه مراجعت .

قانون اساسی عثمانی ، ۲۳ کانون اول ۱۸۷۶ تاریخده ، یعنی صفوت پاشا طرفدن نتیجه مذاکرانه انتظار اولمهدن ارسال ایدیلن تحریرات عمومیه نك انعقادینه مانع اوله مدینی (اوروپا) قومیسسیون نك اجتماع ایتدیکی کون اعلان اولندی .

خارجیه ناظری بو وقعه مهمه یی ، باب عالینک دول اجنیه نزدنده کی سفرا سنه ، شوصورتله اخبار ایتدی [۱] : « جمعه ایرتسی کونکی مراسم ، عمومک جوش و خروش مسرتی آره سنده ، کمال طنطنه ايله فقط بر صورت اعتدال پرورانه اجرا ایدلدی . کیفیت اعلانی سلاملاق ایچون آتیلان طویلرک سسلری دولت عثمانیه نك تقویم وقایعنده اونودلار بر تاریخ براقان بو وقعه عظیمه یی بتون پایتخت اهالیسنه اخبار ایدلدی . اهالی بتون کون و کیجه اجرای مراسم شادمانی ایدرک پادشاهلری حقنده کی حس منت و شکرانلری و احیای ملک و دولت ایچون وقوع بولان تشببات مجددانه نك ثمره آور موفقیت اوله جفی امرنده کی امنیت و اعتمادلری اظهار ایتدیلر . اهالی مسلمه و غیر مسلمه آره سنده امید و حسیاتجه ائتلاف تام موجود اولدیغی بیان و تأمین ایده بیلیرسکز . » خط هایونک قرائتی متعاقب دولتو فخامتو صدر اعظم پاشا حاضر تلی [۲] بر نطق بلیغ ایراد ایدرک بتون ملت عثمانیه نك حسیات سرور و مباهاتنه ترجمان اولمش و دولت عثمانیه ده حریت ، عدالت و مساوات دوره سنی ، یعنی مدیتک غلبه سنی تأمین ایدن قوانین جدیدیه یی غایت وطن پرورانه بر لسان ايله ایضاح ایتمشدر . »

صفوت پاشا ، بعض جرائد یومیه نك اعتراضات شدید سندن دخی آکلا - شیه جفی اوزره [۳] ، قانون اساسینک دوام و بقای حقه ده کی شبهه لری ازاله مقصدیله شو سوزلری ده علاوه ایدیوردی :

[۱] ۲۶ کانون اول ۱۸۷۶ تاریخلی تحریرات عمومیه .

[۲] مدحت پاشا اوچ کون اول صدراعظم اولمده یی .

[۳] « اتحاد » نامنده کی ترکیه غزنه ، ۱۰ تشرین ثانی ۱۸۷۶ تاریخلی نسخه سنده ، شو سوزلری یازمغه جسارت ایتمشدی : « باب عالینک شمدیه قدر تعقیب ایتدیکی سیاست یالانچیلق سیاستدیر ؛ پک چوق و عدلده بولندی ، فقط هیچ برینی اجرا ایتدی . مع مافیه یالانچی نهایت یاقینی اله ویردی ؛ آرتق هیچ کیمسه کاغذ اوزرنده کی تعهداته ایناتیمور ، ایش ایستور . »

« قانون اساسینک تطبیق خصوصنده جداً شبهه ایدنره کمال جسارتله جواب ویره بیلیرسکز که تعهد ایدیلن شیر همان موقع تطبیقه قوئه جقدر ؛ ذات شوکتیهات حضرت پادشاهینک بوباده کی آرزوی شاهانه لرندن ، صدراعظم پاشا حضرتلرینک عزم قطع لرندن بشقه بتون ملت عینی حسن ایله متحسدر . بوا یسه قانون اساسینک تطبیق احکامی خصوصنده الک کوزل ، الک صاعلام تأمیناندر .

« كذلك اولجه تسطیر بیوریلان خط هایونلرده مندرج مواعید ایله قانون اساسی احکامی عینی ماهیتده کوستر مک ایستینلر بولنورسه بو ایکی ماده آره سنده موجود اولان وهیچ بر صورتله مقایسه یه محل بر اقیان فرق عظیمی ارانیه وایضاح ایلملیسکز . قانون اساسی ، بر وعددن عبارت دکلدر . بالعکس بتون عثمانیلرک مالی اولان و تطبیق احکامی ، آنجق ملت ایله پادشاهک آمالی اتحاد ایتک صورتیه تأخر ایده بیلن ، بر قانون حقیقی و قطعیدر . »

صفوت پاشانک ایضاحاته نظراً ، قانون اساسی ملت و پادشاهک تعهدات متقابله سی ایله عقد ایدلش ، تمتنع الفسخ بر مقاوله نامه ، ملی پارلمنتونک موافقتی اولدجه پادشاهک الغا ، تعطیل و یا تبدیل ایدمه جکی بر قانون عالی ایدی . خارجیه ناظرینک بوباده کی تأمینات نیکیناهنسک نه درجه یه قدر اعتماد شایان اولدیغنی وقایع آتی اثبات ایده جکدر . (اروپا) بو قانونه نظر امنیتله یاقه مدی ؛ ده احتیاطکارانه ، ده مواضعانه طاووانش اولسه یدی احتمالکه افکار عمومیده بودرجه شبهه حصوله کلزدی .

۱۸۷۶ قانون اساسینک تفرعاتی بوراده تحلیله تشبث ایتیه جکم ؛ بو قانون اصلاحات فرمانلرندن ده مکمل ، ده منطق اولمقله برابر قوانین مختلفه اجنبیه دن پارچه پارچه اقتباس ایدلش بر قبا طاسلاقدن بشقه برشی دکلدر . (انکلتزه) ، (فرانسه) ، حکومت مجتمعه کی الک مترقی مملکتلرک قوانین اساسیه سنده کوریلن توزیع قوا ، حریت و حقوق اساسلری قانون مذکورده موجوددر .

مع مافیه - بو نقطه تدقیقه شایاندر - شریعت ، قانون مقدس اوله رق قلمش واسلامیتک دین حکومت اولدیغنی اعلان ایدلمشدی . تأمین اولندیغنه کوره مدحت پاشا ، کندی لایحه سنده « دولتک ، دولت اولق اعتبارله

دینی یوقدر « قاعدۀ اساسیه سنی قبول ایتش ومع مافیه پادشاهك مسلمان تبعۀ عثمانیه ایچون خلافت صفتی محافظه اینشدی . بوا یسه، حکومته قوۀ روحانیه ایله قوۀ جسمانیه نك تقریقی ممکی اولدیغنی بلا تردد اعلان ایتمك واصلاحات ماضیه نك موفقیتله نتیجه لهنه مسنه باشلیجه سبب اولدیغنی بحق ادعا ایدیه بیلن « صفت روحانیقی حائز حکومت » اصولنه ختام ویرمك دیمکدی . مدحت پاشا لایحه سی پادشاهك صفت خلافتی تماماً محافظه ایتمکه برابر هیئت علمانك - مدید بر مقاومتدن صکره - قبول ایتدیکی ماده یه نسبتله غایت احرارانه ایدی . چونکه کافۀ ادیان ومذاهبك مساوات کامله سی وسربستی اجراسنی حکومت مشترک نك حمایه سی آلتنه وضع ایدیور، هیئت علمانك نفوذینی تماماً قیریوردی . « عثمانلی » صفت جدیده سی، یعنی مسلمان ویاخرستیان بتون تبعه یه شامل اولان، کافه سنی عینی وطنداش کله سی آلتنده جمع ایدن برتجددی احداث ایدیوردی . فقط اختیار تورکلرک بودرجه انقلابیورانه ماهیتی حائز واسلاملرک حائز اولدقلری نفوذ وتحکمه مغایر اولان بر قانونه تابع اوله جقلری مأمولی ایدی ؟

هرنه ایسه ، شهره تر قیده بیوک بر آدیم آتیلشمشدی ؛ ۱۸۷۶ قانون اساسینك شمدی یه قدر اصلاحاته مانع اولان باشلیجه مشکلاتی - اساس اعتباریه - ازاله ایتدیکی انکار اولنه مازدی . پادشاهلرک قوۀ حکمداریلری آرتق صفت خلافتلرینك ایجاباتندن اولیوب بلكه ، حكومات مسیحیه ده اولدیغنی کبی ، مبعوثان مملکتك قونترولی واشتراکی ایله محدود بر دائره یه منحصر قلش بروطفه ایدی . شهبه سزکه قانون اساسینك شریعته واسلامیه بر موقع رجحان ویرمسی حقیقی مسلمانلرک ادعای تفوقه بر سبب تشکیل ایدردی ؛ فقط حکومت جسمانیه یه استقلال مدنی و سیاسینی براقق صورتیه قانون اساسی یه رعایت ایدلمسی ده غیر ممکن دکلدی . صفوت پاشا ، ۲۶ کانون اول تاریخی تحریرات عمومیه سنده ، بو ماده دن بحث ایتدیکی صروده دیوردی که : « قوانین جدیده نك بر ماهیت دینی یی حائز اولمدقدن بشقه احتیاجات مملکته موافق اصلاحاتك وضع وتطبیقه مانع هیچ بر سبب دینی دخی بولنمدیغنی بیان ایدیکز . گویا شرع شریفك ترقی ایله قابل تألیف اولمدیغنی حقه ده مع التأسف شایع اولان فکر بوصورته برطرف ایدلمش اولور . شوجه تی ده اونوتما میدرکه شیخ الاسلام افندی ایله سائر علمای کرام قانون اساسینك تنظیمی مذاکره سنه

اشترك ايتمشلردر ؛ احكام مقدسه شرعيه نك محافظه سنه مأمور اولان بودواتك شرع شريفه مغاير تك بر ماده نك بيله قبوله موافقت ايتلمري ، شساين قبول بر ادعا دكل ، بلكه قطعياً غير ممكن بر حالدر .

قانون اساسي عثمانيه ايكنجى بر نقطه دخى نظر دقتى جلبه شاياندر . قانون اساسي - كنديسك تمل طاشى منابه سنده اولان ولايات قانونى كې - قوه اجرائيه ، كرك مجلس اعيانده و كرك مجلس مبعوثانده اكثرى مسلمانله تأمين ايدمك صورتده بر صلاحيت براقشدر . اعيانك حق تعيينى پادشاهه عائد اولسنه و بونلرك حال معزوليت و ياتقاعده بولنان رجال مأمورين آرمسندن تفريق ايدلسنه متعلق اولان احكامه ، حقوق اساسيه نقطه نظرندن ، اعتراض ايديله مز . يالكز شوراسى بيان ايدمليدركه اعيانلغه نامزد كوستريلن بو مثللو مأمورينك همان كافى مسلماندر ؛ بونلر ايله پارلمتوده بولمغه حق قزانش علما و وزرا صنفندن بعض رجال خارجنده تعيين اولمغه حق اعيان ايچون پادشاهك مسلمانلرى تبعه غير مسلميه ترجيح ايدمك شهنه سز ايدى .

مجلس مبعوثانك صورت تشكيله كنجه ؛ قاريشيق بر اصول انتخابه تابعدر . و بوابده كى نظامنامه نك الك كوچك تفرعائى بيله ولايت واليرينك النددر . مبعوثلر قضا ، لوا ، ولايت مجالس اداره سى اعضا سى طرفندن انتخاب اولنور ؛ بو مجلسلر اعضاسنك بر قسمى ده منتخب اولوب - يوقا ريده ايضاح ايتديكم وجهله - عنصر اسلام دائماً خريستيان عنصرينه غلبه ايدر [*] .

مأمورين حكومتك انتخاباته مداخله سى نه قدر چوق ، اصول انتخاب نه قدر قاريشيق اولور سه منتخبلر اوزرينه اجراى تأثير او درجه قولاي اولور . انتخاباتك مجالس محليه جه تابع اولدينى معاملات نظر دفته آلير سه انتخاب مبعوثانك قضا لوده اوچ ، سنجاق لوده درت و مرا كز ولايانده بش درجه اوزرينه مؤسس بولندينى آكلاشيلير . انتخابك بوضورتله « بالواسطه » اجراسى استقلال و صميميت آرايى تأمين ايدمك يردم بالعكس بوكا تماماً مانع اولور .

واقعا ، تبعه عثمانيه نك احوال اجتماعيه لرى ، جهالتلرى ، سياسى و دينى

[*] ۱۶۹ نجى حزينه مراجعت . - ولايات مجالس اداره سنده مسلمانلرك غلبه سنى تأمين ايدن شى ، مان كفه سى مسلمان اولان ورؤ سى روحانيه عدداً فائق بولنان مأمورين حياه نك مجامه قبول ايدلسيدر .

تفرقه لری، تربیه، اخلاق، آمال و افکارده موجود اولان فرقلر، بتون بواحوال حاکمیت عامه قاعده سنه موافق، «بلا واسطه» انتخاب اصولنک- حتی حق انتخابه نائلیت ایچون آز چوق ویرکو ویرمک مشروط اولمسی کبی قیودات وضع ایدلسه بیله - تطبیقنی بک زیاده تصعیب ایدر و مسلمانیلردن مرکب اولان حکومتک - تفوق عنصر اسلامی تهلیکهیه دوشورمک صورتده - بیطرفانه حرکت ایتیمی اصلا قبول ایدیله من .

شوالده، اساس تشکلی اعتباریه، حریت و مساوات قاعده سنی قبول ایدمه مین بر مجلس مبعوثانک احداثدن نه درجهیه قدر فائده حاصل اوله بیلیر ؟ مشروطیت عثمانیه نیک قیمت حقوقیه سی ندر ؟

بر مدت صکرة اجرا ایدیلن انتخابات، ممالک اجنبیه افکار عمومیه سنک یوبابده بر حکم قطعی ویرمنه وسیله اولدی . منتخب اوللر در سعادتده محلات مختلفه مختار و اماملری طرفدن تفریق و تعیین ایدیلیر ؛ ولایاتده والیر کندی یتیشدیرمه لرینه و بالخاصه مأمورین ایله اعشار ملتزم لرینه مبعوثانق صفتی توجیه ایتدیردیلر . پاتختده طوپالانان مبعوثانک همان کافه سی حکومت طرفداری ایدی ؛ بوضورتله، مجلس مبعوثان، حکومت کوستردیکی اطاعت اسیرانه سندن طولانی، السنه عامه ده « اوت افندم مجلسی » نامیله یاد ایدیلن شورای دولته بکزمه دی . ۱۸۷۶ قانون اساسی عثمانیسی، حد ذاتنده، خلوص نیت و صمیمیتله موقع

تطبیقه قونمش بر قانون دکلدی و اوله مازدی ؛ چونکه عنصر اسلامک رضاسی و - بالطبع - آرزوسی اوزرینه تأسیس ایدلمه مشدی . اختیار ترک فرقه سی ایله بوفرقه یه رهبرلک وظیفه سنی ایفا ایدن صنف علما مجالس حکومتده جریان ایدن مذاکرات ائناسنده قانون اساسی علمینده بولنشیر ؛ کنج ترک لر بیله ملتک برات نجاتی عد ایتدکلری بوقانونده عادات و عنعنات قدیمه نی ترک ایتمه مشلردی [۱] . شهه سزکه، اوروپا افکار احرارانه سی افکار منوره اصحابی آرمه سنده تعمیم ایتمشدی و حتی دین ایله حکومتی تفریق ایدمک صورتده وضع اولنه جق بر اصول اداره نیک محسناتی دوشونه رک ترکیا ایچون مقدرات جدیده تخیل ایدنلرک مقداری ظن اولندیغندن زیاده ایدی . فقط اصل مسئله، مساوات مدنیه و سیاسیه قاعده سی،

[۱] قوت (شودوردی Chaudordy) نیک ۱۰ کانون ثانی ۱۸۷۷ تاریخی

تلفرافنامه سی .

یعنی ملل مغلوبہ نیک ملت غالبہ دن اصلاً فرق لی اولامسی مسئلہ سی موضوع بحث اولدینی زمان بو ذوات دخی - عادتاً سوق طبیعی ایله - مسلک نظریلرینک نتایجیدن قورقورلردی . ایشته قانون اساسییدہ کوریلن ایہامات و ترددات ، ہب حریت طرفدارلرینک آمال مبہمہ سی اصول سابقہ طرفدارلرینک مطالب متحکمانہ لریلہ تالیف ایتک ایچون اختیار ایدلشدی . علما ، قانون اساسینک شریعتہ رعایت اولنہ جغنی اعلان ایتمسندن طولای ، « حقیقی مسلمانانی ترقی پرور بر آدم ، صاحب فضیلت بر وطن پرور » [۲] یامغہ کافی اولان احکام شرعیہ نیک بوندن صکرہ حرفیاً تطبیق اولنہ جغنی ظن ایدیورلردی . دیگر طرفدن ، افکار احرارانه صاحبی وطن پرورلر غرب اصول مشروطیتنک ترکیادہ قبول اولنمسیلہ افتخار و (اوروپا) نک تبدل ادارہ یی نظر دقتہ آلہرق آرتق اولکی کبی حکومت عثمانیہ امنیتسزلک کوسترمیہ جکنی ، مملکتک دول معظمہ وصایتندن قورتیلہ جغنی تخیل ایلورلردی .

حقیقت حال ، برمدت صکرہ ، تظاهر ایدہ جک و ترکیا تاریخی تشکیل ایدن مبارزہ قدیمہ نیک ، مسلمان و خرستیان غوغاسنک یکیدن باشلاہ حنی کوریلہ جکدر .





اون سکنزنجی باب

۱۸۷۶ درسعادت و ۱۸۷۷ لومره قونفرانسری

دول معظمه ، ۱۸۷۵ سنه سی ایلک بهارندن بری عصیانک توسع ایتدیکی اسلاو ولایاتنده اعاده آسایشه موفق اوله مامشیلردی ؛ اول امرده مداخله مشترکه اساسی اوزرینه دولتلر آره سنده بر ائتلاف حصوله گلش ، قونت (آندراشی) نك نوطه سندن صکره (برلین مه موراندومی) تبلیغ ایدلمش ، یعنی (انکلتره) خارجیه نظارتی (اوستریا - مجارستان) ، (روسیه) و (آلمانیا) حکومتلرینک یکی پروغرامنی رد ایدرک دیگر قابینه لردن آیرلمشدی. انکلزلرک مخالفترلینه سبب کیتدجکه دهامتجاوزانه بر مسلك اتخاذایدن (روسیه) نك سیاستی ایدی . هر ایکی طرفدن تدارکات عسکریه یه دوام ایدلدیکنندن (اوروپا) بر آراق ، محاربه نك منعی ممکن اوله میه جغنی ظن ایتدی .

مع مافیه انقطاع مناسباته پک آز بر شی قالدینی صروده ، دوتمانسی اولجه (بشیکه) یه کوندرمش اولان (انکلتره) حصول ائتلاف ایچون صوک بر تشبده بولندی و واقع اولان تکلیفی اوزرینه ۱۸۷۶ سنه سی اواخرینه طوغری درسعادتده (اوروپا) مرخصلرندن مرکب بر قونفرانس طویلاندی .

(فرانسه) خارجیه ناظری دوق (دوقاز Decazes) قونفرانسک مقصد اجتماعنی فرانسز مرخصلرینه ویردیکی تعلیماتده شو صورته ایضاح ایدیوردی : « شرقده الک عالیجنابانه افکار و نیاتک علی العاده عقیم و بی فائده قالدینی ، الک لازم و ضروری اصلاحاتک مبهم و مظلم مخالفتلر قارشیسینده تطبیق ایدیله مدیکی پک اوزون تجربه لر ایله واصل مرتبه ثبوت اولدیغندن (اوروپا) حکومتلری بو دفعه ترکیاده تطبیقنه معاونت ایده جکلری امر اصلاحاتک صورت جدیده موقع فعله وضعنی آنجق مشترکاً صرف مساعیدن ، قوانین و موضوعاتک هیئت

عمومیه سنی ینه مشترکاً تنظیم و تعیندن بکلور لر . « [۱] . دیگر طرفدن لورد (دربی) بین الملل قونفرانسک ماهیتی ایضاح ایتدکن صکره (انکلتزه) نک ایکی مرخصنه «اهالییه کنیدیلرینه عائد اموری قونترول حقنی وبر حکومت مستبدنه نک اجرا آت کیفیه سنه قارشنی لازم کلن تأمینانی بخش ایده جک صورتده بر مختاریت محلیه واداریه تأسیسنه « چالیشلمسنی توصیه ایتکده ایدی [۲] .

(انکلتزه) خارجیه ناظرینک صرب وبلغارلرله مسکون ولایاته ویریه جک مختاریت اداره دن مقصدی ، بو ولایاتی دولت عثمانیه یه تابع بر پر نسلك حائنه افراغ ایتک دکلدی . (انکلتزه) یالکز، ممالک عثمانیه نک (لبنان) و (کرید) کبی بعض محللرنده جاری اولان نظاماته مشابه بعض تشکیلات وجوده کتیرلمسنی ابستیوردی . لورد (دربی) نک فکر نهجه ، بو تشکیلات احوال و شرائط حاضر نه نک لزوم کوستردیکی تبدلاتک اجراسنه کافی ومساعد ایدی .

قونفرانس ، ایلک اجتماعنده ، بو نقطه نظری قبول ایتیدی وبو مهم قرارک اعطاسدن صکره ، ولایاته ویریه جک سربستی اداره ساحه محدوده ومعینه سنده اتلاف دولینک ادامه سی تقرر ایلدی .

(اوروپا) مرخصلری باب عالی ایله مناسباته کیریشیمه رک کندی آرده لرند . تطبیق اوله جق نظامات اساسیه یی مذاکره ایدرلرکن قونت (آندراشی) نک نوطه سنده محرر ومطالعائی ولایات قانوننک احکام اساسیه سنی نظر دفته آلدیلر و «اهالینک کندی منفعتلرینه عائد امور حکومتده حقیقی بر صورتده اشتراک لری ومسلمانلرله خریستیانلرک مساوات تامه سی اساسنه مستند بر حق انتخاب تأمینیه «اسبانی تحری ایتدیلر [۳] . بوضورتله جریان ایدن مذاکرات نتیجه سنده بری بر ولایت حالنده بر لشدیریلن (هرسک) و (بوسنه) ، دیگرى مرکز لری صوفیه وطرنوی اولمق اوزره ایکی بیوک قسمه آیریلان (بلغارستان) ایچون ایکی نظامنامه اساسی تنظیم ایدلدى .

بو پروژه لر دن برنجیسنک باشلیجه موادی بوجه آتی ایدی :
برقاج محله ویا قریه دن متشکل ناحیه ، جزو تام اداره اوله جق وهر ناحیه ده

[۱] ۱۹ تشرین ثانی ۱۸۷۶ تاریخی تلفرافنامه .

[۲] ۳۰ تشرین اول ۱۸۷۶ تاریخی تلفرافنامه .

[۳] قونت (شو دوردی) نک ۲ کانون ثانی ۱۸۷۷ تاریخی تلفرافنامه سی .

اعضای اهالی طرفین منتخب اولوب اوقات معینه اجتماع ایدن بر مجلس، اکثریت اهالینک مذهبنده اولوق اوزره دوت سنه مدتله مجلس مذکور طرفین انتخاب ایدیلن مدیر بولنه جق ایدی . ناحیه مجلسنک کندی اعضای میانندن تفریق ایدمچکی ایکی کشی صورت دائمه مدیرک نزدنده بولنه رق مشاور صفتیه اداره امورده معاونت ایلیمچکدی .

بر قاج ناحیه دن تشکیلی ایدن سنجاق ، والینک انهای اوزرینه باب عالی طرفین تعیین اولنان بر متصرف و یا قائم مقامک زیر اداره سنده بولنه جقدی . سنجاق متصرفلری ، ناحیه مدیرلری کی ، اکثریت اهالینک مذهبندن اوله جق وقیم مجلس ولایتجه منتخب ایکی مشاور متصرفک رفاقتنده ایفای خدمت ایلیمچکدی .

ولایتک رأس اداره سنده دول ضامننک انضمام موافقتلریله بش سنه ایچون باب عالی طرفین منصوب بر والی بولنه جقدی ؛ ولایت مرکزنده اوقات معینه اجتماع ایتیمک اوزره تشکیلی ایدیلیمچک مجلس عمومی ولایت اعضاسنک ایکی خمسی مسلمان ، ایکی خمسی اورتودوقس ، بر خمسی قتولیک اوله جقدی . مجلس عمومی ولایت طرفین انتخاب اولنان بر هیئت اداره دائمه والینک نزدنده بولنه جق وجاعات مختلفه رؤسای روحانیسی بو هیئتک اعضای طبعیه سندن عد ایدیلیمچکدی .

ناحیه مدیری ایلیم مشاورلرندن مرکب سلیم محکمهلری ، هیئت اداره نک قراریلیم والی طرفین تعیین اولنان لایتنرل حکامدن مرکب بدایت محکمهلری ، دول ضامننک سفراسنک انضمام موافقتلریله باب عالی طرفین انتخاب ایدیلن وکدلیک لایتنرل اولان اعضادن مرکب بر محکمہ استیناف تشکیلی قلنه جقدی . ژاندارمه تنسیق ایدیلیمچکک مسلمان و خرسیتیانلر مقدار نفوسلری نسبتنده ژاندارمیه قبول ایدیلیمچککلر ایدی .

بو اصلاحاتک صورت اجراسنه نظارت ایچون بین المللی بر قومیسون دخی تشکیلی اولنه جقدی .

ایکی ولایت آیریلان (بلغارس-تان) ایچون تنظیم ایدیلن نظامنامه اساسی (بوسنه - هرسل) نظامنامه سندن یک آز فرقلی ایدی ؛ بو نظامنامه ده بالخاصه والینک خرسیتیان اوله جفی ، مجلس عمومی ولایت اعضاسنک ناحیه مجلسی

اعضای طرفین انتخاب ایدیه‌جکی ، ناحیه مجلس‌نکده املاک صاحبی اولان ویا حکومت بر ویرکو تأدیه ایدن اهالی ایله رهبان و معلمین طرفین منتخب اعضادن مرکب بولنه‌جنی تعیین وتصریح ایدلشدی .

خلاصه ، (بوسنه - هرسک) ایله (بلغارستان) و ویرلن امتیازات محلیه - کزیده اولدینی کبی - انتخاباتک ولایات مذکوره اهالی مختلفه‌سنک نفوسی نسبتده اجرایی اساسنه مستند اولوب مجالس اداره و محاکم اعضالغنک بونسبت داخلنده انتخابی ، عساکر محلیه احداثی و بین‌الملل بر قومیسونک نظارت موقه‌سنی متضمندی . مقصد ، عدم مرکزیتک ، یعنی ولایاتک حکومت مرکزیه صیقی صیقیه مربوط اولسی اصولنه نه قدر اوزاق ایسه استقلال فکرندن دخی او درجه بعید بولنان بر اصول اداره ولایتک تطبیق ایدی .

حکومت عثمانیه ، قونفرانسیک تکلیف‌لرندن قسم اعظمی وبالخاصه والیرک دول ضامنه‌نک موافق‌لری استحصال اولندقدن صکره تعین‌لرینه و بین‌الملل قونترول، قومیسونک مداخله‌سنه متعلق اولانلرینی رد ایتدی . بومسئله‌ده کوس‌تردیکی عناد و اصرار ، یا (اروپا) قاینه‌لری آره‌سنده بر اختلاف خفیک موجودیتنه حکم ایتدیکنه ، یاخود (انکلتزه) نک پک عیان اولان مسلک‌نی عن صمیم‌القلب تعقیب‌ایتمه‌مکده اولدینی ظن ایلسنه عطف اولندی . حتی باب‌عالینک (لوندره) دن مقاومت تشویق یوللو اخطارات خفیه آلدیغندن ، مناسبات سیاسییه‌نک انقطاعی حالده (انکلتزه) نک معاونت مادیه‌سی وعد ایدلدیکندن بیله شبهه ایدلدی .

هر نه ایسه ، (اروپا) مرخص‌لری تنظیم ایتدک‌لری پروژه‌لری باب‌عالیه قبول ایتدیرمک ایچون بیهوده چالیشدقدن صکره ۱۸۷۷ سنه‌سی کانون ثانیسنک ۲۰ نجی کونی درسمادتدن مفارقت ایتدیلر .

ایکینجی دفعه اوله‌رق ، محاربه‌نک ظهور ایده‌جک‌نه شبهه قالمامشدی . (روسیه) حکومتی عسکرینی حال سفر برییه وضع ایدیور ، دولت عثمانیه‌ده بونی کوره‌رک مقابله‌یه حاضر‌لیوردی . مع مافیه (پترسبورغ) قاینه‌سی ایله (انکلتزه) خارجیه نظارتی آره‌سنده یکیدن مذاکراته باش‌لانندی ؛ (روسیه) حکومتی درسمادت قونفرانسی مقررات اولیه‌سنک باب عالیجه بلا تأخر قبول واجرا اولمسی خصوصنده اصرار ایلوردی . (انکلتزه) حکومتی قونفرانسیک

هیئت عمومیه سنجہ قبول ایدلمش اولان اصلاحاتک لزومنی تصدیق ایتمکله برابر اروپا پروگرامنک موقع تطبیقه وضعی ایچون حکومت عثمانیه بر سنه مهلت ویرلمسنی تکلیف وعموماً آرزو ایدیلن صلح ومسالمتک محافظه سنی ایچونده هر شیدن اول (روسیه) ایله ترکیانک متقابلاً ترک سلاح ایتلمری لازم کله جکینی بیان ایتدی .

بو بایده مذاکراتده بولمق اوزره ۱۸۷۷ سنه سی مارتنده (لوندره) ده یکی بر قونفرانس دها طویلاندی . مارتک ۳۱ نجی کونی امضا ایدیلن بر روتوقولده دنیلورکه : « شرقده صلح ومسالمتی تأمینہ تشبث ایدن دولتئر ، مقصده وصول ایچون اک امین واسطه نک ترکیاده کی اهالی غیر مسلمه نک اصلاح احوالی وبوسنه - هر سک وبلغارستانده تطبیق اولنه جق اصلاحاتی اهمیت فوالعاده ایله تالق ایلدکلرینی صورت قطعیده بیان و تأیید ایتمکدن عبارت اولدیغی تصدیق ایدرلر ... حکومت عثمانیه نک مواعیدی نه صورتله موقع اجرایه قونیله جقنی آکلامق ایچون بوبایده کی اجرا آتہ سفیرلری وقونسولوسلری واسطه سیله نظارت ایتک نیتنده درلر . بو دفعه کی امیدلری دخی بوش چیقار وخرستیان تبعه شاهانه نک احوالی ، آره صره شرقک صلح وآسایشی اخلال ایدن اختلافک تکرربنه مانع اوله جق صورتده ، اصلاح ایدلمز ایسه اوزمان دولتئر بویله برحاک کنیدیلرینک و(اروپا) نک منافعیله قابل توفیق اولدیغی اعلان ایلکی وظیفه عد ایدرلر . بو تقدیرده اهالی غیر مسلمه نک رفاه حالتی و صلح عمومی بی تأمینہ اک زیاده مدار اوله جق تدابیر ووسائلی مشترکاً قرارلشدیره جقلردر . »


بو بیاننامه نک شدت مالی ، دول غربیه نک (روسیه) بی تسکین ایتک وظهورحرربه مانع اولمق عزم قویسنده بولندقلرینی کوستیریوردی . شبهه سزکه - فرانسه وآلمانیا محاربه سنی متعاقب دولترک باب عالی بی یالکز باشنه بر اقدقلری زمان قصیر داخل حساب ایدلمک اوزره - صوک یکریمی سنه ظرفنده دول معظمه ، ترکیایه قارشى اولان معامله لرنده ، (لوندره) روتوقولنده محرر نظارتی بالفعل اجرایه قرار ویرمشلرکی حرکت ایتمشلردی . مع مافیہ ۱۸۵۶ (پارس) معاهده نامه سی وبونکله برلکده پادشاهی امور داخلیه ده مداخله اجنبیه دن مصون براقان ۹ نجی ماده احکامی محافظه ایدلمشدی . ترکیا ایچون

نه قدر آژ مؤثر اولورسه اولسون ، بو ماده ، (لوندره) پروتوقولی ایله ضمناً منفسخ اولیوردی؛ چونکه یوقاریده کورلیدیکی اوزره پروتوقول، ماده مذکوره احکامنه مغایر براساس وضع ایتشدی : بوندن صکره دولتر ۱۸۷۶ سنه سنده کندیلرینه رسماً تبلیغ ایدیلن اصلاحات پروگرامک صورت اجراسنه بالذات نظارت ایده جکاردی . بو پروگرام ایسه - ۱۸۵۶ اصلاحات خط هایونی کی - بالجله تبعه عثمانیه نك حقوق سیاسیه ومدنیه سنی تأمین ایدن بر قانون اساسی اولدینی ایچون شعبات اداره عثمانیه دن هیچ بری اجنبی قوتورولندن قورتیلهمیه جق دیمکدی .

باب عالی (لوندره) قونفرانسک ، (روسیه) حکومتی طرفندن جمع وتحشید ایدیلن عسکری طاغیتماق خصوصنده اصرار ایدلمی اوزرینه ، عقیم قالدجنی خولیاسنه دوشمش وحتی درسعادت قونفرانسی مقرراتنک ذاتاً هرکجه معلوم اولان صورت ردینی مجلس مبعوثانه تصدیق ایتدیرمشدی . (لوندره) پروتوقولی نشر ایدلیدیکی زمان خطاسنی کوردی ، فقط کندیسنی طوبالایه جنی یرده بالعکس مجلس مبعوثانک قراری حکومتک وظیفه سی نه اولدیغی اراؤه ایتدیکنی مغرورانه اعلان ایلدی . صفوت پاشا ۹ نیسان ۱۸۷۷ تاریخلی تحریرات عمومیه سننده دییوردی که : « هیچ بر مطالعه بزی وظیفه مزدن انحراف ایتدیره مز . وعد اولنان اصلاحاتی اجرا ایده جکمز وبوبابده ولایت ، مذهب ، صنّف فرقلرینی اصلاً نظر دفته آلمه جغز . اکر (روسیه) ترک تسلیمات ایدرسه بزده عسکرمنزی طاغیدیرز . فقط (اروپا) نك پارس معاهده نامه سی وحقوق دول خلافتنه اوله رق بزه قبول ایتدیرمک ایستدیکی وصایت محقرانه یه شدتله اعتراض ایدرز . »

بویانادن برقاق کون صکره ، (روسیه) ایمپراطوری اولمش میوه یی دوشیربیور ، یعنی اردوسنه « دول معظمه نك مساعی مشترکسی ، حسن رضا ایله استحصاله کافی کلین شئی جبراً اده اتمک ایچون » حدود عثمانی یی تجاوز ایتسنی امر ایدیوردی .





اون طقورنجی باب

۱۸۷۷ بخار به سی اناسنده ترکیا

۱۸۷۷ سنه سنده بالقان شبه جزیره سی ایله ارمستانده وقوعه کلن محاربات تاریخ عصر حاضرک ، مسائل عسکریه به مراقی اولانلرجه کمال دقتله تعقیبه سزا ، وقایعندن معدوددر . بزم نقطه نظر مزدندنه ، تنظیماتک کچیردیک یکی بر دوره بحران اولمق اعتباریله ، تدقیقه شایندر .

سلطان عبدالعزیز ، خلعندن برقاچ کون صکره ، یکنی سلطان مراده یازدینی بر مکتوبده : « امید ایدرم که ذات شوکتسمات پادشاهیلمری ، دور سلطنتمده دولتک تمامی ملکیتی وشرف وناموسنی مدافعه ایچون لازم کلن کافه وسائطی حاضرلمش اولدیمعی اونوتمازلر . » دیمشدی . افراط ایله مدح وثنایه مائل اولدینی کبی بعضاً دخی بر فکره شدتله طرفدارلق کوسترمک اعتیادیده بولنان عبدالعزیز ، فی الحقیقه ، تسلیحات وتجهیزات عسکریه به متعلق اولان هرشیئه اهمیت ویرمشدی . فقط محدود بر دائره داخانده قالان فکر عسکریسی ، اردونک کیفیتندن زیاده کمیتی ، قوای بریه وبجریه نک تزییدی جهته معطوفدی . ۱۸۶۹ قانوننک مؤلفی اولان سرعسکر حسین عونى پاشا دائماً بوکا چالیشمیشدی .

حسین عونى پاشا ، پادشاهه ویردیک برراپورده : « اکثر حکومات احتیاجات زمانه تابع اولهرق احتیاط عسکرلرنی تکثیره چالیشورلر . بزم اصلاحات عسکریه مز دخی بو نقطه دن باشلاملیدر . » دیمشدی . ایشته بوسوزلر ، اردوی عثمانی ایچون اوچ بیوک قوه احتیاطیه تأسیس ایدن ، یعنی احتیاط ، ردیف صنف مقدم وتالی ، مستحفظ صنفلرنی احداث ایلین ۱۸۶۹ قانوننک نه مقصد

ایله تنظیم ایدلیکنی کوسترر . بو تبدلات سایه‌سنده ، باشی بوزوق مفرزه‌لری خارج قالمق اوزره ، ۷۰۰,۰۰۰ کیشیک برقوت الده ایدیلوردی [۱] .

۱۸۷۷ سنه‌سنده ، سالف‌الد کر صوف عسکریه‌نک کافه‌سی یکدیگری متعاقب سلاح آلتیه آلدی واسلحه ومهمات بلا نقصان وقتده تدارک ایدلی . فقط ، خرستیان اهلینک حکومتیه قارشى بوضع خصومتکارانه آلمسینه نظراً ، داخل مملکتی عسکردن بالکلیه تخلیه ایتک تهلکلی اوله‌جغندن صوف مذکوره عساکری ایکیه آرلدى ؛ برقسى تعلیم کورمش ، قادروسی تام ؛ دیگر قسمی هرسنه‌کی مانووره‌رده کافی درجه تعلیم کورمش ، فقط تشکیلات وضابطانی نقصان افراددن مرکب ایدی . بوضورتله بردن آلتی نومرویه قدر آلتی صنف قوه احتیاطیه تشکیل ایدلی وایلك اوجکه تک نومرولی صنفلر صنف حربیه سوق اولدی .

مع مافیه ، دشمن اردوسنک متادیا عساکر جدیده ایله تقویه اولمنی اوزرینه ، حکومت عثمانیه بوکلیتلی عسکری دنخى تزئیده مجبور اولدی و (بوسنه) ، (بغداد) کبی خدمت عسکریه‌دن معاف اولان وهنوزاصلاحاتک تطبیقنه امکان حاصل اولامیان ولایتلردن صورت فوق‌العاده‌ده عسکر آلدی . بوضورتله ۱۴۰,۰۰۰ کیشیک فضله برقوت وجوده‌کلدی . بوندن بشقه ۱۰,۲۰۰ طوپدن مرکب ۲۰۰ بطاریا تشکیل ایچون ردیف صنفنک طویچی قسمندن لازم کان افراد وضابطان آلدی .

فقط خاربه کوندن کونه کسب وسعت ایتدیکنندن باب عالی ، ردیف ومستحفظ صنفلرینه داخل اولمیان اهالی آره‌سندن بر کوکلو اردوسی تشکیله تشبث ایدلی . بوکوکلولر ، قسم اعظمی متقاعد ویا مستعفی ضابطانک قومانداسی آلتنده ، طبق عساکر منتظمه‌کی آلایلر تشکیل ایتدیلر . چرکسلر ، عربلر ، کردلردن مرکب بر سواری فرقه‌سی‌ده بوکوکلو اردوسنه ربط ایدلی .

[۱] هرسنه‌کی افراد جدیده تقریباً ۷۵,۰۰۰ کشی تخمین اولنش ایه‌ده فعلاً سلاح آلتیه آلان عسکر بومقداردن پک آذرر . ۱۸۶۹ . قانوننک کافه احکامی آنجق ۱۸۸۹ سنه‌سنده موقع تطبیقه وضع اوله‌یله‌جکندن [چونکه خدمت عسکریه مدتی جمعاً ۲۰ سنه‌در] بو تخمینه نظراً ، تاریخ مذکوره ، ترکیانک قوای عسکریه‌سی بر ملیون کشی بی تجاوز ایتک لازم کلیر .

الحاصل ، یوقاریده ذکر ایدیلن صنوف عسکرینه دن هیچ برینه داخل اولیان بالمله تبعه عثمانیه دن مرکب اوله رق بر نوع عسا کر ملیه احداثه دخی قرار ویرلدی .

بو مختلف صنفله عائد عسکرک کافه سی حساب ایدمک وتقریباً ۱۰۰,۰۰۰ کشتی تخمین ایدیلن زاندرمه وضبطیه لر خارج بر اقلق شرطیه دولت عثمانیه ۱۸۷۷ سنه سی ظرفنده (روسیه) یه قارشی ۸۱۳,۴۳۵ نفر [بونک لاقول درت یوز بیکی کافی درجه ده تعلیم کورمشدی] ، ۱۴۱,۲۸۴ بارکیر ، ۲۰۱۲ عسکرا وطاق طوبی ، ۳۴۱۱ بیوک چاپده طوب چیقاردی [۱] .

۵۰۰,۰۰۰ آغیزدن طولار ، ۲,۰۰۰,۰۰۰ قویروقدن طولار تفنک چیقارلمشدی .

عبدالعزیزک صورت دائمه ده نظر اعتنا ده بولندیردینی بحریه یه کلنجه ؛ ۸۵۰ طوب و ۲۸,۰۰۰ مرتباتی حامل ۱۱۶ سفینه دن مرکبدی . بولردن اون آلتیسی زرهلی ، متباقیسی حرب وتقلیه سفینه سی اولق اوزره اخشاب ایدی .

ترکیانک سلاح آلتیه آلدینی عسا کر بریه نه قدر چوق کورونورسه کورونسون ، دشمن عسکرینک آنجق نصفنه معادلدی . بونکله برابر عثمانی اردوسی بدایه کرک (اوروپا) ده ، کرک آسیاده شدتلی بر مقاومت ، شایان تقدیر بر شجاعت کوستردی . حتی (بلونه) مدافعه قهرمانانه سی دشمنی حقیقی برهزیمت وفلا کته معروض بر اقدی ؛ محاصرینی تهدید ایدن ایکی اردو قوماندانلری آره سنده رقابت شخصیه اولمسه یدی ، احتمال که ، بالقانلرک شمالنده وقوعه کلن ایلک محاربه لر روسلرک هزیمت کلیه لر یله نتیجه پذیر اوله جقدی . دیگر طرفدن روس اردوسی (قارص) قلعه سی اوکندن رجعته مجبور اولدی و آنجق کایتلی قوای امدادیه آلدقندن صکره تجاوزه باشلایه رق ارمنستان یولنی آچان بوقلعه یی آله ایده بیلدی .

وقایع حربیه نک هیئت عمومیه سندن استدلال ایدلرکنه کوره ، هر نقطه نظردن بر برینه معادل اولان ایکی دولتدن هانکیسی میدان حربده کی ضایعاتی تلافی ایچون دها چوق عسکر سوق ایده بیلیر ایسه غلبه قطیه

[۱] بوارقام ، در سعادت مکتب حربیه سی معامین سابقه سندن موسیو (ازبوتینسکی Zboïnsky) نک نشر ابتدیکی « اردوی عثمانی » عنوانی کتایندن آلتشدر .

اولنك طرفنده قاله جقدى . بوصولته ، ۱۸۶۹ قانونى تنظيم ايدن حسين عونى پاشانك تخميناتنده آلدانمدينى آكلاشيلوردى . فقط ۱۸۷۷ محاربهسى عبدالعزىزك كمال امنيت و غرور ايله خلفه دور وتسليم ايتديكى اردوى عثمانينك ضعيف نقطه لرئى دخی ميدانه چيقارمشدى . عثمانلى اردوسى ، مقدار عساكر نقطه نظرندن ، ضعيفدى ؛ چونكه آنجق افراد مسلمهدن مركبدي و طوغريدن طوغرىيه پادشاهك زير تابعتنده بولان يكرمى سكرى مليون نفوسدن آنجق اون اوچ مليونى خدمت عسكرىيه تابعدى . ۱۸۵۵ سفيرنده اولدينى كېي بودفعده ، عثمانلى اردوسى ، ايلك مصادمه به مقاومت ايتدى ؛ فقط عددأ دشمندن دون اولمى حسييله اوزون مدت تحمل ايدمدي .

برده شوجھت نظر دقتى جاب ايتمشدركه ، ۱۸۶۹ قانونى قادرو نقصانلرئى يك آزاكل ايدميلمش و - حسين عونى پاشايه بحق اعتراض ايدلديكى اوزره - ضابطانك تعليم و تربيه سنى ، لوازم و عموميتله اداره عسكرىيه ك لزوم كوستردىكى اصلاحاتى اجمال ايتمشدى . صوك محاربه نك جدأ مقتدر وشايان تقدير درجهده جسور برچوق ضابطانك موجوديتى كوستردىكى شهسزدر ؛ بوضابطانك همان كافهسى ۱۸۷۱ سنه سنه قدير فرانسز ارباب اختصاصنك تحت اداره سنده قالمش اولان مكتب حربيهدن يتشمشدى . فقط بوكزیده قسم استئا ايديليرسه ديكر ضابطان - مارشال (سن آرنو) نك ترك عسكربئى مدح و ثنا ايلكله برابر جاهل وحيثسز ضابطانك قومانداسى آلتنده بولمسنه تأسف ايتديكى زمانلرده اولدينى كېي - دكرسزلكلرئى اثبات ايتمشلردى . اردوى عثمانى ، تشكيلات عسكرىيه ي اوروپا اردولرى درجه سنه اصعاده مقتدر عناصردن آلآن محرومدر . قواى احتياطيه نك اهميتى بحق تقدير ايتمش اولان حكومت عثمانيه - يوقاریده دخی سويلديكم وجهله - خطوط حديدیه عسكرىيه انشاسى صورتيه وسائط مدافعه سنى تزويد ايتك جهتيده دوشونمشدى . فقط اقسام مهمه سى هنوز اداره قديمه نك تأثيراته تابع اولان اردوى عثمانى كېي ، ۱۸۶۹ ده تصور ايديلن امور نافعه جسيمه تشبثاتى دخی ۱۸۷۷ سنه سنده برچوق نقصانلر ايله مالى ايدى .

بلغارستان عصيانى انناسنده ياتخت جوارنده كى خطوط حديدیه دن خيلى فائده استحصال ايدلمشدى . بلغارلرك عصيانى ، باب عالينك شمدى به قدر

بولایتده تنکیل ابتدکی قیاملرک جمله سندن ماہرانه ترتیب ایدلمشدی ؛ حرکت عصیانیه صربستان اردوسنک حرکاتيله عینی زمانده باشلامش اولسهیدی ارباب عصیانک نائل مقصد اوله جقلری مأمول قوی ایدی . عثمانلی ارکان حربیه سی ، درساعات ایله فلبه آره سنده بولنان شمندوفر خطی سایه سنده ، نقاط لازمه یه سرعتله عسکر سوق ایدرک عصاتک ترتیباتی بوزدی [*] .

بالا آخره ، صربستان ایله محاربه باشلايه جفی صره ده (بلووه) یه قدر تمديد ایدیلن عینی خط عثمانلی عسکرینی ۷۰۰ کیلومتر اولق برمسافه یی پایا اوله رق قطع ایتک زحمتندن قورناردی . شمندوفر خطی (طونه) یه واصل اولسهیدی ترکلرک روسلری بوجهته تماماً مغلوب ایده میه جکلرینی کیم ادعا ایده بیلیر ؟ (شمی) موقع مهم عسکرینی (یامبولی) یه بر تیمور یولی ایله مربوط اولسهیدی ترکار روس اردوسنک طونه اوزرنده کی پیشدارلرینی بوسکورتدکن صکره کمال موفقیتله محاربه یه دوام ایده مزلمی ایدی ؟ خطوط حدیدیه سایه سنده (شبقه) ده تام وقتنده مقدار کافی عسکر جمع وتحشید ایدلمش اولسهیدی عجباً روسلر بوکچیدن کچه بیلرلمی ایدی ؟

روس اردوسی پیشدارینک مریج وادی سنده کری یه بوسکوردلمسی آنجق شرقی روم ایلیده انشا ایدیلن برایکی تیمور یولی شعبه سی سایه سنده ممکن اوله بیلدی . باب عالی ، جنرال (غورقو) نک حرکات سریعۀ جرأتکارانه سندن اون بش کون اول (بوسنه) ده سلیمان پاشانک قومانداسنده کی اردوینی روم ایلی یه دعوت ایتشدی . سلیمان پاشا ۳۰,۰۰۰ کشی ایله آطه لر دکزی ساحلنده شمندوفر خطنک مبدای اولان دده آغاج موقعنه چیقدی . برقاج کون اول رؤف پاشانک قومانداسی آلتنده اوله رق درساعاتدن جنرال (غورقو) یه قارشى کوندریلن عینی مقدارده ، فقط محاربه یه سلیمان پاشا اردوسی قدر آلیشمامش دیگر براردو مغلوب اولمش ایدی . اوئانده یکریمی بش شمندوفر قطاری ، سلیمان پاشانک قومانداسنده کی عسکرک جمله سنی روس ایلری قره غوللرینه اون بش کیلو مترو مسافه قالنجه یه قدر ایلری یه کوتوردی . سلیمان پاشانک

[*] تاتار بازار جقده ایلک حرکت عصیانیه نک وقوعندن برسات اول مدد اعظم قیامک وقوعنی تلغراف ایله خبر آلمشدی . اوکیچه ، اون شمندوفر قطارینه شوکت پاشانک قومانداسی آلتنده کی عسکر ارکاب ایدیلرک محل عصیانیه سرق ایدلدى .

ناکمانی هجومی و موفقیتی معلومدر . ادرنه - دده آغاج شمشدوفر خطدن
 استفاده ایدلمسیدی بوموفقیت ممکن اوله مازدی .
 ایشته یالکز شومثال ، ترکیانک در سعادتن حدود نهریه و بحریه سنه قدر
 خطوط حدیدیه انشا ایتش اولسهیدی محاربه ده نه کی موفقیاته نائل اوله جغنی
 کوسترر .





يکرمنجی باب

آياستفانوس و برلين معااهده نامه لری

۱۸۷۷ سنه سی اواخرينه طوغری ، (چار) ك مظفر اردوسی درسعادتن بر قاج فرسخ اوزاقده اخذ موقع ايتديكي ائشاده ، باب عالی (انكلتره) حكومتك نيم رسمی واساطيله (پترسبورغ) قابينه سنه مذاكرات صلحیه به باشلامسنى تكلیف ايتدی .

مقدمات صلحیه ، ۳۱ كانون ثانی ۱۸۷۷ تاریخده ، ادرنده امضا ایدلدى ومذاكرات قطعیه به ۱۴ شباطده آياستفانوسده باشلاندى . حقیقت حالده ، طرفین مرخصلرینك مذاكراتی آنجیق اون کون دوام ايتدی ؛ چونكه (روسیه) نك پروغرامی اك اوافق تفرعاتنه قدر يك چوق زمان اول حاضرلئش عثمانلی مرخصلری ایچون شرائط صلحیه یی اوزون اوزادی به تدقیقه وقت ومساعده بيله ویرلمه مشدی [*] .

جنرال (ایفنائیف) ك « انفس آثارمهاری اولان » بومعااهده نامه معلومدر . روس دیپلوماتی ، ۱۸۶۸ سنه سنده برنس (غورچاقوف) ك شرق سیاستی ایضاح ايتديكي صروده : « اوتونومی ویا آناتومی Autonomie ou anatonie » دیمش ، یعنی « یاخرستیان ملتله مختاریت اداره ویرللی ، یاخود حكومت عثمانیه نك وجودنده عملیه تشریحیه اجرا اولنلی ، ممالك عثمانیه تقسیم ایدللی » فكرنده بولنمشدر . فی الحقیقه ، (روسیه) حكومتی آياستفانوسده اجرای عملیاتده تماماً سربست قالمش مشرح کبی حرکت ايتدی ؛ قورقوسندن ترمین

[*] تأمین اولندیمنه نظر آ جنرال (ایفنائیف) امپراطور (آلکساندر) ك دور سنوی* ولادته مصادف اولان کوندن صکره مرور ایده جك هر برکون ایچون تضمینات حربیه اوله رق ۵۰,۰۰۰ عثمانلی لیراسی ضم ایده جکینی دوات عثمانیه مرخصلرینه بیان ایتشدی .

ترکیا کسیددی، چیلدی، حتی صاغلام قالان اعضاسنی بیلله سربستهجه استعمال ایدمهجهك حاله کلدی .

(رومانیا) ، (صربستان) ، (قره طاغ) ك سورت قطعه ده ایرلملرندن وتوسیع ممالك ایلرندن بشقه بالقان شبه جزیره سنده (بلغارستان) نامیه دولت عثمانیه ویرکو ویرر بر برنسلک تشکل ایدیور وبوصورتله اوروپای عثمانی بربرندن متفرق اوچ پارچه یه آریلیور، درسعادتک آناوودلق ولایاتی وبوسنه هر سك ايله دکر طریقندن بشقه بر رابطه سی قلمیوردی . «اسلاو اهاالینک روسیه یه تسلیمی دیمک اولان» [۱] بومقاسمه نتیجه سنده حکومت عثمانیه روم ایلده ۱۹۵,۵۰۰ کیلومترو تربیعنده اراضی غائب ایدیور، آسیا جهته ده ۳۵,۰۰۰ کیلومترولق مملکت براقیوردی .

(روسیه) نك، سلاحسز قلمش بر دشمنی بسبتون اولدیرهك بر حرکت قیلندن اولوق اوزره، دولت عثمانیه یه قبول ایتدیردیکي شرائط سیاسیه ومالیه دن شمذیلک بحث ایتیه حکم .

مع مافیه (اوروپا) دولتری، بو «حکم اعدام» ویرلدیکی زمان، نه قدر مختلف الرأی اولورلرسه اولسونلر - اختلافدن مقصدم (آلمانیا) نك معناً (روسیه) یه معاونتی، (اوستریا - مجارستان) ك مجبوراً بیطرف قالمسی، (انگلتره) نك تردد وضعفی، (فرانسه) نك ۱۸۷۱ دن بری سیاسیات عالم صحنه سندن چکیلیمسی ایما ایتمکدر - آياستفانوس معاهده سی، کله نك بتون معناسیله، «مقدمات صلحیه» عد ایتک ایتدیلر. ذاتاً ۱۸۷۸ کانون ثانسی اواخربنه طوغری - که موسقوفلرک افراطه وارده قفلرندن دها اوزمان اندیشه ایدیلیوردی - (انگلتره) حکومتی، ۱۸۵۶ و ۱۸۷۱ معاهداتنک تعدیانی مستلزم هر درلو مقاولاتنک بالجله حکومت عاقده طرفدن قبول ایدلمدیکه حکمسز قاله جغنی پرنس (غورچاقوف) ه بیلدیرمشدی. دیگر طرفدن (اوستریا - مجارستان) دخی ۱۸۷۷ محاربه سی ائناسنده تعقیب ایلدیکي مسلك مطاوعتکارانه یی ترك ایدرک، (لوندرد) و (پارس) معاهده نامه لرینه واضع الامضا دولتلرک (ویانه) ده برقونفرانس عقد ایتلرینی - ۵ شباط ۱۸۷۸ تاریخنده - تکلیف ایتشدی .

[۱] لورد (سالیسبوری) نك ۱ آغستوس ۱۸۷۸ تاریخلی تلغرافنامه سندن .

(روسیه) حکومتی، شبهه سزکه، درسعات سفیرینک تصورات مفرطانه سنی هیئت مجموعہ سیلہ قبول ایندیکی زمان (اوروپا) طرفندن مخالفتہ تصادف ایتیمه جکی امیدندہ پک ایلری یه وارمش اولدیفنی آکلادی؛ بر قونفره عقد ایدلمسنی هر دولدن اول تکلیف ایندی وقونفره نك (ویانه) ده دکل، (برلین) ده طوبلانمسی قرار گیر اولدی.

واقعا، (برلین) قونفره ی آیاستفانوس معاهده نامه سنک بر چوق نقطه لری تعدیل ایندی. فقط دولت عثمانیه، بر حکومت اولق صفتیه، بعض تأمینات استحصال ایتیمکه برابر کندیسنی محافظه ایتیمی لازم کان دول معظمه نك یوزندن متضرر دخی اولدی. دول معظمه، (روسیه) اوزرنده اجرای نفوذ ایدرک بالواسطه وبلا واسطه فتوحاتندن بر قسمنی ترکه مجبور ایتدیلر؛ لکن پادشاهک حقوق حکمرانیسنی تحدید مسئله سنده، بعض قیودات جدیدہ علاوه سی صورتیه، دها ایلری یه واردیلر.

آیاستفانوس معاهده نامه سنک تعدیل نتایجی ایجه تدقیق ایتک ایجاب ایدر؛ چونکه بونتایج، تنظیماتک خاتمہ سی کبی اولدیغندن تاریخمک بوقسمنه عائد تفصیلات صره سنده ایضاحه شایاندر.

نتایج مادیہ جمله سندن بری اولق اوزره، ذاتاً اولجه حکومت عثمانیه دن همان تمامیه مستقل کبی اولان (رومانیا)، (صربستان)، (قره طاغ) امارتلی صورت قطعیه ده ایرلدیلر؛ بونلردن هر بری - آیاستفانوس معاهده نامه سنده قرار گیر اولدیفنی وجهله - توسیع اراضی یه بیلہ موفق اولدی [۱].

باب عالی، بالقانلرک (دوبریجه) دن صربستان حدودینه قدر امتداد ایدن قسم شمالیسنی تماماً غائب ایندی [۲]. واقعا بوراده تشکل ایدن (بلغارستان)،

[۱] بواوچ حکومتک مساحتہ سطحیه لری بوجه آتیدر:

۱. — آیاستفانوس معاهده سنہ نظر آ ۲. — برلین معاهده سنہ نظر آ

رومانیا ۱۲۳,۳۷۳ کیلومتر مربعی ۱۲۵,۱۲۳ کیلومتر مربعی

صربستان ۵۲,۳۰۵ » ۵۳,۸۰۵ »

قره طاغ ۱۵,۳۰۵ » ۸,۶۰۵ »

[۲] آیاستفانوس معاهده نامه سی موجبجه تشکیلی تقرر ایدن بیوک بلغارستان

۱۶۳,۹۶۵ کیلومتر مربعینده اوله جق ایدی. برلین معاهده نامه سی بونی ۶۴,۳۹۰ کیلومتر مربعنه تنزیل ایندی.

دولت عثمانیه ویرکو ویرر بر امارتدی؛ فقط آرده‌ده کی روابط تابعیت و متبوعیت، ۱۸۷۸ دن اول ایکی حکومت متجاورہ‌نک باب عالی ایله مناسباتنه مشابہدی؛ بونقطه نظر دن آرتق (بلغارستان) ک تاریخ تنظیماتہ طوغریدن طوغری یه بر تأثیری قالمشدی.

بر طرفدن بالقانلر و آطہلر دکزی، دیگر طرفدن بحر سیاه و (آدریاتیق) دکزی ایله محدود اولان جنوب ولایاتی دولت عثمانیه قالیور؛ فقط ادرنه‌نک براز ایلریسندن بالقانلرہ قدر امتداد ایدن محللر، مرکزی (فلہ) اولمق اوزرہ شرقی روم ایلی نامیلہ بر ایالت ممتازہ اولیوردی [۱].

محاربہ‌نک و قونغرہ‌نک سبب اصلیمی اولان (بوسنه - هر سک) اوستریا و مجارستانک الہ کچور؛ بو حکومت، ولایات مذکورہ‌یی، مدت اشغال معاهدہ‌نامہ‌ده تعیین ایدلمکسزین، اداره یه مأمور اولیوردی. (روسیه) نک پایتخت عثمانیدن پک اوزاق اولان بوایکی ولایتده تأسیس ایتک ایستدیکي حکومت ممتازہ یرینه بر حکومت اجنبیه قائم اولمشدی. پروتوقوله دنیلوردی که: «اهالی آره‌سندہ موجود اولان ضدیت مذہبیه واجتماعیه کوکس کرہ جک و حکومت عثمانیدن زیادہ اصلاحاتہ مقتدر اولہ بیلہ جک یکانہ حکومت بودر. دولت عثمانیه، بر جوق عصر لردن بری بوقطعه لره حاکم اولدینی حالده، انتظام و آسایشی محافظتیه مقتدر اولہ مدینغی اثبات ایتمه مشمیدر؟»

فؤاد پاشانک، ۱۸۶۷ ده، برکون کلوب باب عالینک بیوک فدا کارلقلرہ قاتلانغہ مجبور اولدیغندن بحث ایدرکن اظهار ایلدیکی بر تمنی، حقیقته منقلب اولمشدی؛ مشار الیه: «بوسنه‌نک صربستانہ الحاق اولنه جغنه اوستریا یه ویرلمسینی آرزو ایدرز.» دیمشدی.

یونانستان، (تسالی) و (تھریر) جهتلرنده توسیع اراضیه موفق اولدی؛ حدودی، آطہلر دکزی ویرسانندہ (سالامبریا) وادیسنہ، (ایونینہ) دکزی جهتدن (قالماس) قدر ایلریلدی.

(آدریاتیق) ساحلندہ کی (اسپیچا) قضاسی (اوستریا - مجارستان) ویرلدی. بوغازک اوتہ طرفده، آسیا جهتندہ (باطوم) و (قارص) ایله برابر ارمنستانک

[۱] بوقطعه‌ده ۶۰۰,۰۰۰ بلغار، ۱۰۰,۰۰۰ مسلمان، ۴۰,۰۰۰ روم بولنقدہ

برقسمنی آلمش اولان (روسیه) الشکرد و بایزید حوالیسنی دولت عثمانیه
اعاده ایتدی [۱].

الحاصل، مختلف عنوانلرله باب عالییه تابع اولان و اجزای ممالک عثمانیه دن
عد ایدیلن حکومت و ایالات مختلفه داخل حساب اولورسه حکومت عثمانیه
(برلین) معاهده نامه سنده ۲۸۷،۵۱۰ کیلومترو تربیعنده اراضی غائب ایتشدی.
طونه ساحلنده کی ایکی امارت ایله قره طاغ اوزرنده کی متبوعیتی - که هان - فیلی
برسوزدن عبارتدی - نظر دفته آلهرق بونلر اجزای ممالکندن عد اولنورسه
ترك ایدیلن اراضی ۱۱۸،۶۷۷ کیلومترو مربیعنه تنزل ایدیوردی.

حکومت عثمانیه، آیاستفانوس معاهده نامه سنده ترك ایتدیکی اراضیدن
۱۰۲،۹۳۸ کیلومترو مربیعنی استرداد ایتمکه، اوروپای عثمانی یکدیکرندن
متفرق اوچ پارچهیه آیرلق تملکسندن قورتولدی و هیچ اولمازسه بوقطعه نك
آتیاً مدافعه سی امکان داخلنه کیرمش اولدی. (اوستریا - مجارستان) شرق
اسلاولنی استیلاسنه قارشی تأمینات لازمه آلمش، دیگر دولتلر (بلغارستان)
امارتنك تجریدی صورتیه بجر سفید جهتندن مستریج اولمش، الحاصل
- (برلین) ده تقرر ایدن تقسیم ممالک مسئله سنی اکمال ایچون بونی ده علاوه
ایدهیم - قبریس آطه سنك موقتاً (انکلتزه)یه ترکی دخی (روسیه) نك آسیای
عثمانیه فتوحات جدیده سنه سد ممانعت چکمشدی.

اداره و سیاسیات نقطه نظرندن باب عالییه تحمیل ایدیلن فداکارلقلر دخی
بك مهم و شایان دقتدی؛ چونکه هر درلو حق حاکمیتك اك اساسلی صفت
میزه سی تنظیم قوانین حق ایسه، بردواتك آنجق بوحق استعمال ایتك
صورتیه موجودیتنه وضع اساس واعضای حیاتیه سنی احداث ایلدیکی، [۲]
نظریه سی طوغری ایسه بوندن صکره ترکیانك دول مستقله آرهنده اشغال
ایده جکی موقع بك مبهم، بك ضعیف قاله جق ایدی.

پادشاه، اوروپای عثمانیه کی ولایاتنك هان کافه سنده «تشکیلات» حقندن

[۱] آیاستفانوس معاهده نامه سنده آسیای عثمانیدن ترك ایدیلن اراضی ۳۵،۶۵۰
کیلومترو تربیعنده ایکن برلین معاهده نامه سی بومقداری ۹۶،۰۰۰ کیلومترو مربیعنه
ایندیوردی.

[۲] «بلونجیلی» نك قانوننامه حقوق دولی، ماده ۶۹.

فراغتہ مجبور اولماشمیدی؟ بالقانلرک شمال طرفندہ کی مملکتلر، یعنی بلغارستان ایچون بوحقندن واز کچمشدی؛ چونکہ امارت جدیدہ قوانین اساسیہ سنی بالذات تنظیم ایتک وکندی اموری نی کندی اداره ایتک امتیازینہ مالکدی۔ شرقی روم ایلی ایچوندہ بوحقندن فراغت ایتمشدی؛ زیرا بویالتک نظامنامہ اساسیسی بین الملل بر قومیسون طرفندن تنظیم اولنہ جقدی۔ یوقاریدہ کورلدیکی اوزرہ، موقتاً (اوستریا-مجارستان) و (انگلترہ) نک تحت اداره سنے ویرلن (بوسنہ)، (هرسک) و (قبریس) ایچوندہ بوحقندن واز کچمشدی۔ (کرید) ایلہ دیگر ولایاتنک جملہ سی ایچوندہ بوحقی ترک ایتمشدی؛ چونکہ بویالاتدہ تطبیق ایدیلہجک نظامات اساسیہ نک اول بول شرقی روم ایلی قومیسوننجہ تدقیق اولنسنہ راضی اولمشدی۔

حتی آسیای عثمانی ولایاتی، دها طوغریسی ارمنیلرک ساکن بولندقلری ولایتلدہ موقع تطبیقہ قونہجق تدابیر اصلاحیہ نی (انگلترہ) ایلہ مذاکرہ یہ مجبور اولدقندن ماعدا پیدرپی اجرا ایدیلن اصلاحات حقندہ دول معظمہ یہ وقت وقت معلومات اعطاسنی دخی تعہد ایتمشدی۔

شونی دہ علاوہ ایدلم کہ، جبل لبنانک اداره سندنہ ذاتاً معاہدہ نامہ ایلہ (اوروبا) یہ باغلی اولان دولت عثمانیہ، نہ بلغارستانی و شرقی روم ایلی یی اداره یہ مأمور اولہجق رؤسانک انتخابندہ، نہدہ پایتختی فن حرب نقطہ نظرندن دائمی برتہدید آلتندہ بولندیرہ بیلن بوصوک ولایتک اشغال عسکریسی بختندہ سرہست ایدی۔

(برلن) معاہدہ نامہ سندنہ شایان دقت دیگر بر نقطہ دها واردر۔ معلوم اولدینی اوزرہ شرق، حد ذاتندہ دین مملکتیدر، بورادہ ادیان ومذہب مختلفہ آرہ سندنہ کی ضدیت ومنافرت ممالک غریبہ دہ کندن زیادہ در۔ عصر لرجہ زمانندن بری تبعہ عثمانیہ نی یکدیگرندن تفریق ایدن شی عرق دکل، دیندر۔ نتہ کیم، دین اسلامی قبول ایتمش اولان بلغارلر، روملر، بوشناقلر خرسیتیان ہم عرقلرندن تماماً آیرلشلردر۔ شرقدہ «استقلال حق ایمان»، یعنی حقوق مدنیہ و سیاسیہ نک دین ومذہبہ تابع اولمامسی قاعدہ جدیدہ سنک اذہان عامہ دہ یرلشمسی، بوقاعدہ یہ توفیقاً ادارہ حکومت ایدلمسی ایچون دها پک چوق زمان کچہجکی شہہ سزدر۔ مع مافیہ (برلن) قونفرہ سی، (فرانسہ) نک تکلیفی اوزرینہ،

هیچ کیمنسه نك دین و مذهبی حقوق مدنی و سیاسیهدن محرومیتده سبب اوله مامسی اساسنی قبول ایدرك بوقانونی وضع ایتمك ایستدی [۱]. عینی زمانده ممالك عثمانیهده کی اجنبی رهبان ایله مؤسسات مذهبیهدنك سفارت وقونسلو سخانه لرك حمایت رسمیهدی آلتنده بولندقلری ذکر و بیان ایدلدی.


ایشته ، ۱۸۷۸ قونغره سنك خلاصه مقرراتی بونلردر؛ وقایع ومذاکرات جاریه تدقیق اولنورسه روس استیلاسنه منجر اولان یحران بوجه آتی اوچ فقره ایله خلاصه ایدیله بیلیر: تنظیمات بحق موقع تطبیقه قونه مدی، تبعه غیر مسلمه نك احوالی اصلاح اولنه میهرق شکایاتی داعی اولدی؛ (اوروپا) خرستیان تبعه لهنده بعض اصلاحات وتأمینات ایستدی، دولت عثمانیه بونلری حقوق حکمرانیسنه مخالف کوره رك رد ایتمدی [۲]؛ روسیه حکومتی (اوروپا) نك مطالباتی موقع اجرایه قویمق وظیفه سنی درعهده ایله دولت عثمانیه اعلان حرب ایتمدی، ترکیانی یر چوق اراضی و حقوق سیاسییه ترکنه مجبور ایلدی؛ (اوروپا) دولتری نك مرخصلرندن مرکب بر قونغره، آیاستفانوس معاهده ناسی احکامنی قسماً تصدیق ایله برابر حکومت عثمانیه نك «استقلال و حقوق حکمرانیسنه» قارشییکی مانعهلر احداثندن کری طورمدی.

ترکیا، بو صورتله، تنظیماتك محسنات حقیقیه سنی غائب ایتمش، یعنی (اوروپا) اصلاحاته خیالی برشی نظریله باقهرق بك چوق زمان مدافعه ایدیلن تمامی ملکیت دولت عثمانیه قاعده سنی ترك ایلشدنر.



[۱] برلین معاهده نامه سنك ۶۲ نجی ماده سی .

[۲] برلین قونغره سنك اون برنجی پروتوقولندن: «قوت شووالوف، محاربه نك اسباب ظهوری دولت عثمانیه طرفندن ۱۸۵۶ سنه سی پارس قونغره سنهده واقع اولان تعهداتك ایفا ایدلمه مسندن عبارت اولدیغنی بیان وتأكید ایتمدی.»



يکرمی برنجی باب

شرفی روم ایدیک تشکیلاتی . — کربیر نظامنامه اسماسینک نمردی .

(برلین) قونفره سی آياستفانوس معاهده نامه سی تعديل ايتديکی صره ده در سعادت قونفرانسینک دولت عثمانیه نك تشکيلات اداره سنه متعلق نقطه نظری قبول ایتش ؛ تشکيلات وتنسیقات متصوره نك فائده بخش اولسی ، دوام ایده یلمسی ایچون تبعه عثمانیه یی تشکيل ایدن ملل مختلفه نك اخلاق وعادته ، ادیان ومذاهبه کوره دیکشمسی لازم کله جکته و ۱۸۵۶ سنه سندن بری باب عالینک تعقیب ایتدیکی وحدت اداره سیاستک فائده سزلکی بالتجربه آ کلاشیلش اولدیغه حکم ایلشدی . تنظیماتک ، حد ذاتنده دائماً مرکزیت اصوله میل اولدیغی بر قاچ دفعه سویلشدم ؛ (اروپا) نك دولت عثمانیه یی تحت نظارتده بولندیرمدینی صره ده مختاریت ولایات سیاستنه هر طرفدن شدتله هجوم ایدلکی هنوز اونودلامشدر صانیرم .

باب عالینک سیاست داخلیه ده دائماً ترویج ایتدیکی مرکزیت اصولی ایله دول معظمه غریبه تقلید ایدلمک ایسته نیلمشدر ؛ حال بوکه دول غریبه ده اهالی ، عناصر مختلفه دن مرکب اولسه بیله ، عینی قانون عدالت ومسائاتک تأثیریه آز چوق بر برلرینه قاریشمشدر . یکدیگرینه دشمن قالان ، بری دیگرینه تابع اولان ملل مختلفه ده مرکزیت اصولی تطبیقه چالیشق خیال ایله اوغراشمغه بکزر ؛ دولت عثمانیه کبی عناصر مختلفه دن اولان (اروپا) دولتلرینی مثال کوسترمک طوغری اوله ماز . (اوستریا) نك زیر تابعیتده کی اقوام مختلفه نك عصر لرجه زماندن بری عینی قوانین ونظامات ایله اداره اولنمی قوانین ونظامات مذکور نك قیمت اصلیه سندن بشقه حکومت مرکزیه نك قوتندن ، بیوک برمهات

ایله اداره امور موقوف اولمسندن ایلری کلیر . حال بوکه ترکیاده بویه بر حکومت موجود دکلدیر . حتی عدم مرکزیت اصولنک ، بتون محاذیرله برابر ، دیگر طرز اداره دن زیاده محسنات تأمین ایلدیکنی تاریخ ایله اثبات ایتدم صانیرم .

دولت عثمانیه ، ۱۸۵۶ تاریخندن بری ، (اوروپا) دولترینه مراجعت ایدرک « اصلاحات شکلی آلتندمه تکلیف ایدیلن هر تدبیرک ولایات و صنوف تبعه نک تفریق اساسنه مستند اولسی بیوک بر حقسزلق اولدیغنی » بیان ایتمکدن خالی قالماشدی . ۱۸۷۷ ده (لوندزه) پروتوقولی تبلیغ ایلدیکی زمان دخی « مسلمانلرک رفاه و سعادت احوالی تأمین ایدن اصلاحات هر درلواهمیتدن عاری ایمش کبی » [۱] اوروپانک یالکنز خرستیان تبعه یی نظر دقته آلمسندن ، خرستیانلری مسلمانلره ترجیح ایلمسندن شکایت ایتمشدی .

(برلین) معاهده نامه سنک ۱۸ نجی ماده سی موجبجه شرقی روم ایلی نظاماتی باب عالی ایله برلکده ترتیه مأمور اولان (اوروپا) قومیسونی ایضای وظیفه به باشلادیغنی زمان عینی اعتراضات ینه درمیان ایلدی ؛ فقط بر فائده حاصل اولدی .

بو قومیسون مذاکرات ابتدایه ایچون در سعادتده بر قاچ دفعه اجتماع ایتدکدن صکره ۱۸۷۸ سنه سی اوخرینه طوغری (قلبه) ده انعقاده باشلادی . بر معاهده عمومیه نک علی العاده بک مختصر اولان موادینی موقع تطبیقه وضعه مأمور بین الملل هیئت لک کافه سی کبی (قلبه) قومیسونی دخی وظیفه سنک حدود وغایه نی تأمین خصوصنده بعض مشکلاته اوغرا دی . ذاتاً مذاکراته باشلار باشلاماز ، آیاستفانوس معاهده نامه سنک بیوک بلغارستانه ادخال ایتمش اولدیغنی بو قطعه اها لیسنک - که روس عسکرینک اشغال موقتی زماننده بسبتون حکومت عثمانیه دن آیرلق فکریله استیناس حاصل ایتشلردی - خصوصتارینه قارشی اوغراشمغه مجبور اولدی . (اوروپا) قومیسر لرینه دنیلوردی که : « بلغارلر ، ترک عسا کر محافظه سنک حمایه سنه یکیدن کیرمکه ، باب عالیجه تعیین اولنان ضابطلر طرفندن قوماندا ایدلمکه اصلاً راضی اولمه جقلردر . بونلرک نائل اولدقلری طقوز آیلق سربستیدن صکره شوکت لک ، طوسونلرک امرلری آلتندمه سرفرو ایده جکلرینی تخیل ایتک غریب بر خیالدر . (ماجنتا) و

[۱] خارجیہ نظارتک ۹ نیسان ۱۸۷۷ تاریخلی تحریرات عمومیه سی .

(صولفهرینو) محاربه لرندن طقوز آی صکره (لومباردیا) نك اصول اداره قديمه يه عودت ايتمی تصور اولنه بيلير میدی ؟ قرال (فردیناند) ك طردندن طقوز آی صکره (ناپولی) اهااليسنك يکیدن (بوربون) لرك عسکرينه تابع اولديغنی ادعا ايتمك طوغری اولور میدی ؟

« قوميسرلر شوکا ايجه قانع اولميدرلرکه شرقی روم ایلی ، ترکیا ایچون ابدیاً غائب اولمشدر . پادشاهك بالاخیار قبول و وضع امضا ايتدیکی آياستفانوس معاهده نامه سیله غائب اولمش ، شرقی روم ایلی ایچون نا قابل تطبیق بر اداره تصور ایدن (برلین) قونفره سیله غائب اولمش ، بو اداره یی قبول ایتکدن ایسه محو اولمی ترجیح ایدن بلغار ملتئک عزم قویسی ایله غائب اولمش ، اموال غیر منقوله لرینی صاته رق آناطولی یه کیدن ترک لرك ظن و تخمین ایله غائب اولمش الخ » [۱] .

اصل خیال ، بلغارلرده ایدی ؛ چونکه بلغارستانك پارچه لئمی وبالقانلرك ترکیایه باشلیجه خط مدافعه اوله رق براقیلمسی ، حقیقت حالمه ، (برلین) معاهده نامه سنك ك اساسلی برنقطه سی ایدی . (اوروپا) مرخصلری (روسیه) طرفندن کمال مهارتله قوریلان طوزاقلردن قور تولق ایچون پك چوق زحمت چکدیلر ؛ (روسیه) مرخصی برنس (دوندو قوف - قورسا قوف Dondoukof - Korsakof) طرفندن شرق روم ایلیك بلغارستان ایله اتحادی فکرینه مستنداً ترتیب ایدیلن نظامنامه اساسی یی [۲] قبول ایدیورمك ایچون (قلبه) یه کلدکارینی اهالی یه آکلاتمغه موفق اولنجه یه قدر هفته لر کچدی . صیق صیق اجراسنه لزوم کوریلن تحقیقات ایله دوچار انقطاع اولان بر چوق آی مذاکراتدن صکره معاهده نامه نك ۱۸ نجی ماده سنده بحث ایدیلن نظامنامه اساسی میدان چیقدی . بر چوق نقطه لری ولایات قانونی احکامنه ، در سعادت قونفرانسك سکنزنجی جلسه سنده تقرر ایدن تکلیفلره مشابه اولان بو نظامنامه نك باشلیجه احکامی بروجه آتیدر :

[۱] « ماریچا » غزنه سنك نشر ایتدیکی بر مقاله دن .

[۲] روسیه مرخصنك تنظیم ایتدیکی نظامنامه نك شرق روم ایلی نواحی مجلسلرینه متعلق اولان ۲۴ نجی ماده سی حکمنجه مجالس مذکوره اعضا لئنه « بلغارستان امارتی تبعه سی » دخی تعیین اولنه یله چکدی .

پادشاه طرفندن بش سنه مدته دول معظمه نك موافقتلريله برخرستيان والى تعيين اولنه جقدر . طوغريدن طوغرى يه حكومت مركزيه نك تمثالى اولان بو والى ولايت مأمورلرني وضابطلرني بالذات تعيين ايدر ؛ يالكنز بعض بيوك مأمورلرك مأموريتلري پادشاه طرفندن يا صراحة ، يا خود ضمناً تصديق ايدلسي شرطدر .

اعضای طبعیه ، اهالی طرفندن منتخب اعضايله والى طرفندن منصوب اعضادن مركب اولان مجلس عمومى ولايت قوانين محليه ني بانتظام لاجل التصديق پادشاهه عرض ايدجكدر . بو مجلس طرفندن قسماً اعضاى طبعیه دن مركب اولمق اوزره بر هيئت دائمه تشكيل ايديله جك وبو هيئت مجلس عمومينك اجتماع ايتديكى زمانلر والينك نزدنده بولنه جقدر .

مجلس مبعوثان عثمانیده شرقی روم ایلی ولایتی نامنه مجلس عمومى ولايت طرفندن منتخب مبعوثلر بولنه جنى كې مجلس اعيانده ده طرف پادشاهيدن منصوب اعيان بولنه جقدر .

مجلس عمومى ولايت اعضاسى اصول بلا واسطه ورأى خفى ايله انتخاب ايديله جكدر . انتخاب جدوللرى نواحى مجلسنجه تنظيم اولنه جقدر .

ولايتك تقسيمات ملكيه سى ولايات قانونى احكامنه موافق و (فرانسه) تقسيمات ملكيه سنه مشاهددر . هر برنده طبق مجلس عمومى ولايت كې انتخاب ايديلن بر مجلس بولمق اوزره سنجاقلره آيرلمش ، قضاى دخى شهر وكوى ناحيه لرندن مركب بولنشدر .

درجات محاكم ، ناحيه ، قضا ، سنجاق محكمه لريله محكمه استينافدر .

بو تفصيلات ، (فلبه) ده طويلانان (اوروپا) مرخصلرينك نقطه نظرينى ارائيه كافيدر . بو مرخصلر - كندى طرفلرندن دخى بيان ايدلديكى اوزره - هرشيدن اول قوه اجرائيه ني تقويه ايتمك ايسته مشلر ؛ قوه اجرائيه مأمورلرينك انتخاب طريقيله بعض هيأت سياسيه وجمعياته مربوط بولنورلرله جائز استقلال اولميه جقلرينه قرار ويرمشلردر . بوقاعده اساسيه ني ، وقيله ، حكامك انتخابى آراى اهالى يه براقان تشكيلات عدليه ده دخى نظر دفته آلمشلردر . مع مافيه بو نقطه ده اعتدالدين آيرليوب محاكم عدليه نك سربستجه وحقانيت دائره سنه

ایضای وظیفه ایده بیلملری قاعده سنی انتخاب حکام خصوصند اهلایه بر درجه به قدر صلاحیت ویرلمسی اصولیه تألیف ایلمشردر .

واقعا ، ولایتک رأس اداره سنده بولنان مأموره غایت واسع بر حق انتخاب تعیین ویرلمسی ولایات قانونی احکامنه مغایر اولدقدن ماعدا در سعادت قونفرانسجه تنظیم قلنان پروژیه دخی مخالف ایدی . فقط (اوروپا) قومیسرلری والینک طولایسیله دول معظمه نك وکالتی حائر اولدینی و بو حاکک ایسه تجربه واستقامت ایله متصف والی تعیینی تأمین ایتدیکنی نظر دفته آلمشردی . دول غریبه ده جاری اولان مختلف طرز اداره لردن برینک تطبیقی مسئله سنه کنجه ؛ مأمورین سیاسیه نك ، یعنی حکومت مرکزیه نك انتخاب وسائر کبی خصوصاته مداخله لرینی استلزام ایده جکی ملاحظه سیله بویله بر تجربه اجرا سندن صرف نظر ایدلمشدی .

شرقی روم ایلی قومیسوننک نظریاتدن زیاده فعلیاته اهمیت ویردیکی اک زیاده مجلس عمومی ولایتک صورت تشکیلنده کوریلور . اهالی ایله قوه اجرایه نك مناسباتی بر آهنگ تام داره سنده تنظیم ایده جک ایکنجی بر مجلس ، یعنی مجلس اعیانه مشابه بر هیئت موجود اولدیغندن قومیسرلر بونقصانی تلافی ایچون بعض بیوک مأمورلری ، مذاهب مختلفه رؤسای روحانییه سنی مجلس عمومی ولایتک اعضای طبعیه سی عدا ایتمشردر . دیگر طرفدن اکثریت نفوسلردن طولانی اولسه بیله عهده لرنده کی اراضینک کثرت و وسعی حسیه اوتدن بری حاکم بر صنف تشکیل ایدن اهالی مسلمیه و مملکتک منافع اقتصادیه سی و ترقیات معنویه سی نقطه نظرندن اهمیتلری انکار ایدیله مین روملره بعض مرتبه نفوذ تأمین ایتکی دخی موافق کورمشلردر . والی عمومی به بویکی عنصردن مجلس عمومی به اعضا انتخاب ایتک حق ویرلامش اولسه مسلمانلره روملردن اعضا بولندیرمق ممکن اوله مازدی .

شرقی روم ایلی نظامنامه اساسی دول ضامنه نك انضمام موافقتلریله تعیین اولنان آله قو پاشانک [برنس و وغوریدس] اداره سی آتنده ۱۱ - ۲۶ نیسان ۱۸۷۶ تاریخنده موقع تطبیقه وضع ایدلدی .

(فله) قومیسوننک وظیفه سی بونکله ختام بولامشدی . (برلین) معاهده نامه سنک ۲۳ نجی ماده سی موجبجه ، باب عالینک اوروپای عثمانیک

دیگر ولایاتی ایچون - ۱۸۶۸ سنه سنده کرید جزیره سنده تطبیق اولنان نظامنامه اساسییه [۱] مشابه اولوق اوزره - تنظیم ایده جکی نظامات حقنده دخی بیان رأی ایده جکدی . (اوروپا) دلیکلیری قومیسونک طاغیل مسندن اول بوماده نك صورت اجرایی حقنده عثمانی مرخصلرینک افکارینی استمزاج و ممالك عثمانیه دن نفوسی کثیر و واسع ولایات آیاستفانوس معاهده نامه سی سایه سنده استقلاله یاقین بر مختاریت اداره یه نائل اوله جقلیری وعدینی آلدقلیری حالده بالاخره اوروپا نك بو ولایاتی یکیدن دولت عثمانیه یه ترك ایتدیکنی ، فقط بوکا مقابل اصلاحات اجرایی شرط اتخاذ ایلدیکنی ، شاید اصلاحات مذکورہ اجرا اولتماز ایسه بو ولایات اهایلیسی حقنده عدالتلرک ایدلمش اوله جققی » بیان ایتدیله .

هیئت مرخصه عثمانیه رئیس (برلین) معاهده نامه سنک ۲۳ نجی ماده سنده محرر نظامات اساسیه نك تنظیمی ایچون قونفره طرفندن بر مهلت تعیین ایدلمه مش اولدیغنی و ذاتاً هرولایتده اهالی محلیه نك دخی رأی آلتق اوزره تحقیقات اولیه اجرایی لازم اولوب بوکاده ابتدار ایدلیدیکنی جواباً بیلدیله . باب عالی ، مرخصلرک غایت مستعجل و مقتضای عدالت عد ایتدکلیری اصلاحاتک اجرایی خصوصنده اصلاحه ایتمدی . فقط اوروپای عثمانی ولایاتنده تطبیق اوله جق نظاماته نمونه اتخاذ ایدلمسی لازم کلن (کرید) نظامنامه جدیدنجه همان بعض تعدیلات اجرایی مناسب کوردی . مقصد ، روم ایلی ولایاتنده ده موافق بر نظامنامه تطبیق دکلدی . بلکه آیاستفانوس معاهده نامه سنک عقدندن صکره کریدیلر آره سنده هیجان افکار حاصل اولمشدی ؛ ۱۸۶۷ سنه سنده دولت عثمانیه دن آیرلسنه رمق قالمش اولان جزیره ده بر آن اول تسکین افکاره چالیشق لازمدی .

۳ تشرین اول ۱۸۷۸ تاریخنده ، (هاله با) ده (کرید) مجلس عمومیسکی وکیللری ایله دولت عثمانیه قومیسری غازی احمد مختار پاشا آره سنده بر صورت تسویه عقداولندی ؛ بو صورت تسویه نظرآ کریدوالیسی ، متصرفلر وقائم مقاملر کبی ، خرستیان اوله بیله جک وبوحالده رفاقتنده بر مسلمان معاون بولنه جقدی . مجلس عمومی قرق طقوزی خرستیان و اتوز بری مسلمان اولوق اوزره

[۱] ایکنجی قسمده کرید تشکیلاته عائد بابہ مراجعت .

سکسان اعضادن مرکب اوله جقدی . بوجلسک - مقرراتی ذات شاهانهک تصدیقه اقران اتمک شرطیه - خیلی واسع حقوق تشریعی سی بولنه جقدی . حتی مجلس ، اکثریت ثامن آرا حصوله کلک شرطیه ، باب عالینک موافقتی اولمسه ده نظامنامه اساسینک صرف امور محلیه عائد موادینی تبدیل ایده بیله جکدی . متصرف وقائم مقاملر مستثنا اوله رق دیگر حکومت مأمورلری مجلس اداره ده اعضا صقیله بولنه میه جقلردی . کافه معاملات اداره وعدلیه ده روجه ، لسان عثمانی ایله عینی مرتبه ده طوطیه جق ؛ مجلس عمومینک مذاکراتی یالکیز روجه جریان ایده جکدی . خدمات محلیه ده دائماً یرلیر ترجیح اولنه جقدی . اعشارک صورت اخذ وجباتی اصلاح ایدیه جکدی . جزیره ژاندارمه هیئته خرسیتانلر دخی قبول اولنه جق وبونلر میرالایله قدر ضابطلکه ترفیع ایدیه جکدی . (کرید) ولایتی اردو مصارفه اشتراک اتمیه جک ، فضله وارداتک نصفی امور نافعه محلیه صرف اولنه جقدی .

مقاوله نامه نک خاتمهنده شوقفقره غربیه بولمقده ایدی : « شاید طرف حکومتدن یریلن اوامر استقلال محاکمه ، الیوم مرعی الاجرا اولان قوانین ونظامنامه اساسیه مغایر اولورسه موقع اجرایه وضع ایدیه جکدر . » ممالک عثمانیه نک ولایات سائرهنده کی حقوق حکمرانی سی خلیجه تحدید ایدلش اولان پادشاهک ، (اوروپا) طرفندن اخطار وتضییق وقوعه کله دن ، (کرید) ه بونظامنامه اساسی بی ویرمی زمانک ایجابات ضروریه سندن ایدی . عجبا باب عالی (هاله پا) مقاوله نامه سنک نتایجی دوشونمشمی ایدی ؟ دیگر ولایتلرکده بوصورتله ، یعنی (برلین) معاهده نامه سنک ۲۳ نجی ماده سنی ایلرییه سوردهک عینی منافی طلب ایده جکلرینی نظر دفته آلامشمی ایدی ؟ هر نه اولورسه اولسون ، باب عالی ، اظهار ایدیککی علوجناب اوزرینه (کرید) ده کی تبعه سنک آرتق برده جکی قالمیه جغنی ، هیچ اولمازسه بو طرفده برعصیان تهله که سنک چوق زمان ایچون اوکی آلمش اوله جغنی امید ایدیور ؛ اوچ سنه صکره عینی تبعه نک (کرید) ی ویرکو ویرر بر حکومت مختاره یایمق ایستیه جکلرینی خاطره بیله کتیرمیوردی [*] .

[*] کرید مجلس عمومینک ۱۸۸۱ سنه سی جزیراننده جریان ایدن مذاکراتی .



يکرمی ايکينجی باب

ارمنيہک ساکن اولدوقلری ولایات اهرالی و تشکيلیاتی. — انگلتره نك
شرقی سیاست جریده سی. — ترکیانك ۱۸۸۰ سنسندگی اهرالی مقصدی انگلتره
افکار عمومی سی.

(برلین) قونقره سندن اول — کلیخانه خط هایونی ایله ۱۸۵۶ اصلاحات
قرماننده موعود اصلاحاتك كافة تبعه عثمانیه یه تطبیق لازم کلیرکن — آسیای
عثمانیك ولایات شرقیه سی اصلاحاتدن پك آز حصه دار اولمش ، تنظیماك قوانین
و نظامات مملکتده وقوعه کتیردیکی تبدلات بو ولایتلرده آنجق حس ایدیه بيلمشدی.
مع فایه بوراده دخی — بالقان شبه جزیره سنده و جزائر بحر سفیدده اولدیغی
کچی — عنصر اسلامك قارشوسنده خرستیان عنصری بولمقده ، بو عنصر عصر لرحه
زماندن ملت غالبه نك عینی قانون سیاسیه سی تابع اولمقده ، آردهده عینی منافرت
و ضدیت اجرای حکم ایتمکده ایدی . خرستیانلر ، بوراده دخی آنجق
قومشولرینك مسامحه و مساعدیله یشایه بیلن بر عنصر ایدی .

خرستیان عنصرینك بوطاعت صبورانه سی — که عالم مدینیدن اوزاق قاله نك
وبناء علیه کوشه نسیانه آتيلمه نك نتیجه طبیعیه سی ایدی — مرور زمانه
صداقت شکل ظاهرینسی آلمش ، هله مأمورین حکومت نظرنده بو صداقت
اسارت معناسی افاده ایتمکده بولمشدی .

(روسیه) حکومتی ، اوروپای عثمانیده اولدیغی کچی ، بو ولایات بعیده ده دخی
خرستیان عنصرینك مقدراتنه اجرای تأثیر ایتمش واحتمال که بوتأثیرات ، پك
چوق زماندن بری اونودیلان برملتك شرقك خرستیانلر طرفندن احیاسی امر
مهمنه اشتراك ایتمی امکاتی حاصل ایلشدنر .

۱۸۷۸ سنه سنده ، (روسیه) ، ارمنیلرله مسکون ولایات عثمانیه یه صاحبدی . هرشیدن اول ، (قارص) ی مهم بر مرکز عسکری اوله رق محافظه ایتک ، (باطوم) ی ده بر مرکز تجارت اولق اوزره آلق ایستوردی . عجا بتون ارمنستان ولایتلرینی آلق ، ارمنستانک کندی زیر اداره سنده بولنان قسمی ایله برلشدرمک تصورنده بولنشمی ایدی ؟ بوبابده قطعی برشی سویلنه مز ، فقط هر حالده اوزمان (اوروپا) حکومتلرینک بویله بر تشبث عظیمه موافقت ایدهمیه جککری شه سزدر .

ذاتاً ، ارمنستانک دولت عثمانیه اداره سنده کی قسمندن مرکب بر حکومت مستقلا تشکیلی (روسیه) نک ایشنه الویرمزدی ؛ زیرا بوحالده باب عالینک حکومات صغیره مختاره قارشیسنده کی وضعيته مشابه بر موقعدہ قالیر ، کندی تبعه سندن اولان میلیونلرجه ارمنیلرک مستقل بر حکومت تشکیل ایدن همجنسلیله برلشمک ایسته دکلرینی کوریردی .

دیگر طرفدن (پترسبورغ) قاینه سی عثمانلی ارمنیلرینک محبتلرینی قزانمق و (احمیازین) ده اقامت ایدن الک بیوک رئیس روحانیلری واسطه سیله اجرا ایلدیکی تأثیری ، نفوذ معنوی یی تزئید ایتک ایستردی .

ایشته ، (روسیه) مرخصلرینک ۱۹ شباط ۱۸۷۸ تاریخلی آیاستفانوس معاهده نامه سی مذاکره ایدیلیرکن بومطالعائی نظر دفته آدقلری شه سزدی . معاهده نامه مذکورک ارمنیلره متعلق ماده سی یوز سنه اول (قریم) ک اشغالندن اقدام نشر ایدیلن بیاننامه یی آندیرر . ۱۷۸۳ ده ، ایکنجی (قاترین) ک اردولری (قریم) خانلغنه محضا « سکون و آسایشی » محافظه ایتک مقصدیله کیرمشلردی . ۱۸۷۸ ده ، روس اردولرینک ممالک عثمانیه دن چیقملری « روسیه ایله دولت عثمانیه نک مناسبات حسنه سی اخلال ایدم بیهلجه ک اختلافادن ، قاریشیقلاقدن ، مملکتی محافظه ایتک شرطنه معلقدی . باب عالی « ارمنیلرک متمکن اولدینی ایالتلرده منافع محلیه نک ایحاب ایتدیکی اصلاحات و تنسیقاتی بلا افاته وقت اجرا وارمنیلرک کردلره ، چرکسلره قارشى امنیتلرینی استحصال ایلکی ، تمهد ایدیوردی [۱] .

حکومتین عاقدينک مناسبات حسنه همجوارینسی محافظه املنه معطوف اولان

[۱] آیاستفانوس معاهده نامه سنک ۱۶ نجی ماده سی .

بوماده بی متعاقب کلن ماده دخی (روسیه) نك بصیرتکارلغی اثبات ایتکده ایدی . فی الحقیقه (روسیه) ایمپراطوری دولت عثمانیه نك مشکلات مالیه سنی پیش نظر دفته آلهرق تضمینات حربیه نك برقسمنه مقابل اردهان ، قارص ، باطوم ، بایزید والشکرد وادیسنی آلمغه راضی اولیوردی [۱] .

آیاستفانوس معاهده نامه سنك نشری اوزرینه (اوروپا) ده حاصل اولان تأثیرات هنوز خاطر لرده در . (انکلتزه) ده ، بالخاصه ارمنستانه متعلق اولان جهت لر حسیات ملیه بی تحریک ایدی . انکلیز حکومتك نظرند ، بوحوالیده کی ولایت لر دولت عثمانیه طرفندن ترك ایدیلن محلاری اشغال ایده جك اولان (روسیه) حکومتك نفوذی آلتده قاله جق ، « آسیای غربی اهالیسی روس ایمپراطورلغه استقبالك اك بیوك دولتی نظریله باقه جق ، ایدی [۲] . لورد (سالیسبوری) روسیه نك مسلکندن نه کی مضرت لر تولد ایده بیله جکنی ایضاح ایدرکن شو یولده 'داره' کلام ایتمشدی : « الجزیره وسوریه اهالیسی روسیه نك ترقسینه ، ایلر یلسنه شبهه سزکه مخالفدرلر ؛ فقط عطالت وتوکل تام ایچنده وقت کچیریورلر ؛ قضا وقدره قویاً مربوط اولان بو اهالی ، استقبالده روسیه نك ایلر یلسنی منع ایتك ممکن اوله میه جنی فکرینه دوشرلر سه روس اداره سنی قبول وروسیه یه هر صورتله معاونت ایدرلر . » [۳] .

(انکلتزه) ، (روسیه) حکومتندن بو نازك نقطه حقنده محرمانه ایضاحات ایستدی . وبر مدت صکره ، آیاستفانوس معاهده نامه سنك آسیای عثمانیه یه متعلق موادینك ممنونیت بخش بر صورتده تعدیل ایدیله میه جکنه قانع اولدی [۴] .

بناء علیه « موقع سیاسیسی انکلتزه نك شرقده کی منافعه مربوط اولان دولت عثمانیه نك » امنیتتی تأمین ایده جك مستعجل بر تدبیره لزوم کوردی [۵] .

[۱] آیاستفانوس معاهده نامه سنك ۱۹نجی ماده سی .

[۲] انکلتزه قایینه سنك موسیو (وادینفتون) . کوندردیکی ۷ تئوز ۱۸۷۸ تاریخلی تلغرافنامه .

[۳] ۱۷ تشرین اول ۱۸۷۹ تاریخنده ، (مانچستر) ده عقد ایدیلن بر میتینگده ایراد ایدیکی نطقدن .

[۴] سیر (هانزی لایارد) ك ۳۰ مارت ۱۸۷۸ تاریخلی تلغرافنامه سندن .

[۵] عینی تلغرافنامه دن .

۲. حزينان ۱۸۷۸ تاريخنده (انكلتره) سفيري درسعادتده دولت عثمانيه ايله بر اتفاق تدافعي معاهده نامه سي عقد ايتدي ؛ بو معاهده نامه موجبجه «روسيه دولتي باطوم ، اردهان ، قارص وياخود مواقع مذكورهدن بري يذ ضبطنده طوتوبده ايلريده هر نه وقت اولورسه اولسون معاهده قطعيه صلحيه ايله تعيين اولنان آسيا ممالك شاهانه سندن بر قسمي دها ضبط واستيلايه تصدي ايده جك اولورسه او حالحه انكلتره دولتي ممالك مذكورهي سلاح ايله محافظه ومدافعه ايتك اوزره سلطنت سنيه ايله برلشمكي تعهد « ايديوردی .

(روسيه) حكومتی آيستفانوس معاهده نامه سيلاه دولت عثمانيه نك اصلاحاتنه مداخله ايتك حقيقي نصل استحصال ايتمش ايسه (انكلتره) دخي بو معاهده اتفاقيه ايله بوكا بكزر بر حق الده ايتدي ؛ باب عالي «ممالك محروسه ده بولنان تبعه خريستيانيه وساثره نك حسن اداره وحمايه لرينه متعلق ايلريده دولتين بيننده قرارلشديريله جق اولان اصلاحات لازمه يي اجرا ايده جكني انكلتره دولته وعد « ايلدي .

برده شوراسي اونودمامليدركه ، پادشاه ، انكلتره يي «تعهدات واقعه سنك اجراسنجه لازم كلن وسايطي تأمين ايده بيله جك بر حاله قويمق ايجون كنديسنه قبريس جزيره سني تخصيص وعسكر اقامه سيلاه جزيره يي اداره ايتسسه موافقت « ايديوردی .

۱۵. حزينان ۱۸۷۸ تاريخنده ، (برلين) ده باشلايان مذاكرات (انكلتره) خارجيه نظارتك تخميناتنده نه قدر طوغري حركت ايتديكني اثبات ايلدي . (روسيه) ، ۴ حزينان تاريخلي معاهده خفيه ده ذكر ايديلن اوچ موقعي محافظه ايتدي ؛ دولت عثمانيه يه آنجق ارضروم ، بايزيد ايله الشكرد وادي سني اعاده ايلدي . معافيه آيستفانوس معاهده نامه سنده كي ۱۶ نجی ماده نك (برلين) معاهده نامه سنده شو شككه قونلسنه راضي اولدي :

«باب عالي ، اهالي سي ارمني بولنان ايلاتده احتياجات محليه نك ايجاب ايتديكي اصلاحاتي بلا تأخر اجرا وارمينلرك چركس وكردلره قارشي حضور وامينلريني تأمين ايتكي تعهد ايدر وآره صره بوبابده اتخاذ اولنه جق تدابي ري

دولتله تبلیغ ایدہ جکندن دول مشارالمیم تدایر مذکورہ نك اجراسنہ نظارت ایدہ جکلردر . [۱] .

ایشته ، دیپلوماسی علمندہ ارمنی مسئلہ سی بو صورتہ میدانہ چیقدی .
(اوروپا) نك ، روسیہ حکومتك تشبث ابتدائی اوزرینہ ولایات شرقیہ عثمانیہ دہ اجراسنہ لزوم کوستردیکی اصلاحات نہ کبی شیلر ایدی ؟ عجبا روم ایلی ولایاتندہ تطبیق اولنان ویا تصور ایدیلن اصلاحاتك عینیعی اولہ جق ، یوقسہ ارمنیلر ایچون بشقہ بر صورت اداره می تأسیس ایدیلہ جکدی ؟
بو بابده ایلک اوکجه نظر دقتہ آلتہ جق بر مادہ واردی .

بو کونکی ارمنستانك [۲] - بحر سیاه ساحلی ایله محدود قسم شمالیسی استنا ایدیلیرسہ - لایقہ تعین اولمش حدودی یوقدر . بالخاصہ ارضروم ، وان و دیاربکر ولایتلرندہ کثرتلہ بولنان اہالی اصلہ سی ہان ہر یردہ اہالی مسلحہ ایلہ قاریشیقدر . مقداری ۷۸۰,۰۰۰ کشی تخمین ایدیلیر ؛ بو اوچ ولایتدہ یشایان دیگر بر مذہبہ کی خرسیتیانلر دہ علاوہ ایدیلیرسہ ، احتمال کہ بر میلیونہ بالغ اولور [۳] . بو مملکتدہ کی شہرلی ویا کوچہ مسلمانلرک نفوسی سکز یوز بیکی متجاوزدر ؛ بونلرک بر قسمی عن اصل ارمنی ایسہ دہ اکثریسی لسان میلیری اونوتمشلردر .

ارمنیلرک مسلمانلرلہ قاریشیق بر حالہ بولملری (برلین) قونغرہ سندہ تصور ایدیلن اصلاحاتك موقع تطبیقہ وضعی مشکلاتہ دوچار ایدیور ، ہر حالہ ارمنستانی اوروپای عثمانیک خرسیتیانلرلہ مسکون ولایاتنہ بکزمہ مک لازم کلہ جکنی کوستریوردی . علاقہ دارانہ کلنجہ ؛ بونلر ، کندی احوال

[۱] برلین معاہدہ نامہ سنك ۶۱ نجی مادہ سی .

[۲] تاریخ ، ارمنستان قرالغناک میلاد عیسادن ۲,۴۰۰ سنہ اول تأسس ایتدیکنی بیلدیریور . دردنجی وضوکنجی سالہ حکمداری اون دردنجی عمر میلادی اواخرینہ طوغری مقرض اولمشدر . مدیلیر ، آثوریلر ، ماکدونیا لیلر . یونانیلر ، عربلر مرہ سیلہ ارمنستانی ضبط ایتدیلر . بو قطعہ ایچون پک چوق سنہل محاربہ دن کری طورمدیلر . قدیم ارمنستان بوکون دولت عثمانیہ ، روسیہ و ایران آردہ سندہ تقسیم ایدلش اولوب اک بیوک پارچہ ممالک عثمانیہ دہ در .

[۳] ۱۸۴۶ سنہ سندہ کرک آسیای عثمانی ولایاتی ودرسمادندہ ، کرک اوروپای عثمانیہ اجرا ایدیلن تحریر نفوسہ نظر آ ممالک عثمانیہ دہ ۲,۵۰۰,۰۰۰ ارمنی بولنقدہ ایدی .

مخصوصه لرینی نظر دفته آلهرق، حقیقی امتیازات، یعنی (لبنان) درجه سنده بر مختاریت اداره طلب ایدیورلردی. بوبابده کی مطالب و تمینات واضح و قطعیدر، منشاءلری مختلف ایکی وثیقه رسمیده اجمال ایدلمشدر [۱]، که باشلیجه موادیی بوجه زیر یازیوروز:

ارمنیلرک ساکن اولدقلری ولایات ترجیحاً ارمنی ملتدن انتخاب اولنهجق بر خرستیان والینک تحت اداره سنده بولنهجقدر. والینک مدت مأموریتی بش سنه اولهجقدر. والینک معیتده کی مأمورلر بولندقلری محللرده ساکن اکثریت اهاالینک مذهبه کوره مسلمان و یا خرستیانلردن تعیین ایدیلهجکدر. اعضاسی اهایلی طرفدن انتخاب ایدیلمن بر مجلس مصالح عامه یی رؤیت ایدهجک، فقط بومجلس بر هیئت سیاسیة اولیوب یالکیز تکالیف عمومیه نک صورت توزیعی قرارلشدرهجقدر. سوء استعمالاته میدان آجان اعشارک یرینه اراضی و یرکوسی اقامه ایدیلهجک و بوویرکو حاصلاتنک بر قسمی ولایات احتیاجاتنه وبالخاصه طرق و معابر، مکاتب کشادینه صرف اولنهجقدر.

بالجمله امور اداره وعدلیده مسلمانلر ایله خرستیانلر آره سنده مساوات حقیقیه بولنهجقدر. محاکم شرعیه یالکیز مسلمانلر آره سنده کی دعاوییه باقهجقدر. دول غریبه نک قوانین جدیده سندن اقتباس ایدلمک اوزره بر قانون مدنی و بر قانون جزا تنظیم ایدیلهجکدر. محاکم، اساسلی بر صورتده اصلاح ایدیلهجک و محکمه عالیة اعضالغنه موقتاً اجنیلر دخی قبول اولنهجقدر.

ملکتمده اجرای شقاوت ایدن کوچه عشیرتلرک اخلال ایندکلی امنیت عمومیه و شخصیته نک تأمین و ساطی صورت مخصوصده استکمال قلنهجقدر. بونک ایچونده حکومتک حمایه سندن محروم و بناءً علیه امنیت شخصیته لرینی بالذات تأمین راضی اولان اهایلین مرکب عساکر محلیه تشکیلاتی اجرا ایدیلهجکدر. بوضورتله، خرستیان و مسلمانلردن مرکب اولهرق بر ژاندارمه هیئت تشکیل اولنهجقدر. بر اوروپالی ضابطک تحت اداره سنده بولتان ژاندارمه هیئت والینک امری آلتند بولنهجقدر.

[۱] بو وثیقه لردن بری ۱۸۷۷ محاربه سندن مکره ارمنستان و کردستانده سیاحت ایدن برانکلیر جنرال فونسلوسنک راپوریدر. دبکری میفرید بیچ کریمیان و حورهن نار بک نامندمه کی پستپوسلر طرفندن (برلین) قونفره سنه تقدیم ایدیلمن خطرده.

ارمنيلرك كندى مملكتلرنده انتظام و آسایشی محافظه ایچون یكانه چاره
عد ابتدکاری بوتدیر مهم موقع اجرایه وضع اولنجه به قدر مسلمانلرك
المرنده کی سلاحر طوبلانهرق خرسیانلر کی سلاحسز براقيله جقلردر.
مأمورین اداره وعدلیه ویریلن مستدعیاتده ، حضور محاکمه لسان
ملی استعمالنه مساعدده ایدیه جکدر . حکومتك اعلاننامهلری ، امرنامهلری ،
تبلیغات سائر عمومیه سی ارمنیجه و ترکیه اولهرق نشر اولنه جقلردر .

الحاصل - ترکیاده خرسیانلر طرفدن اصلاحات عمومیه طلب ایدلدیکی
زمانلر دائماً ایلری به سوریلن برتکلیف اولق اوزرده - اداره جدیدنك
تطبیق و محافظه سنه بین الملل بر قومیسون مأمور اوله جقلردر .
بوتداییرك قیمت عملیه سی هر دولتدن زیاده تقدیر ایتمی لازم کلن (انکلتزه)
بویابده برچوق قیود احترازیه بیان ایتدی .

(انکلتزه) یه نظراً ، ارمنيلرك ك زیاده امید باغلا دقلری اصول اداره نك ،
اهالی طرفندن منتخب بر مجلس ایله اداره امورك فائده بخش اوله جنی هنوز
بالتجربه ثابت اولمامشدی . سیدسام جزیره سی مستنسا اولق اوزره (کرید)
(لبنان) ده یاییلان تجربه کافی درجه ده قناعت بخش بر نتیجه ویرمه مشدی .
(کرید) جزیره سنده تطبیق ایدیلن نظامنامه اساسی اختلاف عرق و مذهبدن
متولد ضدیتلری تسکین وازاله ایدمه مشدی . جبل لبنانده سکون و آسایش
حکمرما اولمقده ایسه ده بو حال دخی دول معظمه نك انتخابکرده سی اولان
متصرفك لیاقت ذاتیه سی اثری ایدی .

ارمنستان و کردستانده کی مسلمانلر عنفات تاریخیه لرینه ، اعتیادات
فکریه لرینه تماماً ییانیجی برطرز حکومته تابع اوله جق کی کورونمئورلردی .
برده خرسیانلر ایله اوقدر قاریشمشلر ایدی که ارمنیلر طرفندن طلب ایدیلن
مختاریتک تطبیقنده همان غیر قابل اقتحام مشکلاته تصادف اولنه جنی شبهه سز
کیددی .

دها بسیط ، دها سهل الاجرا بر تشکیلات اداره یه لزوم واردی . انکلیز
و کلاسنك افکارینه نظراً ، آسیای عثمانینك شمال شرقی سنده هرشیدن اول
یاییله جق شی امنیت مادیه نك تأمین ایدی . فقدان امنیت ، بورالرده سعی و عملی
عقیم براقیور ، ساکن اهالی بی مأیوس و پریشان ایدیوردی .

ايشته بونك ايجوندرکه «ك زياده جديته نظر دفته آلمغه شايان اولان
شي ضابطه، عدليه، اصول تيكاليف ايدى.»

امور ضابطه نك اصلاحى مسئله سنده نه كې وسائطه مراجعت اولنه جغتى
دوشونمكه، بوباده تردد ايتمه حاجت يوقدى. ارمنيلىر، حكومت عثمانيه، ۱۸۷۷
سنه سنده درسعادته اجتماع ايدن اوروپا قونفرانسى، الحاصل هر كس كردلر
وچر كس نر ك تجاوزاتنه نهايت ويرمك ايجون يرلى اها ليدن ژاندارمه استخدماى لزومى
تصديق ايتمشدى. فى الحقيقه بوتجاوزات، هيچ بر صورتله معذور كوريله مزدى.
عسا كر محليه شكنده اولمى اقتضا ايدن ژاندارمه هيئتى اداره ايجون برمقدار
اجنبى ضابطان استخدام اولمليدر.

امور عدليه به كلنجه؛ ك بسيط اصول محاكاتده، ك كوچك دعوالرده
وقوعه كلن سوء استعمالات كيزلنه مزدى. مملكت، بالخاصه خرسيتانلر، امنيت
ايديله بيله جك محاكم، يعنى مستقيم وبيطرف حكام ايسيتورلردى. مصرده
اولدينى كې هر محكمه به استقامت واهليتى مسلم راجنبى حقوق شناس مأمور
تعين ايتك و بونك رآي آلتقمسرين هيچ بر حكم و يرلمه مك مناسبت بر تدبير ايدى.
ويركو بختده، هر كس اعشار التزاماتنك سبب اولدينى يولسز قلقردن
شكايت ايدى يوردى. ذاتاً ۱۸۵۶ اصلاحات فرمانى دخى بواصولك مضراتى
تصديق ايتمشدى. اعشار، تحصيلدارلر ايجون برواسطه ظلم و اعتساف. كويليلر
ايجون سبب فلاكت و افلاس ايدى؛ بونك يرينه نقداً ويا عيناً تأديه اولنه بيلير
ثابت برويركو اقامه ايتك و برمدت معينه نك مرورنده كوريله جك لزومه كورم
بوويركو ينده اصلاح اينك ايجاب ايتمكه ايدى. بويله بر اصلاحات، اوزون
بر زمانه، مديد بر سعى وغيرته متوقف اولان قاداسترونك موجوديتيله ممكن
اوله بيله جكندن مال مأمور قلقرينك، استقامتلىر هر درلو شبهه نك فوقنده،
اوروپا ليله موقتاً ويرلمى الزمى.

كذلك بوتجدداتك اجراسنه نظارت ايدمك اولان والينك انتخابنه حكومت
عثمانيه جه فوق العاده اعتنا ايدلمى اقتضا ايدى يوردى. والى دوام مأموريتدن
امين اولمليدى. والينك بر سبب جدى به مستند اولمدهن عزل ايديله بيلمسسه
مانع اولمق ايجون عزائى موجب بر حال كورلديكى زمان محكمه عاليه ويا مجلس
اعيان كې بر هيئتك قراريله تبديل ايدلمليدى.

ایشته ، (انکلتزه) حکومتی ، ارمنیلرک مطالبائی قبول اولنورسه ولایات شرقیه نك آز چوق مختار بر حکومت حالنه افراغ ایدلسی لازم کله جکنی نظر دفته آلمش و بویله بر اصول اداره نی قاریشیق ، اهالی محلیه نك افکار و اخلاقنه غیر موافق کورمش اولدیغندن بونلری قبول ایتیمور ، یوقاریده ایضاح ایدیلن اصلاحاتی کافی عد ایدیوردی . بوکا مقابل ، ارمنیلرک احوال اجتماعیه لرینی اصلاح ایچون واقع اولان تکلیفلرک کافه سنی تنسیب واهالینک اشقییا ، حکام و تحصیلدارلرک مظالمندن قورتارلمسنى توصیه ایلوردی .

حکومت عثمانیه ، انکلیز پروگرامنه اعتراض ایتدی ؛ مع مافیه لورد (بیقونسفید) قابینه سنی بارلمتوده معذور کوستره یله جک صنورنده خلوص نیت ابرازندنده خالی قالمدی .

باب عالی ، ۲۴ تشرین اول ۱۸۷۸ تاریخلی تقرر شفاهی ایله « آسیای عثمانی ولایاتی ژاندارمه اداره مرکزیه سی مجلسنه » براق ضابطک قبولنه واوروبالی معلملرک موقتاً استخداملرینه راضی اولدیغنی ، فقط محاکمه اجنبی اعضا بولندیرمق و محکمه قرارلرینی بواعضا طرفدن تصدیق ایدلمکجه موقع اجرایه قویماق کی تدابیرک « تشکیلات و اصلاحات منظمه اساسنه » مغایر بولدیغنی ، ذاتاً اجنبیلرک هیچ بر زمان نظامات ، عادات و السنه محلیه لزومی درجه ده کسب ووقوف ایدمه جکلرینی بیان ایتدی . باب عالی ، نهایت ، « هرولایتده تبعه اجنبیه دن عدلیه مفتشاری » استخدامنه راضی اوله ییلوردی .

اصلاحات مالیه کانهجه ؛ اعشارک لغوینه تدریجاً ، یعنی ولایت ولایت تشبث ایدیه جک و بودوره اصلاحاتده حکومت عثمانیه فنون مالیه واقف بعض اجابی خدمته قبول ایلیمه جکدی .

(انکلتزه) هیئت وکلاسنک آرزوسنه توفیق حرکت ایتک ایچون والی ، حاکم ، تحصیلدار کی سأمورلر بش سنه ایچون تعیین اولنه جقلر ومهم برجنایت ویا جنجه ایله محکوم اولمکجه ، یاخود منافع عمومیه نقطه نظرندن تبدیله لرینه لزوم کورلمکجه عزل ایدلمه جکلردی .

باب عالینک بوجوانی ، حقیقت حالده ، (انکلتزه) نك پروگرامنه مقابل تنظیم ایدلمش یکی بر پروژده ایدی ؛ فقط حکومت عثمانیه نك آمالی احتیاجات

سیاسیه حاضریه کافی عد ایدلایکندن (بیقونسفیلد) هیئت وکلاسی بوکا پارلمنتوده کی فرقه مخالفه نك اعتراض ایدمه چکنه حکم ایتدی .

(برلین) معاهده نامه سنك عقدندن بری بر سنه کچدیکی حالده پادشاهك بتون فعالیتی وکلا ايله کوزده لری اولان بیوک مأمورین آره سنده تبدلات اجراسنه منحصر قالمشدی . افکار عمومیه ، (انکلتره) بی معاهده نامه ايله تأید ایدن تعهداتی اونو تمق و قبریس آطه سنی اشغال ایچون آناطولی اصلاحاتی بهانه اتخاذا ایتك ايله اتهام ایدیوردی . (انکلتره) پارلمنتو سنده ، انکلیرلرک خلوص نیتلرینی تحت شهاده براقان بویله برمسلك اتخاذا ایدلمسندن طولایی حکومت شدتله مؤاخذه ایدیلوردی . (برلین) قونفره سی مقرراتنك باشلیجه لری اجرا ایدلمش اولدینی ، روس اردولری بالقان شبه جزیره سنی تخلیه ایتدکری ، نتیجه حربه احداث ایدیلن مستقل ویا مختار حکومتلر تشکیل ایلدیکی حالده (انکلتره) نك الك زیاده اهمیت ویردیکی ولایاتده هیچ برشی پایلمیه رق ، اسکی حالک ، یعنی حکومتسزلکك دوام ایدوب کیتدیکی [۱] بیان اولنقده ایدی .

(انکلتره) باش وکیلی ، کندی حقنده کی اسناداتدن ، شبه لردن صقیله رق - معقادی اولدینی وجهله - وطنداش لرینی بیوک برنمایشك تحت تأثیرنده براقه جق برتدبیره قرار ویردی ؛ ازمیر کورفرزینسه برانکلیر دونماسی کلدی و باب عالی به (برلین) معاهده نامه سنه واضع الامضا دولترلی ممنون ایتسی لزومی اخطار ایدلدی .

بوصورتله (اوروپا) محکمه دولیه سی حضورینه دعوت ایدیلن حکومت عثمانیه - متفقنک آمال حقیقه سنه واقف اولدینی ایچون - تمهدانه صادق قاله جغفی وعد و تأمین ایتدی . خدمت دولنده بولسان (باکر) پاشا نامنده بر انکلیر ضابطی - کندیسنه کوسترلمسی تجویز ایدیلن احوالی - تدقیق ایچون آناطولی به کوندردی و « ذات شوکتسبات حضرت پادشاهینک ترفیه احوال تبعه حقنده کی الطاف مبادیه سندن » باحث بر بیاننامه نشر ایلدی .

باب عالی ، ۱۵ تشرین ثانی ۱۸۷۹ تاریخی بیاننامه دییوردی که :

[۱] ولایات اهالیسنک اوزمانکی احوالی ایچون محمود پاشانک ۲۳ کانون اول ۱۸۷۹ تاریخی تحریرات عمومیه سنه مراجعت .

«... محاربە نك تىجە طىيەسى اولان غوائلك قىم اعظمى بوكون
 برطرف ايدىلش اولدىنى ايجون ذات شوكتىمات حضرت پادشاهى بالجملة صوف
 اهلينك نعمت عدالتدن متساوياً مستفيد اولمى و عمران مملكەك تأمىنى
 ضمانتده ايجاب ايدىن تدابيرە توسل ايدىلمىنى لطفاً امر و فرمان بيورمشىلردىر .
 ارادە سنىە حضرت پادشاهى يە توفيقاً مجلس خاص وكلا بومسئله مهمەنى
 عريض و عميق تدقيق ايلدىكن صكرە موقع اجرايە وضعى الزم اولان
 اصلاحاتى ايكى يە آيىرمىشدر . برنجى قىسىم ، اوروپاى عثمانى ولایاتىك تشكىلات
 اداره سندن بشقە آسیاى عثمانى ولایاتىك صورت اداره سنجە اجرا ايدىلەجك
 اصلاحات و تنسيقاتى مختويدر . مجلس وكلائك بومواد حقندەكى نتايج تدقيقات
 و مذاكراتى عتبە علىاى پادشاهى يە عرض ايدىلش و ارادە سنىە يە اقتران ايلشدر .
 بواصلاحاتك فوائد و محسناتى قريباً اجراآت حقيقىە و مؤثرە ايلە آكلاشە جقدرد .»
 لورد (بيقونسفيلد) ، باب عالينك بوتأميناتى ايلە پارلمتوده كى فرقه مخالفەنى
 اسكات ايدە بيليردى .

مع مافىە باب عالينك - اك بدىين اولانلرى بيله اقناع ايدەجك صورتە -
 قوياً تأمين ايلدىكى « اجراآت حقيقىە و مؤثرە » كچىكوردى ؛ باب علىينى
 يودرجە مشغول ايدەجك مسئله ۱۸۷۸ سەنەندە نە حالده ايسە ۱۸۸۰
 سەنەسى ايلك بهارندە دخى اوحالده قالمش ، برآديم بيله ايلرى يە كيدلمەشدى .
 اوصردە موسيو (غلادستون) موقع اقتدارە كلىشى ؛ مشار اليهك
 تنسيبى اوزرىنە (انكلترە) خارجىە نظارتى (برلين) قونغرمەندە حل ايدىلن
 مسائلك صورت قطعىەدە تسويه سنى باب على يە اخطار ايتك و بوبابده تدابير
 جبريە يەدە توسل اولنە بيله جكنى احساس ايتك ايجون مشترك برتشبده بولمىنى
 دول معظمە يە تكليف ايتدى .

بوتكليف ، (انكلترە) ايلە (روسىە) نك شرق مسائلندە ائتلاف ايتلمىلردن
 قورقان (ويانە) قابىنە سنجە مظهر حسن قبول اولەمدى . دىكر حكومتلر ،
 تركيانك خصم جاتى اولان ، اوروپا قطعە سەندە كى مسلمانلرە خصومتى كىزلمەكە
 بيله لزوم كورمىن ، آمال و افكار ذاتىە سنى موقع اجرايە وضع ايتك ايجون
 (اوروپا) هيئت دوليە سنىك اشتراك مساعىسەندن استفادە ايتك ايستىن برآدمك ،
 (غلادستون) ك پلانىنە معاونت ايتمەكن قورقديىر .

شوراسنی ده بیان ایدلم که (انکلتزه) رئیس وکلای لاحق قبریس جزیره سنک اشغالی علینده بولندینی حالدہ جزیره ده کی انکلیز عسکری کی کری یه چکمه مشدی .

مع مافیه (برلین) معاهدنامه سی احکامنه رعایت اولنسی لزومنک باب عالی یه اخطار ایدلسی ایچون برمداخلأ مشترکه تکلیفک مذکور معاهدنامه یه واضع الامضا دولتر طرفندن صورت قطعیده رد ایدلسی بالطبع ممکن اوله مازدی . درسعادته مقیم دول معظمه سفراسی، ۱۲ حیزران ۱۸۸۰ تاریخنده، باب عالی یه آیری آیری، فقط متحدالمال برر نوطه ویردیله . بنوطه ده باب عالینک ۱۸۷۸ تاریخنده وقوع بولان تعهداتی وبالخاصه «ارمنیلرله مسکون ولایتده احتیاجات محلیه نک لزوم کوستردیکی اصلاحات اداره» اخطار ایدیلوردی .

برقاچ کون صکره، اوروپای عثمانی ولایاتنه عائد نظاماتی تدقیقه مأمور اولان روم ایلی قومیسونی مذاکراته باشلادی .

عینی زمانده، (انکلتزه) حکومتی کرک روم ایلی وکرک آناتولیده ترکیانک احوالنه دائر درسعادت سفیرینک تنظیم ایتدیکی راپوری نشر ایتدی [۱]. سیر (هانزی لایارد) براز مبالغه کارانه بر لسان قوللانهرق دیوردی که : «بوواسع حکومت احتمالکه هیچ بر زمان بودرجه قاریشیقلغه دوچار اولماش، هیچ بر زمان بوکونکی حال و موقع وخیمده بولنماشدر . بیطرف و ذکی ترکرک کافه سی بونی تصدیق ایدیورلر . ایوم بوراده حکمفرما اولان عدالتمزک، سوء استعمالات اداره، فقر و سفالت، بشقه برملمکتده اولسه، اهلینک عصیانته سبب اولوردی . شمدی یه قدر بویله برعصیان وقوعه کله سی مسلمانلرک صبر وتحمل فوق العاده لرینه، خلیفه حقنده کی حرمت عمیقهلرینه واختلاف عرق ومنافرت مذهبیهدن طولای صنف اهلانی متحدأ حکومت علیننه سوق ایلکده کی مشکلاته عطف اولنه بیلیر . فقط بعض علائمنده احوالک بوصورتله پک چوق زمان دوام ایدمه جکی آکلاشیلور ...

«آناتولیده تصور ایدیلن اصلاحاتک هیچ بری خلوص نیتله موقع اجرا یه قونماشدر ... برلین معاهدنامه سنک ۲۳ نجی ماده سی موجبنجه

[۱] هانزی لایاردک ۴ مایس ۱۸۸۰ تاریخله لورد (گرانویل) کوندردیکی تحریرات .

ولایتلرده متشکل قومیسونلر طرفندن تنظیم وروم ایلی اوروپا قومیسیتجه تصدیق قلندقدن صکره اوروپای عثمانی ولایاتنده موقع تطبیقه وضعی لازم کان قوانین ونظامات اساسیدن هیچ بری قبول وتطبیق ایدلمه مشدر ... دولت عثمانیه نك معروض بولندیغی تهلكی ذات شاهانه ایله وکلاسنه آکلاتمق ایچون دیپلوماسینك کافه وسائطنه ، حتی تهدیداته بيله مراجعت ایتدم ... ومحاربه نك ختامندن صکره کسب اهمیت ایدن فرقه متعصینك پادشاهه حلول ایدرك اوروپا قوانین ونظاماتنك ترکیاده تطبیق ایچون اسلافی طرفندن یاییلان تجربه لردن بر فائده حاصل اولدیغی ، بعدما اوروپای ایشه قاریشدرمه دن حکومتی اداره ایتك ، ترکره ومسلمانلره مخصوص اصول وقوانین دائره سنده مملکتی اصلاح ایلک لازم کلدیکنی بیان ایتدیکنه قانع اولدم . «مع مافیه دولتی بر اضمحلال سریعدن قورتارمحق یکانه تدبیرک اقتدارسز هیئت وکلانك هان عزلندن ، پادشاهه بر تأثیر منجوس اجرا ایدن کیمسه لرك سرایدن اوزاقلشدیرلملرندن ، پادشاهك حکومت مستبده سنی حقیق بر قوتنرول آلتنه آلمقدن ، مسؤلیت وکلا قاعده سنك تأسیسندن ، والیرک توسیع صلاحیتندن ، مجلس مبعوثان واعیایك یا قانون اساسیده کوسترلدیکی طرزده اجتماعندن ویا درسعادته اعضاسی اهالی طرفندن منتخب بشقه بر مجلس طوبالانمسندن ، ولایاتده دخی مجالس منتخبه نك ایفای وظیفه ایتمسندن عبارت اولدیغنه دائر بر قناعت عمومیه موجوددر ...

«باب عالی طرفندن کندیلرینه ۱۸۷۸ قانون اساسینی تبلیغ ایدیلن دولترلر مجلس مبعوثانك عقداجتماعه دعوت اولنسنی طلب ایتك صلاحیتداردرلر . اکر انکلتیره حکومتی یا منفرداً یاخود دیگر دولترلره مشترکاً بویه بر طلبده بولنورسه ، انیمکه ، اک زکی ، اک منور ، اک زیاده سربستی طرفداری ، اولان بر قیم خلق کندیسنه متشکر اولور ... ومملکتی بر سقوط عمیق وسریعدن قورتارمغه یکانه چاره اولان اصلاحات اوروپایلرک نظارتی التمه تطبیق ایدیلیر .

(لوندره) هیئت وکلای جدیده سی ، بو صورتله ، افکار عمومیه یه اجرای تأثیر ایتك و (برلین) معاهده نامه سی احکامنك تمامی اجراسی حقننده کی تحریرات عمومیه سنك سبب اولدیغی ترددرلی ازاله ایلک ایستیوردی . بوکا

موفق اولمه بيله باب عايدن آناطولى ولاياتك تنسيق اداره سنه دأر بر پروژه استحصانه موفق اولدى، سفارتخانه لك ۱۲ حزيان ۱۸۸۰ تاريخلى نوطه لرنده طلب ايديلن شى ده بو ايدى .

ديار بكر والىلكنده بولمىش اولان و اخيرا خارجيه نظارتنه تعيين ايديلن عابدين پاشانك و يردىكى مه موراندومه نظراً، كردستان ايله جوارنده اهالىنك اخلاق و طبائعه اك موافق اصلاحاتك موقع تطبيقه وضى ايچون اول باول ناحيه تشكيلاتنك اجراسى، جزا محكمه لرى احداثى لازم كلديكى تدقيقات واقعه دن آكلاشيلمىشى . ناحيه مجلسلى اعضاسى اهالى طرفدن انتخاب ايديله جك و حكومت ناحيه مديرلى بونلر ميانندن تعيين ايدى جكدى . هم قوه اجرائيه مأمورى، هم ده منافع محليه بلديه نك وكيل و مدافعى صفتيله حركت ايدى جك اولان بو مديرلر قضا قائممقاملرينه تابع اوله جقلردى . اكثريت اهالى هانكى مذهب دن ايسه ناحيه مديرلى او مذهب دن اوله جق، يالكز رفاقتلرينه اقليت اهالىنك مذهب دن بر معاون و يريله جكدى . اهالى طرفدن منتخب ۴ الى ۶ اعضالى بر ناحيه مجلسى صورت دائمه ده اجتماع ايدى جكدى . بلا تفريق مذهب بالجمله اهالى ژاندارمه سلكنه قبول ايديله جك و ژاندارمه لر ناحيه مديرلىنك امرى آلتنده بولنه جقدى . جزا محكمه لرى صره ايله قضادن قضايه نقل ايديله رك جزا دعوالرينى رؤيت ايليه جكدى . هر ولايت حاصلاتنك عشرى امور معارف و نافعويه تخصيص قلنه جقدى . والى لك صلاحيتلى توسيع و دوام مأموريتلى تأمين اولنه جقدى .

بو تشكلات، باب عاينك ولايات سائر حقه ده كى تشكيلاتندن پك آز فرقى ايدى؛ حتى ۱۸۷۸ سنه سى مذاكراتنده قبول ايديلن بعض تدابير بو دفعه طى و اخراج ايدلمىشى .

باب عالى، روسيه حكومتك بر آراق دول معظمه نك نظر دقتى جلب ايلديكى ولاياتك اوزاقلغندن طولاي بو مسئله ايله آنجق ضعيف بر حس انسانيتيه تبعاً اشتغال ايتديكندن جسارت آلهرق ايستديكى كى حركته باشلامىشى .

مع مافيه سفارتخانه لر عابدين پاشا طرفدن تكليف ايديلن نظامنامه نك ارمنى ملتى ايچون بر خدعه دكل، عادتاً بر طوزاق اولديغى بيليرمكده قصور

ایتمیلر . دیگر طرفدن (انکلتزه) حکومتی بو تبلیغات شدیدہ باب عالینک کوزینی آجہجق ماہیتہ بعض بیانات علاوہ ایتدی . موسیو (غلادستون) پارلمنتودہ شو نطقی ایراد ایلدی : « دولتر وقتیلہ شویله دیمشلدی : ترکیاہ اصلاحات اجراسنی توصیه ایدہجکز ، فقط بو اصلاحات دولت عثمانیہنک تمامی ملکیتنی اصلاخللدار ایتیمہجک . بوندن نہ نتیجہ حاصل اولدی ؟ شو : دولت عثمانیہ ، یکریمی سنہ صلح وآسایش ایچنندہ یشامقلہ برابر دولترلرک آرزو ایتدکاری ترقیناتک هیچ برینی حصولہ کتیرمدی واورویاہ تبدیل مسلك ایتک لازمکلدیکنی آکلامغہ موفق اولدی . . . دولت عثمانیہنک محو واضمحلالندن تولد ایدہبیلہجک احوال وخیمہیہ مانع اولغی نہ قدر آرزو ایدرسہک ایدہم ، ترکیانک تبعہسنہ قارشی ایفاسنہ مجبور اولدینغی وظائفک حسن اجراسی هیچ بر زمان ایکنجی درجہ برمسئلہ دکلدر ، بلکہ اصل مسئلہبودر ، بتون مساعیمز بو نقطہیہ معطوفدر . دولت عثمانیہ وظیفہسنی ایفا ایتدیکی تقدیردہ تمامی ملکیت واستقلالنی یالکزکندی وسائلی ایلہ محافظہ ومدافعہیہ مجبور اولہجقدر » [*] .

شہسزکہ ، موسیو (غلادستون) ک اصلاحات عثمانیہنک منشأ واهیتی حقندہکی فکری وقایع تاریخیہ موافق دکلدی ؛ بابعالی بی حمایہ ایدن دولترلہ عطف واسناد ایلدیکی لسان ایسہ دولی معظمہنک دکل ، یالکز (انکلتزه) نک ہمده تنظیماتک یالکز بعض دورہلرندهکی آمانہ ترجان اولہبیلیردی . فقط دیپلوماسی عالی بالطبع (انکلتزه) باش وکیلنک آنجق صوک سوزلرینی نظر دقہ آلمشدی . بو سوزلر ایسہ انکلیزلرک شرق سیاستلرنجہ مهم برتبدل وقوعہ کلدیکنی کوستریوردی . لورد (چاتام) ک : « اک عادی برترک کوینک پادشاہک ادارهسندہ قالمسندہکی اہمیت مخصوصہ بی تصدیق ایتین کیمسہلرلہ مباحثہیہ بیلہ کیریشمک ایستہم . » دیدیکی کونلر آرتق کچمشدی .





يکرمی اوچنچی باب

اصوليات عدليه . — تنظيم قوانين

حکومت عثمانیه یی بر چوق حقارتلره معروض براقان بومذاکرات سیاسیه ائناسنده باب عالی ، اداره داخلیه متعلق بر چوق نظامات پروژهلرینی ائکمال ایدیوردی . قوانین اجنبیه دن عینله نقل و اقتباس ایدیلن وانکلیر دیپلوماتلرنجه بحق « تشکیلات قرطاسیه » نامیه یاد اولنان بر چوق نظامات آره سنده تمیز ایدن بو پروژهلرک قیمت حقیقه لری هنوز لایقیه آکلاشیله مامش ایسه ده قانون شکنی اخذ ایتدکاری ایچون تنظیمات جمله سندن عد ایدیه بیلیر .

شورای دولت ایله دیوان احکام عدلیه نك تشکیله متعلق اولان ۱۸۶۸ تاریخلی خط هایون تقریق قوا قاعده اساسیه سنك تطبیقه نك پارلاق بر برهان اولمق اوزره کوستریلیوردی . قاعده مذ کوره ۱۸۶۴ تاریخلی ولایات قانوننده دخی نظری اوله رق وضع وقبول اولمشدی [۱] . خط هایونك نشرندن بر قاچ آی صکره ، سلطان عبدالعزیز باب عالیده ایراد ایلدیکی بر نقطده ، کندی دور سلطنتنده تطبیقی امر ایدیلنك مهم اصلاحاتك ، اداره ملکیه وعدلیه نك استقلاللی قاعده سنك صورت قطعیه ده موقع اجرایه قوندیغنی بیان ایتمشدی .

پادشاه بو سوزنده آلدانیور ، وکلاسی ده بو خطایه اشتراك ایدیوردی [۲] . والیرك وسائر مأمورین اداره نك ولایات محکمه لرینه ایستدکاری حکمی ویردیر مکده دوام ایتدکارینه اهالی قدر وکلا عثمانیه نك دخی واقف اولمدق لرینه هیچ بر صورتله اینانیله ماز . فقط اصل شایان حیرت اولان نقطه شو درکه :

[۱] ۱۷۲ نجی صحیفه یه مراجعت .

[۲] صاوا پاشانك ۱۸۸۰ سنه سی اوائلنده سفارات اجنبیه یه تبلیغ ایتدیکی تحریرات عمومیه .

باب على ، قوه اجرائيه . مامورلرينك بعض وظائف وصلاحياتلرينى نظر دقتدن اوزاق طوتهرق بو مامورلره طوغرىدن طوغرى يه امور عدليه مداخله يه امر ايدىوردى .

در سعادته ، عثمانلير آره سنده كى دعاوينك حكملرينى موقع اجرا يه قويق وظيفه سى « اجرا جمعيتى » ذيلن بر نوع اداره مجلسنه عائددى ؛ تبعه عثمانيه ايله تبعه اجنيه آره سنده كى دعاويده عثمانلير عليه صدر اولان حكملرك اجراسى وظيفه سى ايسه خارجيه نظارتى امور حقوقه قلمنه ويرلشدى . ولاياتده والير ، متصرفلر ، قائممقاملر كفى السابق مدعى عمومى يه عائد برچوق وظائف ايله مكلف اولدقدن بشقه درجات محاكمك هانكيسندن صادر اولغورسه اولسون باجمله محكمه قرارلرينى اجرا يه مامور ايديلر . دهاسى وار : اقامه دعوى ، آنجق بو اداره مامورلرينك استدعا نامه لرى محكمه يه حواله ايتلر يله ممكن اوله بيلوردى . برلوا متصرفك ، برقضا قائممقامنك كيف و آرزوسى ، درجات محاكمده بر دعوا يى حكمدن اسقاط ايچون كفى ايدى .

سفارتخانه لر محكمه حكملرينك اجراسى حقه قلعى بر نظامنامه اولماسندن برچوق دفعه شكايه ايتشاردى . اموال منقوله نك حجزى همان امكان خارجنده ايدى ؛ اموال غير منقوله نك فروخته نك كى مشكلات كاتبلك اودرجه مستبدانه معاملاته ميدان ويرىوردى كه بعض نفوذلى مديونلر حقه نك بسيط معامله اجرائيه يى تطبيق ايديه بيلمك ايچون اكثريا خارجيه ناظرينك ويا صدر اعظمك طوغرىدن طوغرى يه مداخله سى لازم كليردى .

بو قدر عيان و ظاهر وقايع ميدانده ايكن ۱۸۶۸ قانوننى وضع ايدنلرك نهدن طولايى اجرا معامله سنى قوه عدليه دن آيروب مامورين اداره يه ويردكلرينه حيرت ايديلير ؛ بونك سببى اولسه اولسه بو وضع قانونلرك حق قضا ايله برلكده قوه عدليه يى تشكيل ايدن امر واجرا معامله لرينك [۱] بىستون آيرى شيلر اولديغنى ظن ايتلريد .

اسلافندن دهامورالفكر اولان سعيد پاشا ، عدليه نظارتنده بولندينى زمان ، يعنى ۱۸۸۰ سنه سى اوائلنده ، اساسى بوزوق اولان بواصولى تصحيحه

[۱] (هازيون دوپانسه ي Henrion de Pansey) ك تعريفى .

تثبت ایتدی. مشار الیهک تکلیفی اوزرینه حکومت هریرده مدعی عمومیلککری، مباحثه و مقاولات محررلککرینی تأسیس ایلدی [۱]. بوصورتله، قوه اجرائیه و عدلیه بربرینه ربط ایدن صوک باغلر دخی جوزولمش اولیوردی. عین زمانده مستنظقلرک صلاحیتلری دخی خیلی توسیع ایلدی. اوزمانه قدر رؤسای محاکم ادارهلری آلتنده اهمیتسز برر مأمور اولان مستنظقلر برصنف مخصوص تشکیل ایتدیلر. وقتیلر برکون کلوب محکمه اعضاسی اوله بیلیمک حقندن محروم ایکن بوحق ترقی کندیلرینه تأمین اولندی. فقط بتون مراکز عدلیه لزومی اولان مدعی عمومیلک، ضبط کاتبکی، مقاولات محررلکی کبی مأموریتلره ارباب اختصاص واقنداری زرده بوللی؟ حکام عدلیه مأمورین ادارهنک حکم ونفوذندن تمامیه قورتاران بوتجدد، حد ذاتنده غایت منطقی اولقله برابر عجبا ناموسم بر اجرا آت دکلیدی؟ سعیدپاشا، بواعتراضه شو یولده جواب ویریوردی: «هر مملکتده تأسیسات جدیده بالضروره کنج و تجربه سی آز مأمورلره تودیج اولنش و آنجق مرور زمان ایله آثار تکمل کورلمشدر. یونانستانه، رومانیایه، صربستانه، سیسام جزیره صغیره سنه و حتی فلاکت اخیره مز اوزرینه بردن بره کندی کندیلرینی ادارهیه دعوت اولنان ولایات عثمانیهیه باقیکز! عجبا بو مملکتلر اهالیسی، ممالک عثمانیه مزدن آیرلمازدن اول، بزم شمیدیکی اهالیزدن دهها معلوماتلی، دهها منورالفکر می ایدیلر؟ حال بوکه بزم شمیدی تطبیقه لزوم کوردیکمز تبدلاتی هان قبول ایدرک توزیع عدالت مسئله مهمه سنی حل ایتدیلر می؟» [۲]

دولت عثمانیهنک نمونه اوله رق ذکر ایدیلن حکومات عیسویه شرقیه ایله مقایسه سی نه درجهیه قدر طوغری اولورسه اولسون وکلای عثمانیه دن برینک حکومت اسلامیهیه تابع اولان وهنوز کندی کندیلرینی ادارهیه مقتدر عد ایدیلن اقوامک زیر اداره عثمانیه دن چیقمیلرینی (اوروپا)نک بعض قورقاق سیاسیونی نظرنده حقلی کوسترمسی شایان حیرتدی. اکر (روسیه) حکومتی، مختاریت

[۱] بوتشکیلات، ۱۸۷۵ سنه سندن بری مصرده موجود ایدی.

[۲] صاوا پاشانک ۱۸۸۰ سنه سی اوائلنده سفارات اجنبیهیه تبلیغ ایتدیکی تخریرات

اداره مسلكنه طرفدار بر واسطه مالک اولسهیدی واضع قانون عثمانيك اقراردن دها پارلاق بر دلیل کوستره مزدی !

بونکه برابر ، سعید پاشا - تبعه سابقه عثمانیه نك كنديسنة امنیت بخش بر مثال تشکیل ایلدرینه رغماً - مختلف عنوانلره طشره محاکمه الحاق ایدیلن یکی مأمورلری و محاکم مذکوره رؤسا و اعضاسنی ده بر مدت تحت نظارتده بولندیرمق لزومنی حس ایتدی . بومقصد ایله هر ولایتده والیرله تابع اولماق شرطیله عدلیه مدیریتی وظیفه سنی ایضا ایتک اوزره عدلیه مفتش لری تعیین ایلدی . سعید پاشانك ، حد ذاتده پك معقول اولان بواحتیاطكارلنی معترض لری اسكات ایدمه دی . هر طرفدن : « مفتش لری ده تفتیش ایتدیرمیلدر . » دنیلوردی [۱] .

سعید پاشا ، محاکم نظامیه قانون عتیقنك بر چوق نقطه لرنی تبدیل ایدرك تشکیلات عدلیه نواقضی ا کماله چالیشمقله برابر اصول محاکمات جزائیله اصول محاکمات تجاریه قانون حاضرینك نقصانلرنی ازاله یه خادم اوله حق - اصول محاکمات حقوقیه قانونلرنی تنظیمه مسارعت ایتشدی . بویکی قانون مشارالیهك زمان صدارتده نشر ایلدی .

فرانسز قانونندن پك جزئی فرق لره اقتباس ایدلش اولان اصول محاکمات جزائییه قانونی یالکز بر نقطه مهمه ده ، بالطبع شایان قبول کوریه مین « ژوری » اصولده ، اصلندن آریلوردی . درجات ثلثه ده تطبیق اولنه حق اصول محاکمات جزائییه بی تعیین ایدرك عادات قدیمه نك محصولی اولان قواعد مضرمی میدانن قالدیریوردی .

سفارات اجنبیه ، پك چوق زماندن بری آرزو وانتظار ایدیلن بواصلاحاتی حسن تلقی ایتدیلر ، مع مافیه اصول محاکمات قانونلرنك بعض تعدیلاته محتاج اولدیغنی بیان ایلدیلر [۲] . مثلاً ، یکی قانون احکامنجه ، مدعی عومیلر تبعه

[۱] سعید پاشا اصلاحاتك صورت تطبیق ایچون ۱۸۸۱ سنه سننده انتشار ایدن ۸ نومرولی ماوی کتایبك ترکیا قسمنه مراجعت .


[۲] سعید پاشانك زمان نظارتده تنظیم ایدیلن قوانین مختلفه بی تدقیق ایچون سفارات اجنبیه طرفندن بر انجمن مخصوص تشکیل اولمشدر . بو انجمنده فرانسز برخصی اولان موسیو (روغون) ك اوج قطعه راپوری معلومات مفیده بی حاویدر .

اجنبیه‌دن بری برجرم ایقاع ایدیلن خانه‌دن ویا محله‌دن چیقمقدن منع ، مخالفت و قوعنده توقیف و حبس ایتمک ، حتی غیاباً حبسه ویا جزای نقدی به محکوم ایتمک و بوبابده قونسولوسخانه ترجمانلرینک حضورینی نظر اعتباره آماغه مأذون ایدیلر . بینه بوقانون موجبنجه ، مظنون علیه اولان اجنبیه مستنطق قرارنامه‌سینه اعتراض ایچون اوچ کون یرینه یکریمی درت ساعت مهل ویریلیوردی . سفارتخانه‌لر بواحکامی قایتولاسیونلر احکامنه مغایر کوردیلر .

عدلیه ناظری بوبابده کی خطالری تصدیقه تردد ایتدی و مأمورین عدلیه‌یه سالف‌ال بیان احوالده ، حقوق عهدیه وجهله حرکت ایتلرینی امر ایدلی . اصول محاکمات حقوقیه قانوننه کلنجه ؛ سفارتخانه‌لر بوقانونک اصول محاکمات تجاریه‌ینی کاملاً احتوا ایده‌جک و بو صورتله بلا تقریق کافه محاکمه مابه‌التطبیق اوله‌بیله‌جک اصول محاکمات قواعدینک جمله‌سنی حاوی بر قانوننامه وجوده کتیریله‌جک صورته اصلاح و توسیع اولنمسنی توصیه ایتدیلر . بونک ایچون‌ده تجارت محکمه‌لرینه مخصوص بعض مواد ی ذیل صورتیه علاوه ایتمک کافی ایدی .

قوانین مذکوره ، تطبیقنه مأمور اولان کیمسه‌لرک کفایتسز لکندن طولانی ، مطلوب اولان ثمره‌ینی تماماً حاصل ایتمه‌مکله برابر هر حالده اصحاب دعاوی‌یه تعامل قدیمه نسبتله بر چوق تأمینات بخش ایتمکده و مرور زمانله تکمیل ایده‌جکی شبهه‌سز بولنمقده اولدیغندن حکومت عثمانیه‌نک بونلری تبعه اجنبیه‌یه دخی تشمیل ایتمک ایسته‌مسی بک طبیعی ایدی . فی‌الحقیقه سعیدپاشا ، دعاوی حقوقیه و تجاریه‌ده ویریلن حکملرک اجرایی مسئله‌سنده یرلیر کبی اجنبیلرک دخی احکام جدیده قانونیه‌یه تابع اولملری لازم کله‌جکینی صورت رسمیه‌ده بیان ایتدی . شوسطرلری یازدیغ صروده بومسئله هنوز منازع فیه‌در . قاعده حقانیه موافق اولان بویه بر طلبک رد اولنمیه‌جینی ظان ایدیلیر . فی‌الحقیقه ، تبعه اجنبیه‌نک کندی لهرلنده نتیجه‌لن دعاوردده احکام جدیده قانونیه‌دن مستفید اولدقلری حالده علیه‌لرینه ویریلن حکملرده بوقانون احکامنک تطبیق اولنه‌مامسی مغایر عدالت بر معامله اولمازمی ؟ [*] .

[*] انکلتزه ، اوستریا - مجارستان ، حکومت مجتمعه‌بوکی احوالده مأمورین عثمانیه‌نک مداخله‌سنی اخیراً قبول اتمشدر .



یگر می دردنجی باب

اسلام اور ایلد روملر آره سنده ضربیت . — آرناور دلقره اصلومات

(برلین) قونقره سنده موضوع بحث اولان بلغار مسئله سی — بر طرفدن بالقانلرک شمال جهت سنده حکومت عثمانیه یه ویرکو ویرر بر پرنسلیک ، دیگر طرفدن شرقی روم ایلی دنیلن جنوب ولایتده بر اداره مختاره تأسیسندن بشقه بر مقصد نظر اعتباره آلمدیغی تقدیرده — حل ایدلمش دیمکدی . بونکله برابر — یوقاریده کوردلیکی اوزره — بلغارستان پرنسلیکی و شرقی روم ایلی ولایتک تشکیلی آوروپای عثمانیه سائر عناصر خرسثانیه دن مهم بر موقع طومش اولان اسلام عرقک آمال و تمیاتی تماماً وجوده کتیرمکدن اوزاقدی . اداره مختاره یه نائل اولان بلغارلر همجنس لرینک ایکی یه تفریق ایدلمسندن طولای منون اولمدق لری کبی آیاستفانوس معاهده نامه سنک اداره عثمانیه دن قورتاردینی روم ایلی ولایتده کی بلغارلرده ینه طوغریدن طوغری یه حکومت عثمانیه تابعیتده قالدق لردن ناشی خوشنود دکل ایدیلر .

فی الحقیقه ، شرقی روم ایلی ایله بلغارستان پرنسلیکی حدودی خارجنده (ماکدونیا) قطعہ سی وارایدی ، که بر آره لقی بیوک بلغارستانه داخل اولمشدی ؛ شمدی ده — کویا (برلین) قونقره سی پروغرامندن بیوک بلغارستان پروژہ سی سیلنمه مش کی — دیگر همجنس لرینہ التحاق ایتمک ایستیوردی . (فیلیپ) و (اسکندر کبیر) ک قرالغندن متشکل اولان ماکدونیا ده تقریباً ۳۰۰,۰۰۰ ترک ، ۶۰,۰۰۰ روم و ۱۰,۰۰۰ اولاحه قارش ۶۰۰,۰۰۰ بلغاربولنمقده ایدی . بوقطعه نک بلغار عنصری ، بلغارستانه التحاق املی ساحه حصوله چیقنجه یه قدر ، برولایت ممتازہ ، یعنی ایکدنچی بر شرقی روم ایلی تشکیلنی طلب ایدیوردی .

دیگر طرفدن، روملر جنوب بلغارلرینک آمال و مدعیات استیلاجویانه لرینه شدتله اعتراض و « یونان عرقک مدنیت اساسی وضع ایتک کبی بر موقع مستتا قزاندینی » بو مملکتده بلغارلرک هکیمونیا، تفوق ادعاسنده بولمغه حقلری اوله میه جغنی بیان ایدیورلردی. در سعادته « سیللوغ » دنیلن روم جمعیتلری [*] دییورلردی که : « بلغارلرک ماکدونیا ده اثر حیات کوستر مکه باشلاملری آنجق اوتوز سنه لک برشیدر . بلغارلر بکلرک واصحاب املاکدن روملرک خدمتلرنده عادی عمله کبی چالیشمق اوزره کلش مهاجرلردن ، کوچیه حالنده یشایان ایشجیلردن عبارتدر . چینلیلر (قالیفورنیا) یی ، (فلانمان) لر شالی فرانسه یی کندی مملکتلری عدایده میه جککاری کبی بلغارلر دخی اقامت ایتدکلری طوبراغک صاحب مشروعی اولدقلرینی ادعا ایده مزلر .»

ایکی عنصرک مدعیات متقابله سی - (برلین) قونقره سنک مقررات قطعیه سی قارشیسنده نه قدر نظری و بی اساس عد ایدیلرسه ایدلسون - (اوروپا) نک دائما رقابت عرقیه یی وسیله اتخاذا ایدهرک باب عالی بی آملانه متقاد ایدیلر نظر دفته آلدینی تقدیرده جدیتدن ، قیمت عملیه دن عاری عدایده مزدی .

شرقد روم عنصریه اسلاو عنصرینک رقابت وضدیتی یکی برشی ایدی . اون سسکزنجی عصر اواخرنده بویله براختلاف یوقدی . او زمان فسارلیلر در سعادته قوتلی بر فرقه تشکیل ، (افلاق) و (بغداد) ی اداره ایدیورلر ایدی ؛ بالقان (نه پارخیا) لرینک اکثری بونلره عاؤدی ؛ بلغار و صرب اهالی عثمانیلرک تحکملرینه صبورانه تحمل ایتمکده ایدیلر . اسلاولر ، همان همان روملردن تفریق ایدلیورلردی ؛ حتی بالاخره بعض یونان مجبلرینک قوللا متقدمه تغند ایتدکلری « روم اسلاولر » نامی بیله کندیلرینه ویرلیوردی . کرک اسلاولر ، کرک روملر عینی حکومت مستبدیه تابع خرسیتیانلردن بشقه برشی عدا ایدلیور ؛ همان جمله سی عینی مذهبده اولوب حکومت عثمانیه نزدنده در سعادت بطریق یقخانه سی

[*] ۱۸۶۹ سنه سنده ترکیاده شرق اسلاولنی علیهنده تشبئاتده بولمق ایچون بر روم

جمعیتی تشکیل ایتدی . بوجمیه ، بدایه ، (نه تریا) نامی ویرله جکدی ؛ فقط بالاخره بو نامک یونان عصباتی خاطره کتیر مسندن تولد ایده جک محاذیر نظر دفته آلدی ؛ « سیللوغ » یعنی « جمیت ادبیه » عنوانی ترجیح ایدلی .

کندیلرینه وکالت ایدیوردی . مذهب فکری اودرجه تحکم ایدیوردی ، که سوریه ده کی عرب اورتودوقسلره بيله روم نامی ویریلوردی .

اوزماندن بری هرشی دیکشمشدی . فی الحقیقه ، (موره) ایله بو قطعه نك حوالی شالمیه سنده بر حکومت مستقله تشکل ایتدی . و (ایونیهن) آطه لری - جزائر سبعه یونانیه - بو حکومتیه الحاق ایلدی . فقط طونه ولایاتسده فناریلیرك حکم ونفوذنی زائل اولدی ؛ عثمانی اسلاولرینك بر قسمی رومانیالی اولدیلر ؛ بر قسمی مختاریت اداره استحصال ایتدیلر ؛ جمله سی آزچوق قوتلرینی حس ایدرک موقع تجربه قویدیلر ، جمله سی استحصال حقوقه عزم ایلدیلر . خلاصه ، بلغارستانده کی متروپولیدلک لری الله ایتش اولان روم کلیسای هان هر طرفیده بومقاملری ترکه مجبور اولدی وبوندن صکره ۱۸۲۲ سنه سنده (تره زن Trézènes) مجلس عمومیسنك بیاننامه سنده کوریلان شو : « حضرت مسیحه ایمان ایدن بتون ممالك عثمانیه اهالیسی روم ملت جدیده سنده داخلدر » سوزلرینك حکمی قالمدی .

بو کون اسلاو عنصری روم عنصرینه غلبه ایتش و - هیچ اولمازنسه (روسیه) نك نظرند - روسیه (چار) لرینك عثمانی خرسیتیانلرینی قورتارمق ایچون پك چوق زمان معاونت لرینی طلب ایتدکلری روملر ، آرتق بو املدن وازچکمک مجبوریتده قالمشلردر .

ایضاحه حاجت یوقدز ، که (ته میستوقل) ك ، (آریستید) ك اخلافی بویله برسقوط آمالی اصلا قبول ایتمورلر . بونی آکلامق ایچون (سیللوغ) لرک ۲۵ مارت ۱۸۷۸ تاریخنده نشر اولنان بیاننامه سنی - که بر فقره سنی یوقاریده یازمشدم - اوقومق کافیدر .

عصیانلرک ، محاربه لرک آلت اوست ایتدیکی بوقاریشیق محیط ایچنده دوچار هیجان اولان ، برلرینه قارشى موقعلرینی مدافعه یه چالیشان اقوام یالکز بلغارلر ایله روملر دکلدی . اوپنچی بر عنصر دخی میدان مبارزه آتیلحق ، بالقان اقوامنك (برلین) معاهده نامه سی علیهنده کی حرکت متحدانه لرینه اشتراك ایتک اوزره ایدی . بو عنصرده آرنائوودلر ایدی [*] .

[*] تسالیا وئپیر قطعه لرینك طاغلق محللرنده یشایان کوچک برلاتین عنصری اولان (فوچو اولاح) لر دخی مملکتلرینك یونانستانه الحاق علیهنده پروستو ایتشلردر . بونره

یونانستان، قره‌طاغ و صربستان حکومتلرینک حدود جدیده‌سنی تعیین ایچون جریان ایدن مذاکرات مختلفه‌یی بوراده اجمال ایده‌جک دکلم. ذاتاً (دولچینو)، (پروژه) حادثه‌لری، در سعادت و برلین توسطلری هنوز پک یکی وقعه‌لر اولدینی ایچون بالطبع خاطرلرده در.

فقط تاریخ عثمانینک پیش نظر تدقیقمزده بولتان بوقاریشیق دوره‌سینده طور و حرکتلریله پک چوق زمان (اوروپا)یی اندیشه ایچنده براقان (ایلیریینه) قوم صغیرندن بحث ایدلمز ایسه تاریخ تنظیمات نقصان براقلمش اولور. جریان طبیعی وقایع، رقاچ صحیفه‌یی بوقومه تخصیص ایتمه‌ک بی مجبور ایتدی.

تنظیماتک غایه سیاسیسی و بو بایده اقتحامی لازم کلان برچوق مشکلات تدقیق ایدلیکی زمان ایلاک اوکجه نظر دقته چارپان شی، هنوز باربار بر محیط ایچنده اختلاف عرق و مذهبک تولید ایدلیکی ییحد و حساب منازعاتدر.

تکرار ایده‌لم، بو مختلف عرقلر عثمانیلرک فتوحاتی اوزرینه بربرلرینه قاریشماشلردر؛ بالعکس قسم اعظمی اصولاً، نظاماً حال افتراقده قالمش؛ آزچوق مختار بر حکومت محلیه سایه‌سینده کندی طبیعتلرینی، اخلاقلرینی، لسانلرینی عادات و عنعنات تاریخیلرینی محافظه ایتمشدر.

اختلاف عرقدن ماعدا اختلاف مذهب دخی‌تبعه عثمانیه‌یی تقسیمه آز مدار اولمامش؛ آره‌لرنده اوقدر درین ضدیتلر وجوده کتیرمشدرکه شدت و تضدیه ممیا بر حکومت موجود اولمامش اولسیدی محاربات داخلیه‌نک اصلاً اکسک اولمیه‌جینی شبهه‌سز ایدی.

یکرمی سکز میلیونی متجاوز نفوسدن مرکب اولان بوهیئت اجتماعیه - بربرندن آیری و اکثریا یکسیدیکرینه خصم عناصر مختلفه‌سی نقطه نظرندن - تدقیق اولنورسه حکومت عثمانیه‌کی براداره‌ شیدیه و مستبدنه‌نک رنده نه‌قدر ماهر، نه‌قدر عنمکار بر حکومت اولسه ینه دواملی بروحدت سیاسییه، یعنی تعبیر مخصوص وجهله «صورت منظمه‌ده تشکل ایتش بر آرزوی عمومی مشترک‌ایله اداره

پک اسکی برزماندن بری «روم» دینیلیدی؛ کندیلری یونان استقلال محاربه‌سینه اشتراک ایلشردی. باب عالینک آرنالودولرکی (فوجو اولاح) لری‌ده مخالفته تشویق ایتدیکی ظن اولنیور.

اولان ر هيئت دائمه « [۱] وجوده كتيرومكه موفق اوله جنى شهبلى كوريلور .
آرناوودلر ، اوروپاي عثمانى ولاياتنده انقسام داخل يه ، مقاومت منفردانه يه
شاين دقت بر مثال تشكيل ايدرلر . فكر اصلاحات ، كاخانه خط هايونى
و ۱۸۵۶ اصلاحات فرمانك وعد ايلديكى تاسيسات ونظامات مساواتپروورانه يه
- دره بلكل اصولنه آليشان بوشناقلر كې - مقاومت كوسترمكدن خالى
قلامشاردى .

منشألى ظلمت ازمئه قديمده غائب اولان بو غريب قومك - كه هنوز
تاريخى تحرير و اكال ايدلمه مشدر - اتنوغرافيا نقطه نظرندن آرى آرى
بر كومه تشكيل ايدمك اوصاف عموميه يه مالك اولدينى شهبسزدر ؛ فقط
حقيقى بر وحدت مليه وجوده كتيرومديكى ده انكار اولنه ماز . مع مافيه
آرناوودلرده قومشورلى اولان روملر ، صربلر ، حتى بلغارلر درجه سنده
متجانسدلر .

(اسكيپه تار Skypétar) عنوان عرقيسى ايله [۲] ياد اولنان آدرياتيق
دكزينك قسم شرقيسى اهاليى - كه نفوسلرى ۱,۶۰۰,۰۰۰ قدر تخمين
ايديلور - بوكون (اسقومي) ويا (سمنه نى) دنيلن قديم (ژهنوزوس Genusus)
صوينك مجراسنى تعقيب ايدن بر حدود ايله آيرلش ايكي قسمدن مركبدر . شمالده
كنديلرينه (ايلالرين) قوم قديمك حقيقى اخلاقي نظريه باقيلان (كغا) لر بولنور .
(كغا) لر مديتجه - شهبسزكه - جنوبده بولنان يونانيلر ايله عيني عرقه
منسوب اولدقلى فرض و تخمين ايديلن (طوسقا) لرك ، (چام) لرك ، (ليياپ)
لرك دوننده درلر . فيجندن صكره اسلاميت اك زياده (كغا) لرك آره سنده
تعم اتمش ، عثمانيلر - بوسنده اولدينى كې - بوراده دىن اسلامى
قبول ايدن زادكانه املاك و اراضيلرى برامشدر .

مع مافيه بونلرك برچونى اسلاميتى قبول اتمه مشدر ؛ اليوم شمال طاغلرند
بر چوق قبولك قيله لر موجوددر ، كه دينلرينه قطعاً مربوطدرلر .

[۱] ههفته - اوروپا حقوق بين المللى ؛ صحنه ۳۶ .

[۲] اسكيپه تار Shgypetar ، آرناوودجه « قرتال اوغلى » ديمكدور . بو اسم (تهبير)
اهاليى طرفندن (اسكيپه Shgype) ، يعنى « قرتال » لقبيله ياد ايديلن (پروس)
زمانندن قالشدر .

(کغا) لرك احوال اجتماعیه لری وطبایع مخصوصه لری وبالخاصه زمانم زده کی تمایل لری نظر دفته آلهرق ، عجبا کندیلر نی احاطه ایدن و آنجق اخلاق لری اعتبار یله بر لرندن آیریلان اسلاو عنصرینه طوغری میل ایتدکاری ادعا اولنه بیلر می؟ (قره طاغ) نفوذینک جوارده کی آرناوود قبیله لری اوزرنده کیتدجکه توسیع دائره ایلدیکی و ضرب عنصرینک ده قسماً بوقبیله لره نفوذ ایتدیکی شهه سزدر. دیگر طرفدن صربستان حدود جنوبیسی بونجه امتداد ایدن و یکی قرالغنی قدیم (راسچی - Pascie) صربلرندن - که بونلر نظرنده بلغراد شهری ضرب عنصرینه بر مرکز طبعیدر - آیران آرناوودلغنی نظردقندن قاچیرمیور ، قزانمغه چالیشیور. شوراسنی ده اونو تماملیدر که وقتیه صرب بار شمالی (اسکیه تار) لری تحت حاکمیتلرینه آلمشردی ؛ اون بشنجی عصر اوائلنده ده - سپوت (برانقوویچ) ک آرناوودلق بکی عنوانی حائر اولسی بو تقوقی ، حاکمیتی اثبات ایدر. بناء علیه صرب مورخلرینک جمله سی شمالی آرناوودلغنی صربستان حکومت ملیه - سنک اجزای ممالکندن عد ایدرلر .

اسلامیتک جنوبی آرناوودلقدده انتشاری پک چوق زمان صکره وبالخاصه یانیه والیسی تپهدللی علی پاشانک اداره مستبده سی زماننده در . مع مافیه اکثریت دین عیسوی نی محافظه ایتمش ؛ (طوسقا) لر ، (چام) لر ، (لییاب) لر یونان تربیه و معارفه مربوط قالمشدر . بالخاصه (چام) لر ایله (لییاب) لر اخلاق و طبیعتلری و حتی سیما و قیافتلری ایله (نوپر) ک اک قدیم یونان مستعمر - لرینه بکزرلر ؛ بو کون بونلرک مملکت - لرنده اهاالیسی تماماً یونانی کویلره تصادف اولنور . (آتیک) و (بئوئی) ده بر چوق آرناوود کویلری بولندیغی کبی (هیدرا) ، (اسپهچیا) و (پسارا) آطه لری اهاالیسنک قسم اعظمی عن اصل آرناووددر [۱] .

جنوبی آرناوودلغک معناً یونانستانه عائد اولدیغی خاطره کله بیلیر . ذاتاً تاریخ بو ذهابی تأیید ایدیور . یونان استقلاللی فکری بوراده میدانه چیقمشدر . قرال (اوتون) ۱۸۳۵ سنه سنده عصیان ایدن (نوپر) اهاالیسنه خالصانه ال اوزاتمیش اولسهیدی جنوبی آرناوودلقدده دخی قرال اعلان ایدیه جکسه شهه یوقدی .

یوقاریده ایضاح ایدیلن بربرینه ضد ایکی تمایک سوقیله شمال ویا جنوبه طوغری اکیلن و بیوک ملی قهرمانلری روم ویا اسلاو قهرمانلری صره سینه کچن آرناوودلر ، هیئت عمومیهلری اعتباریله ، مستقل بر حکومت ملیه تأسیسنه غیر مقتدر کی کورونیورلر . هر نه قدر آز بر لهجه فرقی ایله عینی لسانی تکلم ایدرلرایسده (کغا) لر ایله (طوسقا) بربرینه مخالف واکثریادشمن ایکی کومه حالنده درلر . اون طقوزنجی عصر اوائلنده ، تپه دئلی علی پاشانک زماننده (طوسقا) لر دولت عثمانیه ایله محاربه ایدرلرکن (کغا) لر کندیلرینک اک مدهش دشمنلری اولدیلر ؛ صکره (کغا) لر دخی ۱۸۳۱ سنه سنده پادشاهه عصیان ایتدکلری وقت جنوب قرداشلری طرفدن شدتله تادیب ایدلدیلر .

ذاتاً بیوک عائله لر قبیله له آیرلمشدر . یو قبیله لرده ، اکثریا ، یا صرف جنکاورلک هوسیه ، یاخود تأثیر رقابت ایله آره لرنده محاربه ایدرلر . شونی علاوه ایدهیم که ، آرناوود اساساً اجرتلی عسکر در . هر کسک بایراغی آلتنده حرب ایدر ، هر درلواقدیلرینه عینی صداقله خدمت ایلر ؛ ییزانس مورخلرندن (فرازمس) درت عصر اول بو صفت میزه یی ذکر ایتمشدر ، که عین محبت وطن اوزرینه مؤسس مشارکت فکریه ووقلیه یه مانع کی کورونور .

آرناوودلرک ، مختصراً ذکر ایدیان ، احوال اجتماعیهلری ، اخلاقلری ، مذهبلری حتی مملکتلرینک احوال جغرافیایی اعتباریله آره لرنده حاصل اولان اختلافات بوقومک تاریخ اصلا حاتمه نصل بررول اوینایه جغنی ، آرناوودلق تشکیلاتنده نصل مشکلاته تصادف اولنه جغنی ایما ایدر .

آرناوودلق ، ۱۸۳۱ سنه سنه قدر ، یرلی رؤسانک تحت اداره سنده ایدی . اشقودره وینیه والیلری پدردن اولاده ارثاً انتقال ایدن بر اداره مستبده ایله مملکتی اداره ایدرلر ؛ ایکنجی درجه ده کی مراکزده بولان پاشالری ، بکلری زیر تابعیتلرنده بولندیرلردی . سلطان محمودک اواخر سلطنته طوغری طرز حکومتده حصوله کلن تبدلات سببیه آرناوود والیر برینه در سعادتدن مأمورلر کوندرلمکه باشلاندى . بونلرک حین انتخابنده اهلیتلی ، احوال محلیه یه و قوفلری نظر دفته آلمانزدی ؛ حال بوکه آرناوودلر آنحق مأمورین عثمانیه نک بومزیتلری حائز اولمسایه سنده باب عالینک اداره مملکته مداخله سنی قبول ایده بیلیرلردی . پادشاهک کوندردیکی مأمورلر یبانبجی کی تلقی ایدلدى ؛ حتی آرناوودلر باب عالی یه

ویردکاری بر عرض حالده شاید کندیلرینه استانبولدن پاشا کوندرمکده دوام ایدیلیرسه آچیقدن آچیغه عصیان ایده جککاری بیلیردیلر . بر چوق عصرلردن بری دوام ایدن اداره نیم مستقله نکرینه اصول مرکزیتک اقامه سی ایچون صرف ایدیلن مساعینک کافه سی عقیم قالدی . دولت عثمانیه نك اصول مرکزیتی تطبیقه چالیشدیغی بودوره ده پایتخته حکمفرما اولان قاریشیق آرنאוودلغه دخی سرایت ایتدی . واصلاح ایدلک ایستیلن مملکتده حکومتسزلک حکمفرما اولغه باشلادی . باب عالینک امتیازات محلیه سی موقتاً تحدید ایتدیکی ولایاتده مشاهده اولنان حال بوراده دخی کورلدی ، یعنی حکومتک مختاریت محلیه یی ازاله یولنده کوستردیکی شدت نسبتده آرنאוودلغک بیوک عالیه لری منقرض اولدی [۱] .

آرنאוودلغه «بیانچی» مأمورلر تعیین ایدلکدن صکره مملکت یکی برتقسیات ملکیه یه تابع طوتولدی . شهرلر و کویلر یالکیز مقدار نفوسلری نقطه نظرندن تفریق اولنهرق یکی سنجاقلر ، قضاالر تشکیل ایدلدی ؛ مناسبت ویا منافرت محلیه یه اهمیت ویرلمدی . برلشدرلمسی ایجاب ایدن یرلر آرلادی ؛ مختلف مرکزله تابع اولسی اقتضا ایدن یرلر برلشدرلدی . بو صورتله مرکزلی اشقودره ، یانیه ، مناسر اولق اوزره اوچ ولایت وجوده کلدی . بعده مرکزلی اسکوب اولق اوزره دردنجی بر ولایت ده تشکیل اولندی . تقسیمات جدیده ملکیه ده مملکتک احوال طبعیه سی ، اهلینک شرائط اجتماعیه سی اصلا نظر دقته آلمدی . مثلاً ، اکثریت نفوسی بلغار و صرب اولان نیش ایله شارکوی و اوتهدنبری بوسنه یه تابع اولان یکی بازار ، شمالی آرنאוودلق ولایتنه ربط ایدلدی ؛ تسالیا قطعه سنک اجزاسندن اولان یکیشهر جنوبی آرنאוودلق ولایتنه الحاق اولندی .

ذاتاً وحدت اداره قاعده سنه هیچ بر نقطه ده رعایت ایدلمدی ؛ اووه لرده ساکن اهالی یه تحمیل ایدیلن تکالیفدن طاغیلر استثنا ایدلیرلر ، بونلره بعض معافیات ویرلدی . الحاصل ، آرنאוودلق حوالیسندده حکومته قارشى مقاومته مانع اولق مقصدیه موقع تطبیقه وضع ایدیلن بوتقسیمات کیفیه علاوة داخلی کمرک خطلری دخی تأسیس ایدیلرک ولایات آره سنده کی مراسلات و مناقلاتده برچوق موانع ایقاع ایدلدی .

باب عالی، مرکزیت سیاست غافلانه سنک آرناوودلقدده سبب اولدینی برچوق عصیانلری برطرف ایتک مجبوریتند بواندی؛ بالخاصه ۱۸۴۳ قانون عسکریتی بومملکتده آنجق قانلی محاربات نتیجه سنده موقع تطبیقه قونه بیلدی [۱]. آرناوودلغک صورت اداره سی حقنده یازیلان دول اجنبیه قونسولوس راپورلری تدقیق ایدیلیر ایسه حکومت عثمانیه نک روم ایلی ولایاتنک هیچ برنده بوقدر عطالت، احتیاجات اهالییه و منافع دولته متعلق خصوصاته بوقدر جهالت کوسترمیدیکی تبین ایدر. باب عالی، کویا بومملکتده کی تبعه سنی کندیسندن آیبرمق ایستیورمش کی حرکت ایدیوردی. آرناوودلقد احوالنک کسب وخامت ایلسه اک زیاده مأمورین عثمانیه نک سبب اولدینی ادعا ایدیله بیلیر [۲].

۱۸۶۹ سنه سنده اشقودرده دن بکا یازیلان بر تحریراتده دنیلیوردی که : « پاشالارک اقتدارسزلی هر درلو تصورک فوقده در. بونلر اهمیتسزلکاری نسبتده مغروردرلر؛ کنج ترکیا افکار جدیده سنی قبول ایتدکیرنی بیان و پادشاهک اوروا سیاسیاتی اداره ایدیه بیلجک اقتداره مالک اولدینی ادعا ایدیورلر. مشاهده اولنان احوال انسانه حیرت ویریور؛ مأمورین حکومتک بو تحکملری ایله مملکتک بولندینی حال اغتشاش غریب بر تضاد تشکیل ایلور. »

معافییه - برلین معاهده نامه سی تاریخچه سنده ذکر ی لازم اولان و بر آراق بتون ممالک غریبه نک نظر دقت وحیرتی جلب ایدن - بر حادثه، ای اداره اولنان بر حکومتک « ممالک عثمانیه نک عمود فقرایسی » دینلن آرناوودلقدن نه صورته استفاده ایدیه بیلجکنی انظار عامه ده اثبات ایتدی. ۱۸۷۹ سنه سنده بتون (آروپا) یه فارشی طوران و ۱۰۰,۰۰۰ محاربی سلاح آلتیه آلان آرناوود جمعیتی نه ایدی؟ نصل وهانکی مقصده تبعاً تشکیل ایدلمشدی؟

[۱] ۷۰ نجی صحیفه مراجعت.

[۲] ۱۸۶۸ سنه سنده اشقودره یه عرفوزی پاشا اسمنده منورالفکر ومقتدر بر والی کوندرلشدی. (رومانی) ده پک چوق زمان هم مسلکم اولان بو ذات ایچون درسمادت غزته لرندن بری : « مملکتک احواله تماماً واقف ایدی. اونک ایچون بر قاج آی صکره کندیسنی اشقودرده دن جلب ایتدیلر. » دیه یازمشدی.

آياستفانوس معاهده نامه سى موجب بجه تشكىل ايتمى اقتضا ايدن بيوك بلغارستانك حدودى اوخرى كولنه قدر توسيع ايدليكي و كرك قره طاغه، كرك صربستانه شامى آرانوودلقدن بعض اراضى و يرلديكى جهته بومعاهده نامه نك امضا ايدلسى شامى آرانوودلر آره سنده بيوك بر هيجه سبب اولدى . باب على ، آرانوودلرك مقاومتى (روسيه) نك پك شدتلى طاورانديغنه دليل كى كوسترمك ايسته ديكندن هيجه نك تسكينه چاليشمدقدن ماعدا بالعكس خفيا تشويق ايتدى . شامى آرانوودلر مأمورين ملكيه وعسكريه نك مظاهرتلرندن امين اوله رق تدرىجا آچيقدن آچيغه مقاومت حاضرتلر ، بر جمعيت تشكىل ايتديلر و بو جمعيتك اداره سنى پاشا عنوانى احراز ايدن رؤساي محليه دن برينه و يرديلر . (پرزرين) ده بر هيئت مركزيه ، سنجاقلرده بر شعبه تشكىل ايديلر .

١٨٧٩ سنه سى اواخرنده ، (برلين) معاهده نامه سى يونانستان حدودى آرانوودلغك ضررينه تصحيح ايدليكي خبرى شايع اولنجه جنوبى آرانوودلر و كيللرى (پرزرين) جمعيتى ايله مناسبانه كيرشيديلر ؛ باب على طرفندن (پروزه) يه كوندريلن ايكي مأمور مخصوصك - كه برى آرانوود ايدى - تشويقيه جمعيت بتون ملكتى تحت نفوذينه آلدى .

شبهه سزكه ، آرانوود قبيهلرندن قسم اعظمك داخل اولدينى بو جمعيت نه قدر مدعش اولورسه اولسون عارضى بر شى ايدى واختلافات اجتماعيه ومذهبيه نك تأثيريله بربرينه ضد قسملره آريلان اهالى آره سنده درين كوكار صالمامشدى . آرانوودلرك آياستفانوس معاهده نامه سى علمينده كى اعتراضلى (انكلتره) افكار عموميه سنجه خوش كورولدى ؛ (لوندره) قاينه سنك (روسيه) ايله محاربه احتمالى نظر دفته آله رق بوندن نمون اولدينى معلوم ايدى . ديكر طرفندن (اوستريا - مجارستان) ك (قره طاغ) ك توسيع حدود ايلسنه اصلا مساعد اولمدينى و بو حكومت ايله صربستان آره سنده صيق بر اتحاد حصوانه راضى اولميه جنى شبهه سز ايدى . ايتاليانلر بيله آرانوودلرك حصول موفقيتلىرى نى ايدى و رلر و حتى بر عصيان وقوعنده استفاده ايتك ايچون ال آلتندن

تشيوقا ئادە بولايورلردى [*]. بولنرك جىلە سىندىن مؤثر اولمىق اوزره ، باب ۱۱۰
آرناوود جىمىتى تشويىق واداره ايدرك يونانلىر وقره طاغىلىر قارشى ايكي يوزلى
بر سىلاح كىي قوللانمىق ايسيتوردى .

هر نه ايسه ، آرناوودلىق كىندى حدودىنى و بالنتىجه حدود عثمانىيى
مدافعه ايجون آياغه قالمىشدى .


فقط بر مدت صكره ، حكومت عثمانىه ، آرناوودلىق قىيامنك تاثيرات
خارجيه ايله مقصد اصلدىن انحراف ايلكده اولدىغى و احتمال كى كىندى علمىنه
دونه جىكىنكى آكلادى . آرناوودلىق حدودىنك محافظىسى فىكرى ، بعض
كىمسەلرده ، مختاريت و حتى استقلال اميدىنى اوياندىرمىشدى ؛ حتى بر
كون كلىدى ، كه مختاريت اداره ادعاسىنده بولنانلر چوغالدى ، دول معظمه
قايىنه لرینه بونىكرى قبول ايتدىرمك ايجون (اوروپا) يه مرخصلر كوندرلدى .
باب ۱۱۱ على تىبدىل مىسلكە مجبور اولدى ؛ كىندى ايله ياقىدىنى آتتى سوندىرمك
غانا سەنە دوشدى .

آرناوولنك نائل مختاريت اولمىنى ايجون (ويانه) ، (روما) ، (لوندردە) ،
(پارس) قايىنه لرى نىزدندە وقوع بولان تشبىئات غىنى فىكرىسىنى ايله متحس
متحد بر قومك آمالنه ترجان اوله مازدى . جىمىتك منشأى بويلا بر ظننه محل
براقاز . جىمىتك مقصد اصلدى آرناوودلىق وطنىنك دكل ، مىسلمان آرناوودلرك
محافظة منافىغه چالشمىقدى . فى الحقيقه نظامنامە اساسىنىنك ۱۴ نجى مادە سىندە
« جىمىتك آمالنه مفاير حر كىندە بولنانلرك مىسلمان عد ايدىلە مىه جىكى ، چونكه
بويلا بر حر كىتك مفاير شرىعت اوله جىنى ، بيان ايدىلىوردى . يالكرز بوماده ،
۱۸۷۸ سەنەندە مىركىزى (پرزرىن) دە بولنان جىمىتك مقصد تأسىسىنى
افهامه كافى ايدى ؛ مقصد اصلى ، مىسلمان آرناوودلرك - بوسنەنك دىن اسلامى
قبول ايتىش بىكلرى كىي - تفوق دىنى ، سىياسى و اجتماعىلرىنى محافظه ايتىك
و بر خرستىيان حكومتىك زىر تابعىتە كىرملرىنه مانع اولمىق ايدى . آرناوودلىق

[*] قالا براده ، سىچىلپاده عن اصل آرناوود اولان بعض اهامالى بولندىنى بيان ايدىلىور .
بولنر (تەپىر) و آرناوودلىق قىسمە لرىنك تركلر طرفىندىن ضبطى متعاقب هجرت ايدىن
خرستىيانلرك احفادى ايتىش .

قیامی - کله نك تام معناسيله - « ملی » بر حرکت دکلدی واوله مازدی؛ آناوودلر
 کرک احوال معنویه ، کرک منافع مادیه نقطه نظرندن یکدیگره مخالف قسملره
 آرلدقلری ایچون حقیقی بر ملت تشکیل ایده مزلر .
 شرقی روم ایلی اوروپا قومیسینونی طرفندن آناوودلق تشکیلاتی ایچون
 ۱۸۸۰ سنه سنده باب عالییه ویریلن پروژهدن بالاآخره بحث ایده جکم .





يکرمی بشنچی باب

روم ایلی دلابانک تشکیلات عمومی سی پروژه سی . — آرناروداوه
تشکیلاتی پروژه سی

(انکلتره) طرفندن ازمیر کورفزینه بر دونما کوندرلسی اوزرینه باب
عالیجه اتخاذ اولان بعض تدابیردن بحث ایدرکن سوبلدیکم وجهله روم ایلی
ولایاتنده تطبیق اوله حق قوانین و نظاماتی تدقیق و تعدیله مأمور اولان
بین المللی قومیسون ۱۷ حزیران ۱۸۸۰ تاریخنده درسعادتده اجتماع ایتشدی .
(برلین) قونفره سنک طوغریدن طوغرییه زیر اداره عثمانیه ده ترک
ایتدیکی ادرنه ، سالانیک ، قوصوه ، مناستر و یانیه ولایتلری ایچون ترتیب
ایدیلن بر نظامنامه پروژه سی مذکور قومیسونه تودیع ایدلدی . بو پروژه —
۱۸۷۸ معاهده نامه سنی امضا ایدن دولت لک آمالی خلافتیه اوله رق — باب عالیده
عجابه تنظیم ایدلمش ، اهلانک آمال و تمیاتی آکلامق ایچون تشکیلی مقتضی
مجالس محلیه نک رأیلرینه مراجعت اولنمامشدی . حکومتک هان قطعی بر شکلده
اوله رق تنظیم ایتدیکی پروژه حقنده یالکیز بر رأی استشاری بیان ایچون
بو مجلسلر طویلاشمشدی .

مع مافیه قومیسون قونفره قرارینه مخالف اولان بو حرکتک تصحیحی
امرنده اصراره لزوم کورمدی ؛ چونکه (برلین) معاهده نامه سنک ۲۳ نجی
ماده سنی تفسیر ایدرک « یالکیز باب عالی طرفندن تکلیف ایدیلن اصلاحاتدن
هربری ایچون رأی ویرمکه اکتفا ایتیموب بلکه کافه تفرعاتی مذاکره ایتدکن
صکره مناسب کوره چکی تعدیلاتی اجرا ایلدجکنی » بیان ایتدی . حکومت
عثمانیه نک پروغرامنده کی رابطه سزلق و مهمیت بویه بر تدبیری بحق کوستیریوردی .
دیگر طرفندن قومیسونک قراری — عثمانلی مرخصلرندن برینک بالاخره

صورت مخصوصه ده اخطار ایلدیکی وجهله - دولت عثمانیه نك اوروپا مرخصلریله آنجق استشاره ایده جکنه دائر معااهده نامه ده مندرج اولان ماده حکمی اخلاص ایده مزدی .

روم ایلی ولایتی قومیسونی - کندیسندن اول اجتماع ایدن ایکی قومیسون کبی - نفوذ و وحدت حکومتی اخلاص ایتکسزین عدم مرکزیت اداره اساسی قبول ایتدی . بونک ایچون ده ، جمعیات سیاسیّه متمنده ده اهالینک حائر اولدیغی حقوق اساسیه یی و بالخاصه مساوات ، حریت شخصیّه و حریت وجدانی تعریف و ایضاح ایتدکن صکره خلاصه سی بروجّه زیر بیان اولسان احکام نظامیه یه قرار ویردی :

ولایت ، سنجاق و یالوا ، قضا و ناحیه لره آیرلمشدر .

محلات و یا قرای متعدده دن مرکب اولان ناحیه - ۱۸۷۶ سنه سی درساعات قونفرانسک قبول ایتدیکی وجهله - جزء تام اداره در . مع مافیه درساعات قونفرانسی قضالرك لغوینی توصیه ایتش ، شرقی روم ایلی قومیسونی ده قضا و ناحیه یی توحید ایتک ایسته مشدی . ایکی قومیسون اعضالری ایسه تقسیمات ملکیه درجاتی تزید ایلکی مناسب کوردیلر .

متصرف ، قائم مقام ، مدیر و مختارلر طرفندن اداره اولنان لوا ، قضا ، ناحیه و قریه لر والینک اداره عمومیه سی آلتده اولوب مرکز ولایتده اولدیغی کبی هر برنده اعضاسی قسماً منتخب بر مجلس اداره دائمی بولنور . ولایت مرکزنده هر سنه بر مجلس عمومی ولایت اجتماع ایدر .

ولایت ، سنجاق ، قضا ، ناحیه ، محله و قریه لره ریاست حکومتده بولنان والی ، متصرف ، قائم مقام ، مدیر و مختارک - کرید جزیره سنده جاری اولان اصول وجهله - دیگر مذهبدن بر معاونی بولنه جقدر . بونلرك وظیفه و صلاحیتلری ولایات قانون قدیمده لایقابه تعیین اولندیغی حالده بو دفعه ایجه ایضاح ایدلمشدر .

۱۸۶۴ قانونندن بحث ایدرکن [*] ایضاح ایلدیکم غایت قاریشیق اصول انتخاب ، ساده لشدرلمشدر . منتخبلرك جدول اسمیه سی محله و قریه ده اختیار مجلسلری طرفندن تنظیم اولنور . بو منتخبلر طوغریدن طوغری به ناحیه

[*] ۱۷۰ نجی صحیفه یه مراجعه .

مجلسى اعضائى ، ناحیه مجلسى اعضائى ده قضا مجلسى اعضائى انتخاب ایدرلر .
لوا مجلسى اعضائى قضا مجلسى طرفندن انتخاب اولنور .

اهالى طرفندن منتخب بو اعضایه ارکان مأمورین ایله رؤسای روحانیه
علاوه ایدلمش وبو مختلط مجلس ایله منافع اهالى و حکومت آره سنده برمواز نه
حصوله کتیرملک ایسته نیلمشدر .

ولایت مرکزنده کی مجلس اداره دخی عینی صورته تشکیل ایدیلر ، بالکیز
اعضای منتخبه سی مجلس عمومی طرفندن انتخاب اولنور . مجلس اداره ولایت
اعضای طبیعه ، ناحیه مجلسلری طرفندن منتخب اعضا ، والی طرفندن تعیین
اولنان اعضادن مرکبدر .

هر ناحیه ده بر صلاح محکمه سی [۱] ، هرلواده بر محکمه بدایت ، هر ولایت
مرکزنده بر محکمه استیناف تشکیل ایدلمشدر . محاکم اعضائى مذاهب مختلفه
اربابندن اولوب اهالى طرفندن انتخاب اولنورلر .

بوتشکیلات ، تسکین اذهان و تألیف منافع مقصیده وجوده کتیرلمشدی . فقط
هر بر مرکز اداره ده حکمفرما اولان رقابت دینه و ملیه آره سنده وظائف
ملکیه نك حسن اجرا ایدیله بیلمسی ایچون مسلم و غیر مسلم اهالی نك نفوسى
نسبتنده مختلط بر قوه ضابطه تشکیلى مقتضاییدی . ایشه در سعادتده اجتماع ایدن
مرخصلر ۱۸۷۶ و ۱۸۷۸ سنه لرنده کی قومیسو نلرک مذاکراتنده اتحاد
اولنان اساسی قبول ایدرک - یرلی اهالیدن مرکب بر ژاندارمه هیئتى ایله
کوی و شهرلره مخصوص بر هیئت ضابطه تأسیسه قرار ویردیلر .

تشکیلات جدیده نك هیئت عمومیه سی ، ۱۸۶۴ - ۱۸۷۰ ولایات قانون
قدیمك بر چوق نقطه لرینى تصحیح ایدیوردی . تشکیلات اداره نك هر بر
درجه سنده ریاست حکومتده بولنان مأمورک صلاحیتی مجالس اداره نك صورت
دائمه ده اجتماعی ایله تحدید اولنش وبو مجلسلر دخی هر صنف اهالیدن اعضا
بولنه جق و سر بسججه بیان رأى ایدیله جك صورتده ترتیب ایدلمشدی . شرقی
روم ایلیده والینک و مأموریه محلیه نك صلاحیتلری توسیع ایدلدیکی حالده

[۱] ترکیاده صلح حاکمی یوقدر . فرانز قانوننک امور ضابطه ده صلح حاکم لینه ،
امور عادیّه جزاییه ده بلدیّه رئیس لینه و یردیکی حق قضا قوانین عثمانیه موجبجه قضا
محکمه لینه مودوعدر .

بو دفعه مرخصلر تماماً عکسی بر نظریه تعقیب ایتملردی . بوکاده سبب شرقی روم ایلی والیسنک دول معظمه نك انضمام موافقتلریله و بر مدت معینه ایچون تعین ایدلمسی ایدی .

محالس اداره نك معاملات روز مره حکومته اشتراکلرینک مأمورین ملکیه نك مسئولیتلری تنقیص ایتسی و سوء استعمالاتی اخفادن بشقه بر شیده یارامامسی احتمالی موجود ایدی . فقط انتخابات سربست اجرا ایدیلیرسه یکی مجلسلرک ۱۸۶۴ قانونیه تشکل ایدن محالس اداره کبی مأمورین ملکیه تماماً مطیع اولمیه جفی ظن ایدیلوردی . بو ، بر تجربه ایدی ؛ شممدی یه قدر قوتتول حقندن محروم اولان اهالی یه بو نقطه نظر دن براز صلاحیت ویرمک لازمدی .

اهالی یه بو درجه صلاحیت ویرلمسی باب عالینک آمانه مغایردی . مع مافیه ولایات قانوننک باش طرفنه بالذات حکومت عثمانیه طرفندن خیلی ترددلر ایله تحریر ایدیلان حاکمیت عامه قاعه اساسیه سنه توافق ایدیوردی . بونک ایچون حکومت مرکزیه نك اوروپالی مرخصلر طرفندن تنظیم ایدیلان پروژیه یی موقع تطبیقه وضع ایتک خصوصنده ایقاع موانع ایلمسی محتملدی .

فی الحقیقه ، ۱۸۸۲ سنه سننده ، یعنی تنظیم و قبولندن ایکی سنه صکره بو پروژه هنوز طرف پادشاهیدن تصدیق اولنمامشدی .

روم ایلی قومیسونی اعضای مملکتلرینه عودت ایتزدن اول ، ولایات قانون جدیدینک روم ایلینک اقسام سائرهمسی کبی آرنאוودلقده دخی تطبیق ایدیلوب ایدلمیه جکینی صوردیلر . اعضانک قسم اعظمی بو قانونک آرنאוودلقده تطبیق اولنمامسی لازم کله جکینی بیان ایتدیلر وبالخاصه (فرانسه) و (آوستریا-مجارستان) مرخصلری آرناوودلق طاغلرنده اهالینک اخلاق و عاداتی ، اوتهدن بری حائر اولدقلری امتیازات و معافیات ایله متناسب خصوصی بر قانون تطبیقی مناسب اوله جغفی سویلدیلر .

اشقودره سنجاغنده کی قبیله لردن قسم اعظمینک یکی ولایات قانوننده محرر متصرف و قائم مقاملره ، تشکیلات اداره یه بردن بره آلیشه میه جقلری تجارب

ذاتیہ سیلہ آ کلامش اولان فرانسه مرخصی [۱] مختاریت اداره ایله الفت ایتمش اهلینک حکومت مرکزیه مر بوطیتلرینی قسماً تأمین ایدمک صورتده بعض تشکیلات خصوصیه تحرینه چالیشدی .

آرناووداڭک بو قسمندمکی مرکز لر سکسان بیکی قتولیک ، اون بیکی مسلمان اولمق اوزره تقریباً ۹۲,۰۰۰ نفوسدن مرکب یدی پارچه یه آیرلمشدی . بو اهالی طاعلق اراضی ایچون املاک ویرکوسی و اعشاردن معفو ایدی ؛ اخذ عسکر قانوننه تابع دکل ایدیلر ، فقط وقت حربده باشی بوزوق عسکر چیقاریرلردی . بونلرک اداره لری کرک حقوق ، کرک جزا ایشلرنده حقوق تعاملیه یه تابعدی . میردیتالیرک حق وراثته مالک رئیس لری واردی .

فرانسه مرخصنک پروژمسنه نظراً باب عالی بو معافیات مختلفه یی موقتاً محافظه ایدمککدی . اشقودره سنجاغنده بر متصرف و قوماندان ، طاغلرده معتبران محلیه میانندن انتخاب ایدیلن و پاشا عنوانی حائز اولان بر باش قپودان بولنه جقدی . بو باش قپودانک رفاقته دردی مسلمان اولمق و مجموعنک نصفی هر سنه تجدید ایدمک اوزره اون ایکی منتخب و موظف اعضادن مرکب بر مجلس بولندیر یله جقدی . اشقودره سنجاغی طوز ، اسکله ، پوقا ، اوروش نامیله درت قضایه آیر یله جق و هر قضانک رأس اداره سنده بولنان قپودان ویا بلوک باشی طقوز نامزد میانندن سنجاغ متصرفنجه تعیین قلمه جقدی . میردیتالیرک کفای السابق بر رئیس لری اوله جقدی . جزء تام اداره اختیار مجلس لری ایدی ؛ بو مجلس لر ، لزوم کورلیدیکی زمان ، قبیله ویا بایراقلرک مجلس عمومیی صفتیله برلشه جکلر و قپودانک یاننده اهلینک وکیلی اولمق اوزره بر بایراقدار تعیین ایدمککلردی .

قبیله مجلس لرینک هر بری ، باش قپودانک ریاستی آلتنده سنه ده بر دفعه اجتماع ایدن مجلس کیرده ایکی مرخص انتخاب ایلیه جکلردی . بویوک مجلس ، مجالس عمومی و ولایات کبی ، اون ایکی اعضادن مرکب بر هیئت دائمه انتخاب ایدمکک و بو هیئت مرکز لواده کی مجلس اداره یه داخل اوله جقدی .

[۱] فرانسه مرخصی ، الیوم مرخص ایلمچی عنوانی حائز اولان ، موسبو (اوباره Aubaret) اولوب طول مدت ممالک شرقیده و بالخاصه اشقودره ده قونسولسلق وظیفه سنی ایفا ایتشدر .

قضا مجلسلری بایراقدارلردن مرکب بولنه جقدی .

ظاهرآ قاریشیق کورینن بو نظامنامه اخلاق و عادات محلیه موافق اولدینی کبی رؤسای تئیین حقنه مالک اولان حکومتک حقوق حکمرانیسی دخی محافظه ایدیوردی . معافیله باب عالینک بونی قبول ایتسی شهلی ایدی؛ چونکه - یوقاریده سولدیکم وجهله - آرناوودلقده تعقیب ایتدیکی سیاست ، مملکتی کوچوک قسملره آییرم رق مرکزیت اداره اصولی تطبیقندن عبارت ایدی و آرناوودلرک صدافتی آنجق عصرلرجه زماندن بری آلیشده قلی معافیله حرمت ایله تأمین اولنه بیله جکی حقیقت بسیطه سی آکلامامش کبی کورونیو دی [۱] .



[۱] روم ایلی قومیسبوننده بولنان « روسیه » مرخصی فرانسز پروژه سنی رد ایتیکله برابر اشقودره سنجاغی خارچنده دها برچوق طاغلرک عینی امتیازانی طلب ایده جکلرینی، از جمله یالکیز (مالسیا) نك طقوز طاغدن مرکب اولدینی بیان ایتشدور .



يکرمی آلتنجی باب

امور مالیه و نافعہ . — استبداد اداره .

(برلین) معاهده نامه سنک صورت اجراسنه متعلق مسائلی اکمال ایتک
و بو تاریخک اوچنجی و صوکنجی قسمنه خاتمہ ویرمک ایچون امور مالیه
و نافعہ به آزیجه بر باب تخصیص ایتک ایجاب ایدیور .

حکومت عثمانیه نك ۱۸۶۹ سنه سنده عقد اولئان استقراض محصولی
بیتیردکن مسکرمه بودجه سنک موازنه سی تأمین ایچون اتخاذ ایلدیکی تدابیر
مختلفه بی بوراده ذکر و تکرار ایتیمه جکم . بو تدابیر ، اساساً غایت فنا و کافه
سوء استعمالته مساعد اولان بر تشکیلات مالیه بی ابقا ایدن تدابیر موقته
نوعندن ایدی . افلاس محقق ایدی ؛ ۱۸۷۱ ده خزینہ دولت دیوننی تأدیہ
ایده مه مکہ باشلادی . مالیه ناظری ، (پارس) ک آلمانلر طرفندن محاصره
ایدلمسینی بهانه ایدرک فرانسز استقراضاتک آمورتیسمان بدلنی تأدیہ ایتدی
و ۸ کانون ثانی ۱۸۷۳ تاریخندن اول (لوندرد) ده ابراز ایدیلن قوپونلردن
ماعداسنه تأدیات اجرا ایتیمه مکہ قرار ویردی ؛ حال بوکه مذکور قوپونلرک
تأدیہ سی ایچون معین اولان مرور زمان بش سنه ایدی .

بو معاسز تدبیر ، ترکیانک اعتبارینه مهلك بر ضربه اوردی ؛ خزینہ
حکومتک اعتراف عجز ایلسنه معادل ایدی . باب عالی صوک درجه شدتلی
مضایقه ایچنده ایدی . صدر اعظم ، هر کون ، محلی بانقہ لری مدیرلرینی جلب
ایدیور ، بونلرک هر حالده حس منفعتدن عاری اولمیان نصیحتلرینی آلمغه
و معاونت لرینی تأمین ایلکه چالیشیوردی . ۱۸۷۳ سنه سی نهایتده دیون عمومیه
عثمانیه بش بحق ملیار فرانغه بالغ اولیوردی .

بک چوق زماندن بری وعد ایدیلن اوقافک فروختی معامله سی نهایت

حل ایدلدی ؛ بو معاملہ ، ذاتاً مضایقہ مالیہ پک آرز مدار اولہ بیلیردی .
 بش سنہ ۱۸۷۶ دیون عمومیہ فائضلرینک یوزده الہیہ تنزیل
 ایدلسنہ قرار ویرلدی . حقیقت حالہ ایسہ ۱۸۷۶ سنہ سندن اعتباراً آرتق
 فائض تأدیہ ایدلدی [۱] .

بالآخرہ حکومتی بسبتون کرداب افلاسہ آتان ۱۸۷۷ محاربہ سی وقوعہ
 کلدی . مصارف فوق العادہ حربیہ بہ مہما ممکن قارشیلق بولق ایچون قوائم
 نقدیہ نکل قیمتی کیتدجہ تناقص ایتدیکندن حکومت ، اعشارک ثلثنک قائمہ
 ایلہ تأدیہ اولہ بیلیمسی و ۳۰۰ غروشلق قائمہ نکل بر عثمانلی لیراسنہ معادل اولمسی
 حقندہ ارادہ سنیہ صادر تہطیرایتدی . حال بوکہ قوائم نقدیہ نکل فی اعتباریسنہ
 نظراً ۱۰۰ غروشلق قائمہ بر عثمانلی لیراسنہ معادلدی . بناءً علیہ استقراضات
 داخلیدہ ثلثان نسبتندہ بر افلاس وقوعہ کلش و بو افلاسک بر مدت صکرہ
 تام اولہ جنفی شہہ سز بولمشدی .

۱۸۷۸ قونفرہ سندہ (روسیہ) طرفندن طلب ایدیلان تضمینات حربیہ دن
 وخزینہ عثمانیہ دن مطلوبی اولان اصحاب تحویلاتک دوچار اولہ بیلہ چکی ضرردن
 طولایی ترکیانک احوال مالیہ سی اوزون اوزادی بہ موقع مذاکرہ وضع
 اولدی [۲] . قونفرہ نکل اون سکزنجی اجتماعندہ دنیلدی کہ : « برلین قونفرہ -
 سندہ مرخصلری اولان دولتر ، حکومت متبوعہ لری طرفندن تعین اولنان
 ارباب وقوفدن مرکب بر مالیہ انجمننک درسعادتدہ اجتماعنی وتحویلات عثمانیہ
 حامللری مطالباتنک تدقیقلہ تأمین مطلوبلرینی کافل اک مؤثر تدابیرک تکلیفی
 خصوصندہ بو انجمنہ احالہ سی باب عالی بہ توصیه ایدرلر . »

قونفرہ نکل بوندن اولکی مذاکراتندہ حقوق حاکمیتی پک زیادہ رخنہ دار
 اولان دولت عثمانیہ امور مالیہ سنک بین الملل بر مجلس قونترولی آلتہ وضع
 ایدلسنی متضمن اولان بویلہ بر توصیه یی قبول ایتک ایستہمدی . طوغریدن

[۱] وطنپرورلر طرفندن نشر ایدلدیکنی یوقاریدہ سوبلدیکم ۱۸۷۶ تاریخی بیاننامہ بہ
 نظراً بادشاہ حکومتک بوقرارینہ تابع اولق ایستہمہ مش والندہ کی سکزن میلیونلق قائمہ نکل
 فائضنی بتمامہ آلفندہ دوام ایتشدہر .

[۲] اون برنجی واون سکزنجی مذاکرات منبطنامہ سی .

طوغری یه دایسارینه مراجعت ایتکی و بونلری بر چاره تسویه بولق ایچون کندیسيله مذاکره دعوت ایلکی قاعده احتیاطه دها موافق بولدی .

بو دعوت اوزرینه ، (اوروپا) نك باشلیجه مراکز مالیه سندن تحویلات عثمانیه حامللری وکیللرندن مرکب بر « قومیه » تشکیل ایدلدی و بو قومیه لرك قرار مشترکی نتیجه سنده حکومات عثمانیه ایله مذاکره بری فرانسز، دیکری انکلیز اولق اوزره ایکی مرخص تعین اولندی . تحویلات عثمانیه حامللری وکیللری ، ظن عمومی خلافه اوله رق ، درعهده ایتدکلری ، بو نازك ایشده موفق اولدیلر [۱] ؛ باب عالینک کوستردیکی تسهیلاتدن بالاستفاده بر صورت تسویه بولدیلر .

تأمینات خصوصیه یی حائز اولان استقراضلر [۲] خارج قالمق اوزره عقد اولنان مقاله نامه موجبنجه دیون عمومیه عثمانیه تقریباً نصفه تنزیل ایدلدی [۳] . و بونلره قارشیلق اوزره بعض رسوم تحویلات عثمانیه حامللرینه تخصیص اولندی [۴] .

بو صورتله تعین ایدن رأس المالك فائض و آمورتیمان بدلتك تأدیه سنه تخصیص قلنان واردات اجنبی تحویلات عثمانیه حامللرینك وکیللرندن مرکب دائمی بر مجلس طرفندن اداره اولنه جقدی . بو مجلس ۱۸۸۲ سنه سی شباطنده تشکیل ایتدی و پك آز زمان صکره فوائد عظیمه سی کوريله چکی آکلاشیلدی .

بو صورتله تنظیماتك تاریخ اعلانسندن بری تأید ایدن بر حقیقت ، یعنی ترکیاده موفقیت بخش اولان هر شیئك معاونت اجانب ایله وجوده کلدیکی حقیقتی صوڪ بر تجربه ایله دها تأید ایتدی .

هر نه قدر اوروپای عثمانی شمندوفرلینك بدایت انشا آتنده خیلی مشکلاته تصادف ایدیله رك بو تشبثك نتیجه سز قاله جغندن قورقولش ایسه دهه بو حال ، یو قاریده ذکر ایدیلن حقیقتی تکذیب ایدمز . تیمور یوللرینك ترقیسنی

[۱] وکیللر موسیو (والفردی) ایله موسیو (بورق) ایدی .

[۲] ۱۸۵۴ ، ۱۸۵۵ و ۱۸۷۷ استقراضلری .

[۳] دیون عمومیه عثمانیه ، دیون منظمه ایله یوزده آتی فاضلی استقراضاندن و شمندوفر تحویلاتدن مرکب اولوب سرمایه اعتباریسی ۵،۲۳۷،۴۱۸،۵۰۰ فرانق ایدی . بوباره دن خزینه عثمانیه آتیجق ۲،۵۳۹،۶۵۰،۰۰۰ فرانق کیرمشدور .

[۴] دخان ، طوز ، مسکرات ، تمغا ، صیدماهی و حریر رسلری .

آرزو ایدن آوروپالی متشبثلرک تخمینى وجهله ، عینى زمانده بر چوق نقطه‌دن ابتدار ایدیلن انشا آت تمامی ا کالندن ، یعنی دورهٔ حاصلاتک حلولندن اول دوچار تعطیل اولمش وبو صورته خزینهٔ حکومت پک چوق ضرر کورمشدی . ۱۸۷۲ سنه‌سنده ، باب عالینک تیمور یوللری امتیازینی آلان قومپانیا ایله عقد ایندیکی یکی مقاله نامهلر موجبنجه قومپانیا تقریباً ۱,۲۰۰ کیلومترواق شمندوفر خطی انشا ایدمچک وحکومت خطوط عثمانیه‌نک (آوروپا) شمندو-فرلریله التصاقی تأمین ایچون لازم کلن خطوط متممیه‌نی کندی حسابنه وجوده کتیره‌جکدی . قومپانیا ، ۱۸۷۴ سنه‌سنده ، درسعات - بلووه ، سلانیک - متروویچه خطلریله ادرنه - دده آلاچ ، طرنوی - یامبولی شعبه‌لرینی ، بوسنه‌ده بنالوقه - نووی خطی انشا واکال ایندیکی حالده حکومت عثمانیه برکیلومترواق بیله یول یاپه‌مامشدی .

حکومت عثمانیه‌نک - اسبابی بوراده ایضاحه لزوم کورمدیکم - عطالتی نتیجه‌سی اوله‌رق غیرطبیعی وامثالی نامسبوق برحال وقوعه کلدی . فی‌الحقیقه روس-یجق - وارنه ، چرناوودا - کوستنجه شمندوفر خط قدیملری داخل حساب ایدیلیرسه آوروپای عثمانیه‌ده تقریباً ۱,۵۰۰ کیلومترو طولنده خطوط حدیدیه موجود ایدی . فقط بو خطلر آوروپانک خطوط عمومیه‌سندن هیچ برینه مربوط اولمدقندن ماعددا کندی آرملرنده دخی التصاق پیدا ایتهمش اولدقلرندن خطوط ملیه وظیفه‌سنی بیله ایفا ایدم‌میوردی .

ذاتاً مبدألری درسعات و سلانیک اولان ایکی بیسوک خطک بر برندن وخطوط بین‌المللدن آیری اولمسی ایکی همجوار حکومتی‌ده حال انتظار وترددده براقشدی : صربستان حکومتی ، کندی مملکتی داخلنده کی خطوطی انشا-ایتمزدن اول عثمانی شمندوفرلرینک کذرکاه قطعینسی بیلیمک ، هانکی نقطه‌ده صرب و عثمانی شمندوفرلرینک بر لشه‌جکئی آکلامق ایستیوردی . بو نقطهٔ نظرندن مسئله‌یه بر طاقم ملاحظات اقتصادی ، سیاسی و عسکریه دخی قاریشیوردی . (اوستریا - مجارستان) دخی (صربستان) امارتی قدر شمندوفر مسئله‌سنده علاقه‌دار ایدی . باب عالی ، بلغراد خطی نیشه قدر تمديد ایچون اولجه تنظیم ایدیلن بر پروژیه‌نی نظر دفته آله‌رق یکی‌پازاری نیشه ترجیح ایتک ایستیوردی . یو صورته صربستان (موراوا) وادیسنک کذرکاه طبعینسی قسماً ترکه وفضله

مصارف انشا ئىھ اختيارىنە مجبور اولە جقدى . صربستان امارتى خطك يىكى بازارە طوغرى انحرافنە شدتلە معترض ايدى .

دىكر طرفدن (ويانە) قابىنەسى ھەم (اوستريا) نك، ھەمدە (مجارستان) نك منافىقى نظر دقت او كندە بولندى رىمق مجبور يىتندە اولدىغى ايچون خطوط عثمانىە نك برى (بوسنىە) ، دىكرى (صربستان) جەھتندە اولەرقا يىكى نقتەدە برلشدىرلىسنى ايسىتىوردى . خطوط عثمانىە ايلە (اوستريا - مجارستان) خطلار يىنك برلشدىرلىسنىە آتقق صربستان وبوسنىە حدودلرندە ايكى نقتە التصاق وجودە كىتىرلىك شرطىلە موافقت ايدە جكنى باب عالىيە بىلدىر مىشدى . بو صورتە ، باب عالىيى (صربستان) ايلە عقد ائتلافە وكندىسنىجە اك زىادە حازر اھمىت اولان نقتەيى ، يعنى خطوط عثمانىە نك بوسنىە حدودندە (اوستريا) خطلىلە التصاقى تامينە اجبار ايتىك ايسىتىوردى .

مع مافىە ، يا (مجارستان) منافىقنە غلبە ايتىسندن ، ياخود تركيانك بوسنىە خطى كى انشاسى كوچ ومصرفلى بر تيمور يولى انشا ايتىھ جكنە (ويانە) دە قناعت حاصل اولىسندن طولايى (اوستريا - مجارستان) حكومتى خطوط عثمانىە نك ايكى نقتەدە التصاقى تكليفندە اصرار ايتىدى . ويالكىز (بلغراد) جەھتە عطف نظر اھمىت ايلدى .

بعض احوال وبالخاصە ۱۸۷۷ محاربه سىنك نتيجه سى اولان تبدلات دخى شرائط التصاق دكشمنسە سبب اولدى . در سعادت - بلغراد خطك صربستانه الحاق ايدىلن (نىش) طريقە التصاق ايتىسى آرتق اعتراضات ومشكلاتى داعى اولە مازدى . فقط سلاينكىدن صربستانه طوغرى كيدن خطك تمديدى مسئلە سى بويە دكلىدى . بو نقتەدە - حكومت عثمانىە نك وقىلە شىمندوفر خطى يىكى بازارى مدافىعە ايدن تپەرلر آردىسندن كچىرلىك ايسىتەدىكى زمان درميان اولنان مطالعات عسكرىيە: مشابھە - بعض اعتراضات وقوعە كادى . باب عالى سلاينكىدن شىمالە طوغرى كيدن خطك - اوستريا - مجارستان وصربستان حكومتلر يىنك آرزولرى وجىھالە - (ايورانيە) دە دكل ، پرىشتىنە حوالىسندە بلغراد خطلىلە برلشمنسى ايسىتىوردى ؛ چونكە صربستانه الحاق ايدىلن (ايورانيە) بك آز مرتفع بر كچىد ايلە ماكدونىا اوو وسندن آيرلدىغى حالە پرىشتىنە حوالىسى ممالك عثمانىە داخلندە وطاغلىق بر نقتەدە كائن ، وقت حربىدە مدافىعە سى قولايلى .

بواختلاف هنوز حل ايدلديکي کي [۱] ترکيانک خطوط متممه يي انشا ايدہ جکی محللردن برقسمنک بلغارستان و صربستان ، اوستريا و مجارستانه ترک اولمنسندن متولد مشکلات دخی ازاله اولنه مامشدر . (برلين) معاهده نامه سنک ۱۰ نجی و ۳۶ ماده لری موجبذبحه صربستان و بلغارستان حکومتلری باب عالینک اوستريا - مجارستانه و شمندوفر قومانیاسنه قارشی واقع اولان تعهداتندہ حکومت عثمانیه یزینہ قائم اوله جقلر و مصالحه نامه نك امضاسنی متعاقب بوبابده علاقہ داران آرسندہ مقاولات خصوصیه عقد ایدیلہ جک ایدی . ۱۸۸۲ سنه سی اواخرندہ ، مواد مذکورہ احکامنه توفیقہ ، درت حکومت آرسندہ عقد ایدیلن قونفرانس هنوز اکمال وظیفه ایتمه مشدی .

(برلين) معاهده نامه سنک تنظیاته تعلق اولان احکامنی تدقیق ایدرکن عثمانی شمندوفرلرینک (اروپا) خطوط حدیدیہ سیله برلشدیرلمسندن ماعدا دها ایکی مسئله نك ۱۸۸۲ سنه سندہ هنوز حل ایدلديکینی بیان ایتلی یم . بوايکی مسئله دن بری ازمیلرله مسکون آسیای عثمانی ولایاتی [۲] ، دیکری شرقی روم ایلیدن ماعدا اروپای عثمانی ولایاتی اصلاحاتیدر .

عبدالحمیدک تمايلات شخصیه و سیاست مخصوصه سی بوايکی مسئله نك حلنی تأخیر ایتدیریور . اگر خرسیتیان تبعه عثمانیه پادشاهک لطف عاطفتسندن ماعدا بر حمایه نائل اولمازلرسه ۱۸۷۸ قونفره سنک کندیلرینہ وعد ایلدیکی اصلاحاته دها پک چوق زمان انتظار ایدہ جکلری شبهه سزددر .

عبدالحمید ، سلیم ثالث و محمود ثانی نك اصلاحاته تشبث ایتدکلری زماندن بری تاریخ دولت عثمانیه نك انظار عبرته عرض ایتدیکی وقایع مهمه یی نظر دفته آلدقدن ماعدا ماضیه عودت ایتمک ؛ اوچ دفعه ، یعنی ۱۸۵۸ ، ۱۸۶۳ و ۱۸۷۱ سنه لرنده دولت عثمانیه یی نتیجه سی مجهول ، فقط هر حالده خطرناک انقلاب تهلکدلرینہ آتان اداره مستبدیه یی احیا ایلک ایستیور .

عبدالحمیدک زمانمزدہ کی حکومت مستبدیه سی برخه ای تاریخی کي کورونمکده ، اخلافنک احتیاجات وقته کوره تسطیر ایلدکلری اصلاحات خط هایونلری

[۱] کتابک تاریخ تألیفی ۱۸۸۳ سنه سیدر .

[۲] مؤلفک ۱۸۸۳ سنه سندہ انشار ایدن « مجموعه حقوق بین الملل » ده مندرج « ارمنی مسئله سندہ انکلتزه و روسیه » عنوانی اثرینہ مراجعت .

احكاميله غير قابل تاليف بولمقده ايسهده بالخاصه حكومت جسمانيه سنى قرون وسطايه لايق برتعصب ايله تقويه يه چالشمسى شايان حيرت دكيدر؟ ييلدز سرائنده پادشاهك برطاقم شيخلرك نفوذى آلتنده قالدینی، اتحاد اسلام خيالى تعقيب اولندي، « دنياده موجود حكمداران اسلامك منافع سياسيهر لرينك اداره سنى خلافت اسلاميه يه توديع ايلملرى » [۱] مسئله سنك مذاكره ايدلديكى روايت اولميور مى ؟ بو خيالات آره سنده ايلك خاطره كن تدبيرك طرابلس ، تونس ، حجاز ، مصر وحتى جزايرده افكار اهالى يي جلب ايجون آراوود جمعيتنه مشابه بر عرب ويا آفريقا جمعيتي تشكىلندن عبارت اولدينى روايتي طوغر ميدر ؟

آراوود جمعيتي پادشاهك حساب وتخمينه موافق چيقميدنى كې بر مدت صكره مصرده اعرابي پاشا عصيانك دخى مشوقلرك آرزولردن بشقه بر شكل آلمسى شايان دقت دكيدر ؟

زماننك اجالات ضروريه سنه اهميت ويرميه رك قوه روحانيه ايله حكومتى اداره ايتك ايستين پادشاهى بر ولايتك ضياعى ، ياخود قسماً افتراقى تهلكه سندن دها بيوك بر تهلكه تهديد ايدبيور . مسئله ، عموم عالم اسلامك خليفه سى اولقى ادعاسنك مسلمان تبعه سى بولان (اوروپا) حكومتلر يي راحتسز ايتمكه باشلامسندن عبارت دكلى ؛ تركيا ايجون تنظيمات ، بر قضا زده نك فورطنده سلامت حياتى تأمين ايدن بر تحته پارچه سى مشابه سنده ايدى وحد ذاتنده بر بربندن فرقلى اولميان شوايكى اساسه مستند بولنيوردى : مسلمان هيت اجتماعيه سنك تدريجاً خريستيان هيت اجتماعيه سنه بكنزه مى ، رعايانك استرداد حقوقى . عبدالحميدك استبداد دىنى وترقى شكنانه سى بو پروگرامك ردى ديمكدر ؛ چونكه بو حكمدار يالكز (اوروپا) يه آرقه سنى چويرمكه اكتفا ايتبيور ، بلكه بتون خريستيانلرى كنديسنه دشمن ويا شهلى اشخاص عد ايدبيور .





خلاصہ عمومیہ - نتیجہ

بو کتابك مقدمه سنده سرد ایلدیکم مطالعات آره سنده ، تنظیماٹك ، بدایت امرده ، حکومت اسلامیہ ایچون زمانك الحآآت ضروریہ سندن بشقه برشی اولدیغنی وبالا آخره تركرك افكار عمومیہ سنده دكل ، فقط یالكیز حكومتك نظرندہ بشقه برشكل ، بر وجهه استقامت آلقله برابرینه آمال ترقیپورانہ دن زیادہ دولتك حال عطالت وانفرادندن متولد تہادكہ عظمایی بر طرف ایتك اندیشہ سنے مستند اولدیغنی سوبلشدم .

ایشته ، تنظیماٹی ، اول امرده ، بونقطه نظر دن خلاصہ ایتك ومنشآندن اعتبارآ زمانمزہ قدر کچریدیکی ادوار مختلفہ یی تدقیق ایلك ایستیورم .

۱

تركرك ایلك فتوحاتلرنده کوستردکری قوتك تشکیلات ابتدائیہ لرنده کی وحدت عسکریہ ودینیہ دن ، یعنی دین ایلہ عسکرلکك توأم اولسندن ایلری کلدیکی آشکاردر . شہہ سزکہ اوزمان موجود اولان خرسیتان حکومت عظیمہ سی آره سنده کی رقابتلر ، تفرقلر (امدریا) کنسارندن قوشوب کن مهاجرلرک فتوحاتی پك زیادہ تسہیل ایتشدی ؛ فقط بونلر - ملل محاربہ نك تاریخ وقوعاتندہ امنالی پك آز کوریلن - انضباط ، مهارت وفعالیتلریلہ اساساً رقیبلرندن ہر برینہ فائق ایدیلر .

اون سکنزنجی عصر دن اعتبارآ سخنے دیکشدی . عثمانی حکومت شدیدہ سی ، دول غریبہ نك کیتدکجہ تکمل ایدن اردولری قارشیسندہ مغلوب ، رجعتہ مجبور اولدی ؛ حکومت اسلامیہ ، ترقیسی نسببتندہ سریع خطوہ لرلہ وادی انقراضہ طوغری یوریمکہ باشلادی .

بودورہ انحطاطدہ ، حکومت عثمانیہ ، دوچار اولدیغنی فلاکتلرک لزوم قطعی کوستردیکی اصلاحاتک ہیچ برینی اجرا ایتدی . مسلمان ہیئت اجتماعیہ سی ،

مغلوب و ریشان ، محافظه غرور ایتدی ؛ و قتیله سبب شوکت و عظمتی اولان قوانین و نظاماتک رعایا اوزرنده کی حقوقی ، خارجاً حق حکمرانیسنی محافظه کافل اولدینی اعتقادنده ثبات کوستردی .

اون سکنجی عصر اواخرینه طوغری ، سلیم ثالث ، ایلمک دفعه اوله رق دولتی قسماً اصلاح و تجدید فکری میدانه قویدی ؛ عسکرینی فن حربک قواعد جدیده سنه توفیقاً تنظیم ایچون نظام جدیدی وضع ایتدی . محمود ثانی ، بو تصویری موقع اجرایه قویدی ، فقط سلفنک تصور ایتدیکی تبدلات قادروسی توسیعه لزوم کوردی . اجرات مجددا نه سنده فرط غیرتی درجه سنده ابراز مهارت ایدمه مش ، حقوق حکمرانینک تقویه سنه لزومندن فضله اهمیت ویرمش اولمله برابر حکومتک کافه خدمات عمومی سنی تنسیق و اصلاح ایتک ایتدی .

تنظیمات ، هنوز قبایط اسلاق بر حائله ایدی . صکره ، یواش یواش بر شکل مخصوص آلدی ؛ رشید پاشانک هم تیله دولتک سیاست مخصوصه سی حاله کوردی . صقوللیلر ، کوپرلیلر ، قوجه راغبیلر کبی یاد نامی ، تاریخ عثمانینک بر دوره مخصوصه سی خاطره کتیرهن بویوک صدر اعظم ، کندی حیات سیاسیه سنده لایتغیر بر قاعده قبول ایتشدر ، که اوده سلامت دولتک آنجق اصلاحات ایله تأمین اولنه بیله جکی حقیقت مسلمه سیدر . رشید پاشانک نظرنده تنظیمات ، یالکیز مملکتک احوال داخلیه سی اصلاحه مدار اوله جق بر تدبیر مستعجل دکل ، بلکه - وبالخاصه - امنیت خارجیه دولتی تأمین یکنانه واسطه ایدی ؛ چونکه دول اجنبیه نک امنیتی قزائمق ، معاونت مغویه لرینی استحصال ایتک ، شمده یه قدر (اوروپا) هیئت دولیه سی خارجنده یشایان حکومت عثمانیه نک محافظه موجودیتی لزوم و احتیاجی دول غریبه یه قبول ایتدیرمک ، الحاصل عثمانی دولتک موازنه عمومی سیاسیه بر عنصر مفید اولمسی تأمین ایلک آنجق تنظیمات ایله ممکن اوله بیله جکدی [۱] .

[۱] رشید پاشا ۱۸۴۶ سنه سنده دیمشدرکه : « هنوز انی بر صورتده اداره حکومت ایدمه مدیکمزی اعتراف ایدرم ؛ فقط ده فنا بر اداره یه مانع اولدینمی ادعا ایدمه بیلیرم . اوروپانک بکا اعتماد ایلنی ایسترم . »

بالاخره ، ۱۸۶۸ سنه سنده یرنس (غورچاقوف) : « ۱۸۵۶ خط هایونی بدلی تأدیه ایدله مش بر پولیچه در . » دیمشدر .

وقایع ، بوحسابك يك طوغرى اولدغنى اثبات ايتدی .
 ۱۸۳۹ سنه سنده ، یعنی کلخانه خط هایوننك نشری زمانده (فرانسه)
 حکومتی « شرقده وجوده کتیریه جك اثلاقات دولیه حقدده ایلک نقاط نظر »
 عنوانی نوطه سنده دولت عثمانیه نك (اوروپا) حقوق عمومیه سنه قبولی ، استقلال
 و تمامی ملکیتك بین الملل بر بیاننامه ایله تصدیقنی تکلیف ایتدی . او زمانه
 قدر شرق سیاستی تبدیله سبب اوله جق صورتده (اوروپا) دولتری طرفندن
 بر مداخله مشترکه وقوعه کتیرلمسده معترض اولان (روسیه) حکومتی بیله -
 آمال حقیقیه سی نه اولورسه اولسون - دولت عثمانیه نك استقلال و تمامی
 ملکیتی تصدیق ایتك تکلیفی رد ایدمده [۱] .

ایشته ، (اوروپا) دولترینك بوبایدکی محابراتی ، ۱۳ تموز ۱۸۴۱ تاریخی
 معاهده نامه نك مذاکرات اولیه سی مقامنده ایدی . دول معظمه بو معاهده نامه
 ایله باب عالی به (اوروپا) هیئت دولیه سنه دخول ورقه سی ویرمش اولدیلر [۲] .
 اون بش سنه صکره ، اصلاحات خط هایوننك نشری سنه سی (پارس)
 قونغر دسنده طویلانان (اوروپا) دولتری ۱۸۴۱ تاریخی مقاوله نامه ضمه

[۱] پترسبورغ قایمه سی طرفندن (روسیه) نك پارس سفیری قونت دو (مده م) .
 کوندریلن برتلغرافنامه ده ، آر چوق برخلوس نیتله ، دنیلوردی که : « ذاتاً
 معلومکز اولدینی وجهله ، ایمراطور حضرتلرینك مسلك محافظه کارانه لری ساده جه تأمینات
 شفاهیه اوزرینه مستند اولوب بلکه فعلیات ایله تأید ایتش برحققتدر . چونکه مشارالیه
 ۱۸۳۳ سنه سنده کی پوتلیقه سنه دخی بومسلك اساس اتخاژ ایدلشدر [خنکار اسکله سی
 معاهده اتفاقیه سی] . باب عالی ایله روسیه نك تعهدات مقابله سنك اساسی بو پوتلیقه در . »

[۲] بوغازلر مقاوله نامه سنك برنجی ماده سنده تمامی ملکیت عثمانیه نك تعرضدن مصون
 اولدینی بیان ایدییلور . بوماده ، ایلک دفعه اوله رق ، ۱۸۵۸ سنه سنده موقع تطبیقه
 قوندی : (روسیه) نك مملکتینی اشغال ایتسی اوزرینه (انکلتزه) و (فرانسه) حکومتلری
 شو اوچ شرط ، یعنی مملکتینك تخلیه سی ، پادشاهك عنو عمومی حقدده مالکیتی ، ۱۸۳۱
 نظامنامه اساسینك تبدیلی شرطیله کندی آره لرنده برائتلاف عقد ایتدیلر .

(اوستریا) و (روسیه) حکومتلری مجارملتجیلرینك اعادده سی طلب ایتدکلری زمان ۱۸۳۱
 معاهده نامه سی احکامی ایکینجی دفعه اوله رق موقع اجرا به وضع ایدلدی . (انکلتزه)
 و (فرانسه) دوتلارینی بوغاز ایجنه کوندریلر .

۱۸۴۷ سنه سنده (فرانسه) حکومتی (ایتالیا) وقایعندن باحث اولان تحریرات عمومیه -
 سندن برنسخه سی ترکیابه تبلیغ ایتدی . بوحال ، دولت عثمانیه نك (اوروپا) سیاست عمومیه -
 سنه اشتراکینی ایما ایدر .

تعهد ایدیلان استقلال و تمامی ملکیت عثمانیه بی دها قطعی و دها آچیق بر صورتده تأیید ایتدیلر . سینه بمقصدایله ، ۱۸۵۶ پارس معاهده نامه سنک یدنجی ماده سنده محرر اولدینی اوزره ، تمامی ملکیت و استقلال عثمانیک محافظه سنی صورت مخصوصده تعهد ایتدکن بشقه دولت عثمانیه نک موجودیتی تهدید ایده جک هر حکومت قارشی مداخله بی دخی قبول و تصدیق ایلدیلر .

مع مافیه بمعاهده نامه اولکی مقاله نامه لردن فرقی ، یعنی طرفینک تعهدات متقابله سنی متضمن برسد حکمنده ایدی ؛ چونکه سالف الذکر ماده ایله تبعه مسلم و غیر مسلم شاهانه نک احرارانه ، عادلانه ، رقیپرورانه براداره یه نائلیتلرینی وعد ایدن کلخانه و اصلاحات خط هایونلری آرمسنده بر رابطه قویه موجود اولدینی انکار ایدیه مز . بوا یکی خط هایون ایله ۱۸۵۶ معاهده نامه سنک تمامی ملکیت و استقلال عثمانی بی محافظه ایدن ماده مخصوصه سی ، طرفینه بعض وظائف تحمیل ایدن تعهدات متقابله بی حاوی حقیقی بر سندر ؛ یعنی - دها آچیق برافاده ایله سویلیلم - دولت عثمانیه آنحق تنظیماتی خلوص نیتله تطبیق ایدرسه دول معظمه نک حمایه سنه نائل اوله بیله جکدی .

بوتقطه ، هر درلو تردد و شهردن عاری ایدی : بوباده ، ۱۸۳۹ کلخانه خطندن دها معیندار اولان ۱۸۵۶ خط هایونی حکومت عثمانیه بی قوی رابطه لرله دول ضامنیه باغلا یوردی ؛ چونکه (پارس) قونفره سنه صورت رسمیه ده تبلیغ ایدلمشدی . اوزمان حال معزولیتده بولان رشیدپاشا ، اصلاحات خط هایوننک بر مقاله نامه قطعی شکله کیرمسند کی اهمیتی تماماً تقدیر ایتکله برابر - کویا قریم محاربه سنک تصفیة حساباتی ایستدکلری شکلده یامغه ، یعنی دولت عثمانیه بی اضمحلالدن قورتاران متقارره ویریه جک تضمیناتی آرزولرینه کوره تعینسه مقتدر ایمشیر کی - فؤاد و عالی پاشا لک مسلیکلرینی تنقیددن خالی قالمدی .

خط هایونک نشرندن اون سنه صکره ، (پارس) معاهده نامه سنه واضع الامضا دولتر ، باب عالینک ۱۸۵۶ ده کی مواعیدینی پک نقصان بر صورتده اجرا ایتدیکنی آکلادیار ؛ واقعا ، باب عالینک طریق اصلاحاتده تصادف اولسان موانع و مشکلاتی یالکزر باشنه اقتحامدن عاجز اولدینی تصدیق ایتدیلر ؛ فقط بوندن صکره ، بر اوروپالی حکمدار کی ، محفوظیت حقوقندن امین اولان

پادشاهك مقصد اصلی بی حاصل اولمش عد ایدرك اصلاحاتی احمال ایلدیکنه قانع اولدیلر .

ذاتاً ترکارك فکرینده صافدلانه برذهب حاصل اولمشدری « دولت عثمانیه نك تمامی ملکیتی » کله لرینه « ترك عنصرینك ملل مغلوبه یه دوام تحکمی » معناسی ویرمکده اصرار ایدیسورلردی .

استقلال عثمانینك محافظه و تأمینی وظیفه سنی دیکر لرندن زیاده اهمیتله تلقی ایدن قابینه لر بوخیالاتك ازاله سی زماننك حلول ایتدیکنه قانع اولدیلر ؛ بناء علیه اداره داخلیه عثمانیه ده پادشاهك یرینه قائم اولغنه دکل ، فقط کندیسینی تمهیدات واقعه سنی حرفیاً اجرا یه اجبار ایتمکه ، اداره حکومتده هدف اصلی یه طوغری سوق واداره ایتکه قرار ویردیلر .

ایشته ، ۱۸۶۷ سنه سنده ، (اروپا) نك سیاست جدیده سی بو نقطه یه معطوف ایدی . بوسیاست ، ۱۸۵۶ معاهده نامه سنه کچمش اولان « ترکیانك تمامی ملکیتی » مسئله سی کبی تنظیمات مسئله سنی دخی (اروپا) مسائل دولیه سی میاننه کچیردی .

(اروپا) سیاستده وقوعه کلن بوتبدل ، دول معظمه بی دولت عثمانیه نك اصلاحی دعوای مشکوکنه دها زیاده علاقه دار ایتدیکی کبی اصلاحات خط هایوننك عثمانی امپراطورلنك موجودیتنی ضامن و متکفل اولدیغنی ادعا ایدن و دائماً تنظیماتك تمامی تطبیق و اجراسنه چالیشان (فرانسه) حکومتنك صورت مخصوصه ده اجرای فعالیت ایلسنه سبب اولدی . فرانسز نفوذینك جاری اولدیغنی دوره تنظیمات اداره مرکزیده ، امور عسکریده و بالخاصه معارف عمومیه ده اصلاحات مهمه ایله تمیز ایتدی . باب عالینك غرب مدینتنك تأثیراته تماماً تابع اولدیغنی ادعا ایدیه بیلردی ؛ دولت عثمانیه نك آتییی کیتدجکه دها امین کورونیوردی .

فقط ، براز صکره ، وقایع مهمه خارجیه نك تأثیریه (فرانسه) حکومتی تنظیماته معاونت ایده مز اولدی ؛ ۱۸۷۰ محاربه سی ظهور ایتدی ، (فرانسه) شرقده تعقیب ایتدیکی سیاست مدینتپرورانه بی ایستر ایسته مز ترك ایلدی . مسلمانلرک غرور قدیم دینیلری یکیدن باش کوستردی ، اصلاحات اداره یه اجانبك مداخله ایتدیرلمه سنه قرار ویرلدی . بیطرف دولترک مسلك مترقبانه لری

بوارتجاعی تشویق ایتدی ؛ دول اجنبیه دن آلمان و یاپونلرک قانونلرینه بکزمه ن
هردرلو قوانین و نظاماته هجوم ایدلدی ، طرز قدیم غلبه ایدلدی . اوزمانه قدر
جریان و قوعاته منتظرونکران اوله رق دول غریبه نك مداخله لرینه میدانی سرپرست
براقش اولان (روسیه) فرصتدن استفاده ایتک ، حکومت عثمانیه نك یالکیز
باشنه قالمسی اوزرینه رعایانك ینه ظلم و اعتسافه دوچار اولملرینی وسیله اتخاذ
ایلك ایتدی . موسقوفلرک پك چوق زماندن بری خرسیتیان تبعه یی دولت
عثمانیه دن آیرمق ایچون واقع اولان سعی و غیرت لرینی (پاناسلاویم) پروپاغاندا سی
تعقیب ایتدی و بالقان ولایاتنك اداره سنده کی قاریشیق بوکی تشبثاتی فوق العاده
تسهیل ایدلدی .

کاخانه و اصلاحات خط هایونلری خرسیتیانلره مساوات وعد ایتمش ، یعنی
بونلرک احوال اجتماعیه لرینی اصلاحه کافیل بولمیش ایکن حکومت عثمانیه بوایکی خط
هایونی شدتلی رمرکزیت اداره تأسیسنه آلت کی قوللانمغه باشلامشدی ؛ اهالی غیر
مسلمه بوشدت اداره یه قارشى طرف طرف عصیان ایتدیلر ؛ روس اردولری
هممده بلرینی تابعیت عثمانیه دن قورتارمغه قوشدیلر . ترکلر ، غفلت وجها -
لتلرینك جزاسی (آتاتقنوس) و (برلین) ده چکدیلر . اوروپا و آسیای
عثمانیدن واسع ولایتلر غائب ایدره ک کندی اداره داخیه لرنده « اقلیتده قالمش
کی » اولدیلر . بردها مبدل صعود اولسی امکانشز کی کورینن بو سقوت ،
یکرمی سنه اول استقلال و تمامی ملکیت عثمانی بی تأمین ایدن ، دوات عثمانیه یی
(اوروپا) هیئت ذولیه سی میانه ادخال ایلین دول معظمه نك اثری ایدی .

بربرینه مربوط اولان بووقایع قارشیسنده ، خاطره پك چوق ملاحظات
وارد اولیور . اولاً ؛ ترکیا ، تنظیماتی بحق تطبیق ایتسه ییدی عجباً ۱۸۷۷
محاربه سی ایله بونك نتایج مادیه و سیاسیه سندن قورتیله بیایرمی ایدی ؟ ثانیاً ؛
اگر (فرانسه) ترکیا اصلاحاتی اداره یه دوام ایتسه ییدی عجباً تنظیمات ، باب
عالی بی محافظه وحمایه ایده مزیددی ؟

اصلاحاتک ادوار مختلفه تاریخیه سی کوزدن کچیرر ایسه ک شوکا قانع اولورزکه
پادشاهک تنظیمات سایه سنده کرک داخل ، کرک خارجاً حقوق حکمرانیسی
آنحق موقتاً محافظه ایده بیلمسی ، اقوام عثمانیه نك احوال اجتماعیه لرینی حسن
اولنور درجه اصلاح ایده مه مسندن ایلری کلیر .

مطالعات سالفه نك صحتي - مقدمه كتابده ايضاح ايديلن ايكي نقطه نظر.
كوره - اصلاحات داور و يريله جك تفصيلات آتیه ايله تين ایده جکدر .

۲

زمانمز علمای مؤلفیندن بر ذات دیورکه : « جمعیات سیاسیه نك ایلک شکل
ابتدائی حکومتلری کال مشکلات ايله تبدیل ایده بیلدکاری مرتبه ثبوت وارمش
بر حقیقتدر . » [*]. تاریخ ، بوحقیقی اثبات ایچون ترکیادن دهایی بر حکومت
کوستره مز .

سلطنت عثمانیه نك استنادکاهی عسکرلک ايله دیندر ؛ هم حکمدار ، همده
خليفة اولان پادشاهلر بویکی قوتک تمثالی عد ایدلدکاری ایچون عصر لرجه زمان
مستقلاً اجرای حکومت ایتمشلر و بوبابده شریعتک ، یعنی قانون ملینک مفسر
رسمیلری اولان علمادن بشقه بر مقابل قوت طانیماشلردر .
قوت ايله دین برلشمش ، عثمانلی حکومتته خاص برطرز اداره وجوده
کتیرمشدی .

قوت ، وقیته واسطه یکانه فتوحات اولمش ؛ صکره ، بوکا خلل کلنجه ،
دولت عثمانیه یواش یواش سقوطه باشلامشدی . فقط دین و دین ايله برابر
استبداد اداره دوام ایتمشدی ؛ ترکلرک حال انفراد وجهات فوق العاده لری بوکا
غایت مساعددی .

پادشاهک حاکمیت مطلقه سی ، تنظیماتک تطبیقی اوزرینه بالضروره دوچار
تبدیل اوله جقدی . « خلیفه - پادشاه » اوروپانک قوانین رموضوعات جدیده سی
قبول ایدنجه ، مسلمانلرک تعصبنه قارشی حرکت ایتک مجبوریتنده بولندی ؛
پرنس (دومترنیخ) ک تعبیری وجهله « حکومتک استنادکاهی اولان قوه دینییه
قیروب آتسی » [**] ، مطلقیت اداره سنک تمل طاشنی بالذات تخریب ایتسی
لازم کلدی .

دیگر طرفدن ، خرستیان اقوامنک ثمره ذکا و تربیه لری اولان قوانین
ونظامات اجنبیه نك تطبیقی ، حکومت عثمانیه یی برچوق مسائل جدیده سیاسیه

[*] « پارپیهو Parieu » نك « قواعد اساسیه علم سیاسی » نامنده کی کتایندن ؛ ۱۸۷۰ .

[**] [در سعادت سفیری موسیو دو « استورمر » کوندر بیلن ۱۱ حیزران ۱۸۴۴

تاریخی تحریرات .

قارشیسندمه بولندیردی ؛ عوام ایچون آ کلاشیلمسی ممکن اولیان بوسیاسی مسئلهلر ، هر حالده حکومات شرقیه نك طرز قدیم اداره سندن زیاده وقوف ومعلوماته ، درایت وتجربه یه لزوم کوستیریوردی .

الحاصل ، غیر مسئول وآمر مطلق اولان پادشاه ، آرتق رد وتبعید ایدیلهمین مدنیت غربیه نك تأثیر یله ، یواش یواش افکار منوره اصحابنك زیاده لشدیکنی ، یعنی کرک داخل مملکتده وکرک خارجده نسبتاً ممتاز بر موقعدمه بولان ، حکمدارک اجرا آتی تنقید و « قونترول » ایتک احتیاجنی آکلایان بر صنف خلق تشکیل ایتدیکنی کوردی . بومنور صنف ، مملکتک مدافعه واداره سنه یکی بر طرزده اشتراک ایتک ایستیوردی . وقتیه خوشه کیتمین مشیرلر ، والیرلر پک قولای ازاله ایدیه بیلیرلرکن شمدی پادشاه افکار جدیده صاحبیلرینی تبعیده ، خدمت حکومتدن اخراجمه مقتدر اوله میوردی .

محافظه کاران ایله ترقیرورلر آره سنده کی مبارزه نك صفحات مختلفه سنی صره سیلا تعقیب ایتدک . سلطان محموددن بری هیچ بر بیوک اصلاحات یوقدرکه حقیقی مسلمانلرک اعتقادات وجدانیه لرینه طوقونمسون ، اک اهمیتسز وحتی ضررسز هیچ بر تجدد یوقدرکه پادشاه احکام شرعیه موافقتی اثبات واعلان ایتک مجبوریتنده قالمسون . تنظیماتک هر دوره سنده ، هیئت علما ، الده قرآن اوله رق عرض وجود ایتشدیر .

سیاست جدیده نك ، دینک مقاومتی قارشیسندمه استبداد اداره ، حکومت مطلقه رخنه دار اولدی ؛ ضعیفدی .

ققط بشقه بر طاقم احوال دخی حکومت مطلقه اصولک اسکی قوت وشدتی تنقیص ایدی یوردی . پک بیوک بروقوف ومعلوماته لزوم کوسترن بو دوره تجددده آسیا حکمدارلرندن فرق اولیان پادشاهک وظیفه سی نه اوله بیلیردی ؟ قانوننامه سلیمان [*] آرتق (اوروپا) حکومتلری طرزنده اداره امور ایتک ایستین بر دولتک احتیاجنی تأمین ایده مزیدی . وظائف حکمدارینک بر صدر اعظم انهورلمی ، پادشاهه قارشى دائماً بر مطیع بنده وآنک قدر جاهل اولان بوسدر اعظمک وکالت مطلقه یی حائز بولنسی بوندن صکره غیر کافی ، حتی

[*] ۱۷۵ نجی صحیفه یه مراجعت .

کولونج بر اصول اولوردی . قوه اجرائیه ، تشریعی و عدلیه نك دها طبعی ودها معقول بر صورتده تفریقی ضروری ایدی .

حکومت مطلقه اسلامیه نك تدریجاً نه صورتله کسب ضعف ایتدیکنی یوقاریده کوردک . عبدالمجید و عبدالعزیز دورلرنده تطبیقی ممکن اولیان مسؤلیت وکلا قاعده سی ۱۸۷۶ قانون اساسیسنه ادخال ایدلدی . مجلس والا ، مجلس تنظیمات ، مجلس احکام عدلیه ، شورای دولت ، مجلس مبعوثان ، یو مجالسک کافه سی قوه تشریعیه نك قوه اجرائیه دن تفریقی ایچون واقع اولان تشبئاتک نتایج متعاقبه سیدر . قوه عدلیه نك استقلالی دخی تصدیق اولندی . مطلقیت و استبدادک درجات ادارنك هر برندن رفی ایچون نه قدر مشکلات چکیلدی ، اصول و نظامات قدیمه نك کفایتسز لکسندن متولد محاذیری رفع ایچون نه قدر یکی قانونلر ، نظاملر یاپلدی .

حقیقت حالده ، قوه مطلقه نك بویه پی در پی رخنه دار اولمسندن ملت یك آز استفاده ایده بیلدی ؛ بوکا تعجب ایتمه ملیدر . چونکه شورای دولت و مجلس مبعوثان کی مجالس عالیہ « اوت افندم مجلسی » [۱] لقبه کسب استحقاق ایتدی ؛ حکام آرزوق پاشارک تحت تحکمنده قالدی ، مسؤلیت وکلا قاعده سی ۱۸۷۶ قانون اساسیسی ایله برلکسده اورته دن قالدی . عبدالمجید ، حقوق قدیمه حکمداریدن هانکیسنی استرداد ایتک ممکن ایسه اونلری آلدی ؛ کویا ، اک بیوک دشمنی اولان مدحت پاشانک شوسوزلر نی تمکذیب ایتکه چالیشیور : « ترکیاده تنظیماتک تاریخ اعلانندن بری آرتق حکمدار مطلق یوقدر . پادشاه حکمدار مطلق دکلدر . آرتق بویه حکمدارلره کردستانده حتی عربستانک اک هجرا کوشه لرنده بیه تصادف اولنه ماز » [۲] .

یوقاریده نامنی ذکر ایتدیکم مؤلف مقتدرک دیدیکی کی تحصیل و تربیه سی مترقی جمعیات بشریه نك اوزون مدت بر شخصک استبداد اداره سنه تابع اولدیغی کورلیدیکی کی تاریخ ، بزه اک قدیم ادوارد بیه ، « دموقراسی » نك غایت قبا اشکالنه نمونه لر کوسترر [۳] . مؤلف ، بعده شو سوزلری علاوه ایدیور :

[۱] ۳۵۵ نجی صحیفه نه مراجعت .

[۲] مدحت پاشا محاکمه سندن مستخرج .

[۳] « پاریس » یوقاریده ذکر ایدیلن اثری ، صحیفه ۱۵۰ .

« مع مافیہ بر مملکتہ علم و معرفتک تعمی ایلہ اداره مطلقہ یرینه بر اداره احرارانه قائم اولدینی ... وحریت سیاسیه نک ، وجدان عمومی ملتک سبب اصلی تشکلی اولان مقارنت و مشارکت افکارک ، اصولی مشورتک تقرر ایتدیکی انکار اولنه ماز . ازمنه جدیدده مطلقیت ایلہ اداره اولنان بر حکومتک الکوی ، الک بیوک بردشمنی واردرکه اوده مدینتدر . مدنیت ، اداره مطلقه یی دائماً تعذیلہ ، یموشاتمغه میالدر . »

تشکیلات اداره عثمانیه اساس اولان وقایع تاریخیه ایلہ احکام دینیه خارج بر اقلیدینی تقدیرده ، غیبا زمانمزده - نه قدر خفیف اولورسه اولسون - یکیدن اجرای حکم اتمکه باشلایان حکومت مطلقه اصولی تنظیماتک بر نتیجه ضروریسی عد ایدیلہ بیلیرمی ؟ تبعیه حقوق سیاسیه لرینی بخش ایدن تنظیمات یارم عصر ارق برشی دکلیدر ؟ اوچ قطعه خط هایون ایلہ بر قانون اساسی تنظیماتک ادوار مختلفه ترقیاتی ارئه ایدر برر وثیقه دکلیدر ؟ ۱۸۷۶ قانون اساسیسی ، « بر وعددن عبارت اولیوب ، بالعکس بتون عثمانیلرک مالی و تطبیق احکامی آنجق ملت ایلہ پادشاهک آمالی اتحاد اتمک صورتیه تأخر ایده بیلن بر قانون حقیق و قطعی اولان » [*] قانون اساسی کاخانه و اصلاحات خط هایونلریله ۱۸۷۶ خط هایوننده محرر حقوق وحریت سیاسیه یی تنویع ایدن بر اثر عالی دکلیدر ؟ پادشاه ، ترکیانی بر جوق نقطه نظردن حکومت قدیمه اسلامیه بکزمک ایچون بتون قوای حکومتی الہ ایتدیکی حالده سنه لرحه زماندنبری بوکا اعتراض ایدله مسنه سبب ندر ؟

شبهه سزکه ، ۱۸۷۷ محاربه سی وبونک نتیجه مؤلمه سی ارتجاع اخیره سبب اولان احوال دن بریدر . فقط عثمانیلرک احوال اجتماعیه لری بوکا مساعد اولسه ایدی مطلقیت اداره اصول قدیمه سنک همان تماماً اعاده سی ویا اعاده ایدلسه بیله طول مدت محافظه سی ممکن اوله بیلیرمی ایدی ؟ شو حالده ، اصلاحاتک پک سعاحی اولدیغنه ، اخلاق عمومی یی پک آز تهذیب ایلدیکنه ، ملتک تربیه فکریه ومعنویه سنه اصلا فائده بخش اولدیغنه ، عبدالحمید تبعه سنک محمود ثانی تبعه سندن همان همان فرقمسز بولندیغنه اینانمق لازم کلیر .

بوادله و براهین نه قدر قوتلی اولورسه اولسون ، تاریخمیزک موضوعی تشکیل

[*] صفوت پاشانک ۲۶ کانون اول ۱۸۷۶ تاریخی تحریرات عمومی سندن .

ایدن قاریشیق دعوائی بر کره دها مدققانه کوزدن کچیرمه مانع اوله ماز . ذاتاً کتابده بودعوانک آنجق خطوط عمومیه سی ترسیم وایضاح ایندم ؛ دولت عثمانیه نك شعبات اداره حکومتدن هر برنده کی اجرا آتی آری آری تدقیق اولنورسه مسئله دها واضح بر صورتده ظاهره چیقار ، دها طوغری بر حکم ویرمک امکان داخله کیرر ؛ و بوضورتله تنظیماتک هیئت عمومیه سی بریره جمع ایدلمش اولور .

۳

ترکیاده ایلك اصلاحات « نظام » نامی ویرلمشدر ، که فرانسزجه ده « Ordre » دیمکدر . بولکه شایان دقتدر ؛ چونکه مقابلی اولان « Desordre » ، یعنی « نظام سزلق » کله سی مسلمان هیئت اجتماعیه سنک اخلاق حقیقه سی پک طوغری اوله رق تصویر ایدر . مسائل شرقیه و قوف تامی ایله مشهور اولان بر دیپلوماتک سوبلدیکی وجهله ، مسلماندرده حس انتظام اوتهدن بری مفقوددر [*] . قرآنک ترتیبده بر منطق و اصول یوقدر ؛ نظام و انتظام ، آنجق کتاب مقدسک تفسیرلرنده ، احکام قرآنه مستند فتاوا مجموعه لرنده کوریلور . مسلمانلرک یازیسی صحت ، قطعیت و وضوحدن عاریدر ؛ ازمنه نك حساب و تعدادی دخی بویله در . وضوح و قطعیتدن ، نظام و انتظامدن محرومیت خدمات عمومیه نك کافه سنده مشاهده اولور . یالکز بر مثل کوستره لم : اوراق و وثائق رسمیه نك قید اولنمدیغی و حتی اوزرلرینه تاریخ بیله قومندیقی زمانلر اوزاق دکدر .

بوتاریخک باشلادیغی زمانده ، حکومت عثمانیه کی قاریشیق صولک درجه یی بولمشدی . سلطان سلیمانک قانون قدیم سیاسی حکمدن ساقط اولمش ، مطلقیت اداره نك نتیجه سی اولان استبداد هر طرفده ، سرایده ، باب عالیده ، مرکزده ، ولایاتده ، امور مالیه و عدلیه ده ، عسکر لکده حکم فرما ایدی . اصلاحات اردودن باشلاندی ، اردوده کی انتظام سزاق دولتک منافع حیاتیه سی ، داخل و خارجاً امنیتی اخلاص ایتدیکی جهته هر شیدن اول اصلاحات عسکریه یه تشبث ایدلمسی طبیعی ایدی .

وقتیله سپاهیلرله برلکده عساکر مایه نك اک کزیده بر صنفی تشکیل ایدن یکچیریلر ، اون سکزنجی عصر اواخرینه طوغری ، عساکر منتظمیه

[*] بارون دو (شله شتا) ، در سعادته ۱۸۰۷ و ۱۸۰۸ انقلابری .

بکزه من برحاله کیشلردی؛ روسیه چارلرینک قدیم (استرلیچ Strélitz) عسکری کبی اطاعتسز ایدیلر. بونکله برابر یکیکچریلرک هیئت علما ایله مناسبات صمیمیه لری موجود ایدی. ذاتاً تعبیه وسوق الجیش فیلری، اسلحه هرملکتده دیکشمش اولدیغندن عسا کر عثمانیه نك اصول جدیدیه توفیقاً اصلاحی ضروری ایدی. سلیم ثالث بوتشبنده موفق اوله مدی. (اوروپا) اصولنده معلم بر پیاده صنفی دیمک اولان نظام جدید کرک یکیکچریلر، کرک طشره لرده کی معتبران ومتنفذان طرفندن قبول ایدلمدی. هیئت علما دخی خرسیتان مملکتلرده جاری اولان اخذعسکر اصولنی شریعتهمغایر بوله رق نظام جدیده اعتراض ایتدکلرندن سلیم ثالثک تشبثات مجددانه سنه هرطرفدن مخالفت ایدلدی.

محمود ثانی، عمجه سنک تشبثی تجدید ایتدی و ۲۸ مایس ۱۸۲۶ تاریخلی خط هایون ایله نظام جدیدی احیا ایلدی؛ بو خط هایونک نشری یکیکچریلرک احساسی و سپاهییلرک طاغیدلمی ایله نتیجه لندی. ایشته، اردوی عثمانینک اصول جدیدیه توفیقاً اصلاحی بوتاریخندن اعتبارآدر [۱]. ایلك اصلاحات، غیرکافی ایدی و ۱۸۲۹ محاربه سنده کزیده عسکرک حرکات عمومی حربه یی اجرا ایده بیلدیکی کورلمکله برابر ترکیانک هنوز تشکیلات منتظمه عسکریه به مالک اولمدیغنی آکلاشیلدی. اداره عسکریه مقفود اولدقدن بشقه اخذ عسکر معامله سی کیفی بر صورتده اجرا ایدیلیور و بر دفعه سلاح آلتیه آلتان عسکر اولنجهیه قدر اردوده قالیوردی.

بارون (روسین) ک ویردیکی معلوماته نظراً، ۱۸۳۷ سنه سنده عموم ممالک عثمانیه ده آنجق ۲۴,۰۰۰ عسا کر منتظمه بولنقدیه ایدی؛ تجهیزاتی نقصان، قوماندانلری جاهل اولان بوعسکر جدی بر محاربه یی ارمازدی [۲]. ۱۸۴۳ قانونی نظام جدیدک بعض نواقضی اکمال ایتدی؛ اخذ عسکر معامله سنک کیفی بر صورتده اجرا اولنماسینه، خدمت عسکریه نك معین بر مدته منحصر قالمسینه، نظامیه اردوسنک ردیف صنفی ایله تقویه ایدلمسینه قرار ویرلدی. ۱۸۴۹ سنه سنده عسا کر نظامیه ۱۲۰,۰۰۰ و عسا کر ردیفه ۵۰,۰۰۰

[۱] سلطان محمود اول و مصطفای ثالث زمانلرنده طوپی صنفنده اجرا ایدیلن اصلاحاتندن عبدالحمید اول زماننده هان اثر بیله قالماشدی.

[۲] ۷ شباط ۱۸۳۷ تاریخلی راپور.

کشی به بالغ اولمشدی ؛ کرک نظامیه ، کرک ردیف پیاده ، طوبجی ، سواری
صنفرینه ایرلمش ، ممالک غریبه ده جاری اولان سلسلهٔ مراتب عسکریه قبول
ایدلمشدی .

بو مهم اصلاحات ثمراتی ۱۸۵۳ - ۱۸۵۵ سفرنده اقطاع ایدلدی ؛
ترکیا ، تشکیلات جدیدۀ عسکریه سی سایه سنده ، روسلره قارشی طونه حدودینی
موفقیتله مدافعه ایتدی .

۱۸۶۹ سنه سی ظرفنده ، یکی بر قانون ، اسلام اردوسنک تشکیلاتی تعدیل
ایدلدی . اولجه بش سنه اولان خدمت نظامیه درت سنه یه ایندیرلدی ؛ ایکی
ردیف صنفندن بشقه عساکر مستحفظه تشکیل ایدلدی ؛ بوندن بشقه بعض
ولایاتک اوتهدن بری وقت حربده چیقاردینی عساکر غیر منظمه محافظه
اولندی .

حکومت عثمانیه ، ۱۸۷۷ سنه سنده ، (روسیه) یه قارشی روم ایلی و آناتولیده
سکیزیوزبیک متجاوز عسکر چیقاردی ؛ بو عسکرک هان ثلثانی نسبةٔ تعلیم و تربیه
کورمشدی . عثمانلی عسکرینک بلغارستانده (چار) ک ویا (رومانی) برنسک
محرابه یه آلیشقی عسکرینه قارشی قهرمانانه مقاومتلری هنوز خاطرلرده در .
مع مافیہ - ترکیا اردوسنک اصلاحی امرنده کی مساعی متدایه نی تقدیر
ایتمکله برابر - بودولتک قوهٔ عسکریه سی اراضی و نفوسجه معادلی اولان ویا
دوئنده بولنان (اوروپا) دولترلرینک قوهٔ عسکریه لری مادوئنده اولدینی انکار
ایدیله مز . باب عالی ، قانون جدید عسکری یی قبول ایتدیکی زمان بالخاصه
عسکرک مقداریخی تزید ایله مشغول اولمش ، قادرولرک تشکیل و اصلاحنه او
درجه اهمیت ویرمه مش ایدی ؛ بر اردوینی کافۀ اقسامی متناسب بر ماکنه یه
تشبیه ایتک طوغری اولورسه عثمانلی اردوسی ماکنه سنک هنوز پک قبالولوب
غایت نقصان بر صورتده ایشلیه ییلدیکنی سولتک ایجاب ایدر .

ذاتاً ، کوچک رتبه لی ضابطانک جهالتلرندن ، رؤسانک اقتدارسز لغندن ،
ترفع رتبه نک غایت کیفی بر صورتده اجراسندن ، ادارهٔ عسکریه یه متعلق
خدمات متنوعه نک کفایتسز لکندن ماعدا عثمانلی اخذ عسکر اصولی غایت طار
بر اساسه مستند اولدیلغندن قوهٔ عسکریه یی پک زیاده تنقیص ایدیور . خدمت
عسکریه ، مملکت اهالیسنک آنحق نصفی قدر اولان مسلمانلره شاملدر ؛

اهالی مسلمه، و قتیله اولدینی کبی، قان ویرکوسندن استنا ایدیلن خرسیتانلرک ضررینه یشایه مدقلرندن سرعتله فقرلشمکده و آزالمقدده در [۱]. مسلمانلر، خرسیتانلری اردولرینه قبول ایتمه مکله، کندیلرینی تخریب ایدن اصولک بتون مسئولیتی درعهده ایتمشلر دیمکدر. ملل مغلوبه نك عسکرلکدن معفویتی، اهالی مسلمه آرمه سنده بونلره قارشی اجرای خصومت ایچون بر وسیله دیگر تشکیل ایتمکده در.

بوصورتله تشکل ایدن عثمانلی اردوسی، بالطبع محدود بر منبع قوته مالک اولدینی کبی دولت، عموم تبعه نك استنادکاهی اوله جغه یالکیز اسلاملرک التیجا کاهی خدمتی کورمکده در.

۴

تنظیاته مبدأ اولان نظام جدیدک احوال عسکریه دولتی اصلاح ایتمک مقصد یکانه سنه مطعوف اولسی شایان دقتدر. ۱۷۹۳ قانون مشهورنده والیرلک وظائفه، تقسیمات جسیمه ملکیه نك امور اقتصادی و مالیه سنه دائر بر چوق اوامر صدارتنهای موجود ایدی. سلیم ثالث خط هایونی احکامنی موقع اجرایه قویق ایستین محمود ثانی تشکیلات جدیده عسکریه نك باشلیجه خدمات عمومیه دده دخی تبدلات وقوعنی استلزام ایستیکنی آکلامشدی. جنرال (کیه منو) ۱۸۲۷ سنه سنده یازدینی مکتوبده دییوردی که: « ترکیانی حمایه ایدلم؛ تشکیلات عسکریه نی متعاقب اصلاحات ملکیه دخی باشلایه جقدر؛ اردونک تنسیق مملکتک ترقیات اجتماعیه سنی تأمین ایده جکدر».

تشکیلات عسکریه و ملکیه نك بر برینه مربوطیت طبعیه سی، پادشاه غایت واسع بر وظیفه تحمیل ایدییوردی؛ چونکه الفا ایدیلن یکیکچری اوجانی احوال عمومیه حکومتک تمثالی حکمنده ایدی؛ بو اوجاق قالدیریلنجه اداره حکومتک دخی تبدیل و تجدیدی لازم کلپوردی.

بناء علیه اردودن اصل اداره کچمک ایجاب ایدر؛ بو بایدکی تبدلات و اصلاحاتی تاریخ صره سیله بروجه آتی یازییورم.

تنظیاتدن اولکی ولایت تشکیلاتی اون آلتنجی عصر اواخرنندن قالمه بر اصول

[۱] قریم محاربه سی اثنا سنده آناتولینک بعض قضالرنده الی سلاح طوتار اهالی ثلک درجه سنده تناقص ایتمشدر.

ایدی. اولجه روم ایلی و آناتولی بکربکیلرینک تحت اداره سنده بولسان ممالک جسیم ایالتلره، ایالتلر دخی لوا وسنجاقلره تقسیم ایدلمشدی. ایالت والیلری برز خدیو، حکمدار قائممقامی کبی ایدیلر. حق حیات واعدامه مالک اولوب قوه عسکریه یه قوماندا ایدرلر، واردات محلیه یی التزام طریقیه اداره ایلرلردی.

اهالی یی ایالت والیلرینک هر درلو سوء استعمالنه، ظلم واعتسافه معروض قیلان بو عدم مرکزیت اصولی بر چوق دفعه لر آسایش داخلی یی اخلاص ایتدکن بشقه تمامی ملکیت عثمانیه یی بیله تهلکیه دوشورمشدی. اون سکزنجی عصرده، اون طقوزنجی عصر اوائلنده پادشاهلرک حقوق حکمرانیلرینی حکم سز براقان یانیه والیسی علی پاشا، روسیجق والیسی بایراقدار، ویدین والیسی پاسبان اوغلی کبی آدملرک چوق سنه لر آسایش مملکتی اخلاص ایتشلر، بویوزدن بیوک بر نام وشهرت قزاقملر در.

سلطان محمود، یکچریلری قالدیردقن صکره بو والیلری باب عالی یه تابع اجر تلی مأمور حالنه قویه رق قوت واستبداد لرینی قیرمغه مسارعت ایتدی. یکچیری اوجاغنی قالدیرمق خصوصنده کی شدت و فعالیتی، بوایکینچی تشبته دخی کوستردی؛ فقط برنجیسی قدر موفقیته نائل اوله مدی. مضایقه خزینه، دولتک امور اقتصادی و مالیه سنک اساسی بر صورتده تبدیلی استلزام ایدن اصلاحاتک تطبیقنه مانع اولدی.

مع مافیه آنا طولیده کی بیوک ایالتلرک عددی اون سکزدن درده ایندیرلدی. و دیگر ایالتلره والی یرینه متسلملر، یعنی موقت مأمورلر کوندرلدی. بوتدیر، مرکزیت اصولنه طوغری آتیلان ایلک خطوه ایدی.

سلطان محمودک افکار و نیات مجد دانه سی، آنجق سلطان عبدالجیدک دور سلطنتده تماماً و منتظماً موقع تطبیقه وضع ایدیله بیلدی. (پارس) ده یک چوق زمان اقامت ایتش اولان رشید پاشا، (فرانسه) نک تقسیمات و نظامات ملکیه سی اقتباس و بناء علیه مرکز ولایتده خدمات عمومیه یی والی، قوماندان و دفتردار آرهنده تقسیم ایتدی. بوندن بشقه باب عالیده نصل بر بیوک مجلس موجود ایسه هر مرکز ولایتده دخی برر مجلس اداره دائمی احداث ایلدی. برمدت کینچه، ولایت مرکز لرنده خدمات عمومیه نک تقسیمندن بر فائده

حاصل اولیوب بالعکس آسایش عمومینک بحق محافظه منه مانع اولدینی آ کلاشیدلی واون سنه تجربه دن صکره والیرله وظائف سابقه نرندن بر قسمی اعاده ایدلدی. ۱۸۵۲ سنه سنده نشر ایدیلن بر فرمان موجبجه ولایت مأمورین ملکیه وعسکریه سنک قسم اعظمی والیرک مسؤولیتلری آلتنه وضع ایدلدی.

یوقاریده بالمناصبه بحث ایدلدیکی اوزره [۱] اصول سابقه یه عودت اولنسی، تنظیمات خیریه ایله قانون جزانک تبعه مسلمه وغیر مسلمه یه بخش ایدلدیکی تأمیناتی حکمسنز بر اقامقه برابر یکیدن بر چوق سوء استعمالانه سبب اولدی. قوه عمومیهنک صورت توزیع وتقسیمه اساس اوله جق الک مناسب مقیاس هنوز بولنه مامشدی.

اعضاسی رؤسای اداره طرفندن تعیین اولنان طشره مجالس اداره سنک حکومت محلیه اوزرنده اجرا ایده جکی قوتنرول وظیفه سنک نه درجه یه قدر اهمیتی اوله بیلیردی؟ ۱۸۵۶ فرماننک نشرندن اول حکومت عثمانیه ایله سفرای اجنبیه آره سنده جریان ایدن مذاکره (فرانسیه) و (ارکتره) سفیرلری الک زیاده بو نقطه یه دقت ایتشلردی. بو ایکی سفیر، اعضانک اهالی طرفندن انتخاب وتبعه غیر مسلمه نک دها واسع بر صورتده انتخابه اشتراکری اساسنی تکلیف ایتدیلر [۲]. بو تبدلات، ۱۸۶۴ ولایات قانونی ایله قبول ایدلدی والیوم اداره عثمانیه یه اساس اولان ۱۸۷۰ قانون جدیدی ایله تعدیل واسلاح اولندی. تنظیمات خیریه یی اکمال وآتمام ایدن بو قانون موجبجه، والیر ولایاتک - امور عدلیه وعسکریه مستثنا اولق اوزره - کافه خدمات عمومیهنی اداره ایدرلر؛ رفاقتلرنده اعضاسی قسماً منتخب بر مجلس اداره بولنور. سنجاقلرک قضالرک، ناحیه لرک اداره لری ده اداره ولایاته مشاهدز. مرکز ولایتده، هر سنه اوقات معینه ده اجتماع ایدن اعضاسی قسماً منتخب اولان بر مجلس عمومی واردر.

الحاصل اهالینک امور حکومته اشتراکی اساسی ۱۸۶۴ و ۱۸۷۰ ولایات قانونلریله قبول ایدلدی. فقط - ظن وتخمین ایدلدیکی اوزره - خلوص نیت وصمیمیتله تطبیق اولندی. اهالی یه ویریلن حق انتخابک نه قدر قیود احتیاطیه

[۱] ۹۷ - ۱۰۱ نجی حقیقه لره مراجعت.

[۲] خط هایونک ۱۷ نجی فقره سی.

ایله تحدید ایدلیکنی و مسلمانلرک نه صورتله دائماً اکثریتی احراز ایتدکلرینی یوقاریده سوبلشدک . واقعا ، بالاخره ، یعنی ۵ کانون ثانی ۱۸۷۶ تاریخنده نشر ایدیلن یکی بر قانون غایت قاریشیق اولان انتخاب اصولنی ساده لشدیردی ؛ فقط بر چوق قیودات و امتیازاتی محافظه ایتدیکندن مسلمانلرک مجالس اداره ده کی اکثریتلرینه خلل کمدی ؛ بو سایه ده والیلر ، نفوذلرندن قورقدقلری مسالک حره اصحابنی اداره مجلسلرینه ادخال ایتمه مک چاره سنی بولدیلر .

واقعا تبعه عثمانیه ایلمک دفعه اوله رق حق انتخاب وریلدوردی و عثمانلیلر هنوز بویه بر شیئه حاضر لئامشاردی . بو نیم تدابیر ، هم اخلاق عمومیه موافق ، هم ده طریق سربستیده آرزوسندن فضله ایلری یه کیتمش اولان حکومتک اندیشه لرینی ازاله یه کافی ایدی .

هر نه ایسه ؛ ۱۸۶۴ و ۱۸۷۰ قانونلری ، ولایاتده شعبات مختلفه اداره مأمورلرینک وظیفه و صلاحیتلرینی بحق تعیین و تقریق ایتمه مکله برابر ، ۱۸۳۹ قانوننه بک چوق فائقدی ؛ بو عوک قانون دخی ، فرانسر تقسیمات ملکیه سنی غایت نقصان بر حالده احتوا ایلسنه رغماً بیوک بر اثر ترقی عدا ایدیله بیلیردی . چونکه بایراقدارلر ، پاسبان اوغللری زماننک کچدیکنه دلالت ایدیوردی . ۱۸۸۰ سنه سننده ولایات قانوننی تعدیله مأمور اولان بین الملل قومیسبون ۱۸۷۰ تشکیلات ملکیه سنک بر چوق نقصه لرینک تعدیلنی تکلیف ایتدی . تقسیمات ملکیه نك هر بر درجه سننده ریاست حکومتده بولان مأموره بر معاون وریلدی . بو معاونک دیگر بر مذهبن اولمی شرط اتخاذا ایدلدی . مجالس اداره ایله مجالس عمومیه اعضاسنک انتخابی ایچون ده آقاریشیق ، قوه اجرائیه نك مداخله سنندن آزاده ، صنوف تبعه دن هر برینک ده واسع بر صورتده اشتراکینی تأمین ایدمکک صورتده بر اصول قبول اولندی . فقط بو تعدیلات مهمه ، هنوز موقع اجرایه وضع ایدلمدی .

۵

اداره ملکیه ده وقوعه کلن تبدلات - کلخانه خط هایوننسک نشرنندن صکره قاضیلرک ملل غیر مسلمه رؤسای روحانیه سی کچی مجالس اداره یه اعضا اولملری اوزرینه اداره ملکیه ایله ارتباط حاصل ایدن - امور عدلیه نك دخی تبدیل و تعدیلانی مستلزم ایدی . سفرای اجنبیه ، ۱۸۵۵ سنه سننده حکومت

عثمانیه ایله وقوع بولان نیم رسمی مذاکره لرنده بو مسئله یی ده نظر دفته ایشلردی .

قارئلرمك خاطر نده اولسه كر كدر كه ، اصلاحات حقنده سفرای اجنیه ایله استشاره دن مقصد رعایانك ترفیه احوالی ایدی ؛ خرسیتیانلرك مسلمانلردن دون بر موقعه ده بولندقلرینه اك بیوك دلیل محاكم شرعیه ایدی ؛ بناء علیه سفیرلر بر طرفدن تبعه مسلمه و غیر مسلمه یه مخصوص محاكم مختلطه تأسیسنی ، دیگر طرفدن محكمه اعضاسنك اهالی مكلفین طرفدن انتخابی تكلیف ایتدیلر . بو ایکی مسئله حقنده جریان ایدن مذاكرات نتیجه سنده ، فقط بر مدت صكره ، محاكم نظامیه تشكیل ایدلدی .

مع مافیه ممالك عثمانیه ده کی محكمه لر یالكز محاكم نظامیه دن عبارت دكلدر . هیئت عمومی اعتباریله نظر دفته آلینیرسه ، دولت عثمانیه نك تشکیلات عدلیه سی ، بعدالفتح روم ایلی و آناتولیده دوام وبقالرینه مساعده ایدیلن متعدد مذهب و ملیتلر آره سنده کی فرقلرك نتیجه سی کیدر . قاپیتولاسیونلر احكامنه ویاعادات و تعامله توفیقاً حق قضایه مالك اولان دول اجنیه قونسولوسخانهلری محاكمندن صرف نظر ایدلدیکی تقدیرده ؛ جماعات غیر مسلمه نك هر برنده آری آری محاكم روحانیه و حقوقیه کوریلور ، كه بونلر زمان فتحدن بری موجود اولوب بطریققلرك کوندن کونه تزید نفوذ ایللری سایه سنده تدریجاً کسب قوت ایشلردر . بعده محاكم شرعیه کایر . بو محكمه لرك کندیلرینه تعیین اولنان حدود صلاحیت داخلنده واحكام شرعیه یه توفیقاً یالكز مسلمانلر آره سنده کی دعاوی یی رؤیت ایدرلر . تقسیمات ملکیه نك هر درجه سنده بولنان محاكم شرعیه ، آلان خرسیتیانلرك شهادتلرنی قبول ایتزلر .

محاكم نظامیه تأسیس اولندینی زمان سالف الذکر اوچ صنف محكمه لره طوقونلماش ، فقط بالطبع اولجه بونلره عائد دعاوینك بر قسمی محاكم جدیدیه دور اولمشدر . قضا ، ستجای و ولایت مرکز لرنده بولندیغه کوره بدایت واستیناف حالنده تشكیل ایدن محاكم نظامیه تبعه مسلمه و غیر مسلمه ، حتی بعض احواله یالكز مسلمانلر آره سنده کی دعاوی حقوقیه یی رؤیت ایتدیکی کبی یرلی واجنبی ، مسلم و غیر مسلم هر کسه عائد جنایات و جرائم دعوالرینك مرجعی ده بو محكمه لردر .

محاکم نظامیه تفریق قوا ، حکامک انتخابی ولايت عزل اولمسی کبی اوچ قاعدۀ اساسیه اوزرینه مؤسسدر . کتابمزده بو اساسنرک نه درجه یه قدر حائر اهمیت اولدیغنی کوردک . بوراده دخی خلاصه ایدلم .

یوقاریده سوبلیدیکم وجهله تنظیماتک اعلانی متعاقب امور عدلیه امور اداره ایله قاریشدرلمشدی . بالعموم تبعۀ عثمانیه آرهنده کی مساوات اساسی اعلان ایدلیدیکی بر صروده امور عدلیه و اداره نک بو صورتله قاریشدرلمسی غریب بر تدبیر ایدی . رشید پاشانک ولایاتده تأسیس ایتدیکی مجالس اداره-که بونلره احسن اجرا آتی نظریه باقیوردی-کرک امور عدلیه و کرک امور اداره ایله مکلف ایدی ؛ مجلسلرک کافه سی والیرک معاونلری ، ده ها طوغربسی غایت مطیع واسطه لری کی حرکت ایدیوردی [۱] . در-عادتده کی مجلس احکام عدلیه دخی بر نوع محکمه و مجلس اداره ایدی ، ۱۸۵۶ خط-هایوننده بو مجلسک امور عدلیه و اداره یی رؤیت ایده چکی بیان و تأیید اولمشدی . انکلتره سفیری بیل ۱۸۶۱ سنهنده - یوقاریده بحث ایتدیکمز- اصلاحات پروژه سنی [۲] باب عالی یه تبلیغ ایتدیکی زمان مجلس احکام عدلیه نک یکی برشکلده اوله رق محافظه سنی تکلیف ایتمشدی . حال بوکه انکلیز قونسلسلری بستیون بشقه بر فکرده بولمشلر وبالخاصه مجلس اداره دن قوۀ عدلیه نک نزعنی توصیه ایشلر ایدی .

ولایات قانونی طشره لده محاکم نظامیه یی تأسیس ایتدیکی زمان قوۀ عدلیه و اداره نک صورت قطعیده تفریق ایدلیدی ظن اولندی ؛ سلطان عبدالعزیزدیوان احکام عدلیه و شورای دولتی تشکیل ایتدیکی زمان ایسه امور عدلیه نقطۀ نظرندن ترکیابی حکومت غریبه درجه سنه اصعاد ایدن بویه بر موفقیتدن طولای کندیسنی شایان تبریک کوردی . حال بوکه ، فعلیاتده حکامک اداره مأمورلرینک نفوذی آلتده قالمسندن صرف نظر ، محاکم عدلیه نک بالاستقلال ایفای وظیفه ایلرینه مانع برچوق اسباب نظامیه موجود ایدی . باب مخصوصنده ایضاح ایلدیکم وجهله والیر ایله مأمورین سائرۀ ولایت اقامۀ دعوی استدعایمه لرینی محکمه یه حواله ایدیورلر ، عادتاً مدعی عمومیلک وظائفنک برقسمنی ایفا ایلورلردی ؛ محکمه لرک معاملات اجراییه سی مأمورین اداره یه عائد ایدی .

[۱] ۹۹-۱۰۰ نجی حیفه لره مراجعت .

[۲] ۱۰۹ و ۱۵۰ نجی حیفه یه مراجعت .

تشکیلات قدیمه نك بقایای اولان بویولسز قلمری ازاله ایچون تنظیم ایدیلن قانون ، آنجق ایکی سنه اول نشر اولنه بيلمشدی .

حکامک اهالی طرفدن انتخابی مسئله سنه کئنجه ؛ مجالس اداره تشکیلاتنک تعدیلندن بحث ایتدیکم صروده دولت عثمانیه نك بواختاب اصولی نه صورتله قبول و تطبیق ایلدیکنی ایضاح ایتشدم . مقصد ، رعایانک حقوقی محافظه ایتمک و بونلره مساوات مدنی و سیاسیة تأمین ایتک ایدی . اکر قانون مشترکی تطبیقه مأمور اولان حکام طوغریدن طوغری به حکومت اسلامیة طرفدن انتخاب اولنور ایسه خرستیان تبعه نك مساوات حقوقی نصل تأمین ایدیه بیلیردی ؟ بونلرک حیاتلری ، شرف و ناموسلری ، اموال و املاکلری - وقیله اولدینی کبی - ملت غالبه نك احتراصات دینی و ملیه سنه معروض قالمازی ایدی ؟ کندیلرینه بخش اولان مساوات حقوق یرینه کل یوم حقسز قلمره دوچار اولمازلر میدی ؟ حاکمیت عامه قاعده سنک تطبیقده نك زیاده ایلری به کیدن حکومتلرده بیله حکامک حق انتخابی رؤسای حکومت عائد ایکن عثمانیلرک حکمدار مطلق اولان پادشاه بونلرک اهالی طرفدن انتخابه ایستر ایسته مز راضی اولمشدی .

فقط ، حقیقت حالده ، حکومت عثمانیه بر الیه ویردیکی شیئی دیگر الیه آلدی ، دها طوغریسی و یریبور کبی کوروندیکی شیلرک هیچ برنی النسدن چیقارمیدی ؛ محاکمک تشکیلاتنده اکثریتی مسلمانلره تأمین ایتک یولنی بولدی ؛ اهالینک انتخاب ایدیه کبی حکام ، حقیقته ، مأمورین اداره طرفدن انتخاب اولندی . شوراسنی ده اعتراف ایتلیرک خرستیانلر دولت مأموریتلرینه رغبت ایتدکاری ، یاخود حکومت قارشى اسیرانه بر اطاعته آلیشد قلمری ایچون باب عالینک یوحیه سنی تسهیل ایتدیلر .

۱۸۷۵ دن اعتباراً ، ولایات محکمه لری رؤسای طرف حکومتدن تعیین ایدلمک باشلادی و بو اصول ۱۸۸۰ سنه سننده تعدیلی تقرر ایدن ولایات قانونی پروژه سنده دخی محافظه ایدلدى .

حکامک لایتنزل اولمیری کئنجه ؛ انتخاب اصولی ، نصل رعایا ایچون تأمینات جدیه مقامنه کچمه مش ایسه حکامک عزلدن مصونیتلری قاعده سی ده جدی بر شی دکلدى . اقوام متمدنه نك حقوق عمومیه سی میاننه داخل اولان بوقاعده مهمه ، ۱۸۶۸ سنه سننده دیوان احکام عدلیه نك حین تأسسنده قوانین عثمانیه به

دخی ادخال ایدلمش ؛ مع مافیه ، سلطان محمود مصادره اموال اصولی الغه ایتدکدن صکره زنکین تبعه سنک مغلقاتی ضبط ایتدیکی کبی سلطان عبدالعزیز دخی بیوک رتبه لی حکامی عزل ایلکده دوام ایتشدرد .

محکمه عالیہ اعضاسنه منحصر اولان عزلدن مصونیت امتیازی ۱۸۷۶ قانون اساسیی ایلہ بالجله حکامه تشمیل ایدلمشدر [۱] . فقط معلوم اولدیی اوزره ، بوقانون اساسی آلتی سنه دن بری تطبیق ایدلمه مکده در . بالاخره ، ۱۸۷۹ قانون موقتی ایلہ [۲] ، حکامک لایعزل اولسی قاعده سی صورت قطعیده تأسیس اولندی ، فقطینه اوتاریخده « مکتب حقوقدن شهادتنامه لی حکام تیشنجیه قدر » بوقاعده نك تطبیق اولنیه جنی اعلان ایدلدی .

۱۸۷۴ سنه سنده ، مصر اصلاحاتی ایچون تشکیل ایدیلن فرانسز قومیسونی ، تنظیم ایتدیکی راپورده دیوردی که : « حکامک لایعزل اولسی قاعده سی ، دائماً لازمه عدالتی و حقوق اهالی یی تأمین ایده میور ؛ بالعکس ، اهالی یی حمایه ایده جکی یرده سوء استعمالنک ترایدینه سبب اوله بیلور . » اگر حکومت ، قانونلرینه ادخال ایتدیکی قاعده اساسیه یی تطبیق ایتش اولسه یدی ترکیا ایچون دخی بویله اوله جقدی . برقچ سنه اول بلغارستان امارتی حکامی ایچون سویلن شو سوزلر دولت عثمانیه یه دخی بک کوزل تطبیق ایدیله بیلردی : « حکامک عزلدن مصونیتی ، یعنی جزاسز قالمیرنی تأمین ایلہ بولری سوء استعمالنه تشویقندن ایسه دائماً عزل ایدلمک تهلکه سی آلتنده طوتمقدها مناسبدر . عزلدن مصونیت ، اساساً مستقیم اولان حکامی دهها مستقیم یابار ؛ فقط بزمکیلری سوء استعمالنه ، ارتکابه سوق ایدر . » حکامک سویه اخلاقیه سنه کلنجه ، تنظیماتک ادوار مختلفه سی حقدده کی تدقیقاته حصر ایتدیکم باده [۳] . یاز اولنان انکلینز قونسولوسلری راپورلرینک مالی تحظر ایتکم کافیدر .

مع مافیه ، شو جهتی دخی تصدیق و اعتراف ایتلیدر که ممالک غریبه ده عصر لرجه زماندن بری دوام ایدن نظامات و عاداتک تأثیر یله تشکل ایدن هیئت

[۱] ۸۱ نجی ماده .

[۲] ۴۸ نجی ماده .

[۳] ایکنجی قسمک ۲۲ نجی بابی . — ماوی کتاپ ، ۱۸۸۱ ، نومرو ۸ .

حکامی - اوتوز قرق سنه لك اصلاحاتی متعاقب - تركردن ايسته مك حقسزلق اولور .

حبسخانه لر ايله امور ضابطه اداره عدليه به تعلق ايدن خدمات عموميه نك اك مهملريدر . يوقايرده ايضاح ايتديكم وجهله اهالي حبسخانه لر دن انسانيتيه باقيشماز برر اشكنسجه محلي [۱] ، ضابطه دن بر بلاي عظيم كي شكايه ايتكمده دوام ايدنيوردي [۲] .

تركياده استقلال محاكم ، هنوز يوقدر واوله ماز ؛ او استقلال محاكم ، كه عدالتك باشليجه اسباب تأمينه سندن بريدر ؛ و نه قدر واسع اولورسه اولسون بنه برمملكه اهالي سنده (مونتسكيو) نك تعريف ايتديكي « هر كسك نائل امنيت اولديني فكرندن متولد حضور قلبي » بحق تأمين ايله مز .

واقعا ، قوانين جديده نك قسم اعظمي [۳] قوانين اجنبه دن عينا اقتباس ايدلمشدر . فقط عقل بشر ك اك صوك ومكمل اثر حكمتي اولان بوقانونلرك تفسير وتطبيقي معلومات مخصوصه به متوققدر ؛ حكام عثمانيه ايسه بودرجه وقوف ومعلوماتدن محرومدر لر . عثمانلي حاكم لر دن اكثرينك جهالتي اودرجه ده در كه صدر اعظم بيله ۱۸۷۲ سنه سي ايلولنده نشر ايتديكي تحريرات عموميه ده شو سوزلري يازمشدي : « معاملات محاكمه مشاهده اولنان يولسزلقلر تشكيلاك فالفغندن نشأت ايتيور ؛ بويولسزلقلرك اسبابي مأمورين عدليه نك كفائيتسز لكسده ، بالخاصه رؤساي محاكم اقتدارسز لغنده آرامق اقتضا ايدر [۴] . » فقط صدر اعظمك اعتراف ايتديكي بوجهالت ، ناموسكارلق ايله توأم

[۱] ۱۸۸۱ سنه سنده امور عدليه ايچون عقد ايديلن قوميسسونده عثمانلي مرخمي حكومت حبسخانه لر نيك پك فنا بر حالده بولنديني سويله رك محبوسين اجانب ايچون موقتا قونسولخانه حبسخانه لر نيك استعمال اولنه بيله چكني بيان ايتشدر .

[۲] ماكدونايده ضابطه مأمورلرينك سوء معاملاتنه دائر ۱۵ كانون اول ۱۸۸۲ تاريخي (قوريه دوريان) غرته سنده مندرج مقاله به مراجعت .

[۳] قوانين جديده بروجه آتيدر : قانون جزا [۱۸۴۰] ، قانون تجارت [۱۸۵۰ - ۱۸۶۰] ، تجارت بحريه قانوني [۱۸۶۴] ، هنوز ناتمام قانون مدني [۱۸۷۲] ، اصول محاكمات حقوقيه و جزائيه قانونلري [۱۸۸۰] . - نيغولايتديس مجموعه سي ، رنجي قسم ، حقيقه ۲۷۲ - ۳۴۴ ، ايكنجي قسم ، حقيقه ۲۱۱ .

[۴] نيغولايتديس مجموعه سي ، ايكنجي قسم ، حقيقه ۳۰۱ .

اولسه يدي ... استقامت ، بعض احوالده ، تجربه سزليکدن ، جهالتدن متولد يولسزلقاره مانع اوله بيلير ؛ بر صاحب دعوى ، دعواسى نه قدر قاريشق اولور ايسه اولسون ، هر حالده عالم ، فقط مرتکب برحا که ، اودرجه وقوفى اولميان مستقيم و عفيف برحا کهى ترجيح ايدر . ممالك عثمانيه ده ايسه اسحاب دعاوى ، بالخاصه خريستيان اولور ايسه ، بيطرف بر محکمه نك بخش ايدليکي تأميناته بيله نائل اوله مازلر .

۶

مسلمانلرک افکار و عاداتنه اک زياده مغاير اولان اصلاحات ، قوه عدليه و اجرائيه نك تفريقى ايدى ؛ دول غريبه ده قواى ثلثه حکومتک تفريقى ، پک چوق مبارزات و محاربات نتيجه سنده ممکن اوله بيلديکي جهتله حکومت عثمانيه نك بو خصوصه موفقيت تامه کوسترمه ميسى معذور کوريله بيلير . بوسوزلر ، معارف عموميه يي هيئت علمانک يد انحصارندن قورتارمق ايچون باب على طرفندن صرف ايديلن مساعيه ده دخى تماميله قابل تطبيقدر . مع مافيه بو مسئله ده ، اجانبک طوغريدن طوغريه معاونتلى سايه سنده ، موفقيت ده ا پارلاق و سريع اولمشدر .

برملتک قوانين و تأسيساتى ايله اخلاقنک بربرينه تأييدن خالى قالمدينى طوغرى ايسه ترکياده دينک احوال اجتماعيه و سياسيه تاثيرى اولدينى و ترکلى مدنيتدن اوزاقلاشديرمق حال انفرادده بر اقدينى شبهه سزدر .

دينک عثمانيلرک اخلاقى ، احوال ملکيه سى اوزرنده بيوک بر تاثير اجرا ايتمنه باشليدجه سبب معارف و تربيه مليه نك بلا قيد و شرط هيئت علما اللهه بولميسدر .

سلطان محمود ثانى زمانندن برى هيئت علمانک يد انحصارنده بولنان تدريساتک صرف دينى اولمى ، محدود بر دائره داخلنده قلمسى حسييله مسلمانلر ايچون حيات عمليه نك وظائف و احتياجاتيله متناسب بر تربيه تأمين ايدمديکنى و تنظيماتک اعلانندن صکرده علمانک ماهيت اصليله لرى اعتباريله

هر درلو تجدده مخالف اولمردن ناشی ، هر شیدن اول مکتبلرک صنف علما خارجنده یتیشمر معلملره تسلیمی لازم کلدیکنی محل مخصوصنده ایضاح ایتشدم . مع مافیه ، آنجق ۱۸۴۶ سنه سنده ، یعنی کلبخانه خط هایوننک نشرندن یدی سنه صکره معارف عمومی نك ید انحصار علمادن تخلصی مسئله سی ایلاک دفعه اوله رق موضوع بحث اولدی و بوبابده غایت احتیاطکارانه طاورانیله رق یالکیز مکاتب ابتدائییه تأسیس ایدلدی . او صروده احداث اولنان مجلس معارف عمومی یکی بر تدریسات نظامنامه سی ترتیب ایتدی ؛ بو نظامنامه ، ولوکه نظری بر صورتده اولسون ، درجات مختلفه تحصیلاک مدرسه لره حصر ایدلمیه رک حکومت طرفندن مکتبلر آچیللمسی اساسی وضع ایدلدی . فقط ترکیاده مکتبلرک یکی بر شبکه کیرمسی ، معارف عمومی تشکیلاتنک موقع تطبیقه وضعی فرانسز نفوذینک تزاید ایتدیکی بر دورده ، ۱۸۷۰ محاربه سندن اوچ سنه اولکی زمانده ممکن اوله ییلدی .

حکومت عثمانیه نك (فرانسه) نك شرق سیاستنه کمال امنیتله ربط قلب ایلدیکی بوزمانده مکتبلر - حکومتجه تعقیب اولنان مقصده موافق بر صورتده - ایکی صنفه تقسیم ایدلدی : صرف حکومت طرفندن اداره اولنان مکاتب عمومی ، جماعات غیر مسلمله ویا افراد طرفندن اداره ایدیلن مکاتب خصوصیه . جماعات غیر مسلمله عائد مختلف مکتبلر ایله مدرسه لر ، جامع درس لری ایکنجی صنفه ادخال ایدلدی ؛ حکومت ، بونلر ایچون یالکیز بر حق تفتیش مالک اولوب تدریسات و اداره یی سر بست بر اقدی .

قانون جدیدک « تدریسات عمومی » عنوانی آلتنده ذکر ایتدیکی مکاتب بجانی و مجبوری اولان صبیان و یالکیز بجانی اولان رشديه مکتبلرندن ، یکیدن احداثی لازم کلن مکاتب تالیه دن ، دارالفنون شعبه سی حکمنده اوچ بیوک مکتب ایله مکتب حرییه و بحریه کبی مکاتب عالیه دن عبارتدی .

تدریسات تالیه مفقود ایدی ؛ چونکه تدریسات تالیه مخصوص مؤسسات نامنه شاگردانی بعض خدمات عمومییه حاضرلیان برقاج اعدادی مکتبندن بشقه برشی یوقدی . ۱۸۵۷ ده بو نقصانک اکلانه اهمیت ویرلدی ؛ مکتب

سلطانی تأسیس اولندی؛ هرولایت مرکزنده دخی بوکا مشابه مکتبلرک بیدرپی کشادینه قرار ویرلدی .

هیئت مجموعه سیله بر دارالفنون عثمانی تشکیل ایدلمسی اقتضا ایدن مکاتب عالییه کلنجیه ؛ بونلر پک چوق زمان حال ابتدائیده قالدیلر ، بوکون بیله قیمت علمیله لری پک دوندر . ۱۸۷۵ ده دارالفنون ادبیات شعبه سی مقامنه قائم اوله بیله جک بر مکتب عالی ، ۱۸۷۴ ده فنون شعبه سی مقابلنده بر مهندس مکتبی تأسیس ایدلدی ؛ علوم حقوقیه بدایه مکتب سلطانیده آچیلان بر شعبه مخصوصده تدریس ایدیلیرکن ۱۸۸۰ سنه سنده آریجه بر مکتب حقوق آچیلدی . دارالمعلمین و مکتب طیبیه دخی دارالفنون شعبه لری حالنه قونه بیله جک مؤسسات علمییه ایدی .

مکاتب ابتدائیه ، تالیه و عالییه نك اداره سی مجلس وکلایه داخل بر ناظره . مودوعدر ؛ استانبولده بر مجلس کبیر معارف ، ولایات مرکز لرنده برر مجلس معارف موجوددر . مع مافییه ، مکتب حربیه و بحریه کبی بر طاقم مکاتب عالییه تعلقی اولان دوائر طرفندن اداره اولنور .

ایشته ، تنظیماتک الک کوزل آتارندن بری اولان معارف عمومیه تشکیلاتی خلاصه بوندن عبارتدر ؛ اگر مسلمان عنصری بر چوق بطنلر بو طریقده ایلرییه کیتمکه چالیشسه ییدی ، شبهه سزکه ، مطلوب اولان ثمرات اقتطاف اولنوردی . معارف عمومیه قانونی ، تربیه ملییه ده حکومتک نفوذ و تحکم مشروعی تأمین ایلمکه برابر ایستر جماعات ، ایسترسه افراد طرفندن تأسیس اولنسون هر نوع مکتبک رقابتی سربست بر اقمشدی ؛ جماعات غیر مسلمیه مکتبک اکثریا حکومتیه ، قوانین و نظاماته مخالفت ایتدکاری نظر دفته آلنیرسه حکومت عثمانیه نك بو خصوصده کی سربست مسلکی پک زیاده تقدیر اولنور .

معارف عمومیه تشکیلاتنده (فرانسه) نك کرک دیپلوماتلرینک نصایح و اخطاراتی ، کرک معلملرینک معاونت و اجرا آتی ایله بیوک بر خدمت ایفا ایتدیکی اعتراف اولنمیدر .

۷

مع مافییه ، تدریسات عمومیه یی علمانک ید انحصارندن آلق ، تعبیر دیکرله

مکتب‌های روحانیت‌دین‌ویسته تحویل ایتام صورتی‌به مسلمانان‌ک تعلیم و تربیه‌های حکومت عثمانیه‌جه تنظیم‌اته لزوم و احتیاج حس ایدل‌یکی زمانده مقدرات دوات اوزرینه اجرای تأثیر ایدن مسئله مهمه‌ک آنجق قسماً حلی دیمکدی . بو کتابک ایلک صحیفه‌لرنده سوبلدیکم وجهله، ممالک عثمانیه‌ده مقیم عناصر مختلفه‌ک کافه‌سی بر مرکز اتحاد جمع ایله دواملی و حیاًتخشا اجرا آتده بولنه‌یلمک ایچون عثمانلی واضع قانونلرینک هر شیدن اول حکومتی دین ایله قاریشدیران، حکومت ایله دینی بر برینک عینی‌یایان رابطه قویه‌ی چوزملری اقتضا ایدیوردی . دین اسلام ، حکمداری تبعه‌سک و تبعه‌سنه عائد اموالک حاکم مطلق حاله کتیرمکه برابر کافه ادیانی رد ایتدیکندن ، اقوام مغلوبه‌دن قسم اعظمک سالک اولدینی دینلر دخی مذاهب سائرهمه قارشی عینی وضعیده بولندیغندن غایت نازک اولان بواشک بر آن اول چاره‌سنه باقق ضروری ایدی . قرون مقدمه‌ک الهه متعدده‌یه قائل اولان ادیان مختلفه‌سی ، شکلاً و اساساً مبهم و نقصان اولدق‌لری ایچون ، دیگر دینلر ایله استلافی آز چوق قبول ایتدک‌لری حاله خرسیتیانلق بالعکس دین عیسوینک یکانه، عمومی بقانون حقیقت اولدیغنی اعلان ایتمشدر . اسلامیت دخی بویه‌در . یالک‌ز خرسیتیانلق، اسلامیت کی، حکومت جسمانی‌یه مداخله ایتهمش ، امور دنیویه‌ده دخی تفوق ادعاسنده بولنمیشدر . یو نقطه نظر دن ، ایکی مذهب - بری دیکرینی رد و انکار ایتدیک‌ی ایچون - بر برندن اوزاقلاشمش ؛ بوندن طولانی ، حق فتح نتیجه‌سی اوله‌رق عینی حکومتک زیر اداره‌سنده برلشن اقوام مختلفه ، صرف قوت ایله ، بر برینه قاریشیمه‌رق یان یانه ، ابدی بر حال انفرادده یشامشدر .

دهاسی وار : مسلمان فاتح‌لر ، (اوروپا) قطعه‌سنده تأسیس حکومت ایتدک‌لری زمان یا حکمت حکومته مبنی، یاخود صرف سائقه نفرت واستخفاف ایله ، خرسیتیانلرک احوال اجتماعیه نقطه نظر دن دخی مسلمانلردن آیرلمسی مناسب کورمشلر ، اعتزال اجتماعی قانون شکلنه قوی‌شمشدر . سلطان محمود ثانی‌ک دور سلطنتدن اعتباراً روم بطریق‌خانه‌سک حائز اولدینی غایت واسع حقوق مذهبی و سیاسی‌ی هیچ بر حکومت هیچ بر زمان بر هیئت روحانی‌یه ویره‌مز ؛ باخصوص بوهیئت روحانیه روم بطریق‌خانه‌سی کی حکومته دشمن اولورسه . ایشه ، بوندن طولانی‌درکه بر مسلمان نظرنده دین ایله ملیت

کله‌ری نصل مترادف ایسه ، خرسیتیانلق دخی رعایانک کافه‌سی ایچون بر رابطه قویه ، علامت مشترکه حالئ آلدی و او یله‌جه قالدی ؛ حتی بر آراتلق دینک تأثیری اودرجه جوغالدی، که ملیت فکرینه بیله غلبه ایتدی ؛ مختلف عرقلره منسوب خرسیتیانلری ، یونان و اسلاو عنصرلری « روم » عنوانی آلتنده بر مرکز روحانیده جمع ایلدی .

شو احوال و شرائطه باقیلیر و پادشاهلرک آرتق نظر دقتدن دور طوته‌میه جقلری احتیاجات جدیده دوشونیلور ایسه، اصلاحاتک ، ایلک فاتحلر طرفندن قبول ایدیلن اصولک ترسنه اوله‌رق اقوام مغلوبه‌یی ملت غالبه‌دن آیران مانعه‌یی رفع و ازاله ایتمکه ، یعنی حکومت ایله دینی بر بردن آیرمغه، بو صورتله مسلمانلر و خرسیتیانلری حقیقی بروحدت ملیه آلتنده برلشدریمکه معطوف اولمسی اقتضا ایتزمی ؟ عثمانلی حکومتک تأمین بقا و ترقیسی ، دینه آنجق کندی دائره شمولنده حرمت ایدن ، جنس و مذهب فرقی اولمقسزین بتون تبعه‌یی عثمانلی نامی آلتنده جمع ایلین بر قانون مساوات حقیقیه ایله ممکن اوله‌بیله‌جککنده شبهه ایدیلیرمی ؟

شبهه‌سزکه ، تنظیماتک ایلک دوره‌لرنده ، سلطان محمود ، عبدالحجید و عبد‌الغزیز زماننده ، اصلاحاته تشبث ایدن رجال حکومتک فکری بو ایدی . فقط بویله بر تشبث یا قوت و اقتدارلرینک فوقنده اولدینی ، یاخود عنصر اسلامک بر چوق حقوق و امتیازاتندن کف ید ایلسی مسئله مهمه‌سندن قورقدقلری ایچون ، پک چوق زمان تردد ایتدیلر. نهایت قورقاق ، تردد ، غیرکافی تدبیرلر ایله اکتفا ایلدیلر. بویاریم تدبیرلر مسلمانلرک فکر و قناعتلری حس اولنور درجه‌ده تبدیله مدار اوله‌مدی . مع مافیه - آئیده‌کی بر قاچ سطرده اثبات ایدلدیکی اوزره - تشبثات واقعه بستیون عقیم قالدی .

قریم محاربه‌سندن صکره ، پادشاهک متفققلری اولان دولترلر تمامی ملکیت و استقلال عثمانی تأمین ایدن معاهده‌نامه‌نک شرائطی باب عالی ایله مذاکره ایتدکلری صره‌ده حکومتک روحانیتدن دنیویته تحویلی مسئله‌سی هان تماماً حل ایدلمک اوزره ایدی . (اوروپا) دولتلری رعایانک ترفیه احوالی اسبابی تحری ایدرلرکن امتیازات مذهبی و سیاسییه‌یی بردن بره قالدیرمغی مناسب کورمه‌مشلردی ؛ حال بوکه وکلای عثمانیه بو امتیازاتک تبعه عثمانیه آره‌سنه

القای تفرقه ایچون بر سبب دائمی تشکیل ایتدیکنی بحق ادعا ایدیورلردی. دول اجنبیه نظراً، عناصر مختلفه نك اتحادی مسئله سنده ايلك اوکجه ترکلرک بعض تأمینات کوسترملرینه و حکومت روحانیه اسلامیه مخصوص امتیازات و معافیاتدن واز کچملرینه لزوم واردی. دیگر بر نقطه نظر دن، ۱۸۵۶ اصلحات خط هایونی جماعت غیر مسلمه امتیازاتنک محافظه سنی تأمین ایتدیکی ایچون کلخانه خطنده بیان اولنان اتحاد عناصری تسهیل دکل، بالعکس تصعیب ایدیورلردی. خط هایونک نشرندن اقدم باب عالی ایله سفرای اجنبیه آره سنده مذاکره جریان ایتدیکی صروده (فرانسه) سفیری موسیو (طوونل) امتیازات مذهبیّه مسئله سنده خیل تردد ایتشدی. موسیو (طوونل)، بلا تفریق عموم تبعه عثمانیه تطبیق اولنه حق مکمل بر قانونک، رعایایه تحمل فرسا تکالیف تحمیل ایدن امتیازاتدن، زیاده خرستیانلرک ترفیه احواله خدمت ایده جکنی بیان ایلکده ایدی.

مع مافیه شوراسنی ده ذکر ایده لم که، بطریقخانه لر ایله خاخالخانه نك وظائف روحانیه و سیاسیه لری آیرلمش، هر جماعتک امور جسمانیه سیله مشغول اولوق اوزره مجالس جسمانیه احداث ایدلمش، الحاصل باب عالیدن بکلنیلن شیئک برر کوچک مقیاسی بطریقخانه لرده موقع اجرایه قونمشدی.

باب عالی، اداره حکومتده مسلمان عنصرینک تقوقنی تهلکه کیه قومی. محتمل اولان و هر حالده بو نفوذ و تقوقنی ضعیفله جکی محقق بولنان اصلحاته تشبث خصوصنده بالطبع فوق العاده احتیاط ایله حرکت ایتدی. معاملات حقوقیه ده احکام شرعیه نك یرینه حکومت جدیدده مرعی الاجرا اولان قوانین مدنییه مشابه بر قانون مدنی ترتیب و تطبیق ایدلمسی لزومی و بوبابده کی تشبثاتی ایضاح ایتشدم. تربیه ملیه نك ید انحصار علمادان آلمسی مسئله سندن دخی بحث ایدلم. بواجرا آته علاوه اوقاف اسلامیه نك ملکه تحویلنه قرار ویرلدی؛ افکار عمومی یی اساسی بر تبدله آلیش دیر مق ایچون نظارتلردن برینه بر خرستیان تعیین ایدلدی.

مع مافیه، بوبابده حکومتک نه قدر محدود بر دائره ده حرکت ایتدیکنی کوسترمک ایچون شونی ده علاوه ایده می که، بو خرستیان ناظر ایله (لبنان)

و (سیاسم) کبی ولایات ممتازده مستخدم مأمورین مستثنا اولق اوزره بیوک مأموریتلر، والیلککرینه مسلمانلرک ید انحصارنده قالدی .

۱۸۷۶ سنه سنده، قانون اساسی عثمانی مذاکره ایدیلیرکن مدحت پاشانک، پادشاهدن صفت خلافتی آلامقله برابر، حکومتده قوه روحانیه نك قوه جسمانیه دن تفریقی اساسی منضمین برتکلیفده بولندینی تأمین اولنیور . مدحت پاشایه نظراً، حکومتک، حکومت اولق اعتباریله، دینی یوقدر. هر نه قدر اوصره ده «خسته آدم» صوک درجه و خاتمه گلش کبی کورونمکده، افکار عمومییه آرتق الک مؤثر علاجلره لزوم کوسترمکده ایدیسده بنای قدیم سلطنته بویله برضربه ایندیرمکه جنسارت ایدیلهمدی. شریعت قانون مدنی مقدس، اسلامیت دین حکومت اولق اوزره قالدی. فقط قوه اجرائیه، تشریعیه وعدلیه نك تماماً تفریقی اوزرینه پادشاهک صفت روحانی حکمدار جسمانی صفتدن آز چوق ایرلدی . شبهه سزکه، بوتدیر تأمین مقصده خادم اولیان نیم تدابیر نوعندن ایدی؛ لکن حکومتک صفت روحانی حاکم اولمی اصولی آز چوق تبدل ایتش، نتیجه قطعیه نك برکون کلوب کندی کندینه حاصل اوله جفی مأمول بولنشدی .

مع مافیله، صوک بابده بیان ایتدیکم وجهله، اوکون هنوز کلیمش وسلطان لاحقک [عبدالحمید ثانی] معاصرلرند بونی کورمک امید قالمشدر .

اسلامیت، ۱۸۷۶ قانون اساسی ایلله، دین حکومت اوله رق اعلان ایدیلکه برابر وقتیلله شریعت و مأمورین شریعیه عائد اولان خدمات عمومییه نك بر قسمی حکومت جسمانییه ترک ایتش، یعنی اصلاحات ایلله آز چوق اوغراشمشدر . دین اسلامک، کندی حقوق و امتیازاتندن بعضیلرینی ترک ایده جکته و مذاهب سائریه قارشی بر چوق حکومت متعده ده امثالی کورلمش درجه ده مساعدده کار طاورانه جغه کیم احتمال ویرردی ؟

بوراده، مقصد، مذاهب عیسویه نك استقلالی دکلدر؛ بو استقلال صورت مطلقه ده جاری اولماقله برابر، دائماً محافظه ایدلش، بر چوق دفعه قانون ایلله تأیید اولنمشدر . بو نقطه نظرندن، باب عالی، مذاهب سائر نك امتیازات قدیمه سنه طوقونمق شویله طورسون، بالعکس بولری صراحة تأیید و تصدیق ایتش و جماعات غیر مسلمه نك صلح و آسایشی اخلاص ایدن، بر چوق احوالده تنظیلاتک حسن تطبیقنه مانع اولان مذاهب عیسویه رقابتلری آره سنده هان دائماً

اتلافجویانه ، عاقلانه بر مسلك اتخاذ ايشان . بحث ايتكم ايستديكم جهت اصل معناسيله حریت وجدان ، یعنی هر كسك مناسب كوردی مذهب قبول ایتمی و بناءً علیه تبدیل مذهب دخی ایده بیلمسی حقیدر .

معلوم اولدینی اوزره مسلمان ، بشقه لرینی كندی دینه دعوت ایتز . اسلامیت ، مسلمان اولمق ایستین اجنبی بی ، یاخود رلی خرستیانی امنیتزلکله ، احتیاط ایله قبول ایدر . فقط بو كا مقابل ، بر دفعه قبول ایدنجه ، بر دها دین اسلامدن چیقمنسه مساعده ایتز . بالطبع ، بر مسلمانك دین اصلیني ترك ایتسني قطعاً منع ایلر . وقتيله واون طقوزنجی عصر اوائلنه قدر ازمنه اخیرده مرتدلره ویریلن جزا ، جزای اعدام ایدی . بوندن بشقه رعایانك مذاهب مختلفه عیسویه نك برندن دیکرینه كچمنسی منع ایدن بر قانون دخی واردی .

۱۸۵۵ سنه سنده ، سفرای اجنبیه ایله وکلای عثمانیه آره سنده بو نازك نقطه لره دائر جریان ایدن مذاكراتی یوقاریده بیان ایتمش ایدك . (انكلتره) سفیری لورد (استرافورد) تبدیل مذهب حقنده کی منوعیتك و جزانك الغاسی و کیفیت الغانك قوانین دولته ادخالنی حكومت عثمانیه دن طلب ایتدی . علی پاشا ، بویله بر تدبیرك مسلمانلرجه بادی اعتراض اوله جغفی و پادشاهك صفت خلافتنه طوغریدن طوغری به تأثیر ایده جكندن بین الاسلام حکمدار جسمانی صفتیه دخی طاننامسنه سبب تشکیل ایده جكنی سویلیه رك جواب رد ویردی . فقط قوانین دولته ادخالنه راضی اولمدینی شیئه فعلاً رعایت ایده جكنی تعهد ایتدی ؛ (پارس) معاهده نامه سی مقدماتنك دردنجی ماده سنده محرر اولان اك نازك و مشكل مسئله بو صورتله حل ایدلدی .

مرتدلره ویریلن جزای اعدام آرتق اجرا ایدلمز اولدی . ورعایانك مذاهب مختلفه عیسویه نك برندن دیکرینه كچمنسی منع ایدن احكام نظامیه کلیاً قاندرلدی [۱] .

انكلیز و آمریقان میسیونر جمعیتلرینك فرط غیرت لرندن شكایت ایدن سیر (هازی بولوه رك) شو : « حقیقتی سویلك لازم كلیرسه دییه بیلمیرم ، كه دین محمدی اربابنك پروتستانلر حقنده كوستردیكنی مساعدات و سربستی جدأ شایان

تقدیر در؛ بو مساعدات و سربستی به خریستان حکوماتده بیله تصادف ایدیه من .
سوزلری حقیقت حاله تماماً موافقدر .

۸

ادوار مختلفه منی غایت مجمل بر صورتده تکرار کوزدن چیرمه که چالشدیغ
تنظیمات ، دولتک منافع مادیه سی بختنده هیچ بر اثر موفقیت کوسترمه مشدر .
محصولات و مبادلات اقتصادیده تنظیماتک نه تأثیری اولدی ؟ زراعت ، صنایع
و تجارت تنظیماتدن نه درجهیه قدر استفاده ایتدی ؟

معلوم اولدینی اوزره زراعت ، ترکیانک باشلیجه ، ده طوغریسی یکانه
منبع ثروت عمومیه سیدر ؛ شرائط طبیعی ارضیه و اقلیمیه ک ، احوال جغرافیة
مملکتک زراعتده بو قدر مساعد اولدینی مملکت پک آذر . زراعتک بو قدر
چوق مانع لره اوغرا دینی ، حکومتک ترقی زراعتی تسهیله خادم اسباب و وسائطده
بو درجه غافل و اقدارسز بولندینی مملکت دخی پک آذر ، ده طوغریسی
(آوروپا) ده بویله بر مملکته تصادف ایدیه من .

هر شیدن اول ، طرق و وسائط نقلیه مفقود ایدی ؛ بو نقطه نظر دن
مملکت او قدر کری قالمش ایدی که آنا طولینک وسط جهتنده کی جسم یا بلا کی
اک مثبت محل صو ک درجه فقیر ایدی ؛ محصولاتک اخراجات لیانلرینه نقلی
ایچون صرفی لازم کلن پاره قیمت محصولاتدن فضله اولمسه بیله هر حالده اوکا
معادل ایدی .

طرق و معابرک فقدانی غایت واسع اراضی مزروعنه ک متروک قالمسینی ،
زراعتک آنجق عائله سنک احتیاجاته کفایت ایده جک قدر محصول یتشدیر مسنی
انتاج ایتدیکندن ترکیانک زراعت نقطه نظر دن پک دون بر موقعده قالمسینه ،
حقوق تصرفیه ک غیر طبیعی بر حالده بولمسنه سبب اولمشدر .

کتابمزده بو مسئله یی لزومی قدر ایضاح ایتدم صانیرم . عمومیتله ، کویلی
زرع ایتدیکی طوبراغک ذی الیدندن بشقه بر شی دکلدر . عثمانلی اراضی سنک
تقریباً اوچ ربعی تشکیل ایدن اراضی امیری و موقوفه کویلیله استیجار
ایدلمشدر ؛ کویلیلر اراضینک جهت تخصیصی تغییر ایده مزلر ، فروخت ، هبه
وساثره کی معاملاتی اجرا ایلیمزلر . اعشار ، یاخود مقاطعه اراضینک بدل
ایجاری مقامده در .

حکومات اجنبیه، کرک زراعه و کرک خزینہ حکومتہ مضر اولان بو اصولی دیکشدریمک ایچون بر چوق دفعه لر باب عالی بی تضیق ایتدیلر [۱].
 ۱۸۶۷ سنه سنده اراضی امیریہ و موقوفه ده حق انتقال برنجیدن یدنجی درجه ورثیه تشمیل ایدلدی و اون سنه صکره - هنوز موقع تطبیقه وضع اولنه میان - بر قانون ایله اوقافک فروخته ، ملکه تحویلنه قرار ویرلدی .

زراعت محلیه ایچون اکسیک اولان شیلردن بری ده عمله، دیکری - هر نه شکله اولورسه اولسون - قره دی ، اعتباردر . ترکیاده اراضی و املاک اشتراسی حقنه مالک اولان اجانبک ممالک عثمانیه هجرت ایدرک قلت نفوسه ، زراعت عطالت و تجربه سزلکنه چاره ساز اوله مامسنک ، زراعت محتکرلرلنده مدھش بر فقر و سفالت ایچنده قالمسنک اصل سببی قاریشیق اولدینی درجه ده مغایر عدالت اولان اراضی قانونسک فنا لیدر ؛ تنظیمات ، بو قانونی ماهیت اصلیه سنی دیکشدریمه جک صورتده تعیدیلدن بشقه برشی یاپه مامشدر .

صاحب ارضک حقوق تصرفیه سیله متناسب بر شکله اولان اراضی ویرکوسی ده زراعتسک اک بیوک یاره لرندن بری عد اولنه بیلیر . مزروعادن آلتان رسوم آردسنده ، اعشار - که حقیقی بر ویرکودن زیاده عائداته بکزر - اک مشروعی و تحصیل وجبات خصوصنده اک زیاده سهولت بخش اولانیدر . فقط بو ویرکو ، تطبیقاده غایت فنا و مضر بر شکل آلمشدر . اعشار یالکزر صورت غیر متساویه ده تقسیم اولنیمور ، فالتق یالکزر فقرانک ولایات مجلس اداره و قومیسو نلرینک معاملات غیر مشروعه سنه هدف اولمزلندن عبارت قالمیمور ، بلکه اعشار مزایده ایله احاله ایدلدیکندن ملزم ملرک کو بیلردن آلدق لری مقدار دائماً حد نظامی بی تجاوز ایدیور [۲] و بو حق سزلق مأمورین محلیه نک اغماض و اشتراکیله دائماً جزاسز قالمیمور .

وقتیله احتیاجات داخلیه بی تأمین ایتدکدن بشقه آسیا قطعه سنک بعض بلاد مهمه سنه اخراجاته دخی موفق اولان صنایع محلیه ، دولت عثمانیه نک سیاست

[۱] ۱۵ آغستوس ۱۸۶۰ تاریخی انکلیز بیاننامه سی . خط هایون حقنده کانون ثانی ۱۸۶۷ تاریخی فرانسر نوطه سی . ۳۰ کانون اول ۱۸۷۵ تاریخی اوستریا - مجارستان نوطه سی و سائرہ .

[۲] بالخاصه عالی پاشانک ۲۰ مایس ۱۸۶۱ تاریخی مخطره سنه مراجعت .

سقوط ایدرک ممالك غریبه ایله دها صیقی مناسباته کیریشیدیکی زماندن اعتباراً تدنییه باشلامشدی. اصلاحات، صنایع محلیه فائده بخش اولدقدن بشقه یرلی اعمالتخانه لرك تأمین ایدمه جکلری احتیاجات جدیدیه میدان آچش ونتیجه ده ترکیا، ممالك اجنبیهه تابع ومحتاج قالمشدی.

وقتیله ترکیاده، امور تجاریه ده هیچ بر قید، هیچ بر ممنوعیت یوقدی. مبادلات، احکام شرعیه دائره سنده جریان ایدیوردی. ۱۸۳۲ سنه سی تشرین اولنده انتشار ایدن (تقویم وقایع) نسخه سنده دخی ایضاح ایدلیدیکی وجهله ممالك اسلامیه ده مسافره اقامت ایدن اجانبه حریت تجاریه تأمین اولنمشدی [۱]. قاپیتولاسیونلر احکامنه توفیقاً عثمانلی کمرکلرینک امتعه تجاریه دن - کرك حین ادخالده وکرك حین اخراجده - اخذ ایدلیدیکی یوزده اوچ رسم مسکوکات متداوله قیمتک تدریجاً تناقصندن طولانی یوزده بره قدر دوشمش اولدینی ایچون امور اقتصادی ده رعایتی لازم کلن مقابله بلثل قاعده سی شرائطه غیر موافق بر شکله کیرمشدی. بو حقسنز اصول دور تنظیماتده محافظه ایدیله مزدی. سلطان محمود تشکیلات عسکریه ایله خدمات عمومیه حکومتک ایجاب ایتدیکی مصارفه قارشیلق بولمق ایچون واردات خزینه یی تزئیده مجبور اولدی؛ بعض انحصارلر وضع ایتدی، بو انحصارلر یواش یواش مواد مستهلککنک کافه سنه تشمیل ایدلیدی، تجارت خارجیه حسن اولنور درجه ده ضرر کوردی. بعده وضع ایدیلن استهلاکات داخلیه رسمی [رسوم احتسابیه] سنه ده سنه یه تزئید اولنورق نسبتسنز بر درجه یه چیمارلدی.

دول اجنبیه، تجارتی آغیر بر یوک آتنده وتجار اجنبیه یی ولایات مأمورلرینک سوءاستعمالاتنه معروض براقان بو رسمی انتظام آلتنه آلتی لزومی حسن ایدرک ۱۸۳۸ سنه سنده باب عالییه مراجعت ایتدیلر. اشیا وامته تجاریه قیمتک یوزده اون بش، اون یدی و حتی الیسنه معادل اولدینی تخمین ایدیلن رسوم داخلیه ک الغاسنه مقابل اخراجندن یوزده طقوز، ادخالندن قاپیتولاسیونلر موجبجه جبات ایدیلن یوزده اوچه ضمیمه یوزده ایکی کرك رسمی آلتی ایچون مقاوله نامه عقد ایدلیدی [۲].

[۱] (اوبسجینی) نك (ترکیا حقنده مکتوبلر) عنوانی اثرنک برنجی قسمک ۳۹۳ و آتی متعاقب کلن محیفه لرینه مراجعت .
[۲] مارتنس .

مع مافیه ، بر برنی متعاقب طرح ایدیلن رسوم مختلفه ایله داخلی کمرک اصولنه عودت ایدلدی و یوقاریده سویلدی کمز وجهه [۱] اگ زیاده محصولات محلیه متضرراولدی . باب عالی ۱۸۶۱ سنه سنده یکی معاهده نامه لر عقد ایتدی ؛ هر درلو اوقتر ووا وانحصارلرک الغاسنی ایکنجی دفعه اوله رق تصدیق وتأیید ایدن معاهدات مذکوره احکامنجه ادخالات و اخراجاتدن یوزده سکر کمرک و یوزده ایکی ترانسیت رسمی آلتنه جق ، شو قدرکه اخراجاتدن آلتان یوزده سکر رسم یوزده بره تنزل ایدنجه یه قدر هر سنه یوزده برن سبتنده تنقیص اولنه جق و یوزده ایکی ترانسیت رسمی ده سکر سنه صکره یوزده بره ایتدیر یله جکدی .

الیوم مرعی الاجرا اولان بومعاهدات ، ترکیه ۱۸۳۸ مقاولاتندن دها طبعی و دها فائده بخش بر معامله تأمین ایدیوردی . ادخالات رسمی تزیید و اخراجات رسمی تنقیص اتمک صورتیله تعرفه سابقه یی دیکشدر یور - و عالی باشانک او زمان یازیلان بر مخطر ده دیدیکی کبی - « زراعت و صنایع مملکتی تشویق و حمایه ایتمکده اولدیغندن بر مدت صکره تجارتک ترقیسی امیدنی حاصل ایدیوردی . »

عجبا بو امید نه درجه یه قدر مبدل حقیقت اولدی؟ یکی کمرک اصولی بین الملل معاملات تجاریه یی نه نسبتنده تزیید ایتدی؟ ولوکه تقریبی اولسون ، رسمی ایستانتیق لر موجود اولمادیغندن بوبابده قطعی برشی سویلنه مز[۲] . فقط سنوی خلاصه جدوللری بوبابده صحیح بر مقایسه یه خدمت ایتسه ییدی ، شبهه سزکه ، صدر اعظمک ۱۸۶۱ معاهداتندن بکلدیکی فوائدک حاصل اولمادیکی کوریه جکدی . دنیانک

[۱] ۲۱۴ نجی صحیفه به مراجعت .

[۲] ترکیانک تجارتی حقنده کی وثائقه اساس اوله جق رسمی ایستانتیق جدوللری آنجق شو صوک سنه لر ظرفنده نشر ایدلشددر . رسومات اداره سنک ۱۸۸۰ - ۱۸۸۱ سنه سی [مارتدن شباط نهایتنه قدر] معاملات تجاریه سنه دائر نشر ایتدیکی . جدوله نظرآ:

اخراجات	۲۳۰,۰۰۰,۰۰۰	فرانغه
ادخالات	۲۹۰,۰۰۰,۰۰۰	»
ترانسیت	۲۵,۰۰۰,۰۰۰	»
یکون	۶۴۵,۰۰۰,۰۰۰	»

بالغ اولشددر . هر نه قدر بو ارقام تجارت نقطه نظرندن غیر مساعد بر سنه یه عائد ایتسه ده مملکتک وسعتی و اراضینک قوه انباتیه سیله اصلا متناسب دکلدر .

هر مملکتندن زیاده ترکیاده، فعالیت تجاریه محصولات ارضیه نك اهمیتله متناسبدر؛ چونكه اقوام عثمانیه نك هنوز حال ابتدائیده بولنان شرائط حیاتیه لری اقتضاسنجه تجارت، اشیا و امتعه تجاریه نك مبادله سندن عبارتدر، ادخالات مقداری اخراج اولنان ویا اولنسی محتمل بولنان محصولات مقدارینه تابعدر. حال بوكه محصولات، لیجه سنی تأمین ایتمسی لازم كلن زراعت حس اولنور درجه ده ترقی ایتمه مشدر.

ایضاحه حاجت یوقدرکه، مسلمانلر تجارتك الك سربست بولندی بی زمانده نه ایسه لر معاهدات مذکور نك عقدندن صکره ده او حالده قالمشدر. تركلر فطره تاجر دكلدرلر؛ چیفتچی و صنعتکار دخی اوله مازلر، چونكه بومسلکله لازم اولان اوصافدن، یعنی فعالیت، بصیرت، وقوف و معلوماتدن محرومدرلر. و قتيله - رفاه مادیك ایجاب ایتدیکی شیلره مالک اولما مقله برابر - صاحب اراضی و املاک صفتيله زنکین اولملری عصرلرجه مدت ممالك مفتوحه نك ضررینه یشاملری، مملکتك چالیشقان صنفی ایستدیگری کبی صوملری سایه سنده در. یونان عیسائی زمانه قدر تجارتده الك ایلری به کیدنلر ارمیلر ایدی. استقلال محاربه سندن صکره آسیا و اوروپای عثمانی ولایاتك هر طرفه طاغیلش اولان روملر، تجربه واحوال محلیه به وقولری سایه سنده، و قتيله اوروپالیر واسطه سیله وقوعه كلن معاملات تجاریه نك قسم اعظمی الله ایتشلر وارمیلری ایکنجی صفده براقشدردی. تجارت عثمانیه نك تقسیم مسئله سنده اهل ایدلمه سی ایجاب ایدن موسویلر کلنجه؛ بولنر عمومیتله پراکنده تجارت ایله اشتغال ایدیورلردی، ممالك غریبه ده کی هم مذهبلری درجه سنه چیه مامشلردی.

شونی ده علاوه ایدلم که، مسلمانلر انهار و اجارده کی نقلیات تجاریه به آنجق ماضی اعتباريله علاقه داردرلر؛ تجارت بحریه مملکتك اهالی اصلیه سنه حصر و تخصیص ایدلمش اولمقله برابر سواحل قریبه وبعیده ده همان یالکز سفائن اجنبیه سیر و سفر ایدیور.

۹

ترکیاده زراعت و تجارتك ثروت طبیعه مملکت ایله غیر متناسب بر درکه ده قالمسندن بحث ایتدیکم صره ده بونك باشلیجه سبی طرق نقلیه و مخارج ساحلیه نك

کفایتسزلیکی و بعض محالرده بسبتون فقدانی اولدیغنی سويلشدم . فی الحقیقه امور نافعہ ، حکومتک پروغرامنده دائماً ایکنجی درجه بر موقع طوتمشدی ؛ حتی دنیه بیلیرکه ، امور نافعہ نظارتنه بر خرستیان تعینی حکومت اسلامیه نك فنون جدیدیه عرض اقتدار ایدن امور نافعیه قارشى قیدسزلغنه بر دلیل کییدر . ۱۸۸۰ سنه سنده وکلادن حسن فهمی افندی خلوص نیت ایله دیوردی که : « یول ، شمندوفر ، نهر مجرالرینک تنظیمی ، لیانلرک تعمیق ، بطاقلقلرک قوریدلمسی وسائر کبی اک مهم امور نافعہ نك واسع بر مقیاسده وقواعد فیهیه موافق بر پلان داخلنده اجرایی ایچون حکومتک هنوز کافی درجهده ابراز فعالیت ایتدیکنی اعتراف ایتلی یز . طبیعتک انعامنه بزدن دها آزنائل اولان اوروپا حکومتلری منافع عمومیه عائد اموره صورت دائمه ومنتظمهده بذل مساعی ایلدکاری حالده حکومت مز منابع جسمیه ثروتدن استفاده خصوصنی اهل ایتمش کییدر . کندی حاله ترك ایدیلن میاه جاریه مز بلا فائده دکزلره آقوب کیدیور ؛ بونلر نه وسائط نقلیه کبی ، نه صنایعهده قوه محرکه مقامنده استعمال ایدیلیور ، نهده اسقای اراضیده قوللانیلیور . لیانلر مز کوندن کونه قوم ایله طولیور ؛ اکثریسی ریختمدن ، معاملات تجاریه ایچون الزم مغازلر و مؤسسات سائر دن محرومدر . بطاقلقلر شهرلر مرکز قورلرینه قدر امتداد ایتدیکی حالده هیچ کیمسه بونلرک قوریدلمسی چاره سنی دوشونمبور .

« بوبابده همان تدابیر لازمهیه توسل الزمدر . اراضی مزروعه مزك تشکیل ایتدیکی سرمایه عظیمدن استفاده ایتک ایچون اجرایی لازم امور نافعہ جسمیه یی - یرلی متفنن و سرمایه نك فقدانندن طولایی - اجنبی متخصصلرینه ، اجنبی سرمایه سنه تودیع ایتلی یز [۱] . »

تنظیما نك امور نافعہ نقطه نظرندن هیچ بر شیئه موفق اوله مدیغنی بیان واثبات ضمننده بر رسمی راپوردن اقتباس ایتدی کمز شو فقره کافیدر . بوکا یالکز شو سوزلری علاوه ایله اکتفا ایده حکم : صوک زمانلرده یاپیلان امور نافعہ جمعاً ۲,۰۰۰ کیلو مترو طولنده بش آلتی شمندوفر خطی شعبه سندن

عبارتند ؛ بو خطر یكدیكرینه مربوط اولمقدن بشقه ساحله منتهی اولانلر طوغریدن طوغری یه اسكلهیه قدر ایندیرلمه مشدر [۱] .

۱۰

ویرکولر ایله امور مالیهیه حصر ایتدیکم بابلرک مطالعه سندن آکلاشیلدیغی اوزره اداره مالیه نك بجرکزلیکی ، یجد و حساب سوء استعمالاتی ترکیانك اضمحلال اقتصادیسنه ونهات افلاسنه سبب اولمشدر . دیون عمومیه سی اولمان بر حکومتک قرق سنه دن آز بر مدت ظرفنده ، یالکز بر محاربه دن ، همده غالیته نتیجه لنش قریم محاربه سندن بشقه بر حربه کیریشمدیکی حالدله نصل اولوبده بورجلرینک فائضی ویره میهرک افلاس ایتدیکی تصویر اولنق ایسته نیلیرسه بیوک ، عبرت آمیز بر کتاب وجوده کلیر . بن بوراده ، تکالیف عمومیه نك صورت طرح وجباتی بحثنده ، یالکز حکومتک - منافع خزینهی آزاجق دوشونه جک مستقیم مال مأمورلرینک فقدانسندن طولای - موفقیتله نتیجه لنش بر قاج تجربه دن صکره ویرکولرک التزامی اصول مضره سنی - بر قاجی مستثنا اوله رق - محافظه یه مجبور اولدیغی ، بو ویرکولرک عمومیه یه کیفی بر صورتده طرح وجبات ایدلدیکنی ، حاصلات عمومیه نك بر قسم مهمنك خزینه ایله اهالی آره سنده واسطه اولان مأمورین واشخصاصک النده قالدیغی وبونلرک سوء استعمالاتی منع ایچون همان هیچ بر شی یاپیلمدیغی اخطار ایله اکتفا ایدم جکم .

اصل اداره مالیه کانهجه ؛ ۱۸۵۴ دن ۱۸۸۲ سنه سنه قدر دیون عمومیه عثمانیه نك آلتی ملیار فرانقه یاقلاشدیغی . ۱۸۷۱ سنه سنده مشکلات ایله تسویه اولتان بو دیون عمومیه فائض ورأس المال تأدیاتنك ۱۸۷۶ ده بسبتون قطع ایدلدیکنی وبو کون باب عالینك واردات عمومیه سندن بر قسم مهمنی اجنبی دانیلرک قونترول آلتیه ویرمکه مجبور اولدیغی سویلک امور مالیه ده کی انتظامسزلانی ، اسراف وسفاهتی کوسترمکه کافیدر .

واردات عمومیه دولتدن بر قسمنك اوروپالی داینلر طرفندن اداره سی ،

[۱] نيقولا ئيديس مجموعه سی ، اوچینچی باب ، حقیقه ۱۹۲ ، مارق ومعارنظامنامه سی .

ضروری ایدی ؛ سلطان عبدالعزیزك اواخر سلطنتنده بویه بر تدبیر اتخاذ اولنه جغنی حس ایدیلوردی [*] ، (برلین) قونغره سی مراقبه مالیهك تأسیسه صورت قطعیه و صریحه لزم کوسترمشدی . ترکیا ، بو مراقبه مالیهی - ولوکه بین الملل بر ماهیتی حائز اولدیفی ستر و اخفا ایدن قیودات ایله برلکده اولسون - قبول ایدنجه سقوط سیاسیسه راضی اولمش دیمکدی . کافه حکومتک کال اعتسایله محافظه ایتدیکی حقوقدن بری ، واردات عمومییه ایتدیکی کبی صرف اینک حقنی قسماً ترک ایدن حکومت عثمانیه بو تدبیر ایله درجه عجزینی اثبات ایتدی و صوک یکر می سنه طرفنده استقلال داخلینی تدریجاً اخلال ایدن احواله - بلکهده جمله سندن ده و خیم - یکی بر مسکنت علاوه ایلدی .

« ترکیا تحت وصایتده در » . تنظیماتک هیچ بر دورینی اهل ایتک ایسته مدیکم ایچون شمدی ده بوسوزك نه دیمک اولدیفی تدقیق ایده جکم .

۱۱

ترکار ، ۱۸۵۶ سنه سنده پادشاه طرفدن تسطیر ایدیلن اصلاحات خط هایونی احکامی ایلری به سوره زک دیه بیلر لکه : « اوروپا هیئت دولیه سی میانده دخولی طلب ایدیورز و موفق دخی اولیورز ؛ صکره ، اوروپانک بزى ایسته مدیکنی کوریورز ! بر قونغره ، بزى حقوق جدیده دولک تحت امن و حمایه سنه وضع ایدیور ؛ بوضرتله ، وقتیه اتفاق مقدس طرفدن ردایدیلن و حکومتک مساوات سیاسیهنی ، حقوق حکمرانیلرینه رعایتی تأمین ایلین قواعد دولیه دن مستفید اولیورز ؛ صکره ، بو حمایه استقلالزک محوینه ویا هیچ اولمازسه حکومت ملیهنزى حقوق و وظائف اصلیه سندن تدریجاً محروم ایتکه سبب اولیور ! » بو خلاصه عمومیهنک اینک صحیفه لرنده ویردیکم ایضاحات مجمله ، دولت عثمانیهك حال و موقع مستثناسنک منشائی آ کلامق ایچون کافیدر . بو حال مستثنا ، مادامکه موجود در وزمان ایله تأید ایتشدیر ، البت بر سبب معقوله مستنددر ؛ باب عالینک شمدیکی حال مستثناسندن آتیا قورتیه جغنی تأید ایدن هیچ بر دلیل دخی یوقدر . مع مافیه بونقطه محتاج تدقیق و تفصیلدر . چونکه

[*] ۱۴۵ نجی صحیفه به مراجعت .

(اوروپا) نك امور داخليه عثمانيه يه كيندكجه دها زياده مداخله ايتسك عدل و منطقه مغاير دكل ، بلكه ايجاب حاله موافق و مشروع اولديغه قناعت حاصل اولور ايسه بو قناعت ، پادشاهلرك (اوروپا) قطعه سنده كي حكومتلرينك سقوط قطعيسنه حكم ايتديره جنك الك بيوك دليل تاريخي حكم و قوتی اكتساب ايدر .

حقوق و امتيازات حكومتدن بعضيلرينك استعمال و اجراسنه اجنبي بر دولتك آز چوق اشتراكي مداخله عدايديليرسه (اوروپا) دولتلرينك ممالك عثمانيه امورينه مداخله لري يكي برشي دكلدر . دولت عثمانيه ، قوت و سطوتنك دوره اقبالنده بولنديني و هر آرزوسني (اوروپا) يه بر قانون كي قبول ايتديره بيله چكي بر صروده الك مهم بر شعبه اداره سنه اجنبيلرك اشبرا كي كبي هيچ بر حكومتك راضي اوله ميه جنبي بر مداخله ني قبول و تصديق ايتدي . خرستيان ملككتلرينك كافه سنده - خارج از ملكت امتيازينه مالك ديپلوماسي مأمورلري مستثا اولق اوزره - بالجملة تبعه اجنبيه نك امور و دعاوي سي محاكم محليه ده رؤيت ايديلير . تركياده ، اجانب كندى محكمه لرينه ، كندى قانونلرينه تابعدر ؛ بو امتياز اودرجه كسب قوت و قطعيت ايتمشدى كه بر اجنبي حكومت متبوعه سبك مأمورى بولنميان يرده ديكر بر (اوروپا) دولتي قونسولوخانه سبك محكمه سنه مراجعت ايده بيلير .

بوفرق ، مسلمان هيئت اجتماعيه سيله خرستيان هيئت اجتماعيه سي آراسنده كي فروق و اختلافاتك نتيجه طبعيه سيدر ؛ مسلمان و خرستيانلرك اخلاقلري ، عادتلري ، فكرلري ، تربيه لري ، شكل حكومت و قانونلري مياننده كي ضديت قواعد حقوق دوله بر استثنا وضعي استلزام ايتش و - باب عالينك حقوق مشتركه عموميه يه داخل اولق خصوصنده كي تشبثاتي ذكر ايتديكم صروده ايضاح ايدلديكي وجهله - دول معظمه تنظييات ناميله ممالك عثمانيه ده تطبيق ايديلن اصلاحاتك مسلمان و خرستيان هيئت اجتماعيه لريني بر بيرينه بكنزه تميه جكنه حكم ايتمشدى .

دولت عثمانيه نك صفت خلافت و روحانيتي ، قوانين اصليه شرعيه نظرنده ملل مغلوبه نك احوال اجتماعيه و سياسييه نقطه نظرندن دون بر موقعه بولمسي ، ملل مذكوره ايله (اوروپا) ملتري آره سنده كي مشاركت مذهبيه ، خرستيانلرك مهد ظهوري اولان فلسطينده كي مقامات مباركه نك حسن محافظه و سربستي

زیارتی خصوصه (اوروپا) نك عطف ابتدیی اهمیت، الحاصل بتون بواسباب اصلیه و عارضیه، باب عالی ممالك عثمانیه دمقیم تبعه اجنیه نك كندی مملكتلرینك قانون و محكمه لرینه تابع اولمالرینه مساعده ایتمه اجبار ایلجه جکی شبهه سزدی . حتی خرسیتیانلق عالمك اجبار و تضییقه باب عالی طرفندن واقع اولان تعهدات استقلال دولت عثمانیه یی - قایتولاسیونلرك تأمین ایلدیکی معافیات عدلیه دن زیاده - اخلال ایدمیلیردی .

ترکیاده حقیقی ، نظامی ، مصدق برحق حمایه استعمال ایدن ایلک حکومت (فرانسه) در . فرنك رهباننه تطبیق ایدمك اوزره (فرانسه) یه ویریلن امتیاز سوریه ، فلسطین و مصر قطعه لرینك فتحی متعاقب برچوق فرمانلر و قایتولاسیونلر ایله تصدیق ایدلمش و فرانسلر بوامتیازادن اون سکنرنجی عصر اواخرینه قدر بلا رقیب ، سربستجه مستفید اولمشدر . عصر مذکور اواخرنده (روسیه) میدان چیقادی و شرقده (فرانسه) قرالترینك حائر اولدقلری امتیازات و حقوقی ادعایه قالدی . ۱۷۷۴ سنه سنده «خرستیان مذهبك و کلیسالرینك صورت مبادیه ده حمایه سی» حقدده باب عالی دن مبهم ، فقط معاهده نامه یه مستند بروعد آلدی ؛ بالاخره بو عهد استناداً بتون اورقودوقس رعایا اوزرنده حق حمایه ادعا سنده بولدی .

دیگر طرفدن (اوستریا) حکومتی اون یدنجی عصر اواخرنده (فرانسه) نك امتیازات قدیمه سنه اشتراك ایتدی . الحاصل ، (انكلتره) و (پروسیه) کبی پروتستان حكومتلر ، ۱۸۴۰ سنه سنه طوغری ، ممالك عثمانیه ده کی پروتستانلرك صورت رسمیه ده حمایه لری حقیقی استحصال ایلدیلر .

ایشته خرسیتیانلرك منافعی مسئله سنده پادشاهلرك حقوق حکمرانیلرینی تقید ایدن امتیازات بو صورتله تأید ایتدی .

مع مافیه دول اجنیه نك امور مذهبییه مداخله لری آز چوق حائر اهمیت مقالات و مساعدات خصوصیه مبنی و - ماهیتلری اعتباریه - جماعات غیر مسلمة محلییه غیر قابل تطبیق ایدی . اون طقوزنجی عصر دن ، ده طوغریسی قریم محاربه سندن اعتباراً ، (روسیه) حكومتك ملیتلری نه اولورسه اولسون شرقده کی بتون هممذهب لرینه تشمیل ایتك ایستدیکی حمایه غیر مشروعه یرینه ، بتون دولتلرك مشترك و عمومی ، معاهده نامه یه مستند حمایه لری قائم اولدی .

۱۸۵۶ (پارس) معاهده نامه سنک عقدندن و مذکور معاهده نامه یه واضع الامضاء دولتر آراسنده اشتراك منافع حصوله كلدكدن صكره (اوروپا) حكومتلرينك تبعه غير مسلميه يى حمايه و بونلره آچيقدن آچيغه ابراز محبت خصوصنده كثرثا مشتركاً حركت ايتدكلرى كورلدى .

(برلين) قونغره سى ، امور مذهبيه نك اداره سى خصوصنده استقلال عثمانيه لك قوتلى و مؤثر ضربه يى ايندىردى . ۱۸۷۸ معاهده نامه سنك ۶۲ نجى ماده سى موجبجه ، حكومت عثمانيه يالكلز قونسولسلرك و پوليتيقي مأمورلرينك كرك هرملتدن اوروپا و آسيا ممالك عثمانيه سنده سياحت ايدن رهبان وزوارى و كرك محال مباركه و سائرده كائن تأسيسات دينيه و خيريه يى رسماً حمايه ايتك حقى تصديق ايتدى ، بلكه سربستى آيين و مذهب قاعده سنى وسعت كامله اعطاسيله برابر محافظه وابقا ايدم جكنى دخى تعهد ايلدى ، كه بصورتله كندى مؤسسات و قوانين اسلاميه سنك ده تابع اوله جنى بر قونغرولى قبول ايتمش اوليوردى .

ايلك قاپيتولاسيونلرك نتيجه سى اولان امتيازات عدليه دن صكره باب على ايكنجى برحقى ده اترك ايتمشدر ، كه اوده امور مذهبيه ده كى مختاريت و استقلاليدر .

مع مافيه باب على برچوق فداكارلقلر اختيارينه مجبور اولدى . ۱۸۵۴ سنه سنده (فرانسه) و (انكلتره) حكومتلرى ، (روسيه) طرفدن اوزمانه قدر ممالك عثمانيه خرسيتيانلرى اوزرنده بغير حق استعمال ايلديكى نفوذ مذهبينك صورت رسميه ده تطبيقى طلبندن متولد اختلافه مداخله ايتدكلرى وقت ، رعايا صنفك اوتهدن برى فعلاً نائل اولدقلرى حمايه اجنبيه ، هنوز اجنبى دولتلرك امور مذهبيه حقنده كى امتيازاتى مياننه داخل اولمش ، تصديق ايدلمش برحق دكل ايدى . بعده ، بردن بره بوشكلى آلدى و تركيانك كافه تبعه عثمانيه حقوق سياسيه ، مدينه و مذهبيه بخش ايدن اصلاحات فرمان هايونى (پارس) ده اجتماع ايدن دول معظمه مرخصلرينه تبليغ ايتديكى كوندن بدى وصايت سياسيه حاله كيردى .

اولجه بحث ايلديكم بونقطه [*] ، پادشاهى برنوع صغير ويا محجور حكمنه

[*] ۱۲۲ نجى حقيغه به مراجعت .

کترین حمایه و امتیازات اجنبیه تاریخچه سنده اهمیتلی بر مسئله در . بونک ایچون براز تفصیلات اعطاسنه لزوم واردر .

دولت عثمانیه ، ۱۸۵۵ سنه سندن اعتباراً ، عثمانلی خرسیانلری امتیازاتنک بین الملل بر معاهده نامه ایله تأمین ایچون (انکلتزه) و (فرانسه) طرفندن واقع اولان ادعایی شدتله رد ایتشد . عالی پاشانک افده سنه نظرأ ، بویله بر مداخله سلطنت عثمانیه نك نفوذ وحیثیتی اخلال ایدر ؛ چونکه خلوص نیت وصمیمیتندن شبهه ایدیلور ، پادشاهه عائدك مهم حقوق ووظائفه حكومات اجنبیه اشتراك ایتدیریلور ، هر بر حكومتده اتحاد وقوت ایچونك لازم اولان حق استقلاله خلل ایراث ونفوذ حكومت تبعه نظر نده اخلال اولنور . دیمكدی .

دول معظمه بو اعتراضاتی نظر دفته آلدیلر ؛ فقط مذاکرات ابتدائیه ده موضوع بحث ایتدکلی تأمینندن صورت قطعیده واز کچمدیلر . (پارس) معاهده نامه سنك طقوزنجی ماده سی ، آرده بولان صورت تسویه نك نتیجه سیدر .

ماده مذکوره شودر : « ذات حضرت پادشاهی تبعه لرینك سعادت حاللرینه مصروف اولان همت متوالیه لری اقتضاسنجه قومیت و دیانت آیریمه رق جمله سی ایچون موجب اصلاح اولقله برابر ممالك شاهانه لرینك خرسیان اهلایسی حق نده نیت عنایتکارانه لرینی تأیید ایدر بر قطعه فرمان عالی احسان بیورمش اولدقلرندن و بوبابده اولان افکار شاهانه لرینه بر دلیل ابراز ایتك ایستدکلرندن اراده مستقله شاهانه لرندن صادر اولمش اولان اشبو فرمان عالینك دول معاهده تبلیغی تنسیب بیورمشلردر .

« دول معاهده اشبو تبلیغك قدر عالینسی اثبات و تأیید ایدرلر . شوراسی قویأ مقرر در که اشبو تبلیغ ذات حضرت پادشاهینك نه کندی تبعه سیله اولان معاملات شاهانه لرینه ونده سلطنت سینه لرینك اداره داخلیه سنه كرك منفردأ و كرك مشترکأ مداخله ایتك ایچون هیچ بر حالده دول معاهده به بر حق و صلاحیت ویریمه جکدر . »

ظامراً غایت واضح کورینن بوماده حد ذاتنده بر برینه ضد ایکی قضیه بی حاویدر ، چونکه قونغرہ اعضاسنك اصلاحات فرماننك تبلیغنده کی قیمت واهمیتی تبلیغ ایسکله البت بی لزوم بر فقره یازمدقلری شبهه سز اولدینبی کی اهالی غیر

مسلمه به قطعی بر تأمینات ، حالا و استقبالا (اوروپا) نك كندی حقارنده کی محبتلرینه مؤثر بر دایل کوسترمک ایستدکاری بدیهیدر .

ذاتاً ، طقوزنجی ماده نك اولیاتی ، یعنی بوماده حقنده جریان ایدن مذاکرات ضبطنامه لری باب عالینك انفعالی تسکین ایچون علاوه ایدیلن عدم مداخله فقره سنی آچیقدن آجیغه تکذیب ایدر .

فی الحقیقه - عثمانلی مرخصنك خط هایونی قونغرعه تبلیغ ایدرکن بالذات بیان وایضاح ایلدیکی وجهه - فرمان هایون ، (اوستریا) ، (فرانسه) و (انگلتره) نك دولت عثمانیه ایله قرارلشیردقلری مقدمات صلحیه ده رعایانك امتیازات سیاسیه ومذهبیهرینك صورت قطعیه ده محافظه ایدیه جکنه دائر تقرر ایدن موادك موقع تطبیقه وضعی مقصدیه تسطیر ایدلشدی . شو حالده خط هایون ایله مقدمات صلحیه آره سنده بر رابطه صمیمیه موجود دیمکدی ؛ اصلاحات فرعانی طوغریدن طوغری به بین الملل بر تعهده مربوط ایدی ، (پارس) معاهده نامه سنه واضع الامضا دولتر بونك تمامی تطبیق واجراسنی طلبه کندیلرینی صلاحیتدار کورمشلردر .

حقیقت ، ۱۸۵۶ سنه سندن صکره ، دول اجنبیه دیپلوماتلری امورداخلیه عثمانیه نك صورت تنظیم ویا تفتیشنه اودرجه متمادی ومؤثر بر صورتده اشتراك ایتدیلر ، که برکون صدر اعظم حکومتی هر درلو تشبثن وقوتدن محروم ایدن ، «سرایک قبوسی خارجنده بیله قالمیان» بومداخله قطعیه دن شکایته مجبور اولدی .

(پارس) قونغرعه سنی متعاقب دول معظمه نك مداخله رسمیه سنی انتاج ایدن وقایع وحادثاتی بوراده تعداده حاجت اولیوب یالکزر اوزماندن بری دولت عثمانیه نك سیاست داخلیه سنده آز چوق حائر اهمیت هر هانکی بر مسئله ظهور ایدنجه باب عالینك دول اجنبیه قاینه لریله اوغراشدیغنی ذکر ایتمکله اکتفا ایله جکم .

بونکله برابر پادشاهك تبعه سیله اولان معاملاتنه دول ضامنه نك مداخله ایتیه جکنه دائر ۹ نجی ماده صراحت کامله یی حائر ایدی وباب عالی مداخلات اجنبیه به قارشی بوماده یی ایلری به سورمکدن خالی قالمدی . نهایت بر کون ، پادشاه (پارس) قونغرعه سنك کندی انده بر اقدینی بوسلاحی - نه قدر اهمیت سز

اولورسه اولسون - اعاده وتسليمه مجبور اولدى . ١٨٧٧ سنه سنده (لوندرد)
قونفرانسى طقوزنجى مادهده محرر قيد احترازي يى فسح ايدرك مداخله يى قاعده
رسميه شكله قويدى ؛ آرتق شرقدى دول معظمه سفارت و قونسولوسخانه لرى
بو قاعده دن مستفيد اوله جقلردى . قونفرانس ، بوسورتله ، تركيا احوال داخليه سنك
(اوروپا) منافيله علاقه دار اولديغه قرار ويرمش اوليوردي [*] .

تركيانك ، بديه ، بروعدوتبشير خلاص كيى تلقى ايتديكي ١٨٧٨ قونفره سى
استقلال عثمانى يى دها صيقى برمحفظه ايچنه الدى . معاهده نامه نك حقوق
حكمرانى عثمانى يى تقيد ايدن ماده لرى يوقاريدى ذكر وايضاح ايتشمدم ؛ بو
ماده لر حكومت عثمانيه نك حق تشكيلات و اداره سنى ، يعنى هر بر حكومت
مستقله نك اك اساسلى حقوقى همان استهزا آميز عد ايله جك ، برحد اصغرى يه
تتريل ايلشدر .

ايشته (اوروپا) مداخله سنك منشأى ، صورت توسعى نقطه نظرندن ادوار
مختلفه سى همان بوندن عبارتدر . بومداخله نك تاريخى شو بوسورتله خلاصه
ايديله بيلير . (اوروپا) مداخله سى اول امرده يالكيز تبعه اجنييه ، اجنى
خرستيانلرينه شامل وامور عدليه يه منحصر ايكن بالاخره رعايانك امور
مذهبيه سى ، صكره امور سياسيه سى تشميل ايدلشدر . دول غربيه بو حق
مداخله يى يابر معاهده نامه احكامنه استناداً ، ياخود « رضاي بين الملل » ايله
تقرر ايدن قواعد عموميه نك محافظى و ياساده جه حقوق بشريتك حاميسى صفتيله
استعمال ايديورلر . هانكى صفت ايله حركت ايديليرسه ايدلسون ، هانكى
معاهده نامه يه استناد اولنورسه اولسون (اوروپا) دائماً خريستيانلرك دشمنى
طانيدينى حكومه قارشى مداخله ايلشدر .

(اوروپا) دول معظمه سى ، اون طقوزنجى عصر واسطه قدر ، حكومت
عثمانيه يى دائماً بر آسياهكومتى عد ايدرك ملل متمدنه نك كندى آره لرندى رعایت
ايتدكارى حقوقه لايق كورمه مشلردر . مع مافيه ، بو حكومت ، عطالت
منفردانه سى آره سنده محو اولمق تهلكه سىه دوچار اولنجه اوزمانه قدر كنديسى
عالم مدنيت خارچنده بر اقان نيم باربار اصول وقوانيتندن واز كچمك احتياجنى

[*] ٣١ مارت ١٨٧٧ تاريخلى پروتوقول بياننامه سى .

حس ایتمش ، (اوروپا) دخی بوتحول نتیجه سنده دولت عثمانیه بی آهنگ دولی
 میانہ آلق ایسته مش ، کندیسنه بر اوروپا حکومتی نظریله باقغه باشلامشدی .
 واقعا پادشاه ، اسلافی طرفندن اوروپا لیلره ویریلن مساعدات و امتیازاتدن هیچ
 بر زمان قور تولمادی . فقط - اوتهدن بری جاری اولان بو « فراغت حقوق »
 خارج قالمق اوزره - « حقوق عمومیه جدیده نك فواید و محسناتنه » اشتراك
 ایتدی و بو اشتراكده او وقته قدر حکومت اسلامیه نك محروم قالدینی بعض
 تأمینات عمومیه یه نائل اولدی . لکن - شونی ده سویلکده تردد ایتیمه لم که -
 ترکیانک بر اوروپا حکومتی عدایدلمسی فرضه ، تعبیر دیکرله شرطه معلقدی .
 کرک عمومیتله حقوقده ، کرک بالخاصه مناسبات دولیه بی تعیین و تنظیم ایدن
 قواعد دولیه ده « فرض » ، - آنحق بطلانی ثابت اولماق شرطیله - حقیقت
 مقامنه قائم اوله بیلیر . دول معظمه ، شرق خرسیتانلرینک بوندن صکره (اوروپا)
 حقوق عمومیه سی قواعدینه توفیقاً اداره اولنه جقلرینی فرض ایلدکلری مدتجه
 پادشاهک تبعه سی اوزرنده کی حقوق حکمرانیسنه رعایت کنیدلرینی مجبور عد
 ایده بیلیرلردی . آسیا حکومتلرینه مخصوص اداره مستبده نك دوام ایلدیکی
 مرتبه ثبوت واصل اولدینی آندن اعتباراً قناعت سابقه لرینی و بناءً علیه
 مساکلرینی دیکشدره بیلیرلردی .

حکومات مستقله آره سنده تعهدات متقابله نك فسخ و نقض اولنه مامسی
 قاعده سی ، آنحق بو حکومتلرک حال صلحه بولنلریله مشروطدر . ترکیا ایسه
 دائماً خرسیتانلق ایله ضماً حال حربده در . واقعا دولت عثمانیه نك ، « غیر
 مسلملر ایله آنحق حال متارکه ممکن اوله بیلیر » قاعده قدیمه سنه توفیقاً اداره
 حکومت ایتدیکی آشکاردر ؛ فقط دائماً غیرطبیعی برحاله قالمش و بوندن بالطبع
 کندیس متضرر اولمشدر ؛ بو حال ، حکومت اسلامیه نك ، فتحدن صکره ،
 اشغال عسکری بی ملل مغلوبه نك ملت غالبه ایله اتحادی صورتنه تبدیل ایچون
 لازم کلن اک ابتدائی تدابیره بیله توسل ایتمه مش اولسی نتیجه سیدر . بو حکومت ،
 خرسیتان محیطی ایچنده ، تشکیلات مخصوصه اجراسنه ، بتون تبعه سنی تمثیله
 مقتدر اوله مامش ؛ تقریب و توحید عناصره تشبث بیله ایتمه مشدر . فتحی
 متعاقب زیر اداره سنه آلدینی اهلینک - که عدداً کثیر و برچوق نقطه نظر دن
 ملت غالبیه معنا فائق ایدی - احتیاجات اجتماعیه سنی آکلامق ایسته مه مش ؛

لكن احتیاجات مذکورہ میں تأمین ایتھمك غیر ممکن اولدینی ایچون پادشاہلر طرفدن اہمال ایدیلن بووظیفه حکومت بشقہ اللره کچمشدر. رعایا، کندیلری ایچون وصی وحائی طبعی اولان حکومندن بو قیدسزلنی کورنجه، بالطبع، مشارکت عرقیه و مذهبیه لری اولان حکومت اجنبیه نك حمایت لرینه مراجعت ایتشلردر.

مطالعات سابقه دن شونی استنتاج ایدیورمکه، مداخله اجنبیه - اقوام جدیده نك حقوق عمومی سی قواعدینه نه قدر مغایر اولورسه اولسون - ترکیا ایچون مشرورعدر؛ زیرابومملکتده ضروریدر، دوام ایدوب کیدن بوضرورتہ - که الی سنه لک اصلاحات آنحق بعض احوالده تخفیف ایدہ بيلمشددر - دولت عثمانیه برقرار محکومیت کی تابع اوله جقدر.

(انکلتره) سفیری سیر (هاری بولور) دولت عثمانیه نك آتیسى حقنده بیان مطالعه ایدرکن شوسوزلری یازمشدی : « هر مملکتده اصلاحات عظیمه اجتماعیه، آنحق بواصلاحاتک باشلادیغنی کورن بظنلرینه افکار جدیده یه آشنا وبو افکاری تمثیلہ مقتدر یکی بظنلر قائم اولدقدن صکره حصوله کله بیلیر . » بوقاعده میں خاطرندن اصلا حیقارمیان رشیدپاشا، اوائل صدارتده، دیمشدی که : « اصل بدبختلق، عجله ایتک لزومیدر؛ مسلمانلرک رخاوتی، غیر قابل ازاله اعتقادات باطله لری بوکا مانعدر. رخاوت واعتقادات باطله؛ ایشته بزم الکبوک دشمنلرمز بونلردر. طریق ترقیده یوریمه مزه مانع اولان بو دشمنلردر. حال بوکه بزم ایچون قوشمق لازم کلیور! »

تنظیلات، پک کوچلکله یوریدی؛ اکثریا توقف ایتدی؛ بعضاً ایسه کری یه دوندی. افکار وعادات قدیمه، ترک قومنک خاطره سندن چیقماش، بلکه پک جزئی برصورتده خفیفلمشددر. بوقوم، اجدادی اولان آسیا اقوامی نه حالده ایسه احوالده قالمشددر. اوزون مدت دوام ایدن تنظیلاتک صفحات مختلفه سی بونی اثبات ایدر.

قرون وسطاده عثمانیلر ایله (اروپا) نك خرستیان اقوامی آیران مسافه اوقدر بیوک دکلدی، اوزمان بر سلیم ثالث ویا بر محمود ثانی دولت عثمانیه میں مدنیت غربیه جریاننه حقیقه ادخاله موفق اوله بیلیدی. سلیم و محمود،

پك كچ دنيايه كمشلردر ؛ ياريم عصر تجربه ايديلن سياست جديده ، بونلرك اسلافنك غائب ايديلن يولى قزانهميه جقلريني اثبات ايتمشدر ، بر زمان اولدى كه دولت عثمانيه ، دوست و قوتلى بر حكومتك ، (فرانسه) نك، سوق و اداره سيله بويولى قطع ايتك، غائب ايتديكي زمانى تلافى ايتك ايستدى و دولتك اصلاحي امكانى انكار ايدنلره امنيت بخش ايتسه بيله شبهه كتيړه جك صورتده ايشه باشلادى . اوچنچي (ناپولئون) ك صوك سنه لرنده تنظيماتى هدف اصليسنه ايصال ايتك امانه دوشن فرانسمز رجال حكومتى « ترك - خريستان » دعواسنك ، ديكر برچوق تاريخى دعوالر كي - مثلاً شرقى روما ايمپراطورلغى روملره تسليم ايدن دعوای تاريخى - حل ايديله بيله جكنه قانع قالمشلردى . بونلر اتحاد عناصره ، مساوات تامه و مطلقه نك تاثيريله بتون عرقلرك تو حيدينه لزوم كوسترييورلر ، بو تكاملك واسطه ضروريه سى اولان تركلرك تبديل اخلاق و عادات ايدم جكلرينه جدا اينانيورلردى .

بو تجربه قطعيه دخى چوق زمان دوام ايتدى . مسلمانلرده اويانان فكر ارتجاع ، الله ايديلن موقعلرك برر برر غائب ايدلمسونه سبب اولدى ؛ بربرده (اروپا) افكار جديده سنه ، ديكر بربرده اوروپا ليله خصومت كوسترييلور ، يا ترقيك لزومى انكار و يا خود بو ترقيك مداخله اجنبيه اولمقسزين حصوله كتيړيله جكي ادعا اولنيوردي ؛ بوچيخته خطا ، محافظه كارلر ايله حريترورلري ، يعنى طرز قديم اداره طرفدارلريله ژون تركلري عيني ادرا كمنزل كده ، عني عماى جهاتنده برلشديرمشدى .

۲۱

ضامنه

برنس (غورچاقوف) شو سوزلري تكرار ايدردى : « خط هايون بدلى تأديه ايدلمه مش وايدلميه جك برپوليچه در ؛ (آسينيا) دن دها آشاغيدر . » ۱۸۶۵ فرمان هايوننك قيمتى بوقدر كوچلتمك حقسزلق اولور ، صانيرم [*] . بوليچه بدلى تأديه ايدميه جكي ادعا اولنان مديونك دوچار اولديغي مشكلاتك [*] بالخاصه اوچ قسك صوكنده كي خلاصه لره مراجعت .

بر قسم مهمی روس دیپلوماسیسی طرفدن ایقاع ایدلیدی سویلنمرسه اڭ آشکار حقایق تاریخیه انکار ایدیلور دیمکدر .

ایشته بوقیوداحترازییهی درمیان ایتدکن صکره شونیده علاوه ایدیم که تنظیماته متعلق درت بش خط هایون ایله هر برینک تاریخ تسطیرنده تجدید و تأکید ایدیلن تعهدات مقایسه ایدیلرسه (روسیه) باش وکیلک سوزی اصلاحاته تطبیق ایدیله بیلیر .

فی الحقیقه ، تنظیمات دولتک اڭ مشکل ، اڭ وخیم بر زماننده تصور و تطبیق ایدلیدی ، (اروپا) نظرنده تأمینات مقامنه کچرک پادشاهی اضحلال قطعی و محققدن قورتاردی ؛ هر طرفدن تهدید ایدیلن دولت بو سایهده کندینی قورتاردی ، دها طوغریسی براز نفس آله بیلیدی ؛ فقط ترکیایی دول متمدنه صرمنه کچیرمسی لازم کان اوزون بر مدت تجزیه بوندن بشقه بر نتیجهیه منجر اوله مدی .

بوتجربه (اروپا) نک آرزوسنه موافق بر نتیجه ویرمیدیکندن و دول معظمه مشروع و ضروری عدایتدکاری وصایتک بخش ایدیکی حقه استناداً آرتق تعللات وتأخراته مساعده ایتیه جک کبی کوروندکارندن ارطغرل و عثمان اوغللرینک صرف قوته مستند اصول قدیمه اداره لریله رد ایتدکاری مدینتک منعی ناقابل دوره حلولی آره سنده ، (اروپا) دن چکیله رک حدود سابقه لرینه رجعت ایده جککاری بیان وتخمین اولنه بیلیر .





ذیل

کلیاتہ خط ہمایونی صورتیہ :

جملہ یہ معلوم اولدینی اوزره دولت علیہ مزك بدایت ظہورندنبرو احکام
جلیلہ قرآنیہ وقوانین شرعیہ کالیہ رعایت اولوندیغندن سلطنت سنیہ مزك قوت
ومکنت وبالجلہ تبعہ سنک رفاه ومعموریتی رتبہ غایتہ واصل اولمشیکن یوز الی
سنہ وارددرکہ غوائل متعاقبہ واسباب متنوعیہ مبنی نہ شرع شریفہ ونه قوانین
منیفیہ انقیاد وامثال اولنماق حسدیہ اولکی قوت ومعموریت بالعکس ضعف
وفقرہ مبذل اولمش وحالبوکه قوانین شرعیہ تحتدہ اداره اولونمیان ممالکک
پایدار اولہ میہ جنی وافتخادن بولونمش اولوب جلوس هایونمز روز فیروزندنبری
افکار خیریت آثار ملوکانہ مزدخی مجرد اعمار ممالک وانحا وترقیہ اہالی وفقرا
قضیہ نافعہ سنہ منحصر وممالک دولت علیہ مزك موقع جغرافیسنہ وارضی منبتہ سنہ
وخلقل قابلیت واستعدادلرینہ نظراً اسباب لازمہ سنہ تشبث اولوندینی حالہ
بش اون سنہ ظرفندہ بتوفیقہ تعالی صور مطلوبہ حاصل اولہ جنی ظاہر اولمغلہ
عون وعنايت حضرت باری یہ اعتماد وامداد روحانیت جناب پیغمبری یہ توسل
واستناد برلہ بوندنبویہ دولت علیہ وممالک محروسہ مزك حسن اداره سی ضمنندہ
بعض قوانین جدیدہ وضع وتأسیسی لازم ومہم کورینہرک اشبو قوانین مقتضیہ سنک
مواد اساسیہ سی دخی امنیت جان ومحفوظیت عرض وناموس ومال وتعین ویرکو
وعسا کر مقتضیہ سنک صورت جلب ومدت استخدامی قضیہ لرندن عبارت اولوب
شویلہ کہ دنیادہ جاندن وعرض وناموسدن اعز برشی اولمدیغندن بر آدم آنلری
تہلکہدہ کوردکچہ خلقت ذاتیہ وجبلیت فطریہ سنندہ خیانتہ میل اولمسہ بیلہ
محافظہ جان وناموسی چون البتہ بعض صورتلرہ تشبث ایدہ جکی وبودخی دولت
وممالک مضر اولہ کلدیکی مسلم اولدینی مثللو بالعکس جان وناموسندن امین

اولدینی حالدہ دخی صدق واستقامتدن آیرلمه جفی وایشی وکوجی همان دولت وملتہ حسن خدمتدن عبارت اوله جفی دخی بدیهی وظاهر در. وامنیت مال قضیه سنک فقدانى حالدہ ایسه هرکس نه دولت ونه ملتہ ایصینه میوب ونه اعمار ملکہ باقہ میوب دائماً اندیشه واضطرابدن خالی اوله مدینی مثلوعکس تقدیرنده، یعنی اموال واملأ کنندن امنیت کامله سی اولدینی حالدہ دخی همان کندی ایشی ایله وتوسیع دائرہ تعیشیله اوغراشوب وکندیسنده کون بکون دولت وملت غیرتی ووطن محبتی آرتوب آکا کوره حسن حرکتہ چالیشه جفی شہبهدن آزاده در. وتعیین ویرکو ماده سی دخی چونکہ بردولت محافظہ ممالکی ایچون البته عسکر ولشکره وسائر مصارف مقتضیه به محتاج اوله رق بو ایسه آقچه ایله اداره اولونه جفته وآقچه دخی تبعه نک ویرکوسیه حاصل اوله جفته بناءً بونک دخی برحسن صورتنه باقلمق اهم اولوبا کرچه مقدملرده واردات ظن اولونمش اولان یدواحدبلیه سندن له الحمد ممالک محروسه من اها لسی بوندن اولجه قورتولمش ایسه ده آلات تخریبیه دن اولوب هیچ بروقتده ثمره نافعہ سی کوریه مین التزامات اصول مضره سی الیوم جاری اوله رق بوایسه بر مملکتک مصالح سیاسیه وامور مالیہ سی بر آدمک یداختیارینه وبلکہ پنجه جبر وقهرینه تسلیم دیمک اوله رق اول دخی اگر ذاتاً برایوجه آدم دکل ایسه همان کندی چیقارینه باقوب جمیع حرکات وسکنائی غدر وظلمدن عبارت اولمسیله بعدازین اها لی ممالکدن هرفردک املاک وقدرتنه کوره برویرکوی مناسب تعیین اولنه رق کیسه دن زیاده شی آلنه مامسی ودولت علیه مزک برآوبجراً مصارف عسکریه وسائرده سی دخی قوانین ایجاییه ایله تحدید وتبیین اولونوب آکا کوره اجرا اولونمسی لازمه دندر. وعسکر ماده سی دخی برمنوال محرر مواد مهمه دن اوله رق اکرچه محافظه وطن ایچون عسکر ویرمک اها لینک فریضه ذمتی ایسه ده شمدی به قدر جاری اولدینی وجهاله بر مملکتک عدد نفوس موجوده سنه باقلمیه رق کیمندن رتبه تحمیلدن زیاده وکیمندن نقصان عسکر ایسته نک هم نظام سرنلی وهم زراعت وتجارت مواد نافعہ سنک اخلاقی موجب اولدینی مثللو عسکر لکه کلنارک الی نهایه العمر استخداملری دخی فتوری وقطع تناسلی مستلزم اولمقده اولمسیله هر مملکتدن لزومی تقدیرنده طلب اولنه جق نفرات عسکریه ایچون بعض اصول حسنه ودردت ویاخود بش سنه مدت استخدام ضمنتده دخی برطریق مناویه

وضع و تأسیس اولونمسی ایجاب حالندرد. والحاصل بقوانین نظامیه حاصل اولمدقجه تحصیل قوت و معموریت و آسایش و استراحت ممکن اولمیوب جمله سنک اساسی دخی مواد مشروحه دن عبارت اولدیغندن فیما بعد اصحاب جنه نك دعوالری قوانین شرعیه اقتضاسنجه علناً بوجه تدقیق کوریلوب حکم اولونمدقجه هیچ کیمسه حقنדה خفی و جلی اعدام و تسمیم معامله سی اجرایی جائز اولماق و هیچ کیمسه طرفندن دیگرینک عرض و ناموسنه تسلط و قوعب و لماق و هرکس اموال و املاکنه کال سربستیه مالک و متصرف اوله رق آکا بر طرفدن مداخله اولونماق و فرضا برینک تهمت و قباحتی و قوعنده آنک ورثه سی اول تهمت و قباحتدن بری الذمه اوله جقلرندن آنک مالی مصادره ایله ورثه سی حقوق ارثیه لرندن محروم قلماق و تبعه سلطنت سنیه مزدن اولان اهل اسلام و ملل ساثره بومساعدات شاهانه مزه بلااستثنا مظهر اولمق اوزره جان و عرض و ناموس و مال ماده لرندن حکم شرعی اقتضاسنجه کافه ممالک محروسه من اها لیسنه طرف شاهانه مزدن امنیت کامله ویرلمش و دیگر خصوصلره دخی اتفاق آرا ایله قرار ویرلمسی لازم کلمش اولمغله مجلس احکام عدلیه اعضاسی ده لزومی مرتبه تکثیر اوله رق و وکلا و رجال دولت علیه من دخی بعض تعیین اولنه جق ایامده اوراده اجتماع ایدرک و جمله سی افکار و مطالعاتی هیچ چکنمیوب سربستجه سویلیه رک اشبو امنیت جان و مال و تعیین ویرکو خصوصلرینه دائر قوانین مقتضیه بر طرفدن قرارلش دیریلوب و تنظیمات عسکریه ماده سی دخی باب سرعسکری دار شوراسنده سویلیه شیلوب هر بر قانون قرارکیر اولدقجه الی ماشا الله تعالی دستورالعمل طوتولمق اوزره بالاسی خط هایونمزله تصدیق و توشیح اولمق ایچون طرف هایونمزهر عرض اولونسون. واشبو قوانین شرعیه مجرد دین و دولت و ملک و ملت ایحیا ایچون وضع اولنه جق اولدیغندن جانب هایونمزدن خلافنه حرکت و قوعب و ملیه جفته عهد و میثاق اولنوب خرقة شریفه اوطه سنده جمیع علما و وکلا حاضر اولدقلری حالده قسم بالله دخی اوله رق علما و وکلا دخی تحلیف اولنه جغندن آکا کوره علما و وزرادن والحاصل هرکیم اولور ایسه اولسون قوانین شرعیه مخالف حرکت ایدنلرک قباحت ثابته لرینه کوره تأدیبات لایقه لرینک هیچ رتبه یه و خاطر و کوکله باقلمیه رق اجرایی ضمننده مخصوصاً جزا قانوننامه سی دخی تنظیم ایتدیرلسون. و جمله مأمورینک الحاله هذه مقدار وافی معاشرلی اوله رق

شاید هنوز اولیانلری وار ایسه آنلر دخی تنظیم اولنه جغندن شرعاً منفور اولوب خرابیت ملکک سبب اعظمی اولان رشوت ماده کریه سنک فیما بعد عدم وقوعی ماده سنک دخی برقانون قوی ايله تأکیدینه باقیلسون. و کیفیات مشروحه اصول عتیقه یی بتون بتون تغییر و تجدید دیمک اوله جغندن اشیو اراده شاهانه من در سعادت و بالجله ممالک محروسه من اهالیسنه اعلان و اشاعه اولنه جنی مثللو دول متحابه دخی بواصولک انشاء الله تعالی الی الابد بقاسنه شاهد اولمق اوزره در سعادتمزده مقیم بالجله سفرایه دخی رسماً بیلدیرلسون. هان رمز تعالی حضر تلی جمله منی موفق بیورسون و بوقوانین مؤسسه نک خلافسه حرکت ایدنلر الله تعالی حضر تلرینک لعنته مظهر اولسونلر و الی الابد فلاح بولسونلر آمین .

فی ۲۶ شعبان سنه ۱۲۵۵ . یوم بازار

اصولیات فرمانه هما یونی صورتیر

بعداللقاب

ید مؤید ملوکانه مه ودیعۀ جناب باری اولان کافۀ صنوف تبعۀ شاهانه مک هر جهته تمامی حصول سعادت حالی اقدم افکار خیریت دنار پادشاهانم اوله رق جلوس میمنت مانوس هایونم کوندنبری بوبابده ظهوره کلن همم مخصوصۀ شاهانه مک حمد اولسون پک چوق ثمرۀ نافعہ سی مشهود اولوب ملک و ملتزمک معصومیت و ثروتی آن بآن تزیید ایتمکده ایسه ده دولت علیه مزک شاننه موافق و ملل متمدنه آره سنده بحق حائز اولدینی موقع عالی و مهمه لایق اولان حالک کاله ایصالی ایچون شمدی یه قدر وضع و تاسیسنه موفق اولدیغ نظامات جدیدۀ خیریه نک ازسرنو تأکید و توسیعی مطلوب معدلت مصحوب پادشاهانم اولدینی حالده عموم تبعۀ شاهانه مزک مساعی جمیلۀ حیثکارانه لری و متفق خاص باهر الاخلاصمز اولان دول مفخمه نک همت و معاونت خیر خواهانه لری اثری اولمق اوزره دولت علیه مزک بوکره بغایۀ اه تعالی خارجاً حقوق سنیه سی برقات دها تأکید ایلدیکسنه و بوجه ته شو عصر دولت علیه من ایچون برزمان خیریت اقترانک مبدئی اوله جغندن داخلاً دخی سلطنت سنیه مزک تزیید قوت و مکنتی و روابط قلبیۀ وطنداشی ايله بربرینه مربوط اولان و نظر معدلت اثر مشفقانه مده

مساوی بولان كافة صنف تبعه شاهانہ ملك هر يوزدن حصول تمامی سعادت حال و ممالك شاهانہ مزك معموریتی مستلزم اوله حق اسباب و وسائلك آن بان ایلر و لمسی مراد مرحمت اعتیاد ملوکاتم اقتضاسندن بولنديغنه بناءً خصوصات آية الذکر ک اجراسنه اراده معدلت افاده پادشاهانہم شرفصادر اولمشدر .

شویله که: کلخانه ده قرائت اولنان خط هایونم ایلہ و تنظیات خیریه موجبہجہ هر دین و مذهبه بولنان كافة تبعه شاهانہم حقده بلا استثناء امنیت جان و مال و محفوظیت ناموس ایچون طرف اشرف پادشاهانہ مدن و عدوا احسان اولونمش اولان تأمینات بوکرہ دخی تأکید و تأیید قلندیغندن بونک کاملاً فعلہ چبقارلمسی ایچون تداییر موثره نك اتخاذ اولونمسی وزیر جناح عاطفت سنیہ پادشاهانہ مده اوله رق ممالك محروسه شاهانہ مده بولنان خرسیتیاں و سائر تبعه غیر مسلمہ جماعتلرینه اجداد عظام طرفلرندن ویرلمش و سنین اخیرده اعطا واحسان قلنمش اولان بالجله امتیازات و معافیات روحایہ بوکرہ دخی تقریر وابقا قلوب فقط خرسیتیاں و تبعه غیر مسلمہ سائرہ نك هر بر جماعتی بر مهل معین ایچنده امتیازات و معافیات حاضرہ لرینک رؤیت و معاینه سنے ابتدار ایلہ اولبابده و قتلک و کرک آثار مدینت و معلومات مکتسبه نك ایجاب ایتدیردیکی اصلاحاتی اراده و تنسیب شاهانہم ایلہ و باب عالیمزك نظارتی تحتندہ اوله رق مخصوصاً بطریقخانه لرده تشکیل اولنه حق مجلسلر معرفتیه بالمذاکرہ جانب باب عالیمزہ عرض و افاده ایلمکه مجبور اوله رق جنتمکان ابوالفتح سلطان محمدخان ثانی حضر تلی و کرک اختلاف عظاملری طرفلرندن بطریقلر ایلہ خرسیتیاں پسقموسلرینه اعطایبورلمش اولان رخصت و اقتدار نیات فتوتکارانه پادشاهانہ مدننشی اشبو جماعتلره تأمین اولونمش اولان حال و موقع جدید ایلہ توفیق اولونوب و بطریقلرک الحاله هذه جاری اولان اصول انتخابیهلری اصلاح اولوندقدنصکرہ بطریقلق برات عالیسنک احکامنہ تطبیقاً قید حیات ایلہ نصب و تعیین اولونملری اصولنک تماماً و حیجاً اجرا و باب عالیمزله جماعات مختلفه نك رؤسای روحانیه سی بیننده قرار کیر اوله حق بر صورته تطبیقاً بطریق و متره پولید و مرخصه و پسقموس و خاخالمرک بین نصبنده اصول تخلیفیه نك ایفا قلنمسی و مرنه صورت و نام ایلہ اولورسه اولسون راهبلره ویرلمکده اولان جوائز و عوائد جمله منع اولونله رق یرینه بطریقلره و جماعات باشیلرینه واردات معینہ تخصیص و رهبان سائرہ نك دخی رتبه و منصبلرینک

اهمیتته و بوند نصکره و بریله جک قراره کوره کندیلرینه بروجه حقانیت معاشر
 تعیین اولونوب فقط خرسیتان راهبرینک اموال منقوله و غیر منقوله لرینه بر
 کونه سکتہ ایراث اولونمہ رق خرسیتان و سائر تبعہ غیر مسلمہ جماعتلرینک ملتجه
 اولان مصلحتلرینک اداره سی هر بر جماعتک رهبان و غوامی بینده منتخب
 اعضادن مرکب بر مجلسک حسن محافظه سنه حواله قلمسی و اہالیسی جملہ بر
 مذهبده بولونان شهر و قصبہ و قریہ لرده اجرای آیینہ مخصوص اولان ابنہ نک
 و کرک مکتب و خستہ خانہ و مزارلق مثللو سائر محملرک ہیئت اصلہ لری اوزره
 تعمیر و ترمیم لرینه بر کونه موانع ایقاع اولونمیوب بویله محملرک مجدداً انشاسی
 لازم کلدکده بطریق و یارؤسای ملتک تصویبی حائده بونلرک رسم و صورت
 انشاسی بر کره جانب باب عالمزہ عرض اولونمق اقتضا ایدہ جکندن یا صور
 معروضہ قبول ایله متعلق اولہ جق ارادہ سنیه ملوکانہم موجبجه اقتضاسی اجرا
 و یا بر مدت معینہ ظرفده اولبایده اولان اعتراضات بیان اولونوب بر مذہبک
 جماعتی یالکز اولہ رق یعنی سائر یلہ قاریشیق اولمہ رق بر محملده بولونور ایسہ
 اویرده آیینہ متعلق خصوصاتی ظاهر اوعلاً اجراده بر درلوقیودہ دوچار اولمیوب
 اہالیسی ادیان مختلفہ دہ بولونان جماعتلردن مرکب اولان شهر و قصبہ و قریہ لرده
 ایسہ هر بر جماعتک طاقی ساکن اولدینی آروجه محملده بالادہ بسط و بیان
 اولونان اصولہ اتباعاً کندی کلیسا و خستہ خانہ و مکتب و مزارلق لرینی تعمیر
 و ترمیمہ مقتدر اولہ بیلرسی و مجدداً انشا اولونمسی اقتضا ایله بن ابنہ یہ کلنجه
 بونلر ایچون رخصت لازمیہ یی بطریقلر و یا خود جماعات مترہ پولیدلری جانب باب
 عالمزدن استدعا ایدوب دولت علیہ مزجه بونده بر کونا موانع مالکیہ اولمدینی
 حالده رخصت سنیم ارزان قلمسی و بو مقولہ ایشلرده حکومت طرفندن
 وقوعولہ جق معاملات کلیاً حسبی اولمسی و بر مذہبہ تابع اولانلرک عددی نہ
 مقدار اولور ایسہ اولسون اول مذہبک کمال سربستی ایله اجرا اولونمسی تأمین
 ایچون تدابیر لازمیہ و قویہ نک اتخاذ قلمسی و مذہب و لسان و یا خود جنسیت
 جہتلریلہ صنوف تبعہ سلطنت سنیم مدن بر خنک آخر صنفدن آشانی طوتولمسی
 متضمن اولان کافہ تعبیرات و الفاظ و تمیزات محررات دیوانیہ دن الی الابد محو
 وازالہ قلمسی و آحاد ناس بینده و یا خود مأمورین طرفلرندن دخی موجب شین

وعار اوله جق ویا ناموسه طوقونه جق هر درلو تعریف و توصیفک استعمالی قانوناً منع اولونمسی و چونکه مالک محروسه مده بولونان هر دین و مذهبک آیینی بروجه سربستی اجرا اولوندیغدن تبعه شاهانه مدن هیج بر کمسه بولوندینی دینک آیینی اجرادن منع اولونماسی و بوندن طولایی جور و اذا کورمه سی و تبدیل دین و مذهب ایتک اوزره کیسه اجبار اولونماسی و سلطنت سینه مزک مأمورین و خدمه سنک انتخاب و نصبی تنسیب و اراده شاهانه منوط اوله رق تبعه دولت علیه مک جله سی هر قنفی ملندن اولورایسه اولسون دولتک خدمت و مأموریتلرینه قبول اولونه جقلرندن بونلر اهلیت و قابلیتلرینه کوره عموم حقنده مرعی الاجرا اوله جق نظامه امثالاً مأموریتلرده استخدام اولونملری و سلطنت سینه تبعه سندن بولونانلر مکاتب شاهانه مک نظامات موضوعه لرنده کرک سنجه و کرک امتحانجه مقرر اولان شرائطی ایضا ایلدکلری تقدیرده جله سی بلا فرق و تمیز دولت علیه مک مکاتب عسکریه و ملکیه سنه قبول اولونمسی و بوندن باشقه هر بر جماعت معارف و حرف و صنایعه دائر ملتجه مکتبلر یا پیغه مأذون اولوب فقط بومقوله مکاتب عمومیه نک اصول تدریس و معلملرینک انتخابی اعضایی طرف شاهانه مدن منصوب مختلط بر مجلس معارفک نظارت و تقنینی تحتنده اولمسی و اهل اسلام ایله خرستیان و سائر تبعه غیر مسلمه میانه سنده و یا خود تبعه عیسویه و سائر تبعه غیر مسلمه دن مذاهب مختلفه یه تابع اولانلرک بربری بیننده تجارت و یا خود جنایاته متعلق ظهوره کله جک جمیع دعاوی مختلط دیوانلره حواله اولونوب استماع دعوی ایچون اشبو دیوانلر طرفندن عقد اولونه جق مجلسلر علنی اوله جغندن مدعی ایله مدعی علیه مواجهه اولونه رق بونلرک اقامه ایده جکلری شاهدلر تقاریر و افعه لرینی دائمی کندی آیین و مذهبلری اوزره اجرا ایده جکلرینی بربری یمین ایله تصدیق ایلملری و حقوق عادیه یه عائد اولان دعاوی دخی ایالات والویه مختلط مجلسلرنده الی وقاضی مملکت حاضر اولدقلری حالد شرعاً و یا نظاماً رؤیت اولونوب اشبو محاکم و مجالسده محاکات و افعه غانی اجرا اولونمسی و خرستیان و سائر تبعه غیر مسلمه دن ایکی کیسه بیننده حقوق ارثیه کبی دعاوی مخصوصه صاحب دعوی اولانلر استه دکلری حالد بطریق و یا رؤسا و مجالس معرفتیه رؤیت اولونمق اوزره حواله قلمسی و مجازات و تجارت قانونلریله مختلط

دیوانلرده اجرا اولونه حق اصول و نظامات مراعات ممکن مرتبه سرعتله ا کمال اولونه رق و ضبط و تدوین قلنه رق ممالک محروسه شاهانه مده مستعمل اولان السنه مختلفه یه ترجمه ایله نشر و اعلان اولونمسی و حقوق انسانی یه حقوق عدالتله توفیق ایتک ایچون مظنه سوء اولانلرک و یا خود تأدیبات جزیه یه مستحق بولونانلرک حدس و توقیفلرینه مخصوص اولان کافه محبس و محال سائرده اصول حبسیه نك ممکن مرتبه مدت قلیله ظرفنده اصلاحنه مباشرت اولونمسی و هر حالده حبس خانه لرده بیله جانب سلطنت سینه مدن وضع قلنان نظامات انضباطیه یه موافق اولان معاملاتدن ماعدا هیچ برکونا مجازات جسمانیه و اذیت و اشکنجه یه مشابه کافه معامله دخی کاملاً لغو و ابطال قلنمسی و بونك خلافنده وقوع بوله حق حرکات شدید آمنع و زجر اولونه جغندن ماعدا بونك اجراسنی امرایدن مأمورین ایله بالفعل اجرا ایله ین کسانك دخی جزا قانوننامه سی اقتضاسنجه تکدیرو تأدیب اولونمسی و دارا سلطنت سینه م و ایالات و بلاد و قراده امور ضبطیه نك تنظیمی ماده سی آسوده حال اولان کافه تبعه ملوکانه مه کندی مال و جانلرینك محافظه سنه صحیحاً و قویاً امنیت و یرده جك صورتده تنظیم قلنمسی و ویرکونك مساواتی تکالیف سائر نك مساواتی موجب اولدینی مثللو حقوقجه اولان مساوات دخی وظائفجه اولان مساواتی مستلزم اولدیغندن خریستان و سائر تبعه غیر مسلمه دخی اهالی اسلام مثللو حصه عسکریه اعطاسی حقنده مؤخرأ و یریلن قراره انقیاد مجبوریتنده بولونمسی و بو خصوصده بدل و یرمک و یانندأ آچه اعطاسیه خدمت فعلیه دن معاف اولمق اصولنك اجرا اولونمسی و اسلامدن ماعدا تبعه نك صنوف عسکریه ایچنده صورت استخداملری حقنده نظامات لازمه یاییلوب مدت قلیله ممکنه ظرفنده نشر و اعلان قلنمسی و ایالات و الویه مجلسلرنده تبعه مسلمه و عیسویه و سائرده دن بولونان اعضانك امر انتخابلرینی بر صورت صحیحیه قویمق و آرانك طوغریجه ظهورینی تأمین ایلک ایچون اشبو مجلسلرک صورت ترتیب و تشکیللری حقنده اولان نظاماتك اصلاحنه تشبث ایله دولت علیه م نتیجه آرای و ویریلن حکم و قراری صحیحاً بیلمک و بوکا نظارت ایتک اسباب و وسائل مؤثره نك استحصالنی مطالعه ایلسی و چونکه بیع و فروخت و تصرف املاک و عقار ماده لری حقنده اولان قوانین کافه تبعه ملوکانه م حقنده مساوی اولدیغندن

قوانین دولت علیه مه و نظامات ضابطه بلدییه اتباع و امثال ایلک و اصل یرلی اهلینک و یردکاری تکالیفی و یرمک اوزره سلطنت سنیه م ایله دول اجنیه بیننده یاپیله جق صور تنظیمیه دن صوکره اجنیه دخی تصرف املاک مساعده سنک اعطا اولونمسی و تبعه سلطنت سنیه مک کافه سی اوزرینه طرح اولونه جق و یرکو و تکالیف صنف و مذهب لرینه باقلمیه رق بر صورتده اخذ اولمقده ایدو کندن اشبو تکالیفک و علی الخصوص اعشارک اخذ و استیفاسنده و قوعبولمقده اولان سوء استعمالاتک اصلاحی تدابیر سریع سی مطالعه و مذاکره اولونوب طوغریدن طوغری به اخذ و یرکو اتمک اصولنک پیدرپی اجرایی قابل اولدجه واردات دولت علیه مک الزام اولونمسی اصولنک یرینه بوصول اتخاذ قلوب اصول حالیه جاری اولدجه مأمورین دولت علیه م ایله مجالس اعضالینک مزایده لری علناً اجرا اولونه جق اولان التزامدن برینی درعهده ایتدیرملری و یا برکونه حصه آللری مجازات شدید ایله منع قلمسی و تکالیف محلیه دخی مهما ممکن محصولات خالی و یرمیه جک و تجارت داخلیه مانع اولیه جق صورتده وضع و تعیین اولونمسی و امور نافع ایچون تعیین و تخصیص اولونه جق مبالغ مناسبه برآو بجرأ انشا و احداث اولونه جق طرق و مسالکدن استفاده ایدم جک اولان ایالات و سنجاقلرده وضع و تأسیس قلنه جق و یرکوی مخصوص دخی علاوه ایدلمسی و سلطنت سنیه مک بهر سه ایچون واردات و مصارفات دفترینک تنظیم و اراءه سی حقنده مؤخرأ بر نظام مخصوص یابیش اولدیغدن بونک تمامی اجرای احکامنه اعتنا اولونمسی و هر بر مأمورینه تخصیص قلمش اولان معاشلرک حسن تسویه سنه مباشرت قلمسی و هر بر جماعتک رؤساییه طرف اشرف شاهانه مدن تعیین اولونه جق برر مأمورلری تبعه سلطنت سنیه مک عمومیه عائد و راجع اولان ماده لرک مذاکراتنده مجلس والاده بولونمق اوزره مقام جلیل و کالت مطلقه مدن مخصوصاً جلب اولونوب و اشبو مأمورلر بررسنه ایچون تعیین قلوب بونلر مأموریتلرینه باشلادقلری کی تخلیف اولونملری و مجلس والانک اعضایی کرک عادی و کرک فوق العاده و قوعبولان اجتماعلرنده رأی و مطالعه لرینی طوغریجه بیان و افاده ایتملری و بوندن طولانی اصلا رنجیده اولونما ملری و افساد و ارتکاب و اعتسافه دأر اولان قوانینک احکامی کافه تبعه سلطنت سنیه م حقلرنده هر قنغی

صنفده ونه درلو مأموریتده بولونورلر ایسه بولونسونلر اصول مشروعه سنه توفیقاً اجرا اولونمسی ودولت علیه مک تصحیح اصول سکه ایله امور مالییه سنه اعتبار ویره جک بانقه مثللو شیر یاییلوب ممالک محروسه شاهانه مک منبع ثروت مادییه سی اولان خصوصاته اقتضا ایدن سرمایه لک تعینیه و محصولات ممالک شاهانه مک نقلی ایچون ایجاب ایدن طرق وجداولک کشادیه وامر زراعت وتجارتک توسعنه حائل اولان اسبابک منعیه تسهیلات صحیه نک اجرا اولونمسی وبونک ایچون معارف وعلوم وسرمایه آوروپادن استفاده یه باقلمسی اسبابنک بالاطراف مظالمه سیله پیدر پی موقع اجرا یه قولنسی ماده لرندن عبارت اولغله سزکه صدراعظم ستوده شیم مشارالیه سز اشبو فرمان جلیل العنوان ملوکانه می اصولی اوزره کرک درسه عاتمه کرک ممالک شاهانه مک هر بر طرفده اعلان واشاعته خصوصات مشروحه نک بالاده بیان اولندیغی وجهله اجرای اقتضالینه وبوندن بویه احکام جلیله نک دائماً ومستمرأ مرعی الاجرا طوتولمسی اسباب لازمه ووسائل قویه سنک استحصال واستکمالی خصوصنه بذل جل همت ایلده سز شویله بیله سز علامت شریفه مه اعتماد قیله سز تحریر آئی اوائل شهر جمادی الاخره سنه اثنی وسبعین ومائین والف .

ریایات فانونی

اوره ارضنجی ماده

والینک معیتده براداره مجلسی اولوب اشبوا داره مجلسی صورت تعینی فصل نانیده بیان اولونه جق مفتش حکام شرعیه ودفتردار ومکتوبچی وخارجیه مدیری وایکیسی مسلم وایکیسی غیر مسلم اهل ایدن منتخب کیمسه لردن مرکب اوله جق ومجلس اداره نک ریاستی والیده اولوب غایبند مأموریندن هانکیسنی تنسید وتعیین ایدرسه او وکالت ایدم جکدر .

اوره طفر زنجی ماده

دیوان تمیز مفتش حکامک ریاستی تحتده اوله رق صورت انتخابلری بشنجی بایده بیان اولونه جق اولان میزنامیه اوچی مسلم واوچی غیر مسلم آلتی اعضادن

مرکب اوله جق واشبو مجلسده امور حقوقيه وقانونيه واقف طرف دولتن منصوب برما مور مخصوص بولونه جقدر .

اوتوز اريغنجي ماده

متصرف لوا معيتمده بر اداره مجلسي اولوب مقرر قائممقامي اولان قضانك حاككي ومفتي بنده واهالي غيرمسلمه نك رئيس روحانيلري ومحاسبه جي وتحريرات مديري وايكيسي مسلم وايكيسي غيرمسلم درت اعضاي دائمي دن مركب اوله جقدر ومجلس اداره نك رياستي متصرفده اولوب غيا بنده متصرف هرهانكيسي تنسيب وتعيين ايدرسه او وكالت ايد جقدر .

اوتوز طقوزنجي ماده

رأس سنجانك مجلس تيميزي حاكمنك رياستي تحتنده اوله رق صورت انتخابلري بشنجي باده بيان اولونه جق اولان ميمز ناميله اوچي مسلم واوچي غير مسلم آلتی اعضادن مركب اوله جقدر واشبو مجلسده امور حقوقيه وقانونيه واقف طرف دولتن منصوب برما مور مخصوص بولونه جقدر .

قره آلتنجي ماده

قائم مقام قضانك معيتمده مسلم وغيرمسلم اوچ نفر اداره مجلسي اعضاسي اولوب بونلر بشنجي باده بيان اولونان قاعديه تطبيقاً انتخاب اولنه جقدر .

الي برنجي ماده

هر رأس قضاده بر مجلس دعاوي اولوب اشبو مجلس حاكم قضانك رياستي تحتنده اولمق اوزره ميمز ناميله مسلم وغير مسلم اوچ اعضادن مركب اوله جقدر وبونلر بشنجي باده مسطور اولان نظامه تطبيقاً انتخاب اولونه جقدر در .

الي درنجي ماده

هر قريده هر صنف اهالي ايچون بشنجي باده بيان اولونان اصوله توفيقاً كنديلرينك انتخابيله ايكي شمر مختار اوله جقدر فقط بر قريده بر صنف اهالي يكرمي خانه دن دون ايسه اول صنفك يالكوز برنقر مختاري اوله جقدر .

آلتمه یزنجی ماده

ایکی سنه ده بر کره قضاده قائم مقام و حاکم و مفتی و اهالی غیر مسلمنه ک هر صنفک رئیس روحانیلری و قضا کاتبلرندن مرکب بر جمعیت تفریق یاپیلوب اشبو جمعیتده کرک رأس قضا اهاالینندن اولسون و کرک قراده متمکن بولونسون سنوی لاقل یوز الی غروش و برکو و یرن تبعه دولت علیه دن و اوتوز یاشنی متجاوز کیمسه لردن اولمق و ممکن مرتبه اوقور یازار اولانلر ترجیح قلمق اوزره اولا اعضا لاق ایچون انتخاب اولونه جق کسان عددینک اوچ مثلنه مساوی اوله رق نصفی مسلم و نصفی غیر مسلم اولمق و غیر مسلم صنفی دخی اول قضاده بولونان غیر مسلم متنوع ایسه آنلرک صنفلری بیننده تقسیم قلمق اوزره ایلک سنه ده طقوز و صکره لرنده بشر کیمسه و ثانیاً مجلس دعاوی ایچون انتخاب اولونه جق کسان عددینک اوچ مثلنه مساوی اوله رق نصفی مسلم و نصفی غیر مسلم اولمق و غیر مسلم صنفی دخی اول قضاده بولونان غیر مسلم متنوع ایسه آنلرک صنفلری بیننده تقسیم قلمق اوزره ایلک سنه ده طقوز و صکره لرنده بشر کیمسه تفریق اولونه جقدر .

آلتمه سکنجی ماده

بند سابقده تعیین اولونان صورتلرله تفریق اولونه جق کیمسه لرک اسامیسی نمونه سنه تطبیقاً یاپیله جق ورقه مطبوعه بالاسنه تحریر و ذیلنده محرر علم و خبر عباره سی زیری قضا مهریله تمهیر اولونه رق هر برقریه ارسال اولونه جقدر . اشبو ورقه قریه کلد کده اختیار مجلسلرینک اجتماعیه یاپیله جق عموم مجلسنده قرائت اولنه رق قضاده تفریق اولان ذواتدن اعضا ویا ممیز اوله جقلرک عددلرینک ایکی مثلنه مساوی کیمسه لری یعنی بو وجهله تفریق اولنوب انتخابه عرض اولان طقوز آدمک ایچندن آلی نفری بالتمیز علم و خبر ذیلنه بعدالت تحریر زرده اولان عباره یی تمهیر ایله قضایه کوندره جکاردر .

تمشجی ماده

قرانک انتخاب ورقه لری قضایه کلد کده تفریق جمعیتنده بولنش اولان ذوات اجتماع ایله حاضر اولدقلری حالده قضا کاتبی معرفتیه قرانک انتخاب ورقه لری رؤیت اولنه رق مقدم تفریق اولنش اولان اعضانک هر صنفندن آرای قراده

اقلیتده بولنش اولان برثلئ چیقاریله رق بوحالده اکثریتی جامع اولان باقیسی حکومتک انتخاب ایده جکی کیمسه لرك ایکی مثلنه مساوی اوله جنی جهتله بونلر ایچون بر مضبطه یاپیله رق متصرف لوایه کوندریله جکدر وهر قزیه بر رأی اعتبار اولنوب اك زیاده قرا قزانش اولان اکثریت قزانش اولور .

تیمسه برنجی ماده

قضالرك انتخابی لوایه واصل اولدقده متصرف لوا قضانك انتخاب ایتمش اولدیغی کیمسه لرك ایچندن مناسب کوردکلرینی مجلس اداره اعضالغنه و مجلس دعاوی میز لکنه تعیین ایدر . اشیو انتخاب و تعیین ماده سنده متصرفك اداره لوا مجلسنه مراجعت ایتسی رأینه محولدر .

تیمسه ارمنی ماده

هرلواده متصرف ولوا حاکمی و محاسبه جی و رأس لوا اولان شهرده بولنان مفتی و صنوف غیر مسلمنه ك رؤسای روحانیله ری و تحریرات کاتبندن مرکب بر جمعیت تفریق یاپیلوب لواده ایکی مسلم وایکی غیر مسلمدن تعیین اولنه جق درت کیمسه نك صنفنه کوره اوچر مثلی اولمق اوزره كرك رأس لودن و كرك ملحق قضالر اهالیسندن اولسون اون ایکی کشی تفریق اولنوب و تمیز حقوق مجلسی ایچون دخی ینه بوقاعده یه تطبیق ایله تنسیب اولنه جق ذاتلر آریلوب قضا انتخابنده اتخاذ اولنان اصوله تطبیقاً مطبوع ورقه ایله قضالره کوندریله رك هر قضانك مجلس اداره سیله مجلس دعاویسی بالاجتماع بونلردن لواده اعضا و ممیز اوله جقلرك عددلری ایکی مثلنه مساوی ذواتك انتخابی ایله انتخاب ورقه سنك ذیلنه تحریر و جمله طرفندن تمهیر ایله لوایه کوندریله جکدر .

تیمسه درویشی ماده

قضانك انتخاب ورقه لری رأس لوایه کلدکده تفریق جمعیتده بولنش اولان ذوات اجتماع ایله حاضر اولدقلری حالده تحریرات کاتبی معرفتیه قضالرك انتخاب ورقه لری رؤیت اولنه رق مقدم تفریق اولنش اولان اعضانك هر صنفندن آرای قضاده اقلیتده بولنش اولان برثلئ چیقاریله رق بوحالده اکثریتی جامع اولان ماباقیسی حکومتک انتخاب ایده جکی کیمسه لرك ایکی مثلنه مساوی اوله جنی جهتله

بونلر ایچون بر مضبطه یاپیله رق والی یه کوندریله جکدر . هر قضا بر رأی اعتبار اولنوب اك زیاده قضا رأی قزائمش اولان اکثریت قزائمش اولور .

بسمه بنجی ماده

قضائرك انتخابی لوان مرکز ولایت واصل اولدقده والی اشبو انتخاب اولنان کیمسه لرك ایچندن مناسب کوردکلرینی اعضاالق و مجلس تمیز تمیز لکنه تعیین ایدر اشبو انتخاب و تعیین ماده سنده والینک مجلس اداره مرکزیه به مراجعت ایتمی رأینه محولدر .

بسمه برنجی ماده

مرکز ولایتده مجلس اداره نك اعضای طبعیه سی اولان مفتش حکام و دفتردار و مکتوبچی و مجلس حقوق و جنایتده بولنان دعاوی مأموری و مرکز ولایتده بولنان مفتی و حاکم و ملل غیر مسلمه رؤسای روحانیه لری والینک ریاستی تحتند اوله رق بر مجلس تفریق تشکیلیله اوراده کرک مرکز ولایت و مرکز لوا اولان شهرلر و کرک رأس لوا اولان قصبه لر اهالی سندن اولوب تبعه دولت علیه دن و سنوی لاقل بشیوز غروش طوغریدن طوغری به دولته ویرکو ویرن و ولایتجه ارباب تمیز و اعتباردن اولان او قور و بازار کیمسه لردن ینه اعضا و ممیزلرک عددلرینک اوچ مثلنه مساوی اوله رق ذاتلر انتخاب ایله رأس لوالره ارسال اولنوب لوا و قضا اعضا و ممیزلرینک اصول انتخابلرینه تطبیقاً لوالرده تفریق اوله جق ذاتلرک مضبطه لری مرکز ولایت و رودنده والی طرفندن نسبت مقررده سنه تطبیقاً انتخاب اوله جق ذاتلرک اسامی سی باب عالی به عرض وانها ایله بونلرک مأموریتلری مقام صدارتدن یازیله جق تحریرات ایله تصدیق قلنه جقدر .

صوک





فهرست

صحیفه	
۳	مقدمه مترجم
۵	مقدمه مؤلف

برنجی قسم

۱۸۲۶ — ۱۸۵۳

برنجی باب

۱۱ یکچیرلرک المحاسی .

ایکنجی باب

۱۶ یکچیرلرک اسباب محوی . — ایلک اصلاحات عسکریه و اداره تشبثاتی . — سلطان محمودک معاملات کیفیه سی، مجدد صفتیله کفایتسز لکی . — اهلینک یأس و فتوری .

اوچنجی باب

۲۳ یونان عصبیاتی و روس محاربه سی متعاقب ترکیانک احوال و خیمه سی . — سلطان محمودک عجزی و توجه عامه بی غائب ایتسی .

دردنجی باب

۲۸ تدابیر اقتصادیه . — حکومتک انحصارلری . — اردونک حال پرمالی . — مصر والیسی محمد علی پاشانک عصبیاتی . — ترکیانک بسبتون فوتدن دوشمی . — استبداد اداره نک تخفیف ایتسی .

بشنجی باب

۳۲ رشید پاشانک امور دولته اشتراکی . — سوء استعمالات اداره به قارشی اتخاذ ایتدیکی تدابیر . — تصوراتی . — تجارت معاهده نامه لری . . . الخ . — سلطان محمودک وفاتی . — مشارالیهک اجرا آتی .

آلتنجی باب

۳۸ سلطان عبدالمجیدک جلوسی . — کاغذانه خط هایونی . — خط مذکورک احکام اساسیه سی .

يدنجي باب

- ۴۲ کلخانه خطنک تطبيقی ایچون اتخاژ اولنان ایلک ندایر . - مجلس احکام عدلیه . -
ویر کولر . - جزا قانوننامه سی . - بانکھ ... الخ .

سکزننجی باب

- ۴۶ رشید پاشانک انظار خلقدہ توجہدن سقوطی . - مصر امورینہ اوروپا مداخلہ سنک
اصلاحات اوزرندہ حاصل ایتدیکی تأثیرات . - اصلاحاتپورور ناظرک عزل .

طقوزنجی باب

- ۴۹ علام ارتجاع . - اسکی اصول مالیه به عودت .

اوننجی باب

- ۵۳ رعایانک احوال و شرائط حیاتیہ سی . - (۱) ارمنیلر ایلہ آسیا ایالتلرنده متمکن
یش قتولیک ملتی . - (۲) مارونیلر وجبل لبنان مسئلہ سی . - (۳) پروستانلر
ترکیادہ ایلک پروستان مؤسسہ لری . - (۴) روم اورتودوقسلری وتبدیل تابعیت
مسئلہ سی .

اون برنجی باب

- ۶۶ رضا پاشا هیئت وکلاسی . - احوال مملکتندہ سکونت . - کلخانه خط هایونک
تأییدی .

اون ایکنجی باب

- ۶۹ تشکیلات عسکریه . - مالیه .

اون اوچنجی باب

- ۷۲ سلطان عبدالمجیدک افکار احرارانه سی . - ولایاتدن درسعادته هیئت مبعوثہ ورودی . -
معارف عمومیہ . - تنظیماتک بتون ولایتلرده تطبیق .

اون دردنجی باب

- ۷۵ رضا پاشانک انفصالی ورشید پاشانک تعینی . - اصلاحات فرقه سنک غلبہ سی . -
رضا پاشانک اصلاحات طرفداری هیئت وکلایه دخولی . - مکتبلر . - اردو . -
محا کم مخلصہ . - اسپر تجارتک منعی . - مساعدات مذهبیہ .

اون بشنجی

- ۸۱ ارتجاع تشبثاتی . - رشید پاشانک انفصالی وتکرار تعینی . - ایکنجی دفعہ اولہ رق
رضا پاشا ایلہ برلکده هیئت وکلادہ بولمنی . - ۱۸۴۸ انقلابنک ترکیادہ تأثیراتی .

اون آلتنجی باب

- ۸۴ تجهیزات عسکریه . - بوسنه احوالی . - (۱) قوای عسکر به نک تزیدی . -
(۲) بوسنه وهرسکده اصلاحات .

حقيقه

اون يدنجى باب

٨٨ ١٨٤٨ و ١٨٤٩ و قايعدن صكره سكونت افكار . - رضا پاشانك انفصالى . -
مقامات مقدسه مسئلهسى .

اون سكرنجى باب

٩٢ رشيد پاشانك ضعفى ، انفصالى ويكيدن تعميني . - امور ماليهده انتظامسراق . -
عبدالمجيد خانك توجه عامهينى غائب ايتنى . - متعصب قرقهك آمال واميدى .

اون طقوزنجى باب

٩٣ رشيد پاشانك سقوطى . - اداره ولايانده اصلاحات . - پرنس منچوقوفك سفارت
فوق الامادهسى .

يكر منجى باب

١٠٢ خلاصه و نتيجه .

ايكنجى قسم

١٨٥٤ - ١٨٦٧

برنجى باب

١٠٥ قريم محاربهسى ائساننده تركيا . - دولت عثمانيهك تشكيلات عسكريهسى .

ايكنجى باب

١١١ ١٨٥٦ . پارس معاهده نامه سنك مقدماى . - رعايانك احوالنه متعلق دردنچى مادهك
مذاكرات اوليهسى . - خراجك الفاسى و خرستيانلرك اردويه قبولى .

اوچنجى باب

١١٥ مقدمات مسلحيهك دردنچى مادهسى مذاكراتك مابعدى . - حریت وجدان .

دردنجى باب

١١٩ ايكنجى و اوچنجى بابلرك مابعدى . - جماعات غير مسلمهك امتيازات قديمهسى . -
تيدلات مقتضيه . - باب على ايله دول متفق آرسنده قرارلشديريلان اصلاحات
اداره پروغرامى .

بشنجى باب

١٢٣ ١٨ شباط ١٨٥٦ تاريخلى خط هايونك نشرى . - احكام اساسيهسى . - رعايا
وبالخاصه روم هيئت رهبانى آرسنده خط هايون احكامنه قارشى مقاومت .

آلتنجى باب

١٢٦ خط هايونك پارس معاهده نامه سننده ذكر ايدلمهسى مسئله سنك باعث اولدينى
مشكلات . - رعايانك عسكره آلتنى مسئلهسى .

یَدِنجی باب

۱۳۰ جماعت غیر مسلمہ امتیازاتک تعدیل اسبابی تہیہ ایدہ جک تدایر . - اور تودوقس ہیئت رهبانک مقاومت شدیده سی . - روم ، ارمنی و موسوی جماعتلرینک نظامات اساسیه سی .

سکزنجی باب

۱۳۵ اغتشاشات داخلیه . - بغداد ، قره طاغ ، هرسک ، سوریه اموریہ اوروپانک مداخله سی . - اہالینک حدی . - انقلاب تشبثاتی .

طقوزنجی باب

۱۴۱ دول معاہدہ نک شکایات و مراجعات مشترک سی . - روسیہ نک بلغارستان ، بوسنہ و ہرسکدہ بین الملل تحقیقات اجرایی حقندہ کی تکلیف . - صدر اعظمک ولایات مذکورہ بہ عزیمتی .

اونجی باب

۱۴۴ بحران مالی . - حکومت عثمانیہ طرفندن قبول ایدیلن چارہ لر . - انکلتراہ حکومتک تکلیف ابتدکی تدایر متممہ . - مجلس مالیہ نک تشکیلی .

اون برنجی باب

۱۴۸ صدراعظم تحقیقاتک انقطاعی . - روسیہ نک بین الملل تحقیقات اجرایی متضمن پروژہ سنی تأکید ایتی . - انکلتراہ طرفندن روسلرک پروژہ سنہ مقابل تنظیم اولنان پروژہ ایلہ اصلاحات ادارہ پلانی .

اون ایکنجی باب

۱۵۴ لبنان تشکیلاتنہ متعلق نظامات .

اون اوچنجی باب

۱۵۷ شرق اور تودوقس کلیسا سندنہ اختلاف . - بلغارلر روم ہیئت رهبانی بیوندروغندن کندیلرینی قورتارمغہ چالیشورلر . - بلغارلرک قبیلاً قتولیک مذہبی قبولری . - بو بحران اثناسندنہ فرانسه ، روسیہ ایلہ حکومت عثمانیہ نک مسلکری .

اون دردنجی باب

۱۵۴ اوروپانک امر اصلاحاتہ تدریجاً دہا زیادہ مداخله سی . - سلطان عبدالمجیدک وفاتی . - ہرسک عصیانی . - بو ولایت خرسٹیانلرینک احوالی .

اون ہشنجی باب

۱۶۹ ایلک ولایات قانونی .

اون آلتنجی باب

۱۷۳ عالی وفوآد پاشارک پادشاہک تمایلات ترقی شکنانہ سنہ غلبہ ایتلری . - مطلقیت ادارہ علمنہ جریان افکار . - کنج ترکیا .

حقیقه

اون یدنجی باب

۱۸۸۱. تدابیر اقتصادی . - حقوق تصرفیه ده تعدیلات .

اون سکنزنجی باب

۱۸۸۱ اجانبك ممالك عثمانیه ده املاك صاتون آللری حق .

اون طقوزنجی باب

۱۸۵۰ باشلیجه دولترك اصلاحات حقنده کی نقطه نظرلری . - فرانسه و روسیه حکومتلرینک تکلیفلری .

یکرمنجی باب

۱۹۲۰ روسیه نك اصلاحات حقنده کی تکلیفك تاریخ نقطه نظرندن تدقیق .

یکرمی برنجی باب

۱۹۶۰ روسیه نك اصلاحات حقنده کی تکلیفنه واقع اولان اعتراضات .

یکرمی ایکسنجی

۱۹۹۰ کرید آطه سی نظامنامه اساسی . - سافزده اصلاحات .

یکرمی اوچنجی باب

۲۰۳۰ انکلتزه فرانسه ، روسیه و دولت عثمانیه طرفندن ۱۸۶۷ سنه سنده اجرا ایدیلن تحقیقاته نظراً تنظیماتک ادوار مختلفه سی حقنده تدقیقات .

یکرمی دردنجی باب

۳۱۶ خلاصه و نتیجه .

اوچنجی قسم

۱۸۶۸ — ۱۸۸۲

برنجی باب

۲۱۹۰ تنظیماتده فرانسز نفوذینک جاری اولدینی زمان . - عالی وفؤاد پاشالریله متجانس بر هیئت وکلا تشکیل . - فرانسه نك اصلاحات پروغرامی .

ایکسنجی باب

۲۱۴۰ معارف عمومییه تشکیلاتی . - مکتب سلطانی .

اوچنجی باب

۲۳۲۰ شورای دولت و دیوان احکام عدلیه نك تأسیسی .

دردنجی باب

۲۴۱۰ سلطان عبدالعزیزک سیاست احرارانه سی . - فؤاد پاشانک وفاتی .

بشنجی باب

۲۴۵۰ تشکیلات عسکریه . - شمندوفرلر .

آلتنجی باب

۲۵۳ دولت عثمانیه نك احوال اقتصادیه سی . - وركورك صورت تحصیل وجباتی ، امور مالیه نك طرز اداره سی .

یدنجی باب

۲۶۳ جماعات غیر مسلمه نك احوالی . - ارمنی قتولیکلر . - ارمنیلر . - ملکیترلر ومارونیلر . - لبنان . - اورتودوکسلر ، بلغار اکسارخلنی . - پروستانلر .

سکزنجی باب

۲۸۸ فرانسه و مداخله اجنبیه علیه جریان افکار . - مختاریت و مرکزیت پولتیقه سی .

طقوزنجی باب

۲۹۹ سکزنجی بابک مابعدی . - قایتولاسیونلر و تبدیل تابعیت مسئله سی .

اوننجی باب

۳۰۵ سکزنجی و طقوزنجی بابلرک مابعدی . - مکتب سلطانی . - عالی پاشانک وفاق . - محمود پاشانک ریاستی آلتنده تشکل ایدن اوروپا علیهداری هیئت وکلا .

اون برنجی باب

۳۱۰ سکزنجی ، طقوزنجی و اوننجی بابلرک مابعدی . - روسیه و انکلتزه ، باب عالینک مختاریت پولتیقه سی . - اتحاد اسلام .

اون ایکنجی باب

۲۱۴ محمود و مدحت پاشالار آرمسندگی رقابت . - حکومتنک قرارسزلی . - قانون مدنی . اوقافک فروختی .

اون اوچنجی باب

۳۲۱ بلغارستان احوالی .

اون دردنجی باب

۳۲۸ هر سك عصیان . - ۱۸۷۵ فرمان مابونی .

اون بشتنجی باب

۳۳۴ اوروپانک مداخله سی . - اوچ دولت معظمه طرفندن تکلیف ایدیلن اصلاحات . - مسلمان حریتپرور فرقه سنک بیاننامه سی .

اون آلتنجی باب

۳۴۱ برلین مه موراندومی . - بلغارستان قتالری . - عبدالعزیزک خللی . - قانون اساسی پروژه لری . - صربستان و قره طاغ محاربه سی . - سلطان مرادک خللی . - عبدالحمیدک جلوسی .

اون یدنجی باب

۲۴۸ قانون اساسی عثمانی .

اون سکنزنجی باب

۳۵۷ ۱۸۷۶ درسمادت و ۱۸۷۷ لوندرد قونفرانسلی .

اون طقوزنجی باب

۳۶۳ ۱۸۷۷ محاریه سی اناسنده ترکیا .

یکرمی یی

۳۶۹ آتستانوس و برلین معاهده نامه لری .

یکرمی برنجی باب

۲۷۶ شرق روم ایایک تشکیلاتی . - کرید نظامنامه اساسینک تعدیل .

یکرمی ایکنجی باب

۳۸۳ ارمنیلرک سا کن اولدقلری ولایات احوالی و تشکیلاتی . - انکلتره نك شرق سیاست جدیده سی . - ترکیانك ۱۸۸۰ سنه سنده کی احوالی حقنده انکلز افکار عمومیه سی

یکرمی اوچنجی باب

۳۹۸ اصلاحات عدلیه . - تنظیم قوانین .

یکرمی دردنجی باب

۴۰۳ اسالور ایله روملر آره سنده ضدیت . - آرنارودلقده اصلاحات .

یکرمی بشنجی باب

۴۱۵ اورویای عثمانی ولایاتک تشکیلات عمومیه سی پروژه سی . - آرنارودلقک تشکیلات خصوصیه سی پروژه سی .

یکرمی آلتنجی باب


۴۲۱ امور مالی و نافه . - استبداد اداره .


۴۲۸ خلاصه عمومیه . - نتیجه . - خاتمه .

۴۷۶ ذیل . - کلخانه خطی . - اصلاحات فرمانی . - ولایات قانونی .

۴۹۰ فهرست .







3 1761 06981597 5

